

四庫全書存目叢書編纂委員會編

齊魯書社


四庫全書存目叢書

集部
第三七冊



責任編輯：孫言誠 賀 偉

ISBN 7-5333-0615-5



9 787533 306151 >

EB47/11

四庫全書存目叢書·集部三七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 38.375 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第三七冊目次

集部·別集類

禮庭吟三卷

〔明〕孔承慶撰
北京大學圖書館藏明景泰六年刻本

一

石田先生詩鈔八卷文鈔一卷附事略一卷

〔明〕沈周撰 事略 〔清〕錢謙益撰
東北師範大學圖書館藏明崇禎十七年瞿式耜刻本

二七

桂坡集後集九卷

〔明〕左贊撰
常熟市博物館藏明刻本

一六七

徐康懿公餘力稿十二卷(存三卷)

〔明〕徐貫撰
北京圖書館藏明徐健刻本

二一七

定菴集五卷附榮壽錄一卷

〔明〕張悅撰
上海圖書館藏明弘治十七年劉琬刻本

二五九

巽川祁先生文集十六卷附錄二卷

〔明〕祁順撰
東北師範大學圖書館藏清康熙二年在茲堂刻本

四〇二

禮庭吟三卷

〔明〕孔承慶撰

北京大學圖書館藏明景泰六年刻本

附《四庫全書總目·禮庭吟二

卷》提要

禮庭吟藁序

禮庭吟藁者

宣聖六十世嫡孫承慶之所作也承慶用其父今襲封衍聖公朝紳之命從三氏學錄堯夫孔先生學其所作詩命題立意率多桃李穠華風雲月露之形語涉齋課先生蓋所以試其才之豐嗇而不暇較其命題之可否也觀其五七言律五七言絕及長短之句清新而不腐深沉而有思使由此而進進不已何患不能造詩人之地而追古之作者哉惜其天不假年壽三十一

而卒也幸其有子二人長弘緒
今甫七歲次弘泰今甫五歲皆
聰穎秀發岐嶷不群知其後必
有立也大宗嫡派克振斯文之
宗者將不於是望尚奚望焉弘
緒之外祖今順天府尹惟善王
公憐承慶早世取其遺藁擇言

序

之精者得百六十五首命工壽
梓俾余序以引其端然是舉也
非在於傳播四方嘉惠後學蓋
欲存其父之手澤以為弘緒兄
弟傳家之儀範爾雖然余請以
素所聞者為弘緒昆仲告焉大
拉詩發乎情止乎禮義古之人

於吟詠必皆本乎性情出乎肺
腑故其形之於辭不求其工而
自然天真呈露意趣深到鉅千
載而下猶能使人感發興起後
世之為詩率多雕鏤藻繪以求
其華刮磨澀滌以求其清粉飾
塗抹以求其麗激昂奮厲以求
其雄由是失於詩人之意而有
愧於古作者多矣若此藁者得
魯東山水之勝有園池魚鳥之
樂觸物興懷發而為詩其格律
其音調殆有出於性情之正而
非藻繪塗抹者之比矣弘緒昆
仲寶而藏之誦而效之能不背

其所趨庶幾得唐人遺意而追古作矣余亦有志於詩今年逾耳順尚未能得其指歸雋味古作不能不為之一慨也重惟善之命遂不辭而書之如右以為弘緒昆仲長孫之有志乎詩者尚亦有徵於斯焉

景泰三年春二月之吉

賜進士出身議大夫太常寺卿前翰林脩撰同脩

國史同郡許彬道中書

許彬



禮庭吟稟序

為學之功莫切於趨善背惡而趨背之由實始於感發懲創故夫子嘗以興觀群怨事父事君多識者告夫小子而不可不學夫詩也在他人猶不可不學況為孔氏後人哉禮庭吟稿一帙皆五七言律絕共百六十首今韻封衍聖公弘緒之父承慶所作也太常卿東魯許公稱其清新而不腐深沉而有思蓋多出於情性之作亦不易得者矣非常事於興觀群怨而有得於古詩人之遺意者乎非克守乎先聖之教而有得於家世之傳者乎承慶其誠無忝於為孔氏之孫矣

善人之詩苟有一聯一句之善世必傳誦遠永而不忘况承慶之善者又豈止於一耶苟有其善雖出於里巷之士之所作世猶愛而重之况今出於孔氏後人其為世之重愛當為何如夫以世之愛重如是在弘緒弘泰昆季固宜朝吟而夕咏念茲而在茲庶幾深有見於其父之所作皆本於事父事君而不愧乎大博物洽聞而不遺乎微者而致數有見於是則其昆季能不相警發乎能相警發則必思益有以光榮其父者容自己乎夫然則知承慶雖沒而有不沒者矣身雖不得其壽而詩則得壽於世矣

天順元年歲次丁丑二月既望朝列大夫國子祭酒長洲劉鉉書

禮庭吟稿卷之一

宣聖六十世嫡孫承慶著

五言律詩

短檠夜誦

輕煖復輕寒
晴窓興不闌
檠高二尺許
書誦五更殘
豈假燃藜照
何如映雪看
聖賢常在目
名利自無干

芹宮聽雨

萬籟沉沉夜
空齋聽雨時
芭蕉聲不歇
鍾

八吟集卷一

鼓漏何遲爽
氣琴書潤新涼
枕簟宜書窓
無限思剪燭一題詩

山居夏日

幽居絕塵鞅
嘉樹綠陰稠
暑退連朝雨
涼生六月秋
開窓青嶂合
繞屋碧雲浮
自有閒中趣
何心利祿謀

訪隱者不遇

習隱衡茅久
閒來話宿心
鳥啼清院靜
花落白雲深
犬吠門無客
塵蒙壁有琴
高人

何處去無路可追尋

南畝春耕

邠風初舉趾
于耜向春田
雨足驅黃犢
犁深起綠煙
膏腴非舊日
豐稔勝常年
擬待西成後
高歌擊壤篇

中秋賞月

三五良宵至
南樓月正明
臨空千里共
玉宇十分清
劇飲傾杯醉
高談更適情
嫦娥重見約
折桂待誰爭

八吟集卷一

枕霞簌錦

名園佳麗地
春到自繁華
五色晴鋪錦
千枝暖帶霞
劉郎前度樹
潘岳舊時花
誰為東皇語
休教集亂鴉

麥浪擁翠

萬頃連雲動
遙看翠欲橫
陂田綠似海
陂田綠似海
釣失汀洲賦
秋微應足度
平地起誰敢
行

月夜聞砧

窮愁正無賴何處又秋砧搗練聲偏急征
人恨獨添驚回孤館夢喚起故鄉心月下
聽來久淒然思不禁

梅窓雪夜

疑是水晶室夜中無限情六花枝上發萬
玉雪中清何遜詩能健索安夢不成書餘
渾不寐撫景到三更

金山寺

人間第一寺千古獨垂名地僻塵紛遠山
高水氣清天光沉鏡影鍾響雜潮聲此日
重遊覽端能慰夙情

春園花鳥

名園花盛發景物自堪怡燕嘴沾紅雨鶯
梭織翠絲惜時常起早遊處每歸遲秀色
催新興揮毫一賦詩

苔磯釣月

怪石溪邊立何人此放船釣穿波底月
得水中鮮雲去根常在潮春窟自穿黃昏

不歸去苔上帶篆眠

遠浦晴煙

遠浦朝晴後濛濛蘆素烟輕籠是日柳暗
失水中船淡似遠山色濃遮却莫天黃昏
何所有漁火對愁眠

久雨

無奈連朝雨庭前水自流閉門如坐井展
席似乘舟石燕飛尤急商羊舞不休金烏
何日出一解萬民憂

題後赤壁圖

坡老重遊處中流路不通山高孤月白木
落半江空放浪形骸外蜉蝣天地中醉眠
舟穩繫鶴夢到江東

江樓晴望

高樓凝望處千里入雙眸棹艤黃蘆渡沙
明白鷺洲長江天塹晚斜日海門秋好景
真如畫何妨爛醉謳

擊蛇笏

何家何所有，惜第至今存。不假朱雲劍，

藏白帝竟，奸邪皆遠避。魑魅自驚奔，

剛風在，須看漬血痕。

石筍

崢嶸岩畔出，遙望香難分。高車空中筆，

穿洞底雲，靈根知遠近。秀色自朝曠，欲

臨觀興，題詩剔辭痕。

凍雲釀雪

匝地同雲布，漫漫雪滿天。饑鴉棲落木，

冷香卷一五

崔嵬荒田山，賸樵迷徑江。寒釣泊船，

瓊帳底，痛飲醉陶然。

垂婦

南陌東興日，誰家少婦忙。懿筐常在手，

髻不成粧。已足三眠食，猶餘萬樹桑。長年

供女職，未試綺羅裳。

秋日山行

木落秋山淨，莓苔印履痕。纔臨流水，

迴白雲村。怪石疑蹲虎，疎枝允掛猿。行行

無限思，都已入吟蒐。

芹宮曉起

曉起芹宮望，遙天不可攀。殘星點，沒落

月一鉤。彎鐘響，來禪刹。船聲出戍，關聲

名利客，肯放此生閒。

東山晴望

東山初雨霽，登眺意如何。亂塚荒，周甸流

漸滿。泗河饑，鳥飛曠野。落日下平坡，興盡

歸來晚。柴門月色多。

卷二

迎春

東皇初秉令，萬物發輝光。柳眼青於染，梅

腮白似粧。氣催鶯出谷，凍解鯉跳塘。漸入

繁華景，熙熙遍八荒。

春色

春意平分後，風和畫景長。野花紅，勝錦岬

柳綠，於蒙草色連天色。山光接水光，無邊

明媚景，都可入詩囊。

山寺晚鐘

百鳥棲初定蒲半送晚音韻過青嶂遠聲
出白雲深度水僧敲戶穿雲月照林欲投
聽梵唄路暗不堪尋

賞花

名苑花爭放于時二月天三分春有限滿
酌酒如泉帶日睡初熟臨風歎自媽賞心
應未已爛醉海棠邊

題坡山書舍

結屋坡山下詩書事討論推窓觀月窟寬
理析天根高興琴三弄清風酒一樽幽人
今不在猿鶴自黃昏

送高憲副之任

拜命辭金闕揚帆上錦城巴山迷鳥道
巫峽聽猿聲樽酒洗離思詩篇慰別情
臺須視篆攬轡一澄清

賀祖母壽

婺女星垂曜高堂喜氣新蟠桃重結實蟻
酒慶長春龜鶴同千歲春秋過七旬顏如

山阜久薌水樂天真

送春

風光三月暮撫景轉堪悲南浦開樽處東
皇命駕時落花紅不語垂柳綠盈枝今日
相違後相逢又一暮

惜花

花落三春暮臨風獨愴然苔遮猶可拾泥
污更堪憐片片隨溪水紛紛觸酒筵紅顏
為白髮容易換流年

懷友

故人今入夢月色滿空梁疎信因無鴈思
君欲斷腸音容長阻絕雲樹杳蒼茫相望
不相見憂來兩鬢霜

落葉

搖落經霜葉曾聞出玉溝堆堦紅可愛填
井恨無休不忿呼童掃從教動客愁撫時
傷宋玉感慨賦悲秋

題畫山水

妙得丹青訣揮毫寫翠峰水邊幾片石
畔數株松疊嶂遠還近輕烟淡復濃披圖
翫蓬島無計得從容

贈醫

肘後青囊錄家傳自昔聞燒丹存宿火採
藥入深雲董奉心無愧華佗技不群活人
陰德厚千載播清芬

題踏雪探梅圖

遠踏瓊瑤去尋梅晚未旋騎馭佐皓首得

金華集卷一

九

句簪吟肩不是林和靖多應孟浩然歸來
迷舊路雪壓帽簷偏

人日晴

新春纔七日此日喜天晴岸柳舒青眼江
梅綻玉英河山增秀麗景物便鮮明人事
應無恙揮毫記此情

端午南庄宴集

今日逢佳節高亭景物清群山當戶映一
水漲池平出檻荷盤重迎風柳帶輕紅塵

飛不到無事樂昇平

送孔公大詔祖歸平陽

發軔來三晉歸鞍出魯城還將歡會意散
作別離情邈沙尋源委披圖記姓名明朝
何處宿兩地豈勝情

讀忠臣卷

志節秋霜肅肝腸鉄石堅擎天心未展填
海恨難捐許遠情何極張巡義可憐凜然
生氣在千載照遺編

金華集卷一

十

孟母祠

懿德今何在荒祠夕照前斷機成子學逐
婦究誰愆花庭疑金珮風前憶翠輶有兒
称亞聖多只為三遷

讀書經有感

經藏宣聖壁道載帝王心一敬成終始
三謨貫古今伏生傳授切安國訂訛深吾
祖親刪後誰能剔蠹蟬

望黃鶴樓

夏口通江岸高城百尺樓幾年聞勝槩何
日遂追遊雲鎖漢陽樹草深鸚鵡洲鶴歸
人已遠極目思悠悠

草廬三顧圖

南陽龍卧穩在駕到茅廬社稷安危計君
臣際會初中原思再振王業不偏居賈志
身先死令人泪滿裾

經廢宅有感

廢宅無人住空餘舊址存簷花風自落庭

八吟集卷一 十一

樹鳥爭喧牢落悲前事荒涼問故園不堪
回首處腸斷又黃昏

題少昊墓

人去已千載空餘土一抔荆榛沒翁仲風
雨撼松楸字滅碑難讀河填水不流年年
鄉父老依舊祀崇丘

登舞雩臺

春服初成候同行沂水隈欲求曾點志先
上舞雩臺仰止懷先達遊歌啓後來鄉民

瞻望康衢冠幾人回

秋江獨釣

浪靜江風歇漁翁泊釣舟一簑烟雨暮兩
岸蓼蘋秋世事渾難繫生涯不易求得魚
無賣處沽酒對沙鷗

聽松軒

老將何多趣環軒植萬松風前鳴鉄騎月
下吼蒼龍勢挾南山雨聲隨北寺鍾不堪
春夏聽况復是秋冬

八吟集卷一 十二

林泉避暑

林泉無暑氣獨坐納微涼綠樹清陰徧玄
蟬好韻長披襟開羽扇展席泛霞觴瀟瀟
情無已歸來又夕陽

江村暮景

落日鴉投樹江涵鴈影秋孤舟橫野渡振
鷺落汀洲漁網家家晒菰蒲處處收吾家
歲斗酒有婦不須謀

東籬賞菊

共賞東籬下黃花晚節香孤高擎曉露特
立傲秋霜豈但簪烏帽何妨醉玉觴因思
彭澤宰相對興偏長

嶧山晴翠

雨過山光好高佐紫氣浮仙人峰頂迥玉
女洞門幽一派泉如瀉千岩翠欲流晝間
常拄笏何日遂登遊

楊花飛雪

不受東君管隨風舞態輕撲簾初似雪入

卷一

七

戶未聞聲棹已王猷興詩牽謝女情暮春
天宇闊來往任縱橫

初夏即事

爽袂薰風至清和日正長枝頭梅欲熟隴
上麥初黃庭樹鶯巢偏芹泥燕嘴香携筐
咲蚕婦終日不成粧

荷亭避暑

盛夏尋佳勝荷亭景最幽風生無酷暑氣
爽似清秋萍翠跳金鯉蓮紅現白鷗逍遙

忘世憲載酒自歌謳

杏壇春意

樹老壇猶在春來趣更深艷葩初暈酒仙
種未成林不有猗蘭操寧知樂道心悠悠
千古意想像欲携琴

楷林秀色

鬱鬱林楷茂葱葱入望多晴光連翠嶺黛
色接銀河休詫無荆棘猶看掛薛蘿不知
高幾許雲外碧差幾

卷一

四

蛛網

屋角雨初晴蜘蛛結網成蜂虫遭竟墜燕
雀見還驚暗用機關巧徒為口腹營不能
羅俊彥空復脹膨脝

蘋洲狎鷺

西雖嘗慣見絕似舊交游機巧應何用江
湖任自由傍人無忌憚逐水自沉浮一段
天然性悠悠不外求

柳岸聞鶯

信馬長堤下新鶯啼
擲為誰忙秦女箏聲滑
羌兒曲韻長柳陰
成靜聽欲去未能忘

秋蟬

滿目荒涼色齊蟬抱葉鳴
吟風聲不斷吸
露志偏清感物時俱變悲
秋恨未平不堪
腸斷處戀戀惜餘情

芹澗鳴琴

香芹滿幽澗流水瀉鳴琴
野趣自多慙真

源聊可尋聽能清俗耳
坐愛滌塵襟一段
可人處蕭然物外心

庾樓醉月

何處尋幽賞南樓景最清
天上一輪滿人
間萬里明劇飲須拚醉高
談轉見情良宵
歡不寐玉兔已西傾

螢窓夜讀

志士負無累遺經徹夜看
枕書非假寐味
道足忘食藜杖光尤燁囊
螢興不闌吾伊

聲未輟玉漏五更殘

茂柳歸鴉

灌木連雲暗群鴉結陣飛
寒風樓未穩明
月照初暝三匝空留恨一
枝寧可依上林
如宵借終不蹈危機

禮庭吟藁卷之二

宣聖六十世嫡孫承慶著

七言律詩

送王理之兄弟還京

喜見君家好弟兄，才華早已振家聲。
三場俱第聯金榜，兩鳳齊飛上玉京。

雲路鵬搏秋已半，禹門龍化浪初平。

清朝接武推橋梓，從此人間仰盛名。

理之振之皆余妻之兄弟也，嘗從嚴翁

吟藁卷二

京兆尹讀書京邸，飲聞庭訓，一旦挾策

秋闈，遂獲蜚聲。場屋聯名，希榜鄉人，榮

之況在區區，喜倍恒情。萬萬也，今會試

上京師，可無言以為贈乎？但病體衰弱，

不能遠送，小詩一律錄奉，左右聊見親

親之意耳。

壽萱堂

鶴髮慈闈壽且康，萱相對百憂忘。一庭

春色朱簾捲，四壁香風白晝長。衣動斑斕

人戲彩，月明樽俎夜，稱觴知君愛日情難
盡，寫入新詩獻北堂。

樂菴

誰築茅菴濟水邊，箇中嘉趣孰能尋。
一庭草色含春雨，四座山光愜素心。
玉塵漫揮亡世慮，瑤琴靜理少知音。
浮雲富貴成何事，陋巷清風說至今。

春日郊行

煖透書幃酒乍醒，尋芳携杖步郊垌。
絃歌

吟藁卷二

聲動青山郭，羅綺香飄綠野亭。
紅染桃腮如簇錦，翠凝山黛似圍屏。
朋儕吟詠歸來晚，月色娟娟已滿庭。

千葉榴花

海榴開徹錦囊空，一段芳姿迥莫同。
不是使通西域外，誰移根到魚城東。
枝籠翡翠千層碧，萼染胭脂萬瓣紅。
醉倚欄干相對處，傾陽葵在小園中。

池亭夜宴

一輪寶鏡出雲靈邀客沁亭夜燕來宿驚
鷺飛衝霧去潛鱗駭躍見萍開氣凌北斗
聞清吹曲送南腔引玉杯爛醉倩人扶不
得蓮花漏盡晚鐘催

哭亡友鄉貢進士許超舉之

鄉闈早歲已高騫何事南宮竟不前會葬
有期來范式脩文無路見顏淵文章虛負
青雲志道路空歌薤露篇竟返九原今已
矣忍將血淚洒新阡

魯王殿下千秋

宮殿嵯峨瑞氣高異香馥馥動金袍九齡
丹悃陳金鑑王母瑤池獻碧桃濟濟衣冠
稱睿筭森森帝勅列旗旄小臣久荷

賢王德樂善東年幸此遭

春寒

二月韶華半過期東君猶自作寒威綠楊
陰裏鶯無語紅杏枝頭蝶不飛公子罷遊
閒綺轂佳人慵綉坐簾幃天時變態雖難

料未必春深尚褐衣

賀林教諭之任

振鐸絳帷向魯東儒冠喜謁素王宮尼防
秀色新增彩洙泗源流舊不窮館下青衿
沾化雨堂中絳帳倚春風他年帝榜登佳
士始信先生造就功

段典史考滿

黃畫花封著德音都緣仁政入民深九年
善最終三考兩字公勤抵萬金魯甸雨晴

人惜別陽關歌竟酒還斟會看彤管書嘉
績自有芳聲播士林

慶父華誕

文星五夜照門閭正是嚴君壽旦初瓊液
稱觴歌管沸斑衣拜慶子孫俱麒麟盛錦
名公爵駟馬屯雲賀客車領袖斯文天默
相流芳萬載史官書

賞牡丹

芳姿只讓百花王錦簇豪華賽洛陽吳苑

西施春正睡唐宮妃子曉初粧薰心欲語
多嬌態入眼含情韻異香勝日笙歌爭玩
賞莫教春去歎懣懣

送孔伴讀謁祖林回汝西

翊導

賢王屬老成文章家世著芳聲魯東派衍千
年系江右人傳三孔名暫向長沙憶素蘊
得瞻林廟遂平生言旌藩國當初夏驛路
清和雨乍晴

四皓

偉矣衣冠隱者傳逍遙物外幾春秋紫芝
翠蕨心常足白石清泉興獨幽鶴髮父因
秦法邀龍顏喜翼漢儲遊一時禮致留侯
力四百餘年社稷謀

遊泉巖寺

乘閑迢遞訪禪林路入烟霞一徑深抱子
野猿攀古木引雛山鳥弄清音紺園幽景
非人世碧澗寒流洗俗心因共老僧談話

久乱蟬夾道日西沉

新秋雨霽

金井梧桐一葉秋碧空雲盡雨初收瀟瀟
琪樹涼颼動耿耿銀河灝氣浮子美思家
常少月仲宣撫景每登樓星移物換光陰
邁燈火相親好進誦

慰人喪妻

鼓盆歌罷泪懸河璧碎珠沉可柰何月夜
誰憐白玉珮風晨不復畫青蛾香窳已逐

梨雲夢人世空傳薤露歌莫歎絕絃難再
續鸞膠且喜近來多

和沂陽別墅韻

買田築室樹成林半掩柴門一徑深黃鳥
歌殘無韻調清泉流出似絃琴鳶飛魚躍
閑中趣雲淡風輕物外心鶴避茶烟人不
到綠陰庭院晝沉沉

春陰

久雨冥冥暗結愁東皇不肯放春遊梅無

驛使開都徧草憶王孫
驛未抽禁苑誰怜
花鑪點上林空負鳥聲幽
金烏何日山頭
出一掃開雲照九州

送樂清孔氏南歸

楊柳風清雨後天
陽關歌罷恨綿綿
千年譜牒雖堪據
五世宗支奈不聯
話別重斟東魯酒
携琴又上浙江舡
遙知後夜相思處
彼月圓兮此月圓

聞鴈

黃葉西風景物幽
嗷嗷鳴鴈早霜秋
一聲嘹唳人欹枕
八字橫斜月滿樓
避弋不棲紅蓼岬
銜蘆直下白蘋洲
喚回行旅關山夢
風雨瀟瀟結暮愁

賀施州判陞知泰安州

重捧

除書出 帝京新遷不似舊時名
輕車熟路行無險
皂蓋朱旛寵倍榮
榮政擬蒲鞭聊示
辱莫嫌竹馬故相迎
他年事紀循良傳好

共龔黃攜酒聲

夜雨

挑盡殘燈夜幾更
忽聞驟雨竹間鳴
雷轟布鼓驚天響
電掣金蛇透牖明
逆旅偏憐鶻客
亭連床誰與論平生
空堦滴瀝渾無寐
又怕愁添枕畔聲

荷亭夜飲

天宇澄澄灝氣清
荷香風送到簷楹
星沉淵底金樛布
月落波心寶鑑明
玉藻獨尋知已道
碧筒還與故人傾
放懷拚却今宵醉
不管更籌報幾更

青山白雲圖

雲護山兮山更幽
山青雲白兩悠悠
崢嶸有色迷林麓
縹緲無心戀石頭
巫峽朝飛疑帶雨
蒼梧晚泊似鷗秋
嗟余慣在江湖上
幾度披圖憶舊遊

遊靈巖寺

上方樓閣倚岩堦
金碧輝煌射斗杓
花露

曉沾岩下袖松風夜撼海東潮疎鍾隱隱
鳴山谷異境迢迢遠市朝乘興登臨渾不
厭塵襟頓向此中消

張翰歸吳

秋風底事官情微便駕扁舟萬里歸蓴菜
調羹思正美鱸魚斫鱠趁初肥功名脫袞
終辭祿世事浮雲早見機榮辱紛紛相倚
伏保身如此世應稀

送人還鄉

一曲驪歌送客歸秋風五兩片帆飛人離
東魯思家切路入南徐見鴈稀玉笋香醪
斟琥珀錦囊佳句燦珠璣到時親友如相
問為道林梢已數圍

題崔僉憲重慶堂

鶴髮雙親更有親一門家慶世誰倫椿萱
飽歷風霜苦霜剛玉偏承雨露頻昔日豈知
今日貴綠衣去去換綉衣新問安侍膳多愉
色總到烏臺別是春

和劉阮遊天台韻

石逕縈迴轉更新溪山深處絕巖塵松根
琥珀千年藥洞古烟霞一夢身綠樹枝頭
猿嘯月碧桃花下鳥啼春行來頓覺仙凡
異雞犬聲中擬兩人

仙子送劉阮出洞

別鶴離鸞恨滿懷分携那得去重來空樹
雲液情何極竟感蛾眉鎖不開洞口桃花
春易老溪邊流水逝難迴閑山迢遞添愁

思回首烟霞鎖綠苔

仙子懷劉阮

相思一度一沾裳天上人間別恨長洞裏
桃花春寂寞溪邊烟草暗纖蘿玉容羞對
菱花鏡羅綺慵熏蘭麝香鬼魅升沉圓復
缺不知何日見仙郎

劉阮再到天台不復見諸仙子

重到天台已失真豈知滄海更揚塵雲間
雞犬成陳迹洞口烟霞匪舊隣瑶草竟迷

前日路桃花不似昔年春徘徊落日風林
響彷彿鳴環是玉人

挽邵慶士

政喜龐公隱鹿門俄驚星隕少微垣丹山
彩鳳方搏翮遼海胎仙已斷魂行徑苔深
迷杖屨吟窓月冷照琴尊忍看旅櫂歸冥
漠草樹西風落日昏

友竹

獨愛此君心最堅繁陰翠護小窓前長愁

李義山詩

上

鄙吝生宵次故伴蕭森謝俗緣醉入湘江
聞夜雨閑過蔣逌拂晴烟自從報得平安
信萬紫千紅不直錢

詠歸亭

謝祖世尹所構詩以呈之

童冠追隨事浴沂東風長詠舞雩歸菱荷
香裏魚頻躍松竹陰中鳥自飛萬理流行
無少息一天化育不停機眼前好景誰能
識只許尊翁健筆揮

娛親堂

堂上慈親鶴髮垂堂前有子戲萊衣懽情
長是承顏日諄語全非借第時夜雨林間
抽笋早春風花底送輿遲娛親有道稱純
孝題品流傳四海知

思存堂

遊宦夷山歲月長思親長是泪沾裳承顏
無日不在眼取水有時還上堂掃逕每尋
新履迹檢書猶憶舊芸香已知無路重相
見一度興懷一斷腸

李義山詩

上

金陵懷古和唐韻

王業興衰自始終六朝文物已成空夕陽
歸鳥空陳迹宿草寒煙失故宮潮信尚生
滄海月鍾聲猶送大江風豪華一去無消
息千古荒涼感慨中

送李大參之貴州

再承

恩命出金鑾萬里黔黎仰治安報國不辭雙
鬢白居官惟有寸心丹九江潮落征帆穩

五嶺雲收瘴雨殘，別後相思何處是。關山迢遞路漫漫。

送江擇使之潮陽

親領銅符出

九重橫行萬里氣，如虹箭飛勁努青鵬落。劍拂清霜瘴霧空，別酒已拚今日醉。贈言不識幾時工，鯨鯢早晚應殲戮。嶺海年年擬奏功。

祭尼山用前輩韻

長驅一任馬蹄穿，不到尼山又幾年。遠近峰巒凝黛色，高丘草樹起蒼烟。西風墜葉迷寒徑，落日饑鴉噪晚田。洞入坤靈思聖祖，千年遺事逝如川。

九日賞菊

節前畚鍤預栽培，節至欣看爛熳開。風流清香浮綺席，露滋穠艷上金盃。筆端喜得驚人句，門外何妨送酒來。樂事幸同文字飲，詩成首首不須催。

和人悼古

點檢興衰便可愁，昔時豪傑總荒丘。功名事業成陳迹，文物衣冠似水流。兩岬黃蘆吟晚日，一林紅樹照清秋。今來古往堪長歎，莫向中年負勝遊。

並頭蓮

雨洗鉛華分外鮮，曉來承露更堪憐。雙雙女弄波中月，對對仙遊鏡裏天。醉臉暈霞傷酒後，捧心顰額對粧前。風流萬種真傾國，不但瀟溪獨愛蓮。

松栢

獨抱堅貞傲歲除，挺然霜後入清虛。廟堂梁棟終無忝，蒲柳姿容想未如。明月照時形偃蹇，清風來處影扶疎。徂徠新甫常多見，黛色參天萬丈餘。

金勒馬嘶芳草地

碧草鋪茵生暖烟，郊原踏遍馬蹄聲。花前緩步搖金勒，柳外驕嘶控玉鞭。聯轡暫從

官道去解鞍時向酒家眠
追歡適意歸來晚
影落鞦韆月正圓

中興祖遠忘日祭祀有感

烈祖中興數百年子孫幾絕賴成全
茲逢遠忌情何極慨想當時事可憐
根莠前除嘉穀茂雲霾掃畫太幽
難恭陪宗真陳寔豆明德惟馨萬代傳

秋聲

肅殺行秋氣滿庭呼
聽蒼梧夜方深

萍解波濤響滿池
銀蟾金桂共清輝
歌枕靜聽風在樹
呼童起視月當林
空庭百卉俱零落
只有虫聲四壁吟

紅薔薇

庭院深沉夏日長
薔薇深正芬芳枝頭
花綴盈盈露華底
風生細細香斜映
粉牆呈媚色半欹朱
檻闌新紅南薰愼莫飄紅
雨恐負尊前醉一場

孤鴈

江空木落楚天秋
回鴈峰高失侶儔
吊影衝寒離北塞
呼群隨月度南樓
空中杳杳難成字
雲際悠悠易動愁
蘆荻叢深霜似雪
沙鷗相伴宿汀洲

賞月

纔逢七夕咲牽牛
復對嫦娥話舊遊
載月素宏嘗泛渚
鷗秋庾亮更登樓
金盃歛灑香雲動
丹桂芬芳灝氣浮
痛飲不須辭酩酊
明年此會再來不

禮庭吟藁卷之三

宣聖六十世孫承慶著

五言絕句

秋月

浮雲收玉宇
寶鏡出粧堂
灝氣侵簾幙
清光落酒盃

暇日登樓

倦讀拋黃卷
乘閑上畫樓
倚闌霄漢近
一鴈忽驚秋

桂花

月殿含金粟
天香散玉臺
舉頭看不遠
擬折一枝來

枯柳

枝殘秋後雨
葉落晚來霜
憔悴難攀折
從渠棄道傍

墨梅

西湖烟雨際
東閣雪霜中
誰識真顏色
丹青奪化工

至日早朝

一陽初應候
萬國盡來朝
共效華封祝
鈞天奏九霄

瞻城

萬仞凌空起
巍哉未易攀
遙瞻情不倦
仰止在茲山

七言絕句

駕幸太學侍父之京
離家有作

遠侍嚴君上

卷之三

二

帝京慈闈隔我早
回程平生忠孝何曾盡
馬
上從教涕淚傾

杏壇

魯城遺迹已成空
點瑟回琴想像中
獨有杏壇春意早
年年花發舊時紅

鳩居鵲巢

百計綢繆意轉疑
到頭辛苦有誰知
斑鳩本性從來拙
奪我喬林第一枝

白雲親舍

迢迢親舍隔遙岑雲去無踪思轉深獨立
太行凝望眼不知何事獨關心

讀節婦卷

孀居不改一生心凜凜清風振古今拈起
栢舟增感慨一回讀罷一長吟

虎溪三笑圖

下界雲深樹色迷遠公送客杖青藜只
笑語都忘返不覺相隨過虎溪

此味軒

老圃嘉蔬浥露新不隨紅紫媚芳春人
鮮飽膏粱味那箇能知此味珍

刺少年

平生不讀半行書意氣揚揚鄙丈夫倚
俎紅歌舞慣寧知人世有賢愚

賀人從軍回

仗劍從戎二十年歸來白髮已盈顛功
莫論封侯事獨幸三邊已晏然

咸陽懷古

秦家宮闕已成空漢世諸陵草莽中今古
興亡如夢幻年年渭水自西風

錢塘懷古

湖山形勝自天開南渡旌旗竟不回却使
羯胡腥四海繁華雖好轉堪哀

古硯

誰斫雲根萬丈窩津津靈液不須呵只因
鈍質能延壽光價惟應百倍過

洙泗書院

刪定群經萬世功巍巍書院魯城東南臨
洙泗流無盡道體淵源更不窮

古劍

夜夜虹光射斗牛石函掘出古吳鉤都來
一片昆吾鉄縱有千金價莫酬

古鏡

背綰雙虹冶鑄工千年古器出塵中磨來
不用分妍醜洞照人心萬境融

憫農

世間辛苦莫如農夫出耕耘婦主春剛到
秋成肩未息催租人吏又匆匆

拙巢

紛紛機械亦徒勞巧自無餘拙自饒萬變
世情彫不盡將來都向拙中銷

鵲橋靈會

斗柄回申七月初天孫今夕會牽牛匆匆
歡晤能多少一別還應兩地愁

桂殿神遊

丹桂婆娑散異香廣寒官殿舞霓裳當時
不有羅公遠安得神遊到上方

雞村曉月

牢落孤村唱曉雞半輪殘月向天低征人
早起催行轡滿地霜華襯馬蹄

哭外祖

二豎侵尋竟不痊南窓永訣最堪憐兒孫
無仰家無主一暮音容一泫然

友梅軒

壓盡群芳獨異常幽軒相伴有餘香一從
共我忘形後料得無心愛壽陽

葵軒

簇簇花開數朵繁向陽惟有赤心存老人
取此名軒扁豈在天桃媚日暄

歸燕

別却烏衣到此來主人情意竟難猜朱門
晝掩簾垂地趁逐西風却自迴

鵬路西風

西風振翮奮高秋九萬雲空一瞬遊數蕩
滄溟翻地軸却令斥鷃笑無休

寒江釣雪

木落江空雪未收漁翁何事釣中流一竿
了却塵緣累不願功封萬戶侯

溪山曉晴

曉日初升雨乍晴溪光山色望中生倚樓
縱目渾無礙萬象森羅宇宙明

畫馬

霜毫誰染玉花驄百萬萬駘迥不同莫是
漢家珍異物神駒產自渾江中

畫鷹

秋原風急草枯時歲晚霜深狡兔肥閑却
雙拳寧不用肯隨燕雀恣高飛

此二軒

數椽湫隘僅容身一榻蕭然絕點塵數載
宦遊公事簡開軒對月只三人

磨菇

白白磨菇玉作臺故山有種沒蒿萊客中
久厭藜羹味分得奇香入饌來

僖公類官臺

建學興賢已有年荒臺儲水古城邊獨存
遺跡人何在一度閑登一惘然

謝人惠桃

帶露枝頭採摘鮮種移西域熟秋天感君
分惠情何厚愧乏瓊瑤寄一聯

蘸碧池

小鑿盆池一鏡開碧泓澄澈湛靈臺四圍
花竹多奇趣水底分明躍出來

尼防書舍

盤石垂蘿何處家山深茅屋隔烟霞幽人
讀罷無餘事紗帽籠頭自煮茶

長短句

送人赴舉

賓興逢大比循例開賢科

聖朝重文教俊乂窮搜羅吾宗先輩誦守素

八卷卷三

青年苦用功夫多曾懷錯落蟠錦綉襟帶

浩渺橫江河壁經興義探底蘊諸家著作

皆研磨詞源瀉川峽心術窮丘軻吾宗才

行有如此乘時一出誰能過禹門浪煖龍

變化蟾宮桂影方婆婆臨岐酌酒壯行色

柳邊駐馬聽吾歌劉蕢固無匹崔頴繁幾

何後來不師古入室頻操戈丈夫幸遇有

為日激昂志氣毋蹉跎功名事業宜早為

百年瞬息一擲投文場鏖戰須努力錦標

先奪龍之窩他年擬作廟堂器吾門千載
沾餘波

送孫庭昭赴舉

皇明啓文運四海躋雍熙雲龍風虎交際會
濟濟多士爭揚眉况當大比選豪俊擅揚
湏及年少時吾君自是青雲器胸中錦綉
光陸離茲當射策期第一才名不減洛陽
兒與君同遊僅十載陳雷膠漆相為期鴻
鵠一舉衝霄漢回頭下望隔雲泥君不見

分書卷三

九

宋梁顥自愧成名身已老還湏黑頭取公
卿我歌新詩催上道

禮庭於葉後序

詩之作難矣我能者薄言之倡詩人語不
能者汲精極力而不倡詩而倡詩也非我
也有其影有其神無其形斯我矣詩而我
詩之化也匪徒云倡而已為詩而不我矣
其詩詩亦難矣哉

後序

宣聖六十代孫贈襲封衍聖公承慶氣蘇
而正才清而逸甫冠從師學詩鍊句摘辭
侶不經意者而俱侶乎詩人語可嘉也已
雖然此固承慶才氣之標出於人而趨庭
學詩禮孔氏之家法有自來矣觀其絕句
已能感煩即簡而有含蓄不盡之意近體
雍容渾厚而侶不束於法亦未嘗出於法
長短句峭絕頻挫波瀾湧出讀之令人擊
節夫人而能詩至此侶矣惜乎年厘三十
一而卒也使天假之以年何患乎不我也
辟之璞之為器切磋之侶矣磋磨之乃精
焉而成器焉使其切磋之而奪其磋磨之

功化而已尚望精而成器哉承慶之詩奚
異是乎惜哉順天尹王君承慶之外舅也
恐其善遂泯擇其倡者錄諸梓以藏於家
蓋欲傳之子若孫使知有以象賢也

景泰六年歲乙亥冬十二月下沐

賜進士出身翰林院編脩文林郎

經筵官壽光劉珮溫書

禮庭吟二卷

衍聖公孔昭
煥家藏本

明孔承慶撰承慶字永祚曲阜人至聖六十代孫
也年三十一未及襲封而卒其外祖王惟善爲襄
其遺詩以成此集有景泰間同郡許彬序又有天
順丁丑長洲劉鉉序歲久散佚康熙庚辰衍聖公
孔毓圻檢校先世遺稿又得而重刊之

石田先生詩鈔八卷文鈔一卷附事略一卷

〔明〕沈周撰 事略 〔清〕錢謙益撰

東北師範大學圖書館藏明崇禎十七年瞿式耜刻本

附《四庫全書總目·耕石齋石

田集九卷》提要

石田稟序

詩以窮而工歐陽子之言世以為至矣予則以為窮者其身既必其言悲則所謂工者特工於悲耳故嘗竊以為窮而工者不若隱而工者之為工也蓋隱者忘情於朝市之上甘心於山林之下日以耕釣為生琴書為務陶然以醉脩然以游不知冠冕為何制

鍾鼎為何物且有浮雲富貴
之意又何窮之足云是以
予吟咏不清婉而和平則高
亢而超絕求之唐人若陸魯
望是已今其詩具在予嘗讀
而愛之魯望吳人也吳之詩
自魯望首倡盛于宋尤莫盛
于元然其人多生于季世其
身雖隱其時則窮則其詩亦
悲而已予嘗讀而傷之入

皇朝來偃兵息民天下向治
及承平日久人情熙士之求
仕者爭治經義取科第而出
若相城有沈氏願獨好隱蓋
自覲菴徵士已有詩名于江
南二子貞吉恒吉繼之至吾
友啓南資更秀穎雖得乎父
祖之教自能接乎宋元之派
以上邈乎魯望且其宅居江
湖間不減甫里之勝賓客滿

坐尊俎常設談笑之際落筆
成篇隨物賦形緣情叙事古
今諸體各臻其妙春風秋月
夕霞朝雲形迹若空姿態條
變玩之而愈佳攬之而無盡
所謂清婉和平高亢超絕者
兼有之故其名大播不特江
之南也予少居鄉亦喜為詩
辱相倡和方自愧于松陵之
襲美而其子雲鴻乃欲得予

序其石田橐者予何以為序
也噫聖俞既仕而得乎窮名
啓南不出而全乎隱節其詩
之工一也而悲樂則殊覽者
當自得之啓南詩餘數為圖
繪妙逼古人或謂掩其詩名
而卒不能掩也今年七十餘
詩思益發數日輒成什予雖
不能窺其際又安得而盡讀
之耶弘治庚申秋七月甲子

通議大夫吏部左侍郎兼翰林院學士吳寬序



六

書沈石田詩稿後

石田沈君成南詩稿若干
卷之吳文定公叙之詳矣初文
定以寫本一牘示余欲有以
敘述者執撫古法敘曲後

跋

一

醇雅耳則忽之十餘年
石田年益高詩日益富至
于卷總之為若干首間如刻
于蘄州而文定已捐館舍猶
丹吳福修南文定自蘄則以

石田之言速余，接於感之友
形勢之在天而皆出于多然
然亦有詩歌以爲聲藻繪以
形者乎大用之朝廷邦國
固未暇論而閑卷少母之或

跋 二

不能言者論其至亦可以通
鬼神奪造化降于後世乃原
爲技藝之末而造其妙者於
以難語者謂詩中有形者
畫者爲聲之詩二者相爲

固而不兩能者詩之爲粹尤
其重且難者也石田家言其
聖博涉古今圖籍以豪素
自名筆勢橫絕復出紙筆片
楮匹練流傳而天下情興以

跋 三

劉文形爲歌詩題詩者端至
以和散者是少不過千百什
一故多以畫併其詩及于格事
觸物感時懷古連篇累牘則
藏于其家非遇知者不可

舊今况梓行而人調則得檢
其畫亦未可而惜余之不
書兄如姊以是復南矣且
於文定之議云石田名周蘊
之少洲人石田其以自號年八十

跋 四

正德丙寅六月元理為詔大
友極國少傅並太子太傅戶
部尚書謹身殿大學士知
制誥同知經筵事國史總
裁步少亭東伯書

石田詩鈔序

石田先生詩集凡十餘本余
與孟陽居耦耕堂互為評定
差擇其尤佳者若干卷石田
之詩才情風發天真熳爛抒

錢序一

寫性情牢籠物態少壯模倣
唐人間擬長吉分判比度守
而未化晚而出入於少陵香
山眉山劍南之間蹕厲頓挫
沈鬱蒼老文章之老境盡而

作者之能事畢其或公襲宋
元沈浸理學典而近腐質而
近俚則斷爛朝報與村夫子
免園冊亦時所不免茲鈔固
已盡汰之矣稼軒苦愛石翁

錢序二

畫一縑片紙搜訪不遺餘力
名其齋曰耕石遂刻詩鈔藏
之齋中并彙其古文若干篇
及余所輯事畧附焉刻成屬
余序之石田之集李文正吳

文定兩先生叙之詳矣余可
以無贅也竊惟石田生于天
順長於成弘老于正德初當
國家昌明敦龐重熙累洽之
世其高曾祖父爲文士爲隱

錢序三

君子既富方穀涵養百年而
石田乃舍章挺生其產則中
吳文物士風清嘉之地其居
則相城有水有竹菰蘆蝦菜
之鄉其所事則宗臣元老國

文義王端毅之倫其師友則
偉望碩儒東原完菴欽謨原
博明古之屬其風流私長則
文人名士伯虎昌國徵明之
徒有三吳西浙新安佳山水

錢序四

以供其游覽有圖書子史充
棟溢舒以資其誦讀有金石
彝鼎法書名畫以博其見聞
有春花秋月名香佳茗以陶
寫其神情煙雲月露鶯花魚

鳥攬結吞吐於毫素行墨之
間聲而爲詩歌繪而爲圖畫
經營揮灑匠心獨鈔其高情
遠性和風雅韻使天下士大
夫望而就之者一以爲靈山

錢序五

異人不可梯接一以爲景星
卿雲咸可目覩式其屋廬以
爲柴桑之三徑候其至止以
爲雒陽之小車人亦有言太
和在成周宇宙間而先生獨

當其盛顧不休歟文定序石
田之詩擬于唐之陸魯望魯
望當唐之末造為廬攜李蔚
所薦辟未就而卒比於皮襲
美蓋僅而得免視石田生本


錢序六

朝全盛之時稱大隱躋大差
者何可同日語哉讀兩公之
詩而論其世不能不為魯望
惜亦不能不為石田幸也攬
筆而為之序回翔卷帙間蓋

不勝其愾嘆云爾

崇禎甲申春月虞山錢謙益

證序



錢序七

書石田先生集後

右石田先生詩鈔八卷文鈔一卷其事略一卷則吾師牧齋公所裒輯也詩與文不稱集而係之以鈔識一時茲選之意也不

瞿跋一

佞櫟檄無他嗜好惟與石田先生似有多生種因嘗邂逅夢中音容聲咏藹如平生已而獲見其遺炤方袍幅巾不異宿覲固知結愛成癖非偶然也每得一

縑片紙為稽其歲月而徐閱其篇咏恍知當年作者志意之有在非世之圖繪為工者可以同年而語會吾師方評定本集曰搜錄題款進備採擇間有舊刻所未載亦補入是集中心是讀石田之書者庶可以無憾矣嗚呼先生風流弘長映被一代當時李文正吳文定之流俱惜其以畫揜詩而君謙尤目為文章

瞿跋二

大家謂山水樹石乃其餘事然
吾讀其詩如與楊宮詹論事周
文襄畫像等篇此其寄託感慨
又豈僅欲以文章名世哉第
後之尚友先生者舍是篇章更

瞿跋三

無從彷彿萬一耳蘇長公有言
與可之文其德之糟粕與可之
詩其文之毫末詩不能盡溢而
為書變而為畫好其詩與文者
蓋寡矣而況有好其德如好其

畫者乎繇此觀之古來高人韵
士遭逢盛代意匠經營使人流
連感嘆於豪素間者固不惟石
田先生一人已也編成什梓味
吾師之序言聊述簡末以視後

瞿跋四

之讀書論世者云
崇禎甲申仲秋耕石齋主人瞿
式耜謹跋

石田先生詩鈔卷一

古體天順初年盡成
化十四年戊戌

朱澤民山水

堤決行

低田婦

廬山高爲醒菴陳先生壽

雷雨

天全徐先生夜過

送人歸秦州

驚瓢爲杜東原作

季冬五日壽東原先生

八月一日壽醒菴陳先生

竹月爲樓仲彝作

分得洞天春曉爲徐秉倫壽

題陳侍御畫竹

題歌者便面

耕石齋石田目錄

葦竹居

江南思

采菱圖

送友人還金陵

送周文襄公乃孫延器以畫像驗塑還吉水

汎月辭

莫氏壽樸堂

送諸立夫歸錢塘

題畫送張子靜

遊海雲觀連理山茶

句曲王可學阻風有贈

灣東草堂爲弟樸賦

題畫

題黃大痴山水小幅

經尚湖望虞山

虎萊

割稻

永樂初給事姚伯善采六廣右被瘴客死殯及六十

年至其孫榛鶴始克歸葬先兆作詩記之

顏氏婦節孝卷

石節婦

土偶禍

題杜東原先生雨景

古梅折枝歌爲韓克瞻作

竹堂寺探梅

雨夜宿吳匏菴宅

西山有虎行

又

題林和靖手帖因借東坡先生所書其詩後韻

二月二十日與匏菴放舟遊虞山舟中見山有作

艤舟山下因遊政道觀登梁昭明讀書處訪徐廣翁

丹井復作一首

留連山間追慕始返棹

耕石齋石田目錄

二

慶雲菴牡丹

觀徐士亨所藏懷素自序直跡吳匏菴許墓寄遠之

傷阿同

十一月望日至西山徐永年與徐襄陪宿山農陸達

家月作光

明日尚滯不歸永年復連榻

石田先生詩鈔卷二

古體成化十五年己亥
盡二十三年丁未

雨晴月下慶雲菴觀杏花賦此明日老僧索作圖連

書之

射鴨詞

答明公送椿芽

過長蕩

己亥三月六日因雨宿西山白馬欄早興濕雲如墨

諸山滄然在吞吐間東坡所謂雨亦奇正此景也
因以詩畫記嘗見耳 雨中觀山谷博古堂帖

楊花曲

春歸曲

四月九日因住西山薄暮不及行艤舟虎丘東趾月

漸明遂登千人座徘徊緩步山空人靜此景與嘗

廼紀是作

瑞光寺

送劉憲之歸遼東

題謝葵丘畫

遇李生

梅雲圖戲陳廷璧

耕石齋石田目錄

三

莫釐登高卷

碧梧蒼梧之軒

十一月廿三日入城會陳育菴

三月廿七夜夢於清溪中又一鯉大而白色翌旦西

隣果又一魚色質與夢中甚肖異而賦此

和王秋官元勛寄陳育菴韵

題子昂重江疊嶂卷

登大石雲泉菴讀李武選吳太史張夢坡史西邨諸

公聯句有作

為謝將軍題樵弟畫

五月二十日尋護無猷與曹楓江會飲

約客山行先後相失

題孫君澤山水寄華光祿汝德

穀雨後十日壤臺前牡丹始花感而賦此

早行覓大湖村即事

和陳粹之讀司馬王公諫王欲枯金玉之疏

題坐忘卷

一丰惜一丰效樂天體

釣弋夫人

齒搖

長至後一日齒病作楚趙中美遠來致問以詩答之

題錢舜舉漁樂圖

題沈履德遊湖雜卷

二十日劉邦彥約遊虎跑不至留題寺中

客自北京回因次第其言以誌繁華也

耕石齋石田目錄

四

望陽山

畫松壽太司馬三原王公

留金仲和

陳太常師召邀賞南軒牡丹

送王初夫作縣陳留并束許倅施煥伯

題松卷

王理之寫六十小像

錢士弘以東坡船邀汎月病阻因答

題錢士弘阻遊山卷

棄婦辭

題九十二翁張暈畫

書周節婦孝感之異

速楊君謙石田記

方道士還冶城

賀德輶弟冠帶之榮

挽璋公

留題蘇文輝隱居

石田先生詩鈔卷三

古體 弘治元年戊申
盡八年乙卯

弘治改元元旦遇雨

松庭對雪

任月山紫馬

食蘿蔔

采蕨行

八月八日過靈殿祥公房

移席茅山東頂徐永年避酒而去作歌嘲之

大石狀

病中看山寄楊君謙

烈女死篇

烈女生篇

望月思親為韋謐作

題畫四景

耕石齋石田目錄

五

漁舟晚酌圖

朱南宮若溪春曉圖

盒子會詞

白眉神詞

結羊腸詞

三月十日東禪喜得孫之報同楊儀部周好德賞牡丹

丹醉賦

東禪寺夜賞牡丹

病後覽鏡詞

星墜

題下退之畫卷

送劉國賓

謝孫世節惠藜杖

留題拂水巖真公房

宿覺海菴思食厥有作

為郭總兵題長江萬里圖

松卷為德韞弟作

悼劉協中

送高守素還艾城詩

理折齒

十二月四日入郭小舟逼坐五客徐舜樂出吳太史

所和東坡先生清虛堂詩一韵三篇末章有及余

者時天作小雪亦即興奉同一首暮投承天習靜

房與老僧夜酌復和清虛堂韻一首

吳惟謙任敘州太守

三月九日舟泊虞山下見游人續續於椒麓間可愛

而賦

七星檜

登吳汝秀萬竹亭

烈婦吟

周孝婦歌

十八鄰

耕石齋石田目錄

六

驚禽行

題畫卷

為徐霖作雲山圖

題光福畫卷

生辰漫詠

題錢世恒御史雪竹

題江南景寄北客

王將軍樓船歌

送汪廷器重遊遼陽

為淮陰王輝使畫牡丹

吳都閭松障

題吳天麒臨王叔明太白山圖

貞節為朱孺人題

憫日歌

挽方水雲道士用東坡先生清虛堂韻

石田先生詩鈔卷四

古體 弘治九年丙辰盡
正德元年丙寅

妙智菴牡丹

吳瑞卿染墨牡丹

登呂山吳氏池亭

暑中題雪圖

題錢氏沁雪石

藍關圖

三過大石雲泉菴用杜工部道林二寺行韻

題畫寄楊提學應寧

爲鮑菴臨秋山晴靄
用清虛堂韻送鮑菴少宰服闋還京

讀楊官詹與屠太宰論事劄子

附刊屠太宰解嘲詩

南峯餞別文溫州

歸途欲登惠山時煙雨空濛衆有難色余獨奮往

耕石齋田石目錄

自甲浦道太湖四十里見吳香諸山喜而有作

七

汎菴畫溪

酬吳大本邀遊善權不果

游張公洞

送王理之赴孔林書新廟碑

送薛堯卿漫游言登泰山謁孔林而迤邐求仙海上

白茅顧氏種荔枝成樹有感

生日漫言

理詩草

烏藤杖歌

石湖書院老樹行

梳頭曲

門前育垂楊

暗紡詞

迎新送舊曲

吳姬曲

廢宅行

鵲打雉贈陶將軍

贈史癡翁

趙頭陀

贈源上人

夢謝人授鹿角膠記莫全篇寤而足此

葉婦高節詩

贈韓珍

咏費彥傑還叙事

石田先生詩鈔卷五

今體

送徐武功南還

挽草憲劉先生

宜晚軒爲王公賦

寄周桐邨先生

耕石齋田石目錄

八

周較書宗道主吾塾自吾弟以及吾兒去就十餘年

因竹請題寓情有咏

寫懷寄僧

和張保定留題北寺詩韻

次東原先生與其甥魏公美畫詩韵

白頭公圖

折花仕女

仕女圖

題劉完菴山水

侍家父世父與劉完菴文會

和吳原博對雪二十韵

太湖竹枝歌二首

贈陳世則

兩湖聯句

張伯雨墓

重逢謝將軍

送晏青雲還蜀

挽蔡工部公著

松泉用周桐邨韵

贈顧一松外史

感雨

題畫

挽王惟勤

仲冬七日與陳育菴別後聞其阻雨崇福菴寄此抵

面

贈海上劉將軍

春日送別

春思二首

病起訪吳原博值傷暑不面夜歸僧寓有作用劉欽

謨韻

觀辛卯浙江鄉試錄寄沈宣明德

耕石齋石田目錄

九

奉和陶菴世父留題有竹別業韵六首

有懷劉完菴

哭劉完菴

挽劉芝田

寄吳狀元原博

送祥公歸靈隱時劉完菴作古感慨有作

楚江秋晚二首題陳味芝所藏燕龍圖畫卷

次天全翁雪湖賞梅六首

和天全侗軒留別錢氏祖席

寫溪亭秋晚圖贈沈潤卿

為友人寫蕉

試筆

市隱

東園

七月望奉老母泛舟玩月

丘侯休致

從軍行

為沈進士尚倫題畫

題畫

訪明公

題杜東原先生畫

題畫

山行

與陳廷璧周宗道晚歸有竹庄漫興

中秋客中

宿休休菴

梨花

元旦後一日劉德儀送酒

題在野集

溪上獨坐

答僧求畫

題春雲山色圖

耕石齋石田目錄

十

秋景

石田先生詩鈔卷六

今體成化十五年己亥
盡二十三年丁未

水鄉琴子十首

晚坐

谿亭小景

九月十一日過光福夜訪徐雪屋

送允暉

題郭忠恕畫李西臺嘗錄其汗簡集以獻皆科斗文

字

問沈東林病

聞清癡馬秋官課農山莊

過席心齋道士墓

十二日還自光福道中卽事

和劉士亨見寄韵

立春後一日試筆

除夜

題畫

題謝葵丘畫

春景

題畫

春日墨興齋卽景

惠山謁文襄公祠

過聽松隣房

華孝子祠下一首

賞牡丹席上作折枝

七月十五日城中晚歸

十月二十八日早自城回

落葉

雪後

耕石齋石田目錄

十一

題蕉

暮春送客

早起

題畫寄北海先生

題僧壁二首

尋野翁庄

贈黃鶴之

立夏過都氏

七月廿六日客有談命及遺贈者至都不能與作緣

客去因寫數本圖系詩贈之

題畫

桃源

東邨小隱爲沈廷佐作

悼清公

雨中自遣

挽劉大參欽謨

過都廷襄新居

程揮使翺殺賊海上疽背而卒

和劉後村先生卽事韻一首

自廣二首

和友人冬日自遣韻

除夜作雪和劉後村韻

除夜讀史有感

八月一日病中卽事

觀西湖百咏集感舊有作

戴工部去官

九日無菊

題畫

十月二十日臥病中黃應龍茅彬之自崑山冒雨夜

汎重湖而至應龍有詩因韵而答

季冬廿四夜泊黃溪與張子靜話舊

耕石齋石田目錄

十二

至日閒居自述

四日遊虞山畫梁檣而回

寄題至道觀靈蹟二首

和劉邦彥宿飛來峯韻

立夏日山中遍遊後夜宿劉邦彥竹東別墅

林堂雜詠

溪上

秋涼遣病

丹陽道中

約史明古不至

吳元玉邀賞牡丹迨夜

別金陵

神樂觀留別祖席諸君

題畫

題畫與趙中美

荷花燕詩

挽僧月舟

次韵徵書記所寄

秋夜獨坐

睡起自遣

病中夜懷

送門神

于山書屋詩并圖爲趙武選明作蓋其山有寺而趙

常讀書於此者也 穀旦喜朱性甫至

分得藥臼謝鑒

愁愁

悼內

贈西山老僧

傲雲林

題牡丹

冬日過田家

逸菴

六旬自咏

客去自遣二首

送方水雲

妙明性公雨中見過

耕石齋石田目錄

十三

懷西草堂爲蘇文輝畫并題

挽簡書記

聞王優彈唱

九月十二日聞 詔

病中寄挽周桐邨先生

挽張東海

睡起自遣

漁村

耕隱

病中夜雨起坐

挽沈東林

石田先生詩鈔卷七

今體弘治元年戊申
盡八年乙卯

雪中偶題

東野

西川二首爲孫世節題次吳匏菴韻

西庄圖爲桑淪齋通判題

都氏賞花

橋東

理墳二首

月航

題芭蕉贈僧

早起自遣

題畫與趙文美別

秋夜臥病

送程宮詹

薰楊梅

喜程元道見過

且閑

樂野

贈妓

與客夜話

秋雨偶書

病中折菊爲供

拂水巖

耕石齋石田目錄

十四

寄桑簡齋通判

楊花二首

孫世節貌陋容請題

題畫

傲雲林小景贈宿田翁

顧應和新舟成過余楊湖携酒拉客作水嬉於湖陰

卽席賦此

應和作小軒跨琴水若舟因以杜子美春水船如天上坐之句取其意命之曰春水船爲賦詩作圖揭

諸屋壁

聞楊君謙致仕賦此以致健美

題畫

睡起小酌

支硎山麓逢楊君謙	杏花
睡起	遊西菴
聽松菴小酌	半清軒
奉寄三原王冢宰	黃尚節靜逸堂
食螳	挽東禪信公
烏蘇太守題畫	與王優
題畫	答張時用寄曆
次韻天台陳勉賣癡呆八絕	
再寄張允誠	四日過有竹庄
病起	初春
耕石齋石田目錄	十五
睡起	蒔菊
游高道禪居	和陳王汝大理乞竹韻
覺老	水邨圖
咏簾	憲下獨坐
聞三原王公致政	九月臥病未復旋復患齒
送韓宿田翁	
和吳匏菴蒲墩詩韵墩蓋孫希悅初假於何元亨即	
以贈匏菴者	
史明古宅宴牡丹後汝其通何光臣折兩枝置舟中	
後賞	雨後

水閣	病起
九日值雨無菊	秋暑夜坐
過荒隴醉言	生朝自遣
屈老	題畫
石田先生詩鈔卷八	
今體 <small>弘治九年丙辰盡 正德元年丙寅</small>	牡丹
七十喜言	歸途復燕王汝和水月軒
王汝和招飲	舟中有感
閒居	秋宵
寄三原王冢宰	
耕石齋石田目錄	十六
雨後自遣	再和自壽韻
臘月二十八日立春得雨病起漫言	
西園	文溫州寄鳳尾蕉
三月一日喜晴小步載用士弘韻	
上巳日漫作	金山寺吉公房小酌
登金山	感宜興善權寺寥落
和錡古田韻	齒落
庚申十一月二十一日生朝作	
小軒雨意題寄匏菴老友	
讀吳文定公 <small>御祭文</small>	乙丑生日重和七十韻

乙丑六月聞哀詔有感 聞謝閣老休致過蘇

挽蔣御史子修 病懷二首

老年三病三首 梅杖

螢火 人影

詠錢五首 詠得落花詩十首

附文徵明和蒼石田先生落花之什

附徐昌穀同徵明和蒼石田先生落花詩十首

再答徵明昌穀見和落花之作

三答太嘗呂公見和落花之作

石田先生詩鈔

耕石齋石田目錄

十七

詩餘

青玉案 蘇武漫二闕

又 南鄉子

鵲橋仙 又

水龍吟 鷓鴣天

一剪梅 疎簾淡月

浪陶沙 臨江仙

又 糖多令

憶秦娥 念奴嬌

又 賣花聲

又 惜餘春慢

蝶戀花 鷓鴣天

又 又

鳳棲梧 鷓鴣天

和東坡小詞二闕

石田先生文鈔卷九

西園八詠賦爲大司馬王公作

遊樂賦爲樊節推作 秋軒記

東厂記 聽蕉記

宵齋記 老杯酒軒詩引

耕石齋石田目錄

十八

三友會年序 草菴紀遊詩

桑簡齋詩集序 周君宗道生壙誌

陸允暉墓誌銘 育菴陳先生墓誌銘

張允嘗妻徐孺人墓誌銘

陳本誠墓誌銘 金以賓室沈氏墓誌銘

陳德莊夫婦合葬誌 唐敬夫墓誌銘

崔淵甫妻凌孺人墓誌銘

長洲金愷母浦孺人墓誌銘

王用進妻周氏墓誌銘 書陳味芝先生碑陰

朱維吉哀辭 化鬚疏

綠永生埋銘

介夫傳

楊梅傳

盲富祀父母

記雪月之觀

記夢

往陳湖記

跋司馬提學公與祝希哲手後

跋楊君謙所題杜畫

附錄君謙題辭

題周寅之詩稿

跋陳廷璧所書金剛經

榮贊

白端石琴硯銘

五十八自贊畫像

自題小像

石田先生集卷十

耕石齋石田目錄

十九

事略 共一卷

石田先生詩鈔一

古體 天順初年盡成
化十四年戊戌

朱澤民山水

睢陽老人營丘徒意匠妙絕絕代無為留清氣在天地便
就片紙開江湖長松落葉風細細幽構縈蘿倚江住壁虎
書魚蕩水光老屋疎茅通雨氣老人不歸空北山芳杜春
風應厚顏微官縛人萬事拙安得浮雲相往還宦海黃塵
迷白髮雲壑風泉清入骨思家看畫方兀然叫落西窗子
規月

堤決行 成化元年乙酉先生年三十九

耕石齋石田詩鈔 卷一

湖田築堤低且狹濼深土疏還易塌舒然有勢若崩崖
耳作聲同決閘愴惶墜塞無取泥少補東塌仍缺西呼兒
搥鼓報隣里乍斷乍連聲不齊江風衝潮江雨大白波直
向人頭過老農袖手不可攔歎息還來屋中臥

低田婦

湖田十年纔一畊今年又與湖波平男兒築岸婦踏水日
長踏多力不生百輻翩翩轉鴉尾塗足蓬頭濯風雨君不
見田家不悔苦生涯生女還復嫁田家

廬山高為醒菴陳先生壽 成化丁亥

廬山高高乎哉鬱然二百五十里之盤踞岌乎二千二百

丈之龍從謂卽敷淺原崕嶠何敢爭其雄西來天塹龍
足雲霞日夕吞吐乎其胸迴崖沓嶂鬼手擘磈道千丈
鴻濛瀑流淙淙瀉不極雷霆殷地聞者耳欲聾時有落
於其間直下彭蠡流霜紅金膏水碧不可覓石林幽黑
綠熊其陽諸峯五老人或疑緯星之精墮自空陳夫子
仲弓世家廬之下有元厥祖遷江東尚知廬靈有默契不
遠千里鍾於公公亦西望懷故都便欲往依五老巢雲松
昔聞紫陽妃六老不妨添公相與成七翁我嘗遊公門仰
公彌高廬不崇丘園肥遯七十襍著作滑滑白髮如秋蓬
文能合墳詩合雅自得樂地於其中榮名利祿雲過眼上
耕石齋石田詩鈔 卷一 二

不作書自薦下不公相通公乎浩蕩任物表黃鵠高舉凌
天風

雷雨

淫霖積春夏曾未間昏晝淒風羣陰交滄動二氣湊飛電
互揮霍轟霆迭訶詬義和奪昭明屏翳務馳騁落寸始膚
殃累尺乃心疇窶且踰蹕汗邪安止脰翹翹盼天根默
默咎畢宿亂流怪涉豕困樹憫縣雖飢汗喻足徵瓢滴訖
恐謬浸漬城墮堵街注石穿溜惟治塊不破悲崩墓難收
不見后土乾莫補蜀天漏上重憎黑幕旁厲駭白面有川
事漁釣無所托畔畔苦厄苗俱萎欣霑草爭茂獨吊桑

苗未蒙馮鳩祐四野蕩弗節二序決靡誅傷哉及上霄
乎止中篝卑受誠隕穫高肆何恟愁不憚許子煩却慣劉
郎又雲偕陣來往風乘勢重復小窺猶脉沐大零必滂驟
慢覺溪腹寬急訝池面皺聲千耳遭聒狀百目被督河沙
數無涯壁書語多讀紛空毛詫擊印地鏡誤收硯翻明珠
跳實流寒玉漱浪浪習蕉喧翁翁諧竹奏總總麻本密纚
纚絲緒就呖呖上蠶噉噉釜中豆鳩古夜諷僧虎責朝
襲寇浙瀝箭灑甲膈膊石交胷淋漓徧床席點滴布襟袖
冒濕底施坐緣塗突梯走暑劬曠曠死胃感滋泄瘦具漿
蒲牢失果飯子桑皮窻鳴蛙羣居市哄馬連蹄茵黃腐棟
耕石齋石田詩鈔 卷一 三

贅鮮紫濡牆綉穉子喜無憂來人嘆非舊縱陽戶南敞卜
霽蔡中灸空聞高陵避安得廣屢覆俊惟仁君德盍被真
宰佑懷襄固爲割宵肝必自懸驗穰穰歲酉命竈虛日戊
天澤不爲惠庶徵亦愆候湯且 七慳堯亦成九富古聖
攸未免吾人奚敢恒但慮潢潦前尋召疫癘後流離正爾
使剝竊以此衽團辭志所愴何暇顧非陋

天全徐先生夜過

成化七年暑夜天全徐先生過雙蛾僧寓小酌踏
月歌邢惇夫黃知命夜歸詩因賦此索先生留題
法雲夜歸黃仲達騎驢高歌仰明月天風獵獵吹白袍履

嘗殿後走不迭撲杖負囊無乃嫌過市小兒笑口咽何物
老子作怪遊俗夫豈爾須仙列李圖那詩遂大傳邈五百
年無四傑先生尋我興亦豪入更來敲僧戶閑栖鳥翮樹
露滿葉長葦掃斗芒不折先生呼酒要排熱乃云乘燭古
有記三花朗咏掛巾篇故事不妨吾戴設高流風致自斗
山一遊一嘻知不屑先生於此如有言當與雙峯共磨滅
先生年四十五

送人歸秦州

江城十月風淒淒客子告我歸關西長途短日雙淚落苦
憶妻孥驚鼓鼙延安綏德邊報急秦州在陷家當失黃河
耕石齋石田詩鈔卷一

四

凍合胡馬健倭來度冰如踏石奈何主將與監軍玩寇自
顧舟中敵駐兵無膏惑餉道遠輸豈顧煩民力芻糲計萬
不計千騾駝不足不得前委山積雲兩遭燼旋買一束銀
三錢官司斂價健問里婦女唬咷脫簪珥役窮財竭心易
失聲端恐在蕭牆裏杞人聞之搖白頭落日倚襟江上樓
嗚呼韓范不復作極目秦雲空自憂

鶯歌爲杜東原作

惟天不愛道匏瓜化爲鳥下臨濁世三千秋老身身被青
藤繞今日明日飛不去秋毛脫落霜皮老舒瓊引玉蒼頭
長吸雨合風素咽小婪酣果腹懷秋胎何時經鬼手當臍

一竅偷擘開驚殺老碧繼笑倒窮顏回本是清草湖一拳
至今爲玳瑁筵上五石材漢落成老醜錦里先生命盛酒
一飲一啄天不慳吐啄彎彎如北斗金鸚鵡無此清銀鷺
驚無此輕右手挾之吞洞庭洞庭三萬六千頃入口不數
蝦魚腥但恐地亦不愛寶上天復作瓠瓜星上天復作瓠
瓜星嗚呼不得盛酒隨先生

李冬五日壽東原先生

除月五日天布德青陽津津生一脉長庚墮地不爲石化
作文星老詩伯詩聲吹春妙南國千斛明珠百雙璧琅玕
叢中綠亭窄梅花壓簷四邊白蒼裾炤耀耀登上客驚鷺銀
耕石齋石田詩鈔卷一

五

杯貯瓊液飛落手中閑不得酒波倒捲南山碧醉鄉春風
開壽域方入瞳眼睛光滴半夜看書流月色頭上烏蟾梭
一擲笑拂銅花摩老秋

八月一日壽醒菴陳先生

東奎西壁垂光晶其中含黃雲且靈金天阿母夢倏驚南
呂屈吉斯人生苞鳳五色文章明虞羅不薦天子庭仁爐
義冶鑄俊英元氣闔闢萬象呈台光炯炯仙胞榮花甲暨
度如流星乳視兔弟孩錢兄東海清淺南山平雲英蕩日
天披晴綠英報朔抽斯實桂花壓麝香滿城綺疏揭曉通
雕檻翠濤旋列黃金罍龍根麟脯破紫瓊繁絲結醉飛新

聲春酣仙頰紅如嬰掀髯一笑三千齡

竹月樓爲仲彝作

錦里孫青琅玕采石江爛銀盤烟中拔起王嫋娜江底擁
出秋團圞天造與地設二物天地清詩仙豈無假此巧
立名而天亦不嗔而地亦不怒倒喝纖駕龍馭別築管
城囚藥兔詩脾豁秋氣入夜半方諸抱秋泣金牛棧道老
翠乾青蓮釣船官錦濕禿盧心鍊一寸長誓與天眼開靈
光無端削簡書怪事此君背汗流青漿更呼小奚搖仙葆
往探金樞怕天曉瑤花不實鳳啼饑翠袖美人愁欲老美
人不勝愁明鏡掩西樓屋梁夜色冷於水一曲新聲夢千
里

耕石齋石田詩鈔

卷一

六

分得洞天春曉鳥徐秉倫壽

包山鑿翠鳥靈窟玉闥兩開迎日出仙人日煉採日功靈
華滿咽吞早紅老夫槌破崑崙頂子夜金雞亦驚醒羲和
門外報春來東方軟風吹不冷蘭堂襲露香不局霞光倒
蕩金鷄屏青童手中鸞尾起掃淨白石驚落星仙人開壺
醉春色昨夜桃花一番碧相期食子三千年復裹黃泥種
桃核

題陳侍御畫竹

鐵面郎官掃秋雨一夜秋聲落人耳楚歌唱斷碧雲愁招

得湘靈來筆底湘靈倒拔青鸞尾翠袖拖風濕江水水遠
山長不見人惟有千年淚痕紫

題歌者便面

罨畫船輕不勝櫓相逐鴛鴦度南浦錦纜斜牽沙嘴綠
蓬深掩梨花雨美人隔水露新粧綠塵羅襪暗生香舞腰
婀娜燕無力高歌一聲鶯斷腸痴雲遏夢天不曉金鷄無
聲春悄悄五陵遊子歸來心萬里天涯怨芳草

葦竹居

成化辛卯

行年四十五兩鬢半蒼蒼感茲白傳言塞子適相當老態
一何逼流光一何忙坐嬾百事墮淡然與世忘龜勉舊田
耕石齋石田詩鈔

卷一

七

廬今茲始葺荒買竹十數栽初種未過墻把酒時對之疎
陰度微涼再歌榮木篇爲樂殊未央

江南思

落日川光暗迴塘鼓旋楫風吹綠鬟影相將亂荷葉放聲
歌采蓮何人知是妾

采菱圖

湖州秋水王冷冷湖州女兒出采菱梭船盪漾紅潑刺阿
姊倡歌教妹應隔溪冶郎騎馬過點鞭殺勒霜蹄挫

送友人還金陵

昨登鳳凰臺又是十年事人生能幾別忽忽老將至記君

同醉秦淮月說劍談兵掉長臂君今走舸下江來墨髯
耗十霜四風流固在歲月空舍者何堪論意氣公侯之後
能幾復造物茫茫與人忘風寒老樹翻夜鳥天闊高雲舉
秋驚窮冬不作雪落葉捲霜地朝來抗手不可留奈爾思
歸欲加翅

送周文襄公乃孫廷器以畫像驗塑還吉水

土田亘江東揆賦億兆計其多縣寸入所在敢遺地太
祖太宗時稽欽或未備侍收信長屬饗公飯私費習久遂
玩刑忘身殉于利逋迨八百萬空牘勞記註歲餉嘗不及
日究嘗不治文襄應簡命安濟受斯寄公知法禦惠法疏
耕石齋石田詩鈔卷一

八

患乃致誨盜在慢藏更駕在失御盡斥宿漁手令民必躬
輸升斗舉在公庾儲復官泣登積充舊典罔耗有攸裕所
美亦不訾陳因年相次戶庸及公需凡百資其出于時民
樂生朝廷無顧慮幹轉一時機掃蕩滋深弊如器之貼
傾援拯暇不遽革如謝苛猛振蠱匪欽聚公薨五十年遺
政已莫據後繼亦多賢措設各有異邇惠不可誣于久乃
有祀廟貌欲追惟歲月蔑省記公姓攜繪影按之求肖似
外肖裏未然有愧六二比才局負心胸仁義具肝肺智諄
周聰明力量發意氣不然是非間耳耳茅三四我喻操鋤
工斯得謂能事工答母深求神般不載世我聞發咨嗟時

哉則殊勢秋風振江介白露草木瘁遊子思故鄉懷圖渺
西驚往矣不可留欲贈言莫既

汎月辭并序 成化癸巳

家君以風痺兩年不良行今稍可扶掖出入七月
望夕氣清天高神情朗徹因合近局五七人汎舟
奉遊于谷水川上水月浩然炤人如畫乃烹鮮醢
酒捧觴屢進復造此辭揚聲中流歌以佐之客亦
宛轉齊口相和家君馴及微酣月午始返棹可謂
樂矣其辭曰

川之迥兮澹無風月初出兮露橫空汎樓船兮川上弄明
耕石齋石田詩鈔卷一

九

月兮川中鼓蘭漿兮揚彼素波光出沒兮復見星河清歌
激兮觴屢進夜未央兮歡樂多歡樂多兮百憂釋百憂釋
兮除疾除疾除疾兮安吾親忘歲年兮遊無極

莫氏壽樸堂 成化甲午

莫家種樸堂之前人家與樹相為羊拱宋抱元非一代皇
明十圍猶鬱然望如車蓋臨綺川張空黛色凌蒼烟厄柯
垂地雷雨妬斯皮露心蟻蟻穿屢逃兵火合靈怪曲救樵
斧諸實緣雖然所托在得地似此愛護寧非天天嘗戲藉
不為病與家同衰即同盛侍郎狼狽以官敗大類犧尊災
木性兒孫奕葉今森森王庭便欲空槐陰人於門第望喬

木我美根抵生詞林嗚呼此家此樹不易得李宿應須自
封殖作圖還儼角弓篇放筆爲君三嘆息

送諸立夫歸錢塘

昔年記買臨安船來與泉石修清緣劉郎史伯及吾弟一
船四客如登仙諸君作我南道主湖山笑引肩輿前談詩
酌酒夜不輟吻焦目澀無安眠別來人事等雲變舊遊一
夢驚三年劉郎化鶴招不得吾弟掩玉仍黃泉感懷夙昔
有零淚掩卷怕看登臨篇殷勤對話雜悲喜買酒取醉愁
無錢空齋停火炤寒鼠古木翳寺號饑餒明朝何苦又分
手拂衣長路開風烟朱顏白髮倏忽事人生離合真堪憐
耕石齋石田詩鈔 卷一 十

題畫送張子靜 成化乙未

八年別君今始遇匆匆八日仍歸去吳門新酒闌於江日
日醉君君不住高堂老有八十翁夜夜思翁在夢中長洲
春泥污短襪洞庭烟浪搖孤蓬人生度世誰滿百莫倚長
髯不能白未知握手再何時紙上雲山笑行客

遊海雲觀連理山茶

穹窿山中尋此花六年兩度來僧家連枝接葉宛似舊惟
覺山人雙髻華折花挿髻與不淺把酒澆花猩血法浮生
來看再幾迴敢惜春羅烏渠典愛渠滿眼歲寒姿獨發深
山誰得知正如君子處濁世不與桃李爭其時時乎時乎

不相與花亦何嘗向人語夕陽在樹人下山老僧關門啼
社宇

句曲王可學阻風有贈

四月二日風正狂柳條榆莢俱飛揚行人欲行不可發買
舟倚岸鄉心忙蕭齋把酒且款慰高樹平川愁日黃西隣
句曲引領遠北指毘陵歸路長我生好遊興不淺因君一
夜思華陽洞中桃花果在否試我明年脚力強

灣東草堂爲弟撰賦

愛子別業灣之東去家僅在一里中蔽門遮屋樹木大矮
簷但見麻芄芄頻年一意耽詩酒翻然改與咻夫偶赤脚
耕石齋石田詩鈔 卷一 十一

飽飯走細脰戴笠牽牛映新柳時人喃喃譏子愚阿翁儘

有高明居何致妻子嫌側陋何信兄弟專錙銖從人自說
渠自好力田養親殊有道強於遠宦竊斗升手種長腰使
親飽力田養親樂已多兄弟妻子如予何我與題詩解嘲
罵門外雨來蛙滿河

題畫

我從繪事歲既多破費水墨將成河濫觴重巨意亦廣望
洋不至當如何十年爲爾負黃卷譬藝根秀翻遺禾秣今
鑄錯歎無鐵蕭蕭兩鬢紛蓬科過猶未改復弄筆老身自
像般山阿踰梁無少鶴先路振策忽驚魚出波疎林秋沙

不著葉要看蟲蟬開差我胸中不平大類此吐氣浩浩歌
吾歌

題黃大痴山水小幅

大痴寫山用稻法千樹萬石縱橫書此圖紙短意則遠今
我對面思匡廬知今知今已仙去人間可惜無金鑄天如
許借還下來小五百年一遊戲

經尚湖望虞山

日午放船湖上頭虞山隨船走不休高雲仰見出翠壁飛
影下接滄波流青林人家隱山麓鷄鳴犬吠聞中洲鷓鴣
羣棲竹葉暗蜻蜓特立荷花秋蓮歌漁唱尚互答落景在
耕石齋石田詩鈔卷一

十二

樹猶堪遊小舟爭渡各先去獨逆風波渾不憂

虎來

成化十一年九月謠言虎至爭慌惚我謂虎至豈水鄉況
少蕩蕩與林樾前邨漸報啞老翁西邨少年撲見骨未昏
家家柵豬犬四鄰緩急莫相越昨聞鄰子說果見夜聞噉
咩疎毛髮起從壁孔稍窺規恰有微月映屋缺翻烏駭雀
不安樹偃草落葉悲風發閤行卓尾自破來意搏不得怒
氣勃登軀哆吻首闔地瞋目耽耽兩杯凸侵朝出門迹宛
在濕泥載途五爪沒口中且言尚驚怕轉首四顧疑衝突
嗚呼猛獸猛不知平郊獨行無乃忽人稠地局勢無比衆

不甘留突兀其中豈無馮婦者攘臂敢前何不展彎弧
倘有裴將軍老命須史應弦歿不知徙惡南山深安我民
心汝安窻

割稻

我家低田水沒肚五男割稻凍慄股勞勞似共兩爭奪稻
芽漸向鎌頭吐蓬蓬纂纂綴青針稻既生芽未應腐腐餘
割得尚歡喜計利當存十之五小家伶仃止夫婦稻爛水
深無力取口中之食眼中飽忍見穗頭沈著土波閒粒粒
付魚雁一年生計空辛苦但憂兩口不聊生未暇徵租慮
官府老翁坐對沈窳哭婆亦號咷向空金雲昏月望忘關
耕石齋石田詩鈔卷一

十三

門隔壁咆哮一聲虎

永樂初給事姚伯善采木廣右被瘴客死殯及六十
年至其孫榛鶴始克歸葬先兆作詩記之

惟昔永樂初 皇帝治明堂取材蒼梧野在樞楠豫章督
以給事臣若曰伯善行 公素侃察聞百辟得激揚譬如
公翰子材悉良不良此行固 天簡公亦喜自當握節指
八桂伐鼓官舲揚惟木彌萬山計材不計章昂霄及聳壑
乃適於棟梁此處瘴癘地氣候日不常公病即不治骨肉
懸江東 無人事殺復其魂悵彷徨枯藤束木函一殯六
十霜嗟嗟榛鶴輩祖死而後生 但知彼有殯不知在何

方坐輓向西南行亦西南望叶雖劇返葬心日月何忙忙
無財亦無時猶盲者無相叶天實使湯公官廣得其詳書
報在全州湘山寺之旁如因曼父母始知墓在防二子讀
書畢哭踊如初喪棒行不擇日即日裹餼糧鵠云兄當住
小弟力頗強此櫬所不返不復再見兄叶出門當嚴冬雨
雪滿大荒九溪多鼉鼓濤播舟航五嶺饒虎豹磨牙引
饑吮鶴行無恐怖孝至膽氣剛達彼全州境入寺悲荒涼
宛然三門側有堽記其藏拜之號三遠聞者痛肝腸發函
升輻車奉還萬里鄉白骨猶再肉樂歸所自生叶謁謁桑
梓里鬱鬱楸梧岡得從先人兆如齊返周葬叶况與元配
耕石齋石田詩鈔卷一

十四

合孤雌成鴛鴦嗚呼二子者生死有耿光嗚呼二子者古
義行于今叶嗚呼二子者頽俗亦可興叶虞山若增高琴
川若增長

頽氏婦節孝卷

人生苦是從軍行致之死地而復生何況婦人處閨闈不
知關西多少程相從翁姑萬里去性命自擬鴻毛輕風原
霜積奈何所嗥狼哮虎心竟驚新婦不敢嗟婆媳手扶病
姑兼兩嬰中途姑病不復起一身無帶猶漂萍歸來面骨
尋舊路有眼茫茫渾似盲嗚呼頽家孝婦命薄苦如此只
落節孝傳其名

石節婦成化丙申

呂家有小姑許嫁石家郎石家罹法網合族無留行叶里
豪復求婚趁此事更張慙慙媒氏審馬口不知小姑鐵作
腸誓云生死石家婦有脚不踏他人堂皇天后土閹節義
石郎不久仍還鄉流蘇嫋嫋開洞房春風吹入雙鴛鴦百
年伉儷只三月明鏡忽破無完光拔我黃金釵脫我明珠
鐙東市買棺斂西山買高岡土中先鑿合歡穴怨骨待共
千年藏此身已死心未亡身上不著新衣裳有身苦無兒
女託養老來依諸弟傍只今含笑入地下七十八年雙鬢
蒼君不見松枯尚有節蘭槁還留香節婦之名不可泯當
耕石齋石田詩鈔卷一

十五

與萬世扶綱常

土偶禍

鐙鐙鳴鑼彭彭伐鼓復有旂蓋亦有戟斧精力駿奔無有
老堅整整肅肅什什伍伍絳帕帙首花繒繳股中興者神
像之以土炭乎其冠被以繡組覲者前導跳梁盪舞進
如驅遙止如阻云神案行于彼災戶惟災之戶鞠躬偃倮
小心來迎翁前後姥家無大小一一拜俯擊牲化楮薦以
醇醪祝神加饗稱我神主惟疾惟患我佑我祐現迺執此
運日神附擊案作聲現日神怒必汝不虔不明告汝淫合
載拜極哀懇苦現始作書曰有逋負設通夢寐或聆呪詛

牛豕如干等以犬豕驚鴨及鷄計當倍蓰汝承其償其患
良愈箕忽輟運少間復舉謂以汝故往懇獄府曲爲之解
幹生死簿覘之以下如狼如虎從翁史姥不容有語指日
令償令面神許翁姥踟躕無以經紀質我青苗鬻我小女
典我衣裳翦我機杼求我親戚貸我鄰比是日之屈其輩
來聚主張督責枚舉件數數無虧少物必豐美獻事甫成
饗彼尊俎酒肉淋漓撐腸拄肚復有苞苴鬻哉核糈此輩
未出患者爲鬼越明之日神復求祀卽于東家其作如故
哭者在西無警無悟嗷嗷之氓昧乎義理生死係命聽稟
有數豈是土偶能奪能與今旣無靈不察何俟噍噍羣小
耕石齋石田詩鈔卷一

十六

附土利已土豈有知羣小寔使此事有類何伯取婦有豹
爲今悉投諸水

題杜東原先生雨景

老原作畫墨法熟紙上沉沉潑濃綠重林濕葉欲墮地合
砌流淙似鳴玉廬山九疊翠不乾秋影平吞此長幅借看
真怕雨拂面要爲時人洗雙目滕王珠簾正堪卷董家破
屋不可宿出門一笑青天高猶怪春泥汙吾足

古梅折枝歌爲韓克瞻作

猗蛟不肯居西湖穹窿山中潛作都千年雜與草木處土
膏沁骨蒼皮籠雪中攀拳凍欲死老腊又仗春風蘇今年

斤斧厄左股割落從樵夫幽靈暗泣天亦黑十斛清
淚含明珠抱材肯受爨下辱失勢豈分溝中污韓湘直費
百金買何啻網著青珊瑚挑回市上駭衆目兒女爭看來
喧呼還疑神物有變化白日閉戶防逃遁金繩兩道鎖紐
壯止禁更插碧玉壺主人尚恐莫長守請我寫作流芳圖
高堂雪壁炤清影此屋此圖何可無

竹堂寺探梅

竹堂梅花一千樹晴雪塞門無入處秋官黃門兩詩客珂
馬西來爲花駐老翁攜酒亦偶同花不留人人自住滿身
毛骨沁冰影嚼盡含香各搜句酒酣塗紙作橫斜筆下珠
耕石齋石田詩鈔卷一

十七

光濕春露只愁此紙捲春去明日重來花在地

雨夜宿吳匏菴宅

成化戊戌

雨中客舍苦局促故人招我有尺牘書云竹居可閑坐烹
茶剪韭亦不俗得書徑往與亦豪何慮衡泥汚雙足開門
山林在城市濕綠如雲亞羣竹主人罄折故意深道慰契
闊須信宿榻上爲我設衾枕堂中爲我羅酒肉我時肺病
已絕飲強舉一觴連五六長談細辨困僕夫燈影簷花亂
書屋美君有弟雅誼同山水光明信珠玉故事方思衛八
家還咏逍遙堂後木人生良會豈易易他日如今又難卜
謬圖菲語何足記雪泥聊耳知鴻鵠

西山有虎行

西山人家傍山住唱歌采茶山上去下山日落仍唱歌路
黑林深無虎慮今年虎多令人憂遠山搏人茶不收墻東
小女膏血流邨南老翁空髑髏官司射虎差弓手自隱山
家索鷄酒明朝入城去報官虎畏相公今避走

又

西山有虎動成羣小兒夜啼爭撞門衆中最猛說白額當
晝磨牙當道蹲腥風衝人行不得行人出門便愁食青天
白日奈爾何老夫却愁陰類多

題林和靖手帖因借東坡先生所書其詩後韵

耕石齋石田詩鈔

卷一

十八

我愛翁書得瘦硬雲腴濯盡西湖淥西臺少肉是真評
書比西臺差少肉數行清瑩含冰玉宛然風節溢其間此字此翁
俱絕俗開緘見字即見翁五百年來如轉燭可憐人物兩
相求落我掌中珠有足水邊孤墳我會拜土冷煙荒骨難
肉當時州吏歲勞問于今祀典誰登錄翁固不能知我悲
聊對湖山歌楚曲我歌湖山亦不知惟有春鳩叶深竹歸
來把酒吊雙緘猶勝無錢對寒菊

二月二十日與鮑菴放舟遊虞山舟中見山有作

虞山我隣壤欲往路非遙比來無好抱風日虛春朝茲藉
嘉友興理舟訪岩壑漸喜蒼翠近豁眼嵐霏消上有古松

杉落落旌幢標其下見行人往來雜僧樵我坐意亦馳
伺雙屐超何異謝康樂巫湖眺且遂

艤舟山下因遊致道觀登梁昭明讀書臺訪徐辰翁
丹井復作一首

遠秀目已週復騁登高足青山不嫌人所取隨我欲巍巍
古仙壇寂寂奠林麓七檜交雲霞靈颺散青馥崇臺轉磴
道攀緣把旁竹同行玉堂彥高味應虛谷逍遙東山風能
去歌管俗伸紙驚連章繆圖附一軸聊以志傾賞流傳亦
何卜或恐聞邦人有酒悔無逐

留連山間追暮始返棹

耕石齋石田詩鈔

卷一

十九

遲遲二三客默默對層岑轉叱清川口忽然西日沉常時
急歸路茲焉迂我心行行望不輟去遠思滋深所思何以
寓丹青亦難任不如就明月彈我丘中琴

慶雲菴牡丹

三月十日天半晴慶雲菴裏看春行陶娘李娘俱寂寞
始矚眼真傾城老僧却在色界住靜笑山花惱客情靚粧
倚露粉汗濕醉肉隔紗紅暈明吉祥將落舊有恨急借紙
面圖其生明朝攜酒正恐謝亦怕敲門僧厭迎

觀徐士亨所藏懷素自序真跡吳鮑菴許墓寄連之
藏真儻蕩人草書知易耳義猷百世師擬步爭尺咫長驅

竝顛旭所至非易矣筆勢酒發之將腕兵其指潛鋒在渾
淪藏力於纖靡恍恍遲速間神妙出生死心以禪觀通隨
物得書有風雲及虺蛇信筆變不止一筆備一變萬變萬
象起固足稱草聖多括類書史史遷嘗自序此作良有以
汗漫逾千言燦爛連數紙初紙記子美會補龜王毀山谷
亦未見會遭穆父鄙後人况肉眼狐鼠得疑似喪亂七百
年天豈愁遺此今日復何日所遇亦天使未能尋文讀且
以指畫几歎美及末卷題識驚妮妮名街十有六尚漏薛
劉米西臺與祁國緒論甫先啓同叔相諾唯公卷特詳記
此輩推名流逐逐到餘子非惟致贊頌流傳悉源委譬羣
耕石齋石田詩鈔卷一

二十

介輔賓傳命以成禮譬徵十朋龜信吉無餘擬季子肯綮
致我詩系其尾南州肯勒石萬本播不已不然此紙者孤
注安足倚

傷阿同

阿同年十四蓬垢身短小小心效力多過失比衆少每事
解人意指使不顛倒似有成人姿私怪通慧早今年忽患
痘頭面見稍稍週身漸稠密匝肉無空道色白漿不成識
者謂難保愴惶十三朝焦黑如火燎我時去城中牽念夢
屢造同亦矜我歸每問輒悵悵此意要面別亦自知死光
我歸不見同洒淚傷其天老者正需人何以堪懷抱今與

冥頑處愈自覺同好誤呼尚疑存轉顧驚悄悄送汝瘞東
郊細雨滴青草

十一月望日至西山徐永年與徐襄陪宿山農陸遠
家月下作此

凌寒入西山落葉逐步武迤邐迨日夕竟宿樸木塢地靜
儼隔世忻與羣石伍誅茆頌此住且脫墊溺苦親舊爲我
來抱被脩尊俎清談不復寐妮妮雜今古開門望明月連
嶂環四堵逍遙林影中鬚髮皆可數高吟動栖鵲霜氣滿
中履山間畫與夜可用隨我取諒非名利區沈湎天亦許
明日尚滯不歸永年復建榻

耕石齋石田詩鈔卷一

二十一

山中尚有昨夜月中癡人留不歸把杯對月興不淺月
亦爲我添清輝三人一室互賓主禮數簡略心無機茆堂
開門露氣冽葦壁竝磴泉聲微平生始來來不去推挽一
任旁人譏明朝更約度西嶺笋輿入樹風吹衣

石田先生詩鈔二

古體成化十五年己亥
盡二十三年丁未

雨晴月下慶雲庵觀杏花賦此明日老僧索作圖連書之己亥

杏花初開紅滿城我眠僧房聞雨聲侵朝急起看晴艷對
房兩株令眼明還宜夜坐了餘興靜免蜂蝶來紛爭嫣然
紅紛本富貴更借玉露添妍清蘋流水未足擬金蓮影
度雙娉婷庭空月悄花不語但覺風過微香生老僧看慣
不爲意却愛小紙燕脂縈高齋素壁可長有不絳零落愁
人情

耕石齋石田詩鈔卷二

射鴨詞

壓桑彎彎六尺弩平鐵箭頭十家股湖鄉弋戶不種田業
射羣鳬伏秋浦浦風瑟瑟影枯蒲應弦一響無生鳬錦紛
秀折頭翅折水花濺血紅模糊雌雄失偶驚且呼弋人換
錢方市沽

答明公送椿芽

山僧藜藿腸采拾窮野味靈芽漆園種新摘帶雨氣鹽蒸
嫩綠愁日曝微紺痒裹紙聊檢許珍重不多遺仍傳所食
法且囑要精試兼烹必雙井水亦惠山二及云性益壽甫
與菖陽比香甘流齒頰食過發吁戲山僧苦薄相折此八

千計本昧吾儒言方長仁者忌

過長蕩

發迹過長蕩識此平生始春流方漫衍曠蕩彌十里老葑
蔽層雲敷芽青擬擬正如一明鏡黻蝕銅繡起西山欲臨
炤掩却螺髻美山亦拘怒去南走太湖溪羣勢湧墨浪爭
捷互排擠我恐先我去揮手喝止止湖山四面好轉側皆
可喜此面正佳絕扁舟載西子芳洲有隙地官賣脫紫綺
移家非丹砂所好在山水

己亥三月五日與盟滬先生往掃陸門新墓道長蕩蕩
蓋虎丘所望而謂千頃者水面皆積葑蕩之西吳中諸
山合而畢在橫青疊翠真一畫屏然因作詩記其奇觀
時盟滬失之睡比覺誦詩爲之悵然明日補爲圖系書

耕石齋石田詩鈔卷二

上方以慰于盟滬盟滬云天之東隅收之桑
榆余亦不爲無所遇也出先生手筆詩冊

己亥三月六日因雨宿西山白馬磴早興濕雲如墨
諸山滄然在吞吐間東坡所謂雨亦奇正此景也因
以詩畫記嘗見耳

濕雲載春山晴秀悵莫逢朝來雙闥前頓失千龍從天地
大藏疾何所不包容峯巒皆養晦草木未發蒙芙蓉不敢
巧反撲鴻蒙中老青巨辯物存亡詰兒童晝夜不分明中
恐移愚公又慮九疑縮萬里未相通爭高或不平出氣蕩
其胸水墨用吾事丹青莫爲工

雨中觀山谷傳古堂帖

日日坐春雨書齋殊閒然偶持博古刻指目臨窻前綠筆
會其造不覺脫肘審何異積晦底軒渠觀青天平原氣骨
親傳師何足傳山谷初學沈傳師後諱之自言藏真况多
愛顏魯公書時時觀有其氣骨藏真况多
助恍惚妙入玄翩翩太清間飛行愛羣仙冷風曳長袖金
翹多左偏世人欲摹擬若以手捉煙求筆不求心筆乃心
使焉我雖有妄念精力衰於年歎息把木鑽石盤那得穿

楊花曲

江上楊花撩亂飛隨郎馬蹄點郎衣楊花飛多還墮地郎
去遙遙何日歸郎歸不歸任郎意但是家書無寄處願裁
楊樹遶天涯明年見花郎憶个

耕石齋石田詩鈔

卷二

三

春歸曲

今朝三月三十日間春果是明朝歸春歸當向何處去春
亦不言花亂飛東家蝴蝶已無賴強逐遊絲楊落暉青樓
粉暗女子嫁朱門烏啼賓客稀春一去萬事非臨岐更把
一杯酒愁見牆頭梅子肥

紀是作

四月九日因往西山薄暮不及行艤舟虎丘東趾月
漸明遂登千人座徘徊緩步山空人靜此景異嘗廼
一山有此座勝處無勝此羣類盡磽出夷曠特如砥其脚
插靈湫數霞面深紫我謂瑪瑙坡但是名差美城中士與

女數到不知幾列酒卽爲席歌舞日誼市今我作夜遊
載當隄始澄懷示清逸瓶罍真足恥亦莫費秉燭步月
可喜月皎光潑地指足畏踏水所廣無百步旋遠千步起
一步炤一影千影千人比一我欲該千其意亦妄矣譬佛
現千界出自一毫耳及愛林木杪玲瓏殿閣倚僧意或映
紅總在珠網裏聞聞萬響滅獨度蹉然履恐有竊觀人明
朝以僊擬

瑞光寺

塵中五日雙脚紅頗有俗氣填吾胸今朝風日弄妍美城
南載酒尋花宮古濠流水帶柳深居逶迤茶煙中老僧
耕石齋石田詩鈔

卷二

四

與我非夙契卽許小閣開松風山杯到手送西日醉倒信
呼田舍翁未知明日又何處出門大笑歌萍蓬

送劉憲之歸遼東

三韓之地今遼東阻山絕海疑天窮黃沙拍塞數千里朔
風滿地號榛叢天寒冰凍弦盡折長川如砥牛車通長城
北蟲限雜虜一堵之外皆羶風朝廷宿兵三百萬羣醜
不敢南嚮弓風高氣勁人勇健臂鎗走馬能兒童祇今無
事束手坐文場別策詩書功誦聲連營夜月黑駸駸鄒魯
將無同美君飽學二十載如女未嫁誰爲容衣巾楚楚步
武闊骨相磊落鬚充充雄談信宿一何健玉屑不盡蘭缸

空山川人物能歷歷今若宛然吾目中吳山楊梅如血紅
吳門酒色琥珀濃楊梅百九酒百鍾與君爛醉消離知
君急歸不可遏昨夜夢見高堂翁吳歌一曲渺江水登臨
目送孤飛鴻

題謝葵丘畫

葵丘鶴城吳兩翁我拜兩翁爲祖行小時會記撰杖遊碧
梧翠竹俱無恙文章足可表後學我嫌繪事專其望翁懷
高遠亦不諱畫師自昔呼閭相鶴城墨潤筆更精葵丘落
紙殊豪放遠知董巨百代師各以水兵宗墨將我從此幅
識葵翁元氣淋漓神獨王高不霜清葉微脫大溪雲眇波
耕石齋石田詩鈔卷二

五

初漲溪頭對話疑兩翁自寄清標在屏幃後生憐我亦老
大物是人非獨惆悵近來畫手多滿城抹綠塗青自相尚
兩翁古意付茫茫兀坐斜陽對高嶂

遇李生

李生生北方膂力矜蟲蟲桑弓勁如鐵輕引左右臂短衣
獵南山猛虎俱待斃官衢多騎劫一發嘗貫二含笑擔其
囊輒補酒家費小飲三百杯味薄不足睡夜半挾金餅隔
樓調隣妓橫行長安中五陵誇結義秋暑滯谿閭解衣詫
能事槌床助談屑秉燭聽未既衆客不敢譁懾此河朔氣
座無楊開府妮妮當誰爲

梅雪圖戲陳廷璧

梅雪翁清而窮名階利窟誰與翁作引書林翰苑自許翁
相適硬黃滑搨搨盤鼓雪親習習摹尊鍾老年好古心獨
少黑烏衫袖猶兒童自言書法卽畫法雖不能畫頗知其
理同邑分斯篆數投我聊博紙上青芙蓉得之欣然便卷
去不待題識疾走飛秋逢今朝雪落號北風凍指屈縮爲
蟄蟲翁來疆要圖所號趁此梅清雪淡天爲容傳神正須
及此際吹火烘硯松枝紅亦云要詩寫雪空長句掃破寒
雲重笑翁愛詩真怪事無乃齊人知瑟工興來爲翁放手
作珠光玉色開深冬圖成詩就雪未霽西湖剡曲略見依
耕石齋石田詩鈔卷二

六

微踪我不知翁在畫翁在詩評中畫中亦各有此翁請翁
歸去同梅雪我詩與畫誰雌雄

莫釐登高卷

成化己亥秋文明府天爵訪王翰林濟之同登莫
釐之峯二公各有記予不能同遊不知其爲勝茲
強作圖與詩聊復爾耳

洞庭兩山浮具區金庭王柱僊所都翰林王君列僊儒佳
隔萬頃玻璃湖洪濤巨浪相吞屠我欲從之老命虞海東
文侯眼孔大視之不與均堂殊眼中之人不可呼翩然往
就喬之鳬文侯文侯寔尹吳所治百里山水俱山靈河伯

愛結東疑爲後擁仍前驅高登莫釐盡奇觀云古來今
當無白波青嶂坐可挹紅粧細馬來敢汗兩人傲覽萬象
表但恐笑語天人狙揮毫撫景間杯酌作文競與山拈摹
湖山洵美我未識翻意斯文相厚誣緣文作畫強鄙夫正
如槌埴求其途茫茫意會復有詠長安西笑何其迂有生
不遊山亦誚手搔白髮吁嗟乎

碧梧蒼梧之軒

吾寢之前有屋甚虛明屋下有一梧一枯竝秀于

庭因名之云

吾軒陋無取賴有此嘉樹梧枯各一植當前鬱分布正比

耕石齋石田詩鈔

卷二

七

雙國士哀然在賓昨我是軒王人對越自朝莫讀書接葉
下小酌亦可具徘徊弄華月涼影亂瑤璐疏繁來冷風拂
亞濕清露始信昌黎公喜爲五楸賦我初作軒時自以偃
息故軒樹本無因偶合亦有數以樹名吾軒以物表所遇
樹色如得意我亦成其趣枯古枝相樛偃寒抱貞固梧身
聳而拔未可限尺度遲彼鸞與鷗引子來相附時時掃蟻
蟻霜皮慮其蝨但笑三千年羽化我當去我去空此軒當
馬誰所住軒亦空此樹當爲誰所顧存亡俱冥冥天地聊
一寓

十一月廿三日入城會陳育菴

冬溫氣不肅感疾因入郭日入燈火候無處問豎藥
逢故人先我寓僧閣誰謂在今夕杯酒洗離索妮妮情話
餘互問新述作從容發歌咏時或間嘲謔不復有鬱懷未
樂病先却婚姻舊兄弟氣味亦相若各念老境人覲面苦
難數偶耳滄海間合此千里鶴天亦喜留客款款細雪落
呼墨記良會笑見睡僮惺

三月廿七夜夢於清溪中一鯉大而白色翌旦西

隣果一魚色質與夢中甚肖異而賦此

成化庚子

昨夜清波夢一鯉劈波呈身覺猶喜侵朝竟夢到溪頭尚
以心痴辨非是忽來矮漁提竹筐果臥長軀露頭尾一癡

耕石齋石田詩鈔

卷二

八

流血宛如昨驚定與漁言夢裏漁亦辛勤說中時曳叉遊
命逃淵底解衣沒入始抱出岸上歡聲呼利市鼓鰓喁噉
氣猶奮吐沫淋漓口還哆壓衡斤充十有二急買烹之答
天與人生飲啄固有數以夢先知良異矣北堂首致老親
羹還與朋從既餘旨

和王秋官元勛寄陳育菴韵

陳子儻蕩人苦爲造物涯一與一奪間多少如蛭蛇作詩
出其氣高妙自名家發語如陽春吁枯皆足花口若不火
食肺腑儲鮮霞上遡三百篇漢魏生疵瑕其視太迂闊迺
有謗毀加子亦示刺罵比義咏雪車小人莫能當羣吠其

聲哇管仲曾有言犬亦噬其猥惟子失初計不以靜鎮諱
然此皆浮雲何足掩月華於子未嘗損揚辭愈滂葩顛倒
千顏波兀兀泛孤槎得道則乘流失道則粘沙浮遊天地
間何物能籠豈

題子昂重江疊嶂卷

王孫無運開英雄聊寫江山藏畫中還從慘淡見舊物似
有涕淚含孤忠長篇萬貢與作稿一圖萬里連提封張韓
劉岳果何功入關蕭相將無同王孫本號松雪翁能事錯
認營丘公丹青隱墨隱水其妙貴淡不數濃紫灘曲瀨
導巴蜀沓嶽長巒連華嵩空濠野馬軋雲日浩蕩碧穀吹
耕石齋石田詩鈔卷二 九

秋風王孫隔此不可從水晶雙闕金芙蓉招之千年或一
出黃鶴豈不思江東

登大石雲泉菴讀李武選吳太史張夢坡史西邨諸
公聯句有作 成化辛丑

昔聞大石會衷熱思載酒三年恥獨遊閨戶屢縮首拘束
非達士畸人信無偶問路始奮屐不避飛磴阡登頓風掖
身笑語雲入口直上忽左旋方塞復傍剖跨空紫玉櫺下
穿龍腹走膽慄欲中止仍爲奇觀誘碧殿嵌陽崖硤礪碍
窻牖轉高得絕勝小閣踞岫嶠如從毘盧現載以蓮花九
東壁讀聯篇句下具其某文章千代物與石俱不朽後客

其容續令人議貂狗

爲謝將軍題樗弟畫

吾生頗有水墨緣筆所到處山爭妍吾家後出才叔弟銳
氣似恥吾居前將軍何從得此幅慘澹生紙開雲烟坡頭
懶仙紫袍坦石底老樹蒼根聯仰天長笑呼白鶴萬里掠
雪來青田兩章密識借我字戲我自見疑其然朱絲足信
補道子今人能事古莫專爲渠題詩加印證是非非是俱
堪憐

五月二十日尋謨無猷與曹楓江會飲 成化癸卯

吳江城西西林中步趁西日尋謨公捫蘿尚記十年路試
耕石齋石田詩鈔卷二 十

葛初當五夏風焚香掃地我愛佳和詩得朋天遣同尊開
竹葉炤眼碧盤飮楊梅過血紅觸人飛蝠出松壁隔火亂
蚊攻竹籠此時夜飲頗自苦要記醉語新軒東

約客山行先後相失

春山同遊不同席却彼青山笑相隔邨蹊宛轉馬不進來
者固遲歸亦急問人云去苦不遠如酌稍延當有及空亭
鳥下小燕過祇見殘花與殘核手捫路竹漫刊詩將記後
來君可識白雲酢汝一杯酒不問老兵何得失

題孫君澤山水寄華光祿汝德

衆山蟲蟲如排空左錯右互肝肺重嵐氛滄地似無足止

有樹杪浮青蔥兩崖壁鐵泉迸王中見百丈垂長虹烟江
沉沉納此瀉天影浩蕩吞孤蓬君澤君澤其此胸我謂主
遠將無同高堂突兀出奇觀巴蜀落眼何時通我家茅堂
不稱是君家畫錦宜縣中因之卷贈報昨辱一軸百里吹
長風

穀雨後十日壞臺前牡丹始花感而賦此

牆根古臺傾甃磚蓬窠久矣迷嬋娟時寒地薄敢早發浮
雲錯莫愁陰連已經穀雨去十日始向積翳瞻孤妍譬之
貞女丁年字此花無迺遲爲賢老生賴與花作主起稱池
館羞無錢夕陽濁酒聊取醉時有好友來尊前非因花好
耕石齋石田詩鈔卷二

十一

不得地非惜老人無少年近聞虫卉爭入貢一珍一異皆
登天金籠翠幄走萬國龍驤千柁開風烟聖人觀物自
有道豈至玩喪爲徒然華萃可鑒至德著指佞所及羣邪
俊驗之於黃旬朔正吹之於竹律呂宣有豸桓桓一角直
有鳥跼跼三足駢彤庭玉墀必致此嗚呼此花甘老春風
前

早行覓火湖村卽事

長川發柅日未暝覓火炊黍迷無村旁流縈綠深入港隔
竹宵聽疑人言茆茨接葉略認屋拉舟再轉方知門老妻
緝麻坐騎轡小兒簡虱手脫襖黃雞無糧鴨待哺老父減

飯拋尚根吠尤逐我未卽叱似嫌新客尋桃源挽花攬舟
玩野意解繫更愛殘紅翻重來却恐不可認刻舟便欲留
痴痕

和陳粹之讀司馬王公諫王欲括金玉之疏

日月或未至燃火明昏黃雨露或未及汲水甕槁桑燃汲
在人事衆手易以將衆手顧爲難袖之觀於旁悠悠疎遠
臣賢勞天一方萬里謂尺只引潤要通光此心何惘惘修
辭屢飛章元裕不自危氣撼西頭當一字一寸珠一函一
尺璋天子如玩物至寶此足當胎之以孤忠形之以三綱
肺腑韞無逸旅樊系肝腸匡救是爲具時以報吾皇念
耕石齋石田詩鈔卷二

十二

茲允在茲豈曰遠而忘日月願長耀雨露願長滂燭火願
無庸苞桑願無傷安得如公者數輩居廟堂嘉謨與讜論
日惟贊贊襄儉德著於堯女謁悔於湯永固萬世業上下
稱明良

題坐忘卷

老叟抱病似華子得喪存亡俱蕩矣途中碌碌不知行家
裏休休不知止東家亦有坐忘客坐坐久忘深慮還起忽從
病史索忘詩真似夢中談夢耳成詩自怪筆在手書罷笑
看詩在紙蒲團消息付詩中再問行時復何似

一年惜一年效樂天體

人老一年惜一年我老一日惜一日譬之今日且漫過明日思今已難覓一日雖近一年遠要是年從日中失莫教惜遠不惜近一日與年爲大率況人無日不勞生又有貧窮兼疾疾青春不是愁斷送白髮寧從笑中出人生樂事固不無以日論之十得一吉凶悔吝譬易理三者戾占纔一吉憂多樂少我自知却老延年信無術百年我欠四十三強半經過五十七天公倘肯乞餘年便到平頭少堪必都將老死付天公但教有酒萬事畢日日逍遙山水間淺酌在唇詩在筆百年待盡隨處埋草間那有滕公室

過湖偶書

耕石齋石田詩鈔

卷二

十三

薄莫及東汎眼豁連胸臆淨碧不可唾百里借秋拭遠樹水光上出沒似空植疎處方森然山黛一眉塞夕易掩半面雲浪爲風勒便以湖作紙欲畫手莫卽見瞥況難諦歷多何暇憶舟子無雅情雙櫓歸力

釣弋夫人 成化癸卯年作

河洲窈窕天下奇氣不悶靈占者知深拳握玉春滿把臨河一笑爲君披與君七十仍生子周公負之畫圖裏好而不愛情則疑主少母壯燧媒死雲陽十里吹香風絲履故在黃腸空不應青鳥有遺愛飛逸靈臺悵望中

齒搖

當唇一齒齟將脫根槎枒棘舌妨嚙食致憂豈云些動搖苦浮危軼出奈參差疑口嘗沮故比眼如礙沙山水失嘯歌日夕人歎嗟終知莫附斷且怪久戀車惜惜滋流涎數數撫斷槎欲拔涉校誚希生聞藥涂聊存徒爲耳卒去何快邪大似狡酷吏作孽開公衙還如敗劣子驚外莫安家但得噴一嚏遊落從餘訝嚼肉補空竅呼酒洗豁厓掀髯捫其餘幾輩棲殘鴉作詩尚有告伴老衍歲華從邁勿以類留二學呂誇湖鄉堪養老鮮美多魚鰕

長至後一日齒病作楚趙中美遠來致問以詩答之

耕石齋石田詩鈔

卷二

十四

筋繳腦猶加釘左車腕腕不勝載上下十輩俱吟嶢風松將遊離房子霜藤尚掛戀蒂榮夜來狂風歟床榻正恐撼動因之零呻吟縮被凍入骨颯颯墮樵吹枕屏來檣去馬當絕迹君獨此際能揚舲湖波拍天一百里飛櫓直犯蛟龍腥豈從舊雨只謝飯況有佳酒雙銀瓶味難沾口意自醉初日正昭溪東序

題錢舜舉漁樂圖

成化甲辰

長川無風縞秋碧鳴嘴平灘引南北水楓脫葉荻花飛獨許紅龍占秋色東船老漁鴈魚立手擎鴈竿雙脚赤清波炤魚如可拾自見鬚眉還歷歷老妻背坐乳小兒似厭大

兒爭且索西船收綸唱歌返短楫弄波聲濤濤一家妻子
團圓頭三泖五湖供泛宅得魚換米日日飽鮮鯉活鱸爲
黍稷漁船兩葉天地間翻覺船寬浮世窄與漁傳神雲溪
老滿眼江湖紙盈尺烟波情性漁不知今漁見畫漁還惜
題沈履德遊湖雜卷

朝看湖船出暮看湖船還遊人趁日不用揀雨晴雪月何
會閒舉頭看山低頭飲唱歌小女桃華顏青山亦來炤湖
水一鏡映入千螺鬟便可斗酒詩百篇更選絕壁鏡其頑
青山萬古湖萬古歲月但與遊人慳昨日遊湖人今日埋
青山青山與湖同玩世儘把少年勾引老者剛君不見白
耕石齋石田詩鈔卷二

卷二

十五

樂天蘇子瞻二公不能再爲湖山起虛名空掛湖山間我
當把湖釀酒日日醉豈被紅塵白髮相欺謾

二十日劉邦彥約遊虎跑不至留題寺中

抱衾兩夜宿北山忽夢南山卽移去出門草露拂衣裳興
觀晴熏百花氣一登一頓復領閑猿洞龍湫探不畏緣奇
更到虎泉頭吟勝久枯思灌溉夾城劉郎負宿約泉爲酒
多應薄味山僧煮茶一再熟目斷松行日移未不知歌舞
何處邊欲寄清泠醒醉尉我來此地本爲客握手日談何
足慰便追好事李節推三日先期豈云費別泉有詩兼柬
劉三市諷歌泉或沸

客自北京回因次第其言以誌繁華也

疎扉破屋塗秋霜燈影明滅寒更長君來坐我白木榻別
久略覺鬚莖蒼持杯且不論契闊媿媿新聞傳帝鄉繁華
富貴年年勝一年不到驚非嘗舊遊閭閻皆改觀連雲第
宅伴金張服華不忌朱紫用核品每作樓臺裝東家貢珠
西進玉一事反獲千金償買官例轉新傳奉元祿還來分
太倉人家生兒書不讀有錢取貴如探囊僧街道錄百十
計賜院聯綿閑雁堂蟒衣阿監蘭珠璫馬隊橫衢來降香
輿臺一一是宿衛望塵走避尚書郎公卿爵大福亦大不
動聲色居巖廊子孫祿蔭恩至渥私家袍笏無閑床野夫
耕石齋石田詩鈔卷二

卷二

十六

聞之向西笑身亦願往川無梁

望陽山有序

成化甲辰歲閏中李侯來守吾蘇其歲大登秋之
孟侯報望於封內泰餘杭之山雍雍肅肅敬恭乃
事郊之父老觀瞻讚歎曰吾侯爲吾民而役者勤
矣矣退盤桓山間人得歐陽在滁之樂沈周圖其
所以樂者復廣父老之讚歎而爲之歌曰

小時謂山頑而窿出雲出水疑中空後來仰之生敬止知
司有神與人通爲陽爲雨蓋有爲惟愆惟序惟豐凶吾蘇
十年泮水中吾民饑墊魚鱉同李侯聿來水相避勸我稼

穡仍爲農收拾豐年答 天子菜熟米賤公私充流離思
鄉負子返譬彼木茂鳥必從山川効順人効敬天實有意
成於公公能愛民天意合亦能事神民福崇秦餘杭山蘇
所望西北特踞封中雄觀公秋來修所報五馬至止儀雍
雍魏乎業哉幾千仞對笏正立青芙蓉風作之聲雲作氣
靈之揚兮心愈恭下山逶迤碧松裏短杖露冕從絲桐清
泉白石解欵曲引酒自醉黃金鍾推公此樂樂民樂山水
未足開其胸觀瞻歎頌走父老云與歐陽成兩翁作亭欲
與山借地丹林翠壑忻相容題楣俾須識大有公須自記
知宗工誅茆豈伺智僂輩我先點筆留青紅深簷高棟會
耕石齋石田詩鈔 卷二 十七

有日廣縹大軸相無窮

畫松壽大司馬三原王公 成化乙巳

尚書府中松十抱直氣貞心不知老關中土厚根柢壯千
年閔生地之寶上叅雲漢不屈身世閔草木斯爲表用之
擎天天久恃用之柱國國永保伐柯擊茲擬額笏摘葉指
佞比堯草 朝廷何可一日無百不爲多一非少凌霜傲
雪古色存蒼蒼直與秋天杳孔明廟前有老柏此物亦自
因人好大觀直謂古今同時固難同貴同道金花玉苓仙
所食只在長生不在飽須公采啖三萬斛四海蒼生期壽
考 三原公以成化二十年甲辰任南京兵部尚書次年乙
巳公年七十

留金仲和

脫葉莫能綴折竹不能連流光背人去一去亦復然釀酒
豈無米種米豈無田豈有八十母兒可離膝前膝前亦頃
暫老者不少年襄陽雖云樂扶母難登船襄陽銅鞮詩白
日花滿烟思家總多夢母不在枕邊勸君母子勿相失看
取床頭子母錢

陳太常師召邀賞南軒牡丹

清卿南軒春有光點綴萬綠留紅芳臨軒撩亂難比數楊
家肉屏當面張南都根本元氣壯此花盛德當推王天於
清高補富貴人與草木爭文章春盤厭飭酒飲口替饌盃
耕石齋石田詩鈔 卷二 十八

座中飛觴略無絲竹晤清論澹有風日含新粧差予潦倒
似僖父布袍也拂春風香白鷗本是世外物參鸞附鵠來
翔翔兩年歎惜俱作客自家一株烟草荒平章往事不須
較在在有花皆雒陽主人勸客莫辭醉更言此會非尋常
爲華置像保長在人間風雨當無傷

送王抑夫作縣陳留并柬許倅施煥伯

與君桑梓陰相望母黨沉爲兄弟行我之老母姊君母以
日拜姨今未忘兩家昆季昔數人君我聊存屬餘長羨君
讀書事長勤落手新文合時樣學資浩蕩德華腴外度舒
徐中倜儻我慚白髮血氣衰君喜青雲年力壯北京初選

受銅墨風雪克途神轉王學家便欲浴牒去河上敲冰進
官舫田園豈是容易別自是縣中官署曠惟民不可日無
教有爵相擔畏人讓比來隨地見饑饉未必陳留獨無恙
不徒口慰要心存莫以絲先保障亦聞陳許間未遠甫
有膚菴可躋倡故人所在即故鄉天涯詩酒生佳況嗟予
廢置祗牖下枕書昏眠眼脂漲升沈由來自有時已信老
懷齊得喪尚期諸輩各努力要在致君堯舜上

題松卷

寸筵悠悠至千丈歲月之後乃可望老夫一日春雨中手
暖心閒筆初放徂徠合抱三百株生捉龍蛇眠紙上培之
耕石齋石田詩鈔卷二 十九

以墨土何功根葉不驚神亦王傍人謂我奪造化畢宏韋
偃仍相誑一舒一卷風雨生滿堂錯愕空相向還疑秋子
打憲扉亦覺春花撲屏障久無采錄我何嘆自倚胸中意
爲匠

王理之寫六十小像

王生見我精神熟寫今吾瘦於竹問年初及六十人饗
世渾無半分福一味耽農百不便門前湖水漲低田饑來
讀書不當飯靜裏安心惟信天風雨雨壁豁堂破貧賤生
成今老大隱服還勞郡守遺私篇或辱尚書和草木當衰
不復真紙間座上兩浮塵是非非是都休辯聊記明時無

用入 成化二十二年丙午先生年六十

錢士弘以東坡船遊汎月病阻因答

東坡新船高似屋兩舷開窓三十六昨乘缺月汎昆湖今
汎楊湖月方足老夫不及困河魚到月足時人欠福莫能
扶僂踏高筵馬不進令人累俗翠盤露酒白玉香一飲之
緣惜難卜月從水上憶車公還能入戶尋幽獨枕前只作
臥遊人亦有清華爛雙目高吟不寐待回船輸却醉鄉詩
可贖

題錢士弘阻遊山卷

我懸虞山當一舍會幾尋山止其下見山便怪老足困劍
耕石齋石田詩鈔卷二 二十

門拂水心空掛諸君生長爲山隣終日熟遊非日乍今朝
懊惱有長篇頗被春泥妨不借儘自空濛雨亦奇抱衾泥
宿林廬夜開門點火焰芙蓉濕翠還堪酒中瀉

棄婦辭 時王司馬致仕

棄婦下堂去六親盡彷徨棄婦無可棄棄之家不祥憶初
來嫁時惟家以爲慶叶 桴桴理亂絲爲君事流黃扎扎把
長線爲君補衣裳雖勞君莫察持心罔失嘗雖工君莫信
捫心無怨傷竭力奉君歡羣小亦莫容叶 君心豈不諒背
憎絲舌長黃金亦銷燼禮義安足防去去出君門落日昭
大荒輻脫難復行絃絕難更張事乖理當去但念未分明

叶割皮以爲紙瀝血以爲漿前書栢舟篇後書終老詩
君期爲悟視聽付茫茫復書於太空願助日月光萬古
元氣上下流無方倘或淪君心他時省糟糠

題九十二翁張畫

張翁年紀如伏生讀書不及繪事精爲圖亦自有古意長
幅短幅求人爭老翁之筆隨年老墨潑稍上如帚掃橫皴
六丁鑿龍門豎皴溜雨沉墻倒一峰塞天雲不流特立萬
仞芙蓉秋石邊白珮亂跳澗木末紅泥高見樓樓頭楊花
吹碧瓦宛轉春江帶樓下烟波渺渺古渡長落日行人獨
騎馬似圭似遠是非間人道濃枯復似關沓成高致那能
耕石齋石田詩鈔 卷二 二十二

到我莫臨摹覺手頑

書周節婦孝感之異 成化丁未

黃氏十九時歸周文璧氏二年文璧喪弱惟一女恃有姑
患痿痺其狀莫比擬有肢如無筋有骨如無髓在床如空
中有身如蛻委日夜但冥冥僅有息存爾聞聽與觸動稍
及卽厥死薦地方擬步通問必附耳艱難食更次不敢託
諸婢百藥無一効百累叢一已黃氏心煩惱懣惛惛不知處
東家優婆夷憐憫爲黃語汝姑溺苦海汝知故何以憊業
如丘山宿世所積累負販大勢力南海有大士解難說真
言功德莫思議但要深心持日日要如是一言一拜叩億

又八千數在佛雖有程敬愛無庸紀功深果報近何患患
不起黃氏聞是言煩惱生歡喜潔室便置像恭敬爲作禮
沐浴體投地心觀口娓娓亦不知其終亦不知其始亦不
知其寒亦不知其暑閱日千八百歷年數得五俄夢見一
姥前黃行迤邐心謂是觀化稱名略不顧極力欲追卽步
步懸尺只逕入一區廬闔戶苦相拒欸叩發號泣其戶豁
然啓菩薩示妙相金光燦瞻睹頭上珠璣珞見見復蓋蓋
蓮目垂慈光宣言啓王齒黃氏前諦聽合掌作長跪云汝
依吾道悉知悉見已慈悲爲我願豈無囑付汝循功加精
進九日一扶倚七九扶以行前及我處所覺來汗淋淋其
耕石齋石田詩鈔 卷二 二十三

言尚在耳悟佛爲衆生方便指門戶信心愈堅牢額破吻
俱腐臨日試小掖筋骨覺可舉屢試屢無難還能步移跬
行于詣像前奠香致情旨其炷從空躍踰梁而直下乃著
於本人正中頂顙裏其聲若驚霆其勢若擊杵身心發震
疎百苦悉皆去如風捲天雲不復剩查滓如春活枯草如
冰化爲水親黨盡來觀讚嘆世無此姑謝新婦力脫我出
死簿新婦答何功菩薩威力故此事聞其甥王綸能覲縷
韋虛氣治痿若或有仙技黃氏孝治痿專以誠爲主格物
與布氣非誠莫相與孝有致久早孝有致冰鯉事本出非
嘗未可論嘗理我特書其孝勃蹊用爲砥至今崑山人大

書松邑史

速揚君謙石田記

山中有白石廣衍得數畝堅瘠不可耕無用實類某朋從從加稱遂爲石田叟稱者非譽辭吾亦甘其受楊子詩爲記其言食已久往往人家見篇篇燦星斗一見一熟中意子獨我負札劍表心許何況會出口得非以陋物不足辱錄取碑有紀封禪鼓有示獵狩於此逆觀文或可假石壽子文伴漢史其傳信無朽脫使不多作難保歲月後恃子猶洪鍾應隨大小扣不應似生吞各生虧所厚吾石能作言將以子歸咎不聞詩所載草木備羣醜不信石終遺不耕石齋石田詩鈔卷二

二十三

遭點金手遑遑日翹佇拜嘉亦當有

方道士還冶城

僧順嘗有言惠不在天上但行即須到此氣何勇壯水雲黃冠流詩酒發清曠十年落東海故國隔西望亦云自不歸要去誰我障配順足有餘天地納豪放今日金昌亭風緊秋葉蕩留亦無不從去亦無所畏吸我白玉鍾仰面月相向酣歌一掉首雲鷺渺仙仗

賀德韞弟冠帶之榮

東家德韞弟今有冠帶喜冠帶何以有所有以義取助粟賑洛饑官家報之耳德韞聰明姿軀幹其豐偉章服以華

德非但爲觀美仲冬八日時賀客走如市伐鼓聲淵淵清絲隨妙舞中堂羅酒漿屢薦襍肴楮杯牽送勸酌囑呼沸人語老兄果幅巾蓬髻病初起扶持亦次席坐久殊頓委不言亦不爲飲食而已矣客散自杖歸斜陽樹行裏

挽璋公

璋老性靈澈參扣不侗版學苦行亦堅心舒語還簡昂昂如喬松秀色韶人眼八旬尚健步有杖倩人撰俄傳疾不出不意竟絕饌往顧問云何示別作微潛答曰生我寓死爲生所限限極我何留何惜復何懸舉手道謝謝言下仍發莞所究亦超然世迹空一剎旋踵卽溘然急若九走阪耕石齋石田詩鈔卷二

二十四

此老今已無千輩莫一揀重來但虛堂寒影照燈牋門前

杪樺樹風葉何反反

留題蘇文輝隱君

迢迢覓虛浦依依指青林拉舵汨沔流逾梁路轉深遙盼人家處雜戶斑溪潯地僻罕人事兒童窺客臨何須詰君居謾緣清誦尋深簷映疎竹垂簾畫陰陰斂書出肅我爲喜辛莫任神通雖云久覲面乃始今燿然何曉巖長裾配寬襟惜惜寡言辭志靜知慮沉父子自家學禽鳥同隱心雞黍既云具薦膠復鳴琴欲別不忍卽止宿抱稠衾

石田先生詩鈔三

古體
弘治元年戊申
盡八年乙卯

弘治改元元旦遇雨戊申

元旦未及春東風意先蘇風來繼零雨和潤物皆濡助我
新天子沛澤彌九區河流亦傳清天與聖德符賢俊
日拔庸治道務精圖堯舜不異人政化無兩途我衰在畎
畝感激舞蹈俱告戒各努力勤耕備公租黍稷多充禽淵
靜無驚魚上下信影響餘生幸于子

弘治元年戊申
先生年六十二

松庭對雪

石齋石田詩鈔卷三

三白觸眼喜欲顛 天王繼統新改年宜天厭惡下土濁
以此雪之同皎然光昭明堂納祥瑞一平天下知其權疾
而蒙藏能過厚卑而令高如進賢先時上帑寶珠玉今恣
四野開瓊田何須衆歛自委積過而不拾貪夫悛先時豺
虎橫食人空山忍飢今可憐威能挾天已闢葦勢可炙手
還連蜷老夫忍凍亦慣事草廬安抱牛衣眠庭前孤松有
喜色要與老夫相作緣

任月山紫馬

霜蹄炯炯映白顛鳳頭宛宛駿一偏黃沙慘淡聳隅目所
向萬里無風煙青絲絡頭未受牽一團紫雲凝不前此馬

所見世上少神氣德力無不全子明水監到渥洼眼親識
之手敢傳只愁奮迅裂卷去四座錯愕心茫然

食蘿蔔

土酥爛煮如蒸羊老夫大嚼勝黃糧關門浩歌自捫腹犀
筋厭飫將誰強朝來東玉一大把南園早露含天漿老夫
搗鐺著活火不道客來煙滿堂

采蕨行

春雨歇出采蕨根可掘苗可折中十取一敢汎濫傷多正
恐明年沒甲痕斷處碧膏流葉拳兀兀綴莖頭傾筐縱橫
筋把亂淪湯潦倒算子柔饒蔓著醋味更爽淞上蓴絲須
藉石齋石田詩鈔卷三

辨棒

二月八日過靈殿祥公房

理舟指南郊迢迢及側景中途止溪寺陶烟接邨瞑門前
見新月步步踏松影虛寮寂無風已有孤燭耿衲子作供
養爐香侑碗茗若知我解吟事其意似有請宿酒發孤興捉
筆便愜領草草成數行狂書亂斜整復作掛猿枝墨濡濡
雲冷但記此經過流傳我何省

移席茅山東頂徐永年避酒而去作歌嘲之

自我來茅山春霧撥不開冥迷五日思困頓當面不見紫
翠堆今朝喜有風汎掃兩目浩蕩天光回秀峯戢戢各拱

立伺我道左千戟排蒼松爲幃碧草薦窪石一一羅尊疊
高天廣野寄笑傲芙蓉對面勸我一吸三百盃徐卿不能
有此量自椒而竄山之隈隔林大呼谷與應掉首竟去無
徘徊却從地上舉手謝遠意若訴不得相追陪會難別易
略不恤有樂弗取真吳歎山禽衝客啄餘啗野花點席粘
殘醅老兵既失老僧在且握石子爲圖猜醉來枕藉足力
憊扶掖不起相摧頽明朝爛熳別辦治游事青山在在似
作遊人媒久住山亦許不作謝令推憑我裁截筆作剪信
我包括詩爲胎請君急急還來看怪事金釐左股昨夜安
在哉

耕石齋石田詩鈔卷三

三

大石狀

望望秦餘杭首尾行不了大石突其尻翹然一拳橋山體
厚藏骨吐秀此特表正類抱中嬰頭頂露於裸形大氣則
散趣足在於小其深雖未即遠觀已自好頃來莫能窮繼
至敢草草循牆道林麓記曲乃遺香登登覺向峻漸漸駕
木杪猊峯據門左呵禁口欲敲有磴浴百級有殿嵌山造
竝殿跨僊石懸身龍矯矯行人自其下恍惚怖四爪轉高
躋其背股慄身亦掉鎮腦結佛亭所仗力可擾四壁滿題
句貴賤成雜掃同游懲涉險旋踵促及早次尋巖間寮蜂
房互竅窈窕綠勢盡西向局地窄接繚雲棧中貫穿所歷平

地少山靜日自長石瘠人亦槁坐僻觀居安傳奇被游攪
陽厓詫胥掀陰實疑目盲虛舍風颼颼濕暎雲稍稍衆縹
不可熨亂疊龜坼光層疊百寶合正紺或廁縹亘此金剛
座千古不可剿危椒壓屋脊雷雨膏怯倒草木亦作怪牢
絡萬藤薦蒼松長深根本矮枝節老斜見山桃花微紅暎
叢篠草異傳多藥采掇未諳曉欲宿償三過衾稠悔忘抱
既夕氣更佳延月象倍皎尚欠一踏雪意先有瑯島情狀
要細述言語未獲巧不期諸蟲鬼柱腹早韞稿宛然紫芙
蓉爲我一手拘東坡昔袖去援例我非狡山僧苦著相便
覺生煩惱

耕石齋石田詩鈔卷三

四

咸化戊戌十二月李貞伯吳原博史明古張子靜游陽
山入雲泉庵觀大石作聯句詩先生補作此詩及大石
圖今藏
稼軒家

雨中看山寄楊君謙

看雨春山中晴日未可及巒華與嶺秀濯濯翠流汁水墨
間畫屏風四圍立雜花逗餘紅雅與松共濕低雲滿窻
戶似愛幽者入我初作靜觀併喜得靜習紛紛治遊子此
景不足給有詩在此境佳句待人拾詩腸倘乾燥亦許借
潤浥持之報楊子正可事展筵

烈女死篇

周家女子李家婦未嫁夫家但相許正如一樹未開花分

明自有春為主李郎病瘵兩年強說道今年番上床閒來
人語多不的口又藏羞難問娘只對寒燈淚如霰為重而
輕果誰見此身空負嫁夫名此眼何曾辯郎面阿娘背女
泣堂前付是郎邊凶信傳烈姬重義輕一死貞女安心無
二天通身示孝衣裳白長練高經繡房夕在世鴛鴦不得
雙同到黃泉願成匹

烈女生篇

阿娘心悸夜不眠起來顧女如雉懸肉寒氣絕強求艾引
息微微吹碧煙奪鬼為人假天手天亦憐渠能過厚怕教
此義世無知不使其人世無有夫妻未媾本何私分在名
耕石齋石田詩鈔卷三

五

存白日知何如死向白日下千載分明心不欺今載聊因
阿娘活枯木暫回根已撥將心化石立郎瑩表是郎妻刻
妻名

望月思親為常謚作

帝郎五歲失其母恃有父存未知苦長來見父不見母入
地欲求地無戶仰天見缺月似我獨見父明朝又是月圓
時死者安能復如此嘗嘗見月便斷腸天或哀憐為風雨

題畫四景

山踪驗神斧松年落筆親崗嶺互起伏草樹發華春林麓
劍沙禽葺葺見田穉石壁嵌陰實中有細泉注我本水澤

民潢潦少寧居願言携雞犬結茆理吾書

繆木相倚薄溪流宛轉通漁梁給行旅酒館次途中初日
炤前嶺岩光瞻積翠上有古時棧崖傾石齒墜撫景念北
苑微蹤今已希斯人不可鑄山水有餘輝

雨過物容潤秋清風日佳水閣延時光座獲好友偕傳觴
有餘樂流觀溪山勝魚鳥亦忘人不復違笑咏欲招郭子
熙精神曠千年層阿與芳渚仙遊其倘然

平生事疎放雅慕范中立千山發其胃淋漓元氣濕蕭森
此雲林層岑出高寒羣物皆汨宋鳴瀨獨潺湲臨圖追妙
思超絕所詣難步驟多謬誤瑟縮笑耶郭

耕石齋石田詩鈔卷三

六

漁舟晚酌圖

新豐酒波堪濯足塵土紅污酒顏綠粗豪飲客下馬來三
觥五觥行促促何如拉著春江船蒲葦紫立柳黃眠船頭
對坐杯漫傳賣魚儘可供沽錢夕陽射眼拉柁轉江光貼
天孤鳥遠

朱南宮茗溪春晚圖

聞著朱圖忙促展楮墨依微却難辨皴膚斷理慨塵番渙
迹滿踪認餘前作上聲想從潘谷試煙華惜法曾聞用之淺
况是澄心體玉疎好事何時不舒卷流傳人代多展轉物
豈能同歲相行請驗周宣告獵辭刻石特存存尚鮮繼燭

殘生九死後得見似人懼且勉或云標題少芾芾紹興條
識朱猶酒君王法眼賞惟精以筆敢當富不悞炯邪兩邪
樹色溟洲分渚冷水光法眼中未足許清苔平峴衡沙或
湘汜翠霓冉冉天蒼茫旗影迷空恍遊蓋海嶽遺靈仙者
流我欲招之愧辭寒

盒子會詞有序 弘治己酉

南京舊院有色業俱優者或二十三十姓結爲手
怕姊妹每上元節以春樂巧具餽核相賽名盒子
會凡得奇品爲勝輸者罰具酒酌勝者中有所私
亦來挾金助會厭厭夜飲彌月而止席間設燈張
耕石齋石田詩鈔卷三 七

樂各出其技能亦一樂事也

平康燈宵開如沸燈火烘春笑聲內盒奩來往閑芳鄰手
帕綢繆通姊妹東家西家百絡盛裝般釘核春滿繫豹胎
間挾鯉冰脆烏攪分挽柳玉生不論多同較奇有品色輸
無例陪酒呈絲逞竹會心歡聚鈔裨金走情友閨堂一月
自春風酒香人語百花中一般桃李三千戶亦有愁人隔
牆住

白眉神詞有序

教坊妓女各供白眉神朔望以手帕扎神面一過
遇子弟有打乖者輒以帕洒其面自然心悅而從

留戀不已蓋所厭術也

禱眉神掩神面金針刺帕子針眼通心願煙花萬戶錦排
場家家要教神主張主張郎來不復去夜夜笙歌無空房
帕子有靈綾一方恩絲愛縷合鴛鴦拂郎拂著春風香一
絲一縷一迴腸

結羊腸詞

扯門神結羊腸分撚九縷五寸強手中搓拳亂攘攘攪縷
對結頭相當或連或斷猜不定爲圈爲索亦難量一圈貫
一索上馬爲仙郎大吉一索子通天徹地長次吉一圈子
蛛窠不尋嘗糾錯驢馬鏡占者愁不祥正月十六日惟良
耕石齋石田詩鈔卷三 八

九姑九姑我燒香西家小女心最忙喜聞開門占鳳凰不
似老夫無所問惟知喫飯著衣裳

三月十日東禪喜得孫之報同楊儀部周好德賞壯
丹醉賦

三月十日天作晴僧房怪見紅娉婷正迎佛面露微法傍
向客子心都傾我於六十出三歲恰喜得孫花亦榮平添
酒量破慳吝老霧捲花增眼明花不能言却能笑道是無
情還有情楊君綺語致喜狀周君絡送雙銀罌拂花起舞
成潦倒明朝好事傳春城

東禪寺夜賞牡丹

我昨南游花半莖春淺風寒露微歸來重看已如許寶
盤紅玉生樓臺花時待我渾未落我欲賞花花滿開夕陽
在樹客稍斂更愛動纈風微來燒燈炤影對把酒露香脉
脉浮深杯

病後覽鏡詞

匣中青銅小圓月比月長明又不缺朝朝炤我六十年初
自少時今白髮一朝見面一朝親老少妍媸認得真病來
半月不開匣開匣頓然成別人脂膠兩眼匡失肉頤耨垂
垂顙骨簇旁人雖道言笑是箇裏故吾何可贖鏡神謂我
瘦勿驚爾形尚在天有情休文減帶固本相撫鏡始覺吾
耕石齋石田詩鈔卷三

心平

星墮

惟已酉十月五日立冬始難後涉黎明寤者稍稍起有星
流西北而從東南止其大如車輪蓬然曳長尾撒星更拋
焰遺落相彙彙其光白中黃燭地以晝比行旅盡驚仆吹
犬鳴驚雉墮地如砲聲引響入未已牀闌皆簸撼約聞三
百里七月嘗示異不意復有此瞥過視莫諦墮處易究擬
至地當有化其形當何似其墮當何曜其罰當何理竊謂
經與緯墮一天缺紀無乃金火餘其氣互合耳餘衍固非
止謫罰自有有留祥付茫茫不敢扣太史

題卡退之畫卷

卡君古視三丈強持來致我溪上之茆堂東西展衍兩至
壁一疋素練搖江光留之不敢染半墨三年尚白空堆箱
直須大醉可發興況有肺病無樂腸書來督責且多侑冉
四稠疊意莫當時時夢裡作揮灑西極嵩華南湖湘今年
憂苦雨連月裸被兀兀愁床床吹燈夜半鬱不過起來戲
潑金盞漿某山某水開遠近一丘一壑相低昂人家互住
雜樹裏溪柳引路還循牆我緣此境可當一載酒紙上便
認鄭公之故鄉思君不見捲寄去綠陰黃鳥千高楊

送劉國賓

劉國賓秦府儀賓也來游蘇杭楊南峯爲文送之

耕石齋石田詩鈔卷三

十一

劉郎面玉爭荷花少年經市果滿車金張許史不敢倩鳳
凰合德賓王家平步爲僊五雲裏甲第藏春天尺只笙歌
催醉金叵羅七十紫駕扶不起治游昨日過江東細馬紅
粧山水裏家人要問山水處生綃揭取蘇杭去

謝孫世節惠藜杖

孫子憫老蹇惠杖若無杖其輕猶握煙且喜不壓掌七尺
多臃腫論重僅銖兩促節數三十還復有一長敢以炤書
燃獨任探梅往

留題拂水巖真公房

我家去烏目北驚僅一餉嘗游但東麓拂水渺在望衆口

詫奇勝翹首作西帳茲來不忌雨晴意晚始放力
超履渾老壯一登還一頓往往手却杖轉步屢
突踏雲浪豁崖中通泉欲墮風倒抗颯颯萬沫仰噴下
而上著面毛骨寒遠立未敢傍直訝功德水必沸金剛感
老僧瞰泉住相地風水當天設冠茲山邑人不我誑抱衾
雖一宿言拙莫能狀乃知南山詩包括自有量重來何歲
月此亦還可訪

宿覺海菴思食蕨有作 弘治辛亥

西山蕨苗春纂纂握春不放兒拳滿新鮮魚鱸六寸生滴
瀝乳膏千梗斷前時來嘗燂沸湯著鹽加醯參以薑今年
耕石齋石田詩鈔 卷三 十一

擬嘗來太早勾玉藏泥深未萌小留五日便可折風煖雨
香連夜發去心不比住心閒明日雨晴思出山

爲郭總兵題長江萬里圖

元戎大閱寶繪堂紫錦薦几霞幅張手披牛腰之甲卷水
墨遙蹤微茫我從魚鳬弔往古灌口玉壘煙蒼涼青城
雪山蔽虧處導江之岷不可望三水合流錦官當三城九
頂遙接翠樓觀縹緲天中央渝涪城高宛相峙嘉陵跳江
吹枕傍陣迹齒齒石作行風雲慘澹開瞿唐黃牛灘瀨難
舟航青天仰瀉一線光峽窮江廣見漢陽黃鶴赤壁相低
昂廬山五老天下觀順流漸見迎風檣大姑小姑交嫵媚

何年爭嫁彭家郎三山九華連建康南都宮闕何煌煌大
明定鼎龍虎合萬古鞏固皇圖昌真州潤州列兩廂金焦
業截當喉吭直吞天派納海口有若萬邦來會王座中指
點皆歷歷蛟綃數丈萬里長老夫困頓今白首欲往遊之
無裹糧徒然感慨在牖下捕影捉風消契腸心搖搖兮悵
傍徨佩有蘭兮襲瑤芳江兮漢兮不可度望美人兮天一
方少陵東坡二豪者風流在在留文章英雄割據未暇論
臥龍獨數人中彊元戎戎元戎將之良此卷兼與韜鈴藏南
征西伐或有事按圖索程猶取囊非惟供玩託深肯居安
慮危心不忘嗚呼居安慮危心不忘

耕石齋石田詩鈔 卷三 十二

松卷爲德韞弟作

老夫平生負直氣欲一發洩百不遂隱居只作木強人設
仕亦爲強項吏白頭突兀尚不平托之水墨見一二豪來
寫松三百株一一長身拔於地只嫌紙短手踣縮腕間風
雨生蒼翠東園阿弟看落筆神驚眼駭走魑魅堂中宛宛
開徂徠不知老兄作遊戲夜來明月奪江光滿卷飛蛟稱
怪事

悼劉協中

先參負文豪喜子紹前志總角弄古辭綽有高遠致雲數
及泉湧思銳不可擊落筆驚鄉達翔聲聳朝士聰明累多

病冉冉精神弊玉芝折孤並吳岳失靈氣前俊千萬年浮
生祇暫寄廣大班馬程發軔聊小試奇才固難生生則天
復忌遺章可償壽尚爾不朽恃初怪語不祥往往寓感喟
色慘花當萎鳴悲鳥將逝茫茫修短數豈亦容人意不應
老鈍夫顧爲英俊淚

劉嘉靖字協中欽謨之
子有爲才卒年二十四

送高守素還文城詩并引

弘治辛亥夏首之十日平定高君守素將還故邦

凡交者各合其地之人爲言贈之此卷皆出長洲

人而予則爲倡也高君邁矣暢然見桑梓之鬱懣

耕石齋石田詩鈔卷三

十三

然幸父老之舊起居外則出若軸與卷不一而足

觀者亦足以徵君之多能多歷而與者之多矣

高先生夷而凝古仙德幽人貞貌溫有神言低無聲其坐

而山靜其步而雲輕泯然絕嗔怒誚罵從人攫隨身枵索

倘有入從人取摸畧不爭飲酒十石面弗頰飲與不飲同

一程座中有扣無不應如鐘如磬隨擊鳴其腹有地名黃

庭先生築基久已成自然夫婦中配合欲與天地爭長生

其外還須借服食真水真火攻煎烹尋常濁土難立鼎鳳

凰不來山不靈其術自闕世莫識尚以針砭容浮名上至

公卿下之丐疾苦一視心何平落魄三十年芒屨不輟行

愈走愈眼高愈見愈骨清今年別我去我去古艾城我謂
于是老客星四海所在開蓬瀛胡爲桑梓尚足懷大事可
諒小不明先生嘆曰君過矣千年尚說遼東丁翩然冠劍
遡風往我在地上聞吹笙

理折齒

蛀齒已脫三又一搖根株雖存作髡碗中空外色盧剝芡
偶相激迸落如跳珠頓豁城墮堵深開壁穿竈道槎突芒
刺朕間動齟齬比比皆老鈍何特存廉隅東家借小鑪我
願磨其觚

十二月四日入郭小舟逼坐五客徐舜樂出吳太史

耕石齋石田詩鈔卷三

十四

所和東坡先生清虛室詩一韵三篇末章有及余者

時天作小雪亦即興奉同一首

長河水落浮淺沙舟小客來蜂誼衙江天翳眼雲作色薄

有雪意飄微花老夫抱病入不出歲莫瑟縮難辭家荒郊

寒風吹濕葦落鴈接翅隨翻鴉前林枯條頗封白的歷還

疑梅著葩蓬窻欲賞苦乏酒覓火未便仍無茶舟人却信

我國客婦翁枉事偷何過詩喉無奈渴少潤祇累短髮空

搔爬清虛高韵不可借聊且試筆開煩嗟匏翁三篇况在

側宛宛玉氣生高霞

匏翁集云雪中李世賢招觀東坡清虛堂詩真蹟是日
往觀乃刻本蓋世賢招飲恐客不至故給耳明日世賢

持啓南雪嶺圖索題共次原韻三首今見本集中
作詩蓋成化壬寅歲也

暮投承天習靜房與老僧夜酌復和清虛堂韻一首
臨昏細雨如撒沙城中官府已散衙空林古寺葉滿地牆
角僅見山茶花繫舟未穩促沽酒布帛尚曳河西家老僧
開門振高木宿鳥續續翻鷓鴣松寮竹榻古且靜人影凌
亂燈含葩殷勤小行頗展敬醺酒莫及先烹茶更添香炷
侑清啜坐久不覺蒲牢過三盃破凍聊爾耳俗慮脫臆如
人爬浮生歲月聚散過撫事感老徒興嗟淨方頻來亦夙
契敢惜片語償煙霞

吳惟謙任敘州太守弘治壬子

耕石齋石田詩鈔卷三

十五

雲司轉階例不早藩參臬副皆所宜君今出守古楚國過
峽萬里天之涯衆爲君憂君獨喜負利安自盤根施我知
作郡得專政豈是唯唯因人爲敘封况聞廣九邑其民既
遠雜以夷鑿牙穿耳固頑獷撫之恩信當懷來詩書更欲
變味離文翁之任非君誰蒞枝初紅五馬到江山亦爲人
增奇山谷老人有筴賦讀賦食筴君還知苦而有味可諭
大歷難作事惟其時

三月九日舟泊虞山下見游人續續於椒麓間可愛
而賦

齊色澄虞山正與遊人偶一年無多月春三及秋九勿厭

傾郭人隨俗悅親友春風若招邀處處開花柳林華苑妍
新無復有惡醜間見叢綠中遠映紅裙婦休云幽山谷點
綴亦可取樞趨識壯步屢頓驗皓首下上相追携從高引
衣手尚有散逸流列石自俎豆老夫目中盡未逐逐走
况當氣力衰孤坐還可酒

七星檜

海虞七星檜宜爲群木冠列生老子宮與邑作奇觀廣墀
氣蕭森入門凜欲汗久信天地成沃知雨露灌傳植從蕭
梁其說我恐漫驗斗形匡全七旣斃其半三株寔聊存難
執歲月算各各具其異形容匪詞翰西體裂多稿豁然敞
耕石齋石田詩鈔卷三

十六

三判東體活亦裂筋骸互續斷北者蜷而禿袖破舞脫腕
葉亦不暇葉餘亦不暇餘左文皮索絢孤葩頂留嫩槎折
象齒踈癭決鬼目爛疏越復叢穴骸散仍軒岸蛟鱗及猓
跛努力不得窺矛長及劒短接戰驚楚漢如此紛怪駭聃
君不能按知遭幾雷厄還屢兵火難生死付冥然造物反
被玩君子重貞固頑醜小人調緣高坐吹簫我欲呼鶴鶴
從根覓理丹澆泉覲紅燦長生就其陰永作婆娑伴

致道觀七星檜梁天監二年真人張道裕手植今尚存
其三其餘則宋人補植也先生獨畫其最古者三株舊
藏太倉王司寇家

登吳汝秀萬竹亭

有山或無竹有竹或無主主家屋後山竹盛不可數布石接陰行初入間無虎高躋漸窈窕早露滴冠履深翠映人面葉雲仰如宇長身森萬挺疎密各有序群居愛不亂君子樂生聚林亭雅中構落澤仍鄣部清歌激涼吹按節傍可拊想多逕造客題名刻旅旅筍富主食既太瘦亦自取還能長詩腴彼此有損補十箇笑市城寸寸黃金土此地多不賤一一容玉汝

烈婦吟

盜瀆西泔薛媛邵婦邵吏坐法逮者如虎逮悅薛嫵他語

耕石齋石田詩鈔卷三

十七

肆侮薛醜其語身雉經誓不辱夫以死明黃犀辟塵塵生

白玉絕玷玷不成嗚呼荒塚久欲平後人立石題烈名

周孝婦歌

余鄉周玉妻王氏死家貧奉姑至孝姑年七十

餘患痿足不能履地弘治壬子吳中大水屋廬皆

拆毀以易食食盡負姑行乞於鄉道路阻水艱難

揭厲步多顛躓行乞於人十無一二雖有亦殘瀆

餘瀝取其精潔者以奉姑而以穢濁者少自充饑

姑泣謂婦曰年荒歲歉我且垂死旦夕汝勿以我

顧戀當別爲之處以圖存活婦銜哀以告之曰假

使婦先姑死不能存活婦命未絕豈有棄姑之理

姑婦俱泣而已余聞而傷之使人召之見其姑偃

偃在負二人皆餒甚面臘骨立若無生存之氣矣

因月給斗米薄助之姑婦泣謝而去余感之爲賦

短歌云

水沒田人沒食周家老寡姑足痿不能立湖村行熟今無

路新婦負姑饑乏力東家西家水流竈南隣北隣浪排壁

偶然殘飲得半瓢清湯冷泠浮少粒灑粒飼姑惟發湯腸

不能充唇略濕夫既死屋亦拆出無船住無宅膚皮撐骨

活死人但是喉中惟有息姑頻勸婦勿相顧留汝一身還

耕石齋石田詩鈔卷三

十八

易給嗷嗷兩口日待舖一噍莫營飢火急姑說罷婦飲泣

生同死同誓不失流離顛沛尚如此純孝心肝堅似石我

亦移家去城邑養親賣文當採食月分斗米助不及不是

有餘存隱惻

十八鄰

比比托鄰竝相好逾百年老少雖消息林廬無改遷辛亥

壬子歲潢潦割相連滔滔槩吳會墊彼公私田田中不生

穀辟術無所傳嚼草草亦盡仰面呼高天惟食累於世不

如枝上蟬渾舍相抱哭淚行間飢涎日夜立水中濁浪排

胃有大兒換斗粟女小不論錢驅妻亦從人減口日苟延

屋兩尋塌屋各各易為船愛厄久不解豈免疾疫纏
隨河流沈骨魚龍湍生者乞四方所飽何處過兩年非一
日幾日艱一饘逐逐更逐逐去如飄葉然飄葉或回風故
處還周旋一去叵測歸歸亦何為塵鄉土及骨肉豈絕情
愛牽厚地莫容居皇天不哀憐四郊類兵變蒼莽空人煙
盜賊國有討此禍力難援州司曠恤典勢分與民縣告訴
走無門何况病莫前老夫廩無米亦無廣厦千對眼不忍
見衷腸惟火然便欲吐我哺納彼止一嚙衆口相噉噉欲
足理莫全故好成乖隔載聚何因緣

鷺禽行 弘治癸丑

耕石齋石田詩鈔 卷三

十九

東海鷺禽身餘小毛緊骨聳睛皎皎就韓飽飼十年肉要
與郅都同一考掌中久矣無駕鵝報主但未呈梟獍壤間
鷗鼠坐齷齪何足當拳乃輕橋拙鷗以逸待爾勞竭力睢
盱仰張爪粹頭陷目出不備兩點華星光莫曉嗚呼勇不
可恃志不可盈拙鷗瞠目笑爾盲爾鷺不復言功名

題畫卷

吳之爲國水所涵有山平行無巉巖我家多水少山處悵
望翠微心所食時能借墨補不足數紙連絡長番粘峯巒
重複間溪淥雜樹列布多楓樺或開大壑浸山足其椒半
爲浮雲含僧廬隱映遠木杪平圯道谷出水南東邨西落

互親友畊田鑿井同丁男便須芒屨與藤杖聽泉採藥我
亦堪陽岡亭館誰擇勝雅雅許酒會并基談嘗聞巴蜀天下
險未可一往尋鳬子長之興浩不淺感此老髯霜鬢髮
聊因此圖識所見臥遊一生還自甘

爲徐霖作雲山圖

老夫潑墨爲白雲忽看一障千氤氲徐卿新堂虛北壁誰
謂不堪持贈君青山爲母雲作子倒見青山落懷裡分明
七十二芙蓉永海臥秋扶不起滿堂雨氣颯欲流隔簾綠
樹啼春鳩白雲在家親在眼不倚太行歌遠遊

題光福畫卷

耕石齋石田詩鈔 卷三

二十

羣山西奔駐湖尾通川夾山三十里川窮小瀨開鏡光居
民次水屋比比屋上有山屋下水開門波光眼如洗虎山
橋畔晚市忙打鼓漁郎賣鮮鯉霜前橘柚萬苞黃雨後楊
梅千樹紫山圍水抱開農桑樂土風光真畫裡三年潢潦
我無家恨不携書亦居此

生辰漫詠 弘治甲寅

今朝六十八歷歲知既夥青春不還人七十近在左流光
迅晝夜忽忽逝石火我與石火爭寄活真螟蜥但願無疾
疾詩骨瘦亦可浮雲載富貴過眼頤不朵先人有薄田數
口頗纏裹關門事清味天地自容我

題錢世恒御史雪竹

清溪道人寫奇竹拔青琅玕裁白玉湖州千本空老墨交
雪一株清兩足仙鸞曳尾如鶴飛欲看何曾借凡目捱窻
逼凡人亦寒亞葉垂梢風不觸主翁雅有沁雪軒壁上不
能無此幅拙夫相向低白頭手莫堪模但心服

題江南景寄北客

江南山水爲吾鄉山能千里江亦長亘於天地莫可縮寫
寄一紙渺渺并蒼蒼紫灘沓渚犬牙出重村雜樹青煙藏
沙溪香香引百丈扁舫前後來羣商漁翁舴艋聚蟲蟻百
網對舉如牽囊風波澎湃濯山足屋葉倒墮閉與飛漚忙
耕石齋石田詩鈔卷三

二十一

迸泉或自岩腹落兩僧仰面洒沫涼燕車驚馬空輓輓宜
未信此爲荒唐似之小卷當爲發大笑長游便欲追吳檣
王將軍樓船歌

江南古來傳奇語江南畫船如屋裡將軍總衛在江比百
乘高車馬千里五牙富貴地非宜雲海行窩出新理揚川
駁賊十丈連飛艖擘空如迸矢兩頭簫鼓沸中流兩岸行
人看如市中間紗幕開暑風左邊設圖右邊史將軍受用
通南北坐泛西湖與杭北還須笑咏載老夫收取風流追
郭李

送汪廷器重遊遼陽

三韓亘東北其地次海隅勢位何崇高沙漠莽莽俱盛鬱
千萬山望有醫巫閭夷狄相交際烽塵稱畏途汪君江南
產好遊司馬徒走馬日千里寶鞭揚珊瑚風霜切貂裘酒
薄不足呼腰下秋水劒復繫玉轡轡海雕落長雲壓桑戩
強孤於此顧有樂結納多文儒黃金日繞身大餅擲歌姝
歌姝且不惜巨萬酬邊需磊落見襟袍中可開江湖一別
倏十年玉雪猶偉軀言復尋舊遨逕去難色無笑我裹足
人牖下祇白鬚分手各有贈贈我錦襪綸我亦聊菲薄短
篇侑雙壺

爲淮陰王揮使畫牡丹

耕石齋石田詩鈔卷三

二十二

王君四月方來蘇綠陰滿地花已無臺紅樓紫不可覓筆
底春風尋老夫殷紅滴露看活色信手貌出西家姝坐中
狂客未解事欲折不成空紙膚去年淮陰七尺雪凍地似
恐花根枯此圖贈君日日賞一日須傾一百壺

吳都閭松障

帥府潭潭堂壁上白間少我一松障寄將雪蘭炤眼光筆
未成揮意先放徂徠縮地落此間古意蕭森立青仗清宵
明月待開門白日風雲與摩蕩將軍仰面揮羽扇思靜神
閑兀相向老夫更活三百年歲歲逢人問無恙

題吳天驕臨王叔明太白山圖

弘治乙卯

我家太白圖太白於焉備山既得其高林亦得其遠天童
古佛宮盤盤真坤位佛爲山莊嚴山作佛布施勝勝啓道
場佛子良多智千樓絡萬閣訝出昆盧技飛薨揭煙霞觚
稜日星比金碧足輝映時復交嵐翠重峯與複嶺附綴喻
肝肺雲去若撐天雲來若無地自天設此觀天下若無二
松竹二十里幢蓋碧相庇方池落天影何年萬工治神泉
及樂石瑣細各具類兩溪貫其麓梁地鎖三四遠近羣小
山趨拱左右至如家有嚴尊爲從許幼稚路入岐而一宛
轉仍逸邇包錫走緇流駟騎或官吏芻蕘亦絡繹明滅見
隔樹于時及高秋衆葉霜所被青紅錯顏色巖谷更增賁
耕石齋石田詩鈔卷三 二十三

按圖指歷歷如讀鈔鉅記引紙僅及尋顧有千里勢作者
王子蒙品高見超詣出入右丞筆緣蹤究其自想居此山
中不以歲月計遊觀稔心目思到方位置乞我日臥遊不
用襪繫繫我藏三十年各客未輕示吳生學丹青不但許
能事久已知此卷未敢言借視我既察其色一出厭所嗜
初見目不收張口歎且悻諦玩廢飲食十日得恣意然後
敢舉毫舒素敬亦試搢搢迨三月極儼加精緻便欲無我
卷後輩豈可易但恐有豪傑亦有造化忌我自製我卷子
亦當自秘

貞節爲朱孺人題

松之松貞不變松溪之水清不污松貞水清鍾節婦節
婦有家溪上住及笄婉孌女于朱松上女蘿期永附四七
之年分死生女蘿乳乳松忽仆三雛眇矣提抱問今各巔
然能幹蠱晨春夜織三十年白髮耗耗炤炤荆布少時望老
不易到見苦歷勞安末路譬拔金釵投火中火盡爛然金
若故燒香暗告泉下人白日知心已無負

憫日歌七十歲作

日既去日復來來如赴去如頽來是誰約去是誰推一來
一去彼此自禪續無與我與何故使我心驚清信乎少年
有根是汝拔老醜無種是汝栽百年所算三萬六千日自
耕石齋石田詩鈔卷三 二十四

我而數指作枚我今行年已七十歷日二萬五千枚所該
百而去七大大半又復使我心驚歎雖欲不驚歎猛見霜
絲雪縷垂兩腮何況人生不滿百疾鳥健兔又如此而相
催我思天地靈長之氣十二萬九千六百年然後運窮劫
盡蕩而爲灰吾人亦謂參三才胡乃其氣短索不得相追
陪準天地而吾人渺塵海之一埃慨歲月之玩人同今古
而一雷我無長繩繫日住亦無長戈揮日回亦不知學仙
能久視亦不知托佛能輪迴而今而後去之日付一盃茶
之日付一盃不憂罄其瓶恥其疊春暖秋涼山邊水邊
黃菊尋白梅秋月自與吾處淨春雲自與吾處閒

地吾蓬萊夕息之處吾夜臺以殤視我吾老大以彭視我
吾嬰孩信壽夭吾何以外請享此見在不樂胡爲哉

弘治九年丙辰
先生年七十

挽方水雲道士用東坡先生清虛堂韻

學仙不成似炊沙紫府著爾無閒衙長生只在唇舌上六
十臂眼風中花江湖漂萍本無蒂一囊書畫東西家虛談
尤龍配水虎豈見白蝠如烏雅惟於飲酒說能事終身落
魄猶蘇葩醉魔沉冥不可醒帶病去買宜與茶長途昨夜
忽觀化計至空使吾胸搥皮囊敗壞秋草裏青山劒穴從
誰爬碧雲黃鶴渺何許矯首西睇令人嗟我今隨生亦隨
耕石齋石田詩鈔卷三
二十五
死努力加飯辭淩霞

石田先生詩鈔四

古體 弘治九年丙辰
正德元年丙寅

妙智菴牡丹 丙辰又三月與吳瑞卿宴牡丹于妙智
蘭若同賦

我來借看富貴叢僧房認是賃宅中去年看過今又到花
若遲我舍春風耗耗白髮雖不稱未許花前無我懷慈恩
在前妙智後今古樂事將無同古花已見古人醉今花還
對今人紅一觴一咏雅而樂何用羯鼓敲逢逢冠裳顛倒
插花舞強似筋力追兒童莫教錯認白太傅自是頽然田
舍翁

吳瑞卿染墨牡丹

耕石齋石田詩鈔卷四

瑞卿能染折枝如活興發復造此篇蓋老人惜春
之懷更劇于少壯不覺其言之娓娓也

雨晴風晴日杲杲趁此看花花更好澆紅要盡三百觴請
客不須辭量小野僧栽花要客到急掃風軒破清曉知渠
色相本來空未必真成被花惱吳生又與花傳神紙上生
涯春不老青春展卷無時無姚家魏家何足道

登呂山吳氏池亭

君家四山秀相傍亭館依山起池上畫棟飛雲天影虛日
映樓窗搖榫浪美人清歌行玉腸碧藻出魚風潏潏驚鵝
鷖鵝似江湖花徑臨流紫絲障屋陰壘石更學山意未足

直假尚掌上芙蓉百疊青李怪牛奇知辨播主人去後
我却來物是人非激悲悵浮生歲月奈有期富貴役心無
盡藏老客重遊恐未緣惟儼緘書問無恙

暑中題雪圖

六月添衣喚僮子自畫雪圖茆屋裡玉花出筆飛上對慘
澹陰山無乃是老生放筆還自笑顛倒炎涼聊戲爾門前
有客來借看滿眼黃塵汗如雨

題錢氏沁雪石

亭前有奇石兀可當一嶂沁此萬古雪亘地氣魄壯蒸雲
勢欲軒得月神更王器擬軼伏池品未下雪浪利鑒天借

耕石齋石田詩鈔卷四

二

巧胸次見洞蕩孤立宜有鄰雅許修竹傍風雨不敢泐刻
字久無恙實此一變足礫何不多尚貞德允配主白衣可
呼丈我見便欲拜良信未弗誑聊與貌高古敢有愚公妄

藍蘭圖

卷中誰貌藍蘭雪瘦馬凌兢寒切骨阿湘遠來候馬前低
首擎拳赤脚勢擁鞍相向殊慘情神氣宛宛人欲生瘴江
囑語亦切至掩吻哀哦如有聲筆痕入素淡而媚顧陸之
間見能事前人遺迹不易題安得起公爲畫記

三過文石雲泉菴用杜工部道林二寺行韻

十年不到歲星移江關所寓程非紆山塋石磴足尚健地

勢漸高開太湖人言吳岳亞廬岳我謂此石當香煙龍
天矯聚山脉奔走左右來爭珠秋天日晶氣更爽何況嚴
勤親友俱茶煙出屋窳野鼠谷風振竹喧林鳥雨聲記壁
皆有作已及三過今難無要登厓寮靜覓句石梁逕過揮
旁扶老年儘好尋樂處官府清簡無求誅郊邨接日錯紅
樹積禾塞場雞狗腴行厨足酒不待買藏闔未暢五白呼
漱酣多臨淨硯趾風襟或倚長松驅狂言偶發合古韻存
棄但信山僧圖在遊不當鄙下里同聲可應何相孤青山
落落我兀兀白髮種種心于于衾裯失抱悔莫宿下山日
暮隨樵夫

耕石齋石田詩鈔卷四

三

題畫寄楊提學應寧

我隨草木生長洲索居自處無朋儔於公辱知亦既久十
年度面無時酬尋嘗開緘見諫議言語亦得通綢繆終然
玉樹隔眼物碧雲明月心悠悠適來宦轍道桑梓老臂無
翼從之遊仙人可望不可致聊以遠夢尋丹丘夢空人遠
相憶在因寫江山消我憂寄公高堂我再拜一日素壁開
清秋

爲鮑菴臨秋山晴靄卷弘治丁巳

鮑菴菴中春日晡拂几試展秋山圖煙扉慘淡墨痕裡遠
瀕百折沙縈紆巒容江色開浩蕩扁舟鴈鷺人驚呼長安

藥叟遺此觀氣味自是營丘徒其人已化其跡在流世直
欲千金沽絕無粉黛假顏色俗眼會不留須臾菴中主翁
能賞識對我但道今難摹不應莞爾領翁意擬筆莫及成
嗟吁古人妙地學始見洵矣邯鄲非易趨朱繇道子固有
說妄意自笑西家愚

用清虛堂韻送鮑菴少宰服闋還京

三年袍幘遠風沙歸家讀禮如退衙長髯已間數莖白瞳
眇明察無纖花卿人甘載曠接見老少瞻拜嘗填家怡然
不煩亦不拒正猶茂木容羣鴉朝廷眷注特虛席匪直
鑒藻兼辭葩要儀百辟重德度如鬱須酒渴乃茶駢駢四
耕石齋石田詩鈔卷四

四

壯不可緩我亦殷勤當執搥與君一別絕聊賴蟻蝨頻學
嵇康爬袁人載見恐無日未免握手成吁嗟時勤相憶但
搔首仰睇天上空雲霞

弘治丁巳三月鮑庵服闋北上先生年七十一

讀楊宮詹與屠太宰論事劄子

古諫無專職士庶獲胥通今者置有位非位默而恭卿相
局其然出納代天工宮詹此劄子責善太宰公辭嚴氣則
直讀之聲淪淪韓論及歐書異代而合蹤既可扶國是抑
竭朋友忠百年無此言友道從而隆朝廷罰臺給株連
班直空宰公乞攝曠奏上何匆匆略弗涉救援於是涉迎

逢急彼故緩此意外有牢龍人情鄙茲疏詆訕紛詢堂
為風紀御給本絲綸總朝廷托耳目立法錄祖宗官

小係則大責重望乃崇愆忒以之律邪佞以之攻從則如
水流不從如水壅士氣要在養養則其氣充折沮失塞謬
使之抱暗聲天王本聖明宰公實股肱信之如著龜

可以定吉凶慷慨能行義豈曰無優容難解者彭王

王彭程

喜怒注宸衷程罪終見釋鉞辜終弗庸公議皎如日曉

及三尺童豈辜顧不諒而弗及童蒙朝廷行是罰名以

懲不供因攝以寓援何不鑑觸龍之策或得酒求魚庶離

鴻言患不至此何患聽弗聰所惜在諫垣兩挫一歲中歲

耕石齋石田詩鈔卷四

五

來其媿媿復霜愴凌凍不可視朝廷長有拒諫風鳳鳥

吝不鳴若鳴致時雍匪為羣諫地自樹粥亮功其日舉傳

奉逮諫適相同奏名四十員珂馬耀長衝胥靡共趨走倪

默不敢顯觀者謂不祥道議起如蜂其責將誰歸未可謝

匪躬當憫時不平亦可悲人窮不鳴豈瓦雞不應豈木鐘

豈待七年發救焚必征佞但恐緩不及激切有絃封令人

思三原當此熱心胸陳乞惟恐後剗切期必從皎皎歌白

駒一住無留蹤江湖渺吾憂其言不可終

附刊屠太宰解嘲詩并序

予於弘治丙辰間承乏天曹夏四月十有三日科

道官奉 旨俱下錦衣衛獄子聞之召四司詢科
道得罪之繇皆曰不知且言諸衙門所進民情封
事既得 旨例捧到科交收今既下獄無人收領
各官既不得領出於外又不可留宿於內聞 先
朝亦嘗有科道官下獄時請 命中書等官攝其
事予未暇答銓司具其事呈堂時日已至申乃急
爲轉達遂得 俞旨是夕臺部封事方得人收納
次日子卿姻官詹楊公名守陞別號碧川今陞致
南京吏部尚書致仕
書於予大意言科道官下獄閣下卽當抗疏請貸
如何差官代其事予以不知科道官得罪之繇難

耕石齋石田詩鈔 卷四

六

便請 貸及臺部封事無人領收事不可緩之故
答之次日早子卿友掌科呂公名獻今任
順天府尹下顧問
予曰楊公昨有書與閣下否予曰有因誦彼此書
中大意呂公曰楊公亦以此書送六科科中人皆
疑之予笑而不荅後與楊公往還如舊者經十餘
稔未嘗言及此事至今年秋子 朝退還邸第忽
有客以先生石田詩集與犬子徑者予偶抽一冊
目之遂見五言古風一首題曰讀楊公詹與屠太
宰論事劄驚曰異哉讀畢不覺大笑因次韻一章
名曰解嘲云

官遊久京國學通尤未通見惡必遠避見善膏加恭石田
乃隱者賦詩亦多工如何論 朝政所論殊不公此劄實
差謬何謂聲風風到處任播揚有類衡與縱碧川居論思
如何不納忠致書戒老夫友道皆云隆追思昔年事 大
明麗長空堯舜喜復出萬機任匆匆納諫真如流 明良
喜相逢荆榛委離落芝木收樂龍萬姓樂熙皞四方無鞠
詢 今上初出閣庶事元老總九卿集東閣講官索儒宗
先求語言正更論德學崇人各薦一二不稱交相攻老夫
薦兩楊一即碧川一乃今
元老石齋先生碧川川流壅爲語帶鄉音不及
問學充因之又復薦元老耳若聾欣然用石齋萬口稱股

耕石齋石田詩鈔 卷四

七

肱碧川已備知豈肯心懷凶同鄉又相親度量廓有容維
時科道官有事忤 宸衷一朝下縲絏難使責保庸天官
五曰保庸
安有功也顛末尚未知焉敢干重瞳臺部上民事 俞旨
俱已蒙日暮無人收厥職誰與供越例送臺部又恐觸
衆龍天曹借中書攝事猶賓鴻此舉實舊規碧川豈不聰
書來既善道如何報科中彼若擊巨石我猶履薄凍今復
寄吳下大傷君子風碧川豈爲此姻舊情雅雅意必有檢
邪假此成已功抑恐入銓者邪正有不同或嫌不超擢或
怨非要衝當時呂都諫氣節儕何顯亦嘗論此輩懷毒猶
莽蜂其禍必在後亦或先其躬福善與禍淫循環兩無窮

莫道此言虛應若豐山鐘雲衛護委蛇何必好征徂馬周
三十貴屢受唐室封崇卑各分定何必繁心留石田若聞
此其言未必從我欲到虎丘携酒追吟蹤願言保遐壽待
我談始終

右此和篇蓋都憲屠先生之所示諭者中和沛博之文
裕達含宏之度弗慍不知弗遷所怒然使人知長者
之德如此也周林野迂腐老昧時宜初因楊官詹之劄
子將謂其篤於友誼相資成善能警薄遠溺於今之世
又將謂其篤於友誼相資成善能警薄遠溺於今之世
得彼夫此之機愚何容度嗟夫侮嫂氏之毀擣婦翁之
梁公之所為容焉者不能無愧耳敬跋簡後庸識其迹
之始末云○孝宗實錄先是張王奏武岡州知州劉遜
諸不法事上命逮劉道交章諫阻上怒四月戊子
下六科給事龐洋等四十二人劾劉紳等二十人于
耕石齋石田詩鈔卷四

錦水衛是月庚寅以六科缺人掌印命于尚書司及中
書舍人內暫委六人署事從吏部尚書屠濤奏也乙未
弘治十三年致仕正德二年四月起掌印三月○屠公以
九月致仕則屠寄此詩當在丁卯戊辰間所謂經十餘
稔未嘗談及此事者也屠詩云願言保遐壽待我談始
終然都憲之解任在閏九月而先生以八月捐館矣太
倉王司寇雜記云此後屠饋遺先生不絕先生佳畫亦
多歸於屠
皆謫傳也

南峯餞別文溫州

先生移疾倦宦游六年家居懶下樓分符到門不可阻欲
行尚爲鄉山留拌殮到處筍爛熳饒腹自詫文湖州靈巖
昨已紀勝集南峯未肯饒清幽斜陽半嶺溢人面綠雲夾
樹扶山梵邛翁野衲亦追逐半路出酒勸且酌禽聲下上

太守醉直與歐老爭遨頭明朝鴈蕩洵奇美但恐簿書山
與離不如抱被補一宿別後歲月其如流公之任諸公餞
別石田作畫題此詩畫
今藏文宮洗文起家

歸途欲登惠山時煙雨空濛衆有難色余獨奮往涉
未已

惠山怪我昨徑去歸來欲登却作雨濕雲隔眼失高翠掉
頭不顧真果父願治笠屐往慰謝衆慮需吾莫沮我言
惠不在天上行不畏難當至耳呼童挈榼客乃從一段奇
蹤自伊始西湖山色奇空濛當與此山移此語

自甲浦道太湖四十里見吳香諸山喜而有作

耕石齋石田詩鈔卷四

九

清茗達宜興道湖已成算僕夫却告難風浪辛其翫勸我
陟山麓正爾免憂患彼此有得失我臆殊未斷譬山行見
湖昏昏祇浩瀚何如行湖中坐見山秀爛僕尚請决筮得
需利在彖毅然促飛櫓猛進不復懼探穴有虎子履險獲
奇觀出浦卽會勝列障擁一岸遙思攬吳香妄意覓仙慢
羣聳西若監巨浸東周畔天謂湖太淫設此似按攤雲濤
日衝撞石趾力抵扞輸贏各無能兩壘對楚漢我行鋒鏑
間便以老命判山疑相慰藉逐逐笑供玩始有舟楫虞盡
被山破散山亦有情狀要我綺語讚氣聚勢則附形散朕
復貫遠近相衍迤中自存博換雖靜有動機萬態紛變亂

虬龍徐蜿蜒獅狔悍奔竄夷突各不一大小略相半正展芙蓉屏橫亘蒼玉案晴穀綉日光莫熨錦繡段金庭與玉柱遠弄波影粲歷眼四十程續續青不斷平生詫傳聞信美非謾調修辭聊梗槩歸憶庶可按

汎卷畫溪

長溪碧衍玉光淨樹夾兩崖俱倒映群群樹杪髻螺出一
一隨行似相腰小舟貼水天上坐了見鬚眉落秋鏡溪當
比我懷尚澄地固不凡游亦勝舷歌偶爾及滄浪野鳥忽
飛魚忽泳中流手洗白磁觥一勺分清空百病喜聞秋潦
轉澄瑩健在能尋不妨更

耕石齋石田詩鈔卷四

十

遊張公洞并引

弘治己未之三月余來宜興客吳君大本所二十
一日大本倡曰張洞果老修真處古福地之列吾
邦之仙域也必啓君一游余笑曰業已訂之矣於
是理舟載酒從汎溪而南歷疊疊畫溪迤邐四十餘
里始舍舟陸行望西南諸山高下層疊叢然莫知
所謂洞處詰之樵人指孟山曰此中是已其山於
羣山最下而小計其高不過二十仞心甚易之豈
靈區異壤能結乎是哉冉冉曲經田塍間三里許
乃抵已暮亟繇林麓左行折而北二百步路次臨

一穴甚深晦其脣有雜樹蔽虧人謂此洞之天窻

也轉及山椒則洞口在焉呀然向西北且隘有石
衡亘於上如門楣然入必俯首上摩小方有刻未
暇讀門側置片石楸紋縱橫云爲仙杵疑好事者
設之自茲從石級下度載上載下崎嶇甚疲於老
足因小憩旁石瞰下冥冥時嵐氣滃淪如水涵於
中不可擬步隱隱惟見石臺耳暝色漸翳迨無所
覩乃下山議宿道士張碧林溪館規以明日補其
未足之游夜二鼓雨作簷聲浪浪悵然謂必敗乃
事矣黎明天就霽即蹶起厭浥行濕莽中喜劇興

耕石齋石田詩鈔卷四

十一

熱却掖猛進冉冉焉足若虛躡洳焉身若淵墜
愈下而愈奇乃及臺而昨俯見天憲者今則仰視
之日光下映四顧瞭然下多亂石傾亞有崩跌勢
洞傳孫氏赤烏間霹靂所開天憲可想其迹也臺
踞洞北趾崇丈餘南面而立則三面環見皆石壁
壁拔地漸高而偃如鵬翼翥空燾下其中鈴鈴壁
之理上下皆夷夷而橫理中乳流萬株色如染靛
巨者么者長者縮者銳者截然而平者齒齒者螺
旋者參差不侔一一皆倒懸儼乎怒貌掀吻廉牙
利齒欲嚙而未合殊令人悚悚乳末餘膏溜地積

爲石櫺數長軀離立兀兀色揉青綠可愛西壁下
作大裂斜而衍幽而宵內多流石錯互初隨行小
僮誤繇洞口岐而入忽見蹣跚出于罅處衆訝曰
何小子之佻達也東壁下一小洞洞門內有石窪
滴水滿中又一洞正南壁中極點黑云通半里許
余闕之寒氣淦淦襲人不可久竚大本則挾童奴
二三輩執炬踉蹌而入覺其挺詣之無難也非但
不能抑不敢以老身試其不測惟盤桓臺下恣得
俯仰之觀嗟乎設者不自知其巧而使遊者知之
知也有不能盡其知遊也亦有不易者焉余於宜

耕石齋石田詩鈔卷四

十二

興二過洞尚相昧今於一識迨老始獲之可信境
於人間不多設遊於人生不能幾遭因引酒獨酌
心與境融樂與迹超洋洋乎欲參造物者遊謂可
遺世而長存不知果翁之得果何如哉時大本自
別洞出仍來候余歷言其中石牀石灶丹田之異
旁之列洞不可殫記余曰母多詫我我亦有神僭
子往矣大本請記而系以詩詩曰

仙山不在高靈區設中藉包蒙自太古霹靂始與牖然
不耀地白日已通晝遂襲世遊人我及千載後登頓入地
中足與石角鬬飛崖臨紫雲旣掀勢還覆仰面欲成壓山

鬼自司枚元氣不蒸兩五色變乳溜支本萬不齊
筍瘦又如人披腹呈此琅玕秀旁靡表雲房曲密通款實
跬步必容炬老膽怯且逗神仙未易求冥採亦何遘矯手
采瑤華和飲千日耐聊度三千手儼與石同壽

吳原博跋云石田嘗兩至宜興與克溫翰林謀游張公
洞輒爲雨阻數日名山之游信亦有命也去歲乃始與
大本隨君游而願始遂更爲作圖而繫詩于後又爲敘
引述其勝甚備傳至都下于獲讀之雖未及游而茲洞
已在吾
目中矣

酬吳大本邀遊善權不果

久要三十年契好未始曠慰老辱招拉山水作清放鄭重
三百里迢遙累孤舫病濕如寒窘美意成缺望足滯惟心

耕石齋石田詩鈔卷四

十三

馳日暮生怏快把袂未忍判彼此默相向翩翩楊柳花撩
亂白髮上物亦似人情留戀聊一餉踐約須過月山林綠
陰王突奮誰我沮指日語敢誑登堂謝所負一笑賀無恙
善權尋舊夢蜀山發清況諸公如不棄詩酒宴酬倡浮生
感流光石火急難仰行樂在及時得失亦巨量坐看西飛
雲悠然情莫忘

吳翰字大本築別墅於陽羨溪山間至
蘇必過石田流連浹旬乃去餘無所詣

送王理之赴孔林書新廟碑

王子嗜字學闔戶攻古籀曾莫永人知摸搨烏衫袖發緒
到秦封探蹟更周狩前年靈光留再構初觀復工訖乃紀

乾伐石獲良琇鉅公寔修辭標美書豈後遠檄舉王子憲
撫識不謬膏車未謀人運作千里就聖德無假託高揭有
永壽譬雖衰裳貴亦見附繪繡握筆敬在先書法要締究
匪徒求媼媚結體務莊厚老夫愛莫助贈言恃惟舊

弘治十二年己未閏
里災次年庚申重修

送薛堯卿漫游言登泰山謁孔林而迤邐求仙海上
免卿掉頭狂且忙結束東遊如子長擬將足跡試天下三
月已自儲饌糧出門長嘯振林木蒯緱短劍秋風涼臨岐
調我老不及登高健步如飛翔岱宗未到已在眼齊魯指
點青微茫書生浩氣久憤激要倚日觀攀扶桑秦鐫漢刻

耕石齋石田詩鈔卷四

十四

多漫漶且莫苦求其章東封何有許功德文武未必能
張皇惜哉君行差較晚燼後灑淚悲靈光是年閏素王有
道自六籍固是不死之仙鄉羽人丹丘何足問勿以汗漫
窮荒唐丈夫汲汲在事業白髮凋史成老蒼無人薦達自
陳列朝廷求賢正無方頗聞此事近擾擾毛錐未抵丈
八鎗遙頭合有班定遠天下豈無張子房山東李白恃必
用莫自兩生追所亡不然歸來且高臥共喫飽飯歌陶唐

白茅顧氏種荔枝成樹有感弘治壬戌

人傳顧家園近有閩荔枝始聞漫竦企果否兩莫裁閩吳
地殊懸此物胡不哉彼此氣各偏炎寒亦難諧淮南不宜

椅冀北不宜梅物固產不通性與土相乖耳目自爲仇于
懷日徘徊問訊昨走奴已遣仍慮詒及返有所挾公枝葉
叢叢葉次綴小蕾含黃未成開事固有變理執嘗哂吳歎
兼能述所致妄痊核偶茲今本已拱把森然暢條枝去歲
實垂成墮落惜玫瑰根氣恐未充加培如保孩紫苞已在
眼香茸早流腮老夫喟有此南氣其北來先從草木見造
化有胚胎厥初限荒服難與玉食偕漸虞道理近有以滋
味媒置堠當未免又見飛塵灰

常熟顧氏自閩中移荔枝數本經歲遂活石田使折枝
驗之翠葉茂然不敢信也以示閩人良是因作新荔枝
詩見甫田集

耕石齋石田詩鈔卷四

十五

生日漫言

幼時慕八十妄念笑荒唐八十思幼時過事驚渺茫事過
三萬日人如傀儡忙忙忙到衰老傀儡是末塲謬以百年
算時日苦不長雖有六千日長短未可量使長莫如前使
短亦不妨固非懼天閼白髮映黃腸生順與沒寧大觀理
之嘗腐草舉末焰螺甲懷餘香舍靈參天地息存還自強

正德元年甲寅
先生年八十

理詩草

伏老餘生願失子末路悲不幸衰颯年數時遭禍奇獨存
朽無倚如木去旁枝刺此破門戶力憊嘆叵持屑屑衣食

計一費心思思深氣血耗瘠痺引百肢多忘識慮淺耳
瞶目兼眇一旦一身內有此衆病滋所苦不敢訴嘗畏老
母知小孫蠢不學次兒誕而癡後事不足觀百憂無一怡
吾性無妄好執善信不疑垂垂白鄉朝斯還夕斯高高
冥冥者何物顧相欺似我未蒙祐反有留害罹滾滾人海
中黑白何可測口亦不能問理亦不能推以死致度外且
活是便宜今日盡今日明日豈可期亦復酌我酒亦復吟
我詩我詩無好語稿直從散遺兒在曾哀甚今紙著淚磨
抱患天地間空言亦奚爲

烏藤杖歌

耕石齋石田詩鈔卷四

十六

烏皮製積竹約然瘦骨挺玉修且堅流求怪藤老不死弱
途海外誰寅綠洪濤躍過十萬里滑似龍巖疑沾涎憊翁
杖之尚溜手扶持頗認兒孫賢傍人笑爲數促節百有二
十期吾年明朝策雪入梅去桃竹不敢爭其權

石湖書院老樹行

范公亭東看古樹有身莫可限尺度只憑長大不長長邊
老婪酣遺醜肚一輪朽盡皮肉空一輪輪困葉籠蔽盤根
到處走虬蛇風雨不驚知得地坐根納蔭且移時靜玩氣
機成感遇人生安得如此頑不死不用當在世

梳頭曲

少女重青鬢膏掠不停手臨鏡時再三呼人問妍醜西家
有寡妻日日待白首

門前有垂楊

門前有垂楊枝葉何靡靡飄花欲及地忽復因風起搖蕩
少婦心天涯念遊子愁多肌肉消不敢臨流水

暗紡詞

貧家紡婦夜紡紗無油點火暗搖車紡多手熟不勞力眼
雖不見手明白車搖搖今夜迢迢今夜不作無明朝來圖
織布且換米早粥在鍋渾舍喜富家燒蠟滿堂紅彈絲調
竹喧春風紡車嘈嘈只隔壁苦樂兩聲何不同

耕石齋石田詩鈔卷四

十七

迎新送舊曲

鼗鼓擊龍笛吹阿婆接賓新人來新人來舊人去迎新送
舊門前路門前路有曲直門前樹有短長傍人未說新人
疆新人繡羅鬱金香舊人練布秋風涼初將生死託末路
受盡糟糠還下堂下堂長踏來時路啼鳥飛花撩斷腸鳥
啼怪道呼姑惡花飛怪道似郎狂寄語新人保恩愛三年
五年當見郎

吳姬曲

前年別郎三月暮東蕩西飄不知處願彈紅淚濕楊花總
饒輕蕩飛難去

廢宅行

長洲苑外連雲宅青粉垣墻高廿尺重樓閣出參差柳絮中間影朱碧堂前暖霞封畫闌淵淵伐鼓催牡丹行人隔墻空歎息富貴無緣客眼看主人但怕客不醉白日未昏教火繼歌童揭調塵墮梁舞女失釵金溜地豪華忘久復忌盈時革人亡一夢驚門前車馬野花盡地上牛羊無草生老奴髮禿變雙足猶戀遺基葺茅屋半甌齋粥不療饑西風滿面吞聲哭

鵲打雉贈陶將軍

猿臂將軍臂黃鵠小隊蒐原笳鼓急驅叢迫薄草木驚野耕石齋石田詩鈔卷四

十八

雉衝人馬前突漆眸側睨奮脫鈞控拳振翅筋力遁雉欲通飛膽先落犀爪攫顧如就縛看人喝采和千聲將軍厭鵲自摘生剗心剔肝錦毛破五色花袍腥血浣

贈史癡翁

我昔聞癡翁已及三十年不知翁爲人名癡胡其然癡本性不慧憐憫百不便今年闔閭城握手在市廛角中摺軟羅腰帶敝帛纏短屨草獵獵長袖雲翩翩溫慰未通語輒歌沈醉篇拉翁黃公盧買酒醉聖賢却孟不事飲莫與癡爲緣我謂癡所發必恃酒爲權無酒癡不成癡酒不可偏云癡豈假酒假酒癡不令我癡抱混沌七竅莫我穿若謂

酒使我良馬亦俟鞭人以點教我我自信癡蟬人以嗤我盡我盡師癡度手探夾袋中出具置我前水墨乃從事慘澹開雲煙大幅及小幅紙影彌山川圖成贅言句草次亦及玄市上諸小兒驚駭謂之僊清虛結簪納鸞花亦留連要去不掉頭急急箭脫弦無慕豪富門脚版如鐵堅此翁所以癡以故囊無錢於人有雌黃嘗在口角邊於人有孝義記注一大編此翁不癡者人焉得知焉吳人多癡呆翁豈吳人傳翁云我吳產此病知莫痊我生迨八旬落魄如風顛不知人所毀亦不求人憐種竹欲借地買書膏賣田蓬蓬被白髮咄咄書青天我顛與翁癡癡顛相比肩約爲耕石齋石田詩鈔卷四

十九

老兄弟逍遙覓彭錢

趙頭陀

山住忘八年衆慮攝一定氣味漸木石久久同心性面瘠疑饑成肌澤匪浣淨覆髮短及耳鬚槎黑紛勁邇來訪人寰迹若無塵境半跡就長衢目瞪神亦凝過旅詰何修百語罔有應中露詫莫偃尚見雪霜更動偶不知動靜至不覺靜觀鏡中影出入何害鏡施食信酒肉大啖蔑美刺投貨略不顧千金等破甑謂仙人莫究云佛誰敢證塊然天地間造化莫命今

趙頭陀者自云終南山人成化間游吳中後內盡十數年飲水亦一二十年客天寺數年後坐此橋上大呼一

得金利數類

贈源上人

苾芻聞香十年已嘗有寄絨烏有裏祇從人家誦卷軸千
里何殊相晤語雲萍蹤跡不可呼眼外之人疑老矣今年
秋暑我牀榻肥胖病困頓未能理黃昏短刺墮枕前不倩人
扶攬衣起吹燈相照見瘦玉人與清詩正堪儼僧中此老
古或有超然已覺今惟此翻經石上月紛紛半是微誠細
吟耳我持此癖七十年端地江湖俟知已傳杯夜屋破蚊
蚋且畧無生談賦比杭州官府尚多賢當面寥寥惜無與
脚膝之下自有地不作蜜蜂苦鑽紙斯文有契屬老境頻
耕石齋石田詩鈔卷四 二十

從頻來自伊始白頭接膝無百年人生歲月如流水

夢謝人授鹿角膠莫全篇寤而足此

毛龍頂上紅茸茁三尺珊瑚長仙藥根貫神額不可折扣
中五音發清越農皇笑以金刀截骨解支分寸成節湘以
玄水桑火爇七日鼎中絨鬼血天精地髓轉作雪補我玉
堂溫不熱試之七許膏吻舌酥飽停調氣馥烈便爾小活
亦大葦更三千年等一瞥

葉婦高節詩

節婦鄒氏年二十三甫歸官橋葉氏子芸僅五十
五月苦立節婦誓死不出房限不與人見其姑謂

曰奈火盜疾病何節婦乃約云云後疾革囑曰吾
寢生處以安死必殯此不可容弔者入如生之不
接見男子以畢我始終之志言訖而沒享年六十
有四余高其行度越膏流矣次第其言以著於篇
云

葉家夫郎鄒家婦百年同生誓同死五十五日天奪之一
箇孤鸞失其侶腹中顧後無男女手中托生有機杼短檠
長夜不敢哭白日深沈閉房戶老姑謂婦歲月長新婦告
姑聽我語我身聊奉姑同居我心已與夫同土青天雖高
所不欺白髮固遠要自取憂勤患難以靜制禮義廉恥在
耕石齋石田詩鈔卷四 二十一

剛主火來脇房我不動委身一焚火莫苦盜來敲門我不
驚先身一死盜何侮病來容藥不見璧有臂可斫診不許
事雖未及慮早及口既能言身有處世當可重儼金玉家
不可少比稷黍臨終一著尤可竦笑謂家中諸姬姆老身
幸享六十餘數盡年窮理宜去紛紛身後惜事亂從此治
時先囑汝房前張限喻如山自我入來無出武房中處久
於我殯魂識依依得其所生前忌接男子面死魄母令弔
人觀人間禁寡堪作訓始末高明越今古 朝廷未聞鄉
且頌完德更宜加藻斧何人有力達太史何人有力達公
府嗚呼節婦今冥冥其身可腐名弗腐

贈韓珍

恩以生骨肉義以生撫育韓珍本異姓恩與義兩足心肝
蓄義血甫有數十斛義氣溢皮毛馨馥及衣服主父病京
邸危命一線屬千里獨奮往併日走匍匐藥物無能爲事
亟剖股肉股立割義刃無懼亦無悔雖然不救死揆意義
亦篤君臣亦義合往往逆亂伏珍手可玆哉搖毫吾特錄

咏費彥傑還叙事

淮安新城下交易利所在往來日萬人財貨隘閭閻道上
或有遺一錢尚爾愛老叟費彥傑早行足有礙俯拾黃金
釵耀目口發喟乃詰旁居人經此何淑艾衆云未始見見

耕石齋石田詩鈔 卷四

二十三

祇有興載恐是惟中脫去此尚未邁費追逾阡陌氣喘力
良憊止輿問何失曾莫有所忌輿女驚其言撫髻乃覺讀
寡惟出粉黛便卽就地拜還叙叟疾走更莫延少話女却
叩姓里荅云不足芥無姓住亦遠欲知將奚待我亦弗汝
詢彼此付曖昧此事嘗有聞但慮斯言衡偶與叟相接詢
之乃至再叟笑云雖有且還無可怪嗚呼古人事喜見行
今輩發今寔謂奇蜀日犬乃吠在叟似非難在衆則難逮
義利寓人情要之得其裁吾詩爲叟發庶亦存俗戒

石田先生詩鈔五

今體

送徐武功南還

落日西風萬里舟布衣涼冷獨驚秋樓臺細雨飛玄鳥江
漢閑雲臥白鷗天上虛名知北斗人間往事付東流金滕
莫道無人啓休把羈愁賦遠游天順元年丁丑先生年三十一

挽草愈劉先生

蓉城人去路茫茫空有詩名出四方千首杜陵青史筆三
朝顏駟白頭郎老來涕淚關時事病裏音書隔故鄉今日
王孫招不返江南春草爲誰芳劉溥字原博天順間卒于京師

耕石齋石田詩鈔 卷五

宜晚軒爲王公賦

湖山佳處小軒成薄暮偏宜物外情明月未來風滿樹夕
陽猶在鳥無聲黃花共客詩中老白髮催年定裏生塵海
行人不知此勞勞心跡候誰明

寄周桐邨先生

抽毫只合事黃麻閑對清江惜髻華山縣軍書前吏迹墓
堂文字老生涯荷鉏還著烏紗帽借舫膏依白鳥家聞道
閉門春寂寂臥聽風雨送鶯花周昂字伯器嘉禾人以承
有功德休陽縣典史歸游吳越間賣墓文爲活史明古其
門人也

周較書六道主吾塾自吾弟以及吾兒去就十餘年

因竹請題寓情有承

一別清風又十霜重來三徑未全荒此君已覺垂垂老稚
子今看稍稍長書簡漫消新歲月漁竿不厭舊滄浪試呼
濁酒歌淇澳昨夜疎簾雨正涼

寫懷寄僧

虛壁疎燈語亂蛩夜懷如水怯西風明河有影微雲外清
露無聲萬木中澤國蒼茫秋水滿居民流落野煙空不知
誰解拋憂患獨對青山憶贊公

和張保定留題北寺詩韵

鐘磬泠泠隔水聞當門高塔倚斜曛綠蘿深徑栖殘雨黃
耕石齋石田詩鈔卷五

葉空臺積暮雲已拂壁塵留草聖更因香炷事桐君碧山
學士清游後應悔銀魚不蚤焚

次東原先生與其甥魏公美畫詩韵

蒼蒼筆力似荆關白髮圖書老不閒未許羊曇乞西墅畫
中分與舊溪山

白頭公圖

十日紅簾不上鈞雨聲滴碎管弦樓梨花將老春將去愁
白雙禽一夜頭

折花仕女

去年人別花正開今日花開人未回紫恨紅愁千萬種春

風吹入手中來

仕女圖

鮎薄窗虛日映樓杏花風蕩玉簾鈞手擎粧盒偷微笑紅
蜘蛛絲在上頭

題劉完菴山水

青李來禽寫未閒又將墨法寫溪山疎雲古木蒼蒼筆猶
出龍跳虎臥間

侍家父世父與劉完菴西菴文會

野寺清尊對鶴羣我來行酒聽論文門前歇馬依青柳池
上開軒見白雲自喜獻之同稷事還慚阿買張吾軍醉扶
耕石齋石田詩鈔卷五

三
老父還家去桑柘秋陰日未曛

和吳原博對雪二十韵成化六年庚寅先生年四十

如何二月雪霰霰復稜稜絮起雖堪美條封已不勝當宵
將曉誤向煖畏陽蒸薰霞成旁集因寒質始凝未堪溫以
玉只自冷于冰增岳幾時重蔽天何日澄衣冠遭點染臺
閣逞飛騰作亂猶安史爭先類薛滕凍凌廷尉雀勢扼郅
都鷹去就何其屑縱橫不可絕窮侵到草木厚積及崗陵
詐每從取掩機多自弊乘又乎能直刺穀也務虛稱黃竹
歌應遠鹽梅事莫急情文非過擬時事適相仍野老占應
浸今茲慮不登還當念貧者抑可愴凶徵陰奈非其用陽

須剝後升笑塵君得詠歐陽公禁體詩云
公咏雪有須情纖甲冷微骨四十閑戶僵眠者詩成悶轉
餘萬七邊兵晏元獻謂其合閑

太湖竹枝歌二首

吳江長橋如長虹西來太湖橋下通我家落日水如鏡
見人影在波中

蘇州南來是太湖少見楊柳多桑株誰家女子在樓上手
揭紅簾看打魚

贈陳世則

干祿未曾登薦稿養親還自讀醫書名園綠水城南路大
耕石齋石田詩鈔卷五

樹啼鴉是故居

兩湖聯句成化庚寅

畫船載酒入空濛四面湖山水墨中史鑑繫纜石留秦舊

物賣花人帶宋遺風劉莊怕寒沙鷺低拳白受濕汀桃淺

破紅沈周未必清時能勝此笙歌莫放酒杯空沈召

張伯雨墓

靈石山頭生紫烟高墳遺蛻尚依然已知鴻寶隨人秘猶
有驚聲與世傳憶影翠搖靡畔竹佩聲寒瀉月中泉古杭

城郭東來是應識先生化鶴年

重逢謝將軍

十年歸騎雪紛紛桑影榆陰日半曛帥府別開新院落監
門還識舊將軍行逢戰蟻臨堦看坐愛歌鶯隔樹聞耻向
太平憔悴盡英雄無地覓高勛

送晏青雲還蜀

詩草琴張共一囊輕舟八月過瞿塘功名如夢青雲遠桑
梓關心白髮長喜脫牙冠尋隱計閑書牙笏記丹方登高
王粲應憔悴始信江山非故鄉

挽蔡工部公著

鶯聲春色滿皇畿憶得高筵話久違金水載花門外過王
駟穿柳省中歸一官未轉身將老十載相逢鬢已稀誰道
耕石齋石田詩鈔卷五

別來成永隔薤間晞露益沾衣

松泉用周桐邨韻

屋頭落落千雲立屋下潺潺傍石生世上有材終自用山
中無事不須鳴開門掃葉知風過濯髮臨流見月明願煮
茯苓三百斛我將分取一杯清

贈顧一松外史

何處天風到羽車相逢便作醉生涯碧桃流水人間夢黃
鶴孤雲海外家九市玉符嘗賣雨十年仙餌只餐霞春深
未是歸時節老畫長松一樹花

感雨

雨雨風風久未晴不眠人起夜三更王川擬問頗厓命錦
里空勞廣厦情社樹有靈陰火出海田無畔晚潮平朝來
兒女應相訝謂底愁多太瘦生

題畫

背郭茅簷秋日晴栗林霜後葉無聲山僧不管門前路任
爾行人終日行

挽王惟勤

水庄雞黍記曾游一見清羸使我愁久疾望如裴俠起近
書悲向耿蘭收新墳未宿苔花雨舊墨空遺柿葉秋幾度
荻溪溪上路孤舟斜日泪雙流

耕石齋石田詩鈔 卷五

六

仲冬七日與陳育菴別後聞其阻雨崇福菴寄此抵
面

苦作匆匆別舟仍淺水邊江湖虛遠夢風雨逼殘年濕竹
蕭蕭寺寒蕪漠漠田還期一尊酒重話夜燈前

贈海上劉將軍

少年儒將有高名說劍談經四座傾久處幕賓能草檄舊
隨童子盡知兵月連夜火沙邊埃潮挾秋茄海上城聞說
遠人歸聖化欲銷金甲事春耕

春日送別

紅亭斜日玉罌空酒滿飛花淚滿風底事無情也離別隨

車逐馬各西東

春思二首

翠蕩珠飄各渺茫羅巾別淚濕行行雙鸞鏡破中秋月小
鳳衾餘昨夜香蕉葉有心緘密劄蓮花無實怨空房王關
西去三千里可抵人生此恨長

兩月傷春懶下樓王顏憔悴爲郎羞鴛鴦細雨丁寧恨燕
燕東風宛轉愁擲折金梭絲不斷燒殘銀燭淚空流無情
最是江中水一尺魚書杳未收

病起訪吳原博值傷暑不面夜歸僧寓有作用劉欽
謨韻

耕石齋石田詩鈔 卷五

七

病起相尋力未支角巾新裹帶蛛絲逢君又是秋傷暑爲
客無聊夜遣辭硯沼露華燈墮影簷牙月色樹交枝情知
此會應難得別有清尊話所思

觀辛卯浙江鄉試錄寄沈宣明德

滿院桃花九十株爛然春色照西湖沈郎不解修花譜徹
底從頭一字無

奉和陶菴世父留題有竹別業韻六首 成化辛卯

舊宅西來無一里別成農屋傍長川真堪習靜如方外雖
可爲家尚客邊賃地旋添栽林麓鑿池新蓄漚麻泉北窻
最愛虞山色也似香爐生紫烟

散髮休休依灌木洗心默默對清川一春富貴山花裏終日笙歌野鳥邊聊可幽居除風雨還勞長者訪林泉留題尚在庭前竹淡墨淋漓帶碧烟

櫛飯簷衣嘗自足猶勝杜甫客西川老妻課佛清齋嬰幼女鳴機夜火邊幾樹涼雲散高葉一溪明月瀉寒泉寂寥草座無人伴自起添香看篆烟

人愛吾廬吾亦愛秋原風物帶晴川蘭甘幽約宜堦下竹助清虛要水邊只好蔭茅同背郭何須蓄石慕平泉苦吟自覺多新病華髮時籠煮藥烟

北屋千竿見高竹當門一曲抱清川鷗羣浩蕩飛江表鼠耕石齋石田詩鈔卷五

輩縱橫到枕邊弱有添丁堪應戶勤無阿對可知泉春來有喜將子報自作朝雲與暮烟

鶴毛鹿迹長交路荇葉蘋花亦滿川炙背每臨簷日底曲肱時臥樹陰邊一區綠草半區豆屋上青山屋下泉如此風光貧亦樂不嫌幽僻少人烟

有懷劉完菴

春日微雨歌鳴鳥自為羣我有同心友抱疴逾春分仙人不死藥悠悠世空聞求之莫可得瀛海隔蒼雲

哭劉完菴

故人不見見新丘滿目斜陽水亂流殘紙獨餘書法在舊

囊那有使金留半生知己酬清淚一夜傷心變白頭寂寞小山藜桂裏空憐雞犬憶仙遊劉完菴字廷美成化八年壬辰卒

挽劉芝田

老倦長遊雪滿顛澄江歸理舊芝田侯門累足無名利野店扶頭有酒錢捫虱正談天下事逢蛇忽忌夢中年孤兒為問他時計猶指床頭押闔篇

寄吳狀元原博原博舊有答鬚之文

文章不是咎鬚時轉見鬚長文更奇省殿兩元皆自取豈憑春夢替劉滋

送祥公歸靈隱時劉完菴作古感慨有作

耕石齋石田詩鈔卷五

九

飛花送酒春三月芳草留人雨一川燭蛾未銷香炷在舊遊如夢話前年

楚江秋晚二首題陳味芝所藏燕龍圖畫卷成化癸巳

天連湘漢水悠悠水色微茫接素秋殘月已沉三國恨亂雲初散九疑愁南方流落身將老西候蕭條客倦游欲采蘋花恨無伴美人迢遞隔滄洲

葭菼蒼蒼白露晞蕭條江色帶微暉平沙雁逐寒潮起野樹鴉隨亂葉飛漸見九溪如練淨尚憐三戶似星稀不堪昨夜南游客愁向西風憶授衣

次天全翁雪湖賞梅六首

君王山上籃輿湖上航如此湖山畫遊地
開過客還鄉

少在城中多在鄉尋梅猶抵候朝忙新詩似與梅相約詩
到成時梅恰香

不是春愁鶴髮翁風流人物義熙中遙知觴咏清遊處小
筆湖山似欠儂

重疊疊水灣灣雪舫尋春醉未還因省玉堂爲客夜如
今不似夢中山

湖上尋詩舟去穩尊前賞雪酒行遲優游正是居東日自
遣春風人不知

耕石齋石田詩鈔

卷五

十

黃帽孤舟且莫催雪山留客好啣杯梅花况是堪題咏今
夜春城判不回

和天全侗軒留別錢氏祖席

謝傳其如不起何畫船詩酒晏遊多人家兩岸聞簫鼓魚

鳥中流識笑歌細雨沾衣紫舊纜春風入面醒微酡夕陽
更好東歸路草樹迢迢擁漫坡

寫溪亭秋晚圖贈沈潤卿

丘亭風去復風來落葉無踪剩綠苔一日十迴猶不厭晚
雲痕藉爲誰開

爲友人寫蕉

便欲開船去因君更寫蕉要知相憶地葉上雨瀟瀟

試筆

老大爲生未有涯浮雲流水淡於懷小垂舞袖人嫌拙寡
出言辭我自佳月下古編開葉几雨中高竹映茅齋無心
苦算閒時日任爾新葺綠滿階

市隱

成化甲午

莫言嘉遯獨終南卽此城中住亦甘浩蕩開門心自靜滑
稽說世估仍堪壺公潤世無人識周令移文好自慚酷愛
林泉圖上見生嫌官府酒邊談經車過馬嘗無數埽地焚
香日載三市脯不教供座客戶傭還喜走丁男簷頭沐髮

耕石齋石田詩鈔

卷五

十一

風初到樓角攤書月半含蜩壁雨深留篆看燕巢春暖忘
僮探時來上肆聽論易偶見隣家問養蠶爲報山公休薦
達只今雙鬢已純耗

東園

芳園好在齊封內不似生涯事瀼西帶月濫泉臨晚灌向
陽膏土及春犁魚鱗密藝多佳種井字新開足小畦隣叟
見侵頻讓畔貴遊來踏偶成蹊薤荒綠過千鋤草封殖香
加百簣泥嘗見蟬蟠食苦李不嗔童子覓楂梨紺茅紅甲
時時長碧肆細枝得得齊著雨桃花衝燕落受風楊柳信
鶯啼輸官不敢逋桑稅欸客猶能薦葑齋風月獨追司馬

樂生歌偏笑辟疆迷乞裁帖子兒親送種樹方書袖每攜
我憶尋芳一相過衡門寂寂土墻低

七月望奉老母泛舟玩月

沙渚生涼壁月秋老親看月子操舟雖無王守觀燈樂也
類潘郎襖祀遊風動高荷聞露注星明疎竹亂螢流酒波
泛泛清光裏但願年年炤白頭

丘侯休致

丘霽字時雍鄱陽人成化中守郡有善政以流言罷歸

浮雲滿眼使君行山水無輝日未晴明日相思何處是甘
棠樹下獨聞鶯

江山正有漫漫雪行客應無緩緩期越水吳山一千里輕

耕石齋石田詩鈔

卷五

十一

舟歸去似來時

從軍行

成化乙未

馬上黃沙拂面行漢家何日不勞兵匈奴久自忘甥舅僕
射今誰托父兄雲外旌旗姿勒渡月中刀斗穴降城左賢
早待長繩縛莫遣論功白髮生

爲沈進士尚倫題畫

葢頭漫有三間草塗足都無十畝木未信長安春似海歸
人不及去人多

題畫

花落水流春去草生雨喚愁來一日垂簾獨坐晚晴方爲

山開

訪明公

別師方一月再到已初冬白屋寒檠火黃昏古寺鐘風廊
行落葉月壁映高松香炷茶杯裏更闌話尚濃

題杜東原先生畫

成化丙申

杜翁畫障依然好手拂遺塵認翠微芳草扁舟春水漫長
松高閣亂雲飛只今章曲無人住何日遼東有鶴歸江上
愁心正千疊不堪題句對斜暉

題畫

看雲亦道青山動誰道雲忙山自閒堪笑山人閒不了侵

耕石齋石田詩鈔

卷五

十三

朝洗硯寫雲山

山行

雲壑風泉處處宜詩囊酒榼大家嬉人來人往春無主日
短日長天有時墮歲林亭看螳競插花山轎愛蜂隨野僧
未識登臨樂靜自關門笑客癡

與陳廷璧周宗道晚歸有竹庄漫興

酒闌撾鼓棹郎催拉舵迎潮細浪開竹與東頭諸客散柳
塘南下一舟回微陽遠浦紅猶在斷雨迴風白又來童子
伺門燈火候漫因清暑再傳杯

中秋客中

客裏秋光已半過月華如此思如何囊空不愧黃金少親
老偏憂白髮多庭下殘蕉翻夕露城頭高樹隱明河故園
今夜堂前酒應閣清尊待我歌

宿休休菴 成化丁酉

市中偏有祇林怪是沿街客易尋枕聒鼓聲嫌縣近門
垂簾子覺堂深焙茶火煖香浮屋桁竹簷晴曉曬衾愛此
老僧偏靜得塵埃堆裏絕塵心

梨花

瑩白姿容謝粉鉛不教酒洗自嬋娟日華暖抱溶溶雪月
影涼生淡淡烟深鎖春愁歸院後靜思先夢凭闌邊那堪
耕石齋石田詩鈔 卷五

十四

掃地東風惡林殺清明又一年

元旦後一日劉德儀送酒 成化戊戌

使者雙瓶至蓬門向晚開停肩慰泥滑解幕省香來染指
憐佳味挑燈引細杯明朝攜小榼江上候新梅

題在野集 袁凱景文著

秋風黃葉亂斜暉長道羸驂尚敝衣細瑣魚鰕隨水落低
徊鴻雁向人飛南山莫信無耕地東海猶聞有釣磯獨是
先生春醉醒一簑烟雨唱歌歸

溪上獨坐

觀生吾自得飽飯荷農功盤石其雙足清流影一翁松喬

藤輔德楓老葉還童好在尋詩地無人杖屨同

答僧求畫

參方歸去草鞋穿老屋清齋省舊緣千里絕雲行脚債一
單安月在家禪蕉留庭戶因供字笋熟園林不賣錢何苦
要儂蠶水墨此心猶落妄塵邊

題春雲山色圖

江上春晴啼竹鳩白雲狼籍未全收或教山好忽然去故
要樹深終日留其意不知何物命老夫還悟此生浮與君
浩蕩論胸大把筆因之作幻遊

秋景

耕石齋石田詩鈔 卷五

十五

紛紛落葉不堪數兀兀斜陽尚可留莫怪溪翁懶回首青
山正在水西頭

石田先生詩鈔六

今體

成化十五年己亥
盡二十三年丁未

水鄉孖子十首 有序 成化己亥

水鄉孖子十章言鄙而淡其意則深矣吾鄉以水
爲害者接歲民多委溝壑否亦轉徙牧民者不之
加恤而以戶傭并稅槩於高腴之鄉故其害益甚
爲孖子者固無苦爲父母者固有愛今者反是因
舉孖子所歷言之則孖子之父之母不言而可知
已亦猶誦麟趾以識文王子孫之善也

水鄉孖子難存活半去神堂學打吹吹笛會時還打鼓學

耕石齋石田詩鈔 卷六

如不會趁健旂

水鄉孖子求魚沽辛苦求來賣又強今歲水多魚却少空

藍歸去雨床床

水鄉孖子無衣著手脚皮皺要忍寒見欠戶傭三十貫阿

爹領去賣還官

水鄉孖子田無麥趁伴高鄉拾穗頭爛是麵條乾是餅看

他人喫口涎流

水鄉孖子無牛放賣不勝錢未有年家裏闌嗔閑索飯嫂

來賒罵阿哥拳

水鄉孖子能辛苦短小伶仃氣力無五畝白田春漲裏踏

車不轉打龍胡

水鄉孖子打教槌手拔茅針強塞饑不見阿娘教喫飯甌
中無火已三時

水鄉孖子瘦堅堅趕使能行便顧錢饑飽趁人顛倒臥也

無娘惜與爹憐

水鄉孖子團泥佛俗說團泥雨卽來怕見田渰糧不准阿

公嗔打哭哀哀

水鄉孖子最堪嗟自小離鄉不戀家終日趁娘求活去傍

人門戶唱簪花

晚坐

耕石齋石田詩鈔 卷六

二

春殘尚絮袍林屋氣蕭騷白日苦不夜人生亦太勞泥花
方失勢雨笋漫爭高小酌仍觀物新醅慙老饕

谿亭小景

幽亭臨水稱冥棲蓼渚莎坪只尺迷山雨乍來茆溜細谿
雲欲墮竹梢低簷頭故壘雌雄燕籬脚秋蟲子母雞此段
風光小韋杜可能無我一青藜

九月十一日過光福夜訪徐雪屋

西風西郭路秋色入蒼顏接屋千村樹行舟兩岸山水光

明月下人影翠微間指點讀書地關門知夜闌

送允暉

陸郎幾宿春山去山鳥山花盡有情白李紅桃塞行路黃鸝留客兩三聲

題郭忠恕畫李西臺書錄其汗簡集以獻皆科斗文字

蒼壁長松有仙骨斯人好在白雲鄉西臺汗簡今零落科斗春深水滿塘

問沈東林病

問藥前朝有使過枕書知道臥雲蘿未應太瘦因詩苦自是衰遲覺病多蟾子晚風懸竹戶魚苗新水漫菱河木烟細細匡床靜遙想支頤兩髩皤

耕石齋石田詩鈔

卷六

三

聞清癡馬秋官課農山庄

秋官莖笠事東菑雖愛清幽也似癡分肉戲專隣叟社訟田閒剖野人詞竹枝雨暗蟪蛄戶豆葉風涼絡緯離知道床頭三百甕醉中都賦勸農詩

過席心齋道士墓

丘墟寂寂臨川上桑海茫茫感蛻餘舊用棗盤靈霹靂新來劍地入縷鋤羽人欲化楓株老仙鶴無言石表虛我願追求金薤葉碧苔狼藉漫虫書

十二日還自光福道中即事

兩竿西下日吾棹正東歸溪老過橋去野禽穿樹飛水將

人眼淨葉與鬢毛稀納納乾坤內秋風自布衣

和劉士亨見寄韵

白髮才情軼孟郊醉吟何處定推敲雲開三竺芙蓉障雨壓雙湖翡翠巢老眼詫書繁似蚓深杯叨酒釀如膠風流憶共朱家宴小杏新烟竹裏庖

立春後一日試筆

雪屋蕭然折竹間畏風門戶鎮須關鄉惟老大悲年逝人謂迂疎喜事閑土銚撥灰燒凍芋雲簷補屨織新官深居終日無聊賴或爲兒嬉一解顏

除夜

耕石齋石田詩鈔

卷六

四

五十三迴送歲除世情初熟鬢應疎事能容忍終無悔心絕安排便自如立券每除扶病藥作緘因借養生書親羹坐雪肥鮮少索畫人來喜饋魚

題畫

成化庚子

風和楊柳初偷眼兩怯桃花未放心且載一壺江上酌綠波春酒共沉沉

題謝葵丘畫

此圖作於宣德二年二月三日周尚未生生於其年十一月二十一日距作圖時尚十越月周今年五十四歲已種葵丘既化去先公亦遠矣

八年撫圖之際感念今昔不知雪涕之沾襟也因詩以識之成化庚子花朝日沈周校泪書

先公舊得葵丘筆淡墨真成北苑風未歲春時圖既作丁年冬仲我初降後生已見衰毛白往事空驚轉燭紅今對青山吊雙鶴秋風吹淚到遼東

春景

氣暖山晴雲亂生桃花櫻柳鬪春明田翁偶語還相笑野雉驚飛入竹鳴

題畫

詩思疑懷未易裁平臺一半夕陽開桃花小間松枝發碧耕石齋石田詩鈔卷六

五

嶂中分綠水來

春日墨興齋即景

蛺蝶飛來忘却還隨他春開我嘗閒瓦杯閑酒恰微醉細雨濕花雲過山

惠山謁文襄公祠

工部昔年遺惠在祠堂仍在惠泉頭吳民今日無襦袴每過門前即淚流

過聽松隣房

石子墻低細路平未敲門戶有僧迎松風最不私人聽行過西家共此聲

華孝子祠下一首

孝子祠前春日低西簷素壁我留題入雲古木無人伐千箇乳鳥來上啼

賞牡丹席上作折枝

爛熳初看蜀錦堆却疑春色隔牆來酒逢知己何辭醉花笑貧家不稱開紅亞暖風憐弱當粉含清露濕重臺明朝只恐都零落爲轉長生託紙胎

七月十五日城中晚歸

晚郭歸舟急若何市塵猶恐累漁簑到家覺得會風雨兩樹芭蕉破葉多

耕石齋石田詩鈔卷六

六

十月二十八日早自城回

短日促解纜起程霜鬢達岸姿微雨潤人影淡波通一鳥沒虛碧數楓留晚紅指家渾不遠邨過更橋東

落葉

紛紛自一一片片及蒼苔落後樹還有掃空風復來累聲行藥逕減相衰茶灰笑我臨梳髮飄零老共催

雪後

雪後溪橋試一行隔溪折竹尚聞聲曉寒薄骨非輕出不爲梅花不動情

題蕉

慣見閉庭碧玉叢春風吹過卽秋風老夫都把榮枯事却
寄蕭蕭數葉中

暮春送客 成化辛丑

舊迹新痕酒滿衣東風紫楝又花飛金閨亭上偏無賴春
與行人并日歸

早起

窻戶微明曙色催早涼門外有輕雷衝風巨浪兼江動變
雨浮雲接地來趁市魚鰕爭要去喧時雞鴨也須開鬢絲
襟抱殊清爽倚樹高吟且一迴

題畫寄北海先生

耕石齋石田詩鈔 卷六

七

獨憐湖海交知今幸有文章健美閒翫髒功名何物忌時
零天地一夫閒人遙尚想梁間月地隔聊移紙上山欲問
相逢老無日白雲黃鶴渺江關

題僧壁二首

塵喧俗鬧漫悠悠把舌深藏便罷休人以此是非來問我一
場鴿突但搔頭
把舌深藏萬事休放開白眼看雲浮是非當面從人問斷
不搖頭與點頭

尋野翁庄

野翁未見見新庄石子爲堦引石梁高樹隔牆烟寺近亂

雲拖雨晚山長遣春喚酒供遊事排日勾詩入醉鄉絕與
輞川標致似我爲裴迪亦何妨

贈黃鵠之

相逢野寺及春殘各各蒼顏說見難歲月易流嗟物變功
名已過覺心寬梨花月枕詩通夢楊柳風杯酒起瀾想得
金陵山水地自知行樂勝爲官

立夏過都氏 成化壬寅

湖上東風生水雲湖西一舸正尋君青春已約明年見朱
夏正從今日分新酒故人聊作伴遊絲落絮苦成羣大家
醉倒拚扶去萬事關門不欲聞

耕石齋石田詩鈔 卷六

八

七月廿六日客有談命及遺贈者至都不能與作緣
客去因寫散木圖系詩贈之

莫道今吾非故吾但饒白髮眼模糊乾坤未信無容地詩
酒猶堪養腐儒鷹鷂不會干狗監米船那肯屑胡奴從來
豈受人拘束寄與聊爲散木圖

題畫

霜葉流紅碕道分化羊白石亂成羣金膏水碧無人採埋
沒青山在白雲

桃源圖

啼餓兒女正連邨泥有催租吏打門一夜老夫眠不得起

采等紙畫桃源

東邨小隱爲沈廷佐作

野老於今席不爭林居草處任浮生失時笑見山花落得意閑聽春鳥鳴已藉酒遺身外事尚嫌詩掛世間名有時深雪門還掩折竹蕭蕭自曲肱

悼清公

三年不到此一到失清公影相丹崖月袈裟碧樹風人皆夢幻耳世在去來中短咏酬長別芭蕉古院東

雨中自遣

生涯牢落鬢蒼浪薄薄湖田歲歲荒未慣向人成俛仰自耕石齋石田詩鈔卷六

九

須隨事作行藏遙天積雨雙漚白細雨重林一鳥黃心靜日長無所作瓦爐添火護焚香

挽劉大參欽謨

晚擬紬文到石渠可堪病革兩喪餘豈因封禪曾留稿不爲窮愁始著書門客淒涼感桃李故人憔悴惜櫟閼泌陽寄語真成夢讀向秋風淚法如

過都廷襄新居

春曉春郊作伴行新居新酒故人迎弱雲妬日雨作意細柳偃牆風與情田畷分岐來宅遠漁濂合水逼廚清閉門教子無他事市不聞喧書有聲

程揮使翺殺賊海上疽背而卒

馬座難夫時所忌赫蠻儒將死還誇奔鯨止待殲三箭怪鵬俄聞入五牙五牙楊素戰艦名櫓上鳴駟悲故苑門前去客逐飛花英薨尚附床頭劒貫斗虹光直不斜

和劉後村先生卽事韻一首

門前細路抱溪灣一箇茅廬四浸間欵極租庸償白水憂茶夢寐買青山腹憑壺甕撐成飽身謝荷衣裹就閒似此亦應吾事足陶翁何羨鳥知還

自廣二首

無所容心壽亦長門前萬事付茫茫漢翁到老何辭拙華耕石齋石田詩鈔卷六

十

子于今且信忘掃地焚香秋月淨科頭箕踞午風涼小兒侯我膏騰地說引清吟可半觴

囊中摸索又無錢醒眼痴翁作醉眠百歲有誰酬大齊五旬便合作稀年容他事擾心先俗圖一分閒意已仙自愛茅簷冬日裡白頭如雪炤殘編

和友人冬日自遣韻

閒居冬日亦爲長病眼看書但渺茫凍點茆柴朝榼酒紙棲沉水夜幃香千時盡笑吹竿拙傲世猶嫌荷篠狂非是是非無定口老夫須信自行藏

除夜作雪和劉後村韻

雪屋寒深閉草簾蕭蕭鳴玉迸風簷花留紅燭陪年謝迹
浣青袍惡酒粘眉甲漸多愁母老藉丁全少望孫添明朝
又辦農桑計打瓦還須作歲占

除夜讀史有感

歲華冉冉從今去獨守寒更燭影微風雨欲來愁破屋貂
狐何在念重衣求仙漢室曾無有指鹿秦廷果是非萬事
悠悠寸心劇掩書聊用一獻歎

八月一日病中卽事

成化癸卯

旬時惟有藥追陪斷不思拈舊酒杯慮靜爐香宜夜坐眼
酸書卷怯朝開江蘋白應松鱸出庭草紅催朔雁來老去
耕石齋石田詩鈔

卷六

十一

苦驚時節換壯心那復傲寒灰

病骨撐衾太瘦生秋懷兼暑未能清酣人萬夢同迷著喚
日一難勞獨鳴薄霧闌來成就雨浮雲終不主張晴傳看
司馬匡時疏頓起藜床手足輕

觀西湖百咏集感舊有作

白髮癯書似夢驚某丘某水認題名袖中東海言非大紙
上西湖眼更明少覺舊游渾記得老關佳處尚思行青鞋
布襪猶鮮健祇待花時計便成

戴工書去官

惟食浮人我預嗟辱來榮去轉如車馬卿已爲門牆謬得

楊畏遠知論薦差蟻穴長隄幾誤國牛襟初服幸還家丈
夫出處要無愧何至低頭向菊花

戴縉黃東南海人爲御史當外遷上疏薦汪直復立西
廠內批累遷至右都御史出爲南工書五月而直敗革
職爲民

九日無菊

兒子欣將宿醞第老人佳節強相酬苦無新菊安排醉漫
有清詩剪刻秋扶病正須家裏杖登高聊試水邊樓目光
所在非金馬牛背中間一白頭

題畫

臨溪衰髮炤山翁髮自蒼蒼面自紅浩蕩酒懷消遣得一
耕石齋石田詩鈔

卷六

十二

亭殘炤入窓風

十月二十日臥病中黃應龍茅彬之自崑山冒雨夜
汎重湖而至應龍有詩因韻而答

枕屏乾鵲送清晨報道君來恐未真可是病懷聞雨處應
爲深夜過湖人高風儘掃山陰雪雅咏都空下里塵便與
澤居成故事百年還自一時新

季冬廿四夜泊黃溪與張子靜話舊

吳江南下黃溪路歲晏逢君溪水頭雙鬢都生五年雪兩
人相對一孤舟關前晚纜翻鵲樹夜半寒燈落鴈洲未識
新春此杯酒更于何地得同游

至日閒居自述 成化甲辰

冬至之日無酒錢醒笑先生高閣眠聊憑線記短長日何
貴蟲知大小年白石田間虛種玉紫泥籍上欠修仙閒窻
但有閒時月學把行藏逐歲編

四日遊虞山盡梁檜而回 成化甲辰

昭明臺下芒鞋緊虞仲祠前石路迴老去登臨誇健在舊
遊山水喜重來雨乾草愛相將發春淺梅嫌瑟縮開掣取
梁朝三檜去筆頭疑道有風雷

寄題至道觀靈蹟二首

藏丹地底發金輝半夜通明識者稀坐子老師還急起畫
耕石齋石田詩鈔 卷六 十三

符封井鵠先飛

檜蛟欲走夜壇雷飛石驚門不敢開明日道人成一笑綠

陰仍鎖舊樓臺

和劉邦彥宿飛來峯韻

入林斃子度斜暉西酒風清色漸微白髮自憐今日變青
山誰見昔時飛逢僧古寺春將暮怪客頻年迹到稀千箇
長松臥房近對燈還候鶴羣歸

立夏日山中通遊後夜宿劉邦彥竹東別墅

不認東庄路不真有橋通市却無鄰山窮借看堂中畫花
盡來尋竹主人爛熳笑麻發新興留連櫻筍送殘春與君

再見當經歲分付清觴緩緩巡劉邦彥名士英杭州人

林堂雜詠

再拜逢迎覺不便遲遲筋力且衰年林堂看雨開春酌午
枕便風奪夜眠收蜜買茶供歲計曬書烘畫合閒緣交遊
往往通朝報榮辱升沈一惘然

溪上

春日熙熙百鳥鳴東溪試步覺芒輕閒來閒住曾無爲時
笑時歌自有情止水觸風微起穀過雲生雨略攪晴鄰翁
偶揖還相訊道是先生底獨行

秋涼遣病

耕石齋石田詩鈔 卷六 十四

淅淅新涼兩月秋病多猶自不梳頭饒奴客燕虛支酒嬾
子書繁假惜油蟋蟀庭除朝露在蟪蛄窻戶晚煙收近時
江海欣平盜斗下芒星又可憂

井陽道中 成化乙巳

抖擻山邊水際身廿年重踏舊京塵依依殘夢丹陽月元
乙輕車白髮人諒自去來無箇事赴他花柳未分春關津
莫作誰何問詩酒承平一老民

約史明古不至

仙舟望不到玄都近信虛傳過太湖如此江山空舊約可
勝風雨有長途燈前白髮暮聲在地上碧桃花事無春已

闌珊人尚遠幽禽何苦喚提壺

吳元王邀賞牡丹追夜

百朵香雲怕急飛未曾來賞判遲歸臨軒要約從先定折
簡頻煩恐後違藥玉酒船羣客送黃金筵直主人揮添
不道成深夜起看紅粧覺露微

別金陵

花事匆匆瞥眼過故園不去欲如何五侯賓客鯖全少百
姓人家燕已多蔣廟亂山雲罨樹秦淮落日水增波有詩
對酒雖堪賴終欠玲瓏爲我歌

神樂觀留別祖席諸君

耕石齋石田詩鈔卷六

十五

兩歇南郊風物新神仙宮觀擁金銀青山一杖付歸客玉
洞千花留故人犀首不勝無度酒滄浪應待遠遊塵扁舟
東去須乘急還剩家園數日春

題畫

水與縈迴山與遮屋東阿逕入林斜風泉竊窺通虛谷雲
水深沉帶別家候客來臨門外屢呼兒先掃夜來花何當
我卜東西住不合尊壺便鬪茶

題畫與趙中美

兩人再見闔城城外青山笑送迎儘有江湖添話柄何
如詩酒寫平生扁舟底裏花梢亂倒影池亭竹氣清良會

從今莫輕別催年白髮苦無情

荷花燕詩

花供娟娟倩玉卮紅粧文字兩相宜分香客座須風細傾
蓋林亭要日遲仙子新開壺裡宅佳人舊雪手中絲便應
此會同桃李酒政頻教罰後詩

挽僧月舟

踏翻舟子是歸時風月于今却屬誰絕食證成無漏果養
親費盡有錢詩壞袍零落悲蕉葉吟骨蕭疎寄竹枝一片
雨花煙草地石幢高表路人思

次韻徵書記所寄

耕石齋石田詩鈔卷六

十六

東軒書記我同鄉遺我親尋背郭堂落手詩驚碧雲句隔
囊茶透紫茸香受風榆柳猶淹暑得雨蕉梧儘借涼紀會
小圖堪晚興筆踪狼籍眼蒼茫

秋夜獨坐

萬事繁思獨坐中爐香添處性靈空藥如救世黃金賤年
莫瞞人白髮公疎竹蕭蕭因借月墮樵驚屋偶乘風且來
拂簟尋高臥夢境浮生一笑同

睡起自遣

簾前落葉擁高秋謬使人推隱者流肯有微暄念天子手
無漫刺讀諸侯老知絲竹殊堪賴遠爲兒孫未免憂身後

算應憂未了且來拂壁畫丹丘

病中夜懷

病與憂相併如何老不成少年猶昨日往事評前生月共軒窗淨秋將枕席清瘦何消覽鏡洗面手還驚

送門神

抱關憔悴兩疲兵衆欲麾之我漫榮簡爾功名惟故紙傍誰門戶有長情戟悲雨迹銷殘畫整賴蟲絲戀絕纓莫向新郎訴恩怨明年今夜自分明

于山書屋詩并圖爲趙武選明作蓋其山有寺而趙嘗讀書於此者也

耕石齋石田詩鈔

卷六

十七

讀易僧居已十霜別來天上作星郎青蓮詩逸匡山處白石書存李氏房雲履遠情高塔晚雨窻幽夢短檠涼老夫困頓衡門下閒爲他人寫故鄉

穀旦喜朱性甫至

戊化丙午

城裏高官儘有衙迂舟却到野人家偶談山水悲筋力因怪兒童忽歲華白髮知春不如狂行燈隨眼漫生花遣懷慰客非無酒疊恥還當一載餘

分得樂曰謝鑒

山人治藥飲雲根楊腹中容海月吞鵝過砂床剩朱慘煉餘石髓膩青痕無銘錯認周王鼓有竅真移玉女盆抱疾

人來識清杵數聲遙在杏花邨

愁愁

愁愁無役老人懷春日烘門晏始開遊行太平初試杖安排樂事數拈盃世情花黨富家發公道燕均貧戶來識字不多強不識小篇聊與物追陪

悼內

生離死別兩無憑淚怕傷心只自凝已信在家渾似客更饒除髮便爲僧身邊老伴悲寒影脚後衰年怯夜水果是幽冥可超拔賣文還點藥師燈

贈西山老僧

耕石齋石田詩鈔

卷六

十八

老抱清齋太瘦生雪眉霜髯使人驚遊僧久住同衣食畜鶴長隨識性情土銼逼床身煖活紙窓烘日眼晶明此心應與山俱靜不是深山養不成

傲雲林

知迂的是荆關手聊復代迂寫素秋莫道西山無爽氣我於東野合低頭林墟墜葉吹高帽沙八飛漚掠遠舟一箇小亭消遣得儘將吾道付滄洲

題牡丹

名牌新樣紫牙刊露重煙深正好看却怪錦雲低亞樹帶風扶上玉闌干

冬日過田家

門枕碧流盡垂楊列岸齊樹中茆映屋垣外菜分畦噪雀
叢晴薄行人影潦路犬聲吹暗實牛跡約陰蹤聲折檻迎
客盤飧趣饌難溫言謝鄭重勤意效扶攜設座蒲重薦防
颺壁旋泥奔奔役鄰舍拜拜教孫兒沽飲客五綬延留怕
日低性情兼禮數真至見端倪

逸菴

逸迹離城市分居鴈鷺沙屋中人懶散門外樹橫斜名漏
山公啓鄉當虞仲家梳頭下白雪把釣著烏紗風信北窻
取月從東海賒交僧會樓笋課子托桑麻醉坐自橫管春
耕石齋石田詩鈔卷六

十九

遊或命車鷓鴣安野竹蛺蝶選林花觀我還觀物其生豈
有涯

六句自咏

自是田間快活民太平生長六經旬不憂天下無今日但
願朝廷用好人有萬卷書貧富貴仗三盃酒老精神山
花笑我頭俱白頭白簪花也當春戊戌二十二年丙午先生年六十

客去自遣二首

故屋蕭蕭溪水傍朋從沓沓日生忙抽書聊自一遮眼罵
座從渠大哄堂新月微陽相假借斷雲疎雨更商量都來
自笑成何益萬事無如一靜強

尋嘗孟酒見諠譁不是爭豪便閑奢客氣欲墜書當樂世
情難熟飯蒸沙幽禽信我巢低樹狂蝶憐春抱落花運自
關門何理會口吹松火漫煎茶

送方水雲

一箇仙舟竹葉風不知南北與何人若欲追行跡或
在長安酒市中

妙明性公雨中見過成化丁未

珠林記我游春霽竹嶼勞師報兩舟來往兩番何足計追
尋三過未應休楊花雪濕初沾地燕子寒多倦出樓老去
心思清淨業茶盃香炷與僧投

耕石齋石田詩鈔卷六

三十

懷西草堂為蘇文輝畫并題

堂在懷西黃草艾吳鄉莫把蜀鄉疑地從杜甫名全借圖
爲盧鴻我不辭衣衾夕陽迷翡翠竹坪春水下鷓鴣百壺
自醉蘇司業未解求人爲酒資

挽簡書記虎丘

詩折病中身苦吟終損神青山北往日髮過頭人花落
三泉雨雲荒萬頃春惟餘石上竹消瘦似清真

聞王優彈唱

班裏當歌讓早名臨觴一曲使人驚板迴促拍翻新調絲
引餘腔轉慢聲豈早泥融蚯蚓細桃花風悄栗留生白頭

重洗青春耳不向何哉數渭城

九月十二日聞詔

樂育安生今二紀號弓莫盡白頭悲 帝鄉雲氣神仙遠
地道春恩草木知 衆纈不曾通藻迹野飡空自動芹私江
山無改千秋物明命惟新又一昨成化二十三年丁未
憲宗升遐先生年六十

病中寄挽周桐邨先生

藥物兼旬兀病身輓輒獨後北印塵江湖隔眼燈前淚生
死通心夢裡人古誼高懷留健羨道文細字憶精神他時
客展孤墳拜風雨桐邨宿草春

耕石齋石田詩鈔卷六

二十一

挽張東海

只合留君白玉堂天教醉墨賁南荒 衰毛送老歸來短遺
草隨年化後長幾欲扁舟訴離別竟成清淚作存亡因尋
舊寄聞鵲帖人物傷心墮渺茫

睡起自遣

書枕悠悠自小康何須斷送脚屢忙半心雲氣山開盡樹
裏簷聲雨滿堂名利可憐鷄有助神仙祗累鼠拖腸時時
具酒招隣曲閑與桑麻較短長

漁村

吳江本澤國漁戶小成村楓葉點秋屋蘆花白夜門都無

三姓佳漫可十家存熟酒呼兒女分魚喧弟昆不憂風雨
橫惟憚水衡煩鷗趁撐舟尾蟹行穿壁根怡然樂生聚業
外復何言

耕隱

百畝良田湖水陰門前楊柳路泥泥馬健馬健書隨蒼
褐衣香社酒淋衆草未春雨少稗秧初秀野煙深東鄰
西舍皆同事駟馬高車不共心

病中夜雨起坐

藥盃香炷與溫存養病工夫要閉門布被擁寒書作枕紙
寬催曙水臨軒楓生赭色知霜辱蕉負爭心共雨喧物性
耕石齋石田詩鈔卷六

二十二

人情靜觀得得來還欲費吾言

挽沈東林

烏紗天與老爲容白髮知因病未籠西序有攢俄殯兩東
林無樹不悲風酒邊僂僂思遺像詩裏推敲失此翁獨剩
吾家舊題竹一般瀟灑明中

石田先生詩鈔七

今體弘治元年戊申
八月乙卯

雪中偶題弘治戊申

靜坐關門意便欣老年稍稍息勞筋潮通沙漱冰魚子竹
亞寒簷雪雀羣畏酒作痰如惡客愛人說夢亦奇聞紙窗
飯後何消遣呵筆時抄玉露文

東野

西倚獅山地向東江村一半有溪通先春紫燕當門雨侵
晚鳥健出塢風柱杖尋詩迎月上提壺看竹許僧同水南
水北相將起白髮何如老隱翁

耕石齋布田詩鈔卷七

西川二首爲孫世節題次吳匏菴韻

移家忽要離川東自信何須問老翁七水大都如屋下一
山小半入城中沙鮮近市枰多蛤海氣通邨井或虹有片
閒心無所作畫圖詩律兩爭工

西川風物新家處一畝之居半畝苔慮怕市喧忙避去便
宜山近特移來芙蓉曲渚秋風動鴈鷺長波夕炤開我亦
會尋偏記得隔林高有古書臺

西庄圖爲桑滄齋通判題

西庄半浸白鷗沙屋後峯巒紫翠遮高蹈煙霞藏宦轍俯
親漁獵共山家魚苗細水淪蒲茁燕口新泥帶柳花萬一

朝廷追舊德釣竿終不是生涯

都氏賞花

太平天子弘新治國艷隨年亦爛開心裏紫檀藏密印
采頭紅玉露重臺酒嫌未劇撓詩賞花怕難齊著鼓催我
與東家同六十白頭能此幾啣盃

橋東

橋東未與東橋異問訊何勞錦里翁剪取竹竿漁具足撥
開荷葉酒船通獨臨秋水人搖月漫送清歌樹引風嘗笑
西鄰憂不足白頭心事竟誰同

理墳二首

耕石齋布田詩鈔卷七

二

官竹園頭春日斜手開新土漸成窪觀生如寄誰非客視
死爲歸此是家白髮暫存知電露青山長臥有煙霞慰勞
自假閒詩酒且弄年華與物華

卜墳已喜傍雲厓未老先曾有此懷雀表虛名待誰錄孤
丘宿約與妻偕百年齊理參諸妄一鋪泥邊打早乖免向
君王乞骸骨自山生長自山埋

月航

兩頭簫鼓遊明月滿此清光拉柁開信我船中都載却從
何水上又浮來南飛鳥鵲驚鳴榜旁躍魚龍觸洗杯敗興
笑他千里雪有人空去復空回

題芭蕉贈僧

山僧心與跡俱閒未限居山及出山長對芭蕉閒不過時
留一偈葉中間

早起自遣

養拙藏衰結靜窩是非如海隔雲蘿面前雪影梳頭亂空
裏蟲絲礙眼多病女從人家落魄老妻淹殞歲蹉跎虛懷
昨夜嘗秋雨側側蕭蕭雨奈何

題畫與趙文美別

十日消閒障子成看君堂上白雲生有人若問誰持贈萬
疊千重是我情

耕石齋石田詩鈔卷七

三

秋夜臥病

雨滿疎燈風滿堂呻吟聊復對蛩蛩老人衣服秋偏早多
病余稠夜轉長客有遺著因習卦家無儲藥且看方辟除
苦望登高節可奈茱萸未拆房

送程宮詹

因久雨爲言者濫及去位

車馬出春明雨中人獨行人從今日去雨是幾時晴靜閣
一杯酒亂聞千樹鶯故山堪註易天意就先生

寶錄弘治元年十月以久陰不雨監察御史王嵩等疏
陳修省劾禮書周洪謨及欽政等濫及與國史興按
官令致仕石田詩云因久雨爲言者濫及與國史興按
官致仕與石田書云舟次吳門知君竟不得一面君謙僕
曹請見贈佳作有人從今日去雨到幾時晴之句欲請
書爲行李之重不可得也則望蒙以久雨去位無疑實

錄誤

薰楊梅謝姚存道所惠

摘落高林帶雨枝碧煙蒸處紫累累肉都不走九微瘦津
略加乾味轉滋烏口奪生鮮恐爛龍睛藏熟久還宜珍食
品作楊家腊報寄須當費我辭

喜程元道見過

客子到門西日沉情緣一見一迴深遍除歲月匆匆話遠
市盤餐草草心積竹叢寒魚合澤墮樵風急鳥爭林白頭
與世殊疎濶特地因君理舊琴

且閑弘治己酉

耕石齋石田詩鈔卷七

四

十載飛塵雙足黃誰知屋裡有滄浪靜時覺得忙時錯一
日還如兩日長行遇好山須命酒坐因芳樹便移床白頭
短杖南塘路我欲來談華子志

樂野

近習農功遠市諱一莊沙水別爲家墻凹因避隣居竹園
熟多分路客瓜白日簾櫳又新燕綠陰門戶儘慈鴉我當
數過非生者酒滿牀頭不待賒

贈妓

春衫草色一般裁面似新花觸處開笑揭紅簾下樓去蜻
蜓蝴蝶聞飛來

與客夜話

老年多病只關門始為尋醫偶出邨春過寂憐花致事雨
來忙見草承恩故人落落星催曉舊話淹淹月報昏酒盞
莫教辭漱灩客舟猶喜一壺存

秋雨偶書

雲暗湖村水漫沙秋堂蕭颯類僧家聰明比舊堂堂減老
嬾隨年數數加風扇未愁蕉破葉雨房偏恐稻傷花生深
兀兀多資睡強欲開書候日華

病中折菊為供

憂懷判與菊無私奈此離根爛熳枝強借陶瓶應秋事因
耕石齋石田詩鈔卷七

五

將病眼洗寒姿夢中笑口替花伴枕上清齋止酒詩小閣
紙簾岑寂地藥煙零亂鬢絲垂

拂水巖弘治庚戌

只有看山是勝緣青鞋布襪且輕便天收雨脚賒今日我
趁花時遣老年絕壁雲扶將墮石豁崖風勒下奔泉此來
不憤空歸去旋構新篇揀竹鐫

寄桑簡齋通判

驅馳一倅厭為州歸就高閒未白頭竹篋理詩春草亂糟
床聽酒夜泉流農桑舊課今家事山水清談昔宦游因愛
兩湖風月好近時知買木蘭舟

楊花二首

撲面吹衣雪點晴亂紛紛地亞夫營借風為力終無賴與
水何緣却託生看雀啣金新藥破愛蜂撩玉小團輕踏訝
女子空連臂喚不歸來信薄情

恃何顏色漫狂顛雖取花名未取憐寒士衣裳思挾纊相
公簾幕欲漫天吹噓不起春泥上撩亂無端老鬢邊一種
當門小兒子傍風因日弄輕圓

孫世節貌陋容請題

白頭儘是老便宜六十餘生天地私學舞固無長袖子出
游還有小車兒綠陰如水微吟公紫袷含風半暖時瘦影
耕石齋石田詩鈔卷八

六

任君描寫去百年草木要相思

題畫

山中地貴何錢買水次幽居却儘強惓惓孟祥無俗客清
虛亭子但湖光弱雲過雨不多點高木當風有許涼一咏
一觴殊遣撥自家錯認住柴桑

傲雲林小景贈宿田翁

石徑蕭蕭落木疎小橋流水限林廬秋風黃葉少人跡雞
犬不聞惟讀書

顧應和新舟成過余楊湖携酒拉客作水嬉於湖陰
卽席賦此

揮羽飛觴酒漫傳水嬉人物望如仙落霞孤鶩湖中句綠
幙紅簾畫裏船高棟失花風入樹稚秧無力浪吹田題詩
勸客休辭醉須信浮生少百年

應和作小軒跨琴水若舟因以杜子美春水船如天

上坐之句取其意命之曰春水船爲賦詩作圖揭諸

屋壁云

我愛君家春水船鷓鴣鸕鶿共江天寄居浮世休爭地買
斷清溪不費錢明月倒懸書幌下跳波涼入枕屏前欲將
畫舫齋中記爛熳重揮素壁煙

聞楊君謙致仕賦此以致健羨弘治辛亥

耕石齋石田詩鈔卷七

七

當場拂袖便南行一著孤高更覺清初擬熱官移教授思
量猶自累瓢聲

春官司署儘能閒猶道勞形與病關身在早朝霜馬上青

青殘夢是吳山

江南微雨杏花春一箇漁舟載病身莫信歸來示無用釣

竿斜日弄絲綸

功名出處異於人染指初頭便乞身人自誚渠渠自足了

官歸奉黑頭親

神武高冠掛急流老人之事少年謀江南四百八十寺處

處磨碑待記遊

到手功名賦子虛深山長谷覓安居讀書已足功名事更
讀人間未讀書

文章的作大家傳萬變風雲筆有權要覓大山藏小史東
華香土斷無緣

茫茫仕隱不同風進退惟人自折衷鴈宕邨前梅雨裏低
頭畦菜是英雄

秋空歸鶴楚雲高白哲青山白苧袍多少玉堂金馬客待
抽身得已霜毛

乞閒不與少年宜領得天恩又較遲忙要著書容補世
君王會有詔行時

耕石齋石田詩鈔卷七

八

新製銀盃與亦豪判將榮辱付陶陶春風觀樹軒前酒不
醉玄都觀裏桃

都門祖帳百花飛多見龍鍾賦式微較取柳條千萬折不
曾送一少年歸

臨歧冠蓋酒淋漓卷軸通朝滿贈詩當是別翻嘗案子千

人描畫一人歸

寤在鐘鳴漏盡前恩波特縱五湖船君王自要成廉退

陳乞原非例引年

碧山勾引步如飛少日知閒古亦稀只有馮良年頗似又

非會惱督郵歸君謙致仕在弘治五年辛亥年僅三十有二

題畫

芳時中酒病難降朝日烘人始啓窗可怪楊花輕薄甚盡
扶春去落煙江

睡起小酌

黃鸝啼夢粉牆東簾幙深沉日日風起喚酒盃尋一醉春
愁打破落花中

支硎山麓逢楊君謙

林蹊相值夕易邊迹似無官意有仙高笠冒雲宜我畫小
詞磨石信僧鐫山逢佳處有遲轎眼落閒時袖出編隨後
擔夫亦殊俗花筐酒榼兩頭縣

耕石齋石田詩鈔卷七

九

杏花

半抱春寒薄染煙一梢斜露曲牆邊東家小女貪粧裏聽
買新花破曉眠

睡起

欲晴不晴雲閣雨欲落未落日掛山道人睡起思如水閒
倚長松數鶴還

遊西菴在城西南隅

尋僧雖愛茗盃清也要提携有酒盟野色迎人過橋去春
風吹面傍花行般遊欲及牛羊晚喜悅還隨鳥雀晴白髮
老翁身健在不憂無地度餘生

聽松菴小酌

喚雨林鳩且莫催聽松汲澗要徘徊已知壁畫成神物聊
與菴僧慨劫灰雙鬢雪從忙裡出廿年人似夢中來欲歸
未便忘情得更對青山醉一盃

半清軒

一軒偏側兩弓餘心遠何妨市上居盆裏栽梅寄瀟灑壁
閒寫竹看扶疎閑翻酒券供臨帖靜借牙籌記讀書日有
茶煙與香篆行人簾外欲停車

奉寄三原王冢宰

喜見溫公再相時衷心如日鬢如絲謙辭高爵身稱老優
耕石齋石田詩鈔卷七

十

免嘗朝帝曰私瞰鬼樓臺無地起實神章疏有天知酌
量氣化人膽斗平準安危國倚耆富貴焜煌看玉帶功名
登載托金彝超賢拔俊休遺力扶植昇平此是基

黃尚節靜逸堂

記得君家附郭居一堂幽處市聲虛綠陰日薄停琴坐白
髮風涼帶雪梳塘脚漫延愆下酒燕泥時汚手中書長郎
日以文爲業潤筆青錢可饌魚

食煙

海戶求鮮食填筐管族繁炊泥深詣窟緣殷暗尋門撻玉
容生適凝酥怯過燭著薑相打合漬酒與溫存角聳蠻娃

舊道纏抽婦魂味饕人腹舊累爾兒孫比類憐吹煦含
津憶吐吞庭霜委故蛻沙雨沒虛痕薦葵山杯後休將蠟
蛤論

挽東禪信公

匣頂霜根七十強笑呵呵地佛心腸掀翻趙老茶公案踏
破林仙酒道場屋掩雲蘿秋榻淨經殘松月夜窻亦我來
借宿今無主還擬呼之在醉鄉

爲蘇太守題畫

疊疊青山宛宛溪林蹊曲折世途迷雲邊石壁花
後春田雨夾泥趁屋牆斜鄰舍通當門樹密鳥巢

耕石齋石田詩鈔卷七

十一

入谷人今起惟有圖書積舊栖

與王優

高歌宛轉送新聲腔愛頻移酒漫傾著水游絲風趁起過
牆花影月扶行正須陶寫當吾老更爲慙慙奈爾情可惜
相逢牡丹後柳邊聊倩蒼啼鶯

題畫

水木清華覺眼生一家深住少逢迎林蹊邨徑迂難認棟
得山雲缺處行

答張時用寄曆

開戶青騰歲惘然開君曆冊見新年大家樂日春風裏老

驚心鬢雪邊烏柏斜陽破村落白鷗高浪舊江天擬將
清話消離索誰致張卿木榻前

次韻天台陳勉賣癡呆八絕

只恁多呆只恁癡惺頭箇箇好男兒疾行快走皆先去風
雨來時却著誰
購却惺惺去賣癡呆兒真是養家兒到頭打合無牙僧空
手歸來告訴誰

放心放膽信呆癡是箇人間懵懂兒不願將他博伶俐呆
癡去我却從誰

東賣呆今西賣癡賣癡即是賣呆兒賣來賣去無人買我

耕石齋石田詩鈔卷七

十二

不擔當與阿誰

呆賣不行還賣癡街頭難遇喫虧兒飽金柳播千年事今

日癡呆更有誰

要賣吳呆也是痴吳兒的是妄心兒饒他白脫俱搖手遲

貨年年發付誰

空賣呆兒又賣癡攔街都是耍乖兒通身一具癡呆骨抖

撒將他換與誰

初自誰邊錯買癡被渠乖者賺呆兒蘇州城裏人如海難

海還他認得誰

再寄張允誠弘治壬子

海鄉多雨又無杯莫怪低頭只畫灰
逆旅殘年何慰藉故鄉歸夢有驚猜
老綠鬢脚尋來准愁戀眉頭撥不開無限
春風滿天地南坡還到舊栽梅

四日過有竹庄

春早拏舟聞鵲鳴病餘勉強竹庄行
開年數日匆匆易向老逢人往往生
陰隲瘦姿松抱冷雪洲芳意草知晴
稍通酒觥聊乘興亦漫詩篇度野情

病起

病骨支筇却下堂瘦顏衰鬢入愁鄉
黃鸝既舌花饒笑一樣春風有別腸

耕石齋石田詩鈔卷十

十三

初春

番暖番寒似小兒嫩春天氣乍嬌癡
預先辦酒等花發醉到花飛亦霎時
微黃冉冉柳生姿數日春晴隲有私
新水一陂他自暖跳魚何故却先知

睡起

望七衰翁與嬾便眼昏祇好枕書眠
算前去是荒唐日喜後來爲受用年
簾櫳飯香蓴菜裏子孫計遠橋栽邊
支藤間遶花蹊看蝶開蜂爭各要先

時菊

合瓦團團縛小盆煙叢分時遶秋軒
先教辯葉方知種更虞澆泉太漬根
寒送餘甘歸藥籠晚投薄分與柴門
開花解向天涯笑游子何時憶故園

游高道禪居

山復岡迴靜結廬林蹊生處我來初
杖欺新綠苔痕裏踐殘紅雨迹餘
酒榼臨春聊遣撥禪單消日自清
虛壁塵怪是游題滿教種芭蕉別倩書

和陳玉汝大理乞竹韻

僮子才通醉日書長身早見載專車
葉留宿雨鶯翎濕鞭走新泥蠅節舒
下馬題詩添過客借風清暑便鄰居
夜來耕石齋石田詩鈔卷七

十四

半舫齋中月壁影蕭蕭水墨虛

覺老弘治癸丑

脫膈生痰謝酒觴菜羹麥飯且家嘗
山迢舊眺今成懶事喜新聞背已忘
春水試竿漁檻淨午風丸藥鳥窻涼
祇須如此成消遣種種塵緣與老妨

水邨圖

魚庄蟹舍一叢叢湖上成村似畫中
互渚斷沙橋自貫輕鷗遠水地俱空
船迷楊柳人依綠燈隔蒹葭火映紅
全與吾家風致合草堂曾有此愚翁

咏簾

誰放春雲下曲瓊一重薄隔萬重情珠光蕩日花如夢瑣
影通風笑有聲外面令人倍惆悵裏邊容眼自分明知無
緣分難輕入敢與楊花燕子爭

窻下獨坐

漸覺年捱七十傍聰明視舊已茫茫有生但恐違溫飽凡
事無能與短長食力田園聊任拙離羣城郭少知忙新糊
窻紙添虛白尚把殘書赴日光

聞三原王公致政

功烈堂堂六十年勞勞妻菲不妨賢至公何待歲與月未
定且繇人勝天雲鳥青山形跡外風塵白壁笑譚邊江湖

耕石齋石田詩鈔

卷七

十五

雖遠憂仍近長對南薰憶五弦孝廟卽位起三原公於田
間年壬子以劉文恭誣
奏乞

九月臥病未復旋復患齒

藥裹醫編傍枕安登高時月臥中殘禿顙恥鏡看都嬾病
口臨鴈笑亦難霜茁菊枝同一瘦雨庭鶴質伴孤寒何當
健赴東鄰社儘啖魚羹與蟹盤

送韓宿田翁

兩月衾褥厭久眠荷君惠問每床前頻煩藥物酬多病鄭
重舟航動老生落木門墻秋水宅亂山城郭夕陽船扶筇
起送迢迢目攬結餘情更小篇韓襄字克贊別號宿田
翁范縣爲撰生墳志

和吳匏菴蒲墩詩韻墩蓋孫希悅初假於何元亨卽
以贈匏菴者

細織春蒲兩葉乾圓陀陀地活如丸就床欲奪青奴寵擬
例當除祕閣官大類兩瓶客酒困少加一臂使人安乞鄰
而與都休較留作匏菴和氣團
霧緯煙經葉葉乾彭亨編就輶輪丸物歸匏繫菴中主人
勝葫蘆樣子官莊叟槁梧何足據管生白木正須安客來
下榻還驚訝疣贅如何有兩團

史明古宅宴牡丹後汝其通吳先臣折兩枝置舟中

復賞弘治乙卯

耕石齋石田詩鈔

卷七

十六

萬疊千層顏玉臺仙苞拂席風氍毹不嫌老眼饒重看欲
異凡花特後開短柄東家和露折小舟西子載春來臨軒
綉幄休誇醉傍水新粧別有杯

雨後

兩脚床床向晚收生涼却暑便如秋偃松依舊存孤蓋新
竹公然過一頭因地沮洳忙喚杖覺溪寬大好行舟太多
亦恐田疇忌却笑天公難應酬

水悶

破屋如舟只浮住茫茫魚鱉是比鄰頻年大塊無乾土何
處巢居著老身萬頃水田春滂富數聲雷腹曉殘食詩書

不飽還堪遣開卷時時感昔人

病起

筋力遲遲百懶成關門只好謝逢迎
老空求舊無同輩拙不宜時讓後生
久坐衣裳知晚露獨眠衾枕厭秋更
祇餘曝背兼捫虱黃草簷頭覺稱情

九日值雨無菊

重陽薄酒且沾唇歲患雖煩節物新
昨日未知今日雨流年不怨老年人
籬花欠事無黃菊江草多愁漫白蘋
何待齊山始酬醉小孫須辦拾頭巾

秋暑夜坐

耕石齋石田詩鈔卷七

十七

星河垂地夜闌珊坐久幽懷百事關
畏老欲逃如鏡裏苦塵難脫限人間
一亭多竹還妨月二水宜家又欠山
世好茫茫誰是足祇除心迹自高閒

過荒隴醉言

老子尋芳挑酒錢樂哉斯丘青嶂邊
若教即死便埋我更是可生還聽天
人間一日過一夢花下百壺酬百年
尚將醉墨寄絕壁風雨不洗山蒼然

生朝自遣

門前客到鶴先鳴洒掃茆堂作送迎
座舉龍鍾先有我鄉尋儕輩漸無兄
明年七十將來壽今日三杯見在生
一幅

布巾藤作杖倩誰林下畫閑行
弘治八年己卯先生年六十九

屈老

長帽西風滿面塵相逢憐老不憐貧
三盃濁酒浮生事一曲悲歌萬感人
螻蟻未知何處骨蜉蝣聊寄不嘗身
白頭對客無聊賴還說鶯花少日春

題畫

夜來微雨濕春叢溪館沉沉日未中
可奈桃花妬棋局子間黑白墮輕紅

耕石齋石田詩鈔卷七

十八

石田先生詩鈔八

今體

弘治九年丙辰盡
正德元年丙寅

七十喜言

弘治丙辰年作先生年七十

自知蒲柳望秋零意外驚延七十星膝下還爲小頑子籍
中已是空閒丁先人靈卷箱藤白老母魚羹釣竹青儘把
餘生享天福亦無慙媿到山靈

七十迴來秋葉零後憐歷歲已晨星不才儘自慚諸已識
字聊堪破一丁心事浩隨雲共白髣髴難學草回青湖田
繞舍麤饘粥難骨豐凶屢托靈

眼識茫茫齒髮零種田還欲候穰星百年云倘行猶未七

耕石齋石田詩鈔卷八

十爲稀幸已丁待月露生秋袷紫仰天風卸暑巾青時修
靜觀心齋裏應物虛明頗涉靈

牡丹

春色難尋酒可賒餘芳却愛老僧家風流老矣饒今日富
貴依然在此花數朵新霞帶微纈一枝濃露渥清華漫須
著眼還須醉自有兒扶上小車

王汝和招飲

故人招我我能來白髮盤桓自嬾回得一日閒消一日旣
三盃後更三盃綠陰池館梅成子青竹園林笋墮胎地在
軟紅香土外渚鷗沙鷺絕驚猜

歸途復燕王汝和水月軒

青子綠陰還可嬉酒杯無地不相宜夕陽翻席到人面遠
水搖山隔目皮今日直須終一日暫時何卜有他時世閒
樂事尋嘗得但惜人生多別離

閒居

顛毛脫盡野僧如世好都歸一嬾除欲博晏眠高著枕圖
便老眼大抄書屋須矮小茅須厚窓要清虛竹要疎心與
陶翁有相得時歌吾亦愛吾廬

舟中有感

世緣一向只昏昏靜裏觀心始自明得喪有塵齊後滅是
耕石齋石田詩鈔卷八

二

非無種辯時生秋峯長嘯兼天迥月閣高眠徹夢清老矣
此身真長物不知何地著虛名

寄三原王冢宰

玉帶朱衣鶴髮明夕陽林下寄長生秋涼春暖筋骸健雨
後晨初意思清陰樹一編依臥鹿傍花三酌趁啼鶯功名
成遂真豪傑更自逍遙享太平

秋宵

秋宵殊爲老人長展轉衾綢夜氣涼夢到衰年隨血少事
尋閒感累心忙憑殘月空梁鼠千聒西風破壁蟬強把
清吟訴無賴亦堪延緩及窻光

雨夜自遣

需霽寥寥坐夜長呼童轉燭更添香澄懷有物嫌詩在聾
耳無聞併雨忘頭上青天終自出人間白屋暫相當明朝
補漏吾還得手把黃茅作向陽

再和自壽韻

萬萬人中數我零為農亦是一微星衣裳無補吾明主
天地徒存此老丁闕水遊魚尾不亦絕雲高鳥影俱青笑
看拜極癡兒女已到希年尚乞靈

臘月二十八日立春得雨病起漫言

小閣掃窗風自推手添香炷撥爐灰殘年送病詩中去淑
耕石齋石田詩鈔卷八

三

氣將春雨裏回午案待嘗新茁韭陽檐思訪欲開梅歲功
代謝忙如許似與衰翁遜老來

西園

為園多半是遊嬉傍宅西偏事事宜條尾趁花溪宛轉鶯
聲隔葉樹參差地循五畝橫分吟路遶三叉曲作離滿面
夕陽人已醉還歌飛蓋舊遊詩

文溫州寄鳳尾蕉

弘治戊午

鄭重移根過嶺來向陽塢土擇宜栽葉攢碧柄參差長幅
破青綾細瑣裁心雨拔簪驚戍削尾風搖扇鳳梧穗森然
獨負寒窗雪不似芭蕉一夜摧

三月一日喜晴小步載用士弘韻戊午

雨春情況悶中諳一日初晴月已三半濕半開花解笑相
呼相應鳥交談閒行聊樂將誰伴獨咏而歸也自堪更有
餘懷成漫酌好風吹面小軒南

上巳日漫作

和風晴日正宜春碧柳紅桃得得新老謝被除何故事健
追行樂有閒身鄰翁採薺分家小游女採花打路人不限
長安水邊好太平隨地總堯民

金山寺吉公房小酌

嘗惜忙未到到來方悟閒過江如隔世入寺不知山風氣
耕石齋石田詩鈔卷八

四

薄詩骨夕陽浮醉顏古人誇一宿三宿我才還

登金山

龍宮湧出玉嶙峋乍眼來看極悚神滿地莫論無坐處東
忽至佛印室中曰內中流真見不羈人東坡詩云金山
輪何來此間無坐處中流真見不羈人山亦是不羈人
墻低樹少多容月石瘦花慳晏得春舟楫一江名利路烟
波誰謂不生塵

感宜興善權寺寥落

有客新尋古洞回國山無處問茶杯僧煩籍役兼徒去虎
熟禪堂引子來雨爛竹菇春委頓風驚松籥夜摧顏未應
靈勝隨人往碧殿猶存火篆雷

和棋古田韻 弘治己未

昨晚溪頭月色纖老僧相見且和南算春已及一百五問
老今慙七十三桑戶日長蠶足食竹堂風暖燕交談茶籠
酒濁無清供奇石銅盤也自堪

落

七十三年與我存一時迸落豁開門車空已覺乘無物舌
棘猶嫌刺有根顛倒自憐臨水漱含胡人笑漏風言數來
滿口今餘幾軟粥香醪且瓦盆

庚申十一月二十一日生朝作

七十四年剛送過今年添作五年來從前饒算沒一馬向
耕石齋石田詩鈔 卷八

五

後猜閣知幾枚萊子筋骸強可舞吳兒心性老仍呆人家
有地皆桑芋我獨貪香却種梅

小軒雨意題寄鮑蒼老友 弘治辛酉二月

春來疊疊小詩成漫寫芭蕉不記名老愛逃名欲忘我饑
謀羹字不聊生少年倏忽花都盡癡客留連雨未晴打點
明朝更何事綠陰九葉送流鶯

讀吳文定公御祭文

德望文章稱科甲官階壽考更兼之嗚呼今日延陵墓不
愧當年有道碑 天子重傷麟喪魯吳人私幸鳳生岐白
頭野老宜先死翻向秋風泣所知 文定以弘治甲子六月

乙丑生日重和七十韻

七十稀年又九齡敢憑虛妄更推星身軀薄劣無壬甲詩
草繁蕪合丙丁饌品久空魚白白葷拌尚詫韭青青因多
歷世多知事非為豁翁性有靈

乙丑六月聞哀詔有感

八十衰黎死境臨哀傳尺一痛難禁虞淵愴日江湖淚祀
國傷天蟻蝨心負展周公正思畫解民虞舜未亡琴白頭
病枕茅茨下時夢 新君在諒閣

愚翁分與世緣疎國恤驚心泣且吁生長太平惟欠死老
衰餘息尚何如不知伊傳誰調鼎欲夢羲皇我枕書終日

耕石齋石田詩鈔 卷八

六

無聊思理髮雪華些少亦頻梳 弘治十八年乙丑
孝宗升遐先生年七

聞謝閣老休致過蘇遙寄

五十懸車事異嘗符階綸閣迥天光千秋國是黃金鑑一
夜鄉心綠野堂漫賦招惟自止舊圖負展敢云忘拔風
後起梧桐樹四海還瞻老鳳凰 正德元年丙寅十月謝公
以攻逆瑾罷歸先生年八

挽蔣御史子修

肝膽都消血肉中老夫和淚哭英雄片言禍福人難料一
死是非天自公後世茫茫青竹簡高堂咄咄白頭翁忠魂

化作長生樹壠上空號西北風

子修諱欽正德丙寅抗疏
劾逆瑾三疏死杖下

病懷二首

衰遲宜靜不宜譁事莫堪懷動歎嗟病遣稗書選舊恨老
便飭粥又妨牙栽花賃地春無主斫竹開門月過家任是
客來難強酒小陪清話一燒茶

隔痰漫漫似春潮伏枕旬餘氣未調老日易過如短晷病
懷難遣厭長宵隔窻忽忽影度鳥鳴瓦蕭蕭風墮樵藥物
無功全斷酒庭柯高掛舊山瓢

老年三病

轉費揩摩轉減光苦無障翳只荒荒僂眉作字仍虛畫觸

耕石齋石田詩鈔卷八

七

鼻看書反差行蓋幅較稍花惜懂隔重雲每月微茫從前
了了都休說青白甘輪與阮郎

右眼花

苦無聊賴坐新髻終日騰騰兀兀中著味笑堪陪座客攪
分癡好作家翁跳江昨夜安秋枕墮葉明朝問朔風非是
是非還自有我無聞聽便應空

右耳聾

風襲蟲攻兩禍端左車淦淦載梅酸舌都無恙先輸弊唇
未三亡莫罪寒送藥親朋徒說効勸餐兒女不知難老年
飲食非輕事又差今年醉牡丹

右齒痛

梅杖

南枝截自六橋邊得仗春風度老年龍腊裹雲蒼玉潤
皮粘蘚碧花圓雪中瘦倚詩留迹湖上香挑酒壓肩欲共
鳩藤品高下明朝携取問逋仙

螢火

閃閃熒熒無定居隨風星散滿郊墟空名何補昏黃際未
韶聊承腐爛餘陰類濫明如火冷小流乘隙怪意虛自憐
老眼模糊甚縱著囊盛已廢書

人影

耕石齋石田詩鈔卷八

八

身外觀身托我成我初生日汝同生謂無亦有終無實假
有如無強有名夜壁漫隨燈慘淡曉愈偏屬鏡分明算來
惟與鰥夫稱老去猶堪作伴行

詠錢五首

箇許微軀萬事任似泉流動利源深平章市物無偏價泛
濫兒童有愛心一飽莫充輪白粟五財同用愧黃金可憐
別號爲賂賂多少英雄就此沈
區區團團銅作胎能貪匪富亦神哉有堪使鬼原非謬無
任呼兄亦不來總爾苞且莫漫臭終然撲滿要遭槌寒儒
也辨生涯地四壁春苔綠萬枚

輕盈薄質具陰陽之足能行之翅翔聚散本繇冥數定有無阿著老夫忙一緝牽愁人人逐四字編年代代詳昨日賣文留短陌免教愚庸誚空臺

存亡未了復亡存慾火難燒此利根生化有涯真子母圓力爲象小乾坤指揮悉聽何須耳患難能排豈藉言自嘯白頭窮措大不妨明月夜開門

土老雖誇濟世才亦能爲福亦爲災舉枚慧眼觀窮達具片虛心攝去來數減至三無足陌銖輕惟五尚稱財祗除義士并廉吏萬貫填門不易開

詠得落花詩十首

耕石齋石田詩鈔 卷八

九

富逞穠華滿意春香飄辦落樹遠貧紅芳既蛻僊成道綠業初陰子養仁偶補燕巢泥薦龍別修蜂窠水資神年年爲爾添惆悵獨是娥眉未嫁人飄飄蕩蕩復悠悠樹底追尋到樹頭趙武泥塗知辱雨秦官脂粉惜隨流癡情酒戀黏紅袖急意穿簾泊玉鈎欲拾殘芳擣爲藥傷春難療箇中愁玉勒銀罌已倦游東飛西落使人愁急撓春去先辭樹嬾被風扶強上樓魚沫恩殘粉在蛛絲牽愛小紅留色香久在沉迷界懺悔誰能倩比丘是是碎錦雲堆著地難扶氣力頽懊惱夜生聽雨枕浮

湛朝入送春杯梢傍小刺鶯還掠風背差池鳩又催瞥眼興亡供一笑竟因何落竟何開

十二街頭散冶游滿街紅紫亂春愁知時去去難留得吾色空空念罷休朝掃尚嫌奴作賤晚歸還有馬堪憂何人早起深憐惜孤負新妝倚翠樓

夕陽無賴小橋西春事闌珊意亦迷錦里門前溪好浣黃陵廟裡鳥還啼焚追螺甲教香史煎帶牛酥囑膳娛萬寶千鈿真可惜歸來直欲滿筐攜

一園桃李只須臾白白朱朱徹樹無亭怪草玄加舊白窓嫌點易亂新朱無方飄泊關游子如此衰殘類老夫來歲

耕石齋石田詩鈔 卷八

十

重開還自好小篇聊復記榮枯

芳菲死日是生時李妹桃娘盡欲兒人散酒闌春亦去紅消綠長物無私青山可惜文章喪黃土何堪錦繡施空記少年簪華處飄零今已鬢如絲供送春愁上客眉亂紛紛地許多時擬招綠妾難成些戲兒兒然要詩臨水東風撩短鬚惹空晴日共游絲還隨蝶蝶追尋去牆角公然有半枝昨日繁華煥眼新今朝瞥眼又成陳深關羊戶無來客漫藉周亭有醉人露涕煙溼傷故物蝸涎蟻跡弔殘春門墻蹊徑俱寥落丞相知時却不喧

和荅石田先生落花之什

文壁徵明

撲面飛簾漫有情，細香歌扇障盈盈。
紅吹乾雪風千點，彩散朝雲雨滿城。
春水渡江桃葉暗，茶煙圍柳楊絲輕。
從前不恨飄零事，青子梢頭取次成。
零落佳人意暗傷，爲誰憔悴減容光。
已褪猶嬌洗雨妝，芳草一年空路陌。
綠陰明日自池塘，名園酒散春何處。
惟有歸來侵落香，蜂撩褪粉偶黏衣。
春減都消一片飛，帶繞園風無奈弱。
影搖庭日已全稀，罇前漫有盈盈淚。
陌上空歌緩緩歸，未便小齋渾寂寞。
綠陰幽草勝芳菲。

耕石齋石田詩鈔卷八

十一

悵人無奈曉風何，逐水紛紛不戀柯。
春雨捲簾紅粉瘦，夜涼踏影月明多。
章臺舊事愁邊路，金縷新聲夢裏過。
過眼莫言皆物幻，別收功實在蜂窠。
戰紅酣紫一春忙，回首思歸屬渺茫。
竟爲兩殘緣太冶，未隨風盡有餘香。
美人睡起空攀樹，蛺蝶飛來却過牆。
脈脈芳情天萬里，夕陽應斷水邊腸。
桃蹊李徑綠成叢，春事飄零付落紅。
不恨佳人難再得，綠知色目本來空。
舞筵竟態飛飛燕，禪榻情懷裊裊風。
蝶使媒都嬾慢，一番無未夕陽中。
閑喜穠纖落更幽，樹頭何用勝溪頭。
有時細數坐來久。

盡日貪看忘却愁，惹草沙風冉冉傷春悵。
別水悠悠不堪舊病仍，中酒疎雨濃煙鎖畫樓。
風裊殘枝已不任，那堪萬點更愁人。
清溪浣恨難成錦，紅雨塵香錦作塵。
明月黃昏何處怨，游絲白日靜中春。
急須辦取東欄醉，倒地猶堪藉綺茵。

飛如有戀墮無聲，曲砌斜臺看得盈。
細草栖香朱點染，晴絲撩片玉輕明。
紅顏飄泊明妃淚，綠葉差池杜牧情。
賴是主人能愛惜，不曾綠客掃柴荆。

情知芳事去還來，眼底飄飄自可哀。
春漲平添葉脂水，曉寒思築避風臺。
沾衣成陣看非雨，點徑能勾襯有苔。

耕石齋石田詩鈔卷八

十二

穠綠已無藏豔處，笑他蜂蝶重徘徊。

同徵明和荅石田先生落花詩十首 徐禎卿昌穀

不須惆悵綠枝稠，畢竟繁華有斷頭。
夜雨一庭爭怨惜，夕陽半樹小淹留。

佳人踏處弓鞋薄，燕子銜來別院幽。
滿目春光今已老，可能更管鏡中愁。

狼籍亭臺一夜風，可憐芳樹色銷穠。
舞翻江浪春三級，飛入宮牆恨萬重。

黃雀啄殘紅粉薄，杜鵑驚怨綠陰濃。
不知開落渾常事，錯使愁人減玉容。

門掩殘紅樹樹稀，空車休訪雨中泥。
蜂攀故蕊將心護，鳥過空枝破血啼。

十月簾櫳風不定，一川煙景日平西。

烏過空枝破血啼，十月簾櫳風不定，一川煙景日平西。

先生臥病渾難管拾得餘英醉裏題

歌酒闌干事已非玉人惆悵捲羅幃可堪荏苒爭先謝
更不躊躇各自飛盡掃庭枝風欽怨偶黏屋網兩衝圍
今朝蝶似長安客羞見殘春寂寞歸

莫怪傷春意緒濃百年光景一番空梁王醉筆今朝覆
楚客離魂何處逢瓶雪炙銷簷外日髻紅吹墮燭邊風
侯家茵席千重軟憐取微安廁幕中

飄蕩東西不自持多情牽惹有飛絲恩私漫憶曾攀手
精魄難拋未冷枝每戒兒童搖樹戲空煩道路隔牆窺
經春爲爾添新債開費清鍾落費詩

耕石齋石田詩鈔卷八

十三

微綠臨窻障讀書樹頭葉密結陰初湘江有客傷遲暮
金谷無人惜未鋤何處光陰三月閨今朝消息幾分疎
情知世事渾如此閒把蕭蕭髮對梳

流鶯飛絮兩爭忙齊送春歸出苑牆禁路軒車塵散綺
小橋溪店水浮香輕狂合著風情句悵悵快慚非鐵石腸
整取明朝詩篋在晚陰涼閣賦池塘

穠華奄忽又飛塵門戶青宮白日貧煙柳前村仍好景
禪房曲徑有餘春節邊拂袖聽啼鳩樹下離亭送遠人
時節匆匆驚過眼豈能長得髣髴新

開時纔見葉尖芽轉眼成陰又落花平地水粼添膩漲

滿庭月色浸殘霞不憐玉質泥塗忍好厄紅顏造化差
堪笑唐王太癡絕却教御史管鈴華

再荅徵明昌穀見和落花之作

百五先陰瞬息中夜來無樹不驚風踏歌女子思楊白進
酒才人賦雨紅金水送香波共渺玉堦看影月俱空當時
深院還重鎖今出牆頭西復東

陣陣紛飛看不真霎時芳樹減精神黃金莫鑄長生帶紅
淚空啼短命春草上苟存流寓迹陌頭終化冶游塵大家
準備明年酒慚愧重看是老人

擾擾紛紛縱復橫那堪薄薄更輕輕沾泥寥老無狂相留

耕石齋石田詩鈔卷八

十四

物坡翁有過名途兩送春長壽寺飛來飛去洛陽城莫將
風雨埋冤殺造化從來要忌盈

似雨紛然落處晴飄紅泊紫莫聊生美人天遠無家別逐
客春深盡族行去是何因赴忙蝶問難爲說假啼鶯悶思
遣撥容酣枕短夢茫茫又不明

春歸莫怪嬾開門及至開門綠滿園漁梅再尋非舊路酒
家難問是空邨悲歌夜悵虞兮淚醉舞煙江白也魂委地
于今却惆悵早無人立厭風旂

芳華別我漫匆匆已信難留留亦空萬物死生寧離土一
場恩怨本同風株連曉樹成愁綠波及煙江有倖紅漠漠

香魂無點斷數聲啼鳥夕陽中

瑤枝侵曉啄芳痕借雨階庭亦暫存路不分明愁喚夢酒
無聊賴怕臨軒隨風肯去從新嫁棄樹難留絕故恩惆悵
斷香餘粉在何人翦紙一招魂

去還來風有情莫論漫山便寵俗仍憐點地亦輕盈亂紛
紛處無憑據一局殘棋不笑贏

十分顏色儘堪誇只奈風情不戀家慣把無嘗翫成敗別
因容易惜繁華兩姬先殞傷吳隊千豔叢埋怨漢斜消遣
一枝閒拄杖小池新錦看跳蛙

耕石齋石田詩鈔

卷八

十五

香車寶馬少追陪紅白紛紛又一迴昨日不知今日異開
時便有落時催只從箇裏觀生滅再轉年頭証去來老子
與渠忘未得殘紅收拾掌中杯

三答太嘗呂公見和落花之作

分香人散只空臺紅粉三千首不回惡切信於今日盡癡
心疑有別家開某本云錦林館綉池臺徹底從頭今在
裁斷酒不堪詩姑棄懶將祇把病相推
節推繫樹馬驚去工部移舟燕蹴來爛熳愁踪何地著謝
承惟有一庭苔

玉蕊霞苞六跗全一時分散覺凄然風前敗興休當立
下關愁且背眠放怨出官誰戀主抱香投井死同緣無人

相喚江南北吹滿西興舊渡船

馬追紅雨倦游回春事闌珊意已灰生怕新多煩掃地
憐將盡數咄杯莽無留戀墻頭過私有徘徊扇底來老去
星牽宜絕物白頭自笑此心孩集本無

落柄開權既屬春少容遲緩亦誰嗔酷憎好事敗塗地苦
被閒愁殢殺人細數只堪滋眼賴仰吹時欲墮頭中不應
捫虱窮簷者薦坐公然有錦茵

打失郊原富與榮羣芳力莫與時爭將春托命春何在侍
色傾城色早傾物不可長知墮幻勢因無賴到輕生閒窓
戲把丹青筆描寫人間懊惱情

耕石齋石田詩鈔

卷八

十六

千林紅褪已如擎一片初飛漸漸添梨雪五階人病酒
風撩面妾窺簾併傷鳥起餘芳盡泛愛鰥爭小浪恬可奈
去年生滅相今年公案又重拈

昨日才聞叫子規又看青子綠陰時秋娘勸早今方信杜
牧來尋已較遲脫富不歸竟冉冉濺枝空有淚垂垂淹留
墻角嬌黃甚暴殄芳菲罪阿誰

芳樹清尊興已闌拋階滾地又成團帶煙窻扇欹斜透夾
雨簷溝瓦半漫老初目皮閒作觀小娃裙衩戲承歡無端
打破繁華夢擁衾傷春臥不安

為雨徘徊何處道某本無外君簷前亂飛萬點紅無度間

過一鶯黃可憐觀裏又來劉禹錫江南重見李龜年送春把酒追無及留取銀燈補後緣

盛時忽忽到衰時一一芳枝變醜枝感舊敢關前度客愴亡休唱後庭詞春如不謝春無度天使長開天亦私莫怪流連三十詠老夫傷處少人知

樂游園裏眼俱空只在今朝事不同錯道海棠依舊日生憎棟子下稍風巧人鏝上泥柔粉桑婦筐中綠映紅便認未開如已謝一般情況寂家中

集本無馬追紅雨一首却有此首附載于後

弘治甲子之春石田先生賦落花之詩十篇首以示璧壁與友人徐昌穀甫相與嘆豔屬而和之先生喜從而耕石齋石田詩鈔

卷八

十七

反和之是歲壁隨計南京謁太嘗卿嘉禾呂公相與歎豔又屬而和之先生益喜又從而反和之自是和者日盛其篇皆十總其篇若干而先生之篇累三十而未已其始成於信宿及其再反而再和也皆不更宿而成成益易而語益工其爲篇益富而思不窮益奇竊惟昔人以是詩稱者惟二宋兄弟然皆一篇而止而妙麗賡炙亦僅僅數語耳若夫積咏而累十盈百實自先生始至於妙麗奇偉多而不窮固亦未有如先生今日之盛者是歲十月之吉衡山文壁徵明甫記

石田先生詩鈔

詩餘

青玉案因劉完菴臥病感舊而作

去年春色西湖路憶與美人尋去今日江南春又度回頭人事可憐堪歎不及春如故○劉郎臥病無情緒寂寞桃花落紅雨看取浮生能幾許及時須樂得閒須醉莫爲忙時誤成化壬辰

蘇武漫二闕五十初度自述時丙申年

細數流年今年五十華髮滿頭如縷歲月嘒嘒吾生老矣壽夭一從天與可否朋儕浮沉鄉里亦不庸心於此漫酣耕石齋石田詩鈔

卷八

一

時高臥高歌管甚饑禽腐鼠○况自有數卷殘書三間茅宇門外竹陰無暑牧子誰何耕夫爾汝此意渾然如古溪山佳處抹月批風有手信憑多取人休問前頭往事夢裏幾番風雨

又

伯玉是非買臣富貴到我全然莫曉苴裼芒屨藜羹糲飯落得一生溫飽鳳馭鸞驂碧城瑤島豈是滄洲吾道數篇詩乘壺之酒亦可長生不老○鎮日地小小岩扉紫紫石徑儘有松風來掃午睡管騰餘醒尚在可奈落花啼鳥十分春色知消多少何暇爲他煩惱且追隨流水行雲有箇

自然之妙

南鄉子 遺興

天地一癡仙寫畫題詩不換錢畫債詩通忙到老堪憐白
作人情白結緣○無與最今年浪拍茅堂水浸田筆硯只
宜收拾起休言但說移家上釣船 辛丑

鵲橋仙 題畫

霞容開雨波痕弄晚更著霜楓粧點不應黃鶴斷磯頭恰
坐定功名都嬾○春暖陞階雪寒遷棧沒箇來推去挽枉
勞榮辱總成空不長似江山在眼

又題釣圖

耕石齋石田詩鈔 卷八

二

脩然青竹佳哉白叟滿地斜陽疎柳西風短髮不勝吹剛
剩得紅顏殘酒○金塢雖深冰山雖厚不似破船能久舉
雙醉眼看時人一轉瞬英雄何有

水龍吟 和武功先生韻

前水龍吟詞一闕蓋天全先生游靈岩而作先生
自謂超妙嘗示周 一紙此作其副本也今歸恥
齋所先生觀化已十年于每登山臨水輒歌此詞
若見先生於乘風御氣之間招之不得涕淚隨之
先生亦必知周 於冥冥中也恥齋求予文綾著色
小景補爲引首連裝成卷因妄賡其韻以寄懷賢

之思

富貴夢勘成空見何人保得終身好趁名遂功成力健勝
強別却鳳洲麟島不肯做潦倒三孤龍鍾三少拴條玉帶
抱雙芒屨儘辦得風流又是桑榆斜照比及要眠早驚天
曉○鳥無聲花無笑舊游地豈堪來弔黃雀難招白雲俱
杳多少閒緣未了迨把酒重唱遺詞水冤山惱子期堪鑄
也煞將黃金爲料固視死如歸未應能早想厭凡間老去
觀化冥虛歸真冲妙無形相抱在天上御氣乘風檐逍遙
端得至人之道只除他千載思鄉或者在洞庭月下逢仙
棹 壬寅

耕石齋石田詩鈔 卷八

三

鷓鴣天 自遣

頭髮氈氈積漸凋詩通畫欠未勾銷大都教我生勞碌一
半因他解寂寥○山淡淡水迢迢門前秋色自天描清風
儘許奚囊括明月還憑拄杖挑 壬寅

一剪梅 題畫

此老麕疎一釣徒服也非儒狀也非儒生來多爲酒糊塗
朝也邛沽暮也邛沽○曾中文墨半些無名也何圖利也
何圖煙波染就白髭鬚生也江湖死也江湖笑 癸卯

疎簾淡月 題友人仕妓小像

風流往事只剩於今兩行情淚故影遺真便與在時無異

略是眉彎銷翠剛顯出一分憔悴箇裏溫存就中情意豈
能忘記○生死茫茫兩地貫月天香緘雲錦字因欠仙緣
傳不到人間世丹青中有還魂計眼極處精神會燈闌夜
悄牽牽牀頭見君休息

浪陶沙 題畫白牡丹

雨細又風斜春在誰家教人寂寞認天涯閨酒關門無況
味何處尋花○玉貌憶籠紗夢裏繁華今年情比去年差
便把娉婷追上紙終莫如他 癸卯

臨江仙 題妓林奴兒畫

舞譽歌聲都摺起丹青留箇芳名雀徽楊妹省前生筆愁
耕石齋石田詩鈔 卷八

四

煙樹杳屏恨晚山橫○描得出風流意思愛他紅粉兼清
未曾相見儘關情只憂相見日花老怨鶯鶯 丙午

又 嘲友

深院曉寒春料峭惱人叫地風生桃花零亂杏縱橫東牆
要出留然也無情○索性從他明白去開門打破愁城強
拈春酒背花傾黃鸝薄相又作斷腸聲 丁未

糖多令 題畫

聞道瀟陵橋山遙水更遙六十年踪跡寥寥牖下困人今
老矣雙短髯怕頻搔○行著要詩瓢酒壺相伴挑望秦川
千里翹翹再畫一驢馱我去雖不到也風騷

憶秦娥 題秋景

秋蕭索紛紛殘葉隨風落隨風落去來南北幾時逢著○
離愁逼得人懷惡更堪昨夜羅衾薄羅衾薄數聲斷鴈孤
燈西閣 巳酉

念奴嬌 和楊君謙雨晴韻

柴門晴也喜山意方舒春湖堪寫柱著藤條門外走見打
鼓喧村社逐隊隨行南閭北巷儘趁兒童要強於游宦去
鄉千里羸馬○但願年年康健百年依舊白首甘田野天
上多桃根杏抵處處有栽培者儂柘雲屯儂秧雨潑未便
風斯下將它博換都來各自難捨 辛亥

耕石齋石田詩鈔 卷八

五

又

雨過雲晴喜惠日和風將春描寫正是門前無客到燕子
又來新社杏臉紅肥桃腮粉膩怪蝶癡蜂要誰家游冶綺
羅一隊珂馬○我也隨去尋芳布袍臺笠箇裏容山野沿
路遲遲吟不進都讓與爭先者孤袍紫詩微酡帶酒播弄
斜陽下數聲黃鳥留人尚未相捨

賣花聲 與許國用

頭腦已冬烘髯亦霜蓬只今年紀古詩中不敢參時一輩
情況難同○茅屋少人踪滿地殘紅君來方怪酒尊空一
味清談聊當飲儘懣衰翁

又逢春

溪閣小憑闌一餉貪閒夕陽臨水偶看山
好景將慳○剛又送春還興已闌珊綠陰青子鳥聲聞強
把孤懷來事酒暫借紅顏

惜餘春慢

正德改元三月二十八日江陰薛君克卿見過適
西軒玉樓牡丹已向衰落餘香剩辦猶可把酒留
戀克卿索賦惜餘春慢小詞遂填緝一闋以邀克

卿和篇

院沒餘桃園無剩李斷送青春在地臨軒國艷留取遲開
耕石齋石田詩鈔卷八

六

香色信無雙美何事香消色衰不用埋冤是他風雨苦厭
厭抱病佳人文倦骨酸難起○儘滿眼弱弱殘殘傾臺側
當嬌紅爛紫令人可惜十二闌干更向黃昏孤倚只見東
西亂飛隨例忙忙何曾因子漫勞渠吊蝶尋蜂知得斷魂
何許

蝶戀花

癸亥三月十八日坐悶掩關國用至云兩日西山
茶笋頗佳遂理舟而行時東闌牡丹始放行恐負
花不行又差茶笋國用又云歸亦傾國未老舟中
憶花染此墨本復填此詞以寄孤興云

悶悶家中無意味笋紫茶青便爾西山去
樹新紅不語愁先露○儘欲相留留不住少倚扁舟尚把
西施顧料理歸來春未暮臨軒爛醉還非誤

鷓鴣天 咏春水

潑綠按藍好染衣溶溶漾漾雪消時
蛺蝶且晚漪○桃葉渡竹枝詞爲郎江上費相思
比似深無底郎若來量自得知

又咏春草

往事何須慨六朝王孫今已去人遙踏遺更有新金策
墮空思舊玉翹○青冉冉綠迢迢恨煙愁雨夢勞勞忘歸
耕石齋石田詩鈔卷八

七

不是當歸種消恨天涯首重搔

又咏春柳

媚在輕柔婀娜中幾枝斜映驛亭紅微煙啁雀金猶嫩細
雨藏雅綠未濃○攀傍岸折隨風管人離別有何功開花
更是無聊賴一朵西飛一朵東

鳳棲梧 立春

九十芳辰纔屈指換了年頭百事宜人意惟歎鏡中吾老
矣鬢霜髻雪今如許○薄酒聊聊詩耳耳隨日捱排待盡
乾坤裏如此餘生知有幾梅花報道春還未

鷓鴣天 咏春鶯

二月園林蟄已驚一梭飛處曳新聲
衣隨雨濕愁金重舌犯風寒覺玉生
○花點出柳粧成傍花隨柳最分明
各情最是崔家女不借前身只借名

和東坡小詞二闕

人來問我生涯百年端的農家識
字無多幾箇掛書牛角邊邨閒訪梅花

人來問我農家短牆斜撩鷗沙老
矣疎茅破屋閉門高臥外邊撩亂楊花

耕石齋石田詩鈔卷八

八

石田先生文鈔

西園八詠賦爲大司馬王公作
成化辛丑

粵惟苑囿園池之屬關中者鄙夫無一隅之及一日之觀
矧聞之髣髴於今稽之掛漏於古聊準長安之西笑托公
子之夢語嗟夫上林蕪矣甘泉莽矣御宿稔矣樂遊黍矣
西郊之兔蹊矣宜春之康慶矣黎園煌而礫矣凝碧夷而
土矣類皆前王遊畋歌舞之區鄙夫蔑有所取也取則不
無郭令公之仁里邵故侯之青門李將軍之北郭王右轄
之輞川俾人追惟于往致儼水木之如存又不無代遠人
非於懷慨然者然而何地無勝何代無賢何賢無述何勝

耕石齋石田文鈔卷九

一

無傳時則有若耀之爲郡寔古雍地平原膴膴而裔衍諸
陵蟲蟲而足峙荆輝而王韞中靈而零華截歸突秀而近
拱漆沮流潤而暗匯壯哉三原之佳甸洵矣三輔之遺治
昇八垠曠蕩之風鬱大塊塊北之氣負陰面陽審形遵勢
宜賢者之胥宇喜勝者之攸麗百堵屹屹千弓迤迤從
相卜迤從寔厝迤從構架迤從樹藝孝以爲基忠以定位
懷中類仁制外侔義方之象行圓之比智厚以積德高以
抗志於是大司馬公拓爲西園以藏以修存誠而樂道觀
物而翫化非文饒之銅愚非季倫之參尤徒悅耳目而恣
樂遊者也

有碑勒銘在墓中唐史氏大書燦爛厥章于考

世德於發幽光靈蔡鼎鼻而薦力文寬昭晰而呈祥其側
有堂兩廂翼成樓蘭粹蕙茨芸渠衛浩浩瀼瀼儲書滿盈
紛者百氏秩者羣經標牙刻王籤軸晶熒其前有池泚泚
且泚不梁不溢不涸不澁擅雪滌之專功潔垢硯之遺澤
日新是養養榮是去方沐之榮譬飲之洗有松于軒徠服
其隅離立矯矯直不假扶結瑤爲根聳王爲株冒雪而腊
被霜而腴負大且固葆貞不渝歷載而壽無度效計而需
不訾有柳苞矣桐門之側匪朝匪夕先公之迹散甌櫛穆
總翠韞碧秋樵隕霜而悽愴春葉沾雨而怵惕則欽乎唐
客敬加乎宿殖有花彌圃鼠姑是樹黃白雜糅紅紫錯互
耕石齋石田文鈔 卷九

二

麗乎風烟渥乎雨露殿衆而尊開多而富有雲出隴輪輪
困困彌虛翁空煥矣靈雲或卷或舒乍合乍分莫茹其機
曷察其神有記歷歷多史攸述斟澗學海挾深理窟衍言
路之餘緒假諫坡之暇筆牢籠則羣衆靡遺囊括則衆美
胥畢萃則草木芬敷變則雲物歛眉是雖纒纒妮妮絢絢
赫赫粗有得乎物之情狀然侈言莫驗所謂王后無當未
足於公比德而喻量也公之老成碩望歷三朝躋六卿旁
探顧於聖典馴致庸於明庭所以考政治通幽明謹法戒
導性情以之正行以之和心非特邊藉之託筭虞書之美
行於以見體用兼著表裏相形則公之旅行於書者當次

驗而第微也如公之鎮南詔其介確確其隅嗟嗟言爲令
而不刊惠經久而弗磨巨穴墮紀援手正之無偏無頗勅
侵肆侮畏壓奔北民命是阿民以公之碑武勳軌績將槩
銅注於伏波公之破劉賊也同事不前若狼斯跋公挺而
毅奮進英幹樹之風聲濤駭雲撥虎攫而龍拏枯摧而朽
拉則河裏之民頌公之松製馮異大樹之烈公之理南都
也其在默運疇晷晷測其在自展曷憑曷藉祁然而威行
沛然而德化潤廣則何物不沾庇大則無物不借民仰如
雲所謂用作霖雨而澤下者也曰州曰藩公所蒞止化覃
澤加則民之哀孱寡弱猶培而廡猶溉而華轉富而易庶
耕石齋石田文鈔 卷九

三

若出乎咄嗟民之佩荷激切將以械樓榛栢比公所樹之
柳甘棠綠竹比公所藝之花公尚以池凡庶執事爰有污
墨沙之汰之蕩之激之公尚以記末學膚受瑣才小能學
錄而鎮探兼收而並登揆方圓而施用期獎就而勸成方
我句吳之墟淦流湯湯爲割屢年民告饑墊 天子簡公
來旬來宣民迺懼呼拜逆鄙夫亦獲瞻承光霽識公宏正
而亮鎮簡約而靜淵以之柱石則明堂底定以之調元則
庶政罔愆其時也於公之園何止二四之可賦來百祥之
駢草靈芝茁木仁理連華華燁燁醴泉涓涓或蒸之孝
義或應之忠盡其氣在人酣酢于天尚爲公賦之以屬於

篇

遊樂賦爲樊節推作

學校先生宦遊于吳三年政成民底於和而幾祥于刑矣先生心及水夷神爭秋清感氣至而序易念物攄而功盈當假期之無爲乘勝日而閒行未專樂於殷衍將觀美於風俗覲離害馬之雅對希聆歌鳳之高曲流盼山川追逐麋鹿越郭歷郊穿宵窵之幽谷溪梁臥波林蹊蔽木長松次立接迹相連垂楊俯身恭伺而鞠左有芳蘭右有甘菊君子偕遊互沾其馥霜葉節離紛丹脫綠流淙在下翠蘼叢竹先生接於目昇於心犁然嗒然與造物冥會乃舍策耕石齋石田文鈔卷九

四

袖手仰睇象外不知天地之爲吾園若有超乎其高大者矣有白者雲浮太清拂層熾皓乎鮮而采流光滴困困輪輪適然而來或東西以南北兮孰御其馳或出而有入無兮孰執其機藏一岫兮密歛庇萬物兮大施標帝鄉於天上指觀舍於天涯白日云暮兮美人不見黃鶴俱遠兮仙者何之乘其氣兮身可超咀若英兮天爲期顧爲其客沈伯子曰子能爲我紙筆和墨狀茲遊之樂寄故事於無窮乎伯子受命圖既然而妙有所莫形隱有所莫彰馬牛有所不及鳬鶴有所不通於是假言辭之有餘贊染畫之未工其間得失各半固未始同畫可傳忘忘言可通噓噓言

動畫靜其體又隔拘言未足爲畫資矯畫未足爲言益失者自失得者自得未足以得爲愜未足以失爲憾吾將致慮於得失之外何愜憾之能滑無畫可形無言可述無方可求無力可索洩洩顯顯寥寥廓廓然後寓乎春臺之中謂畫先生之樂當決疣子斯圖發大方之一噓

秋軒記 成化己亥

軒附全慶堂爲右諺雖小頗幽致前有方庭襟植芙蓉黃葵甘鞠鮮榮發而涼風至夕陽滿地錯采可愛四時惟秋宜焉地又西偏西寔秋位秋之宜其軒者多矣余謂秋弗特宜其軒亦及於軒中之人軒中之人聽茫茫視荒荒多耕石齋石田文鈔卷九

五

急而健忘豈非精神氣血之秋歟若少若壯若衰若老推之與四時無不相因推與秋相感者吾尚有說也先公抱致周時哺飴弄雛寔於斯也先人賓客滿座恭鞠瞻捧觴爲壽亦於斯也今之於斯余則蒼顏華髮得以婆娑自適旣適矣又念乎尋丈之宇百年之寓蓋解塋脫而苟存者亦已久矣其能閱成吾世閱成吾生閱久而弊亦成軒之秋也人之衰人之秋也秋攄也余少壯妄慕妄求而莫之就者一委諸攄攄以養其衰俟其老全其生於斯也遂名斯軒曰秋軒

東廣記 丙辰

古者因厓作屋爲广余以全慶堂之左垂附簷簪棟順一邊爲屋二間不立舳後其蓋亦順堂瓦披而下望之一堂然不知別爲屋也承其簷止建三柱二扉八窗甚明徹況東向賓于陽而易曙伴學士三四人肄業於此警其眠豁其視暢其讀舉宜焉乃扁之曰東广且屋形與字類字畫與屋功均省余性簡易隨所宜而成不敢覲夫雕牆峻宇厚費而難其成也三四子居是而學焉亦須隨才而就乎高下之用不至乎廢棄不立譬大而爲堂小而爲广弗失謂之屋也幸矣作東广記

聽蕉記 巳酉

耕石齋石田文鈔 卷九

六

夫蕉者葉大而虛承雨有聲雨之疾徐疎密響應不忒然蕉曷嘗有聲聲假雨也雨不集則蕉亦默默靜植蕉不虛雨亦不能使爲之聲蕉雨固相能也蕉靜也雨動也動靜憂摩而成聲聲與耳又能相入也迨若匝匝湔湔剝剝滂滂索索浙浙床床浪浪如僧諷堂如漁鳴榔如珠傾如馬驟得而象之又屬聽者之妙矣長洲胡日之種蕉于庭以伺雨號聽蕉於是乎有所得於動靜之機者歟

宵齋記

陳生願眇一目者也以繪畫爲藝筆蹤所至纖巧備焉雖兩目瞭然者不能及也間求予號與號之曰宵齋宵之狀

而隨蓋與頤貌甚肖竊以點加一上如髻一髻之面匡取八象眉一目系眉下塊然無比頤貌實不能逃乎此古者製字象形如馬之具頭尾足也宵其發眇之義可謂得其遺意焉雖然亦戲之耳宵豈止是而已哉抑有深者遠者若韓子所謂宵爾神化是已願方事畫且年富力強進進不已弗造其深遠弗足爲畫荆關董巨其神化者歟願尚勉求之是爲記

老杯酒軒詩引 辛亥

予平生於酒至痛飲僅升許今年六十有五合已不能勝而不欲絕者以其有醉之鄉處之可以佚吾老也髮日耕石齋石田文鈔 卷九

七

加疎目日加眇自視猶七十餘人非特不及於酒量書亦茫茫不堪讀讀亦隨忘是知年于邁而氣則燦燦則血亦耗血耗則精神不完念夫少老相尋棄除代謝來者不容拒者不容追其勢然也子但冥冥其間順其所謂自然而然者終日處一小軒神清則坐而哦神憤則偃而童子知其無聊便進酒三二小杯不在滿引般核隨有而具飲畢則陶陶醺醺爲趣也自不能言抑不能知亦不能使人知此之謂醉鄉樂地迨天爲我而設敢拂天而止絕乎倘年未至夫止酒須止其所止更無貪乎多亦無惡乎少於酒如此於年亦然然古有以一斗博州牧三升戀待詔其不

可止絕又信矣哉因扁其所處之軒曰老杯酒軒山谷老人固有其語仍撮其字於句首爲小詩七章大書軒壁時時歌脩所酌客有同予趣者不妨和之不同不必和也

詩

少日忙忙過過來還覺長忙中爭少日惟見鬢蒼浪年頭并歲尾來往自匆匆本不關人事如何使我翁筆不負吾手小時塗墨雅老來題酒券供個醉生涯硯隨吾老矣磨世汝何頑勸汝一杯酒長生天地間老是大家老到來吾不憂且將詩與酒終日玩浮休杯但容一呷悠然萬事忘乾坤納於此乃是醉之鄉酒不在爛醉沾耕石齋石田文鈔卷九

唇意自醺春風吹不醒仰面看浮雲

三友會年序

古者三壽有上有中有下焉下壽及六十曰耆乃杖於鄉乃宿肉事凡指使而爲已備安養之道及之者可謂尊矣可謂難矣將以岡陵與人爲三壽曰三壽作朋有三人爲友其行年畢及乎六十者不尤難乎今其人于一鄉焉而實見之曰王君汝和都君良玉與予凡三人成化丙午皆登六十三友者自幼追逐硯席間學業相資過失相規燕飲相合遊般相攜鄉之人每見吾三人嘆美其契誼之若此莫不交口嘖嘖稱之雖然論古之所友以求志之同不

必壽之同不限鄉之同也在天下也天下有莫之同而今同於一鄉鄉同已又同於年年同已又同居乎重熙累洽之化同享夫康強飽煖之樂卽是數者之同可謂異矣良可賀哉迺卜正月二日約良玉攜酒與饌往賀於汝和所推其生月之先也三之日則之良玉四之日良玉汝和則之子蓋各遞及焉耳酒行樂作三友互舉觴爲壽而予倡於中曰若一鄉之間以六十識歲年者豈止於三人三人之偶同其甲子亦未可爲異而自賀也至若敦孝悌篤仁義躬行于家以達于鄉有子孫焉有子弟焉仰其容以爲表受其言以爲教風俗因之以長厚使如郭有道龐德公耕石齋石田文鈔卷九

耕石齋石田文鈔卷九

九

者時稱君子焉身之後標名暴行於史冊之上後之讀史之人尚知所處之鄉之可重所生之朝之可賀垂百代而不亡者存壽不在茲乎壽不在茲乎勿以今之可賀而自足也願共勉諸

草菴紀遊詩

弘治十年八月十七日余有事于城來寓草菴爲始遊也菴名本大雲前有古草菴者居之遂謫爲結草菴菴近南城竹樹叢邃極類村落間隔岸望之地浸一水中其水從葑溪而西過長洲縣治由支港稍南折而東復南衍至菴左流入環後如帶匯前爲池其勢縈互一曲如行螺殼中

之雲丁敬名放生中有兩石塔一藏四大部經目一藏寶
曇和尚舍利東西二小洲隨而方浮泊塔下猶筆硯相倚
東洲南次通一橋惟獨木板耳過洲復接一木橋人行側
足慄股微橋若與世絕自此達主僧茂公房房踞東偏中
有佛殿後亘土岡延四十丈高逾三丈上有古栢喬然十
尋其枝散骸深翠數百年物山空水流人境俱寂宜爲修
禪讀書之地勝國時有斷崖和尚肇業于此繼之寶曇傳
爲斷崖轉生皆了悟之人地理家謂其四獸俱全風氣藏
鬱吳城諸蘭若莫之及矣是夕宿西小寮紙窗月色耿耿
無寐因得五字律一首塵海歎佛地迴塘獨木梁不容人
耕石齋石田文鈔卷九

十

跬步宛在水中央僧定兀蒲坐鳥啼空竹房喬然雙石塔
和月浸滄浪

桑簡齋詩集序

辛亥

詩一編五七言備諸體凡若干章作於嘗熟桑君廷瓚廷
瓚譔序於予予烏足知詩而能序之乎惟詩有云惟其有
之是以似之於其人推其言予敢謂知君之詩矣君早事
場屋之文程度東縛疑無餘力及此君則不然題咏藉藉
弗自拘蓋心志之所存也及與仲兄廷璋同有溫嘉之倅
之選溫嘉浙之居齒州也古之佳山水處人美其兩兄弟
遊宦相聯如壁焉亦於吟事不能無助矣君三年獻考俱

收能聲旣而兄弟相謂曰官事之程靡了其一其間況味
亦已稔其八九戀故難出徂祿忘返皆有譏焉旣出矣其
可忘乎返哉於是廷璋廷瓚皆以疾告歸廷瓚奉三兄於
家怡怡愉愉有觴焉敬而酬之有咏焉遞而賡之其禮容
鄉人可表之其話言子弟可師之今夫君之爲人旣若此
而其言皆心德之流衍豐和夷順藹乎其君乎之言也至
如思歸之作之超然湖鄉小隱之自寓搗衣采蓮之篇迨
將合音於樂及其間警語稌沓如葉稠繁足俸花盡蝶休
糧好花空自老幽鳥爲誰啼雨來池驟富花落樹旋貧之
妙使景不得留美物不得匿情矣予故表最而僭評者以
耕石齋石田文鈔卷九

十一

發知君之不足抑使不知君者諷咏至此庶可求君於斯
言也矣

周君宗道生墳誌

成化十九年五月壬辰周君宗道述其世系授於其友沈
周曰本不孝無嗣行業亦無可稱所與草木同腐耳惟周
氏之所從來微文以傳則百年之緒就本而泯其不孝有
加而無遺矣敢以所自爲墳托子因誌焉宗道其達矣乎
其敬矣乎宗道世號良家蘇之長洲依仁鄉承訓里之新
澹邨人高祖君澤曾祖仲璋皆有隱德仲璋元季避兵入
城贅於仁孝坊裴氏其祖純仲迺生國初純仲始復其

業其父孟初之爲子葺而大之孟初卒宗道甫弱冠祔薄力屏家遂落以教授養其母朱孺人兼資於鑿以助不足人稱孝焉性朴愿嘗市巾市人出下紒上價卽酬之市人愧卒易上者以謝過羣小或以讒言相欺輒信發亦不讓見人行一義則亟稱於人人過則齋咨累日若出諸已雖老有童顏巨目突鼻長髯纒纒如曳絲戴山字中披髦衣於湖邨板橋警欬矍鑠風致逸如也平生嗜酒自號醉漁與朗無憂懷爲詩尚質配王氏敬慎有婦德先卒則生壙自王氏葬已營十二年矣五女曰妙妍曰妙靖曰妙嬰曰妙嫌曰妙娛妍贅以侍養先卒尋歸其嫁者曰婿亦卒宗耕石齋石田文鈔卷九

十二

道歎曰天固絕我矣然亦壽至七十有五敢謂愀然無所與也與而進不患其有止君子恥之患其止不患其無備君子恥之於是若襲若歛若櫬若親舊之服者悉自具焉曰而今而後吾惟束手以待盡於天矣妍之配朱繼靖之配張輓嬰之配張行沈昌嗣嫌配鑿家子也夏昌宗娛配儒士也其墓割所居後隙地僅半畝仍麗於張輓籍中俾世守之輓亦淳謹可托云

陸允暉墓誌銘

成化十九年十二月庚申陸蓋葬其考孟濟合妣張氏骨同封焉蓋哭之哀日夜不顧飲食胃虛發脹以明年四月

乙亥卒於吳城僑居初蓋以從子學畫故知其無地葬親予婿徐襄割射瀆郭家墩與之至是家人將浴火蓋尸予與史君明古賻之俾附其先人以葬寔卅月之廿二日也妃朱氏先卒有子一人亦卒卒無嗣予嘗諭其後爲大事不可以汝而絕答曰吾非不欲娶奈一老父日不足養尚益人以分之耶父卒又勸其娶曰病愈當奉先生教也不意竟不起蓋謹而僻平時一飲食不易叨人自執不移人言無後之失人不能不咎此也享年四十有七字允暉嘗熟人生可哀其貧死可哀其無後且不永壽乃爲銘于磚內諸壙中以慰之銘曰

耕石齋石田文鈔卷九

十三

云壽不遐云後無孥貧又無家天耶天耶

育菴陳先生墓誌銘

成化十八年正月二十六日允德陳先生卒卒之日危坐榻上召諸子屬家事既與親友訣曰數以生我數以死我諸君毋悲以滑吾寃夜始半數令視旦黎明曰此其時也氣遂絕先生其有知耶先生幼穎異氣高志亢不能容人然多病不以廢讀書書過目卽記甫摘章便疎長老正統初四明有蘇雪溪秉衡者號能詩先生喜步驟之後以楊伯謙所緝唐音掇掇畢擬一過涵音探律務底平和識者稱其與許鄧州合作先生未平名聲籍籍吳中遠近求者

無曠日一走筆連數十篇猶泉決雲湧瞻才藻思卒以詩人稱平生於廣坐健談及風生痰或逆氣而止卽俯首喘咳頃妮妮猶故至論古今成敗得失則或喜或怒談空曩玄則有遺世之想說戰演獵則攘臂躍足起又有河朔士習若非羸然骨立一儒生也邑大夫用其才援例薦不就既而嘆曰古之人有於仕豈金馬門僅然容一東方朔而已哉迺陳力公車不遠數千里遂行至則興盡遂返因以汎雪名其紀行集號育菴又有育菴集傳于家晚事吐內修中黃之道號王井翁臨終一節人或異其所得又意隱號東家生寓其姓與諱也先生姓陳諱棠字允德曾祖耕石齋石田文鈔卷九

十四

九齡祖從道詩禮之望孝義之行著于楊文貞公墓表中父原嗣早不祿世父原錫通春秋左氏傳爲詩上邇漢魏博學篤行時稱夙德先生爲其後人謂無忝焉母王世母徐子男四人天定天與天用天相天定天用先室張出天與天相側室張出女二人孫男七人女四人以二十二年三月十六日葬先事天定泣以誌銘來請嗚呼予與先生婚姻也知先生頗悉不敢以無父辭遂銘銘曰先生於祖無有曠武先生於父無莫堪蠱先生冲冲孤系兩宗兩宗有母是鞠是恭縣曰嘗熟惟先胥宇自崑來徙崗曰塗松宗公愛藏敬寔其傍曰壽惟耆而止于斯以行

于詩

張允書妻徐孺人墓誌銘

新天子未改元丁未之十一月二十五日庚申長洲維亭張允嘗妻其妻徐氏先期遺子洪告于吾母吾母泣而呼周曰是婦爲吾張氏賢媳婦也年十八歸汝弟範時丁吾妣沈孺人垂盡之日汝舅叔度夫婦先時俱早世其遺範等累吾妣左提右挈以至有家室甚涉辛苦吾妣不能享是婦一日養是婦亦不能承祖姑一言之訓吾於是每恨而憂之而幸吾考南坡府君賴其奉者十年于茲而能順適其意汝弟喪亡之餘氣氣爲家其助居多妣埋宗黨感耕石齋石田文鈔卷九

十五

其處而稱賢者無間口嗚呼凡爲媳婦於始歸而失舅姑以教遂弛於度而至傾家老身目擊比比是婦者得僅見于百一乎又曰不幸其年止四十四而卒衆竊謂天宜以壽而不果何耶吾追見洪妻王氏新媳女而姑疾殆略不以離左右之役且祝天曰天當殛我或女以代吾姑無使存我而無倚也及費祀神求鑒盡傾其奩所有姑沒迄今荆布若甘終身焉是知天報乎後不報乎壽亦均矣汝學綴文宜誌其墓使後世不泯是婦之懿周謹大吾母之言序而銘之銘曰

諱惟秀寧允思義女德婦道兩族責厥父厥父貫于崑崙

稱爲士爲清門其處受母歸所教歸而施之惟其効夫姓
久衍歷元昌南坡孝甫明益光夷林之山鬱大野吉日斯
藏舅姑所

陳本誠墓誌銘

本誠姓陳諱愚本誠字也嘗熟所貫也塗松所居里也上
世有田連絡旁邑其拓之廣也字從道號南野其曾祖父
也原嗣允吉其祖父父也三世皆讀書尚禮義爲一郡之
望南野翁結納遍兩京及郡中名流以故子孫有聲光氣
習之漸麗文獻無替也至允吉尤略貨崇文夷曠倜儻性
好施與觀其詩氣衍語平宜有壽惜其年止四十有四而
耕石齋石田文鈔卷九

十六

卒卒後門祚向薄本誠力未振先是其田多耗而版租故
在也戶之有傭追償運補本誠任之惟艱卒累是而卒亦
年四十四當成化十八年四月二十九日也本誠爲人淳
樸人加以非莫之辯古之人書忍以戒不能忍其能忍天
性也言辭禮度雍和慎重綽有故家風配卽先卒男子三
人伸發啓女子二人孫男二人其葬其母劉孺人同發攢
也其銘其姑之夫沈周造也銘曰

成化二十三之爲年兮十二月二十之爲日兮送將歸橫
澁之爲原兮水深土厚藏之爲吉兮

金以賓室沈氏墓誌銘

表兄金以賓狀其室沈孺人之行之淑俾其子儀乞銘于
周周之祖姑以賓之祖妣也分在懿親於孺人固有知焉
況其夫狀宜實而可銘矣按狀孺人姓沈氏長洲人祖廷
璋父公望母翁氏皆士族孺人受教有素其姑樓安人宣
獻公後習聞禮節以嚴莊自居其翁荆軒先生以詩書爲
家教孺人來爲婦衆慮其弗堪能婉順敬飭甚閔婦道翁
與姑臨老日娛吟酌孺人溫酒治饌恐滋味不適不假人
爲浣濯補綴不待使而先之樓安人始自賀曰是婦可爲
稱家婦矣居無何荆軒與樓相繼而沒助夫治喪罔有失
度初生女憂無男乃爲夫納二妾生子矣曰式曰儀曰規

耕石齋石田文鈔卷九

十七

曰模儀雖是孺人已出衣服飲食與諸子若一人焉以賓
遭連喪累訟家用落數不堪懷孺人良警曰君幸見有先
人遺書可以教鄉人子弟稍有束修可食妾供麻臬可衣
何患無生自是夫講於堂妻織於室裕如也及春嬰灌汲
之役亦躬先二妾無憚於勞以賓憂多男寡產不能生將
以式倩於人家孺人曰長者持戶幹家儀次當行以賓以
適謂不可孺人又曰小者何能代乃公事贊亦吾子也卒
遣儀六親賢其崇義誦愛爲人所不能爲成化丙午九月
二十九日以疾卒享年六十有二弘治改元九月二十五
日葬僕字圩先塋之次符氏李氏陳氏宋氏其子男婦也

高平都淵虞雷其女夫也其孫曰岳孫曰佛生曰玄童曰佛孫孺人攻苦力勞有桓少君之風子孫衆多亦徵賢者之有後矣銘曰
效順承歡婦之敬也先義後愛母之正也與石不磨惟其行也

陳德庄夫婦合葬誌

弘治二年九月二十七日長洲陳德庄及其室人湯氏合葬於習義鄉蘇巷之原德庄生永樂七年二月二十五日卒於成化二十三年九月十六日湯生永樂十一年十月九日卒於成化二十一年七月二十一日德庄實年七十耕石齋石田文鈔卷九

十八

有八湯年七十有三夫婦之道尊卑存焉其夫之先生而差四年其婦之卒先而差二年其葬同歲月日先生似倡也先卒似遜也同藏似隨也鄉人猶異其夫婦之有子若孫而又豐貲壽生卒皆及乎治平若是人人焉而願之其不得者十嘗八九何幸而克全于德庄夫婦如此必有爲矣迨其姻家彭寅之狀其夫婦之行懿來乞銘焉言德庄孝於親敬於兄飲食衣服疾疢之時宜痛痒悉心盡瘁祇承惟至湯文明妻之父也無後而祀之嘗懼心之無樽者百餘又知德庄於家庭之薦於外族之義於鄉里之厚者湯多助焉其於理生尤所致力若夫婦之相爲賢者

不可不銘而使之無傳也德庄諱敬湯諱妙經云銘曰惟陳之先素以約處爲會大父曰世忠甫曰仲仁者而爲大父而父子純而陸氏母而子宗困繼有二女長奚湯贅次馬珏娶鵬鳳鵠鵠孫姓栩栩因場合食四十年所業已尚義流之有緒之維亭者始家後徙之新塋者厥封若斧合璧之藏永焉千古

唐敬夫墓誌銘

唐欽敬夫本長洲甫里人也爲吾服周君之長子吾姊王孺人歸服周夫婦相造家瞿瞿休休道日昌業日裕爲東鄉巨族之表或謂服周之後難乎其稱耳敬夫幼秀疑性耕石齋石田文鈔卷九

十九

爽朗不羈好吟亦好繪事說者又從而器之父歿有司遶長鄉稅勤慎有幹局復助有司賑粟獲冠帶之榮及能葬族里之不葬者不一喪金之無索與償之客而無歸與館之於是義聲翕然譽者交口敬夫曰無非先人之資先人之志也欽何能哉嗚呼斯可以觀其行矣予頃省王孺人於其弟敬夫導遊其闕後園曲池幽館花木雜布曰庸奉老母遊行其間也別未幾時計至云有出早謁告祠堂卒中惡扶起氣遂絕寔弘治改元十一月十三日也享年三十有九嗚呼若敬夫者孰謂遽止此耶卜四年十二月十八日厝於竟山庄先塋之次其子深乞銘於予因與之銘

銘曰

曰惟士南爲會大父曰大父爲仲學甫仲學往贅依仁之楊曰父服周曰母氏王曰妃者凌浦江尹息曰子深潛曰女一質曰子之婦林呂名門於惟先德宜昌後昆嗚呼敬夫胡壽弗永其藏千禩乃永而靜

崔淵甫妻凌孺人墓誌銘

太學生崔君淵甫狀其室人凌氏之懿乞銘其葬按凌之先湖州安吉人有仕至翰林直學士學士之後有嘉興路總管以其子壽四居於歸安之璉市其一宗爲歸安人甚盛至均德爲孺人之高祖曾祖彥能國初授應天府治耕石齋石田文鈔卷九

二十

中祖晏如正統間拜僉都御史著能聲父用廣館於烏之晟溪閔氏遂家晟溪淵甫大父環翠翁愛淵甫秀粹云擇良配相之乃以凌爲禮義之族因聘得孺人焉孺人既歸翼翼穆穆其習於父母者施之舅姑舅姑悅其謹順施之丈丈夫感其婉敬勤於紅約於用喜怒夷容語默凝重於是親疎之族咸稱其宜婦也性又慧夜執女傳女誠請淵甫講說有會若將蹈之者會有疾及革囑淵甫曰妾欲勉修箕箒之道於舅姑於君子今不幸天違我志也二兒非教莫成成則勿謂死者無責及夫荆布之於婦女生死事也勿從厚以殮矣妾之初心迺卒淵甫卒如其言嗚呼

人賢而且禮乎惟婦人之德在中梱非舅姑與夫弗能言也果德矣在舅姑與夫樂言之果不德在舅姑與夫亦不樂言也淵甫狀中尚多怛切悃悼之辭無怪其覲縷以暨夫相齊相與之誼況賢而天哉予辱淵甫推厚故特爲銘之以內於所葬角字園之墓中將塞淵甫之悲也銘曰惟弘治三年九月二十一日氣斯絕也惟四年十一月十二日乃卽穴也惟享年二十又六命何折也賢者多不壽天不屑也死有令名天亦不能遏也

長洲金愷母浦孺人墓誌銘

金仲和之葬其母浦孺人也其銘墓之文不求於名公學耕石齋石田文鈔卷九

二十一

士顧詣予曰吾母纘吾家之墮緒教愷輩之不才劬勞之故微子莫知敢諉於子者在得其實使吾母之善可據傳者可信而言者無作也予惟中時與仲和往來見孺人僞居吳城張香橋南弊屋下靜慧有識厥夫聲遠早墮不能事所產有舅姑皆七八十人三子皆在提挈嚙者衆而生者無一人惟嚮嫁奩所有以供之其費日滋而奩有匱於是孺人率愷造彩箋庸給文墨家營什一利且存聲遠謂無聊欲改業孺人勸曰吾不敢爲它負販使兒輩逐迹閭閻也無何其舅楚行卒姑陳孺人亦卒聲遠亦卒孺人然經紀三喪不愚禮度族人稱之愷既長能躬廣厦居母

師先人寫山水與士君子接警敏致人愛孺人曰吾兄識
所趨矣復謂潮曰汝能修以助兄則金氏墮猶不墮也潮
遂學槩攻畫愷懋遷江湖博古多識獲襄王知重其存賸
與藥餌食物俾歸慰母潮亦以畫進錦衣衛所鎮撫且被
文華之直於孺人生旦潮歸上壽乞朝之公卿詩文輝煌
於堂孺人享此家日裕心日泰不知其年之八十有八矣
而後中風痺以卒寔弘治辛亥六月九日也距生爲永樂
甲申十一月十七日浦氏其先河南人宋南度來蘇居妻
門爲巨族高祖某曾祖樹德祖某父士安儻尚義好談
史與金氏居相比業相埒遂爲婚焉子長卽愷次洋先卒
耕石齋石田文鈔 卷九

二十三

次卽潮愷娶周氏王氏錢氏陳氏王與錢各出一女其二
子曰成曰用陳出也洋娶馬氏一子田愈三女潮娶錢氏
子二恩惠惠亦天繼娶沈氏曾孫男女二人葬其年十二
月十八日於長洲射瀆某墩之原合先兆也嗚呼孺人初
出紉綺梁肉中中離衰薄能持其貧不失教子之道可謂
賢矣其末享高年獲多子孫之奉宜矣非倖也實孺人之
修也因與銘之銘曰

窮而通還於天修以俟之金母有焉

王用進妻周氏墓誌銘

弘治八年十二月二十四日崑山王綸將葬其母周孺人

於西湓濱里先是自狀其懿行乞銘於余蓋致尊人用進
先生之命也用進贅孺人所相敬甚篤孺人以受母黃孝
婦之教夙順勤儉用相用進造家得其懽心焉嘗謂用進
曰吾母之孝天顧使無兒吾二人之事之俾之不覺則可覺
則何以謂養其存心有如此也孺人諱秀賢生一月父瑄
卒五歲屬多病羸然在母提抱間學識字習女紅母不欲
煩之自能省記異嘗年二十六疾尋作沉浮床褥者二十
年母卒哀痛絕而甦自是不復履地又十二年爲弘治七
年十一月二十七日疾轉革乃卒卒之日用進哭其爲婦
二子經綸哭其爲母二婦朱張哭其爲姑三孫模楷棣哭
耕石齋石田文鈔 卷九

二十三

其慈族里哭其則孺人可謂賢矣宜銘銘曰
賢胡壽而後又離疾天乎尚祐以昌而後

書陳味芝先生行陰

味芝陳先生既葬之丁年其表墓之石始立厥子廉甫固
不敢緩蓋先生之門人山陽曹君廷儀以學規所縻不克
奉襄先生大事馳書告廉甫願鑿石刻吳先生表文少贖
所憾予與史明古勸廉甫因成其義也廷儀及來奠先生
之墓爲文感切慟哭徹心不能成誦聞者爲之嗚咽吳人
以爲怪吳人事師之敬甚不足至有與師抗座構訟比之
彎弓而射者相去不遠今廷儀爲乎義發乎誠宜乎吳之

人謂之怪矣予家與先生有世好故予私淑爲多嘗聞先生教陽武時道值相賊者肉血紛流強懦莫敵強欲利懦所挾布詒有宿負必攘得而後已先生歸取二布擲強叱去其懦鋼扣馬辯所枉而吝布先生曰枉固枉矣兩吝不解我惜致命布何惜哉其人亦感諭再拜一日與先生論仕宦操守之難先生曰能自奉粗糲者必廉求華腴者所守心難保先生世顯戎編從事者頻回需索先生悉自備補不煩族人或勸曰先生固厚其如子孫何曰但盡我而已耳是皆予所心識而不忘者因假碑陰空方書廷儀之所厚亦得連錄先生之餘懿以告鄉人子弟之與予願學耕石齋石田文鈔卷九

二十四

先生者云

朱維吉哀辭有序

成化十五年十一月六日江陰朱君維吉之葬也天寒歲暮羣芳凋歇感其冥然與物俱故因作辭一篇初以助執紼者之勞且悲終以生死之理慰而解之其辭曰

汧楊子兮浩渺而東馳經其陰兮怙悅而竚貽思曠惘而無聊兮霜被野而芳萎蕙莫羞而比苴椒莫漿而節離木蘭爲樞不可以架兮芙蓉於邑而莫佩叶奕墅翳於宿莽兮金王局之未移琴臺交走乎孤兔兮絃尚張而區和叶

思美人之長往兮悲物與之俱故也籌綿具而莫招兮魂周章而無度也感一氣之倏聚而胥散兮會何人之久固也惘生與死之相尋兮有旦之有暮也少歌曰磐石之我今有表卓兮磐石之固今有柳廓兮冥冥千祀兮倘來者鶴兮

化鬚疏有序

臯橋趙鳴玉髡然無鬚姚存道爲之告助于周宗道者于其于思之間分取十鬣補諸不足請沈啓南作疏以勸之曰

伏以念天閭之有刺憫地角之不毛雖傳相莫逃於禿名耕石齋石田文鈔卷九

二十五

賴易賁尚存乎飭義爲人者康樂捨施有迹爲已者鶴詵插種有方故小子十莖之敢分豈先生一毛之不拔推其餘以補也宗道廣及物之心乞諸隣而與之存道獲成人之美使離離綠坡而詵戎當楫楫擊地以拜君把鏡生歡頓覺風標之異臨流炤影便看相貌之全未容輕拂於染羹豈敢易撚於覓句感矣荷矣珍之重之敬疏

綠衣生埋銘

生姓應名武好衣綠羽衣紺襟緞巾長裾曳翠于後自號綠衣生風致甚俊逸族出隴西巢樹而居今嶺南滇南多其流寓者海外亦沒有之生爲形特異鬚短而黑貼生額

下目露眉黃目亦黑其喙大上長短下○而彎正望之若突一鼻儼然色目人也曾作漢人語問學稱佛名號或謂曰言哉言乎哉曾鳥獸之離哉蓋喻其所產戎蠻也生客余家一年所性嘗念故林時時引領點首西向啁嘶嗚咿自爲西域語人不能解禰正平賦曰眷西路而長懷望故鄉而延佇謂得其情餘多自譬不能盡生平弘治八年七月十三日遘疾食不能下好啖麻實與之亦吐口猶念佛舌棘不復了了其意將恃佛而禳患也亦西域之故習既卒余悲之卽日坎而埋諸西岡下首西使不忘本也銘曰

耕石齋石田文鈔

卷九

二十六

言華服章速身之殃牢籠客土氣阻乃慮首西而埋以永爾懷

介夫傳

丁未

介夫者姓疏名介介夫字也其先居趙魏之郊從樹藝以生子孫蕃衍盛至介始徙宋久之繇司城子罕以見宋王王曰若寓宋之土地幾棄于茲矣請明告我對曰介竊王土覃及雨露猶勾萌甲拆欣榮不已顧有尺寸之長敢不結束以進修敬于地主以投知也臣雖一介之微幸勿以草草視臣然可以禦饑可以資儉可以補民生王能味臣言享臣用則利苟無足用味無足享王亦奚賴於臣宜

有以疏臣也臣請退而從魯之仲尼取曲肱之樂亦素願也王曰周人聚疏之材寡人何敢夫之遂命從事于陽門兼修俎豆事日與王賔有燕必偕王曰舍卿不足爲食猶不得其醬不食乃以介醬呼之介聞之輟食而發歎王曰食以忘憂奚以歎爲曰醬醢也子路嘗醢矣自顧菲薄曷足當王之嗜愛且八珍在前九鼎在側甘脆之入其口滋焉一旦厭飫及夫菲薄則容無所矣無容則路禍有矣是故歎之發於不得已也然君子之腹虛以容小人之心足以肆願王以君子廣大之腹毋芥蒂于小人之心斯得永持厥終之道王善其言居嘗服綠因錫紫茸裘以旌之及耕石齋石田文鈔

卷九

二十七

卒于罕哭之哀時晉有事于宋覲其愛士返兵却功宋獲以全君子悟醬爲將雖其死而尚使宋人不絕噍食宋人德介謀貌而祀之貌成行舍棄禮以介不喜肉食故非僭也介爲人茂軀餘濯秀可愛羣居秩秩而不素有介然於世者因名但平生口刺刺決人是非不少假借被其中者或坐流淚出涕登汗衆曰介有姜桂之性愈老愈辣其族曰無書曰幽者皆淡于世味雅與齋僧寒士交惟介特拔出者云其後介子推又徙晉晉以其先人之聞納之公子重耳出奔推從焉適曹絕食推將割股肉芼羹以進公子止曰亡人之在遠也以有先生爲禦猶有旨蓄而弗知其

冬也今先生軫念亡人之口腹傷已以飽人亡人弗以爲飽願先生自愛毋易下體也推卒割之後公子歸伯第賞有功而不及推推之客歌于宮門曰茹之拔兮茹亦及之吐其茹兮忘往之饑王悔追賞推推逃于綿上山曰我非買菜而求益者也誓不出王筮而求之得鼎曰木異火烹飪之衆且傳說以調伊尹以烹我將獲賢者之輔遂火其山以脇之出推就焚而死人謂介有跨竈風焉說者曰介在宋則宋利推在晉則晉利而爲利者譬之食於蔬可以化壅通積養胃以滋人於人不可以少君子於是乎采錄其父子焉

耕石齋石田文鈔

卷九

二十八

楊梅傳

楊梅家湖之升山其族衍于杭于蘇于明林林然號爲蕃盛一支至子孫數百不止爲人外浮內核性恬而韵爽以枚乘楊雄有聞曰吾姓幸同于雄敢以枚自名志吾所以慕蘭也遂名楊梅嘗請交虞荔荔曰儒者之取友也有格德無腐行韜采含章今汝服不綱非露才揚己以席珍自負而無聘亦何取哉所得其僅措大之微酸耳吾弗與友矣吾辱天子之寵命傳而進設几以伺當上賜問臣披肝瀝膽以對獎曰有旨哉有旨哉卿如醴漿如密瀋中邊無異味豈非淳儒之謂乎

不敢汎及于遠然取媚口舌而已無所滋於腹心也其小而輓輪肌多紅栗腴嫩若不勝癢搔者觸着則流血染指自幼好着青碧衫壯易緋老服紫縠裘又有白衣者出自明族寡與人枚少硬劣嘗見孔君平孔戲曰小子果楊家子乎對曰若孔崔當孔家禽也人警其智迨老智益圓熟每自嘆曰碩果不食不祥也吾受造天地以備一物柰產局遐取無路薦達少效鹽梅故事今老矣烏子可望哉亦惜昧夫固蒂之術遺落於風雨空山委蛻草莽間饒諸鳥雀螻蟻無親無疎同歸于盡亦所甘心焉爲說者曰人生負才不過薨死山林者豈一枚也哉觀枚自訴亦可謂之達矣

耕石齋石田文鈔

卷九

二十九

盲富祀父母

癸丑

盲富姓周長洲相城人早孤先公傭以執爨先公化後富去而無所依復來歸于嬾莫堪役仍伴事樊蓋親火氣久而致盲也歲旦於臥內作享父母人有竊聞其祝告曰富既瞎廢東西不知貪苦依人爲生不能辦好供養肉在包魚在包豆腐在案未糲亦在案酒在碗楮錢在地我爺我娘慢慢喫些子如是祝之凡三又告曰願爺娘虛空中庇我無病強健身上蟻蟲咬若陰力爲我祛除之又告曰願主家公多壽多米使我討喫見成飯多活幾年諒然之誠

聞者爲之悚動乃告予予復審於人人曰每時節必致
墮物有無爲獻祝語皆如前子嘆曰方富之爲享也如親
覲父母於生前宛宛款款依依戀戀辭意之恪必求感格
而後已真得事死如生者矣雖東家殺牛未必能致其敬
且誠也受人一飯之德不忘私能致祝願於人莫知之之
地其爲念不亦純而無偽已乎有若身都將相位極人臣
尚馳封於先補蔭於後金玉田宅豐積不貲者不見其涓
塵圖報甚者反欲賣人國於讐敵此皆盲富之罪人也嗚
呼盲富果廢人哉

記雪月之觀

耕石齋石田文鈔

卷九

三十

丁未之歲冬暖無雪戊申正月之三日始作五日始霽風
寒洹而不消至十日猶故在也是夜月出月與雪爭爛坐
紙窻下覺明徹異嘗遂添衣起登溪西小樓樓臨水下皆
虛澄又四圍於雪若塗銀若潑永騰光炤人骨肉相瑩月
映清波間樹影澆弄又若鏡中見疎髮離離然可愛寒淡
肌膚清入肺腑因凭闌楯上仰而茫然俯而恍然呀而莫
禁眊而莫收神與物融人觀兩奇蓋天將致我于太素之
鄉殆不可以筆畫追狀文字敷說以傳信於不能從者願
所得不亦多矣尚思若時天下山川宜大乎此也其雪
與月當有神矣我思挾之以飛邀八表而返其懷汗

未易平然老氣衰颯有不勝其冷者乃浩歌下樓夜已過
二鼓矣仍歸窻間兀坐若失念平生此景亦不屢遇而健
忘日尋改數日則又荒荒不知其所云因筆之

記夢

三子

六月念七日臥病中夜懷頗得甜睡夢過石灰橋遇十餘
老僧儀貌偉整服皆古雅非時流也因拉同行其首先一
輩云先王可無一言貽吾衆耶遂口占云方袍相逐過溪
橋溪葉溪雲野迹飄朶朶青蓮心不染住山行脚總逍遙
其首先者回視衆曰自然超逸迥運偕至一境依希北禪
寺其間有高臺亭于上甚亢爽綠陰如幕人影如畫始悟

耕石齋石田文鈔

卷九

三十一

非北禪也俄一青蓋官人從東而至稱某爲親家蓋素相
昧者諸僧皆別去因留予具酌亭上既而迹至多粟官二
十餘人舉能道姓名皆不復記惟後至一人爲趙廣華也
殷核精潔所具有海蝦鬚鱗鮮味皆可珍忽一裸僧來偃
身旋轉手擎小木魚歷落作聲疾徐有節口諷梵語喃喃
以此和之蓋勸人布施於善也衆客求予作偈贈之因信
口曰歷落歷落又歷落費盡千聲與萬聲不若把魚拋丟
了出門一笑大江平又一篇不能記衆客闕座稱好好因
覺窻外一蛙其鳴壳落正應木魚之聲也多因此聲尋入
妄境云

跋司馬提學公與祝希哲手帖後 戊申

祝君希哲得司馬懼菴提學公教帖偶記轉囑周輩文要事文要之續公托嘗之矣其書吾蘇劉大參欽謨類集

國朝作者之文聚篇會章十年于茲未成完典而卒讀者尚病其未協精鑒自洪武爲載其間擅文名家者大參將畢錄之已凡若干名氏計三十卷又以洪武之遺遞及成化既沒之士稍稍於郡乘家稿及旁采傳記又得若干人中間掛漏無涯卽此尚不能悉致所集以備擇錄爲之浩歎借曰得致又患無目借曰有目又患不能聚之該處之靜歷之久以規其成也若梁昭明築臺以居文選始畢

耕石齋石田文鈔 卷九

三十二

姚右史越十年而文粹甫成呂東萊籍省庫藏蓄士夫家之假借以備文鑑蘇伯修之文類亦積二十年乃克就緒其類書之成之難有如此者故楊儀部君謙之題有必至終負之說雖然君謙辭遜而尚高自將立言成家以名天下後世誠無暇及此何怪其言之峻決也明古雖有終成之期言似確而志不奪亦欲損益禮樂以復古正化爲自任宜乎其不屑因人成事矣何此書之果終無成耶余謂必有成也是蓋 聖國之缺典百餘年來人材之蔚著作之夥鳴盛華國者實繫一代之文運自有不可扼而止者但未必必成余輩三四人之手使之汲汲而爲之也後當

有如東萊公者出亦未必文要之爲定名如文海之爲文鑑也余故謂必有成也矣

跋楊君謙所題拙書 壬子

君謙儀部爲予稱寃者似略予畫而謂有文章可重耳予何文顧辱儀部之知耶畫則知於人人者多于固自信予之能畫久矣文則未始問於人特今日見知於儀部予故難自信也蓋儀部愛之深而昧其陋飾其陋而溢其美也然畫本予漫興文亦漫興天下事專志則精豈以漫浪而能致人之重乎併當號予爲漫叟可矣

附錄君謙題辭

耕石齋石田文鈔 卷九

三十三

石田先生蓋文章大家其山水樹石特其餘事耳而世乃專以此稱之豈非寃哉予每見人於千里外致幣遣使索先生畫者而先生之文章不下於畫多也人雖好之未聞致幣遣使於數千里外之者也是人之愛畫而不愛文章如此乎夫先生之在今時主張風騷操持大雅則於所系亦不小矣是固宜時之名公達人時時遺問存禮薦達之也乃區區愛及繪畫之事不過以爲堂壁之障而已豈非先生之所深不欲者哉因觀此畫三嘆而題焉

題周寅之詩稿 庚戌

吳中詩派自高太史李廸後學者不能造詣故多流於膚近生滋殊失爲詩之性情言句寅之獨能探太史之旨而欲追及之可尚也矣

跋陳廷璧所書金剛經 辛亥

右金剛般若波羅密經三十二分釐爲三卷寔吾蘇甘節老人陳瑄廷璧手書作古篆三十二種以應三十二分爲文及間作今楷文次於行下使受持讀誦者便目順口不生齟齬老人作是布施用心至矣凡人誦此經者獲福無量況老人一筆一畫皆發於心華種種其獲當何如哉我今爲老人更加祝願曰從今伊始見年七十八歲於所耕石齋石田文鈔 卷九 三十四

榮贊

天茁此徒多取而吾廉不傷士知此味多食而吾慾不荒藏至真於淡薄安貧賤於久長後畦初雨南園未霜朝盤一筍齒頰生香先生飽矣其樂洋洋

白瑞石琴硯銘

瑞生變色而惡紫石翁潔已而守白抱材以相斯文假形以合貞德托新愛於桐鄉而封於卽墨

五十八自贊畫像

有何聰明有何才諳儒巾兀兀儒服楚楚大識不過一個丁字大讀曾無半部論語自視之乃草木之徒自望之將金玉乎汝紅樹青溪白雲孤興或坐而咏或行而歌聲隨意發亦不能沮聊樂我云自得其所不覺其年之五十有八忽鬚雪之如許敢怠夫好修之心必待盡而後已也

自題小像

七十四年我未識我丹青一面是否莫果傍觀曰真我隨可以真生假唐臨橘穎以假卽真物化蟲羸真假雜揉奚較瑣瑣但感白鬚長者半墮顧虛騰脅頤瘦摺髀嗚呼耕石齋石田文鈔 卷九 三十五

老矣歲月旣夥茂松清泉行歌笑坐逍遙天地一拙自荷

石田先生事略

虞山錢謙益輯

先生諱周字啓南姓沈氏別號石田人稱石田先生世居長洲之相城里曾大父良琛始開田以大其家大父曰孟淵生二子曰貞吉曰恒吉皆不仕而以文雅稱恒吉號同齋生三子先生嫡長也王鑒撰墓誌文先生生而娟秀玉立聰明絕人少學於陳孟賢先生孟賢故簡討嗣初先生子也諸陳皆以文學高自標致不輕許可人而先生所作輒出其上孟賢遂遜去行狀○楊君謙賢先生五經之子吟詩日煅日煉必作貴重風之聽者愛焉有侍姬曰梅花居士掌筆墨○祝希哲蘇材小纂

石田先生事略 卷十

云陳寬字孟賢號醒庵承嗣初先生之後善守家法卡服崇議出行鄉邦宛然高士風儀

年十五代其父爲糧長聽宜南京時地官侍郎崔公粹雅尚文學先生爲百韻詩上之崔得詩驚異疑非已出面試鳳凰臺歌先生援筆立就詞采爛發崔乃大加激賞曰王子安才也即日檄下有司蠲其役行狀

先生既長益務學自群經而下若諸子史集若釋老若稗官小說莫不總貫淹浹其所得悉以資於詩其詩初學唐人雅意白傳既而師眉山爲長句又爲放翁近律所擬莫不合作然其緣情隨事因物賦形開闔變化縱橫百出初不拘拘乎一體之長稍輟其餘以游繪事亦

皆妙詣追蹤古人所至賓客墻進先生對客揮灑不休所作多自題其上頃刻數百言莫不妙麗可誦行狀

先生詩雄深辨博開闔變化神怪疊出書法涪翁遒勁奇倔間作繪事峯巒煙雲波濤花卉鳥獸蟲魚莫不各極其態或草草點綴而意已足成輒自題其上時稱三絕墓誌

先生去所居里餘爲別業曰有竹居耕讀其間佳時勝日必具酒榖合近局從容談笑出所蓄古圖書器物相與撫翫品題以爲樂晚歲名益盛客至亦益多戶僂嘗滿先生既老而聰明不衰酬對終日不少倦風流文物

石田先生事略 卷十

二

百年來東南之盛蓋莫有過之者行狀

相城居長洲之東偏其別業名有竹居每黎明門未關舟已塞港矣閑以事入城必擇地之奧僻者潛焉好事者已物色之比至則僂滿戶外先生高致絕人而和易近物販夫牧豎持紙來索不見難色或爲屬作求題以售亦樂然應之近自京師遠至閩楚川廣無不購求其蹟以爲珍玩風流文翰炤映一時其亦盛矣墓誌

先生自景泰間已有重名郡守汪公潯欲以賢良舉之以書敦遣先生筮之得遯之九五曰嘉遯貞吉喜曰吾其遯哉卒辭不應行狀

先生為太保三原王公所知公按吳必求與語

不休一日論諫先生曰對章伏諫非鄙野人所知然

聞之禮上諷諫而下直諫豈亦貴沃君心而觸忌諱耶

公曰當今之時將為直諫乎抑亦諷乎先生曰今主聖

臣賢如明公又遭時倚賴諷諫直諫蓋無施不可公徐

出一章示之曰此吾所以事君者試閱之先生讀畢曰

指事切而不泛演言婉而不激於直諫諷諫兩得之矣

公以為知言同時文學之士為上官所禮者往往陳說

時弊先生不然曰彼以南面臨我我北面事之安能盡

其情哉君子思不出其位吾盡吾事而已然每聞時政

石田先生事略

卷十

三

得失則憂喜形於色人是以知先生非終於忘世者

先生事其父同齋無所不至同齋高朗喜客飲酒必醉

先生不能飲每為強醉以樂客同齋沒乃絕母張夫人

年幾百齡卒時先生八十年矣猶孺慕不已

士墓志云張氏唯亭故家也處士諱字彥廣世為公家

誨盜以明讀老於家女素純嫁沈恒吉按南坡為石田先生外祖即所謂夷亭張弟召病瘵不內處先生與

小舍也此志實先生乞之俱臥起者歲餘其天性孝友如此喜獎掖後進片寸

善苟有以當其意必為延譽於人尤不忍人疾苦緩急

有求無不應者里黨戚屬咸仰成焉

行狀

先生所著有石田稿石田文抄石田詠史補忘錄客產

新聞續千金方沈氏交游錄若干卷子雲鴻文學稱家

嘗為崑山縣陰陽訓術先生以正德四年己巳八月二

日卒年八十有三於是雲鴻先卒數年矣庶子復相其

孫履以七年壬申十二月二十一日葬相城西牒字圩

之原墓志行狀

沈氏故為長洲邑中大家中衰良琛始居相城能闢田

產以大其家生孟淵

姑蘇志沈澄字孟淵蓋亦以字行也

徵引疾歸臥江南有詩名於時而厚德雅量福履最盛

生二子其仲處士諱恒以字恒吉行別號同齋與其兄

貞吉同學於翰林簡討陳嗣初先生沈氏自徵士以高

石田先生事略

卷十

四

節自持不樂仕進子孫以為家法吳文定隆池所表

沈孟淵被薦不受官好自標致恒著道衣逍遙林館之

間每日設數筵酒食以待客若無客則令人於溪上望

焉惟恐不至也貞吉恒吉皆工唐律兼善繪事每賦一

詩營一障必累月閱歲乃出不可以錢帛購取故尤以

少得重家庭之間自相唱酬下至僕隸悉諳文墨並年

八十餘

同齋以成化十三年卒年六十九君謙誤也

同齋貌厚而神清溫然美玉也所居窻几明潔器物古

雅而奇石嘉樹掩映庭庀儼如畫中風日清美每被古

冠服登樓眺望神情奕然或時扁舟入城留止必僧舍

焚香淪茗累夕忘返善繪事妙處逼宋人然自重不苟作亦善爲詩落筆可誦

隆池序表

沈氏族最盛元末兵亂家業蕩析良琛始振起孟淵克復之以詩書禮義爲業當其燕閒父祖子孫相聚一室商確古今情發於詩有倡有和儀度文章雍容詳和四方賢士大夫聞風踵門請觀其禮殆無虛日三吳一時盛族推相城沈氏爲最君稟賦清秀穎悟過人工詩善繪事晚年謝世務寄情觴咏臨溪有樓登眺其上綸巾篋衣儼如神仙酒酣愛誦范石湖詩興至輒賡其韻時或命周和之訓導陳頤撰同齋墓志

石田先生事略

卷十

五

成化辛卯啓南既結有竹居其伯父南齋先生貞吉過之貽之詩曰東林移得閒風月來學王維住朝川紫陌桃花紅雨外滄洲野水白鷗邊滿斟濁酒無絲竹散雨新隣有石泉教子只留方寸地藍田何待玉生煙石田有次六首今見集中一時詞客和者數十人劉昌和云吳城東去新居好門徑蕭條帶遠川啼鳥落花春色裏斷猿古木夕陽邊酒瓢高興留山月茶竈清香煮澗泉卻恨無因共游詠明朝分手隔風煙臨川黎橫云新居僻住城東地高竹千竿水一川山色送春來望裡花香吹雨落吟邊開門延客炊新黍釀酒呼童汲遠泉幾共

石田先生事略

卷十

六

尋詩過南陌鬢絲楊柳亂輕煙吳寬云沈郎愛竹如愛玉家住陽湖似渭川選樹鶯啼江雨外看山人立斷橋邊花時擇勝頻移席日暮臨清或弄泉猶記艤舟曾一宿疎籬明月炤蒼煙王越云萬竹陰中新卜地數椽茅屋半臨川南風赤棗垂墻角細雨青芝布石邊湖海動人詩與畫尋嘗留客酒如泉老余猶憶相過處桑柘孤村未禁煙劉珏云移家獨向寒塘住舟楫何年肯濟川新句自題蕉葉上濁醪還醉菊花邊臨來古畫多洪谷關得名琴是響泉昨日敲門看修竹珮環無數落湘煙吳興張淵云愛汝石田茅屋好依然風物似斜川白蘋洲渚滄江外紅樹園林夕炤邊艇子打魚偏趁月山童洗藥每臨泉老夫欲問東家住分取瓜疇數畝煙吳僧善祐云江南隱者人不識沈東林勝杜樊川雲深樹老空山裏日暮舟橫野渡邊繞屋亭長迷曲徑當門花就流泉一藤來果敲詩約坐斷爐頭楫袖煙長沙李東陽云幽人住在竹深處種有青山濯有川歌耳夜聲來枕上卷簾秋色到牀邊詩翁愛詠娟娟雨稚子愁分晷泉我向北方空煮簞幾時還共斲春煙馬清痴云獨携真誥西林佳便是仙人葛稚川一箇茅亭修竹裏幾聲茶臼夕陽邊開抄玉子淦秋月細摘松花釀乳泉昨

石田先生事略

卷十

七

沈夢君高閣上晚來清思滿江煙鐫英云愛汝東莊多
種竹旁人錯認是湘川敲門僧立秋陰裏避雨猿啼屋
角邊最喜談詩揮白拂間因懸樹濯清泉相過定與髯
張約同棹輕舟破暝煙杭州沈宜云休文家在陽湖住
湖有貧簪似渭川險韻刊詩留節下涼陰牽夢墮臨邊
無人厭俗狂題鳳有客敲門共飲泉負我十年閒徑入
相思空隔滿林煙吳僧定徵云移家種竹楊湖上半似
湘川半朝川詩好日嘗題節下酒酣時復臥根邊掃門
延客還開逕煮笋供茶或試泉我記別來今十載出林
添得幾梢煙桑悅云幽居近水多栽竹此地新增漉玉
川于闕國孫王處到處江山空有待隨緣風月儘無邊
陶潛醉酒嘗眠石陸羽烹茶愛品泉多少新詩在寥廓
征鴻明滅帶秋煙廣原云卜得幽居地勢偏風光別是
一山川白鷗新水釣簾外鳥目斜陽挂頰邊統屋比隣
留墊竹清心琴筑倚寒泉隔溪西崦禪林近嘗聽鐘聲
出莫煙
予撫南畿五年矣弘治壬戌春巡行至蘇偶見長洲布
衣沈周啓南氏咏磨詩一首先生咏磨詩云盤盤軋軋
兩象合來分動靜一心存處得中庸兼收損益才無棄
不擇處梁德有容莫道頑身老難運運時還解變于鐘
味其詞意抱負亟召見與語不但富文學工詩詞妙盡

而已其於治理尤彰彰然予異之語久益奇若不欲其
輒去者則懇請曰小人母九十五齡矣旦夕不可離公
以正德丙寅卒
壽九十九歲

石田先生事略

卷十

八

又曰石田茅屋之下七十六年三原相公撫吳日辱召
見往來者微且賜詩適後足不敢至臺院者二十年於
茲嗟夫當今賢俊網密山林文墨之士殊不多見如周
者殆百千而一二見也且且夕不離母而非召不見古
所稱孝廉者非耶安成彭禮撰石田詩刪弘治辛亥
嘉定辛生黃淮刊知縣刪斷有跋
先生奉母寢膳不少離心有所往輒翼與刺舟望母旨
以從母有所善鄰嫗家燬於火先生延之家居與母共
室以終其身石田先生傳
四明張時微撰
先生家無羨積好赴人之急鄰人有失物者誤認先生
家物輒推而與之已而來還笑曰非公物耶嘗以重直
購古書陳之齋閣客見而驚曰此吾故物也失之久矣
某卷某葉嘗書記某事或者猶存乎發而視之果如其
言即全而歸之終不言售者姓名張時微撰傳
有曹太守者籍諸畫史繪察院壁點者竄入先生姓名
曹不知為何許人也遣隸人趣之或曰此賤役也盡謁
貴游以祈免乎先生曰義當往役非辱也且老人巾服
往供事焉曹入覲層八宰首問先生起居相國長沙公

問沈先生有書來否曹錯愕無以應吳文定在詹端以已所畜畫遺曹今致諸公且教之言曰來時沈先生方病無書也曹歸亟謁先生於相城先生歡然逢迎無幾微見顏色投謁郡治以謝卒不見曹而歸張傳○曹太守名鳳新蔡人

王文恪自內閣歸石田先生病亟遣人問之荅詩云勇退歸來說宰公此機超出萬人中門前車馬多如許那有心情問病翁字墨慘淡遂爲絕筆後二日而卒今集中不載顧元慶夷白堂詩話○劉鳳吳先賢讀爲吳吳年也劉之文定事不知文定之卒在弘治甲子先生六疎陋如此

石田先生事略 卷十

九

觀春雪秋興諸詩則知啓南憂國之忠觀家君賞菊侍行詩則知啓南愛親之篤觀送繼南弟執役及和陳啓東詩則知啓南交友之篤其它古今諸詩一皆雅則和平渾厚清婉無哀怨噍殺之音無狂憤粗厲之語至其裁剪之工譬猶東風著物葱蒨盈眸殊非刻畫可擬其運思之妙殆若驅神工役鬼物力奪造化泯然無形跡之可尋真無讓於古之以詩名家者矣成化甲辰鄒陽章軒年公獨醒衆流橫放四海一時風騷讓以右席蓋其家法固主放翁而神度所寄惟浣花耳公始命其子雲鴻持詩八編倩余簡次皆公壯年之作純唐格也後更自不

足卒老於宋悉索舊編毀去後學者皆不知此余猶爲惜之不巳公學練左氏傳平生語言義理皆左與杜也其集稿甚富有華氏沈氏二刻本淮陰王禪使又以所得百數篇成刻請序祝允明序

後世詩人學杜者不少不立其志而徒攻其詞吾未見其能杜也石田先生古之逸民雖曰遯世無悶而憂時憫俗之志未嘗去諸方寸凡有感於中罔不動於志而形於辭故其爲杜不必篇倣句倣而杜固在也弘治甲子慈谿張鉉序華光祿汝德刻石田分類序

楊君謙跋先生畫云石田先生蓋文章大家其山水樹

石田先生事略 卷十

十

石特其餘事耳而世乃專以此稱之豈非冤哉同時諸老如李文正吳文定輩俱惜先生以畫掩其詩獨君謙斷以爲文章大家當時知先生者未有如君謙之卓然者也今讀先生集中之文君謙信可謂具眼矣君謙跋及先生題語今俱載集中

沈先生啓南以詩名海內而其咏物尤妙予少嘗學詩於先生記其數聯如咏錢云有堪使鬼原非謬無任呼兄亦不來門神云簡爾功名惟故紙傍誰門戶有長情咏簾云外面令人倍惆悵裡邊容眼自分明混堂云未能潔已嗟先亂亦復隨波情衆同楊花云借風爲力終

無賴與水何緣却託生又嘗作落花詩云無方漂泊關
游子如此衰殘類老夫送雨送春長壽寺飛來飛去誰
陽城美人天遠無家別逐客春深盡族行懊惱夜生聽
雨枕浮沉朝入送春杯萬物死生寧離土一場恩怨本
同風皆清新雄健不拘拘題目茲其所以爲妙也詩話
都南濠少嘗學詩石田先生之門石田問近有何佳句
南濠以節婦詩爲對云白髮貞心在青燈淚眼枯石田
云詩則佳矣禮云寡婦不夜哭何不以燈字爲春字南
濠不覺避席歎服表白堂詩話

石田畫杏花鸚鵡一幅杏花全不點瓣而姿態橫溢枝

石田先生事略

卷十

十一

幹槎牙老勁鸚鵡作回頭欲語狀生動若神真奇筆也
上題云秦雲越樹路悠悠鎖掣金鈴百怨休中有能言
綠水鳥還呼萬歲一回頭弘治改元聞朝廷縱放百
禽作縱禽一首舊爲存理作杏花鸚鵡因錄詩上方亦
見草野老民歌誦 聖化如此秦季公故劄編

沈石翁落花詩卷前有惜餘春三大字是楊五川筆繼
以落花小景作落紅滿地一老人支筇對之後寫詩十
三首有小序云序與物流情緣事感老人偏能知此靜
者亦或同焉風雨聞於夜來芳菲減於早起滿慨一庭
之紅雨亂搔半响之白頭聊觸幽懷漫成鄙什用告知

輩以丐同聲後復有一跋爲西川孫翁作閱落花刻本
却無前序漫識之故劍編

趙中美畫先生像於其行樂圖先生題詩其上楊君謙
爲之贊曰身居林下名滿天下石田先生邦家之光人
知其名其觀其面伊何蔣生描寫盡善鬚白而疎眼碧
而神身披布衣頭蒙幅巾我初觀之驚歎握手其座何
人亦吾之友友謂誰氏淮陰趙君豪俠磊落江湖竝聞
先生之門賓從填塞情投分合獨愛此客碧梧一本自
拂高枝清篇八句自製新詞既觀筆跡復觀顏色先生
不出天下盡識

石田先生事略

卷十

十二

弘治庚戌先生年六十四琴川孫艾貌先生小像先生
題詩其上時方夏五故有綠陰如水微吟處紫袷含風
半暖時之句又題云世節以余有一日之長不鄙不學
或相有所問難又過於愛焉貌陋客於此紙尚期永藏
之百年後猶屋梁落月耳併存口號如此吳人徐霖題
云顒顒笑語春風面健步南山未倩扶若坐小車入城
市有人認是邵堯夫晚生陳琦題云憑誰寫此東林瘦
走卒兒童盡謂真自有道腴非在筆小詩重複爲傳神
又有朱存理張鈇錢仁夫及艾諸詩像今猶藏孫氏秀
目豐頰渥顏頰鬚真神仙中人也艾字世節別自號西

川亦有畫像石田爲之贊稱八十三翁沈周蓋是年先生卽下世矣鄧轅文度贊西川像云開門延萬里不羈之客赤手鑿千仞未闢之山生平知已東湖石田東湖者錢仁夫士弘也

予於歲甲戌夏四月訪石田先生先生謂余曰吾年六十則更號白石翁矣適有道士携先生擬雲林畫竹索題余爲題詩曰千畝何嘗貯在胃出塵標格有仙風疎髯短鬢俱成雪消得人稱白石翁先生見而署詩之後曰自此稱白石翁矣余後見其所作詩畫皆用白石翁印印爲赤松山農金元王製丙午先生六十余携酒爲

石田先生事略

卷十

十三

壽坐客滿全慶堂先生戴吾家山谷老人舊製巾著白練羽服古玉鈎腰間條足躡絛履持商時爵斟洞庭春色勸客樂甚先生道氣仙骨超然物表雙瞳碧閃崖下電顏紅潤如童若服仙家還丹者橫應龍白石翁畫花主人圖記石田翁爲王府博作此小冊山水竹木花果蟲鳥無所不具近時畫家可以及此者惟錢塘戴文進一人然文進之能止於畫耳若夫吮墨之餘綴以短句隨物賦形各極其趣則翁當獨步於今日也吳原博題石田畫冊沈啓南以詩畫名吳中其畫格率出詩意無描寫界畫之態畫家者流乃以分寸繩墨指而病之豈未知芭蕉

爲雪中物耶亞卿楊公得此卷於趙中美氏當爲童筆近吳人所携贗本充人事似此卷者蓋予不深於畫每愛啓南之詩見其屋烏若無不可愛者故爲一辨李涯書楊侍郎沈啓南畫卷

秋堂風生筆如掃沈郎作畫不作稿高崖拔地雲出山怪石樛枝半欹倒人家散落蒼茫外指點平沙入荒草咫尺真同萬里游令人忘却長安道吳山青青吳水白聞說沈郎今已老白頭元老得歸來青雲不如白雲好腰金衣紫非吾事亦欲相從問洲島酒醒日落雁孤飛佇目書回及春早弘治戊午李西涯題徐文靖公啓南山水卷

石田先生事略

卷十

十四

石田先生風神玄朗識趣甚高自其少時作畫已脫去家習上師古人有所模臨輒亂真跡然所爲率盈尺小景至四十外始拓爲大幅粗株大葉草草而成雖天真爛發而規度點染不復向時精工矣湯文瑞氏所藏此幅亦少時筆完菴諸公題在辛卯歲距今廿有七年矣用筆全法王叔明尤其初年擅場者秀潤可愛而一時題識亦皆名人今皆不可得矣文徵仲題石田臨王叔明小景沈啓南畫筆筆用焦墨人易於摹榻一時僞作甚多然得具眼者踐徑了然自別不難也嘗聞其所爲過吳江圖而未之見駕部徐君間以示余豈卽此物耶吾邑多

水田絕無高丘大木圖乃有之蓋以識松陵也卽此已不可與專求形似者語矣周白川跋吳江圖

沈啓南嘗寓西湖寶石峯僧舍爲求畫者所窘劉邦彥嘲之云送紙敲門索畫頻僧樓無處避紅塵東歸要了南游債須化金仙百億身又寶峯僧樓看啓南畫因懷畫中詩人存沒云尋僧重上寶峯樓對景興懷不自繇東海傷心諸老散西湖回首十年游摩娑舊畫題新句慚愧青山對白頭空負梨花一尊酒無人共載木蘭舟又湖上逢啓南云僧樓重會沈休文把酒看山興絕羣一道泉聲池上落兩湖春水座中分苦吟野鳥如憐我

石田先生事略

卷十

十五

不飲山花亦笑君須把老懷傾倒盡毋勞別後賦停雲張靜之送啓南云一月湖山踏翠微紅塵不上木綿衣看花偶與東風便放筆欲將西子歸班白才名推禹錫丹青家法過元暉平生詩畫留情處不是閒行見亦稀又題啓南湖山畫云山通城郭水通岐晴日登臨雨日思四百八十可游處三萬六千堪醉時蕩漾黃金湖上景留連白髮畫中詩直須倒景窮玄賞欲借孤山放鶴騎湖志成西
常至翁讀書處見東剡藤萬箇墨鵝溪滿篋被人且催夕迫如風連舊欠無所逃避因指而言曰吾在此債不

休吾死則已矣

黃應龍畫記

人言石田翁好異聞有欲得其圖畫者輒譚鬼怪之事以動之事窮或湊合而成故失之誣者頗多聞門陸汝器淳實人也於鬼怪之事非惟不能談亦不欲談而所得翁圖畫不啻百十幅則人言其可盡信也哉吳匏菴跋越僧某索畫於石田翁寄一絕句云寄將一幅剡溪藤江面青山畫幾層筆到斷崖泉落處石邊添箇看雲僧翁欣然盡其詩意答之夷白齋詩話

子瑾鄉契過山中知有吳下之行且將躬訪石田輒此上問廷器託請佳製今四年矣弘治元年篁墩被放過吳門有寄石田求畫詩

石田先生事略

卷十

十六

豈以俗士不足當無聲之詩耶抑或以爲稍有知故非得意者不欲相卑也子瑾將裏糧叩門不識先生何以處之草草布此幸發一笑程篁墩簡沈石田

吳匏菴題石田追倣黃大癡長卷云大癡道人顧長康平生癡絕仍畫絕長卷當年我亦觀大略猶能爲人說山川歷歷百里開彷彿扁舟識吳越平林曲岸客共游複嶺長湖天所設漁工樵子互出沒定有高人在巖穴墨瀋淋漓拾未能信得畫家山水訣爲人說此亦徒然把筆安能指下傳對本臨撫未爲苦運思想像誰能專晴憲設色手自改輸與吾鄉沈石田匏菴集

又題石田畫云纔毫濃墨信手寫長卷初開是誰者溪
泉山石斷復連亦著茅亭在林下石翁足跡只吳中意
到自忘上不工平生所見亦不少但覺一幅無相同紛
紛僞作到京國欲以亂真翻費力我方含笑人獨疑真
跡于今惟水墨我觀此畫雖率然老氣勃勃生清妍江
湖欲尋具眼識須上米家書畫船

程克勤爲張通守題沈啓南畫障云石田老翁非畫師
胸中丘壑天所私揮毫便覺真趣發意到豈借丹青施
通守張君畫成癖半幅生綃比金壁望中謂作雲門山
遊人擬辦登山屐峯迴路轉溪流長誰向石林開草堂

石田先生事略

卷十

十七

風簷舉手欲相問扁舟載客來何方老人畫出今人上
鄉評未數黃公望一石俄成斧劈痕不類羣羊更奇壯
石田隱處輕輞川秀句却似王維傳吳歌一日變楚語
楚詞一曲幽芳懶開春花妍我從胥門入回過古寺長
邀聽經坐老人不惜與畫山擊節詩成幾人和尚方有
詔徵遺才白髮蒼顏能一來還君此圖意無限停雲正
統姑蘇臺望墩集

先生畫致道院古松題詩其上云綠樹黃鸝尚有春惜
無笠屐佐清真隔船山好非生面敗興雨來如俗人濕
座酒杯淹倦客開鄉旗鼓阻游神諸君本是邑中秀倡

和短篇須意新又題云弘治改元三月二十七日久雨
發霽以虞山近而可游遂命舟往其晚止山麓治具約
早登及聞土神出游有太平鼓板亦幸記其熙皇之象
夜半雨復作其興之頓敗人事物情各相悞計將
還孫君世節桑君民奇冒濕來訪少頃顧君應和携酒
及海魚亦至小酌賦詩甚可撥悶應和席次談及致道
前院古松枯而復茂捉筆圖此特幹今年辛亥應和裝
池携來聊復爲之潤色記二三知己聚首談謔屈指俄
已三易寒暑嗟流光之如矢歎會晤之不嘗因用前韻
再賦一律云山靈相望幾經春藍筍登臨夢是真白髮

石田先生事略

卷十

十八

乾坤嗟過客青尊風雨憶閒人榮枯松色終成幻今古
詩狂定有神展卷自今增感慨流光如擲盡如新
先生居相城望虞山甚邇有北窻最愛虞山色之句游
虞山詩畫最多弘治庚戌始登拂水崖留畫於僧房題
五言詩其上云弘治庚戌三月晦顧君應和以余未登
拂水崖携酒邀余試遊是日雨作阻晚始霽遂奮歷峻
顚以盡水觀就宿性實老僧東寮留此紀游也詩今載
集中者與真跡稍異蓋刻本是改定者耳後有昆湖瞿
吳匏菴題啓南寫游虎丘圖云啓南初游靈巖遇雨明
日旣霽乃與海虞周景新游虎丘因寫此圖并有詩記

石田先生事略

卷十

十九

其事李貞伯云是日亦在陽山遇雨而歸陳永之謂雨霽日獨以事在陽抱山恨不能與啓南同樂也皆有詩題其上景新屬余和之雲巖不減靈巖好昨日胡爲涉行潦千人石上兩青鞵日出深林歌杲杲一時取樂能償勞水西山北爭探討礪泉漱齒心亦清石壁題名手迴掃西去陽山十里遙冒雨有人歸不早明朝見話入雲巖扼擎捫須空懊惱好山不趁晴時游此事已差何足道安知猶有獨游人隔水相望在陽抱何處移來此畫圖我方起觀俄絕倒詩情盡意各有在歲月依然仍可考蟲雞得失不須爭泡影死生難自保已永再到京

華住六年飽翁頭顱欲全皓江南歸計有時成次第山行非草草臥游且把畫圖開鶴澗松菴亦天造翻嫌二客不能從回望周郎與東老貞伯詩云陽山之西靈巖東東西是日風雨同不知何苦事遠役蹇裳濡足泥塗中我行欲得僕子怒君歸乃有良友逢雲巖虎阜作勝賞山花野鳥俱歡悅我時聞之須逕造入據上坐誰不從無緣得償昨日苦誦詩觀畫徒忡忡人生會合亦偶爾得失何必論雞蟲不如置卷且高臥蕭然一榻來清風先生二詩見庚子集中茲錄鮑范二詩以識前輩風流如此

石田先生事略

卷十

二十

吳原博爲層大理題石田畫云生綃文許畫者誰石田老人今畫師年來都下家家有此幅吾知出親手筆意縱橫信所之夾岸脩然已疎柳溪陰欲度無舟楫萬杙成橋遠相接何處詩人跨瘦驢破帽歌風粘落葉兩山對峙開高閣豁訝梵宇容千閤半空丹艤勢突兀雪竇天台真等閒老人昔共游虞山此景彷彿曾躋扳昆湖蕩漾臨几席水繞漁莊凡幾灣京華十年走塵土看畫分明能破顏山林在望鳥飛倦春到江南吾欲還先生長於鮑菴八年鮑菴未第時與先生唱酬甚多鮑菴官修撰以父病乞歸省遂終制成化戊戌先生有兩夜宿鮑菴宅詩鮑菴過啓南有竹別業閣李成畫觀商乙父尊有五言今體詩同游虞山各有五言古詩三首是年鮑翁爲先生之父同齋作隆池新軒表已亥鮑菴服闋還京先生有送行七言長篇有贈行手卷長五丈許凡三年而始就舊藏太倉王弘治中鮑菴以吏侍丁繼母憂丁巳服除宿啓南宅風雨大作有次韻詩訪啓南舟中望虞山憶與啓南同遊二十年矣有七言今體詩三月鮑菴赴上啓南有和東坡清虛堂韻送別詩謂年老難別拏舟送至京口鮑菴途中贈詩有杖屨相從須有日臨岐詩卷最堪憑之句先生次韻云客邊櫻笋猶鄉味一夕清談酒

漫憑此後不復相見矣

飽翁詩云行經錫谷入毘陵豈是山陰興可東千里綠
波隨客去中宵白髮向人增老年教祝惟多愛厚祿深
懷抱不能平又記南來宿日臨詩最堪憑○連朝
故人同交生白頭相對猶花明正德丁卯七夕先生題
飽翁倡和詩卷云賢往思存事不平笑答何處是仙城
兩詩在世留離別一夢驚心異死生化鶴歸來待華表
翻鴛宿地記郵程夜澄惆悵
重披卷清溪潛潛坐到明

徵仲次韻石田題飽翁臨終手書云百年韓孟氣相投

四海平生幾舊遊豈謂書來隔今古空餘迹在想風流

蹉跎鄉社成長負珍重交情到死休莫怪獨持遺草泣

江東菰米爲誰秋王守溪跋云文定以甲子七月十日

石田先生事略

卷十

二十一

奄逝此札作於是月之六日相去四日耳點畫法度其
在言詞溫潤諄切與平日無異也公于石田最厚往來
簡牘尤多而此札則若與永訣者故尤重之寶之田見甫

集二

石田先生留詩東禪命壁牽和久而未能寺僧天璣出
以相視于是先生下世三年矣感今懷昔撫卷悽然因
次韻題其後詩云杖屨空然記昔年高情無復看雲眠
溪堂白髮留遺炤堂中前先生遺像竹榻清風感斷緣奄忽流
光驚夢裡蹉跎殘諾負生前只應舊事僧知得酒淚同
看獨夜篇先生原倡云清溪作別過三年家裡藤床久

病眠今次又逢櫻筍候舊游追憶壯丹緣再期踪跡何
知後太覺筋骸不及前愛是芭蕉滿新綠燒燈連夜寫
新篇正德己巳四月廿一日過清溪精舍不到三年矣
寒衰步履良艱出遠非清溪厭客也天璣欲志數語因
留此篇老人思致不能副其雅情惟徵明和而連貫則
可甫田集

雨中簡篋得石田丁卯歲贈詩云多時契濶費相思就
見江城喜可知時事但憑心口語老人難作歲年期林
花及地風吹糝簷溜收聲雨散絲明日孤踪又南北教
雲封記壁間詩後題五月初一日適是日亦五月初一

石田先生事略

卷十

二十二

及今丁丑恰十年而先生下世八年矣因追和其韻以
志感歎甫田集

文徵仲哭石田先生詩云苦雨淒風玉樹零吳山還秀
水潛神此公要自關千古一代緣知不數人摩詰丹青
聊玩世龜蒙隱約遂終身及門曾是通家客目慘愁雲
淚滿巾不堪惆悵失瞻依手把圖書夢已非文物盛衰
知數在老成凋謝到公稀石田秋色迷寒雨竹墅風流
自夕暉未遂感恩酬死志此生知己竟長違又宿相城
懷石田先生云何處重瞻處士星草堂突兀夜燈明風
流已與人俱盡手澤空憐物有情依舊短牆圍竹色不

禁高樹起秋聲傷心未了生前約漁子沙頭一櫂橫

集

王舍人畫竹枝二枝贈陳孟敷題詩下方云征衣漠漠帶風沙暫得歸來重可嗟在客每憂難作客到家誰信却無家解裝差賞鄰翁酒借榻初分野納茶堪嘆此身淪落久夢中猶自謫天涯孟敷與僕雲內先後南歸相去百里間不遑一見乘便寫此竹奉寄并錄初歸詩去發一笑也庚辰五月絃石田翁題詩云故園歸計似搏沙萬事荒荒付一嗟蟻國不須論幻夢燕巢今已過隣家贈人墨老流離竹借榻詩存感慨茶百歲此圖三展

石田先生事略

卷十

二十三

轉後來得失尚無涯跋云洪武庚辰王舍人孟端與孟敷陳先生同涉難北歸間為此竹及詩以寄孟敷於余家亦有世好陶菴世父因轉得之陶菴觀化後又失去余今復得恍然如夢念夫先輩情致翰墨今不可得又念得失相尋而不偶於不相知者亦不可得遂和其韻以識感慨人知舍人之竹之妙而不知其孤高之節與竹可符聞在京邸月下有吹簫者甚清微明日往訪其人乃一商也因寫竹以贈笑語曰我爲簫聲而來以簫材報之商不解事乃出二絃段再拜以壽乞爲配寫舍人以竹裂之而去曰我來豈徵貨哉於手前輩不屑流

俗如此自重兩平清風非但余有故而寶之世皆可因人而寶矣弘治甲子中秋日後學長洲沈周題於平安亭以甲子距庚辰得一百八年余亦年七十有八云衡山先生題詩云落日懷人漁子沙淒然長笛不勝嗟風流未泯看遺墨造化無情感故家有竹庄中春咏雨玉蘭花底畫分茶十年陳跡千年夢人事推移豈有涯跋云偶閱石田先生故物不勝流落之感因次原韻如此漁子沙先生所居有竹庄玉蘭花皆其家所有也時正德十四年己卯去先生之卒十有一年矣午月望前一日契家子文徵明記故劄編

石田先生事略

卷十

二十四

王君虞卿嘗得沈石田翁畫卷聯楮十有一幅長六十六尺意象已具而點染未就以徵明嘗從游門下俾爲足之自顧拙劣烏足爲貂尾之續哉憶自弘治乙酉謁公雙蛾僧舍觀公作長江萬里圖意頗欣會公笑曰此余從來業障君何用爲之蓋不欲其以菽事得名也然相從之久未嘗不爲余盡大意謂畫法以意匠經營爲主然必氣運生動爲妙意匠易及而氣運別有三昧非可言傳他日題徵明所作荆關小幅云莫把荆關論畫法文章胸次有江山褒許雖過實寓不滿之意及是五十年公沒既久時人乃稱予善畫謂庶幾可以繼公正昔

人所謂無佛處稱尊也此卷意匠之妙在公可無遺憾
若夫氣運微明何有焉嘉靖丙午四月望後學文書之

與畫同一法二者功深而有得至於得筆可謂難矣又
進而格韻高雅斯尤難也然格韻係人品之超邁性情
之冲曠同學之通博古稱士之名世者必晚畫雖有不
曉者蓋鮮謂格與韻也近代畫法在吳中而歸於石田
沈先生於其製每以韻格觀之先生高蹈湖山之間又
有文行畫其餘事四十年來吾意此道絕矣而衡山文
先生起其望與之茲顯所以重其畫者同也此溪山長
卷爲石田未卒之業海虞王先生虞卿購得之藏之數

石田先生事略 卷十

二十五

十年請衡山爲之補筆布置敷染各備妙理海圖文繡
破圻不見補綴之跡君特請余題其傳雅好古計其所
蓄之富無逾於此余之迂拙每見畫之佳筆其神恒入
毫素忽觀此幅如在山陰道中聞松風水聲應接不服

也丙午仲夏節報
也通於紫琳山堂

余至姑蘇在衡山齋中坐清譚竟日見衡山嘗稱我家
吳先生我家李先生我家沈先生蓋卽鮑菴范菴石田
其平生所師事者此三公也一日談及石田之詩曰我
家沈先生詩不經意寫出意象俱新可謂妙絕或經改
削反未必盡佳今其刻集中亦間有不滿人意者因口

誦二三十首多集所不載大都先生率意之作也何良

吳郡丹青志神品一人附三人 啓南先生畫自唐宋

名流及勝國諸賢莫不兼總條貫攬其精微每營一障
則長林巨壑小市寒墟高明委曲風趣冷然使夫攬者
若雲霧生於屋中山川集於几上先生父恒字恒吉伯
父貞字貞吉竝善丹青風格明秀時謂趙文敏同流恒
吉之畫師杜用嘉先生沈先生之作集厥大成其諸金
聲而玉振之者與二父庭聞杜公私淑其有以陶育之
也夫王穉登吳郡丹青志云太倉王司寇題石田畫云
也夫相城權樵老人沈公濟書五百谷推爲神品出其

石田先生事略 卷十

二十六

子啓南之上按公濟名遇號樵樵見姑蘇志及杜東原
行實而百谷所云則石翁之父同齋也又未嘗云出其
子之上司寇

程克勤題黃鶴山樵爲沈蘭坡作小景云蘭坡孫啓南
求題蘭坡者啓南曾祖良琛也鮑菴亦有詩云黃鶴山
人樵古松踏月夜訪蘭坡翁浴鵝溪邊放杯酒尺素頻
發青芙蓉蘭坡之子孟淵號親菴先生劉元菴有沈親
菴西庄賞燈詩及挽親菴詩劉草窻有親菴詩俱載集
中

劉完菴寄沈同齋詩云藥欄花逕斷紅塵坐閱昇平五
十春親紙有書皆晉體錦囊無句不唐人新圖寫就多

酬客美酒沽來只奉親昨夜天涯憶君夢西風吹過楚
江濱又題畫扇寄沈南齋同齋云雪後西庄似輞川泛
舟猶憶十年前梅花落盡城頭角猶自談詩夜未眠又
留別沈繼南云珠出深淵玉出田故家今見季方賢多
情最是門前柳一繫春風昨夜船完菴集

沈丈啓南藏 胡繁番騎圖 郭忠恕雪霽江行圖上

有徽宗御書江行雪霽圖郭忠恕真跡十字李西涯吳

敬題七謝康樂半身像翠玉冠蘇滄浪蔡端明蘇文忠

文定山谷海岳諸賢遺墨共一冊 宋人摹周文矩宮

中圖一卷有紹興間張澹岩跋 山谷書老杜律詩二

石田先生事略 卷十

二十七

首大字 王文正秦淮海米海岳樓攻媿楊慈湖諸賢手

帖一卷 蘇文忠前後赤壁賦李龍眠作圖隸字書旁

注云是海岳筆共八節惟前賦不完 龍眠畫女孝經

四章每章亦龍眠書 林和靖與僧二帖啓南與吳

頤次東坡韻蔡端明自書絕句詩 海岳自書詞一卷

李忠定書一張忠獻書一趙忠簡劄子一外小帖一

呂忠穆李莊簡書各一共一卷陸鼎儀李蔡蘇黃米真

蹟一卷 張忠獻父子與虞丞相劄子 山谷書馬伏

波廟詩一卷谷自有跋大趙子昂臨伏生授書圖始鄧

侍郎程雪樓徐子方盧疎齋諸公詩 劉僉憲廷美藏

僧巨然赤壁雪屋會琴二圖有金趙開諸人詩又高

克明山水一卷宋秘府物今皆歸沈氏蓋僉憲長子石

翁之婦夫也都玄敬寓意編鮑菴題高克明溪山雪

啓南後有徐天全跋克明宋仁宗時石田收藏又有李

成畫 商乙父尊見鮑菴詩悅生蘭亭精妙不減定武

見文徵仲王

石田翁奚川入景畫卷題詩云奚川乃在虞山北大江

長統連橋木喬木之家武肅孫世居川上事畊讀江邨

小市開川旁四方貨物來大商廣利新橋似龍臥壯麗

一任行人過茅屋書聲宣聖言一編在手琅琅然滄洲

石田先生事略 卷十

二十八

漁唱有真樂欸乃聲中任漂泊回首長江夕照移暮霞

掩映光陸離凝眸先曉白雲繞松栢蒼蒼四時好況有

柳溪環碧波天光雲影相盪摩爭羨竹深遠凝翠翠陰

羃羃鶯聲碎武肅之孫白玉雙名此八景揚芬芳索賦

繪圖表清絕吟憲閣筆懷瀟湘跋云理容理平昆玉過

予有竹居持鮑菴諸公奚川入景題咏乞予補圖并系

拙句時癸巳夏日也

余七世祖理平府君與其兄理容存君世隱奚川撮其
勝槩釐爲八景石田翁爲作此卷不知何時失去廣陵
李注修見之於金陵王氏知爲吾家舊物購以見遺
百三十年之後頃還舊觀焚香誦詩文撰次其事略而此
卷忽焉末歸豈石翁精神冥感若或使之也耶余謝而此

敢當也六世祖益齋府君少石翁一歲亦與翁厚善翁
有贈府君八十壽詩又為府君作松鶴大福奇偉特甚
題詩其上云曾聽仙禽喚九臯夢中彷彿見羣翔不知
何處徵佳兆看取他年入綉袍曾祖王父虛庵府君獨
子孫慎守之以無忘石翁綉袍之祝亦幾失而復得之
今與此卷俱為吾錢後人寶王大弓矣崇禎壬申謙益
記附

石田先生事略 卷十

二十九

玄鏡生長粵中襁褓時輒聞 先太
保談石田先生詩畫云甲午正月奉
先太保骸骨歸里讀書耕石齋見宗
比玉題額跋語知為 先太保藏石
田卷軸處 國家空敗妙畫破厨不
獲一觀壬寅夏學詩于外舅氏得耕
石齋石田詩鈔讀之歸訊刻板歸然
獨存遂乞諸伯氏出公同好庶幾剞
劂初心云爾孤兒玄鏡識于虎丘塔
影園

耕石齋石田集九卷

兩江總督
採進本

明沈周撰周有石田雜記已著錄是集乃瞿式耜
所刪定凡詩八卷文一卷其詩與華汝德本互有
出入文則華本所未收然周詩猶以天趣勝文則
更非所長徒爲贅疣矣

桂坡集後集九卷

〔明〕左贊撰

常熟市博物館藏明刻本

附《四庫全書總目·桂坡集十

五卷》提要

論豫讓

曹娥碑

楊補之

七賢過關

蘭譜

訓學

江郎

卷之四

題跋

恭題先公遺墨後

墨梅跋

跋文山為苗再成題畫墨蹟後

跋家藏夏珪雪景

跋饒立先世手帖

桂坡各體自跋

張伯雨隸書跋

書冊跋

跋忠勤蕭慎四卦

同年燕集圖跋

跋鮮于太常墨蹟

原缺第一、二葉

書慈訓堂後

書四體後

書縣丞先兄墨蹟後

書張御史墓銘後

解縉紳學士文集

坡詩正謄

卷之五

箴銘贊

改過箴

學聚齋箴

桂坡後身錄

隱求齋箴

持一箴

合硯銘

桂坡小像自贊

古愚齋贊

潘母貞節堂贊

張駕部像贊

又小像

卷之六

文

武靖伯誄文

陳剛中先生入鄉祠文

告寧波城隍文

靈豐廟祈雨文

謝雨文

祭楊考謚先生文

祭助教胡欽齋先師文

祭愈文

祭直講李先生文

焚黃告文

桂坡後身錄

告考妣文

祭胡宜人文

祭悠文

祈雨文

祭唐秉元給事文

祭少保姚文敏先生文

祭周布政文

祭韓永熙都憲文

祭彭太師文

高節婦傳

五

先恭人行狀

故妻宜人胡氏礪記

卷之七

序

南陽蘇氏家乘序

送綿州劉學正序

送陶海州序

曆解易覽序

赤石賞花詩序

贈參政楊君序

律坡後集錄

馮汝清字序

友竹軒序

卷之八

記

十賢樓記

建昌府儒學重脩文昌閣記

遊玉泉山記

榮祿記

仁和堂記

密辨大端兄弟字說

周德明兄弟字說

卷之九

方外稿

廣洪厓真人傳

答朱文則論鳴山

六祖仁院記

敬中字說

比丘聰悟虛贊

贈別餘抗僧文鼎

楊全中純白齋

律坡後集錄

題守元道人卷

答謙禪師築藍挑水上高山

桂坡集卷之一

後集

殿試

皇帝制曰朕惟帝王之治天下必以求賢安民爲首務蓋古今之所同也然古之士進以禮退以義爲上爲德爲下爲民今何其立功之志弱而利祿之心勝奔競之風未息而廉介之節少著其失何由古之民有恒產有恒心家給人足比屋可封今何其務本者少而逐末者多踰薄之習寢長而禮讓之俗未興其弊安在朕自復位以來圖惟治理夙夜靡寧求賢必真才安民必欲獲實效將使士正其習民淳其風幾唐虞三代之盛必有其道子大夫其援經據史酌古準今明以條陳毋曲所學毋卑所志務求切至之論朕將擇而行焉

桂坡集

臣對臣聞爲治必有其要原要尤有所先蓋求賢安民治天下之要也而脩身又其要之要者也孔子曰爲政在人取人以身又曰脩己以安百姓大學以脩身爲治平之本中庸以脩身先九經之目書曰慎厥身脩思永孟子亦曰天下國家之本在身大哉身乎其萬事之根柢萬仁之權輿乎以是身而求賢則真才無不得以是身而安民則實效

無不臻而士習之所以正民風之所以淳治道之所以盛又豈有外於是哉欽惟我朝

太祖高皇帝惟天生聰明時又天錫勇智表正萬邦肇脩人紀俊乂在官黎民敏德而治化卓冠百王一本諸脩身以先之也

太宗文皇帝奉若天命輯寧邦家重華協帝不闢鴻猷群賢彙進萬民咸和而德教溢于四海一本諸脩身以致之也

仁宗昭皇帝

章皇帝以聖繼聖率由舊章建官惟賢欽福錫

桂坡集

上深仁厚澤覃被于天下又豈非脩身之明驗乎

皇帝陛下

聖神天縱曆數在躬心二帝三王之要道紹

祖宗列聖之宏規日御經筵緝熙

聖學不邇聲色不殖貨利不事遊畧仁孝恭儉之德

信于天下有年于茲今者應天順人光復

大寶整頓綱維進退人才動合公論

天命之眷顧維新人心之嚮戴斯切亦

陛下端本正始自貽哲命之時因時順理乘勢有爲之會也所以六五帝而四三王所以康兆民而衍

萬世太平之景運者端在此時矣凡居覆載之間
稍有血氣之屬莫不延頸舉踵觀聽風而臣適
逢斯時叨與子大夫之列首辱賜對得近

天日之光感幸之深願罄一得之愚對揚

聖明之休命竊惟海宇之廣億兆之衆一人不可以
獨治必賴賢才交脩庶職然後能成厥治故曰惟
后非賢不乂民惟邦本本固邦寧民心無常惟惠
之懷必得民心之歸然後克臻夫治故曰后非民
罔以辟四方在知人在安民二者誠治天下之要
也稽之唐虞三代之時疇咨登庸詢岳闢門旁

推後錄一

主

俊彥憂帝資予臯克知三宅克用三俊其所
以求賢之道隱可見矣黎民於變萬邦咸寧六府
孔脩三事惟和子惠困窮民服厥命罔有不悅惠
鮮鰥寡懷保小民其所以安民之道隱可知矣故
當是時黎獻有共惟帝臣之願四方有風動之休
比屋有可封之俗人人有士君子之行抑宜無自
而然哉觀克之克明峻德舜之溫恭允塞其所以
脩諸身者何如禹之克勤克儉湯之克寬克仁文
武之徽柔懿恭無競維烈其所以脩諸身者又何
如是以治化之盛有非後世所能及也若漢唐宋

之英君諠辟非不求賢安民爲務而於斯之
道或未能盡故其爲治止於漢唐宋而已且古之
爲士者內重而見外之輕得深而見誘之小雖未
嘗不欲仕而亦未嘗苟於仕禮主於辭遜故進以
禮義主於斷制故退以義其難進而易退也如是
尚何屑奔競之爲哉爲上爲德則責難陳善以輔
成君德爲下爲民則輔翼匡直而澤潤生民其德
業之式建也如是尚何爲利祿之計哉迨世不古
其爲士者銜王求售枉已徇人未得之則患得之
得之則患失之惟其利祿之心勝是以立功之

推後錄一

四

心弱也朱彝一開燕雀駢集高竊徒設苞苴潛行
小則幸一顏之接大則冀終身之庇惟其奔競之
風未息是以廉介之節少著也其失之由士氣之
不作故爾文天祥曰壯正人之氣養公論之鋒誠
能收君子以壽直道之脉則權貴塞納賄之門小
人無幸進之路而又申嚴黜陟則凡厥庶位咸以
盡職爲榮而奮立功之志以素飭爲耻不屑利祿
之計恬退相高而奔競之風自息貪墨是戒而廉
介之節自著士習其有不正哉若夫五畝之宅樹
之以桑五十者可以衣帛矣雞豚狗彘之畜無失

其時七十者可以食肉矣百畝之田勿奪其時數口之家可以無饑矣仰足以事父母俯足以畜妻子惟有恒產故有恒心德業相勸惡難相卹習何善也行者讓路耕者讓畔俗何美也迨世不古民事遊惰耕田鑿井而力於本者猶晨星晚露焉蠅營狗苟而逐乎末者則日新月盛焉禮義廉恥之道乖而媮薄之習寢長孝弟忠信之道虧而禮讓之俗弗興其弊所在民無恒產故爾孟子曰民之爲道也有恒產者有恒心誠能制民常產薄其稅使之得以遂夫仰事俯育之心得以安夫耕食

梓潼後一

五

羞飲之天而又申明教化則凡厥庶民均知農事不可緩而務本者多矣遊惰之可羞而逐末者寡矣考德問業而媮薄之習自革樂善循理而禮讓之俗自興民風其有不淳乎

陛下端拱穆清勵精治理登庸俊良左右前後罔匪正人而求賢已得夫真才子惠黎元所欲與聚所惡勿施而安民已獲夫實效又進臣等於廷務求切至之論而首以夙夜靡寧之一言臣有以知陛下爲不世出之英主其即古先聖帝明王體道謙中不自滿假宵衣旰食不遑寧處之心也臣惟爲

治固以用賢安民爲本而用賢又安民之本也易曰養賢以及萬民書曰敬爾有官亂爾有政以佑乃辟永康兆民是已然其要又本諸脩身焉故臣惓惓以是爲言

陛下誠能脩身以求賢是即所謂用人惟已者矣真才豈有不得者哉誠能脩身以安民是即所謂知保赤子者矣實效豈有不臻者哉以之而作士氣則士知學古而習罔有不正以之而厚民風則民德歸厚而風罔有不淳又何唐虞三代之盛之不及哉

梓潼後一

六

陛下所以策臣者臣既略陳其緯於前矣而於終篇願有獻焉夫求賢安民固本於脩身而身之克脩又在於明與剛也故曰君心莫大乎明君德莫大乎剛然明非苛察之謂所以灼善惡之歸辯忠邪之分剛非亢懷之謂所以去邪勿疑任賢勿貳剛以濟其明則明之所至而物無遁情明以濟其剛則剛之所發而天下無難事書曰視遠惟明又曰惟克果斷乃罔後艱孰謂剛明之德有不與於天下之事乎今

陛下淵默之中無微不察如日月之照臨萬方也不

為講張之所蔽虧宸斷之公罔事匪宜如風雷之
鼓動萬物也不為邪佞之所間沮固無庸於愚臣
之瀆言矣然人心易懈持久良難伏願

陛下法天行健自強不息終始此心之明終始此德
之剛上廣至治恩邁

先烈非獨愚臣幸甚天下萬世幸甚臣疎陋之學不
足以援經據史膚謏之識不足以酌古準今惟因
聖問所及直述鄙言上塵

睿覽若夫曲學以阿世卑志以取容則非愚臣之素
志也干冒

不勝戰慄之至臣謹對

陳言崇儒事臣伏觀天順八年正月二十二日

詔書內一欵各處帝王陵寢及各臣賢士墳墓有被
人毀發者所在官司即脩理如舊令附近人民一
丁看守免其差役其餘墳墓但有露棺暴骨者悉
與掩埋此

皇上仁厚之盛心近代所無之令典也臣原籍江西
建昌府南城縣人切見本縣有宋太學說書李觀
墓在鳳凰山麓祝穆方輿勝覽紀觀無子孫每歲
春秋守貳同學官拜掃以為故事歷年既久不惟

拜掃之典已廢而其墳墓亦為樵牧踐蹂若更數

年必致毀夷臣考得李觀立心高古履行脩慤竭
力養親雅尚恬退倡立盱江書院講明正學訓迪
生徒學者稱為泰伯先生其所著述有易論禮論
共二十篇富國安民強兵策各十篇明堂定制圖
序周禮致大平論皆足以羽翼聖經發明治體又
有平土書二十章得井田之遺意慶曆民言三十
篇論時政得失其他文字若太學議袁州學記之
類皆有關於名教當時名臣范仲淹余靖交薦其
賢先儒朱熹稱觀周禮論與其意合

桂坡後

聖朝纂脩五經大全觀所立言亦見采錄臣聞古者
鄉先生沒則祭于社如觀者可謂一代之名儒後
學之師表不但如古所謂鄉先生而已今墳墓荒
蕪俎豆不及臣竊惜之欽惟

國家崇儒重道以壽斯文之脉以衍太平之運如蒙
准言乞

勅該部行移有司封其塋域禁約樵牧照例令附近
人民一丁看守仍於墳所量立祠宇歲時致祭則
於風化不為無補緣係陳言崇儒事理具本親齋
謹具奏

問

陳言

陵廟事臣聞非言官而進言未免出位之譏時可言而不言難追竊祿之責與其竊祿而不言寧若出位而進言况居可言之時事關典禮人得言之苟懷顧忌緘默不言則上負

聖明下負所學尚何顏立於清朝哉日者

大行慈懿皇太后崩逝

皇上哀慟九重不忍遽親萬機中外臣民莫不感歎

為

律條集上

九

皇上孝性天至雖古之英君諒辟無以加矣而在廷

大臣交章上疏僉謂

梓宮宜附

裕陵

神主宜附

太廟節該欽奉

御批事有室礙欲於

裕陵左右另擇吉地安厝中外聞之罔不憂疑論議

紛起伏惟

慈懿皇太后配

先帝奉

宗祀母儀天下二十餘年今茲登遐合祔

陵廟在禮為宜

皇上以為事有室礙者臣愚即窺

聖心非不知此於禮未安特欲順承

聖母皇太后之意耳然順承之舉私情也合祔之禮

公義也若快私情而乖公義何以慰

先帝在天之靈何以符天下沸騰之口虧損

聖孝貽譏後世而天理之存亡人心之離合咸繫于

此可不慎歟臣謬居郎署報乏消塵輒效芻蕘之

律條集上

十

竊遂忘斧鉞之誅伏願

皇上深體

先帝之心一據夫禮縱遠

聖母之意不失為孝據禮幾諫盡孝勿疑則

聖母之意未必不可回而

先帝之靈豈有不慰者哉

大孝彰聞典禮不紊

宗社幸甚天下萬世幸甚臣雖就顯戮靡有顧悔為

此謹具奏

聞伏乞

聖裁

桂坡後一

士

桂坡集卷之二

後集

擬西北邊事宜狀

臣聞戎狄爲患自古有之顧備禦方略何如爾漢唐以前姑實勿論請以近代言之當宋全盛之秋北有契丹西有元昊其衆各無慮數十萬計宋之邊兵僅四十萬而已雖二虜挺相侵軼無歲無之然亦屢至挫衄蓋由備禦之得其道爾元起沙漠混一夷夏蒙古色目諸蕃部落散居中國存厯百年無異土著我太祖高皇帝以神武定天下掃腥羶以復華風從奇屋溫氏北遁者無幾西北萬里邊塵不飛比年二虜盡聚日蕃北有瓦剌朵顏西有札加思蘭吐魯蕃爲我邊患然今之土地甲兵過宋遠甚彼虜之衆較之契丹元昊十不及一而我之兵勢常病於不振者備禦之失其道故爾臣謹條六事之切於邊備者陳之其一曰專委任孫子曰將能而君不御者勝若李牧之居趙邊得專筦權之祖以嚮士卒亞夫之軍細柳軍中但聞將軍之令之類蓋關外之事悉寄於將斯可責其成功今制束之以詔令臨之以中貴而又命風憲大臣監督之雖有五材之士亦將掣肘而難行矣孰若擇將惟其人不必限以門閥不必拘以資格

用之審任之專則事體歸一而成功可望矣其二曰足儲蓄陸贄曰水旱流行固宜有備戎狄爲患可不爲虞故晁錯論安邊之策要在積穀充國建破羌之議先務屯田蓋食不足則無可固之地今沿邊年穀屢登所支軍糧猶有匱乏之稍遇有警未免飛輓之勞雖有召商中鹽納粟冠帶之例而虛出通關通行欺罔者不能保其必無度支徒計其數而名浮于實非遠圖也莫若耕近地以爲足食之要三時務農一時講武凡遇豐年廣發內帑貸泉增價糴穀俾三邊之粟恒有數年之積以戰則銳以守則固矣其三曰守

律條後二

要害易曰王公設險以守其國重門擊柝以待暴客今甘肅寧夏大同宣府等處宿重兵以威之設城堡以備之祖宗立法規模宏遠頃聞壯銳率苦於役占羸弱顧充夫守備此三邊之通弊也蓋申戒令抽健卒分守關係蹇蹇隧明斥堠雖元戎不許私役一人則要害可守矣其四曰相事機兵法曰見可而進知難而退蓋兵無常勢水無常形運用之妙存乎一心戎虜勢如雲聚鳥散備禦方略豈可拘泥北聞守土者以兵寡不敢抗敵分鎮者以無詔不肯出師逗遛因循恣

其剽掠此亦三邊之通弊也蓋飭各邊遇寇來犯彼此相援毋得虛穀相應閉壘自全如比鄰極焚不遑寧處或遇其深入或遮其歸路則邊境自寧矣其五曰養銳氣班超在絕域而有願生入玉關之語歐陽脩論邊兵而有鐵甲冷徹骨之歎黃雲壓塞白草際天衣食糲糲皮膚皸瘃其視腹裏士卒大有逕庭自非生長習慣于斯焉能如紇干山之雀而不飛去哉古者守邊用其土人良有以也繼自今省一切無益之費以供邊需春秋衣裝不愆于素歲時犒賚悉從優

律條後二

曰戒驕弛兵法論將有曰出門如見敵以爲平居無事之時亦嚴警備不可少有怠逸自承平日久邊帥率以鮮衣怒馬相高耽嗜燕樂其弊日滋正統初年都御史羅亨信言邊備廢弛勅奏陝西都指揮一人上命兵部尚書馳往覈實遂即軍中斬之以徇將士股慄兵勢遂振繼自今元愒時日不勤訓練以致失機者必置嚴刑則三邊知懼不敢仍蹈前非矣臣學鬼稽夫經訓識未合于時宜苟有所見輒用縷陳伏惟聖明開納螻蟻之誠不棄芻蕘之賤買骨得駿式蛙

御書西行十策

天佑

國家篤生賢哲弼成化理明公夙抱經濟簡在內心迨秉鈞軸不驕于盈咨諏治道惟是之從此有託所以願盡言於僕人也西北二虜世為邊患而近尤甚侵軼我疆界蹂躪我人民不能不慮

君相之憂是本疎愚謬蒙知遇被謫一得釐然十事伏惟採覽焉一曰選將相占者任將不拘資格惟其人若韓信用於亡命之類今之為將者一出於勳舊

不建後二

四

事成則爵賞首如事敗亦多至寬貸未能如古之名將効忠宣力者蓋鮮蓋若於稠人之中擇其才之可以為將者不限官資授以節鉞之柄則彼將思奮以圖報塞而功可計日成矣二曰重將權古者天子遣將於太廟親操鉞而授其柄與刃若曰閫外之事悉聽將軍制之今之命將必令內臣以督之憲臣以監之如是雖有呂望孔明亦為所鈴制而不能展其才矣尚何望有濟哉蓋若稍重將權使彼得專其事令出無二或有不才寧易其人不削其權則事有所統而可責其成功矣三曰簡士卒古之善用兵者不責

不建後二

五

乎多而責乎精故能以寡破眾今時出師動則聚萬以為必如此乃可以威敵殊不知人多者易亂况饋餉所給日費不貲莫若不發京軍但於沿邊簡閱積兵數千沛施饋賞以鼓其銳氣則所向無前矣四曰精器械周制考工為器之法天有時地有氣材有美功有巧合此四者然後可以為良凡器皆然况於兵乎今之為器者或取非其時或產非其地備數而止行澁固多宜戒有司日省月試甲移其堅兵務其利至於戰守之具亦時脩飭則兵勢自振矣五曰公賞罰自古賞以勸有功罰以懲有罪惟其稱而已矣今虜勢稍退俘馘未多而已獻捷議功是賞浮於功也其或失機挫衄或首貸一次或左遷一秩故為將者畏敵不畏法是罰流於姑息也宜於有功者必審其實使不至於濫及有罪者必繩以法使不得以幸免則將帥用命而可克敵矣六曰省轉輸孫武曰千里饋糧士有饑色關陝之民坐此致困蓋權一時之宜如召商中納之類以實邊儲以紓民困至若經久之計莫利於屯田也今之屯田不舉行但奉行耒耨得人爾宜令守將一以趙充國為法則外足兵食內省民力矣七曰勞邊兵自古以邊防為重為邊兵

者披堅執銳冷徹肌骨其視腹裏之兵最為艱苦故
賞犒特加厚焉今之居邊陲者遇敵則使之當先獲
功則多為京軍所奪曾不思京軍至彼殆猶逐旅馬
能持久而邊兵居處先死于茲宜抽供億之費以資
沿邊之兵凡有

恩典亦先及之則人人感激而樂於赴敵矣八曰卹
邊民古者用兵必先脩諸內而後行諸外比聞關輔
之氓兵興以來材木散於車輛牛馬死於牽輓男女
困餓室家空虛急宜頒

天澤優免差徭使彼安於仰事俯育則本固邦寧而

桂坡後二

虜不足平矣九曰分虜勢自古戎強則臣狄狄強則
臣戎一強一弱則弱者爭附強者之威而中國無解
甲之期矣比聞阿羅出據有毛里孩之衆而朵顏三
衛亦與之會合擾我西陲夫朵顏地方距紫荆關為
近而去黃河套甚遠宜因其東還亟遣謀者誅其備
貢加以禮遇則虜勢日削而自款塞矣十曰嚴疆事
語曰百戰百勝不若不戰而勝比聞邊將未盡得人
役占士卒以營已私視烽堠為末務置樓櫓于度外
遇寇入境不思捍禦之策惟請益師以為因循之計
此邊陲積習之弊也宜飭諸將守要害增壁壘左控

右扼畜力養銳以逸待勞則不戰而邊鄙自寧矣凡
此十者自惟芻蕘之見無補廟堂之議但憂同寮室
不能自己於言惟高明棄短錄長上聞
當宁俾不托諸空言則走之至願也

奉韓都憲永熙

恭審總樞憲度兼攬兵權所謂軍中有一韓西賊聞
之心膽寒復見於今日矣敢為兩廣得人賀復以所
聞見者為執事獻贊於往歲公差至彼維時肇慶等
處已被廣西流賊侵擾梧州至昭平村民舉家走難
老弱居桐槽船以備有警順流而下少壯升高探望

桂坡後二

七

消息亦有據險依石為寨者流離可愍今復數年其
患彌甚大抵廣西多山其賊出沒不時善機毒矢不
畏官軍惟畏郎家兵舊日總戎山雲韓觀二公嚴重
正大土官畏服遇有調遣不敢後期境賴以安後之
繼者關於自守土官玩狎申令雖煩逗遛不進甚至
陰遣土兵亦為寇盜餘孽有非筆舌可既廣東自黃
蕭養亂後頃年稍得復業又遭西賊流毒良善受害
無籍之徒乘機為梟陽順官而陰附賊者恐或有之
况本地官軍宜於水而不宜於山其勢又病於不振
有警先懷怯怯過故恒失利然亦係於率之者何

如爾皆孫武子練女兵而至於可赴水火誠能罷役
占而時其訓練明賞罰以鼓其銳氣尚何不振之慮
執竊意欲靖地方在征流賊欲征流賊必藉土兵爲
之嚮導尤戒深入故曰草間狐兔無盡滅之理况調
來官軍不習水土但宜重慎以張我威仍須分遣土
兵屯戍以困之乘便以擊之乃克成功先是識者交
議經略兩廣必得威望素著如執事者斯望有濟及
聞委任莫不手額相慶以爲賊不足平矣然則嚴約
束於委靡之秋回生意於凋瘵之餘端在於執事又
有公良佐總兵可謂文武得人師克在和惟執事

桂坡後上

留意焉

復丘學士

遠遼有道俚俚無所就正徒引領南瞻日勤浩歎吳
提舉至辱誨簡感刻感刻且知今冬治裝北上對晤
有期喜不可言呂憲副還便謹此申詢仕途大約具
于他紙春寒伏惟以道自重

答何廷秀

不耳誨言爲日滋久比來起居何如殊切企想走年
歲日加而德業未能樹立負愧負愧向喻繕寫泰伯
先生集已完偶見韓世安所藏全集較之前所借者

尤爲詳備如傳進士墓銘後舊本誤以常語補之今
正其謬三篇俟春暖別錄一部奉去未由面質臨書
於邑惟異順時爲國自重

六月廷珩繡衣處曾奉書想達左右矣涉秋伏承起
居佳勝良慰走竊祿如舊無足道及直講先生集翻
寫將完但主靜先生久病不曾作序仲深學士見訖
又不謂七月中守制南歸矣好事難成如此待貴司
進表官回先附全集去刊序文續補良晤未涯臨風
馳情萬萬以時加愛

桂坡後上

家童三月中離軒五月初到京言贛州南安去歲七

月以後大疫吾郡地連閩界者亦然但死者多係細
民興販之徒霜後乃息郡城小者病痘十存二三君
監生李著三子俱以此死而撫州南昌大約相類貴
州今歲三月十二日大雪連日嚴霜人不能堪及有
映火之異各處水旱迭見此間四月以來早寒午熱
雲陰不雨顛風漲塵只尺不辯五月十九日晚喜雨
二十日午又雨尤恐霖霖壞麥示及中州災異考諸
往牒爲之寒心不知真宰之意何如鉅塞言路莫甚
此時泣歎泣歎

答黎未齋

方切馳情辱示雄文議論層出行色增輝但懷惜過
重故增報汗詠物諸作非寧博才瞻者不能到抑且
於弊邑山川念念不忘舊遊發緒文采不一而足以
是推之其肯遺故舊乎价還適佳光隴瞻掃章草裁
答母讓簡略也

與陳縣尹

贊玷名進士學不逮人頃聞執事欲立坊牌或以爲
榮鄙意則甚不安望即罷工庶免貽笑於識者君子
愛人以德必允愚懇嚮風引領惟以民社爲重

與程景學

桂坡後二

今舅他鄉物故聞其資本渙散未集同事之人乃一
臣蠹不可托也旅魂飄泊豈不懷歸必得親黨有名
望者徃彼收拾之乃可任斯責者非足下而誰行可
決矣以斯文親厚故敢盡言亦惟知己能受盡言也

與張廷式

別後沓枉手教讀嘉惠非憐惓挂念不爾感忤何
如邵餘干處曾奉書以後缺於脩敬所謂只是懶耳
更無可藉口然馳仰之私則未嘗懈也韓彥哲至聞
有湖湘較文之行吳敬行左遷州判汪武選之便書
此裁謝仍恕草率前書已具者茲不重出

與方景高

訖駕部至承惠有澤暑中得此清風云胡不快第愧
無可爲酬耳近聞公暇頗勤宴樂茂年方思遠到不
宜有此在相知則以爲謫傳否則未免信之切宜自
備幸勿歸咎人也鄭景宸酒癖如舊日米手顫幾不能
書親交盡言恬不知改選期已迫良可惜也李斯和
在肇慶以勤能稱可喜謝景芳一書煩與寄去

與臨川守張德潤

辱書情文無盡惠履以獨步高遠斯之何敢當何敢
當承聞治郡不隱所存政平訟理何幸鄰封與沾惠

桂坡後

澤走代匱司勲一無可取然亦不敢與時同波貽知
已羞吳監生南還筆此奉答時政大較具于別紙餘
當續陳

答平江伯

去歲辱誨勤兼領饒仁之惠新春又荷存念之情形
于詞翰感愧交集三憲副會間亟稱德量操守濟以
學問嶺海有賴表憲使言與呂同自非平昔有以信
服人人焉能使其無背而異言哉不勝歆羨若乃求
全之毀摺紳公論固已昭雪然某嘗愛孫武子有曰
無恃其不攻恃吾有所不可攻斯言最有意味惟麾

下恒念之盡言不忘愛厚使然也來教寒家有帳目未完者特蒙批屬追理甚荷推愛但寒族人衆安分者只在原籍本等生理及來京買遷其在廣者急於規利甚至流蕩忘返麾下一宜杜其進謁乃所以愛之深也王指揮還便謹此申復

答良弼脩河私議

古者治水或以漕輓或以灌溉在公私兩便而已我國家混一海宇以來重建北京環畿甸之間沃壤千里雖不資于疏渠以灌慨然仰食官廩者公卿大夫士至于三軍庶民暨四隅海表奉琛執幣來觀國光

桂坡後一

十一

脩職貢者無慮億萬計不能不賴漕輓天下以給京師之費也京城距通州水次四十里許飛芻輓粟槩由于陸春夏霪雨則泥淖不可行車負輹馱載則不勝其勞若俟秋晴又恐天氣蓊寒去舟膠凍有候下年遠運况遇天晴人競募車價增倍幾難足於公而困於私矣日者廷臣議濟河渠以免陸運之勞或曰未便以為非經久之計愚敢陳臆見質之高明按昌平白浮村水源合西山馬眼諸泉由京城西北匯為積水池迤邐城東約至通州河回折可二百里無滯石之險艫銜舳接二日可至宜相地勢謹隄防因

郭守敬所圖舊址設牐數座以時蓄洩有水之時則運通州積粟于京城所舊太倉久旱少水則貯各處漕輓之粟寓于通州大運等倉以待如是私兩便矣若夫經久之計則在於得人焉使任斯職者誠能如劉晏見一水不通願荷重先往見一粒不運願負米而趨而又膺委任之專如古有障大澤勤其官而受封國者尚何經久之足慮哉苟或邀近功而忽遠圖以耗國疲民無益實利比之侵漁其害尤甚此有識所以為之寒心也

答周都尉

桂坡後一

十一

今之在官者守制俱以二十七月為服滿而族人家必滿三年除服何也按喪禮三年以為隆總小功以為殺期九月以為間上取象於天下取法於地中取則於人而三年之喪人道之至文者也言雖至親皆以期而除至於倍之而再期者特加隆於父母而已然三年之喪二十五月而畢又兩月而禫共二十七月若以此為未足所謂遂之是無窮也先王為之中制而不可過况喪制或以三月或以五月或以九月或以期年或以三年俱以陽數之奇蓋陰所以致死陽所以致生死而致

生之者孝子不忍死其親之意也若以三十六月為三年則陰數之偶矣古人必以二十五月而畢中月而禪共二十七月其旨微矣

與謝約菴

崇儒重道

國家之盛典論世尚友聖賢之格言李泰伯先生為肝江十賢之一其所著述根據經史議論正大朱子嘗稱其文章氣象好甚惜其全集罕傳于世人所常見者袁州學記麻姑山賦數篇而已贊搜訪有年頃於世家得觀全集遂假繕錄以俟刊行詳味所論闢

桂坡後二

十四

涉世教練達治體非經生之言可比而其立心行已皆可師法竊評先生於十賢中學行為優而獨無後理之變也墳墓荒涼祭掃久廢凡在斯文孰不為之慨嘆况鄉之後學哉謹於本年九月十九日陳言次日欽蒙

恩旨禮部查考准行封墓立祠所幸又遇名公治郡必慨舉行以裨風化然重有告者贊往歲嘗拜先生墓約記左旁及前皆空石旁數丈之外有戴百戶家等墳立祠之際宜於空地不致妨礙他人墳塋庶免生怨贊亦以此情達諸當道來文但開仍於墓前立

祠職此故也祠宇將完先乞示知專求館閣大手筆以紀

公朝盛典肝有賢侯奉行立石于祠以垂不朽而贊亦獲廁名其間何幸如之疏稿錄去伏希留意

去歲吾肝細民缺食幸遇執事勸分賑卹不至流離今秋豐稔母乃和氣召祥乎魯公碑聞已傳功茂績殆與姑山同其悠久義并載加脩潔利澤亦與肝水並其深長仰中辱書良感厚意但獎待過情徒增愧汗李檢校還敬此奉答天氣向寒伏惟為時自重

答高都御史上達

桂坡後二

十五

執事右遷都憲石室增華時方屬望而乃引疾勇退保全名節為已則善其如蒼生何贊昨道賢鄉滿街拜謁竟為兩阻又拘程限徒抱悵惘抵京寒門薄幸妻死女死進士姪又死戚苦相仍缺於脩敬自訟亦深顧蒙嘉貺省臨且厯教帖甄獎懇感何量汪典史回便謹此申謝拙字六紙如命瞻對未涯伏惟珍燮早膺天召以副頌禱不

奉時良兄

悠之莖期想在歲暮廣昌朱貢士到言其妻子已到家老兄尊嫂晚年何以堪此苦痛小弟比來亦無心

於仕途矣此姪學問立心過人自中進士後講貫法
律大理諸公皆愛重之晚歸必以詩文請質日有長
進方切亢宗之望不虞河魚腹疾遂至不起其同年
交游至今言之感歎况骨肉至情者乎然固命也其
臨終亟言致書寬解伏惟強自節抑撫其孤幼以慰
其不瞑含慟執筆言不能悉

與彭鳳儀憲使

弊鄉三谷志往歲刻完重釐大手筆發揚贊謁告南
歸躬拂崖巒刊正數字曹推官去便奉寄一冊備覽
蕪伸文候安泰之問值奇寒莫究磨澗之懷伏楮惘

推坡後二

去

然

與謝約菴

自汪尹去後具啓申敬者垂不審俱達未也昨聞貴
省大疫德門眷集均慶甚慰藥郡病者亦多寒族長
幼幸獲無恙京師去冬奇寒今春二月初四大風竟
日驚沙晝晦初六以後大雪至今研冰非火不能行
墨谷處災異迭聞有識慨嘆執事想已離家又恐補
外不得遠逕鑒所欲言奈何奈何

與周都尉

數年斯文骨肉之情羈於簿宦遽及非陽浩歎如何

行間錢贖禮義欄至非筆舌宣悉但深感刻初八日
午至天津前途想免膠凍然回首北瞻拱極之心停
雲之恩殆不能勝小舟偏側偃僂備此不能詳布所
懷知已亮之

與國時雍

彭城偶諧良晤而遽別繼之奈何奈何然此特私情
爾閣下匡畫振卹勤勞著于公家惠澤被于黎庶乃
吾黨之光華聚散奚足介懷皂還少布心曲尤望益
加重慎毋驕毋畫尚友古人事業諒不讓愚直也

寄周都尉

推坡後二

七

久不辱問實增思戀頃因公暇閱舊稿十存二三
而自覺有少進第嘆來日無多目力不逮不得如往
時燈下細讀蠅頭字也錄去拙作數篇具眼鑒別呵
呵

與浙江京宦書

某等忝竊非分深愧才力弗勝然亦不敢玩愒貽玷
斯文切惟貴省素稱富庶頃年以來民窮財匱蓋有
由然本司每歲額徵秋糧二百三十五萬石有奇官
吏軍士人等歲支八十四萬餘石除起運折色外正
統年間每歲存留一百三十餘萬石存留數多官軍

足食所以米價亦賤人和歲登自福建盜賊生發延及金華等府大軍督臨暫將大小衙門官員及沿海衛所軍士俸糧遞減以供糧餉事平之後該部會計存留止照減支之數每歲或存九十萬石或八十餘萬石猶勾歲用又自成化三年以來止存六十三萬餘石當時各倉猶有餘積庶可支撐即今倉廩空虛每遇災傷亦於六十三萬餘石數內扣除官吏不足以養廉軍士曠時而缺食以致米價翔貴人怨咎徵而水旱相仍難以措置某等不職之罪固不容逭夫免深為地方之虞夙夜憂懼乃敢冒死上言

桂坡集

卷一

宵旰俯念元元諒蒙俞允在賴閣下憫茲地方特於當道嚴辭言幹旋豈但道某等罪戾而一省軍民咸沾惠矣心切斯民言忘亂縷伏望留意採覽寧千萬幸

復平江總兵

弊司中稟既幸包荒徐州支運又蒙判乞非權緩急之宜而篤斯文舊好者曠能如此贊自補外以來交游夙契或拘勢位或較內外未免率有遐心念舊忘勢如執事者不一見此函養造詣之深且厚度越時流奚翅徑庭贊為斯言非諛執事而快私已蓋貨

公朝得人而前脩道詣之風猶未泯也山川波阻恨無萬回之術請質有道徒切臨風而搖心旌尚冀調燮慰滿群望不一

寄劉方伯廷信

奉別甫及浹辰思企甚於積歲走七月二十七日早離司風潮不便信宿浙江驛至二十九日黎明渡江目擊蕭山禾稻秀實之交心竊喜之八月初一日過錢清一帶水痕稍退及到紹興風雨並作雖間開晴而陰冷未消霖霖繼之通宵竟日早禾已實者未免生耳脫禾將秀者強半淪沒憂切于心不安寢食於

桂坡集

卷一

初四日齋戒脩省案行府衛一體祈晴初六至初八日祇率合屬早晚禱于境內應祀神祇連日天稍晴霽若得更晴數日猶損十之三四否則又如去年之災嘉湖未審何如誠可憂也鎮守巡按處望為達知蕭山修築海塘原領本司銀兩半猶在庫半買木石已完十之八九其未者責令原委照磨陳增查算明白至日另報會稽吳珍勤慎頗得民心而以公事註誤將及二年未得管事即軍需等項缺人幹辦雖有主簿署印脂膏不立亦望達知當道及查催原委通判鄭曾等作急前來勘結餘有見聞當續奏報

與江景吳

別久一會喜甚空谷之聞楚然但彼此公務倥傯不得從容話舊悵惘諒亦不殊比想蒞官發舒素蘊必有惠澤及民然初政貴平易不宜更張矯激以釣名而當官三事心存力行切勿與時同波吾友練達世故不在縷言也區區自分聰明日退具員無補再懇當道乃不我從十一月十二日車行二十日臨清下船十二月十一日抵鎮江想二十後到浙歸休之計當更圖之相去不遠值便莫吝寄聲臨楮馳情不悉

桂坡後手

干

桂坡集卷之三

後集

雜言

農于原者糞之耘之天少不雨則引水溉之農于隰者力半而功倍之理勢然也苟或不糞不耘任其龜圻則獲頗少于原矣是豈壤之尤哉由農之惰耳人之質美而不學者何異是何異是

肝城西湖多紅蓮間有白者人率以為奇夫蓮之紅者非不美而艷也以多而不奇白雖不紅若也以少而見奇甚哉入之好奇也噫物之美者不貴乎多况不美而多耶

桂坡後手

一

數尺之丘疾焉斯見一勺之水污焉斯變歲疾納污其惟山藪川澤乎規模卑狹細事必悻局量褊淺小忿弗忍無小大而一容之其惟君子乎然山藪歲疾其高弗失川澤納污其清自如君子有容厥德孔崇意欲為君子者可不其器乎

平樂道中

昭平之西好山綿亘如畫蒼梧以來未之見也惜其間多嵒嶺山沒靡常官于此者皆不欲久居况道者哉而此山淪沒無聞于瘴烟蠻雨之鄉信矣地因人勝也

答戴文濟論蟹詩

渠舉杜牧海龍王處也橫行之句以爲豪放予曰此詩欠檢束非有德者之言古人詠蟹多矣要之蘇黃爲優梅陸諸作俱未到脫灑處

慕任說 爲志學作

有釣者慕東海任公之爲人遂號慕任投竿水濱終日端坐若守株然衆漁者拙之曰吾徒數其罟曲其鉤香其餌出入于灘瀨風濤間百計以求之日無虛往強慕任視之類多鰕鰕滿尺者亦少未幾慕任獲一巨鱗人厭其脂衆漁者相顧駭汗而嘆其弗如也

推舉後主

二

論豫讓

豫讓嘗事中行氏智伯滅之不直不報也而顧臣事智伯及襄子滅智伯必報之五起不中斃而後已何報之深與雖曰一則以衆人事之一則以國士報之方智伯戲康子侮段規請地於三晉其志驕矣讓於此時曾微一言以匡持之借曰智伯好利而悞雖諫弗從夫盡言在已聽否遲恤讓不此之思至其身亡族滅乃不忘其國士之過何補哉然當存併相尚名義不立之秋而能抗節致忠以立天下後世之大關

先儒以義士許之宜也

曹娥碑

耶耶淳讓曹娥碑有曰生賤死貴利之義門之類真絕妙好辭也娥稱孝女禮也或陰以夫人之號愚竊疑之頃觀唐虞敬先生文集固已論及前輩精審如此

揚補之

南昌揚補之號逃禪老人系漢子雲其字從才不從木人但知其以畫梅擅名不知其於竹水仙亦清淡蒼古水墨人物有李伯時風致尤不知其當宋南渡

推舉後主

三

不直秦檜畏敵不起又號清夷長者高風凜若意以小藝而掩其大節豈獨補之哉

七賢過關

七賢過關不見史傳或謂唐王維崔顥岑參宋之問高適李白史白也謂之賢者如竹林七賢蓋美之稱一說建安七子孔融陳琳王粲徐幹阮瑀應瑒劉楨曹瞞欲收入望招之度關頂觀圖繪寶鑑眉山老書生作七才子入關圖柳莊先生家藏古畫有趙伯驥自題晞遠臨李茂七才子所謂建安七子良足

蘭譜

天下之香非一也易曰同心之言其臭如蘭夫子自
衛又魯作荷蘭操以寓意靈均立言以之而況君子
其非衆章伍可知已黃山谷云一輪一花而香有餘
者蘭一輪數花而香不足者蕙桂坡有蘭數朵惟山
蘭一輪一花餘皆蕙也然時人均謂之蘭故以蘭譜
之

訓學

輕諾者必寡信此語出處一向因循未考頃觀訓學
乃知爲李敷文之言其曰輕諾者亦寡信而譽者必
背踐亦字尤有意味况斯二言古今通病也李又曰

桂坡後主

四

誠無悔怨無怨和無仇忍無辱愛身者所以孝於親
愛民者所以忠於君皆格言也

江郎山

是山三峯並立文思博要云有江姓三昆弟登其巔
化爲三石因名手按部經此山麓觀其石壁千仞殆
非血肉之軀所能化而湛滿祝宗之應蓋山之靈云

桂坡集卷之四

恭題先公遺墨後

先公政公示不肖手書凡七紙詩二首三紙按治兩
浙詩書二紙參議廣東詩書一紙并詩參政山東詩
書最後一紙致仕時命從兄貴代書前三紙兩稱左
壽一稱壽宗者蓋贊小字壽宗成童始更今名云鳴
呼先公棄不肖九年矣書中諄諄以勤儉名節爲
守家守身之要詩復以進學遠大期之所以教愛之
情甚至遺墨猶新精神所寓每一拜觀凜然如侍膝
下親聆戒飭顧惟年齒日加而功業未能少立以成
先公志至於守家守身之要則不敢不加淬礪仰副
垂教之萬一也玆浹謹誌如右

墨梅跋

予有梅癖桂坡章堂之西舊有數本其品不一後增
植數百本不減石湖雪坡之盛花時吟玩殆忘肉味
自寓京師不見我梅四度歲寒矣奉化汪廷言雅知
予癖遺予斯卷計四段各書陳簡齋詩一首夷考簡
齋和張規臣墨梅凡五首今逸其一云公暇展觀恍
若身在江鄉殘雪初消巡簷索笑而暗香襲人不知
其爲畫也

跋文山為苗再成題畫墨蹟後

右蘇武忠節圖龍眠居士之筆宋丞相文山先生題識予友何汝潔所彌藏者畫已殘缺不足較所幸文山墨跡猶全中云余杜密謀蓋架閣杜許從公跋涉危難者也苗守見語國事則安撫苗再成也當公亡入真州時人皆疑公降再成亦在疑信間其出是圖意固有在而公所作一本之忠義凜若秋霜烈日讀之令人竦敬史載李廷芝使再成亟殺公再成不忍者其或以公之作而有感也

跋家藏夏珪雪景

金樓後四

王

珪字禹玉錢唐人宋寧宗朝畫院待詔雪景深得范寬筆趣自李唐以來莫有過之者是圖識者以為珪筆信非珪不能到也

跋饒立先世手帖

藏先世遺像孰若藏先世遺墨先儒嘗論之矣蓋以遺墨為精神所在而遺像一有不似則為他人可不慎乎饒甥立藏其祖父伯先生父德純甫手書若干幅裝池成卷每一展閱如侍膝下其亦有見于斯云

跋松雪書郭有道碑康齋自書友琴軒詩

蔡中郎嘗曰吾為碑銘多矣皆有慚色惟郭有道碑

無愧耳今觀此文全類賦體而流麗可愛其間稱許信非有道不敢當趙文敏書此筆意俊逸而法度森嚴殆與文稱其康齋之詩涵融理趣書亦閒雅類其為人若以點畫求之則失之矣

桂坡各體自跋

贊承乏司封公事頗簡檢閱書笥得繭紙數幅謬效各體書以自適雖未免局於喪志然即此是學敢不敬乎

張伯雨隸書跋

金樓後四

王

隸與篆籀同出古文之後非昉於秦邈宋太史辯之極為詳備此卷前元勾曲外史張伯雨所書禮部郎中楊君叔瓚所藏也筆法古拙得三倉之影響詞語冲澹慕列仙之風致論者謂其作詩自成一家而字畫亦清逸蓋名言云

畫冊跋

人物山水草木羽毛之類凡四十八幅皆一時名流所畫公退檢書之餘亦可以祛睡魔非敢留意於物也

跋忠勤廉慎四卦

陸人邵玄同作忍默恕退四卦其文益效易繇爻象

之辭以明保身謹言絜矩知止之道予友湖藩方伯何廷秀推廣其意作忠勤廉慎四卦造理精深詞致高古凡有官守者宜錄其左右朝夕如對嚴師為益多矣

同年燕集圖跋

雲南方伯奉化嚴公宗正先叅政公同年友也成化戊戌夏五月贊按部奉化喜其仲子九疇為邑庠生勤學提躬清貧無異寒素亦可驗方伯之所守心雅重之公暇因訪其家庭宇蕭然中堂懸同年燕集圖像凡二十九人先公在焉其序方伯自著辭義詳盡

律後四

內

感慨寓之痛惟先公棄養二十有一年而方伯墓木亦已拱矣謹購工繪像如數復錄序文如右裝池既完時復肅觀而先輩會晤文雅庶可想見亦足以繫千載之遐思云

跋鮮于太常墨蹟

困學翁行草深為趙文敏公所推許此幅豪縱殆猶行雲流水畧無少滯而規矩寓于其中非得河朔之偉氣不能到也

書慈訓堂後

入之所以能有成者固本於賢父兄嚴師友使不幸

而蚤孤則又賴於母氏之能教焉世之慈母流於姑息之愛卒至敗子者比比慈而教者恒少凌江李弘昆季之母蕭氏年茂喪夫誓不歸二姓勤績絃窗各書撫育諸孤嚴以濟之今皆成立矣鄉先達周侍讀先生作慈訓堂記以著其賢摺紳逢掖從而詩之其旨大約與記同走復何

書四體後

予友秋官郎中何君廷秀索書韓柳歐曾四先生文各一通於韓則篆柳則隸歐曾則楷與行草也贊於諸體未工君奚歷厪於予哉以同鄉世契之好如命

律後四

五

塞責其間繆拙幸施鍼砭云

書縣丞先兄墨蹟後

從兄紹之楷師吳彥積篆師陳思孝遂以能書得名舉賢良丞鄒縣齋志以沒此紙考其歲月乃弱冠客維揚時書今山東藩省經歷樊廷佐所藏者憶先兄謝世宰木已拱遺墨猶新精神飛動念茲同氣云胡不慟

書張御史墓銘後

正統己巳秋八月監察御史安成張公淵潛彪駕北征統幕師潰死之

朝廷嘉其節賜勅褒異而復廢其祠人景泰庚午公
之子數華兄弟祇奉所遺冠衣墓里之官原山天順
庚辰太師彭文憲公以公忠義應銘乃為執筆成化
庚子數華時以家學登進士累官浙藩叅議始刻銘
文納諸幽嗚呼正氣在人其神不死下閔于將上騎
箕尾而精爽流動未始不朝拜故鄉山水也

解縉紳學士文集

頃觀先生文集二帙而惜編輯者之不精如題文山
上已詩後乃吳師尹所作先生自幼喜誦之迨謫交
南道舊林嘗書此詩遺良錫為文山弟璧之後其父
任海北道廉訪副使因家舊林云其他非出於先生
機杼者多類此

坡詩正譌

東坡戲問章質夫詩云白衣送酒海淵明急掃風軒
洗破觥豈意青州六從事化為鳥有一先生云云竊
疑侮字未妥後得善本乃舞字讀之令人痛快蓋童
送酒六壺書至而酒不到東坡乃用王弘故事若曰
淵明九日無酒忽見白衣送酒喜甚故急洗破觥不
料酒竟不至下二句乃應前二句若以侮則與下句
意不相蒙矣

杜坡集卷之五

後集

改過箴

顏不貳過宣聖稱賢穆能悔過史錄為篇人孰無過
改焉則美過而不改是謂過矣

學聚齋箴

德具于人而出于天君子之道進德為先是德之理
散在事物非學聚之何以有得學之為道尤貴靜專
鉤玄探微終日乾乾學苟克務理聚諸已進德之方
孰大於此志士務學靡適他岐名齋示警如對嚴師

隱求齋箴

君子出處一聽于天方其隱也求其志焉求志伊何
惟道是守潛心以居罔為物誘日積月累而道益充
時乎達也推此以庸此齋揭名在知厥義述此以規
亦以自勵

持一箴

作聖之要莫要于一不二不三乃純其德就自持
靜虛動直明通公溥庶幾聖域

合硯銘

堅而潤質而文惟堅斯壽惟潤斯珍質焉溢秋泓於
石至文焉耿金星於紫雲魚龍變化斯其禹門墨曙

釋斯其有莘玉堂新棟傳諸海內即墨之封重於
古人信其為文房至寶而吾黨所宜結鄰者也

桂坡小像自贊

丁亥年特任吏部主事

年二十四已中鄉試至三十四才登進士今四十四
仍官主事紫微揮翰殊愧景山白首為郎殆猶顏駟
我思古人四十始仕又聞古語急走多躓然則位之
崇庠時之遲速何足介意所可懼者德行未脩學力
未至來日無多衰容易致倪焉孳孳涵養龔礪于以
外去庶隅內融查滓庶無愧於前徽而不遠夫初志

古愚齋贊

齋以古愚名者蓋欲矯世俗之漓而歸之淳也非
心古人之心者能之乎此予於士魯所以三復起
敬而為之贊云

世不古若知巧日滋不有君子古心者誰直情徑行
訥言不出質樸有餘知巧違邨常自在是乃名齋居
意其蓋尚友淵紫以及霽俞而非今人之遇也

潘母貞節堂贊

莫清匪水淵然而凝莫潔匪玉瑩然而栗匪水而清
維我之貞匪玉而潔維我之節厥德惟一各教聿崇
一始古烈凜凜高風

原缺

集卷之六

後集

武靖伯誄文

山東都指揮追封武靖伯鳳陽趙公宗立薨既有年其孤武靖侯輔偕弟進士弼深思先德彌久弗彰乃徵儒紳摘詞以追輓之贊昔侍先叅政君宦游齊藩時聞諸先達稱公從容鈴閣練達事體恒以不及親挹風度為恨幸於公之二子為相知觀侯才兼文武勲業茂著進士學問該洽遠到未涯可以知公家教之篤積累之深矣嗚呼老成但謝

德之其辭曰

皇明龍興淮域豪傑雲從攀麟附翼有偉趙公淮右名宗世濟厥美聿振武功懷瑾握瑜帶衡佩矩保障下邳孰敢以侮蚤登

文皇直擣陰山汎掃腥膻凱歌言還復從

宣廟翦平凶孽肆賞論功胥膺節鉞聞外之寄以轄百城嫺古連率厥任匪輕海岱之間壤地千里之昇之翰有綱有紀勝重致遠外嚴內寬寬匪姑息嚴匪苛殘退公之餘輕裘緩帶緇閣詩書選政姑息捧庭養涕浹淵堂閣定省養志永歸民事軍旅或遠

陟此有圖時思靡暇載扁忠孝常自在之元節斯語以悼民彝粵昔營平勇略超絕公竟厥施肯悞前烈日月不居有星墜營

當宁輿惻寵賁封塋寮屬歔歔曰失師友士卒盡傷曰喪父母惟德令終存沒哀榮惟天棐忱有子克承豈惟克承益光先德武以樹勲文以華國雲臺拔地麟閣摩空帶礪斯盟其何有終源遠流長本豐末茂匪積自先曷昌厥後九原不作令聞孔垂高山仰止云河不思

東剛中先生入鄉祠告文

才部台州禮謁文廟因獲展敬于鄉賢祠顧瞻名位驚嘆先生獨不與焉諏于郡縣長貳及在泮師生曰先生行節在史詞章名世乃不俎豆于斯詎非闕典僉議以為宜列鄉祀風厲後學神主告成如儀安奉

告寧波城隍神文

贊以迂謬巡撫浙東乃聞是郡屬邑比歲不登民多艱食日來疫氣荐興民罹重困切惟災沴流行蓋由贊等司方面者及官郡邑之人不職所召匪民之尤甲柄福禍于形聲之表願咎余輩毋殃我民民既

公祈亦歆明祀于無窮焉

靈豐廟祈雨文

經時不雨人心孔憂贊言於本府同知蕭允恭曰麻源顯應孚佑冲惠真君夙著靈響唐顏魯公仙壇記云源口有神祈雨輒應宋天聖中劉忠田有祈雨感應碑盍往禱之侯以爲然遣本都里老祇叩于神閤三日矣而嘉應未臻豈昔賢之京足徵與祈禱者之未盡其誠與抑神之靈顯于昔而晦于今與贊衰經冒哀不敢躬拜祠下謹遣從子齋香投祠伏望尊神丕著厥靈沛施甘雨庶贊之言亦不爲妄也惟神垂

鑒之謹告

謝雨文

日者久旱闔郡士民罔不憂懼乃虔禱于神已而果沐神休霖雨時降憂懼之人莫不喜形於色而頌神之嘉惠某等敢不祗薦蘋藻以荅靈貺惟神歆享益惠我民

祭楊彥謚先生文

先生蚤登甲科爲秋官郎中會天子命大將討不庭

以先生才智宜參軍務竟集大功累陞少司寇

心追閔寇作亂將薄隣境

勅先生巡撫江西得專利害寇平與有功焉

朝廷賜勅獎賚有清勤公正茂著才猷之褒驛召至京遷大宗伯尋改南京大司寇在禮部則惇典庸禮惟清惟寅在刑部則明刑弼教惟欽惟恤先生於先公故有交誼往歲巡撫吾邦贊時領鄉薦所以策勵期待之心甚至天順紀元贊玷名進士後先生時自南京來賀

上復大寶贊迎拜于直廬先生喜形于色若謂少副

所期已而先生以足不仁得

請致仕歸贊追送於都城東先生坐肩輿誦陶靖節歸去來辭且誦且行悠然自得顧謂贊曰公便過歛能一見乎贊曰唯曾謂別僅一載而訃音遽至贊時守制不得漬綿束芻哭于先生之門而徒爲位送奠一觴於乎先生官歷

三朝名著兩京德義在人政績在史至於詞翰之在海內凡得幅紙一言載奔爲榮况有賢嗣以勲蔭襲戶恩榮始終當時罕比九原雖不可作而教敦生有不與之俱逝者存人生若此復何憾哉復何

禮狀

祭助教胡欽齋先師文

先生操履貞靜文詞高古兩司教鐸誨人不倦四典文衡一秉至公再進成均六館英才咸曰胡先生古君子也贊昔齒諸生執經函丈有年頃歲幸登賢科承乏司勲式籍造就之德茲聞訃音不勝哀悼顧拘守制弗獲匍匐往哭而徒設位陳辭少紓悃悃遙望三衢涕泗交下惟尊靈鑒之

祭愈文

先縣丞兄以才德舉賢良僅及小試齋志而沒所以

祭文

五

克濟其美惟汝是望汝孝友勤儉恪思繼述人比肩謂縣丞兄有子矣奈何造物者遽奪汝之速耶汝二子三女長子十三次子十歲大女已歸曾氏次甫及笄幼者猶在孺至於至基荐開而輪奐未成資本雖豐而渙散未集吾悲汝死之不瞑目也然人之壽夭命也兄弟子姪一氣也撫汝之孤以俟成立吾輩之責也嗚呼寃矣戒期幽明永隔也酌以酒而泄以詞蓋欲汝知之也

祭直講李先生文

屏山神降仙李慶綿宋運丕隆梓符啟元母感異夢

孰曰非仙天生碩儒諒非偶然幼知為學之道長探深四之原著述之富涵泳理趣研極治亂而未嘗蹈襲乎陳言此范文正公所以薦于公朝以為草澤中未有或之先親老不仕教授鄉園用束脩之入以供肥鮮仕不通顯白首青壇而清風則洒乎八埏參魯不壽後嗣弗延郡守學官常祀惟虔鳳山如故歲月遽遷墓祠湮鞠為榛莽但聞野鳥啼寒烟替晚生慨慕有年乃具封事聞于

九天議下禮官封墓建祠時幸逢謝郡守之樂善尚賢有構斯完有堯斯堅麗牲有碑輝映山川復愍文

祭文

六

字散逸彌久失傳乃勤蒐訪僅輯遺篇而又得何靈便考訂之精研豈贅愚陋所能專嗚呼先生道高德全固不係乎祠之復立文之復編然表章先正以風後學君子或有取焉茲以謁告南歸焚黃禮成亟走拜于祠前蘋蘩絜敬悅聞絲竹之並宣神飢飢至仰於赫臨于豆籩尚享

焚黃告文

維成化九年歲次癸巳二月壬戌朔初十日辛未男奉直大夫吏部稽勲司員外郎贊敢昭告于
先考參政府君尊靈恭惟

聖朝推恩之典其先原有官者進一階贊奉承嚴訓承乏部屬以年勞例得追榮惟我尊父歷參藩政簡在

帝心特贈太中大夫資治少尹露藻褒嘉星輝漢倬贊頌蒙

賜告歸展封塋祇奉制書曷勝哀慕洎日錄黃恭伸燎告伏惟尊靈服此明恩敷祐不肖俾無荒墜謹告先妣白氏恭人尊靈仰惟尊母相我先老累封恭人教育不肖叨從大夫之後欽蒙

上恩寵賜誥命贈尊母為淑人蓋從先考之秩也祇

用錄黃燎告伏惟尊靈服茲恩數永祐後人謹告

告考妣文

維成化十三年歲次丁酉冬十月甲午朔越十有九日壬子男浙江等處承宣布政使司左叅政贊敢胎

告于

顯考山東左叅政府君

顯妣誥贈淑人白氏尊靈贊於九月二十一日欽蒙

聖恩陞授今職由我

尊父尊母積德垂訓所致幸得便道回家瞻拜封

塋下勝感慕祇具菜醴齋伏惟尚饗

祭胡宜人文

成化十四年歲次戊戌正月甲子朔越日浙江等處承宣布政使司左叅政左謹以清酌庶羞祭于勅封安人故妻胡氏之墓往歲予以年勞欽蒙頒給誥命加贈吾妻為宜人今叨陞前職便道抵家始獲錄黃焚于墓上惟靈有知服此

恩典

祭悠文

維年月日八叔以庶羞酌于故姪進士悠之墓予蒙

聖恩陞授浙江布政司左叅政便道抵家切念吾家

千里駒方騰踏於亨衢何一蹶之不虞謝家之蘭玉正挺秀於階庭乃望秋而先零嗚呼惜哉華子之陽靈仙之麓馬鬣春深鵲聲裂竹

祈雨文

時方播種經旬不雨民將無以應貢賦供饗盛如悛如焚罔知攸措山川出雲惟神之職齋戒駿奔叩于壇下神其憫念布膚寸之雲沛崇朝之雨起瘵為榮變冷為豐則於報神之賜不敢緩也謹告

祭唐東元給事文

凝重乎其表儀冲融乎其襟抱早豹變于科名載鯢
桓于清要顧醞藉之孔深宜揚翹而遠到乃遽厄於
龍蛇孰爲賢諸洪造擬臨風而續招爲斯文而興悼
寓遐思於尊醪諒精爽之來瞻

祭少保姚文敏先生文

贊昔親函丈深藉鍼砭迨備僞官設厯甄獎去秋謁
告歸展先墓先生曰汝去即米來則吾不在此矣蓋
先生退休之志有年章疏屢陳未蒙
俞允必欲得

請以娛暮年贊抵家未久遽聞木稼曾謂向別之言

桂坡後六

九

爲之識哉今過道德之鄉桐江東流桐山如故而先
生音容不復親炙矣猶幸未及窆期得拜牋前微物
薦誠靈颯颯然侑觴欲文哽塞弗宣尚饗

祭周布政文

謹緘辭致奠告于安陽周公靈几之前曰嗚呼繁公
之生間氣攸鍾瓌頊溫粹其稟之豐疏通鑒敏其才
之冠操履脩潔而又廓乎其有容蚤書香於桂籍載
振鐸於南宮分釐刑曹推轂詳慎而獄無冤滯出守
劇郡撫字焦勞而民罔怨恫存掌藩臬隨所遇而秋
肅春融英聲茂實蜚騰于朝野有識咸望旦夕廊廟

而登庸夫何以內艱而夫任抱憂慟而遂終無乃川
嶽收神脩文于地下不然騎箕尾而上蒼穹其輩或
同年而相厚或同寅而協恭或締交于疇昔際氣味
之相同忽聞凶報莫不蹙額而怒中顧俱限以官守
徒嗟執紼之莫從西望灑泣尊醪寄酌諒精爽颯然
而感通

祭韓永熙都憲文

嗚呼惟公胸蘊甲兵氣吞雲夢久踐清華搢紳推重
巡撫江右也奸吏黠魁革心褫魄而民幾無訟總制
兩廣也溪徭洞獠懷德畏威而孰敢爭閭雖走卒知

桂坡後六

十

慕公名兒童亦能傳誦然譽之者固多而毀之者亦
衆所謂道大不容才高爲累蓋今昔之所共公乃勇
退于急流掩關林下而謝絕賓從論者以爲年力未
衰而冀廟堂之復用孰謂公耿塵海處主蔡城而鞭
笞鸞鳳也比聞發輅之戒期義當執紼以攀送顧爲
薄宦之所縻東望緘辭而號慟

祭彭太師文 代家宰作

皓首窮經而不登桂籍者世固有之公則茂年大魁
縉紳青雲科甲而不到木天者世恒有之公則致身
宥宥府掌絲綸乃若華劇既躋榮辱相因者復難縈

陳公則受知於

先帝

今上簡任夫舊臣茂膺寵眷垂三十春志不在于溫飽心每切于憂勤苞直不行於司僕車馬遠避夫清塵向文簡之大耐官職李文正之不爲害物傷人范忠文之吟域不設張忠定之玩好不珍公蓋與之異世而同倫獨亮之功人多陰被其利該博之學孰能窺測其垠奈何台垣翳彩川嶽收神意者謂公軼埃風而游玄圃之上騎箕尾而至銀漢之津

天子曰嘻失此元老疇宜咨詢湛恩異數卹嘉忠純

桂坡後序

十一

元勳族僚罔不沾巾矧夫同榜氣味尤親悼音容之永隔何斯文之遽也聞發引之有日逾哽愴而氣陞酹靈筵而展敬詞蹇產而莫伸

高節婦傳

節婦諱婆女高氏先世開平錦里人洪武初父孟武從軍調隸建昌千戶所娶周氏生節婦自幼端默不妄笑言尤能潛心女紅之事年二十父母擇宦家子鄧君信歸之信爲百戶禮之弟禮之妻王氏持家事性悍不容物雖其大亦憚之節婦事之如嚴姑終夕候起居備極恭敬竟得其溫言懌容族黨皆以爲難

永樂丙戌信從兄征交趾濱行屬節曰我此行遠涉

鯨波又臨鋒鏑生死未可知脫有不諱汝能守節乎婦以能守諾之夫果死不還計聞哀慟幾絕誓不貳醮靜室端居未嘗輕踰戶閤勤紡績以自給敝衣糲食人不能堪意自若也時有以子貴封列卿者喪妻聞節婦淑嫻求爲繼室數遣媒妁以富貴動之嫻厭懸其年少無子復從史之節婦曰妾聞婦人之義一往而不改以全貞信之節不貞不信禽獸何殊辭色俱厲各慚退不敢復言歲時則爲位致奠哭聲淒楚隣里聞之亦有灑淚者嫻居四十五年卒於冰雪惜

桂坡後序

十二

無賢有司上其事以表其節景太庚午卒壽七十有二塋鳳凰山麓贊之先淑人爲節婦之甥恒稱其行無愧古之貞烈贊耳孰聞之特著私傳一通以俟觀風者采焉

野史氏曰女之於夫猶臣之於君事二君則非忠臣更二夫則非女王蠅之言萬世之大防也然世之傳節婦者多貴殺身爲難至於守義不二者則畧而遺之此宋太史所以爲之浩歎也若高節婦者夫死殞外室如縣罄又無子女可倚而能守義不二四十餘年有如一日其視殺身成名者可以優劣論與不可

以優劣論也

先恭人行狀

先母姓白氏諱 以先君恩累封恭人先世有仕元為贛州路總管者自贛徙盱江因家焉考諱王負才智不求仕進妣鄧氏溫厚端懿今建昌守禦千戶侯文資之姑洪武丙子九月十七日先母生年二十五歸我先君孝慈恭儉出於天性好學強記言動不違禮則處尊卑疏戚無不宜過僮婢一主於恩先君為御史按治陝右兩浙動踰歲年贊時尚幼先母口誦孝經童子習教之稍長遣就明師夜則治絲枲以督之先君陞廣東參議恒蒞屬郡清理軍政贊已成童先母勉之益力贊或與貴游子弟從事騎射則戒飭曰汝父勤勞王事在外之日多奈何違汝父之教而履危地以貽父母憂見贊專力于學則喜動顏色曰斯無忝汝所生矣叛賊黃蕭養作亂攻圍廣州時先君領軍出備海道城中訥訥同官家屬謀徙民舍避之先母指公解積薪諭之曰我為命婦脫有不虞當自焚尚何徙為已而寇平欲徙者皆愧服先君考滿之京先母携贊歸畢姻事屬隣居弗戢于火烟燄薄吾

桂坡後六

十三

家危其先母露禱于天俄風反火止入以為積善之報先君遷山東參政先母命廢母侍行已綜家務營建居室先君致仕歸甚安之越五年贊叨登進士第明年先君薨時贊拜吏部稽勲主事在

京師先母治喪事如禮贊解官歸葬仰承成命及服闕促贊上道曰吾年未衰汝其盡心乃職以圖報稱慰我老懷何必規規膝下以為孝乎贊不敢違且念先母稟賦最厚雖隆冬祁寒亦不加纊平生未嘗有疾不意復任未幾而訃音遽至時天順壬午正月四日也享年六十有七生贊弟妹八人俱夭惟餘不肖

桂坡後六

十四

贊娶胡氏孫男一人女三人嗚呼方吾母寢疾弗獲供侍湯藥及吾母違養弗獲身親念歛罪莫大焉嗚呼吾母平居無佞忌之行無疾厲之言儉於自奉而厚於施與凡宗黨之不能嫁娶者家娶之艱於衣食者衣食之每值歉歲出粟濟人貧不能葬者率施以棺與夫寺觀橋路之傾圯者多助脩之雖費無厭吝容仁厚之德著于家信于鄉至於女工筆法庖饌之事亦無不能不書懼瀆也贊匍匐歸襄大事以明年正月六日塋于沙溪山之原痛惟先德而不昭播於世是不孝也稱道先德而不以實亦不孝也忍死謹

述行實之樂更塞之餘言殊無序伏惟立言君子採擇而論撰以垂不朽豈勝哀感

故妻宜人胡氏壙記

麻源之左建溪胡世講婚媾門望敵先叅政於大朴翁氣味相投若膠漆宣德庚戌寓金臺因論兩家諸子姪宜人五歲我七齡豫許冠笄成耦正統壬戌之仲秋我年十九君十七君諱序第三我行居八字時翊維時君考客他鄉鍾妣相夫有儀式柔日既卜奉初言君歸我家共婦職事我二親如其親凡事小心罔差失有時夜雨對寒燈我誦帝編君紡績淑

桂坡後序

十五

柔端靜儉且勤生女二人俱篤實長嫁鄧昇次陶璟擇婿孔嘉盱鉅室二女以後遂不妊爲我買妾重嗣息妾林生子名慧兒能教愛之如已出我登進士任司勳兩度丁憂未溫席相我襄事載還京水陸艱危幾同歷成化己丑甫受封紫誥回鸞光赫奕壬辰賜告展先塋歲杪南歸同綵艦次年二月舉焚黃九月慧兒親事畢留慧理家咨議同新婦相和頗戒飭是冬十二月初旬姪隆書報我遷秩甲午春初行復偕次女孀居心抑鬱願隨父母侍晨昏到京正值端陽日就居暫寓玉河東初十以後君違戾名醫皆臨

藥亦良小愈復加勢增劇六月初九辰已間長喚不應命云訖住世四十又九年庶幾非大亦堪惜老境侵尋失賢助櫻桃月下空愁寂寡女號慟不忍聞夜靜比隣亦沾臆丁寧老僕扶柩還田北壽藏其壤吉先期書示慧兒知安厝如儀須謹密仍宜相度虛左方遲我他年共窆窆我述大較納壙中不敢重煩燕許筆

桂坡後序

十六

桂坡集卷之七

後集

南陽蘇氏家乘序

建昌府通判南陽蘇君浩錄其先世譜系行實及朝家褒卹之典名人表輓之文合爲一帙總名曰蘇氏家乘游宦所至携以自隨屬余序一篇首惟人之生久則聚聚則分其勢然也分則戚者日以疎遠者日以忘遂至相視爲塗人亦勢之必然也則人道不幾熄乎先王立爲大宗小宗之法管攝之其慮周矣自宗法廢而氏族無統不有賴於譜牒焉故曰三代以上維持以宗法秦漢以來維持以譜法譜法之

桂坡後七

行其猶有宗法之遺風歟近代言譜者二家歐陽文忠公則依太史氏之年表蘇老泉則本禮家之宗圖其爲法不同而尊尊親親之道則無不同也是譜蓋得之家法重其本源之所自詳其文充之所分經緯聯絡昭穆明白非泛泛作譜者况夫詩書之懿綏冕之榮世有其人殆見南陽之蘇直與眉山之蘇並稱矣庸書于譜以俟

送綿州劉學正序

人之度量有出於天資者有由於學力者出於天資者純粹之氣全由於學力者涵養之功至故吾觀人

者必于其度量焉姑以吾黨之士論之或不偶進上

而充主司之不明或不得顯官而充銓司之不公甚

至起謗議以爲快循捷徑以爲高度量若此其爲人

可知矣予友南豐劉子美謹厚士也傲色不形於面

妄言不出於口人譽之而不喜毀之而不怒惟悅焉

盡力于學而造詣日深往歲以詩經領江右鄉薦今

年會試中乙榜得授綿州學正其不偶進士也則曰

吾學之未至其不得顯官也則曰吾分之所宜欣然

就職曾無一芥尤人之意度量之賢於儕輩遠矣雖

曰天資之美無亦學力之所致也推是以典州學必

桂坡後七

能素位而行懋備乃職而玩時惕日以俟叙遷不爲

也慶僚友必能卑以自牧用協于公而恃才狹長以

相陵轢不爲也以至訓生徒必能從容問酬先行後

文造就英才以圖報塞而循私濫道玷厥行者又

豈肯爲哉度量之足以觀人予於子美益信其然異

時蜀中稱有賢師儒非子美其誰與非子美其誰與

送陶海州序

東南諸郡比歲不登淮揚爲甚流離不絕于塗餓殍

轉乎溝壑事聞天子憫焉特遣重臣多方以振之民用少蘇而疫癘

復作井邑或墟凡有志乎民者孰不爲之疾首痛心
竊聞其間守令重厚者或失之迂緩而罔克濟事明
敏者或失之輕率而惟飾虛文甚至不恤民隱貪酷
自如歸罪歲凶繭絲弗戒噫何良吏之難得而斯民
之不遭也如是夫有能如富文忠公之在青州張忠
定公趙青獻公之在益州越州又何患飢者之不得
食病者之不得藥死者之不得葬流者之不得歸哉
吾南城陶君文熙盛年有文名負氣節以科第起家
謁選銓曹試居優等擬知海州

命下之日知者咸以是州得人民瘼可理爲喜文熙

桂坡後七

三

亦以得爲長吏可行其志自喜其先大夫宰番禺遺
愛在人至今口之不寘文熙濡染家教既深又以文
學緣飾吏事其於淮海之民必能如良醫之調護元
氣而伴宿疾漸瘳如慈母之懷保嬰兒而使孱弱漸
立瀕海千里生意得還而穴冷自弭和氣召祥而豈
總可望所以祗副恩意趾美昔賢德昭先德晉遜光
寵端在於是矣余於文熙爲同門推相厚故以今之
急務告之至於簿書期會乃所優爲而忠愛廉恕固
其素志奚容贅云

曆解易覽序

周公作時訓以明天時呂不常取爲月令雖頗有增
益而先後之次則同後魏以來始載於曆焉七十二
候解見月令本註二十四氣胡炳文氏論有發揮進
士李淑通氣候集解蒐采詳盡然論小滿穀雨之屬
不及胡氏黃氏月令通纂大約取法韓鄂而失之繁
駁愚竊病之頃嘗編次歲時氣候晦朔弦望之類一
本經傳及諸書成說爲之註釋不敢附以臆見名曰
曆解易覽質諸有道倘加鑒括豈獨愚之幸哉

赤石賞花詩序

盱江赤面石一名紅屏舊誌目爲郡之印山上有三

桂坡後七

四

仙祠靈響特著又名靈寶山成化乙酉夏五月既望
余以內艱服闋將之京從兄時良曰赤石之約久矣
盍乘閒一遊乎凌晨蓐食出儀鳳門西行可五里折
東北又三四里始至山麓石磴絕峻攀緣惟艱憩祠
宇下猶足顫心悻良久憑欄俯瞰石壁斗絕惟東比
切弱篠動搖可愛從兄曰若得花卉點綴尤佳余乃
效石延年命從者泥裝桃核數枚擲下然亦未必其
果發花否歲壬辰冬余謁告展先墓山中道彭志寬
來白向所投核頃歲花發盈砌花時須往一觀會脩
撰張啓昭亦以省親還遂同謀之明年春二月二十

日關守信審泰中借道士朗次日登山從兄聞之亦欣然欲往以山前路險山後差平先戒子憲婿鄭參及余婿鄧昇候石崇觀是日天氣和暢余與從兄偕撰各乘有輿出西郭華表峯訪饒民厚逆見白衣二人隱見石磴間意必守信泰亨也至觀憲輩來迎時彥參議亦先在焉觀之住持肅客坐堂上飲茶畢乃導由觀北折而東路米稍平約二里至赤石守信具饌甚腴更酬交酢劇談大笑巖谷皆應而山均桃花正開二株特盛從兄乃作詩山桃發紅萼一句為韻能詩者各摘一言賦之不拘選律夕陽將薄西

雜錄後七

五

山循左山徒步下丘坊吟且行從兄時年六十有二行甚速後生顧不能及眾曰此翁良饒鏢至平地或騎或輿入城而為商賈色歸林矣翌日詩成凡如千首從兄及同遊者以余與脩謨俱非久處鄉井者而重遊未有定期宜紀歲月各藏一通以俟異時續詩

云

贈參政楊君序

贊與翁田楊君宗器天順初科同取進士明年同拜吏部主事後同謁告南歸又同歷陞郎中出入相同幾二十年有事相告有善相譽有過相規所感相慶

弟雖同氣兄弟或不能同論辯間有不同者未嘗背而異言亦不害其為同宗器績學宏深履行端潔以文章潤飾吏事考厥官之稱與否一于公簡在宸衷擢遷湖藩參政蓋將茂成厥績固非贊所能同離群索居雲泥莫隔欲如曩時之同勢不可得而同然心之同者不泥同其跡恪守名節期保終吉則未始不同毋金玉爾音而有遐心亦不同庶見吾二人之同非苟然同者

馮汝清字序

雜錄後七

六

先參政公歷官中外垂四十年在廣為最久予甫成童受業於南海教諭安成歐陽先生門後雖去廣凡遇其地之士夫視之若同鄉然其亦以先公遺愛相見輒親厚焉洎承乏司封同官馮君宗轍南海人也每事相可否務協于宜公退相講學恒有麗澤之益閒論及子姪之勤惰亟稱其從子名澄字汝清者通悟脩謹補郡庠生嗜學能文曰此吾家千里駒也宗轍博實慎言其稱生之賢蓋有所試必不如牧之之譽阿宜義山之譽家師矣頃生寓書宗轍索予為演其字之義予非能言者然喜同官之有佳子姪不察已於言按澄與敬同說文清也其字從水致者聲韻

書以爲水靜而清尤盡其義蓋水以澄爲貴風或蕩之石或激之塵滓或混淆之非所謂澄也惟靜而清則亭濤淵湛波瀾不驚瀉天光涵雲影萬狀畢鑑焉而清又澄水之貌二字之義相屬而不相戾顧名思義洗心潔行自不容緩真積力久本心瑩然素行無玷亦猶澄清之水爲可貴也在昔君子之名子必擇淑以立義既冠師友字之必脩辭以表名先儒吳文正公嘗名澄字幼清以生名若字觀之則父師之所愛望者深矣自今以往日加警惕勿荒于嬉勿毀于隨高山仰止文正是希以求無負父師之期庶免名

桂坡後七

七

同行異之譏

友竹軒序

友五倫之一也輔仁以之責善以之麗澤相益以成厥德取友之道于其益不于其損斯善矣竹植物爾不吾人類匪語言之可接氣味之可觀仁莫吾輔善莫吾責非有講習麗澤之益其何以友之乎孔子大聖人適衛之淇園聞風動竹聲欣然忘味三月不囚猶乎在齊之聞韶也自餘尚之者衆故曰君子於竹比德焉朝夕相對而虛心勁節一思所以無愧此君豈不類吾良友輔仁責善以成吾德者哉其生取義

良以是與然古之君子取友自鄉而國而天下又論世尚友其取善之心蓋無窮已固不局於一物也生益以古人自期哉

桂坡後七

桂坡集卷之八

後集

十賢樓記

古者鄉先生沒則祭于社所以風厲後學世不古者視爲末務可嘆也已盱江據江右上游自昔多聞人十賢堂昉於宋紹興間蔡延世祀先達陳彭年以下凡十人于仙都觀庶乎古人之意也元季燬于兵迨今百年未有興舉之者新安江侯浩牧是邦有年政化大行封內無事在所當興者銳意爲之以郡庠爲列邑之望尤加意焉新大成殿拓明倫堂齋廡庖廩以次就緒復相學宮之左隙地築樓數楹上祠十賢

桂坡後八

以示尊閣之義下虛其中以爲諸生朝夕必由之路經始於天順辛巳之冬明年春工訖完美不華掌教慈溪馮宦謂侯斯舉有裨風化屬贊記其成贊邦人也不知其人可乎陳彭年字永年學博才瞻屢典清秘後拜叅知政事贈右僕射李觀字泰伯仕止太學說書立心高古操觚信筆未嘗蹈襲陳言卓然自成一家若袁州學記名教攸重學者稱爲泰伯先生二出曾氏曰鞏字子固即南豐先生仕正中書舍人從容矩矱不爲阿附爲文開闢馳騁應用不窮其要一歸於仁義曰布字子宣官至右僕射謚文肅曰肇字

子開官至翰林學士封曲阜開國侯謚文昭俱南豐弟也二出朱氏曰京字世昌爲御史以風節著遷國子司業曰彥字世英與兄同居太學並有才名遷刑部侍郎時稱二朱鄧潤甫字溫伯一字聖求學識深粹辭致華敏累官尚書左丞贈太師謚安惠王無咎字補之擢進士雅尚恬退嘗著論語解十卷呂南公字次儒善屬文以古道自號灌園先生雖其間出處操行不同要之文章政事冠冕是邦循舊祠之宜也且今之祠密邇廟學校之昔人祠于老氏之宮者尤宜君子論世尚友况鄉先生乎凡居是邦目是樓而能感激進脩茂事功峙名節匹休則賢斯無愧爲鄉之後學而侯之用心亦不徒爾也願與吾黨勉之

桂坡後八

建昌府儒學重修文昌閣記

郡學故有文昌祠在戟門之東歲久祠廢神像遷真文廟廡下於禮未宜天順癸未秋長樂謝侯仲仁來領郡符釋菜之初顧瞻嗟咨默有建祠之志明年政脩化行歲豐事簡僚議克合乃度舊址鳩工掄材戒以勿亟圖惟堅好區畫有方民不知勞甫半禩而閣儔功籩豆具陳像設如式教授鳳陽張君楨謂侯注意學校此其權輿宜有記以昭厥績屬贊執筆按文

昌六星在北斗魁前爲天之六府主司祿命所以昭
德塞遠也開祠梓潼神君而以女昌名者蓋神昉於
吳會宅於蜀山七曲生爲忠臣孝子沒著靈響陰翊
吾道近世取士重科目大比之秋意必有柄黜陟於
形聲之表者而神以文昌司桂籍稱故儒者敬信之
所謂明有禮樂幽有鬼神殆不誣也祭法凡有功德
於民者載在祀典而神開化明民以壽斯文之脉祠
之爲宜然聖賢設教先行後文神之所校諒不灰此
在泮之士出入瞻敬蓋思所以爲臣盡忠爲子盡孝
俾無愧於神明庶不孤我侯作新之美意若乃遺本
逐末而思微福於神焉不亦惑乎謹書此爲記

桂坡後八

三

自微且告諸同志云

遊玉泉山記

論者有謂天地發育萬物肇成于西故名山川多西
京都之西山自太行恒嶽而來蜿蜒旁薄聯峯複嶺
拱挹城闕其間多勝境玉泉山其最也山麓出泉漸
爲西湖千頃一碧澄波拍天雲物舒慘晨夕異狀自
昔詞人達士以不一跡其勝爲錄典而跡之者莫不
侈爲歌詠以鋪張其勝先十有五年予會試甫畢友
人夏景源同一遊焉未至湖四天風揚塵目不能瞻

桂坡後八

四

興盡言還受職以來坐席跡兩以憂恙違及于遊成
化丙戌復任司封屢欲往遊奮於公冗又無好事者
爲之倡而湖山之勝徒墜墜于懷間與司勳陳朝用
翰林備譚張啓昭中書舍人王東白言之其心蓋與
予同歲庚寅夏四月丁卯屬公務稍暇先期與司勳
輩約是日早朝罷會早西直門外橋畔而太學生張
元善王廷福聞之欣然欲往若有契焉至期予與備
譚同行而司勳元善輩已先至約處好事之士夏文
雅徐崇德洎予從子憲亦携親尊以從候東白不至
乃度橋北折西二里許飯于雲通觀觀雖小而雅道
士二三人投袂肅客隣觀有首覺寺五塔並峙自趾
及顛白石一色其前若傘蓋飾以青碧琉璃道六曰
此效西域制度號金剛座出中貴所建飯已易便服
按轡循溪徐行時雨初歇風日清美四野究闕一塵
不興流水清駛蒲藻含香魚鳥翔泳若解人意司勳
馬上微吟或作推敲之勢得奇句輒索予和之數里
至廣源輝傍有人家酒帘搖曳撩人息有又數里湖
隄隱起垂柳交陰隄下多水田農方播種至龍王廟
飲下馬少憩會中貴人較射遂迂路折北至圓靜幸
寺依甕山主僧思曉迎相與歷階而升有軒翼然

戶玲瓏榜曰湖山勝槩乃通政司參議何文璧代僧
才予所書者又有暖雲晴雪二額亦予天順中爲淳
僧官所書隸古也湖光山色可坐見之而城郭樓觀
平川茂林參錯乎烟霏渺莽間遊人行旅騎者步者
斷續隱見於覆鳥之下脩然有脫去凡近而遊高明
之趣蓋其寺最勝處也軒之西庵有胡僧耳王環昨
坐不起但請啜茶予輩不荅而出信慕其教者多京
城富人率拜謁施財求福可笑也思曉復送上馬且
爲言玉泉之捷徑直寺西行少頃至青龍牖石關宏
壯差勝廣源居人亦倍蓰焉牖邊飲馬畢度橋二里

桂坡後入

五

至功德寺舊名護聖虞文靖公有記不知廢于何時
宣德中重建閔廓靚深爲西山第一精藍

車駕臨幸政令名云僧衆六下有奇主僧迎款如曉
而儀觀脩整訊其名曰戒靖以闡教來爲住持雅好
文與之言論娓娓可聽導遊佛像設莊嚴兩廡
釋氏源流皆一時名筆最後至無量壽殿雕鏤綵飾
丹雘藻績光彩照人金書藏經函列左右供張什物
之器備極精巧殿前隙地方築臺基建佛閣其費無
慮百家之產一出于中貴所施時日將午遂別靖可
三里至玉泉亭亦宣德中所建俗呼歇涼亭亭前泉

來石鐫從螭口噴出冷冷有聲渾渾爲池廣三丈許
清澈可鑒毛髮味甘冽異常池東跨以石梁水經其
下注于西湖而復迤爲長溪海子太液池金水玉河
一源于此由亭南入昭化寺主僧惠興緇衣質朴而
禮貌甚恭寺後有華嚴洞崖上刻玉泉二字洞中涼
氣襲人不可久息欲緣嶺訪呂公巖諸君以足力倦
回寺予獨與惠披叢薄至絕頂莽蒼中有金章宗笑
容殿廢址山雖不甚高然當奇勝之會而香山五華
翠峯

桂坡後入

六

國朝宗室祠墓舉在目睫誠瑰觀也呂公巖界觀音
金山二寺間廣可丈許深倍之巖南之寺尤多不暇
徧遊亦不能悉言也大抵出西直門支岡喬阜奧區
沃壤俱爲浮屠蟠據靈財屬民一至此極夫其可嘆
已回至昭化而文雅具肴核甚豐酒數行予少醉假
寐諸君各隨量盡歡飲及童騎至玉泉亭席地更酌
予不勝酒但飲泉數甌餘醒俗慮蕩滌殆盡已而復
經功德寺前石臺蓋文靖所記圓通壽仁閣故基出
入松檜陰中不循故道徑取湖隄回返照入湖芒采
相射西山疑紫與湖影摩盪荷葉貼水如盤蓋然水
鳥近人載翔載集可玩也至龍王廟歇馬必柳陰餘

與未盡北望元中書令耶律楚材墓可五里欲往一觀以日薄墓恐妨入城各上馬至廣源牐日已銜山遂策馬入西直門駐萬寧寺以俟同行之未至者及家已一鼓矣噫相佯以適閒曠之懷非踪跡市朝者所得兼吾儕玉泉之遊遲遲數年始得一償所願東白已有宿約羈於他事竟齋一遊信乎其難矣源物故已五年今與其子文雅同遊而存沒之感又何如也燈下操觚記之翌日質諸同遊見人生佳會之難得而斯遊之不可無述也若夫同志之士素所願遊而未得者讀予斯文寧不有會於心為之擊節

桂坡後八

七

而嘆墓耶

榮祿記

有大器量者斯有大方畧而功業之成亦大矣彼器量之小者譬之楓棘不可以為棟榱斤鷄之囿於藩籬尚何望其棟巖廊而遊天池哉榮祿大夫同知都督府事維陽翁公信其有大器量者自幼沉鷲不凡弱冠襲兩京留守指揮同知夙夜在公檢束不放帥府器之適大將奉

諭音討不庭慎東衛屬有方畧者分整部伍公首與選所至身先士卒一征麓川而夷落又安再征閩浙

而渠魁就殲分闔江右藩翰之職脩焉鎖鑰關西保障之勤錄焉而又條陳疏議上裨時政累功至今官鎮守廣東惟廣為百越之地連山岸海夷獠雜處歲不能無警公總握重兵以臨斯地不動聲色外威夷狄內綏黎元較諸旌征虜之勇略恬淡劉士安之綜理精審其庶幾乎鎮靖之暇命工繪其平生履歷紵若干幅肩曰榮祿屬走記于卷端於乎世之人有得沾一命以為榮者有能效一官以自滿者其為器量何如哉公自指揮同知歷指揮使都指揮使尋登樞府沔陟元勲效忠宣力奠此南服為

桂坡後八

八

國家之所倚賴功業之成可謂大矣抑公之年甫出四十而階一品誠能戒盈保終以全令德他日垂勲旂常繪像麟閣與古之名將並稱也何有走素大公之器量乃述其大較如右其詳則有榮祿之傳在

仁和堂記

堂之有名蓋古人銘器自警之遺意也新安江君彥良與其弟彥傑彥德相好彌篤其世父司訓公名其所居之堂曰仁和所以美之而策勵之意寓焉彥良之子兩浙都轉運使敬夫求善繪者像三老于中堂已與子富列侍左右昭光德也寓書屬記夫仁為四

德之元居五常之首以天地萬物為一體其道大矣然主於愛而愛先於親其次則兄弟焉孝弟行於家如一身血脉周流所以為仁使有借鋤闢牆之事亦猶手足痿痺為不仁矣三老春意滿腔無所乖戾怡然華鄂聯輝墳塋相應和氣充溢于家庭而天倫之樂無有復加于此者其視堂之名為稱情矣厥後彥良以子貴封大夫彥傑舉賢良拜京秩彥德雖弗及試而其孫篤登各科第一門榮盛時莫與京要之皆仁和所致也敬夫歷官所至有豈弟之政既去人思之不置若吾盱平西之生祠耆民歲時展敬無異

樂公之社非得之家教而推以民之明驗乎其子富值歲侵率先輸粟於官以助賑饑

恩賜冠帶鄉鄰嘉之此亦傳襲浸漬之可書者記揭諸堂以示不忘後之子孫尚世念之以繼其芳哉

甯大端兄弟字說

南城游溪甯君守庸名其三子曰大端濬端鵬端介其戚交故尚賢請字於余余曰人之親孰不愛其子愛之深故期之也深守庸名諸子以端蓋期均為端人也又冠以大者欲其以端為大凡物無以尚之以濬者欲其深探夫端而加疏濬之功以鵬古朋字通

用非欲其親炙端友以輔仁乎其期待三子深矣噫端人未易為也為人而不端非直辱厥身亦且貽辱厥親矣乃字其長子曰崇正中子曰崇直少子曰崇莊因名立義而使之自脩焉是故有所偏倚非端也而正則偏之反能正則其儀不惑也有所回曲非端也而直則曲之反能直則經德不回也侈然自放亦不可謂之端也而莊又放之反能莊則動靜云為日就規矩矣正也直也莊也析言之其名有三統言之則貫于一而崇之為言充也尊也推廣敬信之道該焉甯氏兄弟於正於直於莊而交盡其道則為端人也何有哉如是不直克副厥親命名致期之意而亦貽親之令名於無窮也

周德明兄弟字說

名以識別字以表名非以顯晦而定賢否也然命名必有義見于左丘明所載魯大夫之語則後之君子名子必以信義而擇淑令不為無據爰字孔嘉永言保之之辭載在禮經則後之君子因名配字以義類相符亦不為過也鴻臚卿安陽周拙逸先生有子六入命之名曰晟曰昇曰昌曰晃曰昱曰景蓋亦擇淑令而欲為之子顧名踐實以稱其名教愛之意深矣

師友宇晟以明昇以成昌以隆冕以中昱以輝景以
章而槩以德冠之母乃以義類相符表發其名之美
而勉其進德歟德者五常萬善之理皆得於心之謂
故其字從心從直先儒衍其義以爲雖曰諧聲而兼
會意心之所得夫天者其理則直是之謂德德之有
無君子小人判焉君子進德惟日不足無所昏蔽以
復其明無所虧欠以要其成日積月累斯謂之隆無
過不及斯謂之中光輝發外充實所致也闇然日章
爲己之學也是德也蘊之足以閨身見諸行事無往
不善臣焉則忠子焉則孝長惠幼順夫婦朋友舉盡
其道處泰而自不驕處約而自不濫至於大德不可
奪也可不因名若字之美而繹其義造其實乎德明
累官方岳重臣時所屬望德章雖在貴戚而能嗜學
不倦德中發解鄉闈德隆執經庠序造詣殆未可量
德成德輝亦穎敏脩慎爲鄉邦善士其無負重厚名
名師友表德者歟且兄弟六人舉出同乳難得也雖
本於先生積善之深厚亦可見我
國家氣數之盛云德明嘗論其字之說於贊贊不能
文重以所論不可盡辱謹述此以說其義復誦易曰
不恒其德或承之羞賢兄弟其尚恒其德哉

桂坡集

十一

桂坡集卷之八

桂坡集

十一

後集

桂坡集卷之九

後集

方外稿

廣洪厓真人傳

距盱城西南十里許曰洪源以洪厓真人脩煉是山而名也今延禧觀煉丹井禮斗石猶存觀之羽士黃用中繪真人像屬鄭文學與常傳之固爲詳校然予嘗聞洪厓事蹟不止如傳所載乃按洞天誌仙鑑諸書有曰洪厓先生有曰洪厓子洪厓先生者或曰黃帝之臣伶倫也得道仙去姓張氏或曰帝堯時已三千歲矣楊傑記亦云先生三皇時人西漢有衛度世

桂坡後九

者入華山尋厥父叔鄉叔鄉在絕岩中與數人博奕問之爲誰曰洪厓先生飛黃子輩東漢班孟堅一說張平子作西京賦云洪厓立而指麾被毛羽而櫟櫟陶隱居真誥云洪厓先生今爲一城洞真許太史靈寶壇記云厥維西山萃古今精氣實上下神仙一八區宅有道之士率由是出自吾得太上淨明吾與張洪厓等真人也郭景純遊仙詩云左挹浮丘袂右拍洪厓肩又云姮娥揚妙音洪厓領下頤葛洪子語張巴王云吾與洪厓赤松子輩爲仙侶司馬天師五嶽朝儀云青城山洞周迴二千里背洪厓先生服琅玕

之花而隱代爲青城真人蓋先生爲衆仙之長久矣洪厓山在豫章之西先生隱焉隋開皇中以先生故改豫章郡爲洪州今洪井在伏龍山北巖有古壇臨井上相傳爲先生煉丹處歲旱禱之有赤蛇浮水面雨爲立霖井北一里而近有藥曰五各圓深二尺有奇色渥如丹土人云每歲端午日未明或聞搗藥聲樵夫亦有遇其餘滓者井南二里爲鸞岡四周有水即鸞陂也亦以先生乘鸞於此得名雷次宗記豫章人尚黃老清淨之教蓋慕洪厓之風焉此洪厓先生之大畧也洪厓子者亦姓張氏名益一名蘊字箴真

桂坡後九

二

晉州神山縣人唐高宗永徽四年四月十六日生身長七尺五寸風神秀逸或曰長九尺紫髯聲如洪鍾善琴書喜長嘯恒曰吾慕古洪厓仙人遂號洪厓子將青蓋山師景成子盡其道往姑射洞得五藥童名狀並恠曰橘栗木葛拙日給使令隱洞中十五年仙書秘典九經百氏靡不研通常乘青驢從五里入靈夏訪崑崙歷終南太華往來青城王屋太行間遇仙人告以小隱大隱之旨後寓洛陽李嶠家凡十三年詞人逸客爭先求見明皇開元七年召見湛露殿餘見前傳太宗孫邕王問曰淮南鷄犬皆仙去有之乎

曰學道求仙如同睡異夢父子夫婦莫相及也邵王
神丹可餌黃金可成乎曰富貴聲色伐性之斧點
几烹煉大命之斤草木金石腐腸之藥不可學也邵
王曰我輩非倦材邪曰母勞汝形母搖汝精恬淡寡
慾可以久生可以盡年邵王曰謹奉教子雅好古物
當時好事者往往有贈若大子洗馬田遊巖贈尹喜
龜之類竟入山絕粒服氣不出者十有六年河東巡
撫使李嗣真與晉牧郭正一往姑射祗候累日忽遇
於松下子方戴角巾披鹿裘卧曰朝客何逼野人乎
二人嘆曰真高士許由之流也後洪州大疫有狂道

王

王

人跨驢從五童施藥市中病者立愈州以上聞上意
謂子驛召之果子也然三召卒不至乃棲息于洪厓
先生之古壇出入跨白驪一曰曰驪乃千歲雪精也
五童與俱酣笑自若間渡章江入洪城人未有見其
返者一日章江舟人疑之陰戒其子跡其所之賣藥
周遊市中之彭仙故宅宗華福地與其學仙之徒掃
石焚香談玄閱秘圖基握槊諷詠久之入井而去舟
人子復躡其後其中路甚平坦頃聞櫓聲舟人子曰
此我舟中櫓聲也子覺之問曰汝願偕往否曰不願
乃令瞑目以手摩其頂舟人子即在舟中矣自是不

王

王

復入城嘗註老子周易三禮穀梁傳作高士傳行于
世詩三章有關世教亦見前傳天寶四載年九十三
以四月八日黎明大霧尸解榻上郡人見其從五童
冉冉騰去是歲八月復於晉州與里人劇飲留衣履
為別尸解如之晉人歲其斂於北源祿山亂以靈輿
助肅宗乾元中申奉芝言豫章伏龍有異氣詔之應
聖宮塑肅宗像以子配焉宋道君繼於晉州即其宅
立廟又於洪厓山化處祠之洪井畔楓樹有雪精蹄
跡硯池釣臺遺址虞文靖公贊曰上古至人可知者
名執執其御五行之精姑射之南洪厓之里如將見
之雲蒸霧起此則洪厓子之大畧也又按憲宗時韓
昌黎謫潮州行次商山有甥慕雲水久不知所之忽
迎立馬前送至鄧州曰某師在此山玄扈帝峯為
東園公柔金玉作九華舟人候精微難於覓舍請
從此辭問其師曰洪厓先生也
論曰洪厓先王與洪厓子一聞于古 生于唐世代
遼隔其為二人明矣然唐玄宗於子亦嘗稱為先生
道書亦有稱氤與赤松子俱為神農師者然則在吾
盱洪源者其古之洪厓乎後之洪厓乎予不可得而
知也或曰洪厓均姓張後之洪厓即古之洪厓道家

所謂化身降世者老子在黃帝時為廣成子周文王時為守藏史之類予亦不可得而知也抑考洪崖事蹟多見豫章畧不見吾肝豈好事者慕其名乎抑記事者之或遺乎抑亦吾肝於豫章為屬郡言彼可以談此乎噫神仙之事杳冥渺態在吾黨所不道然居其地學其道不知其人可乎知其人不知其詳尤不可也故為用中廣之

答朱文則論鳴山

自鳴山在貴溪永和鄉距縣治之北二舍許山頂有湖莫測其深有異藤生湖畔上千雲霄枝葉四垂天

律後九

五

欲雨則水漚漚如雷故名山址有李惠廟神姓石氏諱敬純字元真父諱勤母崔氏勤仕西晉永嘉之亂牛昌隱誣其為石勒兄弟遂死于非命妻子亦流海外勤有九子敬純其季也天性英孝痛父非命恒圖報復甫弱冠同兄募壯士追昌隱至鄱陽吉田殺之是日大雨震電水泉湧出山谷俱鳴乃詣洪匡業家語之曰吾今報父讐感動天地上帝命為神必居此地言既遂盤一足坐井而化匡業懼徙其宅避之其夕風雨晦冥詰朝視其地祠宇已建工材絕巧居民大駭皆羅拜號其為自鳴山神此雖載縣誌然亦未

知其果然否也凡有水旱疾疫蝗兵禱之輒應義熙之末始載祀典歷宋陳隋祀之益虔唐天寶間廣其堂宇榜曰自鳴山九郎廟宋元符三年改賜孚惠廟崇寧三年禱雨有應封神為帝利侯建炎紹興端平淳祐中累封威武聖德忠烈仁孝王元至正間封明仁廣孝聖化真君而廟仍舊額此其大畧也今吾肝稱鳴山廟蓋省文耳又稱神為石勒之子娶龍王女故有陪嫁雨之說及塑像配之皆非也按神報仇菴化初未嘗娶歷代褒封亦不載有夫人之號或傳神坐之井下有玉印亦好事者之言也土人迎神禱雨

律後九

六

之謬云

六祖仁院記

肝江多名寺景德為最寺初于唐舊名景雲宋景德初改今名統子院一十有寺六祖院為最院復分為

二左曰仁右曰義而仁又為義之最也

皇朝洪武庚戌比丘天外廣公一新佛殿殿之右構樓三間僧堂寢室庖湑庫庖以次就緒永樂以來景復嗣領院事其徒若孫曰一宗曰弘楚三葉相承心同力協振拓院地增建觀音大士閣于佛殿後高廣明壇閣之左建樓以間計視右加二焉作始於宣德已酉訖工于天順丁丑於是規制大備殆無遺功復各罄親錫之積買田若干以充經用弘楚圖載其事于石介天竺繼芳求予記之惟寺院之於世家雖曰異途然創業守成之貴得人其理一也是院雖有廣

推後九

七

公啓之而微景復輩繼之則見存者存至傾圮况望其增建乎哉景復一宗予未及識而知弘楚為深觀釋典傳實勤儉故能茂弘先業為叢林所多固有所受也抑聞六祖盧姓能名清脩苦行頓悟玄機作無相偈遂傳五祖衣鉢弘楚之主斯院徒飾其像以奉之乎抑心其法以師之乎噫滿曹溪之源而揚其波尚有望於弘楚而營建特其權輿耳若夫是迂是續相與扶植於悠久則在於後之賢法嗣云

敬中字說

金谿僧名義端而字敬中者亟走百里問其字之說

於余初以居喪辭及余服闋來問如前復以抱疾辭俟余疾愈又申前請余辭愈力彼請益勤余曰子欲效梵願乎願余非宋太史也何汲汲於余哉雖然拒之甚而微一言以塞其勤非人情也乃告之曰易曰君子敬以直內義以方外先儒以為此以學而言之也又曰合內外之道也敬主乎中義防於外則體用持而德不孤矣不假於習而無不利矣二者工夫不可偏廢然主敬則內自直內直則外必方所謂

推後九

八

諸中者必形諸外也師友以義名子而以敬中字之其亦有見於斯乎子能以求說之心而求無愧於師友之訓則名實相符可嘉也苟徒以美名字自居而實不稱焉詎不重可羞乎敬中清敏博實開釋典兼習儒書為白雲瑞菴之弟子亦善墨竹蓋私淑夏太常云

比丘聰悟虛贊

水虛則達火虛則然鑑惟虛也無物不照鍾惟虛也厥聲孔宣矧吾靈臺一身之主假曰不虛衆理何具惟虛斯明如室生白以參天地之機以妙性情之德操之有要曰惟敬耳噫等閑解悟每具三玄底須吸盡西江水

贈別餘杭僧又鼎

我遊招提境鼎公偶相逢與之論禪學頭頭值箭鋒
誰知蓬蒿間見此五鬣松又如在空谷忽聞足音楚
秋夜月輪滿翩然歸興濃執手不忍別贈以青芙蓉
何時躡雲屨同登天月峯

湯全中絕句齋

縹緲浩如海欲染青霞檐掩關屏紛雜容膝亦目快
皓月臨爭几曰雲宿虛簷泛披笈中素妙理窺洪纖
濯濯刃易汚至言日求砭誰哉契斯志歲晏同養恬
題于元道人卷

桂坡後序

九

潛隱城南雲水村石田茅屋幾晨昏靜參造化歸玄
牝載守庚申固本源春意滿腔花自實神光一點夜
回墩古來脩鍊多虛幻口許靈均賦德門

答譙禪師菜籃挑水上高山

菜籃挑水上高山要識難中有不難上得有來牢把
步分明有路透禪關

桂坡集卷之九

後集

桂坡集後序

久矣矣予顯也故多周孔
之實則多周孔之文降自
降荀董西貝韓柳歐蘇
之流予虛好十百字文雖
小同亦各稱其實見禮知
政少不知冰之云其所以

桂坡後序

一

予肝江左氏桂坡集若干
卷恆於梓格如清為管弦
疏越而和如史志干羽周折
而肅可謂文矣司寇何彭西
公與稱之循文考實其平生
壯政將多惠於民而恭于
士者予公自乙官即出泰

浙藩改治廣東大方向當
時行事漫不可記姑即予
以見者列其一二如兩浙
年歛賑飢瘞骸散者以衆
死者多詢其死其重歛者初
安解時屬公提調場屋獨
能勇去執位推乃同官訪采

桂坡後序

二

於賓邸今世復有廷我豈
今之士小於自立以求顯者
而今之顯者亦莫下士如公
然其其恭欽恭且重公之
微於其文矣公沒且數十
載其兒方掃墓之氣其發
之餘文字猶存桂坡之喬

木如故仲子愷又小志于里
渴求於稽山草堂特以文
序請乞夢乙烹將以壽
左氏之傳也願兩公之珠玉
在而而采以瓦礫荏穢於
後世則可媿也已於手左其
弗亡矣永

桂坡後序

三

賜進士及第資政大夫南京
吏部尚書致仕前參事府
少參事兼翰林院學士
國史

經筵日講官錄姚王華序

桂坡集十五卷

浙江汪汝
栗家藏本

明左贊撰贊字時翊南城人天順丁丑進士官至
廣東布政使是編凡前集五卷後集八卷皆詩賦
雜文而以所作方外諸篇別爲一卷附於末蓋用
楊傑無爲集例至於樂府一卷之中如關山月楊
白花之類皆古題而忽以詞曲續其後則從來無
此體例殆以宋人詞曲亦標樂府之名故合爲一
不知源流通變格律各殊不可以宋之樂府竟當
古樂府也贊嘗刪定李觀集蓋亦頗留心詩古文
者然所作質朴而不能健清淺而不能腴其於古
格僅僅具體云爾

徐康懿公餘力稿十二卷

(存三卷)

〔明〕徐貫撰

北京圖書館藏明徐健刻本

附《四庫全書總目·餘力稿十

二卷》提要

務敦言宜究執中傳明明天子真齊聖肅肅儒臣克
象賢千載風雲嘉會日可教黎庶不熙然

和潘提學池亭觀杏花詩

池上亭依四水濱曉霞紅映杏壇春浮花浪蕊許多
景齊月光風寧幾人即事尋常皆日用對時育物親
天真仰觀俯察衆玄化育次悠然可是貧

和張憲長贈吳都憲致仕詩

報國丹心尚未酬忽聞優詔許歸休一樽綠酒長亭
暮三徑黃花老圃秋明月有情還共我浮雲無計為

徐力菴卷之四

二

君留扁舟浩蕩乾坤裏笑濯塵纓萬里流

望洋梅爲新昌何大參賦

夫子宮牆咫尺通凭欄凝睇思無窮塵氣迫隔浮雲
外光霽都歸化雨中懷古感今情邈上瞻前忽後定
冲七好將老眼從頭看萬古乾坤此道中

重慶

一家三世共團圓幾度綢繆幾度權橋梓重重相掩
映庭闈兩兩戲斑斕也知家慶由來遠快底人寰得
者難况有乘驄名柱史

章聯錫五雲端

聞陞副都御史巡撫遼東偶成

山東列郡屬旬宣忽聽泥金報

龍遷徽省藩屏循故轍拓臺耳目愧前賢邊方肯負

長城托忠悃常如鐵日懸盡庫鞠躬臣子分頌熙

帝載樂克天

奉和尹冢宰一律

名旻

曾東阿衡冠列卿濟時端不負生平敷陳禮樂三綱

正洗滌乾坤兩曜明眼底世情都不管胸中春意了

無爭始終全節古來少誰似先生獨擅名

聞胡司空附郭成新居賦此以寄

年來高卧白雲鄉附郭新成綠野堂一代功名昭汗簡

百年心事付滄浪夢回

幾闕層霄迥興在山林清畫長三徑蕭然無箇事

花老園有餘香

寄張兄廷條

赤石山前送我船分勞不覺又經年夢回誰道故鄉

遠清到那堪別思懸遼海關山明月清溪桑梓帶

寒煙自斷叨受長城寄姜被何時得再迎

和大參何世光見贈詩

叨握德猷馭商夷折衝消患在機宜敢誇儒者義

武護說兵家合正奇四海風清塵自淨九天日麗風

還儀新詩遠寄多君寵欲和慚非白雪詞

和大參張九雲見贈詩

或賦百發可應弦况值朝陽正麗天烽燧不驚還漢

武邊方無事且屯田故情渺上東山畔壯志願上北

極前彼此相期各努力肯將功業負前賢

寄胡司空詩

鐵井東邊第一家井泉人物兩無瑕三宜亭上望氛

斷獨樂園中春意嘉雨過山雲懶出岫時來庭桂晚

生花遼陽幾度重回首明月迢迢照錦沙

偶成二律奉尹冢宰

浮雲過眼可關情內重由來外自輕放意釣衡休入

夢忘機鷗鳥漫為盟碧山有徑何消約綠野無堂不

為名只恐聖朝需舊佐未應高卧撇蒼生

端委應須濟世材急流早已賦歸來吟哦風月詩千

首飲乾乾酒一杯
樽前惟有梅調弄
舞紫公無地起
樓臺四頭迴
與庭萊蘭翠竹黃花取次裁

游嵩山偶成

盡主李德裕舊漢唐足光守出紅塵
翰翰上嵩
曉山頂光飛下界
第一帶烟波入壑
車迹雲鶴與
爲鄰我來不盡登
臨興天逐東風勢

紫垣

題正氣所存詩卷

司馬先生宗漢才
喜逢後節旃

徐子集卷五

五

天來幾公節義高千古
之子襟懷絕點埃
林下尚看
龍劍在天邊
毛見波翻四好詩
句重亦莫留取虹

光燭

上白

西河北日想南開萬里關
山幾度春風
驟雨想
切封君有處
話何頭
動自足
追前昔
集今
贈
故人
我亦
嘗爲
門下
士
揮毫
不覺
一沾巾

贈相士余錦

謝靈運墓古今稀
之子傳來術亦奇
掃榻來金皆盡

定吉占一見總前知
存心善惡氣自別
執玉高卑理
可推上等相人神
識異不徒鑑貌辨妍媸

贈程文楷還浙江應試

秋闈瞬息可迂延
路入雲程好著鞭
問學已知歸士
論文章况復得家傳
筆鏗破的追先輩
藉題名屬
妙年萬里扶搖鵬
翮健佇看接武上青天

寄都憲徐明德

與君聯境復聯官
人作長城一帶看
莫訝別來雙鬢
白却降圖報寸心
丹雘猶未展
聲先振
靄屬遙間騰

徐子集卷五

五

亦寒掃盡邊塵
降寇息相期
夾輔待金鑾

寄胡司空

塵事無干心自休
久拋鴛侶狎群鷗
老來不復周公
夢意惟何消
范蠡遊嚴瀨
臺高終異調
蛟峯院古本
同流比鄰况有應
參相試問耆英結會否

寄長兄廷傑詩

天南天北兩分離
况復相看異色絲
先家松楸頻入
夢故園棠棣久懷思
家傳好法前人澤
與異能志突
世規何日歸來尋
向約蜀山深處樂怡

寄都憲明德詩

綠兒春歸又復秋光陰代謝總悠々三過頓覺霜風
爾四野遙看宿霧收匡濟未能酬素志別不何以慰
離愁及時正好崇勛業肯向
朝廷便乞休

贈禮部尚書黎先生敬啟

天順初科第一人

三朝匡濟老儒臣風雲際會從南北泉石歸來山
賓白臺華樂歌綠野清時令子時

丹宸現于泰廟同年末翹首湖南仰後塵

送崔參將分守開原

山海東邊久著名開原今復倚長城撫轅自覺心逾
壯仗鉞誰知身更輕部伍月明懷舊德虜酋風動襲
先聲行看敵懷清沙漠方信奇功屬老成

寄方伯盧廷佐七句

七十康寧兩鬢絲老成人物兼皆推紅塵拂袖清風
迴綠野堂開白晝遲閑世不須論甲子問年真數到
期願乘龍佳客春鄉佐爲賦南山祝頌詩

贈學錄薛滿之南監

曉長亭送客行落花烟柳弄新晴移官已喜承天
記近養年春惟子九載已岸會奏最南京
國字又就經堂明宗師道峻擢還期荷
榮

贈石梁先生巡撫四川

朝捧 綸音出玉墀先聲今已到西陲帶將柘府風
霜肅化作天家雨露滋夾道旄倪迎節鉞還方夷獠
攝旌麾賜環六日蒙嚴詔蜀道何妨去馬遲

慶大理陳太守錢氏九旬

桂花香裡肆華筵共慶高堂五福金花甲一週仍
半百年未艾又期千雅恩已沐
天家寵積德由來上澤通陽羨不覺程允何
處是齊仙

西山偶成

馳驅終日成何事且得閑行湖水濱凜々寒泉三
雪陰々古柏四時春天家時雨蘇民望棹橫清風新
俗塵莫訝老夫曾次閣乾坤化育本無垠

和馮司馬名文升

聖駕悅性南郊

德符上帝感新晴禮重南郊展特牲日照天衢行
玉輦風清閣道熾鑾聲百靈擁護龍光迥二氣細
溫瑞霽輕自是中
和功用盛匪徒極祀格
皇誠

題梅軒 李二守父

繞屋寒芳絕點塵
英看雪裏挽回春
任渠時態空容
好可以平生節操
夢入羅浮香更遠
詩成東閣興

偏新吳公山下清如許不減西湖放鶴人

贈通政吳格甫觀還廣東

九上慈闈天下稀
封章懇切乞

恩歸白頭榮養渾無艾
紫誥推封倍有輝
五嶺爭
迎新彩仗三公不換
旧班衣
三
不歡後早促
行裝上
帝畿

贈進士鄭溫卿宰鄉平縣

家學淵源衆所推
文詞泉湧浩難羈
鸞宮敷教三山
重黃甲登名四海知
要使蒼生安社席
可教赤子被

瘡痍慙慙問我臨民事祇在斯心一轉移

壽松坡先生 御史王昇父

致政歸來已有年
喜聞康健尚如前
資郎按節霜威
肅懷道承顏綵服舞
松邑凌寒同雅操
梅花散發趣
華筵六旬又七
渾無艾更閱春秋到八千

壽戶部員外郎紀溫母

九月秋高天氣清
華堂此日薦霞觴
蟠桃供宴三千
歲萱草恩憂八十
霜紫禁行著

龍翔下青雲已有鳳毛翔座中彷彿瑤池會人似神

仙樂未央

壽長樂謝都憲七句

一別悠十五年春
風海屋喜籌添
抽身已脫風雲
會恣意遊諸泉石
綠椿樹影中翻彩服
蟠桃花底醉
華筵賢郎索我南山竹
雙祝闔中不老仙

贈顧天禎

東風吹艾柳依上有客携書獨自歸
休訝鵬程未如
重嘆心龍劍已生輝
曾將姓字留天府
行看文章動
棘闈
轉眼杏園春色好
江遊宴莫相違

賀平江伯

滄海桑田幾變更將星高並壽星明
營治水主光先
烈帶礪河山永舊銘
閱世不須論甲子折衝何用用
戎兵材藝文武如公少天錫選齡贊治平

賀馬司馬贈平江伯脩河之作

人物爭推第一流九重眷注獨綢繆
用材每動傷
民念臨事常懷爲國謀
疏鑿可忘胼胝力平成方解
廟堂憂行看節鉞還朝日允作皇家利濟舟

賀馬司馬名大升賜蟠之作廣屠都憲韻

宮袍繡蟒賜來新此日文班只一人
且把功勳扶
社稷謾誇榮寵換麒麟明裡肅舉覃嘉慶
盛事親看
耆老臣千載風雲欣際會此心安肯愧明神

和繡衣吳一貫見贈

民事關懷似渴飢愧無長策濟傷夷
數盈白髮從他
長一片丹心自不移但使疲氓安社席
何須歸路揮
旌旗非材圖効消埃報敢望功名勒鼎彝

東吳繡衣一貫

老我東吳治水來逢人開口羨奇才
騰劍氣衝牛

平潭已霜威肅憲臺文曰曉奔三峽水聲名轟赫九

有知不待火靈方自有殊恩出聖裁

和平江伯韻時平江伯脩張秋工成候

命臨清

回頭咫尺是皇州底事歸期及素秋
一任光陰似泥
水直將功業繼前脩壯年已際風雲會
指日爭看魚
水投從此定膺心膺奇知君端不爲身謀

賀秦少司徒父八旬受封

山遠輿地行仙崇壽誰人得兩全
三品有官承

賀秦少司徒父八旬受封

帝命八旬無事樂天年乾坤錫慶無私厚
橋梓相輝
然世事人間能幾見怪來中外竟誰傳

贈耕隱少傅徐先生之叔

高卧烟霞歲月遠遠來相會慰相思
畫綸清節人閑
更補衮華勛笑下奇故里雲山還入夢
都門冠蓋又
分離明年七袞璫池祝長共南山雨露滋

贈袁典史吳仕明送安鍾舉人

客舍秋來多別思公家事了是歸期
西風古渡帆飛
處落日寒汀鴈下時
蓮幕將新雨露花封爭逐燕

功德寺沐浴口號

上樹色暗溪橋滿目春光可自騎林外風清山
湖過日暖水痕消驚帶弱柳如指喚鷓鴣野長松
川招回首 鳳城三十里有興來往亦飛還

遊西湖偶成錄作堂岸并示宗憲

明媚春光三月天西湖上最堪憐好山面開昌
畫由鳥聲上弄管絃泉水每從崖際出野花故向兩
中鮮老僧不得同相賞祇傍閑雲樹影眠

寄長兄廷條

故園芳樹喜連枝况對秋風雨裏絲梅鵲閑雲封古
逕薇垣四月御疎佳溪山有約隨時來湖海無難莫
自羈并七百年駒過隙莫教詩酒負佳期

寄姪子肅

漸洒清風掛而來新涼應到讀書堂細將經史從
玩勝把文章取次裁仙桂未教九手折龍門端爲
才開鵬鵬養就冲天翼雲路扶搖不用猜

和林愈憲一中將武吏讀

行清運驛高來到此風光迥異哉仙苑吳越終古
紅丹崖碧水自天開從渠滌海幾回變依舊江山九
曲來頻欲乘鸞上寥廓懶隨凡俗謾低回

天開勝地列羣峯怪底烟霞鎮自封丹轉九還留故
坑道傳千古躡遺蹤蓬萊有客何時返洙泗源流觸
處逢一曲權歌八已遠滿山蒼靄碧烟重

武夷覽勝後留詩回首溪山似夢之碧水三天下
獨丹崖六七望中奇仙函自有風雲護塵世真驚
月移不覺惹烟滿林薄歸來番出處迷

馳馬行七上帶州和勢聊此一閑遊箇中自是神仙
境我輩元非世俗流精舍仰瞻朱子像傍人却訝李
膺舟莫言萬仞丹崖遠飛步還應到上頭

送進士陳靜之

平川涼吹拂征衣回首孤坑去若飛使者節旌歸
寄關故臣在懽被恩輝晤言款款應難盡別思依依
不忍遽佳兆昔年曾入夢竹君簪筆侍 彤闥

贈戴金憲還嘉興

月盡河頭酒一危世情堪笑亦堪悲昭君去國錄非

魏莊子亡羊漫泣岐風凋落花春寂
離眼眼前富貴浮雲過獨對青山自解願

聞夏憲副江西第一樓成因而賦此

崢嶸棟宇俯清流勝槩東南孰與儔
天上星辰鑒處檻前烟靄望中浮
控連吳楚三千里引帶江湖數十洲
人物山川成二美臨觴高詠興悠

贈霑化方大尹致政還

東風稅駕出京畿把酒臨岐對落暉
天上忽看雙目去林間遙見一人歸
朝雲出岫原無意暮鳥投林已

俗飛早晚濯纓嚴灘上紅塵不到釣魚磯

南坡詩贈連江大尹林時叙

宦路塵氛觸處多拂衣便向舊山坡
江亭已與故人別綠野應無俗客過
春雨五株門外柳秋天一頃坡
中禾稼灘上高風在歸把魚竿奈予何

庚子歲除夕與兵部正郎陸文量同飲分
詠得除字

向夕相逢向歲除故人共飲故情舒
不愁鄉信傳無鴈且喜賓筵食有魚
殘臘片時收拾後洪釣一氣挽

回初明朝又是朝元日願作祥雲護帝君

贈陳二守詩

一官重拜奇

恩榮別駕才華老成徽郡山川存舊惠
嚴陵民吏仰先声九天甘雨隨車蓋六邑和風逐旆旌
佐政黃堂公事靜惟應明月照山城

長汀道中有作

崎嶇曲逕羊腸遠迢遞層巒倚碧天
遠岫浮雲連遠岫高田流水落低田
一林野樹一林霧幾處人家幾

處烟光日春風回大造窮僻僻壤未應偏

寄連江致政郎中陳鴻漸

曾向秋臺早拂衣山中穩卧掩柴扉
高岡德風從家止寒窗冥鴻自在飛
半榻琴書存故態滿簷花柳正晴輝
連江江上忘機久只恐微書下禁闈

和林愈憲西菴詩

翠鈿紅粧水而開臨風促席自遲徊
可教泥滓能相沈腰有香風不用積
大華空傳當日詠瀟溪仍發日時
夢從來清遠非凡此好向窓前作意裁

小小盆池一境開，華燈映日徘徊香。飄深院蝶空
喜影落微波魚亦猜，莫忘源泉滋舊種。行看刺水長
新菱，多君會得元公意。移向西臺取次栽，
不染塵汙醺水開。日斜延賞未應回，謾將冶色隨歌
扇。自有清香到內臺，潔淨堪憐君子梁。芳芳多得故
人栽，叮嚀莫向風前落。更待明朝載酒來，
綠葉叢中幾點開。清香細細逐人回，夜隨明月圓瑤
砌。畫逐薰風入畫臺，玉井任教隨地植。天池端合倚
雲栽，主人愛此情無極。相對忘言去復來，

贈金華徐仕英任寧國經歷詩和兵部正

郎陸文 量韻

潞河十月未流澌，正趁輕舟南去時。令譽昔於蒲水
識，離筵今向薊門辭。天邊頻沐

恩光重幕下，還看惠澤滋。江左風流成底事，並風好
味昔人詩。

壽桐江趙叔英五十并送別

邂逅金堂笑語同，歸心杳杳逐冥鴻。還舟傳得桐君
訣，把釣長歌嚴子風。白日臺中春不老，彩衣堂上景

無窮。夜來遙向南天望，一點長庚燭太空。

桐江濮君齊壁拜

命典歛庫教歛即古新安朱子之鄉，朱子何人所學
所教者何事。君往尚思所以，後其源揚其
波。則於師道詎不有所增重耶。酒壺既傾，
詩以贈別。

初拜儒官荷

龍崇翩然飛旆出，都城連天草色迷。歸騎滿路當
帶別情，道繫斯文當自重。教由師範諒非輕，新安一

派源流遠，好振餘波及後生。

送錢塘徐憲卿司訓恩縣

驅車千里向山東，教鐸初持振泮宮。冠蓋已沾新雨
露，箕裘不墜舊家風。明經自昔推胡瑗，絳帳于今笑
馮融。他日諸生多造就，誰人不道錢顏功。

送袁父迪司訓南陵

駁罷驪駒促去程，都門樽酒若為情。儒官世俗雖非
重，師道由來本不輕。雲路謗雙翺健，芹宮偏喜一
鸞清。橫經講道无餘事，應有春風及後生。

賀揚編脩守陳乃第守陞復中解元

易學淵源有自來文章宏博動金臺越山越水偏鍾秀難第難兄總撥魁表宇一番傳盛事

朝廷兩度得奇才明年三月長安道又聽春風第一雷

壽洪知州父 歙縣人

堂上嚴親邁古稀膝前遊子日邊歸分符喜勝毛生傲衣錦榮逾葉子衣黃菊香清耳晚節蒼松色秀淨寒暄夜來繡香江天望南極祥光接火微

贈桐廬子思

徐集卷之五

元

燕室邂逅未及時底事匆匆賦式微老阮偏隣阿咸去大蘇應惜少游歸路河是南沾征旆嚴瀨清風拂釣磯明到高堂稱慶處管花香襲老萊衣

繼科堂為江西獨孤高題

名登科第古來難奕葉相承豈等閑萬里目雲看接武一枝丹桂喜重攀人間不墜箕裘業天上寧虛駕鸞班昭代家聲從此大好將功業播塵寰

題春江送別圖贈姚良甫從兄南還

水泮春江漲碧流江頭楊柳發行舟遠山渺渺疑鄉

恩賜柳依上館客愁夢覺尚懷春章句雖來還憶竹林遊子陵臺上重回首一朵紅雲是帝州

送刑部劉員外秩乃弟還

菱蕩楊柳不勝秋風與西風滿釣洲客舍驪駒方唱徹都聞樽酒且夷猶孤雲飛處催歸思斷馬嘶中動別愁此去故鄉應有問難兄聲價重 皇州

吾里錢君大中風英邁負奇譽予與之別數年今冬文中謁選天曹試用有日若無何接例歸省用賦此以識別

徐集卷之五

年

十年契闊思依然邂逅鄰壘足別筵迢遞關山寒雪後微茫嶺樹暮雲邊暮而楓關青霄迢歸到排床綠服鮮誰謂太阿猶未試龍光夜夜耿中天

梅坡

搖落群芳見一枝歲寒心事獨相知不隨桃李爭春色自與冰霜愜素期竹外臨觴頻促席客前橫月費歌詩他時待試調羹手俗眼驚看始識奇

廣何溪徐孺人錢氏六十

江柳山花映綠衣畫堂稱慶樂無涯一時佳氣生門

閱四座歡聲沸竹絲青鏡年華從髮變碧苑春意與
時遲何當跨鶴乘風去爲祝長生獻壽卮

寄雲峯吳先生

獨向 明時早拂衣急流勇退古來稀朝雲作雨還
山去暮鳥投林背客飛南畝秋深香稻熟西塘春滿
錦鱗肥黃金臺畔頻回首遙遙雲峯遠落暉

贈家城令方先生淵還淳安

引年便欲掛塵衣促駕都門賦式微故里遙知三徑
在清時今見一人歸頻過石硤尋書院閑到嚴灘上

釣磯龜鶴山前春正好滿川花柳映柴扉

贈南雄別駕陳建翰

浙省曾同拚桂枝杏園久誤看花期事誇彩鳳丹山
現可柰明珠滄海遺一遺祥風迎馬首九天甘雨逐
旌麾賣力買犢從今始會見靈方化日熙

贈廣西大參苑德章

藩翰旬宣屬俊英郵亭樽酒送君行十年京國論交
意萬里關山悵別情

魏闕風雲成遠夢桂陽民吏仰先聲懸知春色隨行

馬雲輝潛銷物亨

考以協君宗器以正郎滿三載翰林編修

林詩大爲賦近体一律一時相知者皆

知之予忝在同年後且辱知最錄用奉和

二 錄以左右第悅詞鄙意拙不足輸揚

三 錄以左右第悅詞鄙意拙不足輸揚

三載計功二司力濟懷卓牽共推崇劍光直指崢嶸

群空奮唐書隱明金書萬里鴻毛遇順風

楊君十 考功正郎三載聲光著秋七桂懷星

北流 思江流東盛世振鳳鳴新日高秋一

晴空仁潤之中屹砥柱挽回士氣銷頹風

贈交恭唐二尹

大湖二尹 不且真高堂獻壽社臣道未應

道釣雲 不且真高堂獻壽社臣道未應

乏才此去落溪惟咫尺馬前休訝玉山頽

贈壽昌華并卷必慶選雅堂

朝罷歸來送客行 若爲情臨別

酒回首 蓬萬里程沿路雪花迎去馬還方春色逐
行旌古來聽訟知多少惟有甘棠播頌聲

贈懷慶倪太守

鵲鴛聯班已十春同年惟子最相親分符領郡思波
重把酒臨歧別思新千里疲民迎五馬

九天甘雨逐雙輪此行試教循良守要與薰黃踵後塵

贈馬時宜下第還鄉

三宜陽關對酒歌相看无奈別離何題橋共擬追司
馬獻玉誰知泣下和野水煙波歸路遠故園花竹

情多京華更有青雲約回首東風聽珮珂

贈新安朱克紹還鄉

昔年萍水識韓荆今日相過見故情夜雨客窓添別
思西風祖道促歸程北來歷覽江山勝南去還尋鷗
鷺盟都下柳條搖落盡不堪無語贈君行

和工部張主事沙元示韻

數載交游氣味親卜居况復在東隣杏園聯轡風光
好楓陛同袍雨露新都下有人歌伐木郎中无客
陽春紛上擬結金蘭契誰似曾參獨輔仁

壽桐江趙翁八旬

蚤游泮水誦菁莪晚着烏紗耀薜蘿

聖世已甘嚴瀕隱高年未許絳人過青山對酒春長
在彩服盈庭樂更多遠寄新詩爲君壽請看銅狄幾
摩娑

送建德宋謚還鄉

衣錦新看白晝游幾年辛苦志初酬誰言投筆漸班
氏自許成名擬鄭侯月落薊門驚別鴈帆飛嚴瀕起
浮鷗故園到處堪行樂莫使功名負黑頭

壽剡溪張處士八旬舉人張軒父

剡溪上上足幽居八十年來勢利疎但使風流高洛
社不將仙隱博安車長庚入夢符佳兆南極流輝燭
太虛我欲獻圖爲君壽緘詩千里托雙魚

送人省親歸淮

東風搖曳柳依稀客都門賦式微題柱未酬司馬
志還家且着老萊衣白雲千里關情切錦鯉三春入
饌肥佇看子衡堪驕步一鞭早着莫相違

送李思安掌教還寧

榮捧除書出 帝京淡烟疎雨送君行 驪歌且盡一
樽酒 鳥道寧辭萬里程 泮水橫經鄴士論 洛江覽勝
恆詩清 傍人休訝儒官冷 賸有春風滿座生

送袁克和之德州學正

柳葉榴花綠映紅 離樽酒暫時同 自慚薄分疎張
藉却喜傳經得馬融 階下菁莪沾化雨 門前桃李荷
春風 德陽封境隣鄒魯 洙泗源流一派通

送福建林逸士還鄉

浮雲聚散本無期 邂逅那堪又別離 郭隗臺前相憶

卷之四

十五

處王融山畔放情時 滿樓明月一樽酒 半榻清風數
局棋 聖代逸才多擢用 未容林下獨棲遲

和武選正郎葉廷茂韻送顧千戶惟清還

松江

轅門步武着戎衣 泮水窮經志已違 關上棄繻人尚
識 座中投筆孰云非 登科謾羨唐韓愈 報

國還推宋岳飛 西北羯胡猶未殄 他時有待凱歌歸
贈新城表孟陽之泰州倉大使

早辭 京國向蕪城 驛路迢迢一棹輕 遠渚芙蓉涵

氣 關堤楊柳響秋聲 宦情偏憶江山勝 公事惟應
料量平 萬里飛騰終發軔 還期遠大樹功名

挽泰和王處士

一去塵寰三十年 至今高行有人傳 林泉已失當時
主 卿曲猶稱遜世賢 義獻章書應獨步 軒岐妙術更
精妍 勉予未識春風面 楚些歌殘爲愴然

贈徐本入南監

邂逅金臺話未窮 長亭折柳又匆匆 離筵欲別情如
海 伏劍相看氣似虹 上苑鶯花迎曉日 南雍桃李謁

卷之五

十一

春風期君早撥壅 宮桂莫負雲窗十載功

挽桐江郭文政

七十餘年兩鬢霜 誰知一畝熟黃梁 桐廬江上煙波
冷 耕讀軒中月色涼 新塚松楸正肅瑟 滿庭蘭桂應
芬芳 阿戎到日春將晚 杜宇聲亡欲斷腸

贈姚子重遊南雍還桐江

御門邂逅若爲情 折柳長亭又送行 天上回看
雙闕迥 風中遙見一帆輕 他時韓愈終登第 此日何
蕃且擅名 極目故鄉何處是 桐江江上暮雲橫

贈孫大器入南雍

泮水交游巾幗前都門邂逅各依然更爲後會知何
日爭奈相看是別途潯南帆影照金陵花柳弄
晴烟飛騰早向青雲止莫使功名負壯年

涼坑仙洞

大鍾山畔石岩東洞戶常紆一徑通軒窗校遠元
氣碧飛花底有清風數盡仙大浮雲外百尺寒泉
澗中自是丹丘真絕境更從何處問空峒

贈建德邵本仁游南隄

燈火寒窓舊結盟喜於客裏話平生盡替偏憶當年
事折柳那堪此日情北闕觀光時壯志南雍掄秀擅
芳聲功名自是男兒事早奮雄飛萬里程

贈建德翁文雅游南雍歸舟

風忽值暮春期撫景臨岐悵別離花柳行旌紅簇
簇柳迎飛旆綠垂垂何蕃太學知名日萊子高堂
彩時故國江山休又惡鴈鵠終擬化天池

贈東溪余世英游南雍

驪駒歌罷駕南轅且盡離筵酒一樽京國舊知懷
抱

叔蘇雍新進得何蕃林穎大藉頗研究天下群英共
講論壯歲功名須努力五雲深處沐鴻恩

贈建德黃廷器游南雍

楊柳風清雨乍晴片帆遙指石頭城烟花不盡行旂
雲樹生舍故舊情回首天衢程萬里潛心燈火夜
三更他年謁選承

恩渥好展才猷答聖明

贈浦江主簿夏興

山城連幕楚星明統郭江雲指去程風度鳥鳴官舍
靜烟開樹色野峯晴句稽有道人誰念佐理无私政
自成鳳凰終難淹枳棘他時阿閣聽和鳴

乾廬陵王美

一立一壑寄浮生不羨紛紛利與名夜月窓前展書
讀春風龍上課童耕歲華忽邁龍蛇夢野水空閑鷗
鷺盟却憶青山埋玉處白楊蕭瑟作秋聲

挽安成羅敷

學問淵源有自來十年志下獨排細鱗經已究宣尼
賢鵬賦空憐蘭誼才世事浮雲從此盡生涯流水不

重回嗟君无分登簪富掛秋風空自開

寄胡致父七十

轅門有子如鳳雛白首无心荷

龍帝鏤鏤尚能談武略道進已自脫塵纓天邊取上

長庚現帶下翎衫服輕此日華筵開壽域詩篇選

寄祝長生

挽恭和歐陽允乾 刑部郎中歐陽允乾

雲路飛騰見鴈行林泉深處獨潛藏祇綠堂上晨昏

春懶逐人問勢利場遺德有名書里祀高風无處挹

寄雲峯吳先生

春光蜀江江半空回首風悲風撼白楊

度具雲峯吳先生詩韻

憶昔入郡庠時蒙以詩見贈迄今二十餘

年一緬想間恍如宿昔偶奉和前韻錄呈

伏乞覽正

振衣昔日荷陶成自愧才非問世英叨祿未能耕白

首匡時端欲濟蒼生海雲渺上從龍起朝日腫上觀

鳳鳴遙想先生歸去後掀髯笑不關情

和都憲遊丹山韻

梵宇蕭蕭山外山欲窮幽巖未能開十尋接地青峯

聳一道沿崖碧澗旁古木兩晴疎正掛長林烟瞑鶴

初還萬綠照破都成幻不在尋常色相間

達矢懸門二月時草堂設宴及秋期設誘飛李春風

早自愛山林晚景遲海屋籌中添鶴筭桂花香底泛

金卮醉來對南山坐笑看蒼松色不移

寄雲峯吳先生

翹首雲峯咫尺間相思如隔萬重山祇緣攀栢傷心

寄雲峯吳先生

切可是振衣訪舊難管協新声渾厭聽琴依古調若

爲彈東山山下高齋畔徒倚危闌夕照殘

寄吳天祿綉衣

栢府歸來護濯纓波瀾難撥付閑情時違便覺行當

止道在應知去亦榮路隔青山紅日遠家連綠野白

雲平懸知三運依然在一日當松且結盟

建寧道中贈撫州知府謝瑞起服上京

五馬行上 帝京曉來涼吹拂雙旌建溪石出清

方淨梨嶺雲開雨乍晴三載可堪鳥島恨九霄還種

彩禽鳴使星飛入紫微省休遣兒曹竹馬迎

恭論捧

表上京區七追感於劍浦驛座中各分韻賦詩爲別

原七得時字齊字先字用成近體三首錄

奉和先正

聖主臨軒壽萬年蕃臣捧表遠

朝天絲管立鸛飛雲外已覺丹心到日邊對客每舉

和氏璫一皎設贈繞朝鞭鴻毛喜遇東風順雲路飛

騰許孰先

全唐詩卷

十一

既聞北去草萊已滿道輕風趁馬蹄客程看日

近九重

聖壽與天齊驛亭月落騎君早江浦雲深影迷天

上故人還惜別草堂應續舊時題

又

涼風吹水添金危劍氣如虹光陸離溪頭新漲壯行

色山頂橫雲結去思載行山呼起更舞連瞻

天表出復遲料得此行定高摧合併未擬復何時

嚴陵八景

千峯古樹

四面奇峯百雉城仰觀俯察莫非文雲開萬里煙光
淨日出層巒曙色分佳勝杳无塵俗到潺湲惟有水
声聞登臨懷古无窮意几坐忘言對落暉

八面層巒

差我萬仞與天參面七峯岡擁翠簾重厚特然尊列
鎮登臨頃爾小群嵐出雲品豪資霖雨近日光華映
珮簪屹立乾坤增氣象鍾靈毓秀冠江南

雙塔兆魁

全唐詩卷

十二

巍七對峙衆山低卯巽星峯識不迷拔地兩尖聳文

筆凌空七級豎雲梯青囊術數由來驗黃甲魁名取

次題從此文光昭盛代三元不獨昔人躋

二江成字

混沌分開二氣浮文明頭著草爲西墨花滿洒風生
浪筆勢雄豪兩漲流萬頃東來橫作畫乙泓南注直
垂鉤乾坤自無成文處白雪難磨去子瞻州

三墩毓秀

芳草綿羊器宇堆山川融結不須培敦同海上蓬萊

為瑞作人間玉燭臺佳氣葱蔥連四境靈光奕奕
三台景純秘術傳千古怪底五岳產異才

九井儲清

以井三列郡隅寒泉一樣立名殊中宵月色沉金
鎮日天光漾玉壺海竅引來源自遠石間流出淅
淅無王明受福由弘濟豈但人間不被汙

七里揚帆

向山壁立瀉長河十幅蒲帆瞬息過上下偶因風力
使東西不覺路程多江流烟淨澄如練水自雲飛疾

六

老後嗟笑往來名利客誰為砥柱障頽波

兩臺書鈎

一帶山門列畫屏擎天兩石俯清冷日光漠漠橫前
湘樹影茫茫繞故汀自分畫綸歸澤國漫勞占象動
人心清風千載常如此當日雲臺浪得名

贈方旭陳任順潮驛宰

親捧除書出禁城一官又向嶺南行兼葭浙澁雨初
歇楊柳依稀風乍晴地僻應知來使少潮平偏覺
帆輕驛亭盡餘事翻笑羣衙苦送迎

贈任龍岩縣丞

清曉誰人唱渭城西風吹雨作秋聲過家不覺添歸
思游宦還應惜壯情野迳人稀塵自染章臺事簡宜
偏清巡邏自是多餘暇整鼓无声犬不驚

送富春驛丞雍堂

兩袖天香出禁城淡雲疎雨送君行范公同畔松花
老嚴子難前風月清官轍不教塵染上青
鍾公餘拈筆多佳興一幅輕綃萬古清

又寄雲峯

先生遠念先人逝一騎西來不計程苦寂可堪孤子
懷劍留多荷故人情雲連塞草含凄風攪庭柯帶
別聲三十年前下士奴上未得整平生

韓李司徒敘

雲如秋爾鵲如春白髮當朝老盡臣盡瘁一能忘國
計竭忠安肯負皇仁行藏以道入皆羨終始完名
孰與倫人物如公寧有幾九原不作為傷神

乾仲惟馨以醫起家仕至尚書卿休號松
東甫室應人

自別松東已數年金臺聞訃重懷然

兩朝龍遇人皆美一代醫名世共傳菊園秋香還自

老杏林春色竟誰憐活人陰陽從來驗集鳳齊飛傍

日邊

挽鄭縣章以武係初舉員外章規夫

謝却塵寰四十秋浮雲流水兩悠悠生前不墮利名

窟死後猶存燕翼謀半榻琴書殘月冷九原松柏集

烟愁慶鐘令于今榮顯贏得封章出鳳樓

挽致政太常卿陳贊

卷之五

廿五

解組歸來未十秋已將世事付東流

朝廷此日思遺考洛社何人續舊游菊迎就荒秋雨

終章堂長捲暮雲愁文章不與身俱沒江漢滔上萬

古流

輓竹坡都御史汪浩父

竹坡人去幾經年見竹吟吟益愴然龍蓋已開燈嶺

展荷田猶旧泛湖舫風毛忽落秋風外馬鬣空餘夕

照邊今日

朝廷多雨露恩光選擬貴重泉

輓戶部郎中志真母

故里歸來未幾時忽聞飛訃不勝悲懷中春日開萊

彩堂上西風慘惻惟人世幾何嗟薤露仙魂迴爾隔

瑤池華林第一峯前路落月凄凉照寒碑

輓柯江王竹泉翁

夢隔塵寰已十年竹泉深處慘寒烟柯江義渡番遭

德嚴瀨高風戀昔賢掛簾劍遺秋月下登山履冷夕

陽邊昭昭大史銘文在讀罷令人一愴然

輓余葉方處士武

卷之五

廿六

憶昔垂髫獲侍公桂林堂上挹高風心緣好客樽常

滿家爲同貧困累空松菊怡情陶靖節江湖浪迹陸

龜蒙于今英爽歸何處宰木蕭蕭大嶺東

輓恭和王處士

一去塵寰三十年至今高行有人傳林泉已失當時

主卿曲猶稱遐世賢義聲書應獨步軒岐妙術更

精研愈予未識春風而楚此歌殘爲愴然

輓戶部嚴郎中憲母

卅七年光逐水流萱花零落幾春秋荒苗不省客儀

省機杼還將手澤晉丹穴鳳雛依

魏闕紫霄鸞語首荒丘應知瞑目泉臺下何必區區
論短脩

挽順天府治中蕭翰

飛騰雲路際明時蚤升封章出玉輝自昔歷官多
善政只今到處有遺思可堪浮世應如寄空嘆蒼天
不憖遺舟旖旎歸故里西風吊鶴不勝悲

悼妻

合卺于今十六霜浮雲流水意茫茫浮生塔數春秋

徐康懿公餘力藁卷之四

七

短大夢那知歲月長愁對孤燈懸悵悵忍開故篋檢
衣裳歸來最是傷心處塵滿空房月滿梁

輓同年地官劉主事澄母

就養京華未幾時歡娛一夕遽成悲大家不復東征
賦五母猶存斷織絲花底板輿閑歲月堂前總悵想
容儀

聖朝尚有追封典贏得龍光照墓碑

徐康懿公餘力藁卷之四

徐康懿公餘力藁卷之五

舒城縣知縣男順編刊

歸州州判男使重編刊

贊

陸大參贊名容蘇州人

動止從容儀形俊偉存心也淡平无欲處事也秩乎
有理爲夏官屬而安遺之樂重陳佐浙藩政而旬宣
之績可紀政事超乎案牘之繁猥文學探乎聖賢之
奧旨不立異以趨趨不拘俗而靡靡蓋將與古人而
方駕豈俗吏之可齒噫行焉而止樂天順命如斯而
已

壽州判錢君文中畫像贊

貌清而雅行端而方凜凜乎如松如栢表表乎如珪
如璋佐政壽陽茂著循良之跡授閑蕲境脫屣名利
之場有秋亭中尚不忘乎稼穡聚登樓上每託興於
文章噫斯人也其克紹融堂之遺芳者歟

錢君叔賜遺像贊

其外溫々其中休々雍容審順蕭散林丘付閑情於

流水逸声利於浮溫脩身正家允克振乎先業讀書
好學武有慕於前脩其

聖代高尚之士古者逸民之倚有賢厥後紹彼箕裘
遺象儼然孝思悠々

知縣阮孟昇畫像

體清而雁貌肅而莊其存心也恬淡其操行也端方
蒞官惟尚乎簡易字民不愧於循良方當任賢圖治
之際陟崇階躋顯秩其可量哉其可量哉

家城知縣茶坡方淵先生畫贊

私和而貌古志確而行方大乎如玄酒中濟至味
然若璞玉不露昌其出也謠絃歌於花縣其處也
伴松菊於柴桑從容自適與道行藏噫若人也殆將
踵蛟峯之高躅紹愚泉之遺芳者也

吳君本思爲人謹厚不事表襮曲間皆

推爲長者年九十餘循唐強若壯時方人
朝廷舉行敬老之典冠帶以榮之夫錫之難老者

天命也錫之冠帶者

君恩也噫非有德無以致天

命之永非天命之永無以來

君恩之永豈偶然哉宜有贊詠以垂永久

乃爲之贊曰

貌清而古心坦而夷介若玉立益若春熙山林遠處
鄉曲表儀惟天鑒之曰茲有德錫之眉壽永無祿終
呈嘉之曰茲有德錫之冠服永々無已維德維盛諸
福其凝只

頤寄盧若蘭畫贊

氣和而莊貌清而雁立園高而琴書自娛郵終南之
捷徑慕者論之潛夫烟霞痼疾乾坤敞廬噫斯人也
殆聖世高尚之士古者逸民之徒歟

邵母葉氏贊

有順其德有婉其儀婦道母道昌其似之既壽既康
享厥繁禧今其已矣維像斯遺子孫永懷孝思

壽贈大方伯李公竹卷

成化癸 歲夏六月 福建大方伯南海李公將述
職上京師屈行有日同寅皆懷々不忍其別而少參
張君天瑞善寫竹乃即所歷之景寫爲八幅上有悽

題上各詩同實又皆屬而賦之聯爲一卷張君既
自序其端復屬予一言爲識予惟贈行而以竹者所
以寓情也情發於中而寓之竹之一也而景不同景
之不同情也所由感也觀夫藩省之間蒼翠雲屯清
風徐動儵然有爽愷之狀此微省清風也公之令德
可親可挹者於此見之省之外春陽敷煦濃陰秀色
森然蔚然令人有不忍剪伐之意此其棠春曉也公
之惠愛可慕不可忘者於此見之自是沂上流道走
溪明月腫上烟水茫上此處月色也公之清標雅

致於此見之由沂水而經北固烟消霧散拂雲參天
曰北固朝晴公之意集凌雲者于焉可見也由北固
而抵路河少雨暉上枝葉下晝曰路河夜雨公之位
愈盛而心愈下者于焉可見也由路河而至京師朔
風被拂若赴若伏曰丹墀舞舞清露湛若載沾載溼
曰玉陛承恩公之羽儀

朝廷而荷 聖天子之丕顯休念者未嘗不于
焉可見乎然情寓於竹而見於景竹以候其人景以
狀其所遇處之不同也托此况彼則公之爲人可知

已然猶以爲未足盡意也又於詩焉發之詩凡若干
首皆頌脫含頌美意宛然漢漢之咏武公也蓋公以
名進士起家由地官屬歷郎中奉藩政爲方伯長教
歷中外芳聲著欽赫在人耳目視武公豈多讓哉
然武公以列侯而奉入相于周至今天下稱之今之
方伯即古之列侯也矧公屢爲當道者所荐

聞必已簡在

聖心矣茲行將陞台鼎陟樞要以惠我天下生民端
有所屬衛武詎得專美於周歟貞心勁節凌厲風雲

批揭宇宙者又當於是乎觀竹云乎哉

恭題

皇明憲命錄後

右

皇明憲命錄一 卷火保吏部尚書姚文敏公兄弟

父子所愛於上者也集而成錄修上恩之懷公名葵

正統乙丑歲拜吏科給事中景泰庚午三月四日

賜勅命并封其妻王氏爲孺人贈其父惟善給事中

母中孺人未幾擢南京刑部侍郎尋轉禮部壬申

八月二十七日奉

勅使滇南者數官吏稱

旨癸酉二月二十六日

賜諸命并進封王氏為淑人贈其伯華父惟禧俱

禮部侍郎祖母楊母中書便淑人天順癸未正月十日

英宗皇帝手勅擢公禮部尚書成化己酉閏二月二

十五日

皇上賜諸命并進封王氏為夫人加贈其祖伯華父

惟善俱禮部尚書祖母楊母俱夫人戊子六月

八日上手勅改吏部尚書癸巳正月九日卒于官

是歲二月十有六日

賜諸命加贈少保譚文敏公從弟福建左方伯名龍初

為刑部主事正統己巳虜寇衝斥九月二十五日奉

勅攝御史事往河 帶收集軍民保障地方十月

十日奉 勅一趙是戶二十有八日與部御史陳

隘共奉 勅一道景泰庚午

錫勅命并封其妻袁氏為安人贈其父刑部主事前

母俞安人母張太安人公長子兵部郎中璧初為兵

部主事成化

上賜勅封其妻趙氏為安人次子中書舍人蕭庚子

五月二十日

上賜勅封其妻蕭氏為安人妻後所賜諸勅遇三十

有一道天章厚澤賜諸勅自是亦崇矣哉買

朝建於臣下三載考贈則

錫之諸勅推其所自與其所配所以念其賢勞而寵

異之也茲任便之際授之以勅者又所以重其事而

簡命之也豈徒然哉是故身在大臣而彼寵錫者有

矣兄弟並被者誠鮮也兄弟並彼已鮮矣父子皆彼

者尤鮮也今乃萃於姚氏之門猗歟休哉抑豈無所

自歟竊惟文敏公自給事中拜刑部禮部侍郎荐陞

宗伯位冢宰宜遠忠誠豐功偉績著在天下方伯公

自刑部主事員外郎攝御史事已而出參河南為福

建左方伯咸有政蹟壁與璽又皆材器不九克世其

業所以致是者良有以也意當風雲之會際享嘉之

期一門榮華千載奇逢誠有非偶然者今而歲終成

卷感無已思所以正休先烈而圖報稱於萬一則
於臣子之道其庶幾乎間以示實謹書此識其左方

題贈亞恭張君卷後

予同寅張君天瑞初以進士權工部給事中仇以
直道自負變有所建白裨益良多甫五載擢陝右亞
恭致以釐政務恤民隱為已責時歲屢歉墊而邊
事日迫徵需急於水火為難有以資民子女鬻於官
以償者不下百數君見而憫之即遣之去適為規畫
代輸之民皆惟呼號舞未幾報去服闋改閩藩同

題贈亞恭張君卷後

星

卿若翰林謝君子喬至君德輝刑部為君瑞之工部
楊君時秀華威鎮于城西之草堂君賦其詩為別諸
君皆屬而和之訖而聯句聯訖而又各和之既而謝
君復認之君至閩猶前志也遇事慨當予奉如最得
每與議論論天下古今事即慷慨激烈欲坐箕斯民其
志固如是也問以是卷示予屬一言識之予惟君子
以道相與張君有志於行道非世之說者可比諸
君之贈皆有道之言又豈世之以勢利相誇詡者可
倫哉且序謂古之人以一夫不獲為已事君之所

以用心蓋如此殆以伊尹之志期 君也夫伊尹之
志以天下為己責仁天下者之心也彼居人之位食
人之祿視民之休戚若越人視秦人之肥瘠者獨何
心哉傳曰志尹尹之所志此謝君之所期於君而為
君之所自負者也推是心也行是道 豈直一藩而
已迨而 任天下之責慰天下之望 任此矣視彼
嗜利苟祿施然肆於民上而不顧者相去何如
昔歐陽文忠公作畫錦堂記人謂非魏公不可聞此
言非文忠公無以此言告 予於謝君之言也

星

亦

題范文正公

右范文公所書伯夷頌古今人題詠多矣予何容贅
嗟夫文正公宋室名臣道德功業炳炳朗朗當以三
代以上人物論之其片紙隻字流落人間者雖三尺
之童皆寶之况其子孫哉失而復得意必有點相之
者噫先天下之憂而憂後天下之樂而樂安得復見
斯人也耶高山仰止景行上又當於字畫之外求
之若彼繪與似道乃宋之賊臣不啻大竊其墨蹟二

刑去之勿爲此卷之汙可也

跋錢氏繙紳翰墨卷

太醫院判錢君伯常我

朝名醫也昔在京師時繙紳大夫或踵門或招簡邀請无虛日嬰兒之賴以全活者吾不知其幾矣其子院使君汝礪以其平日所得繙紳大夫簡牘彙纂一卷請予一言識之夫人子於親雅忍其善之弗彰也院判君被寵於

朝廷取信於繙紳而名聞於天下亦何假於諸公之

翰墨乎而院使君汝礪而不棄者蓋其心無所不用其極意豈不曰諸公之手劄尚存而吾親安在耶今觀諸公之手劄則吾親之所以見重於世者宛在在目前而不忘也意其亦仁人孝子之用心也哉

題胡君孟質八仙慶壽圖

世傳鐵拐風僧哥鍾離洞賓藍采和懸壺子曹國舅韓令謂之八仙出入大化與天地長存居蓬萊方壺間好事者繪爲圖以祝人之壽今觀此圖中繪南極老人次列八仙紫雲白鶴鸞桃玄鹿交錯於其前

此卷蓬萊方壺氣象也歎之人以是祝胡君之壽意則其壽與八仙等也噫神仙之說其有無雖不可知然以是祝君之壽其頌壽之意亦至矣吾聞胡君爲人樸樸林壑有超上不羈之風又安知蓬萊方壺不在人間耶又何必殫霞鍊氣飛昇靈幻而徇爲仙耶胡君名周字孟質世居歙之璫田今越下壽將來未可短也其 贊以是圖索予題因書以歸之

書原州經歷李君維清恩榮卷後

予寓長大方伯路公一日持其姻家李君維清恩榮

卷示予且欲予一言以圖卷中始圖拜

勅將迎之狀次寫所

賜勅一道次又圖其夫婦像貌蓋將修

上思以示子孫也吾聞維清以安成名家博學篤行

蚤有鄉譽景泰間用知者薦擢雲南臨安府經歷

以清勤聲譽播諸南三載以外艱去服闋陞湖廣辰

州府蒞官猶臨安時也乃者苗匪弗率

朝廷命將討之時糧餉弗繼非悅甚艱大臣憂出不

測而委維其人會議以維清當之果不勞而況不

巡撫巡按與藩臬諸重臣遂咸器重以政績茂等
聞于 朝自是吏部奏績後居上最

上乃賜之勅以寵異之且制詞有克勤且慎之褒嗟
夫位之尊而近者道易行名易顯也膺授

勅命猶間得之辰州遠郡也經歷卑官也道之難行
名之難起昭々矣而得之又可易乎維清居難爲之
地而声名如此膺授

勅命而制詞褒重如此蓋千百不一二也非其卓々
之行出於尋常數百等其能爾耶今聞維清擢仁化

縣令政績聲譽易 行易聞固非昔比其設施舉措
必將有大过人者他日荐陟崇階拜

勅與誥而且封及所生與所配蓋必然矣吾又當嗣
續而爲之書

書融堂錢先生方唐孝友詩後

丁臧交唐君得志良榮儒融堂錢先生時爲其先世
所作方唐孝友詩示予并屬予書之且請識其後子
汝誌書云永平鄉所管皇十里人方桑事父母孝忠
行澤惠兄弟友知州鄭之惓聞而嘉之因表方之里

曰孝養唐之里曰友恭時嘉定戊寅之春也融堂是
詩小叙中稱今年春其亦作於是歲乎詩中所謂新

安守亦賢聞風興起之者時新安守孔元忠以其事
風勵諸邑亦得二人而旌異之嗟夫孝友者天性也

人々所同也豈特新安哉抑觀天下之人未有孝而
不友々而不孝者方之孝者必友于兄弟唐之友者

必孝於其親二者各舉其所重而言爾世之人徇私
而背理縱欲而戕虐者其於孝友何如也然而人心

秉彝之天則終有不可泯者是心也不以古人而有
不以今人而無不以聖賢而豐不以愚不肖而蓄孟

子曰孩提之童無不知愛其親及其長也無不知敬
其兄克是心也大之則可以動天地感鬼神光于天

下而垂於後世小之則可以厚倫理華強恭光于一
郡一邑而表正乎鄉俗古人所以異於今人聖賢所

以異於愚不肖者則在乎存與不存充與不充而已
耳唐君得志以時澤之聞孫遵時澤之清矩少孤事
母孝謹待其弟友甚其子見與焉又皆克承厥志孝
而能敬兄弟之間怡々如也則方之孝養唐之友恭

今皆萃於得志之一門矣豈有方唐之間乎在上者焉知無鄭之悌之表異 昔乎又焉知無孔元忠之感動而風勵鄰邦者乎獨惜予非融堂之大手笔不足以輪揚之耳姑書此以俟之

書簡

書奉王司馬公度

奉別二句有四載許時勿勝仰忽承華翰兼絨帽之惠登拜易勝感與計以尊候動履納福下懷無任欣慰生於今春又有巡撫遼東之命殊愧庸劣弗堪緬

餘卷五

主

懷往者海論之言如在信宿當銘諸心不敢違也謹此以布區區伏惟善加調攝以隆壽祉不宣

書與馬都憲

頃者率爾續冒荷沐容納且承書示非休心樂善直如古之大臣以天下為己任者肯如是耶敬仰敬仰遼東地方幸賴舊規尚在生謹當遵行但愧駕下一陽初復伏惟道與時泰為 國保重不宣

與李司徒

又仰不敢率易奉書鄧鑑至忽承華翰豈勝感荷且

云解江西糧銀至即發來適足見軫念遠方之意切惟遼東地方別無民糧接濟往年歲用銀一十萬兩并開中鹽引二三十萬方得勾用今年止是進士方天然送到銀四萬兩鹽又未曾開中倘有違情實為可慮即目雖小歎然斗顧此之任年加增數多勢要占窩賣之弊亦皆輩絕倘得照前發銀前來并開中鹽引使邊方有二三年之積皆閣下之力也草此布慰未間惟冀為 國愛重不宣

與陸大參 大查

卷五

主

昨聞榮權與論收歸非徒為知己賀且為吾浙人賀也向者羅價煩於皂隸銀內支還餘者付王敬之處收貯希示知賤累若今秋來倘得一便缸或順差一承差送至粵中尤幸可否在閣下斟酌不敢心也僕止有小兒洪在家未當敢至城府鄉人如有假稱區區子姪在杭紹販賣鹽貨者亦希以法繩之仍煩達知彭年兄處幸

與馬都憲

自歲杪及春缺於未間而仰慕之心私未知或忘恭

閣下任大貴重為國勞心件功苑社稷澤被
民正其時也惟慎自愛重以慰天下士大夫之望
以菲材叨守邊方殊愧弗稱凡百乞指教幸甚謹此
以布區區伏乞照察不宣

與程節之名愈

近聞榮擢精膳副郎不勝欣賀數年來京中同鄉甚
是寥寡今得列位漸次轉遷汝讓亦蒙擢用是固泰
來之兆也山儀承發回又厚書籍之惠感荷不盡
中草不盡所懷惟亮之不具

與馬司馬

下奉書已徹左右尋擢大司馬宏材碩德

心簡注天下士夫莫不稱慶矧生久仰餘風其為
作益無涯謹此以申馳賀萬一之意瞻奉末期

為國愛重不宣

與徐閣老

臨清別後不覺五六年及至遼東音問益杳然近
聞移督漕運不勝喜慰大令即今秋入必有可望次
即想已長成可賀可賀僕無足道者所幸過

文靖耳賤累一向在家倘今歲來過淮若得一公使
八順送至灣中尤幸草草惟多愛不具

寄徐閣老名溥常州人

比者率爾奉書殊愧踴躍仰問何恭政來承尊禮
勝感佩恭惟台候納福倍常方今明良相逢
急贊佐理太平惟先生是望贈奉末涯快惟為
國保重

寄馬司馬名文昇

久疎奉問而瞻仰之心未嘗少替計惟尊候福

與何重

加但邊情機務為國勞心然四方象福多矣僕豈勝
敬仰特此布忱惟為國愛重

與何重鄉名鑑新昌人

迭承華緘宣勝感荷恭惟鄉尊德隆望重士大夫屬
望久矣况在同鄉相知者哉區區碌碌無足盡及使
中草此布忱惟亮之不宣

與徐閣老

比者承惠小錄感荷感荷新正伏惟萬福豈勝欣慰
生鄙劣無似過沐知愛惟有此心感而而已未聞千

高為 國受重以副瞻企不宣

與馬司馬

以缺奉問時切瞻仰去冬承小錄之惠登新舊職感
感新春計惟遠隔長臨隆時泰功名舊業未嘗
宙間豈勝敬慕生自愧庸劣九百邊務老藉示華
示間伏惟為 國保重不宣

與屠都憲

鑒承華緘及惠小錄拜領不勝感荷所示之人謹已
律奉恭惟紀綱振肅百度維新殊為

卷五

五

朝廷之光浙中在 朝人物所仰者惟閣下而已生
庸劣无似无足齒及便中草此以布區區伏惟察
不宣

與李司徒

鑒承華緘深荷知愛之意銘感五內即展春和計惟
動履多福為慰懷每懷盛德殊深感仰願公處艱事
遇難固非夷事但為邊方計耳一開則不可復止又
此間報未較之腹裏雖可然亦不甚懸想已知之更
不妄贅惟照察不宣

與胡都憲

丁酉秋在閩中時承教墨是季丁先人憂繼而連遭
喪禍哀思迷亂久缺奉問負罪殊甚恭審振揚風紀
之職動履多福天下士大夫屬望久矣功名事業他
日當於古大臣中求之非敢諛也如生者庸劣無狀
下不克孝於親上無以忠於國天地間一無用物爾
時竊愧歎便中特此布忱未聞手萬為
國珍重以副願望不宣

與江大守

聞下草以來仁政洋溢於六邑僕以 未得造拜
為歎已而偶以他故經郡治往來遠涉而閣下適貴
休慙和未償所願徒悵然者久之近雖古人天相喜
遂勿藥凡在屬邑固不欣忭茲者春筵徐憲家貧无
資勤苦力學欲入郡庠肄業以圖進身之階惟閣下
獎進人材作成造就之是幸未間伏冀多愛以膺寵
擢不宣

祭文

祭姚先生文

嗚呼問世之材其生有所自也其所為蓋聞世之輕重係時運之盛衰天

皇明篤生我公式應期雲際會大沛厥施奏章為天下之執範道為後學之宗師

國有元老 朝有著龜隱然如泰山喬岳雖不見其運動而雲雨之被於天下者萬物咸敷暢而增輝奈

何棄人世之溷濁陵大虛以騎箕欲振撥而無所稽疑譬之泰山之頽梁木之摧人將何所瞻仰而依歸

也殆生人之元祿耶胡蒼蒼之不慈遺先生自以角受教門下有千于茲我昏罔識而公覺之我庸罔率

而公道之我思公教服膺敢違公今已矣我心孔推薄言致奠涕泗連而嗚呼言有尽而意无穷公其知

也耶其不知也耶嗚呼哀哉

祭錦衣朱尚德祖母文

嗚呼惟靈稟貞涵和夙全令德為婦為母表儀宗戚子貴孫榮封章屢錫身膺百福年踰九襲遠焉長逝返于幽宅嗚呼人之有死如旦之夕其間短長萬有一不一惟福惟壽淑人兼得生榮死哀世鮮能及薄

致沈真靈墓銘

祭陳夫人白氏文

嗚呼夫人都閭之妻心書之女疏慶訖良日維其所宜受天之多枯享壽考之維祺胡一疾而弗起乃中道而遽遠嗚呼月缺中天花零春晝慨脩短之靡常嗟理數之莫究公等於尚書公為屬吏於都閭君為朋儕則於夫人之沒寧不痛悼而傷哀薄言致奠其鑒哉

祭大兄止軒先生

奪第工部尚書 貫謹以牲醴清芳 載行告祭大兄止軒茂四府君之靈嗚呼言是正立之德不明之性本於天成事君父母及孝敬之道待吾同氣盡焚爰之誠六經子史過目成誦上下數千年所紀載歷如指諸掌至於處事接物隨機應變各適其宜非優於材者不能也且乎宗族緝之鄉黨服之士大夫莫不敬而禮之蓋吾嚴隱士中一人而已貫自入仕以來來視于京者三來則九官邸 資給悉為經理而去去年春貫治水東吳因得便道還家拜兄

于堂上時兄已邁咽食之疾而步履尤康健也臨別
送貫於白沙之澣澣繼繼不能為懷貫曰是疾也一
時傷然氣而然耳氣平而復則無患矣豈意吾兄竟
以是疾而歿乎嗚呼吾兄年將八旬不可謂不壽矣
所恨者諸姪皆先卒尔然有諸孫在亦可自慰也嗚
呼吾兄已矣宗族中無復斯人矣鄉黨中無復斯人
矣郡邑中亦無復斯人矣後生小子將何所取法乎
縉紳士夫將何所敬禮乎計音遠來哀痛無極嗚呼
吾兄容貌不復親矣語言不復聞矣徒追思於夢

祭文

五

寐之間想像於黜官之際而已貫以祿仕所素遠在
京師屬纊不及侍殯殮不及預終天之恨詎有涯乎
敬陳薄奠以表哀情嗚呼哀哉尚饗

祭林學士

公之德也足以儀範世俗公之文也足以黼黻
皇猷翰苑論思際風雲之盛會鳳池承制荷
列聖之寵休爰引年以致政乃歸遯於林丘奈九秦
之將至奄一疾而弗療其等慨老成之凋謝仰儀刑
其末由薄奠敬陳其薄奠之哀情嗚呼如在諒无間

祭明尚書

祭潘公徐太孺人文

嗚呼孺人以柔順之德貞淑之姿雖婦人之行不出
於閨闈而孺人之賢則於其夫與子而可知其夫維
何振英聲於烏府而孺人實相之其子維何肅風紀
於藩臬而孺人實教之婦道母道可範可儀矧乎榮
膺封勅之貴而年踰八庶之期蓋其諸福之備乃
衆人之所稱云胡一夕仙逝莫追萱花零落蕙帳淒
其某等與今子同官于閤忽訃音之遠至寧不痛悼

祭文

六

而呼歎薄言致奠靈其格思

祭翁員外妻

嗚呼安人婦道之珍閨門之則久宜厥家如彼琴瑟
矧伊夫子偉然英特權居秋官膺金籍誰其相之
令儀罔或

聖朝推恩龍章斯赫胡不百年遽爾淪沒某等忝交
夫子夙聞淑德茲云長歸寧不傷靈敬奠一觴靈其
來格

祭封兵部郎何公偕宜人氏文

維公有德有實鄉黨是儀矧伊宜人婉德弗違爲生
賢子顯于明時

封章寵錫有輝其輝祿養未艾天弗憖遺嗚呼椿其
摧矣堂其萎矣不可追矣身其悲矣脩醑既潔薄言
將矣靈其不昧庶格思矣

祭陳紀御史母

維灵有順其德有淑其安憲令子奮庸于時

彤庭鵠立厥声四馳曰維內訓焉可知彼榮眷祿秩
班者衣養志承類其樂怡曰奎曰堯孰云匪且胡

爲長逝觀元還期爰潔椒醑薄言薦之灵其不昧庶
格于斯

祭胡淑人林氏文

維灵有順其德有淑其儀雖婦人之行不越閨闈而
淑人之賢則於其夫而可知猗歟胡公早登黃甲而
出尹于黔已而居臺諫任藩方而總憲于南畿政績
綽著令聞四馳公之賢固迥出於等夷而淑人實
有以相之宜乎

龍章褒錫有輝其輝夫何一疾竟不可爲嗚呼應

松臺風淒總惟淑人已矣寧不傷悲非等預姻戚之
末敬奠一危惟淑灵其格思尚享

祭表叔母方孺人唐氏文

嗚呼維灵懿德天成既淑且貞配我表叔德與之倫
遐八望九載康載寧士歲之秋貫拜孺人見其童顏
鶴髮音其享有多福可至百齡今并之春表叔命我
同視壽星于橫之材孰意是日訃音忽聞嗚呼北堂
慘而無色總惟悄悄以傷神敬陳蕙奠將此微忱
淑灵不昧庶其未歆尚享

祭前人文代兄作

嗚呼維灵涵和毓秀孕慶配良充享諸福既壽而康
八十有四疾而亡嗚呼月隕長夜萱草北堂孺人已
矣孰不悲傷萬英忝在內姪而仲子淑在孫婚之行
姻連肺腑痛徹肝腸敬潔椒醑用奠一觴灵其不昧
來格澤尚享

祭吳母太宜人文

維靈天錫純嘏身備淑德
恩章惟崇母儀是式光榮壽考世所罕及其與令子

託契風音行臺聞計怒焉孔惻敬陳椒酒用展哀悃
嗚呼哀哉尚饗

徐廉懿公餘力棠卷之五

徐廉懿公餘力棠卷之六

傳

都御史李公傳

李公名昂字文舉杭之仁和人也會祖士榮祖史父
其母吳氏夢日當前簷光爛曰然已而生公自幼
有大志讀古今書史過目成誦不忘年十四屬父疾
顧天求代疾乃瘳越明年父卒公哀毀骨立治喪下

舒城縣知縣男順編刊

歸州州判男健重編刊

通禮景泰甲戌登進士第天順丁丑陞工部都水主

事三年改兵部事累成化丙戌出知平陽府廣政首

以正人心厚風俗為務於物無不恤其困或困因

空虛者累月開民田五千七百八十頃流民復業者

二萬二千五百人積穀八十萬石活飢民一百一十

二萬九百一十名口巡撫等官以聞

上嘉其能遷福建左參政青人不忍其去為立祠表

海亭外肖像事之至今人有不平者走泣祠下以泄

其憤居福建三年分理贊佐政治旁洽于母憂服闋

陞出東左參政藩省政務暇贊居身甲展還右布政

使明年轉河南左布政使時河南歲歉齊民凋劫公

檄縣委蠶疏決雍滯宣布德意政令一新且曰化必

自遠近御遠乃作吏範門約時禁宣典五篇訓飭大

曹屬郡導之當是時通江西盜賊充斥抗敵官軍燔

劫城池殺同知知縣千九等官勢甚猖獗衆皆曰非

公當奇任者

士擢公右副都御史

勸懲撫其地勦殺賊魁以賑久我民湖廣廣東浙江

福建接境之處悉聽節制至新號令嚴紀律運謀
設策偵伺賊勢相度事宜立營堡據要害簡士卒
壯勇日夕操練知其可用然後一鼓而進揭賊巢
如破竹迎刃而解折馘執俘不可勝計不三閱月而
施以軍事聞

上下重勅獎勵曰調度有方良足嘉尚賜文綺三表
張公以會昌與福建接境萬山阻絕上杭武平賊
聚雖有會昌信豐三所聚眾不敵贛州衛所
調用上杭武平二所與汀州衛於江西為大有驚

兵輒不應議於會昌設三司割汀州衛前一
上杭武平二所龍南一所歸之升會昌信豐為衛
附近軍士補伍仍設二總校司於龍南疏入

上從其議賊統平公疏乞骸骨

上不允勅公總督漕運兼巡撫鳳陽等處公經理
計植立紀綱多所規畫居無何為言者所毀乃致政
還尋論江西平賊功兵部具陳其實

上釋然賞寶鏤二千貫弘治壬子三月以平賊時
不瘡痍疾發乃卒公為人言溫而氣和與人交恂

無忤跡其中則毅然不可奪學問文章足以上追古
人不拘於時平生以功名自期每遇國事慷慨奮發
為之唯恐後至於富貴則一切不以介意故所至政
績卓然使得盡行其道則韓范之功業未必不可復
許也夫何未竟厥施而歸以卒豈非命哉沒之日囊
無餘貲有文集四卷奏議三卷傳於世云

福建按察使張公傳

張公名瑛字左華嚴之建德人自幼負奇氣慷慨有
大節每論古人忠義事輒曰不若是非夫也年二十

張公名瑛字左華嚴之建德人自幼負奇氣慷慨有

張公名瑛字左華嚴之建德人自幼負奇氣慷慨有

四領求樂癸卯鄉薦宣德壬子授刑部江西主事正
德間陞員外郎斷獄詳明有聲稱壬戌擢知福建建
寧府事下車詢民隱除弊政未幾政教敷洽民心畏
服為八郡最丁卯福建按察使缺以公署掌按察司
事時獄囚多淹濫公至小者立斷大者驛

聞不數月臬司因圖為之一空復管府事戊辰沙尤
賊寇鄧茂七等聚眾作耗建為上游賊欲西窺非越
此不可賊據山立寨劫掠鄉村焚燒聚落肆蛇豕之
毒以逼脅我生靈公乃誓不與賊俱生率民快公路

襲擊誘賊營斬首五百餘級獲器仗不可勝計賊遂
退保岩穴不敢越境而西

朝廷賜勅嘉獎擢公福建布政司右叅政仍掌府事
無何總兵官寧陽侯陳懋等統率大軍至累檄公汀
邵延平等處統賊公往來各處節次殺賊衆斬獲
賊首羅銳等數百餘級所向輒克賊皆望風披靡明
年四月賊糾合高陽里陳保仔等恣行暴掠公身先
一士卒直抵巢穴五月朔與賊戰于大梧嶺下不意
賊衆四合公奮不顧身督戰益力衆寡不敵遂中矢

而死中賊乃公署按察司時所釋之囚見公歿曰
此非建寧張公耶我思所也何忍負之相與以索繫
盾與其屍至一寺中謂寺僧曰我送至此再不可往
翌日僧乃送至城中民皆涕泣事 聖

朝廷遣官諭祭 賜諡追贈嘉議大夫福建按察司
按察使又明年陳懋等勦殺邵茂七等餘黨悉平凱
還論公累次殺賊功仍官其長子傳民思公德至今
不能忘成化乙酉知府劉鐵奏
請立祠致祭事下禮部行福建三司勘實弘治壬子

知府劉璣復上事禮部議謂錄有功恤死事
國家激勵令典相應祠祀以 聞

詔可之於本府立祠祀之從民望表忠烈也或者曰
公之死於 國事忠則忠矣如成功何噫此以成敗
論事而不計理者也昔諸葛孔明算無遺策而亦曰
至數成敗利鈍非臣之明所能遠觀也公於此特惟
知理當爲而已他何計哉况公屢挫賊鋒扼其上游
賊賊不得西延禍於饒信衢婺間其功亦豈少哉古
久云死或重於泰山或輕於鴻毛公誓威賊寇歿於
戰陣浩然正氣雖充塞天地可也詎非重於泰山者
乎於戲公雖死猶不死也彼偷生怯懦者獨不死耶
悲夫

行狀

故太子少保兼吏部尚書贈崇祿大夫少保謚
文敏姚公行實

公姓姚氏諱葵字太章別號損菴其先出於有虞之
後有曰榮祿學賓者爲桐廬之始祖曾祖諱鼎祖姚
邵氏祖諱伯華祖姚楊氏諱惟善妣申屠氏以公貴

祖父皆贈資政大夫禮部尚書祖妣皆贈夫人公生之日日華臨門光彩滿室申屠夫人已知其異一歲失怙庚三歲知縣楊信見而奇之曰姚氏有此子耶戒家人善視之五歲夫人曰授孝經論語輒能記誦公歲入鄉學穎敏日異十一御史王彬選民間子弟為邑庠生時公兄鶚被選知縣教諭以先生有秀資易其名補之十二入邑庠十三從吳先生膺授書經十四授春秋於教諭楊先生

華亭李先生伯璵司訓邑庠公復從講

器重之

春秋 得其旨

語人曰夢足矣自是為文

章汪洋雄健下筆數千言立就正統戊午鄉試第一上春官入大學為司業趙公琬所推重以保湖南陽文公覽公所業大加賞異以友稱之且遣其婿從學於公公不自滿足復從劉忠愍公遊見公之文輒稱嘆不已嘗語人曰吾得所托矣其見重如此辛酉文忠公為祭酒考試六館士公每居前列深器重之

壬戌會試第一

賜進士出身癸亥擢吏科給事中夏雷震奉天殿鳴

鳴公應詔疏八事大約以脩聖德集賢才考察有司慎選風憲寬詰勅之限革監庫之弊立誥法以勸賢餘教職於便地為言多見採納甲子夏早公奉命代祀北鎮醫死閭山南應時至時王忠肅公翔為都御史鎮其地為立碑於庑乙丑秋母夫人疾累醫弗効公夜靜焚香籲天愿以身代尋瘞丙寅夏持節冊封

晉府清等王未畢事夫人以疾卒公以不獲奉湯藥為歎哀號絕而復甦奉柩南還居喪及禮四方從

遊之士雲集公辭不獲凡經指授者多所造就戊辰服闕已已乃給事吏科時

英廟北狩國勢危疑群臣勸成王進議未決詢諸給事中公曰朝廷任用大臣正為社稷計何必詢諸小官眾乃詣文華殿懇請事遂定十月虜犯紫荆關逼德勝門群臣議禦虜之策於左順門或云戰或云守公曰兵敗之餘人心未定只宜固守分兵伏其歸路俟其還擊之便遂上疏言此虜遠來勞憊所掠輜重過多必不能久駐然我以新集之眾勢不能支即今

遼東宣府二處人馬尚精銳宜令夜不收間道齎
勅令宣府總兵官楊洪遼東總兵官曹義各選勁騎
二路刻期以進京軍倚而角之内外夾攻此賊腹背
受敵破之必矣未幾洪以宣府兵來義以遼東兵來
賊聞之懼遁去景泰庚午春廷臣交章荐公且曰
刑名禮樂无施不可陞南京刑部右侍郎時刑部規
矩廢弛官屬多老老庸鄙公一以嚴肅正之獄无滯
囚初人以公不由法司少諳律意至是大信服幸未
受前任給事中

初命贈父給事中母贈孺人妻王氏封孺人壬申春
調南京禮部是年秋奉

命黜陟雲南官吏臧否允當奏酉還朝
上嘉之尋以考滿復任既

陞辭留禮部八月賜誥命進通議大夫加贈祖父如
其官祖妣妣為淑人妻封淑人甲戌會試公為試調
官丁丑景泰不豫時禮部尚書胡公卧病在告公率
群臣於左順門問安復詣內閣與諸老言曰
上疾如此可坐待乎當先立太子以定國本此事宜

早斷古人擇死此吾可死之日諸公不一言朝廷何
賴乃上親臨問太子

上不允公復與學士商公議欲率百官伏闕以請是
夕與王夫人決曰我明日若不回汝可便收拾不可
以我為念三鼓至朝房與商公得後章阮具進言甚
婉切有曰

陛下既為皇帝事皇帝走手當復立宣宗章皇帝之
孫疏既具而英已作俄而

英帝薨大空石中章猶弄威福毒害忠良并煽如

火一日諸公至朝房議事動以危言公視之如常時
且曰明公建大功宜若好事以安人心今貴州湖廣苗

賊猖獗積年征勦弗克百姓疲
朝廷以迎襄王構大獄王聞之心亦不安又恐小人

乘機鼓弄事亦非細重若請
勅慰諭襄王以驚視要奸惡去貴民以息征戍之勞

石璉之知公所議以聞翌日遣中貴省諭襄王召湖
廣貴州班師石璉奏言然以公不附已心竊憾之已

而調公南京禮部

英肅素知公為人素幾復召令禮部左侍郎冬十二
月二十四日至京明日召至武英殿召見雲鶴紵紅
綵段乘輿天順戊寅遷吏部已外春三月

上召公遊西苑宴于南臺有紀并詩

英肅嘗與鹽山王忠肅公翔論量人物極口稱公至
有曰可以代爾庚辰召與王忠肅公簡閱 再下朝
觀官進退雖建天下翕然以爲公時

上倚任忠肅公甚重有真定守以贖贖石亭挾持
屬公復其官時已擬准彙來判公撫筆大言曰吾寧

不做侍郎必不判此彙事竟不行後事敗附亨者多
降黜而公之名益重矣

上以禮部尚書缺員難其人以問南陽李天達公駁

李曰姚燮可任 上曰朕意死如此人者遂拜禮部
尚書禮部大典所出公斟酌去取多稱

上旨申正月

英廟晏駕公率百官上表勸令

上即皇帝位八月 上御經筵充侍經筵官賜白金
五十兩綵段六表裏宝楮五千緡成化乙酉

上耕籍田賜宴於行殿仍賜綵幣公上言曰自古帝
王興文致理必先事太學釋奠先師

詔曰可公遂是儀以進三月

上幸大學釋奠先師九月十二日公上疏乞致仕不
允丙戌會試公條陳數事以杜僥倖閏三月特進資
政大夫贈封祖妣而下皆如制八月公率群臣上封
事其畧曰

皇上當念祖宗之付托深思天下之艱難勿以視目
前無事而恣意妄為以今日無虞而肆逸樂以禮古

齊家以節儉制用官爵無濫授金帛無妄費土木
妄興齋醮勿煩設出入有防巡遊有度娛樂有時
嗜欲以保

聖躬養清淨以養天和朝夕之際留心萬機無忘政
務流奏 上嘉納詔至左順門慰諭丁亥正月賜綵

金幣綵段彩段秋七月公以災異數見上既已致仕

上曰卿雖致仕朕聞卿未嘗一日不念國事是年朝
鮮遣海青二達公奏曰遼海青非故事書曰不珍遼
物則遠人格宜下詔朝鮮非常貢之物不得進以示

不珍遠物之意戊子夏四月以災變率羣臣上疏大

界言
皇上春秋鼎盛而震器尚虛乞均愛六宮以繁子嗣

仍乞罷西山所建之塔留心講道裁決政務開誠心

布公道親君子遠小人服食言動悉遵

祖宗舊規庶回天意忠懇激切

上嘉納之夏

慈懿皇太后崩卜葬有異議公率廷臣跪三上言辭

切至聞者感泣典禮不紊人心允協公之功居多九

月長星見公辭職不允已丑會試公為知貢舉時中

貴往求佛寺護持勅及保僧人為僧官公疏言護

勅所以羈縻蕃境夷人中國無此例勅不必降僧官

不必增 上嘉納之三月上疏乞祭先茔

上曰國家政務只六卿况卿老成當朝夕輔朕未可

言私所請不允六月遷吏部尚書公在天順間已為

英廟所簡注及是命中外稱快咸以得人為慶孰

事休釐正庶務剗革宿弊品藻人物進退惟公無一

私恩讎意幸卯冬學出軒轅公上疏反覆諷諫無所

諱見者莫不嘆服是年秋加太子少保壬辰秋南

方海盜公疏言自前歲禁星示變以來四方漸覓多

盜公因心見誠求言納諫奮發乾綱以圖治理疏奏

上嘉納之後上疏乞歸田里不允冬十二月十三日

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

疾作癸巳正月甲子

不立崖岸以直道自負不肯阿比攀援至於引後進
惟恐不及平生儉素雖位極人臣自奉若寒士孝友
出於天性處兄弟無間言自少後弟今致政福建
左布政使龍同講學資之良多而已同登進士第
公視諸羣僚猶已子宗族姻戚中窘乏婚喪者公濟
之無德邑教育後進孜孜不倦經書疏義天下宗之
立朝三十餘年死過舉至於大事大疑多取決於公
公雖不動声色而四方隱然倚之如泰山僉謂公之
器識擬王文正公論諫似陸宣公文章似歐陽文忠

此非私言也天下之公言也貫公之門人也過蒙知
愛自愧非劣不足知公行事之詳而所知者筆力委
弱又不足以發揮其奧謹掇拾梗槩以俟採擇

故朝請大夫贊治少尹江西右叅議方公
行狀

公諱輔字廷臣別號易菴姓方氏裔出漢河南大守
結之避新莽乱居歛之東鄉遂為海安人統之後有
諸儲者東漢奉賢良方正對策第一累封縣侯侯贈
尚書令其後有諱異者唐末以節義自高時稱為許

樂先生至宋有諱途歷者諱照成進士第一累官
至禮部尚書第逢嘉嘉仕至司門宋亡隱邑之馬岩
號岩隱生進士武校尉梓生儒學教燧生遠齋
處士壽是為公之曾大父公大父時亭父陵贈兵科
給事中母王氏封太孺人給事中君歿二十有一日
而公始生大孺守節撫育比成童不妄游戲即知句
學稍長見鄉先生有聚徒習舉子業者公因於無資
不得從之游時覘其講論竊於壁隙聞聽之間有未
悉者又質諸其徒積習既久所造詣反有過於親炙
者下筆習為文詞已有理致可觀族長老知其非常
兒矣一日有以掾辟公者公曰吾先世以科名起家
此豈吾事耶即白太孺人携書入邑庠願為弟子員
時教諭王先生端一見即器重之授以書經公刻志
問學朝夕不懈越一二載盡得其間與所作文章後
學爭相傳寫以為矜式歲宣德乙卯領浙江鄉薦正
統戊辰登彭時榜進士第越明年除兵科給事中務
循大体不事瑣屑至於陳時政抑權倖議論剴切無
所回避籍上有龍聲景長庚子

命公分祀簡王府公祿肅將事既竣事還主厚發公
公悉詳謝王益嘉公清慎越三年考績奏最制詞有
克勤且慎之褒推恩及於三親如前所封天順丁丑
英宗皇帝復大室欲慎選藩臬以康我民乃集在
廷大臣會議推舉於是咸以公為首薦陞四川左參
議復召至

內廷親諭之比之其他選授尤為殊特未幾丁太孺
人憂服闋陞江西公洞察民情興利除害汲汲惟恐
後且江西地大民衆賦常多於他藩吏胥往往貪得

為弊積數年不能完公為之置條教立期約民不擾
而事易集歲成派督造板籍公措置規畫得宜民無
所售其奸越已卯鄆州長河洞賊首高安等聚衆剽
掠殺州縣長吏公親率官軍民快往捕之直抵廣程
鄉之境斬首百餘級俘獲高安等十有五人餘黨撫
令復業者計戶三百計口五百有奇仍設堡扼其要
審以絕後患至今民賴以安成化丁亥吉安新淦一
帶歲歉民有相聚盜人穀粟者有司欲悉按治之公
曰此曹不過迫於饑餓若又激之恐生他變於是止

捕其為首者數人餘皆置不問仍令郡縣發廩賑貸
所全活者甚衆公在任八年民愛戴之若慈父母成
寅秋公奏績之京師時御史趙致恐公陞任他藩無
以慰民望乃奏公謹慎公勤吏畏民服乞留陞奉司
添設參政

朝遂以條格報罷且考公最後將夫用公而公亦病
衰病辭歸不獲免勉還任未踰月即徂奉新詢察民
瘼方下車忍得恭養終於公館公卿大夫聞者莫不
嘆息江西士民亦皆歎嗟嗟嗟至有泣下者嗚呼此

豈易致哉公為人敦厚謹慎不事表襮居家事太孺
人敬愛甚及太孺人歿喪祭率遵祀廢輟情譜勝
以繫族屬又作宗規若干條以戒訓族子弟並官唯
以清和難位至朝請而蕭然不異布衣時於勢家鉅
公之門一跡未嘗妄登待人接物不為曲意容悅而
誠意懇至議者謂公如璞中之玉雖不露晶光而純
粹絕無瑕玷平生立身大節方之古人蓋不為讓惟
平位不滿德而所施止於此耳久以為公生永樂
己丑十二月二十五日終成化戊子十一月三日

享年六十公存日預卜壽藏于家之東名曰樂全窩
示全歸也嗚呼若公者庶幾其無愧矣乎配廬塲廬
氏先卒生一子曰島女曰汝其歸于貴繼配汪氏坐
三子曰喚曰景曰曦二女幼在室茲以辛卯九月三
日寔焉貴以子婿承公之教蓋亦有年第以無嗣不
足道公盛德之十一姑據歷官行事之大槩以俟他
日太史氏採擇傳之不朽焉

故雲谷濮處士行狀

處士諱庸字孟常別號雲谷姓濮氏相傳出於宋濮

王後子孫因以爲氏世家閩有諱是者徙建德大岩
下至諱梓者徙桐廬舊縣尋遷臨溪今爲桐廬臨溪
人處士曾祖諱惟盛祖諱原伯父諱思禮皆隱德常
仕父諱思義無子以處士後之

處士氣質

凝重德性溫雅謹愼寡言笑生九歲而孤事二母盡
孝道母爲病侍側嘗藥竟夕衣不解帶及卒執喪如
禮伯兄孟榮性嚴處士事之克弟秉彜有忤意撫家
衆爲恩義庭除之內無間言族有屬貧不能嫁者
爲擇配量給其資以歸沒不能葬者爲擇地具棺槨

以葬家僅暮夜獲盜殺者至擊之處士曰彼爲饑耳
與之粟而道之且戒勿顯其姓名宣德丙辰歲凶道
多饑殍處士以粥濟之賴全活者衆正統庚申捐粟
五百輸義倉以助荒政有司歲時鄉飲舉位大賓晚
廢俗事紛擾素家三里許構茅屋三間扁曰雲谷軒
植竹薈花鑿池引泉超然有塵外意嘗訓子姪曰爾
曹宜脩身慎行與人交權勝已者至於衆人亦不可
侮慢喜談子書傍及道策言方於爲善視不善若將
辱已然平生大率類此以故人莫不以善人長者稱
之

處士生洪武壬申閏七月十日卒天順庚辰歲月
日享年六十有九以是年二月十有五日葬于繞芳園
墓之西配喻氏有順德生與處士同年十二月十有八日
卒於正統己丑八月十有六日子男三長璿早世次琳
次瑞大學生孫男八孫女二曾孫四處士孝弟行於家睦
姻諸族族惠愛施於閭里而好義濟苦之心至老不倦惜
其隱而花下名不貽於時澤不被於人人豈可湮沒死傳
耶用述其平生梗概以俟立言君子圖其不朽謹狀

徐庶懿公餘年集卷之六

餘力稿十二卷

副都御史黃登賢家藏本

明徐賁撰賁字元一淳安人天順丁丑進士官至工部尙書謚康懿是集乃賁所自定前有宏治己未自序其子頤初刊於舒城間有遺佚嘉靖壬子其次子健倅歸州時復增訂梓行詩文皆平實亦大半應酬之作

定菴集五卷附榮壽錄一卷

〔明〕張悅撰

上海圖書館藏明弘治十七年劉琬刻本

附《四庫全書總目·定菴集五

卷》提要

定菴集序

昔人論文章貴出經入史以道為宗則自然爾雅淳厚昌然以充薰然以和其視浮幻褊僻之說遠甚嘗執是以照古今文章大家鑒鑒可徵焉我朝以人文化成天下百四十年氣充格古婉美漢周吳淞定菴張先生際此隆盛風賦醇粹養成篤實之學自庚辰進士歷秋官擢江浙憲僉推提學尋陞湘蜀憲副長遷都察院僉都御史改刑禮吏三部侍郎轉南京都察院右都御史歷吏兵二部尚書參贊機務以年高七上章疏乞休聖天子溫詔加

太子少保賜歸田里其間四十年餘履歷四方籠羅萬象激滌芳潤發而為

詩文皆溫雅正本之經術以立其
體參之史傳以廣其用探之於道德
性命以極其深筆力沛然其勢不可
已機不可秘有非徒騁虛辭而昧夫
理者可彷彿其萬一所謂出經入史
以道為宗者也既襄成帙名曰定菴
集復錄

兩京縉紳以及鄉士夫所贈送者別為

一帙名曰榮壽集間嘗出以示余因

取而讀之曰先生之學專用心於內
養之正積之厚故其文如山出泉漸
達而流愈長如江吐月漸升而光愈
熾誠足以澤萬物而輝六合有本者
如是宜鈇梓以傳久遠庶俾後學知
所宗焉先生聞之固辭且曰鄙劣嘗
集三譜已勞梓行是集幸勿留意未

幾先生疾革余不敢忘初志爰索以
屬華亭學諭傳鼎較閱數過正訛定
舛卒用梓行以徵吾淞一代之文獻
嗚呼先生聲名在天下功業在旂常
為一代人豪誠不待文而顯然老成
凋謝已不可作高山仰止不在斯集

弘治甲子歲十月上澣日

賜進士中憲大夫松江府知府前監察御

史宜春劉琬書

定庵集總目

卷之一

詩類

卷之二

題跋

贊

傳

箴

書

卷之三

表

記

序

卷之四

行狀

墓誌銘

墓表

祭告文

卷之五

奏疏

定庵集目錄

卷之一

詩類

中進士放歸在途作

寄沈菊泉

題陳廷輔送乃兄卷

題具慶圖

陋庵

題扇贈人之官貴州

題鄭叔潤壽母圖

寄鄭叔潤

送陳廷儀致仕

送姑蘇宣廷璣

送余秀才學內還

草塘春色

扇上小景

題懷鞠卷

素庵

湘山別墅

倚南窓以寄傲

西浦草堂

紫薇精舍

輓人父母

三香圖

梅

竹

雪天席上占

次韻楊維新喜弟復中解元

秋日有感

輓隱者

輓王文徵父

輓人母

送秦廷韶

送陳秀才

送金和之乃兄分韻得凡字

題愛竹卷

使節榮鄉

送李文盛出判兗州

溪西書屋

金臺歸思

送友人告病歸

壽唐廷貴父

送張訓導之任昆

題送行卷

柳上鳥

榆上雀

送宋近仁

壽俞進士母

輓人母

定庵集總目

三

輓李司訓

輓奚翁

輓嚴郎中祖

輓隱者

北關賜婦圖

題松鶴圖爲邵叔璋婦翁壽

送周亞卿祭祀行

輓陳夢祥父

送張祖年考績還南京

送劉指揮

陝西道中作

寓環邑端午日作

寓環縣約高茂卿不至戲述

詠寧夏麗景園

聞聲息作

輓人姪爲王狀元作

題節婦卷

從吾亭爲彭鳳儀題

雙桂

友梅

寄董都閫

輓李僉憲

輓趙亞參

題哀鴈卷

北堂萱夢

驄馬行春

永感行

往浙寄江右舊同僚

題嚴子陵祠堂四首

山行

途中值雪有感

舟過蘭溪水淺難進舍舟而陸俄而又值雨雪

定庵集總目

四

文作有感而賦

述懷二首

臘月二十六日夜歸阻風錢塘江中次日天晴

始克到驛感而有作

送行

觀潮閣次韻

輓李亞卿

輓劉參政

輓李亞卿

謁岳武穆王廟

輓李亞卿

偶成

輓李亞卿

次楊朝重題壁韻

輓李亞卿

題王霄宮卷

和張方伯韻

白鶴立竹上

題扇

入蜀道中

白亭

次韻題新建堂

題扇寄致仕張方伯

乾謝大參父

次韻送林廷美

又風入松

送白易之行人

次韻公餘寓懷

書屋為李公敬題

除夕寓懷

送姚照磨致仕還鄉

輓李憲副

送彭鳳儀陞廣東布政

題輓詩卷

題校藝公明

廬鴈圖

寄王景明太守

次韻寓懷

菊壽

詠桂次韻

輓彭閣老

輓謝大參母

送吳憲副提學

送屠朝宗御史

次韻君子軒

題送行卷

送彭鳳儀

題張潔菴墓文卷

道中作

題輓詩卷

凝碧軒

題鳳仙道院

遊寺

厭雨

壽詩

題翠巖卷

登黃鶴樓

送徐明德子偉還鄉論秀詩

次韻題竹

送刑部李敷郎中同錦衣王千戶

題王總兵父母忠節卷

和劉廷信方伯韻

村裏人家

偶成

病起題壁

題副使楊志仁

輓謝大韶尚書

題袁都督送行圖

壽稽勲周近仁父

題釋寺丞手卷

冬日言志

憶楊廷偉

松石軒

永感堂

寄張尚文司

題江山無盡

題江

題江

題葡萄卷

題衆竹卷

途次病中二絕

送張尚綱

寄致仕謝都憲

送湯拱宸主事

題董尚矩出使卷

感興

次韻楊維新

和王宗吉西風思舊游詩韻

與顧以正

輓張尚綱父

輓高尚達都憲

題丁永中侍郎慶壽圖

寄沈菊泉

題英國公遺事卷

送彭汝言

胡上青山

輓何以仁父母

宗恩樓為周尚文題

寓懷

和錢先生壽祠韻

輓顧秀才諫

題泖山別意卷

輓錫山郭祝母

次韻楊維新賀入陞官

送劉司務

壽致仕錢家宰先生

題趙母壽冊

潤松書屋

和韻

送入畢姻還鄉

題曹以寧山川紀遊卷

寓懷

示子

與王黼

送鄭廷綱憲副提學浙江

送吳道本侍郎省祭

送僧還松

輓余士英尚書

徐先生廬墓卷

感興

輓馬司馬父

送偕大器巡撫江南

分韻得槐杯來台裁五字

寓懷

水南別墅

輓王公度尚書

壽倪舜咨

輓陳生祖母

寓懷

暮春偶成

送何司寇

讀易損卦大象有感

和張養正韻

輓楊維新侍郎

輓崔冢宰

和馬司馬韻

壽屠少卿母

題嚴以善壽七十卷倪舜咨求

樂全翁

送傅曰川

送周伯常

暮秋偶成

輓林一鶚

刑部侍郎

平江恭襄侯廟陳瑄

平江侯祠

追封黔國公

讀卷三首

奉使南都

鍾山蒼翠

玄武澄波

題饒行周駙馬卷

弘治甲寅仲夏有作

詠樊桐為琴

輓陳師韶

書懷

王介庵家宰壽八十	黃錦衣孝感瑞
輓王文振 <small>南岳兵部侍郎</small>	輓秦布政愛父
效古何處難忘酒 <small>四首</small>	餞閔朝英
輓成國公	送章韶鳳致仕
示孫	送黃寺丞輔政
齋宿次韻	具慶圖 <small>為李岱結事中作</small>
輓布政張亞卿婦翁	題倪雲林卷
輓郎憲副 <small>給事中</small>	
題周御史津曾祖弘入鄉賢祠卷	
壽韓尚寶卿母之母	輓劉都堂妻
和屠冢宰韻	題東寧伯餞行卷
題卷送顧都堂	題送鄭侍郎軸
送秦世纓	
用韻題桂玉光卷 <small>為致仕陳賓方伯作</small>	壽錢母太安人詩
和韻答沈時暘	輓人父母及祖母
老人詩和韻	和莊希魯韻書懷
壽計廷玉	曹溪懷古
和慰王文翰述懷	

致政歸偶述	壽三弟親母
和韻答韓少宰	
卷之二	
題跋	
題都亭祖別詩文後	書安仁于氏譜後
恭題恩榮錄後	跋草窓集
跋寧堅纂集射圖	書睢陽五老圖後
書鉅鹿耿氏家藏公牘後	
贊	
李助教遺像贊	李名實畫像贊
于同知畫像贊	封御史宋績像贊
黃世顯侍郎像贊	
傳	
陸廉億公傳	龍先生傳
箴	
靜廉箴	坦洞箴
書	
與趙克用書	示子書

表

謝封伯表為錢承宗撰

卷之三

記

浙江按察司續題名記 杏林書屋記

白亭記

松江府重修衙門記 重脩鳳仙道院記

序

慶壽詩序

定庵集總目 十一

送封君史先生歸淮序

送京尹邢公之官序 送趙憲副之官序

鄉關八詠序

贈吳憲副提學序

永感詩序

政訓序

湖廣按察僉事郭用常哀輓詩序

湖廣鄉試錄序

送都憲章公歸老詩序

贈江侍讀考試南畿鄉闈歸朝序

卷之四

行狀

故封監察御史毛公行狀

墓誌銘

楊西疇墓誌銘

按察副使宋公墓誌銘

宣廷珪墓誌銘

張氏考妣合葬墓誌銘

竹谿處士張公墓誌銘

曹廷美墓誌銘

按察副使武公墓誌銘

封兵部主事湯公墓誌銘

墓表

故壽官計公墓表

定庵集總目 十二

中奉大夫江西左布政使葉公墓表

祭奠文

祭劉參政文

祭高汝賢文

祭劉憲使母

祭何文璧參議母

祭尚文張都憲父

祭陳都憲母

祭宋憲副文

會稽山祈雨文

禹廟祈雨文

謝濟雨文

祭楊廷潤文

祭林學士文

祭張夫人文代作

祭李憲副文

祖奠文 成化十四年十一月十四日 祭楊菊軒

祭武源黎憲副 祭郭用常僉憲

祭張永嘉僉憲 祭廖德徵僉憲

祭楊起莘 祭姜訥庵 為三法司作

祭李執中冢宰 祭姪汝潔文

焚黃祝文 祭黃用章

祭章鳴鳳

香帛奠告王宗吉祠 從弟祭女兄 代孫

祭顧以正文 祭王思軒

卷之五

奏疏

在途患病陳情 乞休致養病

自劾 議重建子游書院

星變自陳 病起欲陳

應制進言事 脩德圖治

乞恩便道還家祭掃 論地震之異

年七月乞致仕 比例打斷

陞南京吏部尚書謝恩 薦舉遺賢

今定庵集總目 十三

改南京參贊機務兵部尚書謝恩

辭免重任乞致仕 老疾乞致仕

再乞致仕 又乞致仕

又懇乞致仕

又以老病懇乞辭任歸田以全微命事

謝賜勅諭加太子少保致仕

今定庵集總目 十四



定庵集卷之一

詩類

中進士放歸在途作

歸途千里樂如何水宿山行景趣多
風暖馬頭迎酒旆月明鷗畔過
漁歌斷橋楊柳東西岸芳草牛羊遠近坡
自是宦游來往地不知他日幾經過

寄沈菊泉

秋殘久慕又春深撫景懷人思不禁
千里未期何日會一緘難寓舊時心
樽前明月誰同賞簾外青

山獨對吟愁絕落花溪上路夕陽極首幾登臨

題陳廷輔送乃兄卷

拂拂秋風吹紫荊客邊相送不勝情
一樽酒盡經年別千里舟行幾日程
江口水寒鴻鴈度原頭沙晚鶴鳴鳴
遙知後夜頻勞夢春雨池塘綠草生

題具慶圖

人生偕老古來難况沐
推封又得官養志已曾分厚祿
駐顏猶欲問還丹樽中綠酒同酣飲
膝下斑衣共笑看更羨年年初

度日蟠桃花底度餘歡

陋巷

心遠繁華樂趣閒結廬入境似深山
門稀塵跡阮無吠窓掩茶烟鶴自還
當檻草侵簾影綠繞階苔蝕土痕
斑素琴彈罷陽春曲收入青囊掛壁間

題扇贈人之官貴州

邂逅溪頭坐情真話更長綢繆此中意
別後肯相忘上林多好樹彈射亦須憂
莫道滄洲遠栖遲却自

由

題鄭叔潤詩母圖

慈親七十在庭闈兒女成行我獨違
鄉信不傳青鳥至宦途空望白雲飛
當年志氣曾分祿何日承顏更舞衣
遠寄書圖報慈母心聊擬答春暉

寄鄭叔潤

碧桃落盡紫薇開啼鳥聲中又綠槐
撫景登臨更何有清風時到耳邇來
送陳廷儀致仕

投簪偶向故園還世事於心總不關黃菊正香新
酒綠白雲長在舞衣斑秋風禾黍田千畝春雨藤
蘿屋數間只恐謝安名譽重未容高潔老東山

送姑蘇宣廷獻

卽序驚看易屢更西風林樾又秋聲一身在客鄉
心切千里歸家宦況清詩酒且同朋舊樂墳簞還
叶第兄情明年有約重相會花柳芳菲滿禁城

送金秀才榮南還

綠衣千里訪廉開卽序驚心賦式微潞水秋風催

客去泮池明

人歸行邊自喜吟懷好別後何
愁會面稀折柳重來看花處鳳城春色正芳菲

草塘春色

生意蒙茸傍畫船東風照染白鷗邊潤蒸花氣凝
歌扇翠映波光照舞筵畫暖薰人濃似酒晚晴迷
路淡於烟遙知別後頻勞夢一段詩情屬惠連

扇上小景

綠水青山碧樹隈草堂門對白鷗開滄浪一曲斜
陽裏時有溪翁載酒來

題懷鞠卷

親魂杳杳去何之路隔重泉竟莫追愁聽乳烏腸
欲斷恨攀慈竹淚空垂窓含春雨花飛夜門掩秋
霜葉落時最是劬勞無可報此生終廢聚義詩

素庵

新結茅茨勝可容小橋村巷柳陰中清虛不尚繁
華態樸陋奚勞繪飾功山色送青來几席水光浮
碧映簾櫳春風自綠堦前草正與閒邊意思同

湘山別墅

年來已厭市城忙別向閒邊結草堂簾卷好山來
翠色檻環流水清光鳥啼春霧花香暖鹿卧秋
雲竹影涼他日携琴歸隱處可堪風景似柴桑

倚南窓以寄傲

懶向巴東更折腰脫簪歸隱不容招吟看翠竹詩
千首笑對黃花酒一瓢滿座清風塵不到半簾晴
旭夢初銷何須再植門前柳興味優游即是陶

西浦草堂

一室幽然隱碧蘿半層東枕白鷗波窓涵水影搖

書幌門過潮聲雜
歌聲分秋氣早相簾晴
卷夕陽多不知何處知音客長爲携琴載鶴過

紫薇精舍

古相丘園半綠苔
結廬重此買花栽
簾迎翠岫和雲卷
門枕滄浪暎水開
石洞月明猿出戲
茶爐烟冷鶴飛回
箇中讀禮栖遲處
未許閑人問字來

輓人父母

親魂相繼入仙班
路隔蓬萊杳莫還
夜月空閨鴛帳冷
春風華屋綠衣閑
芳名並刻松邊石
美玉同

寒香三種

五

藏郭分山山下
每逢寒食節
杜鵑啼血雨斑斑

三香圖

寒香三種一般清
應是花中好弟兄
漸向冰霜誇特秀
不同紅紫競繁榮
補陀久坐遺芳蹟
姑射重來踐舊盟
寫入畫圖堪比德
百年須盡友于情

予嘗觀黃山谷詠水仙詩云
山礬足第梅兄直以爲三花之香與色相似故有是言

兄直以爲三花之香與色相似故有是言
又觀其他日詠水仙有曰早於桃李晚於梅
冰雪肌膚姑射來至論山礬則曰春開極香

有獨自倚春風之句
其意蓋欲與梅最先水仙次之山礬其最後乎
所謂弟兄云者豈直以其氣類之似抑亦有先後之序也歟
毘陵道英白先生以是圖授諸子無非欲其比德於物
克友克恭使益有以惇長幼有序之倫焉
爾黃門廷儀徵詩於予予因述所得以併錄于後
匪好辯也蓋將以發明其微旨云

海

雪裏傳春信

六

雪裏傳春信
東風第一枝
清香異凡卉
蜂蝶未能知

羅浮山下雪初晴
夜氣生寒月色明
翠羽聲中清夢斷
半窓疎影一枝橫

竹

雨過瀟湘春色風生淇澳秋聲
製管可來鳴鳳禽竿宜釣長鯨

瀟灑無俗塵
心虛節尤直
堅底揚秋風
清聲接宸極

雪天席上口占

朔風凜凜雪漫漫
秘閣圍爐酒易乾
但覺眼前人意樂
不知天下有飢寒

次韻楊維新喜弟復中解元

兄弟凌雲接武來
文光燁燁照金臺
一門學易皆登選
兩榜題名復占魁
騏驎交馳渾駿骨
鞭撻爭秀總良材
依然聲譽揚中外
何異人間出地雷

秋日有感

涼颼吹我衣
慨然已知秋
梧桐葉已凋
蘭菊芳方

不案集卷之三

上

稠時物易更改
光陰難挽留時能歷今
古山峙與水流
感之欲歎息而復生
吾愁俛焉寓茲意聊以語交游

光陰倏忽又深秋
景物關情總是愁
城郭變遷山自好
炎涼翻覆水長流
碧梧疎雨林間寺
紅樹西風驛外樓
况復懷人魚鴈省
不勝吟望思悠悠

輓隱者

白首林泉下
那堪夢兩楹
釣臺空隱逸
詩社未耆英
酒散花間席
棋閑石上枰
追封有

恩詔十古寄陸

承所寄詩
卷五
林間卧不勝情
山中無復舊
之會
四空傳考
及名
青水
首磯
開釣艇
秋風松
外
冷棋枰
可憐寂寞
王獻之
萬竹蕭蕭
泣雨聲
華髮蕭蕭
兩鬢秋
天風吹夢入瀛洲
鶴邊松館虛吟席
鵲畔苔磯冷
釣裘世事恍驚蕉
覆鹿生涯空訝整
移舟不堪埋玉西江上
江水瀟聲日夜愁

輓王文徵父

紫誥新頒墨未乾
黃梁驚已熟
邯鄲雲邊夜泣孤飛

不案集卷之三

八

鳳鏡裏朝分對影
鸞松院清風無客聽
竹樓明月有誰看
幾回煙雨悲谿路
花怨春陰血淚寒

輓人母

未滿人間五十年
深閨夢斷即重泉
栢舟久著共姜操
熊膽爭傳柳母賢
書靜白雲啼吊鶴
夜殘明月怨啼鵲
追封最是餘澤荒
龍松楸亦藹然

送秦廷韶

賢勞王事又南旋
旋撫景行行樂趣
偏况值滄江秋

色好浪推紅葉送樓船
秋風行李去何忙路入江南即故鄉別後不堪河
畔望河流應似別情長

送陳秀才

月窟高枝未得攀那堪抱璞又空還半帆落自江
邊路匹馬西風郭外山故國稻肥新酒綠高堂萱
老舞衣斑于今贈別無他語要識青雲在案間

送金和之乃兄分韻得凡字

考寂暫令歸舊任鵲原惜別挽春衫歌殘碧溪行

寒風集卷二

九

雲動酒盡青山落照街塵撲錦鞵迎去騎風生畫
舫逐征帆遙知後夜西堂夢池草詩成趣不凡

題愛竹卷

世人多愛牡丹花春風富貴爭驕誇一夕飄零委
塵土軒庭寂寥空嗟嗟山陰道士獨愛竹屋後
栽千頃綠歲寒不改冰雪姿終日相看不足碧
雲霜滿浮屠陰下有三徑何深沈清風六月不知
暑紅塵半點無由侵眼底清涼秋色滿鵲啼斷
天如墨耳邊一似琵琶鳴恍然坐我湘江側長年

詩酒任優游此外更何求
七賢六逸皆吾儕此中即是神仙宅何用蓬萊訪
真跡俯仰不知心
使節榮鄉

使節榮鄉

輝輝玉節青雲偶從便道還鄉閭使吏傳言接
天使城中車馬爭奔趨道傍觀者多歎息恨不常
年勤讀書登堂拜親親具在
前進酒介眉壽春光滿鵲浮桑榆由來忠孝
得人生此樂誰能如

寒風集卷二

十

送李文盛出判兗州

魚書新捧出

神州佐郡從看政化優半畝棠陰馴舞鶴滿郊
影集鳴鳩隨車細雨三春澤
驛由來千里志未容逸足久淹留

溪西書屋

半枕青山半碧漪水雲相接
風少花影當階落日遲
燭照吾伊依然舊日
有人來門

金臺歸思

繡陌雨初霽東風景物新
禁花飄祖帳官柳拂行塵
日落紅亭晚山圍綠野春
家庭知有信先聽鶻聲頻

送友人告病歸

節序驚心欲授衣長卿偶向茂陵歸
天邊雲接孤鴻去江口潮催六鷁飛
官道雨晴山色好故園秋老菊花肥
相思亦是經年別別後登臨幾夕暉

壽唐廷貴父

蔗境優游樂自如纔經甲子一周初
樽前春色配顏媚鏡裏秋風鵝髮疎
結社香山多逸趣構堂綠野足安居
更看有子歸寧處盡錦輝輝照里閭

送張訓導之任崑山

孔琴重抱出

京華南望蘇臺別路賒分袂只緣情
緒縷停杯應是說周遮
斷雲足馬青山外斜日孤帆碧水涯
遙想到官春色好東風開遍杏壇花

題送行卷

遠尋第姪又云還杯酒那能慰別顏
客裏猿聲袖濕天涯秋色鬢毛斑
煙波浩渺前村路雲樹微茫故國山
他日相思何處切紫荊花下竹林間

柳上鳥

垂柳條長翠欲齊遷喬應得遂幽棲
春郊伐木無人到獨向東風自在啼

榆上雀

蟬噪高榆露未乾枝頭栖息羽毛寒
鱗自是無心捕寧畏王孫挾彈丸

送宋近仁

列官居粉署分職向維陽
曉日催征騎秋風促去航
驛亭紅樹老江渚白蘋香
更慰思家意南行即故鄉

壽俞進士母

八旬初度日春意滿庭開
柳色侵瑤席花香襲綉衣
鳳簫雲外過鶴髮鏡中稀
孝子瑤林客稱觴遠亦歸

輓入母

蕙帳淒涼夢已空
秋風鸞鏡掩容錦機久斷回
文織綵服猶存密線縫煙暝荒山悲杜宇露寒幽
渚泣芙蓉貞魂渺漠蓬萊遠知在山臺第幾重
萱花香裏雪盈顛綠養終於老去指夜靜深閨空
帳幄畫開華屋冷柘梧白雲有影入何處青鳥無
聲信莫傳家世獨看遺澤在春風蘭玉正森然
東風吹夢入瑤池青鳥聲沉信已違古鏡荒涼藏
曉匣斷絲零落掩寒機月明高樹啼烏怨烟暝空
山吊鶴歸最是白雲依舊在不勝相對淚交揮

輓李司訓

芹泮纔鳴鐸俄驚夢兩楹玉樓知有記金榜惜無
名闕里悲顏子長沙慕賈生客窓風雨夜妻被不
勝情

輓奚翁

桑榆向晚有餘暉晚景那堪願已迷隣笛吹殘明
月墮嶺猿啼徹曉星稀香銷曲曉空蘭佩秋老方
塘冷菱衣荒隴不堪遺恨在年年春雨落花飛

輓嚴郎中祖

杏壇抗疏抱琴歸樂趣優游雀水湄十載桑榆
漸白一宵風雨夢何之松亭畫靜閑棋局花館
殘冷酒卮最是相傳遺澤遠又有蘭砌發孫枝

輓隱者

人世無香為返魂獨憐遺跡至今存書齋散亂牀
頭卷吟館荒涼席上尊風到竹莊空白晝月來梅
龍自黃昏又看

封誥鵲嘉石春雨年年漏鮮痕

北闕賜歸

飄然抗疏乞歸田已喜承

恩下九天玉珮潤沾儒掌露繡衣香惹御爐烟見幾
疏廣名何重積善徐卿子更賢此去一身雖吏隱
寸心依舊五雲邊

題松鶴圖為邵叔璋婦翁壽

森森喬木環華堂醜顏鶴髮相輝光華誕年年屬
初夏綠陰當戶薰風涼朱簾高卷開綺席笙歌迭
奏催行觴綵衣拜舞影凌亂階前鱗鳳紛呈祥更
有東床宦游者凜然棘寺寒飛霜無由縮地黃

壽繪圖遠寄情何長未有松分禽有鶴不與凡類
同彫傷願祝遐齡共悠久直看滄海塵飄揚

送周亞卿祭祀行

春風繡陌正啼鶯使節煌煌促去程典紀暫令歸
上國過家猶得拜先塋落花芳草行邊趣碧水丹山
畫裏情從此歸

朝知大雨不須重聽馬蹄聲

乾陳夢祥父

杏林畫錦炫晴暉春老花殘事已非丹冷藥爐仙

去遠烟空茶竈寒來稀荒山落日玄猿嘯華表凄

風白鶴啼最足追
封有餘澤九原初耕亦騰輝

送張祖

多君考最復南旋握手都亭酒共傳花隨殘紅香
舞袖樹分濃綠陰
送張祖
長去馬局雲表江遠歸
帆落照邊別後相思看明月不知兩地幾回圓

送劉指揮

文事能通武事全聲名應不愧家傳

九重較藝誇多寵千里歸營樂壯年烏帽金行人似
玉紅亭酌別酒如泉東南民物相知久共仰清風
到海邊

陝西道中作

王事勤勞偶入秦馬蹄終日走紅塵光陰轉燭驚
三月蹤跡浮萍歎一身愁裏自憐詩句澁行邊誰
笑客囊貧遙知妻子相思處幾向燈前說遠人

高環邑端午日作

吳鉤逢令節况復是生辰客館多離恨行囊只舊

貧窮勞難報

國寂冥倍思親對酒那能飲傷心看醉人

寓環縣約高茂卿不至戲述

來期昔日已傳訛未識于今又若何偶聽行人路
傍說長安市上酒家多

目斷雲山鴈已沈未知何日聽笳音只疑誤入天
台路不解人間歲月深

詠寧夏麗景園

滿園濃綠夏深時亭榭沉沉日轉遲白鶴晝眠階

畔石青鳬晴浴檻邊池涼分松影來歌席香度荷
風入酒卮儼似江南詩景致吟成翻動故鄉思

聞聲息作

長夏邊城地狼烟尚未消去家三月久爲客一身
遙曉起倦行役夜眠悲寂寥不將公事了安敢說
歸

朝

輓入姪爲王狀元作

讀書已負可成心聲譽空遺在士林新龍只今

卷之三

七

草遍故山依舊白雲深桂枝凝露悲秋冷梧樹含
烟慘夕陰大阮久爲天上客幾回傷感亦沾襟

題節婦卷爲蕭漢文作

松柏挺獨秀蕙蘭發孤妍貞姿異凡卉豈爲風霜
遷卓哉錢氏婦蚤歲失所天孀居四十載青燈照
孤眠教子期有成種桑期有年辛苦歷萬變白髮
已滿頭金石是何物可磨還可鐫此志終不移奚
啻金石堅無慙古共美載歌柏舟篇

褒旌勵薄俗清風永流傳

從吾亭爲彭麟仁題

三尺孤琴萬卷書溪山相傍足安居檻前流水長
來往簷外浮雲任卷舒梅月滿窻清白處松風半
榻黑甜餘此中真趣人知少翻笑階庭草不除

雙桂

兩枝仙種月中來共向秋風相對開香散晴氛熏
几席影分涼翠陰樓臺高標不受塵埃染秀質長
承雨露培王氏三槐已陳迹從今惟羨郊林材

友梅

卷之三

十八

歲寒興味一般清終日相親似舊盟琴弄有聲潭
適趣羅邊無夢覺忘情月明東閣扶筇立雪滿西
湖載鶴行更覺春風搖落後儘多青子可和羹

寄董都閫

號令嚴明備禦周東南黎庶總無憂兔狐入穴千
山曉鵬鶚橫空萬壘秋滄海不揚波浪久銀河淨
洗甲兵休擬看圖象論功次應在雲臺最上頭

輓李愈憲

邯鄲枕上夢魂消楚些歌殘竟莫招片泮春風空

木鐸栢臺秋月冷星軺一身禮樂舟藏經半世功名鹿覆蕉惟有高風依舊在青山矗矗水迢迢

乾趙亞參

薤露浮生歎易晞春風薇省願多違賦成鵬鳥才華盡歲遇龍蛇事業非南國甘棠歌未已郢中白雪和尤稀故園松梓涇陽路千里蕭蕭一櫬歸

題哀鴈卷

兄弟群中偶失行西風千里獨翱翔數聲帶雨來荆樹片影隨雲過草塘信斷素書秋寂寞怨生瑤

李康集卷一

十九

瑟夜淒涼客懷處處皆傷感况在彭澤非故鄉

北堂萱夢

靜夜慈顏入夢魂對花稱壽宛如存尊前秋露闌斑濕膝下春風笑語溫玄暉愈知遵訓戒不疑重喜問平反幾回驚覺尤多恨腸斷烏聲淚欲吞

驄馬行春

青春攬轡出天衢會見豺狼跡已除一道清塵新柳外滿懷和氣落花餘仁風習習搖前旂甘雨絲絲載後車生意到時隨處好不分幽谷與窮閭

永感行

英才三百輩濟濟同登科推榮錄三代存歿各幾何具慶重慶固不少嚴侍慈侍亦已多惟君永感良可歎欲養不逮思蓼莪思蓼莪我恨如許泣血春風淚成雨幸中不幸轉更悲罔極之恩竟何補願君推此孝入官盡其忠道德崇孔孟事業追夔龍直期致

君堯舜上坐令四海歸時雍忠既盡兮孝亦至擬看三代皆追封嗚呼此孝雖云不能成其始乃能有

以圖其終

往新寄江右舊同寮

落花飛絮送輕航吟倚東風思渺茫搔首幾回江上望江流不似別情長

憶從到任一年餘誰料微官又改除凡上已無新案牘篋中元有舊詩書吳山東去鄉關遠楚水南來故舊疎自是此生隨所遇不知他日更何如

題嚴子陵祠堂四首

自是先生識趣高却將聲勢等鴻毛釣臺不似雲

臺險青脫羊裘換錦袍

山下祠堂傍水開每多行客拜祠來當時若脫羊裘去千載何人說釣臺

榮華只作等閑看生計依然一釣竿千古桐江江上路清風猶自逼人寒

客星久隕釣灘頭景物推遷幾度秋獨羨芳名在 人世青山長峙水長流

山行

迢遞深山路行行感慨增空林帝恠鳥絕壁掛枯

宋集卷十一 廿一

藤斜日栽松老淒風掃葉僧迴盤千百轉方出白雲層

途中值雪有感

朔風吹雪徧江干落向開門便不乾柳絮有才詩思逸梅花無夢角聲殘剡舟移去歸何速郢曲歌

來和亦難自是憂民心愈切只應多識外方寒

舟過蘭溪水淺難進舍舟而陸俄而又值

雨雪交作有感而賦

乘舟渡澱水水淺舟不移舟人勸登陸陸行何驅

馳忽值雨雪作頓使行道遲我僕既已病我馬亦

已疲况茲隨行者時又寒且飢無由濟飽煖戚戚

生怨咨慨彼天下人飢寒亦如斯惻隱雖滿腔徒

爾將安施何當掃陰霾大借晴日曠陽和遍宇宙

春臺共熙熙

述懷二首

十載青雲路才疎職尚卑心懷憂世志囊罄賣山

資得失皆由命謀爲不用私此生何所恃應有鬼

神知

宋集卷十一 廿二

中外驅馳僅十年每慚忠孝未能全病多自有君

臣藥祿薄兼無子母錢官事祇同家事處空情不

逐世情遷此心可與

神明鑑清夜焚香敬告

天

臘月二十六日夜歸阻風錢塘江中次日

天晴始克到驛感而有作

黑夜江心風浪顛不知何處是江邊曉來日出

蓬看千里江山滿一天

送行

相送江亭酒一觴，匆匆分袂又斜陽。浮雲爭似宦情薄，流水不如歸思忙。客路晚晴楓葉媚，故園秋老菊花香。遙知僮僕歡迎處，白首優游綠野堂。

觀潮閣次韻

凌空高閣俯江開，江上潮聲日夜雷。客棹幾多攜鶴過，漁竿無數釣鰲來。水雲浮影閑舒卷，沙鳥忘機自往回。回首長安即仙境，底須方外覓蓬萊。

輓李亞卿

四朝元老幾人同，德望尊嚴錫予隆。盛世文章誇內翰，清時禮樂重南宮。徐卿積善留餘澤，疏廣知幾保令終。太史有書傳不朽，令人千古挹高風。

輓劉叅政

共羨君家孝且忠，葛溪溪上幾家同。累朝簪組聲名舊，一代文章氣節雄。庭內槐陰長夏景，門前桐樹晚春風。裕齋有稿人何處，賦罷招魂恨不窮。

送官主事還京

江上東風雪盡消，滿江新漲送歸桡。半挑書籍行

裝少千里關山去，路遙芳草暖烟亭。口渡綠楊晴日驛，邊橋到京又值春。深候花裏鶯聲，叶鳳韶

送鄭主事還京

關市年來稅莫征，度支無事復還京。半挑綳帙行裝少，一幅僊飄去棹輕。雲淨曉山吟目迥，風生秋水客心清。沙頭相送人爭羨，彷彿當時景倩行。

謁岳武穆王廟

南渡君臣膽氣柔，夢魂無復到中州。姦邪已倡和戎議，忠義難全破敵謀。五國朔風非樂土，諸陵春

雨亦荒丘。傷情獨有西湖水，長傍祠前咽不流。

偶成

湖水西來滿嶺頭，東無邊住景屬春風。偶來行旣不知久一路，驚聲萬木中。

題劉叅政詩有序

平齋劉先生之蕭山人也，少負才德，由校中出，尚書始終一節，既而致事家居，年高亡恙，德裕尤著，以故朝廷重之，鄉人榮之，士大夫沒美之，咸世之絕無而僅有者也。愚生雖

生平先生五十餘歲之後夙聞令譽私淑有
年惴惴焉惟親炙不逮是懼頃者承乏履學
兩浙幸而足一及門以近道德之光不幸而
又遽以聞訃而蒲伏往哭焉是以其情之有
感於中者不能不發而為詩然詩也亦惟
道先生之實而已豈敢效尋常哀挽之贅言
哉故不揆蕪陋謹錄如左以寓哀慕之意之
萬一云

直從教職到尚書歸老猶存廿載餘歷任隆名輝

《定庵集卷一》 廿五

海宇一生清望肅鄉閭公卿盡擬咨籌策

聖主還應訪起居試問達尊無有者不知當世幾人如
眉壽延長近百年歷官廊廟復歸田清時事業推
元老盛世文章重入賢標履不凡全似古精神無
倦半如僊巨星墮地人驚悼尤羨餘光燭史編

次楊朝重題壁韻

幾回客路短長吟懷古思今感慨深世運循環多
往復人情翻覆易升沉百年富貴塵中夢萬卷詩
書靜裏心識者若能安所止一枝猶自足巢林

予同年憲副陳君士賢過者既喪內矣未幾
其子藩又喪焉予聞之其能忍然于懷耶故
為賦近體一首以寓慰悼之意初不計其工
與不也傷悼之餘又賦哭藩生古體一首併
著下方

德耀俄亡又阿符鼓盆聲裏委桑弧曉寒青鏡
分影夜暝丹山鳳失雛風落梅花兔管慘露摧蘭
茁孔琴孤白楊多少城邊樹帝殺枝頭反哺烏
倚荷窻下蘭茝荒堂前柳春風蔭華姿寧知易衰

《定庵集卷一》 廿六

朽物理固如斯人道相類吾賀鬼未壯齡誼傳不
長壽造化豈有偏所冀薄與厚汝生良可嘉汝命
亦不偶我今聞訃書裏傷以疾首載歌薤露章揮
涕不知久

輓劉憲副詩

生死皆有命迷途空擾擾身世等浮漚光陰同過
鳥誰能免死亡惟分壽與夭君年未半百百年事
已了黃梁熟邯鄲白鶴歸華表所遺有功名桓臺
秋月皎轉車行遠途凄風拂丹旌漸至故里問潞

水環宅北開諸幽室中千載不復曉知君亦瞑目
一子不為少

題玉霄宮卷

幽宮在深山隱然白雲際松竹覆簷楹芝蘭護階
滅迥隔車馬塵一方益清氣瀟灑學仙儔俗流固
交締有志監前脩靜玩衆同契不微一時名不競
半錢利心如秋水清晝閒夜安寐金鼎養神丹丹
成即生計睥睨彼行人蠅營莫知愧苟得亦易失
徒勞竟何濟

和張方伯韻

滿懷和氣叶同寅共羨今人似古人志操不隨年
事老聲名常遠歲華新最慕自是文章伯汲黯寧
非社稷臣南國甘棠已開編鄧中誰復和陽春
去日蹉跎數莫招反思來日更多饒忙邊不覺心
神倦愁裏還驚鬢髮焦未竭涓埃裨海嶽難將文
采燭魁杓自慚蘭桂秋風質寧向春風厭寂寥
世稱良相與良醫占禱何曾慰所思萬理未精還
學易一身多病敢吟詩光陰過眼渾如夢人常驚

心半似痴幾度傷今又懷古滿城烟雨早春時
每念

王休欲對揚遠聞韶樂思洋洋微官未愜三牲養清
夢虛占八翼祥知已尚期多鮑叔沮君誰訝有臧
倉傷春已覺愁無限况復懷人各一方

江心寺

名山屹立大江中千載爭誇勝槩雄雲護梵音樓
上下星聯耀影塔西東宋皇行在曾留墨謝字來
游幾遜公風景佳令還似古獨憐人物旋成空

題張雲公明卷

承聘從容對襟開此心天理肯相違持衡自擬平
鉢兩東繼選龍無隱微豈昧字音疑彩霓每憑文
格情來衣思今事早秋江別載得清風滿棹歸

白鶴鶴立竹上

鶴巢古松樹鳳宿高梧枝寒臯亦佳鳥素質尤爲
奇何物可栖息惟與脩篁宜蒼雪羽毛潤清風語
音遲彈射無所驚優游復何爲不效四座語不受
樊籠羈昌黎已有武山谷亦有詩此身既得所歲

寒猶不移豈若鶯與花春來暫相隨狂風忽吹散
紛然隨所之

蘆鴈圖

塞北數方深寒風已蕭索鴻鴈隨陽來江南暫爲
客未抵衡山峰先止具區澤澤田稻渠肥澤岸蘆
苔碧蘆葉滿洲渚水清沙磧白棲遲得其所優游
更何適焉展鵞人聲飛奮衝天翼食者暫療飢宿
者暫弛力夜無漁人火盡無獵人弋山人不得烹
郡守不得食動靜皆自由不驚且不惑須臾春風
生翔翔復歸北此志在何許亦惟朝陽側高堂宴
客中燕雀豈能識嗟彼樊籠鳥光榮未爲得昌黎
何人斯見之亦歎息

題扇

一曲清音不易聞爭誇白雪與陽春近來未必無
知者何用扶藜訪遠人
伯牙不常無子期不常有高山流水音世人得聞
否

寄王景明太守

云家未三月忽至黃州城太守是知已下驛來相
迎一見開笑顏喜氣何盈盈問我來何遲一日行
幾程挽我入城府置酒歌鹿鳴屢稱會面難載勸
還載賡有子出相見禮貌多儀刑昔別未髣髴扶
秀令人驚酒畢夜聯榻而復論舊盟盤桓竟忘寐
不覺東方明信宿難再留告別匆匆行握手不忍
分纏綿難爲情移舟更遠送意思何勤誠勤誠出
心腹奚啻如弟兄嗟彼嗜利徒弟兄尚相爭所厚
既已爾所溥安可名焉知億兆民亦是同胞生願

體天地仁推致天下平

入蜀道中

行盡揚荆方入梁萬千里外一輕航心平不識灘
崖峻岸靜還忘道路長恨因有恨嗟未遂安民無
策愧如後幾回將箇老頭兒看白雲天際傍

次韻同懷

馳驅不已路何賒行徧山隈復水涯隨處待入渾
似已多方處事只如家一生宦況天心月千里
情谷口霞忠孝自慚無所補忍歌四牡與皇華

白亭

白姓非一士惟君心亦白結亭以白名爰以著其
蹟樓素循自然丹腹詎容飾瑩然有餘輝夜皎明
月魄紅塵隔峰巒青蠅止榛棘輪鞅更閒如畫日
幽且寂草色潤堦除竹陰澄几席髣髴子雲居寧
有草玄解悽違固多娛時復安所適清氣溢懷抱
俗慮頓融釋無絃琴不彈靜悟前易真意不容
辨忘言更誰識

菊壽

合從集卷三

三十一

性本愛隱逸賦歸如淵明優游三徑間與菊成芳
盟谷中飲其水霜後塗其英顏齡賴以制髮白身
尚輕年午對南山把酒歌昇平子孫暨曾玄花門
共隨子晚節景逾好悠然樂長生何須服刀圭更
使登蓬廬

次韻題新建堂

四時佳處樂天成心遠塵囂景愈清梅酒寒香飄
几席竹梧涼翠拂危樞堂中有句閒逸趣琴上無
絃揚外情此處可安隱不覺肯於俯仰集虛名

詠桂次韻

一歲還開一歲花不隨春卉競紛華涼風夕院
如水無限秋光在卻家
畫多清影護根株生意尤資夜氣濡滿院天香闌
不住好風吹起入天衢

題扇寄致仕張方伯

吳會甘棠詠未休清風千里一歸舟故園佳景尤
堪賞香滿槐堂桂子秋

輓彭閣老

卷三

三十二

萬人事業一入無辭蔚蔚聲華重斗南厚洽有文雅
宋環溪民無擾樂曹參門前桐樹春方老庭內松
陰綠正酣黃閣忽生辰已夢計驚朝野恨何堪

輓謝大參父

彼美多藝士德貌尤顯顯膺薦佐兩邑政餘恒嘆
松訓子陞甲科度支登登膺有志遠以辱賦歸承
推封衣冠耀閭里尊姐娉笙鏞松菊互賓主優游
時雍豈知耆耄間歲運驚蛇龍九原不可作千載
悲遺蹤

輓謝大恭母

相夫教子並成功祿養

恩封壽考終後裔尚知熊膽味深閨還守葛覃風林
間烏集青楓茂隴上牛眠綠草豐存沒有榮人共
羨不知鄉里幾家同

次韻送林廷美

仕路驅馳幾度經此行應喜謁明廷錦江流水搖
龍節銀漢祥烟煥使星花送馬蹄來秀陌柳迎帆
影過前汀珮聲漸入青雲道袖拂春風上紫冥

卷之三

三

萬千里外喜趨京盡日行行不計程新水半江舟
楫穩香塵滿路馬蹄輕青山雨過春光潤紫禁烟
消夜氣清想沐

恩波更來處儘多餘澤被群氓

送吳憲副提學

鳳勅新頒到憲臺喜驚重遣育英才西川共惜望
輶去東楚爭誇使節來最爾童蒙應用告斐然狂
簡亦須裁絃歌四境春風長桃李欣榮處處開

又風入松

維時松舍晚翠新絃寒香共惟 德本思

誠言忠信而行篤敬學由窮理身禮樂而心
詩書按節四川既變疆獠為柔順之俗進官
三楚殆挽輕躁為貞靖之風勝辦嚴而靡留
念盡簪而難舍爰據短引粗抒深衷

除書新起舊儒宗佳氣藹春融勿勿行色不容緩
錦官道柳外停驄冠蓋如雲追餞參然行趣相同
驪駒歌闋酒將終晚日樹梢紅畫船輕鼓秋江上
順流往千里清風別後不堪回首山長水遠西東

卷之三

三

送屠朝宗御史

承命分巡萬里行遠人爭親使星明冬郊雪壓巴
山重秋峽風生蜀水清春溢陽和人意愜夏消酷
暑吏心驚只今端觀天顏喜會見龍池雨露盈

送白易之行人

勤勞王事忽經年今日驚看使節旋錦里送行人
似玉紅亭酌別酒如泉鷗邊流水隨征棹馬上清
風拂去鞭遐想到京春漸好滿懷和氣杏花天

次韻君子軒

四座清虛不受塵坐來應覺性情真每看官事如家事自信今人亦古人靜裏觀書知報國澹中脩己欲安民夜深高枕渾無擾惟有親顏入夢頻

次韻公餘寫懷

宦情其奈老來何唯幸心清髮未皤門館無私人事少家山有夢容懷多樂天長自尋書玩憂世何曾對酒歌行止從容隨所遇可為功業肯蹉跎

題送行卷

使節繞看白蜀來又驚殘臈上金臺一江行色臨

寒食集卷三

五

邊棹千里離情馬上孟風雪載途催客去烟霞橫壑待人回遙知到日春風裏花擁都城次第開錦城歲暮雪初飛節序驚心賦式微客路險從三峽過鄉關遙望五雲崑片帆曳曳迎殘月匹馬行行送夕暉漸到都門春已好滿郊花柳正芳菲

書屋為李公敏題

新構蕭齋遠市城水環山色護巖巒案頭清白無阿堵窗下吾伊有寧馨一座薰風橫綠綺半床明月倚青萍行人浪說王韓宅共羨槐桐繞戶庭

送彭鳳儀

三年循例謁

明光祖道分携酒一觴書劔半挑行李少江山萬里別情長秋風去旆迎紅樹春水歸帆曳綠楊只恐早膺前席對西川無復望回翔

除夜寫懷

客邊除夕已逢三強飲屠蘇愧感無學力恐於忙裏減髣髴尚病中添大兵欲捷憂多殺冤獄難明痛久淹况是思親情更切不勝雙袖淚痕沾

寒食集卷三

五

予按部至富順邑適會良玉余君公誠劉君同有赴京之行皆索詩於予予惟仁者贈人以言自揣於仁學而未能矧詩又言之精者大豈敢當特二君之意殆不可拂遂強賦一詩重錄分贈以答其意俾觀者但知予之均以言贈而不知予之拙於作詩也良玉予同年也更以一絕繫於楮末以寓情云

同鄉同志少人儔况復同行共勝遊嶺外清風朝並轡江邊明月夜聯舟經書每與論匡濟詩酒還

一榜惟君最少年度支分職又推賢于今聚首還
分首遠聽佳音到耳邊

題張潔菴墓文卷

子厚師衡湘尚恐衆所嗤昌黎師成均籍湜亦叛
之二公既云爾他人將安為迨茲數百載潔庵河
人斯河汾差可擬師道良不卑生前人共仰歿後
人尤思鐸音雖云遠流澤同當時如何州載內墓
阡未有碑房杜門下士豈容無一辭勒文表功德
師譽益以馳九原不復作去此其從誰數四讀碑
文感歎徒傷悲

送姚照磨致仕還鄉

進幕雍容九載居自言老疾賦歸歎公庭案牘心
無繫故國由園樂有餘松下盤桓忘顧慮花間不
予任躊躇可憐多少繩營者奔走塵途迫不如

道中作

自少惟聞蜀道難于今親見亦如閑舟中玩易觀
湍水馬上吟詩度險山脩己直斯安百姓積誠尤

欲動諸蠻世間何者非吾事千里寧辭數仕還

輓李憲副

十八餘年到蜀三子亡孫幼思何堪歲當辰已伐
驚鵬道遇交游竟脫駭軍壘傷心懷舊德士林揮
涕憶清談由來仁者應多後遺腹還知定有男

題輓詩卷

封官青瑣十年餘白髮烏紗羅里閭會客殷勤多
種絲傳家清白更藏書坐看槐影襟期願許藤松
風世慮虛萬事無憂死何憾始終能有幾人如

送張氏歸廣東

身未由年... 華瞻文綱何如德譽彰東廣清風新政化西川
月舊輝光紙令共有甘霖望誰許雲龍住一方

疑碧軒

方塘數畝傍幽居一鑑空明四座虛簾卷秋光澄
几席電滋春色潤琴書滿生瑣藻清風裏暖入荷
苔夜雨餘長日坐來心似洗幾時凭檻看遊魚

題輓詩卷

阿母云三歲已深尚留清夢到如今高堂秋
無迹芳塚春風木有陰吊鶴影沉思不已啼鳥聲
斷恨難禁一門光顯人皆羨應是當時教子心

題鳳仙道院

鳳仙元是舊時名輪奐更新喜落成門對遠山來
秀氣地環流水播清聲悠悠日月壺中趣蕩蕩乾
坤物外情莫作黃冠絕塵事也曾留客飯青精

蓮寺

清虛絕紛庇瑞氣氤氳入窻出地行雲高

金蓮集卷之一

三十九

接漢繞階流水曲通江荷邊洗鉢魚浮百松下談
經鶴立雙偶此尋幽悟真趣題詩應有筆如杠

冬日言志

盡閣愁看瑞雪飛小民多少歎無衣何當一日陽
春暖時向東風賦谷祈
歲寒冰雪小民艱肉食誰能不厚顏惟願春風莫
來晚縱令和氣滿人間

厭雨

一雨春連夏溽溽久未休來年黃欲朽灌莽綠何

稠野市入烟冷荒墟鬼燐浮新秧亦多損尤恐歲
無稔

故處士楊君廷偉兄者子微時鮑子也夫何
予爾登第而君輒就木傷悼之情恒鬱然于
中迨今見其二子克立衆孫又皆可進蓋必
瞑目九泉不復有遺憾矣不愈乎行尸走肉
不利其後者乎於是予之鬱然者殆亦釋
然因有感而作

憶自君亡十九年每思君處獨淒然月明詩館難

金蓮集卷之一

四十

成什塵暝琴臺久絕絃遠海何曾歸化鶴焚山空
自然啼鶴而今足慰憂傷意子又生孫孫更賢

壽詩

秋早逢初度涼飈襲絳幃出簫清釀美入饌白魚
肥瑞氣騰烏帽祥光耀綵衣唱酬多妙曲寧羨
南飛

松石軒

森森石畔松磊磊松下石但徠尋尺良斲林聲
籍貞姿異桃李堅質異瓦甍歲寒猶未凋風易

未泐不受祖龍封
那能射所付良自固萬變莫容易
幽人志操同相親肯他適吟撫詩
易就醉踞酒易入夢固可微點頭
亦可後構軒結友盟相對成三益

題翠巖卷

身雖紅塵中心在青山裏市喧若無聞
白雲是知已仁者固樂山匪獨有所似
翠色豁吾目泉聲豁吾耳其詩吾則之
其高吾仰止其石或可漱亦足彌吾齒
行歌紫芝曲奚憚商山綺坐彈綠綺琴
宣無鍾期氏觸處咸有益優游共終始
壽康且無虞自得良可恃更能遺遠謀
寧似肉食鄙矧彼夸毗兒滔滔安足擬

永感堂

椿萱零落故堂幽痛絕音容竟莫求
春燠露蠶絲不斷夜寒蠟燭淚長流
寬圍山色千重恨門枕泉聲萬古愁
誰謂白雲無意物每來簷畔獨遲留

登黃鶴樓

城外長江城內山
水雲環繞半空間
望中物理誰

能悟惟見舟車日往還
境界層高曠八寰登臨誰不願
技間下民多少泥塗者俯視還應有厚顏

送徐明德子偉還鄉論秀詩

汝父我同年交情終始全
贈行無別話衣鉢要相傳

漸見青雲生案前月中倦桂更森然
明年八月秋風裏佇聽佳音到耳邊

次韻題付

此君終日對朱扉不放塵埃點
客衣俯耳秋聲搖地脉仰頭春色近
天威一方明月吹簫出千里清風
仗節歸古調有詞詞更美郢中和者
近尤希

寄張尚文司寇

列職司邦禁存心在德元一鄉懷有賴
四海頌無冤噬嗑明堪擬甘棠美可言
高山徒仰止未遂躡鉤援

送刑部李數郎中同錦衣王千戶辦事還京

官況何高潔天心月影孤豈惟濟公事尤足勵貪夫

行徧湖湘路仙舟不受塵清風誰是侶更有錦衣人

題王總兵父母忠節卷

忠節相仍萃一門沒身終見沐

殊恩九泉瞑目無遺憾千里同心有返魂壯志未消

銅柱在清風難泯栢舟存幾多慶澤鍾賢嗣更衍餘波遺後昆

題江山無盡圖

乾坤浩氣豁胸目盡江山流水長千古
關舟航客濟渡車騎任躋攀妙契此中不盈方寸間

和劉廷信方伯韻

地位惟應尺五天高情無繫若虛船

當年騁名浙江頭志在安民恤隱幽更有憂

君情又切不知何處是愁

帝鄉他日使車回推轂還多命能存得甘棠在南國春風無地不花開

題菑萊卷

根葉肥鮮未着霜可入風味淡偏長高家兄弟雖清顯共食何曾一夕忘

村裏人家

繞簷槐柳密成行四望山光接水光春雨萬畝蔬
嫩秋風千畝稻花香細茶新熟美酒深
行客客城裏有人曾此過勝柴桑

題衆竹卷

渭川佳景自天成舊幹新梢共一清
鳥兔往來放常有影雨風沾拂更多聲
春桃李難為伍晚歲松梅可結盟
笙管擬簾廊廟用底須竿海釣長鯨

偶成

春風桃花花取媚能幾時何如松柏操歲寒尚華滋

吾觀衆人鮑肉顏有幾若此心安食茶亦如薺

賢俊由來不易求

聖心憂字今肉食知多少不必無人為國謀

途次病中二絕

盡日孤眠聽報時

由訴靜數屋椽惟自知

通宵無寐聽更漏一點聽來一點愁惹得平生不

平事不思猶自到心頭

病起題壁

病卧宦途三閱月百般醫藥盡經嘗

案卷集卷之一 四十五

難忍晝夜如年苦甚當一死已曾料就本將生尤

幸得還鄉此心感念

神人庇沒齒焉能忘建昌

予久病斯邑幾死者數矣幸賴

神人協祐得以生還感感之私銘刻心骨爰

留詠于斯欲因以拙告用著弗忘

還張尚綱

公以大理少卿擢副都御史巡撫宣府蓋

以北門鎖鑰非公不可屈公以行予與公

昔嘗傾蓋如故今又忝為寮寮外人深而
情益親敢效古人贈言之意賦近體一章
為贐公共行之予日望之

朝承

鳳勅辭 丹闕夕擁龍旂控朔方元昊可能欺老

子葛羅還復拜汾陽柳營膏澤三春雨栢府威嚴

六月霜坐使風塵淨疆場行將籌策上

巖廊

新陞湖廣按察副使楊志仁近為秋官郎

案卷集卷之一 四十六

中時慮囚南畿予以一素扇書古語一節

拙作四句贈之蓋以是人可語是理必能

見諸行事故也今志仁持一卷來虛首簡

請錄以實之予知志仁之心即古咎繇邁

德懷民蘇公敬獄長國之心所以延民命

植

國命以承

天命者在是故不辭讓復書以貽之且期相與共

勉時成化丁未孟秋望也

賞必當功罰必當罪刻核之論也罪疑惟輕功疑
惟重君子長者之心也以君子長者之心為心則
自無刻核之論如此上下薰蒸太平之功可立致
也芝草生甘露降醴泉出皆是此等和氣薰蒸所
生

右古語

手握清風出

帝都隨時舒卷總由吾從教六月江南路涼辟炎埃

半點無

右拙作

寄致仕謝都憲

卷之四十七

蘆荻蕭蕭水滿江釣魚無意坐歸艖興來不覺高

歌處驚起沙頭鴈一雙

仕路賢勞四十霜故鄉今始得歸康共游親舊誰

還在未齒兒童髻亦蒼雅趣適從杖屨高情洒

落寄壺觴此心不與身俱老清夢猶能繞

建章

輓謝大韶尚書

狀元入仕至司空二十餘年即壽終膺有文章貽
尚多禮樂著南宮建言曾抒胸中正脩史長

存筆下公訃微

九重憂悼切屢頒

恩例特加豐

送湯拱宸主事

清時承

詔省親歸忠孝於心兩不違祿養有餘兼色養錦衣

無恙復斑衣北堂諒草多朝露東閣靈椿久夕暉

最是人生如意處古來相值亦幾希

題袁都督送行圖

卷之四十八

夙夜勤勞侍

兩朝一心忠亦豈知勞錦衣赫赫威光顯帥府我我

地位高白首獻章辭

北闕清秋移蹟赴東臯從今老去閒尤樂况復相承

有鳳毛

題董尚矩出使卷

出使朝鮮別

帝幾喜逢春景正芳菲雲乘和氣迎龍節花麗晴光

照錦衣專對有餘寧辱

命一塵無染自生威賢勞似此皆常事

前席還應待早歸

壽稽熟周近仁父

甲子一周方六十況今將已再

封官錦衣寧減斑衣樂祿養還同色養安介壽豈須
三昧酒駐顏奚假九華舟年年初度花朝節無限
春光足意看

感興

天時人事兩無窮舉目都歸感慨中忽忽光陰流

寒集卷之

四十九

水似紛紛變故弄棋同賢愚莫辨亡羊若過袖難
期失馬翁自是浮生奚足校百年如夢總成空

題程寺丞手卷

屋外良田屋內書朝耕夜讀敢安居雨中猶自勞
鉏耨燈下何曾廢卷舒莫嘆佳時傷犢角且誇今
日侍鴻臚雖云欲養親無速還待

推封裡里閭

次韻楊維新四題絕句

馬前驟雨若翻盆路上人家盡掩門惟幸須臾便

開霽更多清氣溢乾坤

日斜到寺眼昏花時喜山僧屢獻茶茶罷對床應

未寢已看明月照窗紗

一座無塵飲饌香放勲真若見焚香從教心境清
如水尤覺靜中幽趣長

偶啖僧家飯與參坐來因共說無生淡中信有延
長味應笑酣歌費割烹

和王宗吉西風思舊游詩韻

歲序循環春復秋豈知漸白少年頭功名振世琴

寒集卷之

五十

三弄富貴榮身酒一甌東海有聲猶作郡平津無
事亦封侯可憐不學李毗子徒遣機心萬里遊

與顧以正

負才難盡用投老便須歸縱有鷹揚叟還應卧釣
磯

明年方六十才用豈宜休顏駟未由擢許丞誰解
留且醺鄉井念無復簿書憂心境清如水閒情付

白鷗

輓張尚綱父

常懷故國在河南久住寧如陝右堪七袞既踰
望八兩封未幾復加三多冠每與儒冠接繡服還
陪野服談至此令終承

御募九原瞑目更何慙

輓高尚達都憲

一生廉介少人同位顯烏臺職未充親老肯忘終
養孝身閒莫負濟時忠論囚惟是全民命除寇何
曾伐己功清譽凜然如舊在後賢誰不仰高風

題丁永中侍郎慶壽圖

宋庵集卷一 五十二

託跡仙宮遠俗塵此心清白可交神一官數轉階
三品六甲重達壽七旬體貌不衰長似舊衣冠無
垢每如新種桃傳得瑤池種歲歲花開玉洞春

寄沈菊泉

別達千里外跡遠但心親我職纔三品君年始七
旬相思難會面兩地各逢春直待容歸日重期作
土賓

題英國公遺事卷

四朝佐國多殊寵生既封公歿又王靖難勲名垂

宇宙平巒籌策著文章業傳後裔仁風遠慶澄前
人孝譽彰靈爽到今應不泯九泉還產瑞芝香

喬木必參天由其有深根流水必至海由其有源

源君子積善深慶祉必浩繁物情與人事其理同

一原彼美定興王存心在元元武威秋霜肅文德

春風溫時成佐理功聲名溢乾坤累

封至高爵舉旌膺

殊恩追崇及祖禰承襲貽子孫世澤永無竭雖亡亦

如存

宋庵集卷一 五十二

送彭汝言

喜看進士擢廷評朝市多人羨老成性儉自能忘
祿薄志廉還復愛官清審刑公恕寬何有辯理精
深學愈明愧我餞行無所贈賦詩聊寓故鄉情

湖上青山

擇地湖山預作墳幾多風水屬斯人登歌已愜生
前志入葬終安歿後身享祀有臨佳氣合追封無

忝

寵光新種來松栢尤榮茂贏得四時長是春

輓何以仁父母

室家偕老亦無常十五年來兩度亡新墳豈嫌依舊壙後喪寧訝過前喪名垂桂籍流芳遠德著金斯衍慶長醫業相承有賢嗣已膺徵召沐

恩光

崇恩樓爲周尚文題

奕奕重檐俯清溪不延俗客此攀躋曉騰佳氣浮雲靄夜散祥光射壁奎簾卷翠微山遠近窓涵清浸水東西夏來時把

宋唐集卷之五十三

天書檢應恐梅蒸濕紫泥

寓懷

日月無停轉碧霄昨宵今日又明朝榮華過目塵棲草世事驚心鹿覆蕉花向四時開更落潮隨二氣長還消悟來物理皆吾性生意滿腔真趣饒

和錢先生壽祠韻

由來從仕欲指軀歸老青山不負吾養浩只求全固有治生寧學尚虛無清閒自用詩文責雙鯉何須藥餌扶儀象裝成餘韻遠令人千載仰師模

輓顧秀才諫

久負雲霄志偶逢辰巳年龍門魚未化遼海鶴初旋白髮悲顏天清才惜賈賢嗟予最知汝聞訃獨潛然

題泖山別意卷送陸文質

蚤擅儒醫著一鄉晚膺

徵詔謁明光舟衝曉霧書籤潤車載清風藥裹香馬首看山詩思闊鷗邊折柳別情長祗今民瘼應無數擬展奇方壽八荒

宋唐集卷之五十四

輓錫山鄒祝母

慈訓堂空事已徂前人遺蹟後人模窻邊夜雨曾和膽簾下春風自辟繡雙鶴吊時魂欲返一牛眠處葬堪圖隴頭封殖多嘉樹勝有來栖返哺鳥

次韻楊維新賀人陞官

清顏未艾若丹凝官秩年來已淳興朝著後生無與並鄉邦先達有誰增岐山春日鳴孤鳳牧野秋風奮一鷹遠近聽觀皆仰羨共言材力儘堪勝

送劉司務

三年考績來書最

朝去復官歸旆潤沾
溪黃鳥傳曉聽隔岸青山丘馬有嘶到南都入
暮花香時滿白雲端

壽致仕錢家宰先生

官至高書壽八旬况當三月是生辰柳分春影搖
歌席花散晴香襲舞茵賓主有才詩和捷子孫多
禮酒行頻年年慶會長如此享盡人間不老春

題趙母壽冊

嬌居教子盡賢良半在
清朝半故鄉一代義方推孟母百年貞節重共吳
錦衣寧減斑衣樂祿養還同色養康歲歲誕辰冬
至候壽期隨日漸增長

澗松書屋

衆卉何繁華惟松堅且貞衆流何廣深惟澗靜且
清貞松傍清澗氣類真同盟歲寒後凋木彼枯還
自榮歲早有原水彼竭還自盈君子本同操相對

誠忘情栖栖願無違結屋八九楹出門瞻其象入

戶聆其聲貯書萬餘卷讀之思力行義理有所得
寵祿無所營所積既已厚孰云不如耕雖無目前
利復有身後名申公八十餘宣朔蒲輪迎不來何
能爾大器應晚成人當解其會勿令勞其生

和韻

種花惟見滿庭紅致用何如種菜功
自足行厨無辦亦能充性安雅淡塵機靜志厭肥
醲俗慮空百事從今皆可做高標寧讓古人風

送人舉姻還鄉

千里乘龍半載餘不勝鄉思賦歸時
仙舫蘭桂交香共鹿車鴈外月山明碧樹鳴邊清
水照紅蕖行行漸至三江畔佳氣騰騰里閭
題曹以寧山陰縣志卷

四十餘年校官馬蹄蹄遍江干才華出衆成
名易造物拘人遂志難隨處賢蒙造就經行山
水屬題刊由來俯仰渾無愧贏得此心長自安

馬懷

一心期廣大萬里費研覃靜守良初六動循乾九
三無求還自足有樂更何慙解得此中味方知苦
亦甘

示子

立志莫他適用功休整運更能務寧靜便是出身
時

與王黼

設官都是爲安民縣令於民又最親獄訟必須中
枉抑差科尤在恤孤貧門開白晝庭無客戶掩清

金定庵集卷之一 五十七

風旣有塵再使絃歌能化俗滿城桃李萬家春

予雖不學凡從游之士鮮有不第者惟嘉興

王廷章自邑庠升曹監迄今歷年最多始獲

選福建南安令今雖郎官然而上應列宿下

子庶民所繫匪輕故今之進士授是官者獨

多若古之程純公張獻公亦嘗爲之矣予恐

其輕視之以爲不足爲也特賦此以勵之

送鄭廷綱憲副提學浙江

我曾提學浙江來模範於人何有哉最爾童蒙還

特告斐然狂簡亦須裁化令正賴匡時傳後方
應濟世才從此東南桃李地春風無處不花開

送吳道本侍郎省祭

覽辭

京國去方遠故鄉思先隴焚黃日慈闈戲綵時齋明
祈感格拜獻祝期願了此渾無事歸

朝慎勿遲

送僧還松

雖有禪心折

金定庵集卷之一 五十八

九重豈無鄉思逐秋風唐人詩律推靈徹晉室儒仙

重遠公千里河流杯渡水萬丘山麓錫飛空舊

松寮知歸候故長新枝盡偃東

輓余士英尚書

歷官中外任寬嚴賸有聲華偉具瞻勤政豈知心

血耗服勞寧惜髮絲添堂堂廟筭推君實落落

功說仲淹後

褒崇多血與幾人能得似公兼

徐先生廬墓卷

既仕失所生久仕失所鞠後喪踰前喪附葬瑞
麓塊苦廬墓左朝夕攀栢哭彷徨三載間孝心益
純篤禽鳥豈無情感格一何速白鴈集墓田白鴈
巢宰木雪羽耀哀麻兩兩各飛逐髣髴海上鷗馴
擾匪由畜鄉間競掄撈郡邑欲表慕焉知君子心
要譽非所欲避避養時晦衆情愈歆服自茲利所
往萬善所由足移忠可事

君推恩可睦族仁民風俗淳愛物品彙育四海皆度
內春臺園玉燭天監日在茲悠悠享遐福貽謀傳

後人當令繼前蹟

感興

世情人事競紛紜獨倚閒邊厭見聞多少變遷如
醉夢尋常翻覆似風雲是非未必終無辨得失還
應久自分撫景有懷何可已謾憑詩句寓云云

輓馬司馬父

積善有餘慶聖言豈虛假人能植厚德天必錫純
嘏彼美君子心志趣一何雅儲書訓子孫散財恤
貧寡孝友且儉勤鄉閭藉陶冶雍容禮度中風神

更清瀾鶴髮若垂絲醅顏如渥緒生前沐推
封繡衣榮洛社歿後獲追

贈都憲復司馬生歿咸有光瞑目九泉下瓜瓞方綿
綿舊堂仍綠野嗚呼若人者雖亡猶存也

送侶大器巡撫江南

分韻得槐杯來台哉

祖帳無塵蔭綠槐風生涼氣入離杯

清朝整屈賢人去災壤爭誇長者來但盡實心安
百姓敢求虛譽達

三台要知舊政須因革莫謂而今安在哉

寫懷

鬚髮年來漸二毛一牙已落一牙搖侍郎屢轉更
三部甲子重逢歷五朝宦況中天明月淨鄉心邊
海白雲遙更思食祿將何補無奈滿懷端興饒

水南別墅

解纜歸來厭市諠溪南卜築近田園案頭樂趣書
千卷窗底吟懷酒一樽桐樹繞簷清氣合槐陰常
戶綠雲屯聲華不減王韓宅簪笏相傳到子孫

輓王公度尚書

官躋司馬即歸休故里青山伴白頭除惡已宣憂
國志愛民曾獻濟時謀邊功在宋堪追范漕運於唐
可繼劉身後豈容成寂寞高名千古重河州

壽倪舜咨婦翁廬布政

方伯歸休始七旬腹將殘日是生辰羊羔釀酒非
緣富雪水烹茶真效貧

日下館甥傷遠別山中賓客喜交親歲寒重有家
園竹長保青青傳主人

輓陳生祖壽

於庫太安人七十有四襁褓居太半餘栢舟嘗自
矢膏沐曷爲容絲髮難堪指脫珥貿群書尋師教
諸子子貴孫又著白眉尤驚起患謹孰與儔魏霍
差可儗承

恩表貞節光華耀閭里神養有餘贊皓首厭甘旨優
游至壽終瞑目安所止遺休裕後人雖死猶不死

寓懷

六街風景四時春車馬喧闐一片塵可嘆古今長
似此不知換盡往來人

春風紅紫滿林間蜂蝶偷香競往還何似滄江幾
靜處青山長伴白鷗閑

暮春偶成

春風飛絮滿長堤况復沙塵路欲迷遐想南方此
時候鷓鴣啼徹杜鵑啼

陰霾漠漠暗春城老眼看花可獨明宦况澹然無
所繫鄉心都屬子規聲

送何司寇

尚書致仕尚童顏千里清風一棹還定性有原秋

金定庵集卷之六十二

水淨素心無繫白雲閑立誠未始違前訓知止還
應免後艱更羨文章可傳世幾多來學仰高山

讀易損卦大象有感

懲忿心清涼否則如焚火奚翅爲人災亦有自焚

禍

室懲聊自脩縱慾真自伐似此生死關相去不容
髮

和張養正韻

冬往春來夏復秋時光數易肯遲留觀書漸覺花

生限覽鏡方知雪上頭動止從容應自樂襟懷洒
落更何愁心閒白晝猶撫永敢向清宵秉燭遊

乾楊維新侍郎

四十年來幾易官獨於翰苑久盤桓

經筵進講言猶在史館脩書墨未乾賸有遺文傳

海內更多清譽重

朝端鏡川山水依然好長使行人杖屨看

輓崔冢宰

歷仕多方又兩京老年典選益公平乞身曾享田

園樂暇目還膺

贈謚一子承家延世祿諸孫接武荷天成由來積

德流芳遠終古何能泯今名

和馮商馬韻

惠詩示教且命和因不揣荒昧

謹遵嚴韻勉復鄙書之謬不能無之亦

惟

燕說是類

南郊無雪又天晴

一

大祀牲牷日前迎繡幟影香塵後進屏風立殿前擁侍
儀容肅文士趨隨步履輕自此太平知有象秉心
誰不效忠誠

壽屠少卿母

諷背春風幾度經年躋八十髮初星相夫種德能
垂統教子成功善掌刑階下綵衣娛壽考花間綺
席宴康寧門前更有南山色老眼笑看長共青

題嚴以善壽七十卷倪舜咨求

卷之二十四

多言世舊名醫君更親賢不計資有志詩書恒
自樂無心冠帶豈容辭竹環窻戶清陰遼花覆
庭淑影遲今歲七旬尚康健還應既耄且期願

樂全翁

時逢寇難歷艱辛終幸全歸樂意真體不毀傷應
盡孝德無虧損且成仁子雲明哲何須數伯况清
高足可論猶有餘芳傳更遠後人相繼顯前人

送傅曰川

君寵方隆日親恩可報時一封祈祭掃三錫慰驅馳

驛使傳符命鄉人仰羽儀

朝莫遲緩

貞辰正疇咨

送周伯常

承

命封

王秉節行行邊風景自怡情喜知到日陽將復樂想
歸期歲未更便道往來經故里過家終始拜先塋
鄉邦素重相如望負弩爭趨遠送迎

暮秋偶成

萬卉凋零日蕭然眼界空山容依舊在水色與天
同菊老香逾遠楓衰葉更紅晚晴多景趣吟好送
飛鴻

輓林一鶚刑部侍郎

人物由來重浙東在君尤覺少人同一心清白塵
埃表百度森嚴矩矱中莫謂生前官祿厚須知歿
後客囊空祗今獨有芳名在可與青山共始終
言以謙恭獨老成歷官中外共知名威儀鎮靜如

山重志慮精明似水清四海至今思美政兩京自
昔頌祥刑嗟君早逝雖云命終古今人恨不平

平江恭襄侯廟陳瑄

賢侯功業古良臣轉漕尤為第一人賸有令名傳
海內更多遺愛著淮濱神靈顯赫亡猶在廟貌尊
嚴舊復新後裔相承麟趾似可無詩句詠振振

平江侯祠瑄之孫廷封縣國公

將門元出將將業益加脩赫赫征蠻策桓桓禦虜
謀聲名昭日月祠廟享春秋世澤無窮已長江萬

古流

讀卷三首

群趨東閣經三日進讀

文華協

聖猷內監錫筵應宰鹿太官供饌更椎牛銀杯酒醺

承
恩厚寶鑑緼多荷

寵優感戴不勝惟祝願願祈

萬歲復千秋

本用馬司馬前韻

官叨讀卷姓名高樂觀群賢總譽髦安意盤桓寧
厭久盡心檢閱豈知勞杯分內釀嘗雲液宴列珍
羞食雉膏自此升平知有兆得人應不愧伊臯

右用馬司馬韻

曉風噓暖閣春陰

策問洋洋藹

德音多士競陳匡世界群公齊竭致

君心

天顏只尺威嚴重

金定庵集卷之六十七

寵澤頻繁惠愛深喜幸非常何所似此時應是直千

金

右用吳學士韻

奉使南都

畫錦輝輝秉節即行行邊秋色最怡情雨晴水落山

尤秀浪靜江空水益清涼氣蕭然官况淨霜威凜

若更心驚更看歸觀

天顏喜時羨聲華屬老成

近觀

先正思庵吳公栢臺十景題詠首曰鍾山蒼

翠次曰玄武澄波此二景八字非公始言之

自

國初建法司於此地

賜勅以諭刑官已言之矣蓋以金陵山川之勝

所重在是又次八景如栢如石如竹屋檜昇

之屬或廢而不存或微而不類若後人槩以

賡和無乃徒費心思空言何述故特舉其重

者敬步十韻勉成二律鄙見瞽言不識可否

具書如左就

金定庵集卷之六十八

有道君子正焉

獨蟠龍勢壯

神京氣象巖巖擁禁城松蓋障天高且遠草茵接地

險還平影涵湖底風波靜色耀臺端霧雨晴相射

莫嫌成吏隱儘堪優老育群英 右鍾山蒼翠

浩蕩縈迴繞

國都鏡光橫浸北山隅滿泓深水非三泖終古安流

勝五湖堤上輪蹄多往復渡邊舟楫少喧呼一洲

中立由天造長有雲霞護版圖 右玄武澄波即按

題錢行周駙馬卷

駙馬承

恩祭

孝陵遠齋香帛到南京威名頓使吳山重風度還加

楚水清戒事儘能將

聖敬洗心端可格

神明歸

朝奏對

天顏喜尤見才華屬老成

今定庵集卷之一 六十九

弘治甲寅仲夏有作

今歲江南夏亦寒雨多晴少水漫漫披短襦寧
知厚夜擁重衾尚覺單山霧濛濛飢豹隱洞雲
寂卧龍蟠天時似此非無自肉食何人敢宴安

詠覺桐爲琴

自是知音似伯喈獨於爨下得良材斲成焦尾沽
無價上滿朱絃撫有臺白雪生寒清宦况南風驅
暑阜民財燕雅趣冰壺裏不染煩歎半點埃

召

少年力學壯年成務實居官亦著名翰苑三遷非
冷職太常兩轉是清卿生前禮樂追前哲後文
章淑後生計微

九重頒祭葬故原松栢盡光榮

書懷

百年得失由天賦萬事惟知有至公世態任他來
往異人心自我古今同作文未必非三上飲酒何
曾偶一中獨守留臺老將至不無鄉夢到雲東

王介庵家宰壽八十

今定庵集卷之一 七十

官躋一品歷年深乞老歸來雪滿簪憂世不忘平
日志樂天尤懷舊時心奏章諤諤堪追古風節稜
稜可化今壽始八旬身益健歲寒松栢愈森森

黃錦衣孝感瑞鵲

一身行業孝爲先孝既成章行亦全表裏有誠能
動物始終無事敢欺天養生送死非徒爾致瑞招
祥豈偶然自此移忠承

龍渥錦衣時見日榮遷

輓王文振南京兵部侍郎

歷官中外任重器中嚴處日
血耗服勞寧惜髮絲添清脩端可追君實振作還
應繼仲淹生順死安終始事幾人能得似公桑

輓秦布政使

貞靖先生孰與倫高風可繼漢荀陳傳家共義難
兄不結社爭誇好主賓林下受

封金帶重花前稱壽白頭新只今捐館多遺德更有
詩文啓後人

女古何處難忘酒四首

定庵集卷之一 七十一

何處難忘酒民窮不可當耕夫猶乏食藏婦亦無
得弱甘魚肉效豪逞虎狼此時無一憂思

何處難忘酒其如憂世何民情皆困苦吏政競煩
苛善俗時加少貪風日漸多此時無一憂靜聽

何處難忘酒群情不甚明談經如醉夢論事如
盲禮義誰相讓功名衆所爭此時無一憂厭聽市

難忘酒官同未盡公但知營一已那能
空災異歸天數飢荒委歲凶此時無一憂厭聽

錢閣部英

同冠留都僅一年大都總憲又推遷仁如春雨尤
時若義似秋霜更凜然畫永福臺塵寂寂夜長烏
府月娟娟只今清問虛前席爲說蒼生可乞憐

輓成國公

上公留後守南京三十三年一老成風雨有防推

大樹江山多滿羨長城四郊盡日塵無萬戶通

宵夢不驚遺愛在人人共仰至今雖死亦如生

送章部鳳致仕

棘寺爲卿方六載一朝辭老樂歸鄉清風冠珮香
山社白雲琴書綠野堂蓴菜滿江鱸正美菊花三
徑酒初香更於寒夜尤安寢鷄唱不驚晨夢長

示孫

我欲法戒酒汝曾戒酒否不戒終有悔能戒始無
悔惟恐戒不力戒之果何有今日戒一一明日戒

八九日戒不巳戒至不入口勉強到此際百步
知所守精神亦明爽氣體亦完厚由是可進學由
是可延壽上可以奉先下可以傳後回首見醉人
方知是爲醜

送黃孝承輔政

進士爲官重太常乞

恩祭掃暫歸鄉啼心何啻川流急行李寧辭蜀道長
昔堂前會戲綵到今龍上始焚黃移思自此兼
存效還重游

卷之七十三

齋宿次韻

齋居清靜設崇垣獨宿寧容俗事諠客裏有厨甘
簡淡門前車馬任驚奔簾垂白晝塵無點實掩黃
昏月有痕更向夜深安枕卧寐魂猶自到

天閣

具慶圖

百年偕老

封官久進士名家子又孫綢帙流芳書滿案錦衣

壽酒盈樽仁風藹藹傳三世佳氣葱蔥萃一門
善還應有餘慶更看相繼沐

殊恩

輓 布政張亞卿

歷官中外雪盈顛乞老而來又七年青瑣有言昭
宇宙甘棠多政溢闕漢詩盟落落交游盡世澤源
源子姓賢更有東床人似王豈容遺德遠無傳

題倪雲林卷

閨說雲林似石崇好清猶有伯夷風若於歿後

仁者骸骨何由葬里中

平時自擬見機先詩書留情棄宅田何事後來逃
難日却於漁艇羨龍涎

輓郎憲副

少年讀周書壯歲登甲科文字端程式身言入禮
羅使車勞跋涉憲節費撫訶中外爭稱頌黔黎樂
詠歌提刑何凜肅布德更寬和強梗憑摧拉柔良
賴撫摩廉官方顯著致政肯蹉跎上疏乞骸骨吏
裝歸間阿帶金輝綠野衣繡照清波策杖行公

移舟采芰荷公庭寧有跡心事更無他詩酒著英
社琴書安樂窩官階三品近壽筭八旬迥一子不
爲少諸孫應漸多幾朝居北牖一夕夢南柯雖曰
無遺憾其如哀些何

題周御史津會祖弘入鄉賢祠卷

才德於人所共推隨時去就復何爲一溪明月生
前樂兩邑清風歿後思政蹟已會歸

國史姓名今始列鄉祠更多遺澤無窮已瓜瓞綿綿
遠益滋

壽韓尚寶卿鼎之母

少稱孝婦侍姑嫜歷盡艱危蹈吉康一代義方推
孟母百年貞節重共姜錦衣寧減斑衣樂祿養還
加色養長壽誕每當殘臘候歲寒松柏共蒼蒼

輓劉都堂妻

未滿閨門五十春獨留清譽至今聞相夫受

命封還贈教子成功武又文夜恨烏聲琴外續曉悲
鷓鴣影鏡中分壘頭松柏栽培久臘有青陰護白雲

和屠冢宰韻

春宮受教喜春天萬景生春春色鮮論語

學講經尤復重

經筵尊榮已備公孤任輔導還多左右賢獨是遠臣
無所與可容端老樂長年

題東寧伯錢行軸

分鎮西南往貴州坐令邊徼竟無憂兔狐入穴千
山曉鵬鶚橫空萬壘秋霖雨潤消烽火冷天河淨
洗甲兵休他年圖象論功次應在雲臺最上頭

題卷送顧都堂

都憲南京又北京南人相送北人迎紅亭綠酒宿
筵廣碧水丹山使節明詩趣滿懷如入畫宦情無
擾似登瀛自今正好行吾志坐使蒼生樂太平

題送鄭侍郎軸

秋半江頭天氣涼白蘋風拂祖筵香贈言易得詩
成卷酌別難辭酒滿觴豈願故鄉誇衣繡祗圖先
醒試焚黃歸

朝有限須來早寧厭長途往復忙

送秦世纓

元部尚書七十餘人知止是青陽隱士

思昔若辭何切給驛驛驛自如康輿月支雲
夫歲檢穩乘與都門送別人爭羨即是當時說二

疏

用韻題桂玉生光卷為致仕陳賓方伯作

晚年得子莫嫌遲賀客爭誇骨格奇只恐弄聲書
寫胸言還開弄璋詩

子渾如徑寸珠直期青紫得拖紆讀書亦有城
南館且學韓公勉阿符

金定庵集卷之一 七十七

桂香清庭戶生光樂晚成積善不終
有應知天不負人

幾載由宣德政無私林下已霜髯傳家有子心
無事一枕清風飽黑甜

和韻答沈時暢

棠陰蔚蔚覆層衙滿座清風鬢未華無垠自期心
似鑑有寸寧覺事如麻澄澄況秋江月燦燦

陳暮嶺霞正值春來好時候紫微閣通省中花

壽詩

景儀若太安人耆艾優游至七旬漸入耄期榮

晚景臨申月慶生辰蟠桃色映酡顏媚謔章香
浮白髮新更羨宦途多令子不無崇祿養慈親

右詩為

錢母太安人袁氏壽復其子以莊上舍求病

中塞白觀者勿尤

老人詩和韻

老來知止也堪誇乞老歸田稻滿車幸喜酡顏甘
竹葉鵲巢鵲巢花隱居不忝如弘景漁釣何

金定庵集卷之一 七十八

期似子牙莫道天涯蹤跡遠此心應只在

皇家

輓人父母及祖母

父前母後兩終喪祖母年高最後亡令伯豈求聞
典午大賢奚校沮藏舍梓桑舊蹟加恭敬烏私
情倍慘傷綠野有堂遺澤在滿庭蘭桂藹餘芳

壽詩延五

今年方是七旬七上壽還該四十三素好靜閒資
亦可久知止足老尤堪精神比舊何曾減飲食

常又更添每過誕辰春復好對花酌酒

和莊希魯韻

承

恩歸老度餘年守病惟知順自然利不經營安澹泊
酒無伴侶絕招延奔忙豈若居閒穩熟閑何如冷
靜便忠悃到今尤耿耿幾回清夜夢朝
天

和慰王文翰述懷

老至身雖瘦精神尚未衰小勞猶用節微疾自知

定庵集卷之一 七十九

年加調攝行藏謹護持莫憂老終近還有百

年期

老年方見二毛侵舊病何須苦不禁喜樂有情休

沮抑神仙無路莫追尋游行市巷還扶杖坐臥家

居任脫簪自有子孫堪繼述忍將後事擾胸襟

曹溪懷古

四十年前在此居年來鄉俗竟何如田園貿易多
新主市井遷移少舊廬幼小兒童俱老大荒亡子
孫悲滿跡寄言後輩諸英俊有志還須自讀書

致政歸隱述

歷官四十載踰老始歸田白首烟霞裏丹心日月
邊保身非偶爾憂世豈徒然直欲祈
君壽安民億萬年

壽王舜規母

力織多布帛力耕多稻粱矧茲積善者曷不多福
祥徵王母善行多所長女紅既已勤女德亦
已長婦道與母儀鄉閭共掄揚有子世業醫冠帶
恒在傍活幼不責報陰功格穹蒼有孫又曾孫

定庵集卷之一 八十

王森成行時時具甘旨奉養事均路年

羅拜稱壽觴九十雖曰老飲食還如常而

垢髮白將復黃似此皆壽徵期願殊未央上

二十亦止三十霜更期祝遐壽悠悠至無疆

和韻答韓少宰

二十年前已辱知交情應不在言辭平時和重無
踰此今日登崇更屬誰霖雨漸蘇憂幸切瑣瑣
慰作羹思丈夫得志誠然者豈若他人有怛悒

定庵集卷之一

題跋

題都亭祖別詩文後

安成周君可大以春秋之學取進士爲刑部主事員外郎尋擢浙江按察僉事三載考績書最京師名公相知者咸贈詩文以榮其歸任其頌美之詞蓋已備矣奚所庸喙或云寬則得衆故今之居官者率多尚寬而可大乃反之以嚴似非當世之所尚者何其政績反著而致群公之榮美若是哉蓋

定庵集卷之二

政固以寬爲本但今以縱弛爲寬非古之所謂寬者德政不舉威刑不肅緩急先後可否予奪之權皆不在已卒至姦宄放恣善良鬱伊其弊有不可勝言者故必以嚴矯之乃得其平庶乎不徒有愛人之心而人亦得以被其澤矣昔子產治鄭不專於寬而不失爲古之遺愛孔明治蜀頗尚嚴峻而不害爲王佐之才二子豈不取於寬耶特以因俗爲治之體不容不爾也向使可大非以嚴而濟寬則其政績亦與衆人等耳曷足道哉程子嘗言以論

治便須識體可大其識治體者歟予與可大同年且同寮案相予久相知深尤不可亡一言之贅姑述其有裨於時政者之一端繫於緒末俾觀者知群公所以榮美之者未必不由此所致云

書安仁于氏譜後

嘗聞諸格言使人不忘本須明譜系立宗子法於乎宗法廢久矣惟譜系是賴夫譜所以紀姓氏所自出而姓氏寔上世聖人所造別生分類不容紊者何後世賜姓匿姓混而無別然隋唐而上率尚

定庵集卷之二

譜學朝廷定選舉士夫通婚姻悉稽諸此五季以來其法大壞惟宋歐蘇諸公嘗脩其譜餘雖顯族名家莫知所爲間有爲者亦多誣其先以竊名自欺其悖德禮而忘本也甚矣君子於斯得不憚然增慨耶江右安仁于氏世爲邑之盛族詩書纓組累葉不絕先嘗有譜逸于兵燹自後環翠翁父子脩之既卒其孫世衡續之反覆攷訂闕疑而傳信詳親而畧疎累歲而始成慎之至也蓋知重本而得歐蘇之法豈不知妄作者可髣髴哉以之示諸

族人俾子孫相與守不忘其本睦族保家
自天祐之吉無不利世愈遠而愈盛焉
其本則雷動風散而潤日暄而其條幹柯葉榮
茂盛自有不可遏者然則于氏之澤方興未艾
有涯乎若其始祖而下世次名號遷徙仕宦與夫
行實具載諸譜及當代名卿記之序之者又加詳
焉奚宜重述故予得以略之也世衡名聲著後
士吳先生游讀五經用春秋膚鄉薦入官今為
松江府同知有純潔之行循良之風云

恭
人榮錄後

恩榮錄工部郎中蕭冕錄其前任所受
勅命

誥命各六通又附錄所奉

勅書并

廷試策題各一道共為一卷將以示子孫而傳
冕吉之泰和人賦性仁厚篤於好學成化己丑對
進士策中高第任是部主事員外郎各一考

得授

勅誥以旌褒之及蒙推
恩封贈其父母妻若繼母妻亦皆與封其榮備矣又
以才能著聞於時奉

勅往河南鈞州重建藩府經營有方民不怨勞而事
率就緒至為今官益淬礪不少怠務盡已職無所
求於人君子知重之其為人若是宜錄此以示子
孫夫仁者必有後吾知為其後者非徒以傳守為
寶且將以紹述焉寶殆必接武奮興增光前烈其

綿綿八世不愈遠而愈大乎然則是錄乃

恩榮之權輿也冕持卷求題意甚懇至巨故拜手稽
首恭題于后

跋草窻集

草窻集五卷吾臺長屠公平日製作稿也一日視
篆暇出以示觀若詩與文長篇短章亡慮數百辭
華豐溢如大江流水滔滔乎不窮氣韻曠達如長
空行雲飄飄乎無閼非才識敏慧考索博洽惡能
與於斯矧年尚富仕優而學進進不已雖近古

黃之鏗然名家者殆不難及等而上之師孔孟祖
六經涵泳義理完養性情又別有見處雖上古聖
賢亦可企及其他奚足讓耶

跋甯堅纂集射圖

儀禮鄉射禮圖一冊乃某入某氏所述蓋垂成之
書也予適見其稿徧閱之喜其考事周詳用功深
密可謂博學而有所成名者歟顧彼專意舉業玩
心詩文者相去遠甚惡可與之槩論而並列哉雖
然射者特六藝之一耳詳其一而略其五不幾於

定庵集卷之三

五

偏長乎況其間不無具文豈皆有補於時事乎抑
亦有益於身心乎予嘗聞之凡禮之用以時為大
古者禮文繁縟後世未必可以盡行聖人有作必
在所損孔子欲從先進蓋已有其意矣豈惟孔子
為然曾子告孟敬子君子之道但稱容貌辭色所
以可貴不欲事乎簋豆器數之末孟子告滕文公
三年之喪止言齊疏之服飭粥之食不復及乎制
度節文之微程子見謝顯道錄古人善行別作一
冊不能無玩物喪志之規朱子聞呂伯恭與子言

講說左傳亦必有摘裂棄挑之謂自亡聖賢之意
大率皆然君子為學必於大本大原上理會透徹
而推之無所不通斯可矣舍此不務而欲屑屑致
察於事物節目之繁無乃徒弊精神而卒無所補
益乎嗚呼有志於學者縱不以予之所見者為可
必信獨不以聖賢之意反求諸心而自得乎

書唯陽五老圖後

右宋唯陽五老圖五老者其一致仕太子太師杜
邠公愚嘗尚論其世故於其平生德業聞望之著

定庵集卷之三

六

於人者知之頗詳第學而未能徒懷高山仰止之
志今獲睹其遺像儼若有臨然起敬矣翹見之
羨牆其次王畢朱馮四公愚雖未論其世然皆為
杜公所取不校其秩之崇庠結為五老會則其為
人之實亦即此可知矣夫五老之壽皆耄而有奇
者踰半庵眉皓首道同德合相與詩酒唱酬優游
園田以享桑榆之樂實一時之勝事貽百世之美
談不偶然也自至和以來閱四百三十五年矣今
太子太保家宰介庵王公藏有是圖蓋亦氣類曠

世相感非若他人邈然不與相涉徒爲夸玩之具
况公爲當世達尊負天下重望而凡設心建事一
惟古訓是師誠可與前人媲美矣雖杜公亦豈得
專美於宋哉世謂古今人不相及又奚足盡信哉
愚以庸劣無似敢附著及此匪直稱羨之而已抑
亦以自勵云

書鉅鹿耿氏家藏公牘後

天下之人至衆也惟儒爲最貴但世之爲儒者或
有其名而無其業或有其業而無其行若此者皆
妄耳與衆人等耳奚足貴耶愚觀鉅鹿耿氏家藏
公牘卷有以見盧氏邑博耿先生蓋兼有之先生
生于元末長于

定庵集卷三

七

國初洪武壬子重爲編吐給民部戶由一帖獨以儒
籍稱之是有儒之名也丙子以詩經發解給藩省
公據一劄赴試南省是有儒之業也與永樂辛卯
卒于官所遂葬其地楊文定諸公爲撰墓表及誌
銘各一通序其平生守身踐履之實作人成就之
功非有儒之行乎三者備矣而止典教一邑未克

大施然一傳而有子謚清惠者累官至同知有廉
名著稱再傳而有孫號青崖者官始宗伯方進進
未已蔣沐

贈官光賁泉壤世愈遠而澤愈芳譬猶瓜之初生近
本者常小至末而後大水之始達其源濫觴其流
則浩瀚洋溢非舫楫不可涉物理人事奚以異乎
於戲莫爲之前後何所守莫爲之後前何所傳惟
前人有積累之基故後人所守者易爲功惟後人
有繼述之業故前人所傳者益以廣二者相須非

定庵集卷三

八

父祖子孫皆賢何以至此今耿氏珍藏是卷一則
見其能傳一則見其能守繼今以往世世傳守之
而凡爲之後者能知儒之名不可恃而儒之業與
行不可忽則知所以延先世之澤於無窮矣傳曰
子孫保之愚於耿氏後世有望焉耿氏其先鉅鹿
郡世家後家平定州至先生以官爲家改其子孫
遂爲河南盧氏人今稱鉅鹿耿氏者蓋不忘本之
意云

贊

李助教遺像贊

體頌而偉氣充而夷言之出也直而不誕行之施也和而不隨屏浮華樸菴之號雅稱崇正學明之薦允宜設教頻庠成一方之風化進秩冒監爲多士之菁龜殆必永延壽考崇躋班公豈意年未耆艾官甫一命而乃竟止於斯遺像儼然仰瞻興思何以寓敬敢贊一辭

李名實畫像贊

偉乎其貌疑乎其軀質而不佞通而不汚色之溫

李名實畫像贊

九

也春風弱柳氣之清也秋雨高梧友木石相得於立聲侶魚鰕放浪於江湖耻辱有所免寵祿無所圖尚友千古孰與爲徒李愿陸魯望諸人蓋異世而同符者也

于同知畫像贊

偉然衣冠古真儒之雅度蕭然琴鶴古廉吏之清風襟宇澄瑩氣韻冲融所存也嚴而恕所履也直而公窮五經探聖賢之蘊施六事廣仁者之功是以士焉慕向之樂從其觀務嗣章爲學尚威征

爲治者奚以同耶

封御史宋積像贊

體如山立氣若春融其動也矍鑠其靜也含洪積善有徵二子協麟兒之夢被

恩有寵一官膺鴈繡之封年既耄而奇有二髮雖白而顏猶童睢陽五老惟世長之壽少長維中耆英獨路公之齒相同然而精爽不衰養養未艾其將擬九旬有八之高令公乎抑將擬百二十歲之羅侍中乎殆必與青城老人及見五世孫者同一令

終也

黃世顯侍郎像贊

予觀

定軒黃公遺像想其生時狀貌威儀髮髯似之然此不過肖其外之可見者爾至其中之所蘊殆有不可得而知者焉予與公同年知之最深敢述以爲贊其詞曰

學純而有要志潔而有爲公正無私追配乎前哲剛直無訕邁出乎等夷重如山不依勢以動介如

石不逐物以移好德者樂其同心近之不厭竊位者忘其偏已遠而亦疑卒乃位不驟進道不大行而未克究厥所施雖然天道福善之意豈茫昧而無知蓋不於其身必于子孫者殆悠久而不衰今觀其有子克肖而一不為少有孫競爽而五皆為奇况繼今以往綿綿瓜瓞焉知來者又不有大於茲者乎

陸康僖公傳

陸康僖公名某字廷玉號省庵晚更鑑湖後倭亂漢潁川太守閻唐內相宣公執其先自東浙再徙始建居于鄞遂世為浙之鄞人祖唐父應吉以貴贈刑部尚書公生於永樂己丑其家有夢卜之吉知其必亢宗撫養有加暨長從鄉先生授尚書入邑庠為第子員宣德壬子中鄉試第九人明年登二甲進士第正統中授刑部主事陞員外郎中潛心三尺立法之意而用法以恕求情或輕或重必得其當門閭之內無為求生道自殊死

不當者皆直之故輟而得白者千餘人重而得者亦三百餘景泰中陞山東右布政使尋轉左侍郎民被誣劇盜者三十六人繫獄公一訊即平反之河決張秋都御史徐有貞奉

命經理委公董其事既而厥功告成公之力為多境內荐飢公以時賑貸民賴以濟凡利弊可興革者皆豫為之不少緩六郡之民咸被其澤由是巡撫諸重臣器異之遇訟之難理獄之難決者盡以付公公盡一聽讞之無稱冤者以故內外推其能無

間言天順戊寅召為刑部尚書統察屬折大獄決大疑悉委曲中肯綮天下稱平咸化乙酉入侍

經筵下玄秩滿九載有歸老之志上疏辭

上曰卿才識老成朕方倚用所辭不允壬辰感風疾上命醫往視遣中使存問賜少牢上尊白粢調養疾既差而復作再辭

上賜免朝謁蒞部事如故閱兩月又辭

上知不可強竟從之賜酒饌楮幣即日戒行事公卿大夫祖餞者塞道人爭羨之歸鄉里日與親族故

舊燕集及結簪纓月會優游觴詠以樂餘年丁未奉

詔進階榮祿大夫弘治己酉卒于家年八十一訃聞朝廷賜葬祭謚曰康僖於戲公爲人重厚和易篤孝友平生立身行已侍上接下一以誠信恭恕不事矯飾秉政時屬更正直者雖或拂已亦愛重之終不以阿順者加其上故能得人心鮮有怨尤者尤好古嗜學自壯至老手一編未嘗釋每有所得即推淑後人一子堉蔭補國子生蚤卒無嗣其配姚守節抱養子曰茂公晚年以從孫仁爲其後俾茂貳之共理家事所著有笑苑秋臺葉并己之年譜存于家

龍先生傳

龍先生名光字士熙號素齋吉之泰和名家其先諱訥者自永新徙來世業儒歷宋元至國朝縣科第入仕者後先相望先生自幼性敏好學以詩書累舉不第乃曰吾父與弟皆爲京官豈可復求仕進由是隱居樂道若將終身居家孝友天

至事繼母如所生撫妹妹婚嫁踰已出尤厚於宗族鄉鄰得衆人歡心縣令知其賢舉明經起爲縣學訓導適值父叔聚以禮部主事養病卒于家哭踊歛殯如禮第士郁時爲南京工部侍郎未抵家先生出已貲豫備葬事俟其歸不資其費士論高之服闋改松江府學先是爲訓導者蕭山魏文靖公驥克盡師道凡游於門者繼子而孫頌其德不衰先生祖述其行事輕財重義惟以成就人才爲務于時文風丕振士心歸服其於文靖殆無忝而有光矣滿九載陞淑浦縣學教諭淑浦學政久弛先生尤盡力作新學者士習亦變歷六載乞老歸年六十有六一疾竟不起長子伯以進士知慈谿縣先卒季子偉爲縣學生治喪葬所著有素齋詩文稿存于家悅齋念當先生在松時困學孤貧志不能自遂荷先生召致入學束脩分毫無受顧待以殊禮始終不替卒年不負所知馴致大任皆先生之賜也中心記憶弗忘迄無以報特述其槩爲傳謹附其子偉傳之庶俾先生令名有以垂不朽

焉爾

箴

靜廉箴

有所不動是之謂靜動必以禮一循乎正有所不取是之謂廉取必以義一主乎嚴靜也生明鑑空水止物來必照莫能欺爾廉也生威而帝而天人望而畏孰敢侮焉匪靜則擾匪廉則墨惟靜惟廉萬人之特

成化丁未仲秋予自都察院遷工部季冬又

遷禮部自公退左廂見楹間有靜廉二字中

心惕然意謂顯示諸衆昌若然者厥躬苟有違闕議者必曰爾門如市焉乎靜爾性如狼惡乎廉將誰欺乎祗取辱耳雖然欲去其扁殆彷彿自棄况朱子手澤有所不敢因作箴自勵且用以錫類云

坦洞箴

坦者謂何周道如砥蕩蕩然平君子所履洞者謂何何天之濶浩皎皎君子所越一失其坦偏黨

反側歷險而行類蹈莫測一失其洞墮於溝壑而立足步莫踰欲履坦途克復是務天下崢嶸不嚮慕欲造洞室散怨交脩內外無怨誰爲警克復乾道至易而爾人易知之德可久已崢嶸坤道至簡而然人易從之業可大焉惟易惟簡得天下理坦洞之道於斯盡矣

右箴爲

巡撫南畿都御史安城彭公作公號坦洞一

日來視予以予鄉士夫所贈坦洞詩文冊是

示謂予獨無一言予老病不能作亦不能

予惟古人畢公四世元老克勤小物衛武公年九十有五作抑詩以自警舜大聖也禹猶以慢遊傲虐戒之公畢武之儔舜之徒也諛冗之詞非所喜聞者予故不以頌而以規作是箴以復其意

書

與趙克用書

曩者遠聞足下歸田輒杜門謝客屏棄人事竊恐

聖賢不然聖如孔子嘗曰吾非斯人之徒與而誰
與賢如程子嘗曰人事不責人做更責誰做誠以
人生斯世寧能高飛遠走不在人間耶自古為令
婦田者惟陶靖節飄然物外息交絕游然亦悅親
戚情話回故人車轍未嘗聞其是然也是以每懷
弗及面爭為懷耿耿在心頃者暫歸會公私旁午
未暇數詣致懇率不得一會此心尤為之歉然且
予與足下交好乃最先而且厚者不可謂不知已
也豈可終無一詞以慰解之乎猶慮贅言不足以

卷之二 上七

啓聰遂係之以詩曰壽夭無貧賤窮達無賢愚古
人安所遇今人當何如又曰處世渾如寄徒勞西
復東要知百年後得失總成空是詩也固無深長
意味可以反復涵泳但賜觀之際愴然而改則不
為徒言矣若曰人無言者是然人有言者是然則
豈予之所望哉

示子書

予於途中觀書愈見古人得失之驗自三公以至
士人凡和惠謙恭者雖亂世亦享有遐福驕奢淫

惰者雖治世亦有所不免驗之今人殆亦皆然特
人昧於淺近不能深察而默識之耳竊念自少問
學無所指明雖欲究理少克反身近始覺悟補過
莫及所謂年五十知四十九年之非遽伯玉我師
也汝二子方繼志習學宜汲汲乘此可畏之時是
訓是行惟日不足冀無後日之悔乃可謂能子矣
且今處父母之邦尤宜慮以下人每思孔子接人
溫良恭儉讓在鄉黨恂恂似不能言聖人尚爾我
當何如必更若妻師德所謂嚆面自乾抑亦可以

卷之二 十八

平心易氣而益進於學矣千里示訓舉一遺百自
警編不可不觀當與小學近思錄並置座隅知一
句行一句斯可矣

表

謝 封伯表 為繼承宗撰

安昌伯臣錢承宗先襲陞都指揮使錦衣衛帶俸
優給今甫出幼欽蒙

聖恩念臣以

孝莊廢皇后之親

陞封臣前爵與世襲臣誠惶誠恐稽首頓首謹上
表稱

謝者伏以

一人有慶億兆荷錫善之洪庥四方無虞

國家舉班爵之令典凡在微末曷敢觀覲心

寵渥之濫加寔榮幸之踰望崇高是懼淺陋奚堪

施蓋伏遇

皇帝陛下

出震陟離洞有以明至理憲

卷二十九

天紹

祖公足以守詩章

建極如武王體

乾剛而作威作福

致孝若大舜格

帝命而得壽得名置天下於仁義禮樂之中躋治化

於成康文景之上承宗成里末屬戎職下陳仰

承

綸綍之音恭與貂蟬之次爵以世襲期帶礪於河

山祿以永存綿廕庇於胤嗣懷感固極圖報奚

習禮虎闈冀聞四書五經之大義閱武幕府求

六韜三畧之至言退讓親賢法實君兄弟之行貞

謹勵已效史丹父子之風智雖不如馬農尚駭奔

而務本忠竊自附葵藿恒傾心以向陽第愧墮燭

之光莫裨於日月消流之水奚益於江河伏願

聖壽無疆歷億萬年而誕膺多福

子孫相繼延千百世而永保兆民無疆

天仰

卷三十

聖激切屏營之至謹奉

表稱

謝以

聞

記

浙江按察司續題名記

按察司之官其長有使使以下有副有僉官雖有大小多寡不同然所以綱紀一方表率百司蓋亦一爾稽諸古制周省方之擇人漢行部之掾史以至唐之觀察宋之監司皆是職也其為任不輕也審矣但較之都市諸司其秩稍卑然職蒞兵民雖秩之崇者亦為所制其權特重蓋秩卑所以使其

定庵集卷之三

人自奮權重所以使其志得行設官之美意良有在也可不以為得人為要乎是以凡有所缺必於法司中選其歷官深人望著者補之其他筮仕雖才藝過人者未始遽及矧浙為東南大藩人才物產之盛實甲於天下尤不可不慎選其人以居其地故凡膺是選者亦皆知所自重盡誠為之以圖報稱罔敢迨迨自洪武永樂以來閱若干人其間登輔少華要者不可以一二計成化己丑始有題前提學副使劉仕和記其官

已偏干

時同僚群公復立一石以續刻之且使繼是登載

者亦有餘地以予承乏提學而以記見命所不能辭予惟唐慈恩寺進士題名如陸贄韓愈諸公觀者景慕往往以指磨之石為之光餘則泯泯無聞日就剝落宋司馬公記諫院題名嘗言後人將歷指而議之曰某也忠某也詐某也直某也回可不懼哉今之題名非直為紀歲月與族而已蓋將使後之人歷歷指視亦如景慕韓陸磨石有光且必稱其孰為忠孰為直而仰歎之有不已焉者爾使或泯而無聞又或以詐以回而瑕疵之者有所不免則是舉也豈特為徒然耶又不若無之之為愈也願相與戒此勉彼以俟來者以共圖於不朽云

定庵集卷之三

杏林書屋記

夫醫予相其術業雖有大小不同然求其所以用心則一而已蓋相以救人為心而醫亦以救人為心也苟無是心將碌碌伴食營營逐利爾何以成相之業醫之術哉使不得其地則雖有是心亦將何所施耶故范文正公微時嘗禱靈祠求為相不

許求爲醫又不許歟曰夫不能利澤生民非
大丈夫平昔之志也是則大丈夫之生斯世進必
爲相退必爲醫斯可以遂其志矣雖然相有命焉
不可幸而致也醫乃一技不可勉而爲耶且醫莫
難於醫婦人莫難於醫小兒然婦人有疾但不能
盡言小兒則不能自言其意惟在醫之者默察而
識之爾豈不尤爲難哉抗之小兒醫有號李車兒
者世傳其先汗人從高宗南渡因家於杭獲賜是
號賣藥於市歷千餘世至士端益精其術嘗慕董
仙爲人種杏成林貯炎黃書於所居之室竟日相
對閱誦若有所得蓋以杏之春華夏實藹然造化
之生意發育於外者有不可遏秋冬雖凋瘵枯落
而其生意欽藏於中者亦未始少憊以吾救人之
心而體之動而療疾也則予其所以發育者無二
用靜而致思也則予其所以欽藏者同一體故雖
不屑屑於董之易救濟貧而之所以救人之功蓋
亦不少于時扁其室曰杏林書屋求薦紳名公詩
褒以成卷直未有文以記其事已而物故其子邕

先繼其志人信而譽之雖藩臬諸司凡小兒遇
疾者亦皆藉其藥以愈且不計其直之多寡有無
而貳其心其予專逐利以活妻子者有間矣一日
持卷拜庭下欲求文以弁諸端予固苦其事有類
吾爲相者之用心故樂爲之道遂書以貽之

白亭記

毘陵白居易之自少敏慧以詩經登成化壬辰進
士第癸巳授行人乙未使西蜀有春綰綰間始次
公寓以其地之紛華有歎素心在次浮圖精舍以
之捐既粟之餘營一小亭於其舍之北偏不斷不
鏤不斲不獲鮮勞匠氏之功易之日憇其中讀書
賦詩謝絕節之游斥浮靡之玩客至焚香啜茗討
論義理而已于時御史屠朝宗過之然會其意遂
掇其址而名之曰白亭然其所以立心進行之微
殆已隱然於不言之表矣夫白者素也禮記曰白
受采考二記曰繪畫之事後素功蓋素繪以素白
爲先猶禮文以素白爲質也是以君子必先有質
而後有文然既文矣或至於華僞失實而泯其本

真庸可乎哉在易履之初九云素履履禮也履之
初當務本而質素其禮也質之上九云白賁賁文
也賁之極當反本而質白其文也履初而素則素
位而行不願乎其外矣賁極而白則衣錦尚絅閑
然而日章矣君子能知是道由是自始至終自幼
至老自爲士爲大夫以至爲卿爲公將無所往而
不得矣夫何咎之有哉然在下而素履者尚易居
上而白賁者尤難古之人有能之者若宋之向文
簡公除僕射日方謝賀客而門庭閒無一人真宗
稱其大而官職韓魏公居政府時厚遣女樂而自
以簡靜爲樂識者謂其過人遠矣是能反賁之文
而爲履之素者其不至於亢而有悔也宜哉易之
體履賁之道心二公之心循此以往豈唯無愧於
今日名亭之深意抑亦有光於且宗傳世之大姓
矣不其偉歟間者予過之賦詩以詠其
事既而將還京師恐其意久而弗傳而復以文見
屬予更何所言固辭之弗獲且知易之非欲爲皎
皎之行者故以是告之不識可以彷彿乎其意之

大較否也

松江府重脩衙門記

成化十四年春穆山王侯宗銓自監察御史來守
松以牧民與風憲殊職撫字與彈擊殊施不爲察
察之政務寬簡貴清靜先自治而後治人操無倦
之意須遲久博大之功雖初政亦未始張皇威令
以警人瞻聽乃於郡治中堂揭疆域一圖于前豈
第二字于後即李德裕鎮蜀圖地形於籌邊樓程
純公作縣凡坐處皆書視民如傷之意入錄魯論
澹臺滅明章刑律囑託公事條立二牌于中門外
左右俾私謁者知耻自却毋待面拒之勞蓋法古
人有以善吾政遠小人無以蠹吾政所謂知其本
得其要者在是矣夫如是則雖繁劇亦簡且易
力不勞而有餘矣蒞政之頃周覽郡治維曰前人
蓋嘗脩之然於幕署之屬率多苟簡至如麗譙定
更點時刻之所在亦底摧壞刻漏且闕矧古人有
以更鼓規國者蓋爲政先務也於是謀諸寮屬首
新其樓復置銅壺畫角于中餘則以次新之經歷

育司照磨有所至於狴犴廨舍周垣靡不完具匪
直其廟學之制所以祗先聖而飭紀事城隍廟
之設所以報神賜而祈鴻休繼染局歲貢服用所
自出慈藥局貧民疾病所由療鶴城書院賓客往
來宿會之次是皆為政者所當務也歲久滋弊宜
撤以新遂相繼脩葺先其所急後其所緩不併後
於一時不從事於華侈易朽以堅韌撓以隆路者
立之款者正之蒙窮漫漶者塗墍而丹雘之甫浹
歲歲備以固加于舊規民但見其蹟之就而不知

卷之三

七

其材之出使之加也昔周惠子過陳見其川澤不
陂梁心至不校館驛旅無所寓遂知其必亡諸葛
孔明治蜀經理官府次舍橋梁道路而民不告勞
論者謂其庶幾先王之政令侯之作也務本而不
遺其末為大而不略其小非善於為政者歟其同
知楊君憲子君年通判鄉君女著馬君駒推官何
君壽等既克相其事復圖不泯其績具事始末請
記其成子因是推考之得其所宜書者有三大侯
以清節為治者皆一時同志情以若辭不及

門一也侯不視公府如傳舍漫不加省又不務以
速盡其殫民財力可示法後人土也郡之寮屬而
下皆欲為侯紀以傳永久而士君子聞之亦以為
然三也有三宜書不可以不書予雖不以文辭為
職業亦不辭而為之書侯名衡天順甲申進士初
任寧安尹歷十五載至今官年甫三十有九且優
於予豈可畏不可量云

重修鳳山道院記

鳳山在郡城東南七十里許其南不數里即
鳳凰山居民惟以魚鹽為業餘無所事
歲夏秋間颶風作陰雨晦冥海洋簸蕩如山
次隄浸田蕩毀室廬者其利小而害大也若此居
民甚苦之元至正時有徐六萬戶者憫其民為
淫所苦以謂海陰以幽而幽則有鬼神非假鬼神
威靈以鎮之奚以去害而就利耶於是舍基地六
畝西距溪二百八十步創祠宇其上奉香火以祈
禱焉此鳳仙道院所由建也迨

國朝永樂初道院燬于倭寇舊基鞠為茂草幾不可

踪跡者四十載其地之賦則里民王文亨與其子
若孫累歲輸官因其地三之一爲塋墓正統間
總賦長楊公拯實里中巨擘也欲爲重建白郡守
趙公豫可之乃命牧者楊道誠董其事即其墓
創三官殿復其院之名如故景泰末鄉人陸用初
有志爲道士遂出家禮郡道紀李志道爲師成化
丙戌請度牒至辰來住持居無何道誠物故用初
獨力募緣不飲酒食肉茹葷竭誠殫慮已亥作玉
皇殿作東西兩廡壬寅作鐘鼓樓作外之三門至
若庖廡橋井與夫賓客講演之所亦皆以次完美
矧像設莊嚴丹雘鮮麗歸焉真焉制度倍徙時昔
於其前人創始之意益爲有光而居民藉以爲保
障計又豈不益爲永久也哉是不可以無記郡庠
生楊傳以生長茲土略述所聞者請書其成子雖
差長然亦未聞其詳如所謂鳳仙者莫究其義萬
戶者莫識其名詢諸故老無所於考姑記其大畧
以告來者庶不泯於永久而併無所聞焉

序

慶壽詩序

浙江按察憲副朱君始以名進士爲村御史績著
獲

封其父本素先生如其官歸又著擢令職未幾天官
數以堪任憲使

聞以資歷淺未遽及之然其績愈著而終之所及蓋
有不止此者迹其所自非先生教養所致耶先生
本出於廬州之商其先世有從宦游者家於陝之
河州至先生三世矣而寢成鉅族子姓蕃衍先生

之爲人也和易而不回怙悞而不倨復夷險而不
貳其心惟以讀書敦孝義爲務恒寓書於憲副君
曰臣子之職惟忠孝是盡若彼之膠榮領餼受直
急事者毋效尤焉憲副君遵奉教戒每念弗獲侍
側奉教水之養陟岵望雲慨然興歎不能自己乃
遣子抵家迎而先生以浙之與廬土壤相接而曾
高始相之墓遠在故鄉久曠展省其能憇然於懷
耶即時戒行事年勤來歸登隴祭掃以盡其報本
追遠之誠鄉人觀者莫不歎息敬羨繼至官舍爰

就禮而慶。慶之所。然於父慈子孝之天時。七月十九日。實維誕辰。肆燕於迎養之堂。尊俎具列。肴羞雜陳。奏絲竹之樂。歌雅頌之章。少長畢集。舉酒為壽。而同寓群公。亦莫不相率登堂。而頌禱焉。禮度雍而無微。簡率意見於言面。蓋敬同寅之。父即所以敬已之父也。主賓之間。勸酬獻酢。繡薦交輝。照耀几席。亦足以為一時之美觀也。且先生年僅七十。而鬚髮尚未半白。康健無恙。將來之福。蓋未艾也。奚必對玉漿。擣瓊屑。以為飲食。而後壽。且康哉。而其所以為樂者。抑何如哉。雖然。自人情不齊。若親之有得厚祿。而親不逮養。老有親。逮養而祿不足。給者又有祿足。逮養而各天一方。不得膝下奉觴稱壽者。是皆未足以為樂也。今而三者俱全。而又得群公率相稱賀者。若此。蓋希世一盛事也。豈可使之無傳耶。於是群公咸賦詩歌其事。而又命工畫者。圖其迹。予雖不文。亦安得不序其竟。而併以為慶壽贈云。

送封君史先生歸淮序

傳曰。為人子。上於孝。為人父。止於慈。孝非服勞奉養。而意承顏之謂存乎順之而已矣。慈非姑息愛護。保養撫摩之謂在乎教之而已矣。順之者。必若大舜底豫。周公繼述。曾子養志之類可也。否則世俗之孝。爾奚資哉。教之者。必若武侯戒瞻。以脩身養德。退之。勿符以城南讀書。晦庵以只是勤謹之類可也。否則禽犢之愛。爾奚可哉。奈何世之人。不知教之為慈。順之為孝。寢以素微風俗日敝。甚至隔形骸而分爾我。借耒鋤而有德色。父子之倫。惻然莫顧。本既若此。末亦可知。推之民物。必不知所謂同胞。吾與之理。豈能一視同仁。而俾之各得其所耶。故曰。於所厚者。薄無所不薄。也。然則孝慈者。人倫之始。而百行之所從出也。不可不盡其道哉。浙江按察使。副使。德輝。父君其公。楊隱先生。世居淮之山陽。德厚而好禮。行純而尚義。治家嚴而有法。專以教子為務。積善延師。不恤所費。視諸子中。以德輝為奇貨也。鍾愛之期。其大有成就。而德輝亦克承順其志。日夜淬礪。不廢三餘。卒登進

士第為監察御史陞江西按察僉事所至有冰蘄聲無內外先後之間用是考最且蒙

殊異之寵以次獲封先生皆如其官鄉人榮其事頌美甚殷已而德輝久不徙官人皆以為淹時方以競進為高或有諷之者而心不為之少動先生亦貽書戒之以為是有命焉求之未必得不求未

夫古人有以義命二字為可以堅終身之大節

者可不行吾義以俟命哉德輝亦服膺斯言未幾亦進令職非若彼之無義無命者必求之而後得也然則先生可謂能慈德輝可謂能孝其亦無愧於古人而過於今之人也喪矣今年春德輝以先

船膝下而始為之孝哉且鄉黨之中親舊

墓存焉吾無官守者豈可久遠但爾能公爾忘私國爾忘家以盡厥職使吾得以優游鄉里以時展省丘隴日與親舊宴樂以終其餘年則吾之願遂矣而汝之所以為孝者亦豈不為有終也哉于時決於戒行同寅諸公載酒崇內饒諸江浙命予序之予雖不文然與德輝兩同寮案辱知且厚者視先生為父執也不敢辭遂書以為贈

送京尹邢公之官序

卷三十四

古人有言大丈夫官至刺史亦榮矣刺史即郡守也唐改郡為州改守為刺史州郡史守名異實同夫郡守之職古人尚以為榮矧京師之郡甲於天下而尹為守之官又居京官三品之列非外職所可比擬其榮為何若哉信榮矣然君子未敢以為樂焉蓋以是官即古之內史京兆尹之職若漢之汲長孺唐之韓昌黎宋之包孝肅諸賢皆任是職矣其爵位之崇不用非人以充其選若是吾知其職之難為也欲盡其職非五善其者其可乎哉五

子者何曰廉曰明曰仁曰能曰公是已世固有
者苟識見不明則爲吏所蔽雖廉何補且明矣而
心不仁則雖亡取於民不眩於事然嚴察之至而
下將無所容既仁矣而短於能則徒善不足以爲
政而民不被其澤既能矣而未公則意之所向
不無少偏終亦不免於小疵也若此者雖處外職
庫亦未見其可而況於是乎故君子之任是職將
朝夕憂之之不暇矣奚有於樂乎雖然善有未具
固不敢樂也誠能廉足以御吏明足以燭理仁足

卷之三十五

以愛人能足以濟事公足以服衆而又尚友古人
取其長於時者以爲法焉則可以無愧於吾之職
矣無愧於職則吾之心可以樂矣又何憂之有哉
陳慶寧邵公居敬學博而識遠才優而務通始
以名進士擢刑部主事既而作郡真定參政浙藩
所以咸有治績衆口交稱之先後無間所以爾者
率用是道比用薦者拜順天尹雖曰要極之任然
舉而措之亦將迎刃而解予尋常者等耳愚且不
所謂難爲若哉是則有京尹之榮而無其憂者不

在於公耶茲將行也吾同寮群公相饒而以序
命所不能辭故道其所以榮且樂者以爲贈焉

送趙憲副之官序

范正中嘗言居一官便盡心治一官之事只此便
是學聖人胡文定嘗言大凡從官一年未遷則有
急意須日勤一日思遠大之業由此二言而觀之
可見任官者膺是任必當脩是職在任一日必當
致一日之勤詎可以班資之崇庫遷擢之遲速而
貳其心哉孔子天下之大聖也嘗爲委吏爲乘田

卷之三十六

亦不敢曠厥職釋之子雲亦所謂賢者也嘗十年
不得調三世不徙官未聞其怠若事自古聖賢尚
爾矧後世耶苟處下僚者以卑職爲不足爲而不
求其稱淹久任者以爲之爲亡其歎而或弛其勤
是皆重乎外而反輕其內後於物而不盡諸已者
也其相去古之聖賢也遠甚其視胡范二君子之
言寧無愧於心乎陝之安化趙公自新始以名進
士爲材御史有風裁天順庚辰陞僉事越成化癸
巳中以內外艱更湖廣江西浙江三按察司蓋

事在外五品官爾復歷一紀有餘職非不卑也卒
非不深也公廉以持已勤以蒞政終始一節守其
道而不渝其容色和緩敦朴未嘗有怨言或有新
之者曰予公同進者舉陟華要後進者亦躋上列
苟陋於希世而短於取已恐終不能以自達公笑
而不答或謙以不能辭有窺其涯涘者比者天官
卿廉知其賢薦陞江西按察副使人以公久次獲
陞咸榮之公亦自處如故未嘗有喜色所以然者
蓋公知所自重用心於內惟以盡職為樂曠職為

定庵集卷之三 十七

憂使曠職焉則雖數徙其官桓圭衮裳也亦何加
使盡職焉則雖久淹其官抱關擊柝也亦何損其
樂一係乎職之在我者何如耳奚暇計其在外者
哉噫若公者可謂不惑於世俗之見而能學聖人
者矣可謂無欲速見小之私而能思遠大之業者
矣自茲以往進進不已又有不可得而量者矣茲
將往蒞厥任同寮群公咸相率以餞命予序之于
將何言不惟道其實以贈其行而因以為凡有官
者勸焉

鄉闈八詠序

後世取士之法特重於科目一途是以豪傑之士
不能舍是途而他出焉然人才未易得也雖出於
科目者豈必皆豪傑之士哉故曰博求俊彥於科
場中非敢望拔十得五止得一二亦可為致治之
具矣此自古所以有才難之言而孔子所以有不
其然之嘆矧後世耶浙之四明屠公自少岐嶷有
大志既長特類官性敏而勤學博而粹以詩經取
鄉選舉進士為御史推所學以施諸政嚴明公慎
有風裁又能簡以御煩誠以制偽不動聲色而吏
畏民懷事皆就緒可謂得憲體之要者矣其科目
中之豪傑者歟致治之餘推原其始學以至於今
日觀繼其事析為四題鄉闈八詠其一也八詠者
何一曰藩省招賢二曰棘闈角藝三曰虎榜題名
四曰鹿鳴會宴五曰重闈捷報六曰車馬迎歡七
曰燈窓脫迹八曰宅第標名各有小序以言其意
薦紳君子既見而樂道之又相與賦詩以歌其事
或者乃曰凡士之得於發解者莫不若是豈獨一

人之可稱耶然而利於此者或於舉進士爲衡
史又或弗克盡厥職是固未足稱也惟屠公則兼
有而克舉之其稱之也宜然若唐之世制科則稱
陸贄龍虎榜則稱韓愈輩其餘亦多泯而無聞宋
之時叩名及第太史奏五色雲見後惟韓琦當之
他人莫與焉是則雖同出於一科而求其所以能
見稱於是科者幾何人哉可見科目不足以禁人
而人才實有聲於科目也蓋若是夫唐宋諸公往
已今屠公年尚富學益充職業之脩方進進不已

金定齋集卷之三 十九

他日所就又有不可得而量者彼陸韓諸公豈得
專美於唐宋哉予嘗提學兩浙雅知四明人才之
淵藪也代不乏人屠公之賢蓋由所自不偶然爾
且因以寓告夫方出於科目及後來繼今日庶幾
勉之罔俾屠公專美當時可也予日望之

贈吳憲副提學序

夫道之大者莫大於天地君師故聖人作易必始
於乾坤也蒙蓋也之建侯有君道焉蒙之求我有
師道焉天地既位君師斯立由是體天地父母斯

民之心以治以教使斯民皆有以遂其生復其性
也是則君師與天地準其所以彌綸天地之道不
賴於君師耶然治民之要以教爲本是以自古聖
王之治天下不惟躬行於上必設爲學校以教之
而其所以爲教必始於洒掃者豈徒使其執卑賤
之役哉蓋欲其抑心下首以事其事潛消其驕情
之氣以爲受教之地造道之階下學而上達也故
以不驕則謙謙必溫溫必虛而善無不入不悖則
勤勤必終日乾乾而功無不進作聖之功由此而

金定齋集卷之三 二十

是古者人才之盛治教之隆未始不由教而致然
也後世學校雖設然於古者所以教人之意愈而
莫知學者自幼至長不免病於驕情朝夕講習惟
以規取利祿爲計無復道德政理之實其效至於
人才日衰風俗日弊無救於亂者是豈世道有古
今之異耶良由其教之不本於古乃爾誠能以古
者之教而爲教焉曾何古今人不逮及又何治教
之可分彼此也哉洪惟我

朝稽古致治建學立師尊以四書五經小學爲

教猶慮其久而或怠復增置憲臣以提督之是欲
威德並施以要其必成而已甫田宏哲吳公兩膺
是任蓋以學行舉也公始以名進士授尚書郎尋
擢按察僉事提學四川嚴執範抑驕惰以身率人
不屑屑於法制之末六七載間士之向化者蓋駁
駁然比者復擢湖廣按察副使仍董其事蓋欲公
推其所以化蜀者以化楚也殆見楚蜀之士凡沾
沐膏澤者他日分仕中外必能推所得以善諸政
是以公之道又不特施於蜀楚之門而已所謂師

今定庵集卷之三 廿一

道立則善人多朝廷正天下治者豈虛語耶噫師
道之所係重矣能盡其道則以之事君而無負於
君以之事天地而無愧於天地聖人作易之旨於
是乎益著矣走生晚學膚亦嘗謬膺斯任惴惴焉
惟弗克戡勝是懼公老成之士也學之有素故敢
以是言爲贐

永感詩序

世稱父母存曰具慶父存母歿曰嚴侍母存父歿
曰慈侍至於父母歿則曰永感焉孟子嘗以父母

俱存爲君子之樂然則父母俱歿者得不爲君子
之悲乎噫具慶者誠可樂矣嚴侍慈侍者雖不足
樂然一則得以盡其孝於父一則得以盡其孝於
母殆亦不至於甚悲也已惟永感者雖欲孝雖爲
孝欲勿甚悲惡可得已其視父母一存一亡者已
相倍蓰矧俱存者不相無算耶然其所以悲者尤
莫甚於前貧賤後富貴者焉蓋君子之心以爲父
母能養我於貧賤之時而我不能養父母於富貴
之日是以身愈富貴則心愈悲戚而不自安所謂

今定庵集卷之三 廿二

君子有終身之憂之言信矣昔范文正公參大政
祿俸優厚每思微時養親甘旨不充不忍獨享富
貴於是恤宗族置義田惟遺其子以施貧活族之
義冠策公直樞密賞資蓋溢曾念初不幸求一
緡作余樞不可得於是慟哭盡散金帛終身不事
蓄積未嘗有聲色之娛二公孝親之仁若此故能
功施社稷澤被生民足以耀後世而垂無窮者孰
非擴充此心而致然歟吉之泰和郭君持倫自少
有大志多病而貧踰弱冠始志學鄉人或朝之然

其父清隱先生母謝孺人方篤於教訓不惜所費
至粥產無靳色持倫以晚成之器淹鄉校二十載
成化戊子甫領鄉試而謝孺人已卒壬辰領會試
而清隱先生又卒其時事之相戾也有如此夫乙
未舉進士丙申使西蜀殆駸駸然入於富貴之途
矣常情孰不以爲樂而持倫方以祿不逮養爲恨
感顧復之勞興此咄之思一舉足一出言不敢
甚至流涕於邑而不容遂已者蓋其用心即二公
之心也但茲仕之初其於祿位未逮二公異日馴

卷之三

至其地則其所就必與之相等埒豈容二公專美
於前代耶等而上之雖優入聖域亦不外乎此心
之所推也夫孝百行之本致之而塞乎天地溥之
而橫乎四海施諸後世而無朝夕者也誠能培厚
其本以之親親而仁民而愛物則家國天下無不
準焉獸草木無不遂矣永感之道亦於是乎盡矣
豈徒然哉持倫既有其本欲推廣以盡其餘舉斯
心加諸彼而已何難事之有哉薦紳君子重其爲
人喜而頌之咸爲作永感詩總若干篇持倫以予

嘗仕其邦屬以序諸篇首予因跡其已然而逆其
將然者復之且拭目以俟

政訓序

夫所謂政者非徒事乎法度禁令而已要在夫推
吾心之所以正者以正人也蓋心生道也乃乾坤
之元萬物所以資始資生者也人得之以爲心即
所謂仁也然衆人雖有是仁不能不爲邪誘所遷
惟聖入之心粹然至正故其所行莫非仁政不便
一物非獲其所死與天地生物之心同一仁矣未

卷之三

至於聖者必致知以明其理於心而後力行以求
至其地焉奈何孔孟以後心學失傳人不知要惟
務口耳文字喪志之學無復涵養本原研窮義理
其於己之身心已無所得况望其善諸政以利乎
物哉迨至有宋濂洛關閩真儒輩出講明心學原
復詳至仁政之蘊悉備於辭不得於辭奚以善政
然其辭浩瀚廣博若無際涯欲入其門者未必盡
知所由吾寮長憲使彭君鳳儀有見於此乃於退
食之暇緒閱朱子相與問弟子問答時政之語暨

真西山氏所著心政三經與夫戒諭察屬之文
取其尤切於日用者總若干條粹爲一編名曰政
訓既自爲文以序其端出示察法將板行以詔諸
有司上下蓋欲其行遠自邇登高自卑以求盡
政之道非欲其取足於此而遂已也有志於仁政
者誠能由此入門更求諸儒全書以及六經而有
得焉則升堂入室大有所見以之施於有政不假
勉強穿鑿一由乎心學中流出而彼之被吾政者
亦豈有困於勞擾而弗獲其所者哉若乃安於卑
近而不復求進高遠則非今日纂集是編之本意
也刻板既成復屬子序之以廣其意義不可辭故
併言其政之所以然俾觀者益有以知所本云

湖廣按察僉事郭用常哀輓詩序

人有善惡而禍福之應不能以一定者蓋有命與
分之兩岐焉爾何謂命幸不幸是也何謂分當不
當是也爲善而福爲惡而禍乃理之所當然者非
分而何爲善而禍爲惡而福蓋莫之致而至者非
命而何一命一分其可逃耶雖然分者其常命者

其異也人之值其常者什九惟其異者什一但不
知命分之辨遂以天爲茫茫善者以急惡者以肆
惟知者信其分不惑於命故能篤於善而不流於
惡焉此君子小人所以分也然則君子適罹夫命
之不幸豈不大可哀哉若孔聖之於諸賢顏之夭
則有不幸短命死之言冉之疾則有亡之命矣夫
之數觀此蓋可見已予同寮僉憲郭用常者蘇之
崑山人心正而不妄動行莊而不詭隨蚤歲以進
士起家歷任廬陵尹南臺御史暨今官所至以清
慎稱吾黨咸重之以爲位不稱德是宜天祐其福
方進未艾奈何今年春三月十有六日行部還舟
過澧州陽由灘俄有覆溺之變購其尸兩閱月弗
獲卒用古人葬衣冠之義春秋止四十有六然世
之罹是禍者雖極惡之人亦未必然而用常乃爾
是蓋命也豈分也哉於乎何用常不得於天者獨
若是哉其不幸也甚矣其可哀也至矣夫溺者不
吊古禮有之所以然者蓋以死非正命而其辭未
易致爾然用常之爲人也如彼而命之不幸也若

此豈有難致之辭而在所不吊耶以故竊屬意焉
大夫士凡知而惜之者莫不作詩弔之以寓其哀
挽之意是皆發於情之所不能已非贅辭也昔秦
之三良亡國人哀之為賦黃鳥蓋所以惜其為人
之良而憫其死之不幸是以後之善作者若子建
靖節之流亦皆有哀三良之詩由是觀之而今而
後有詩人者出又安知其不亦有所作而哀夫用
常者哉予於用常發解南省廷試皆同榜又松與
蘇皆為畿內郡素知且厚哀悼之情尤不能已於

定庵集卷之三十七

言者故既為之序復系之以詩曰

幽計傳來痛莫禁音容何事竟沉沉旅魂不返吳
山遠靈骨無收楚水深吊客空懷懸劍意交朋徒
秉脫驂心傷今未已還悲古讀罷離騷淚滿襟

湖廣鄉試錄序

成化癸卯秋當鄉試之期禮部以設科取士為
國家第一事先一載奏行天下遵故事行之時湖
鎮守太監曹德分守大監章貴巡撫右副都御史
馬馴撫治右僉都御史王濬皆敦尚文教振揚士

風總兵都督僉事王信亦相與推重儒雅
察御史吳哲總理試事尤究心于茲預謀諸布政
司左右布政使鄭時嚴詮參政倪輔王詔參議徐
恪楊琚林迪韓文李謙按察司按察使張副使
徐懷馬震薛綱馮俊蕭禎僉事萬繡汪進龔澤洪
廷臣侯方張曉唐鼎聘湜等為考官務底至公網
以職專提學徧歷四境選士之可與試者千四百
有奇至期監察御史寔監臨之提調則時與輔監
試則悅與方暨內外百執事咸具乃屬其與試士

定庵集卷之三十八

於衡度下而輕重長短之遵

制額擇文之中式者八十有五人爰第其名氏表其
文之純於理者為錄既成遷宜序諸首竊惟夫人
幼而學之壯而欲行之方其學也所法者孔孟之
書所談者仁義之道鮮不以聖賢自期待者及其
出而用也或行與言違事與習戾往往與所學若
不相干者其故何耶利欲之心汨之也蓋入於利
則出於義由是但知利己不恤害人終亦自害矣
故孔子告子夏問政曰無見小利孟子告梁惠王

爲國曰何必曰利夫所謂利者豈直財貨云乎哉
先儒謝氏有曰以私滅公適已自便凡可以害天
理者皆利也張氏又曰義者無所爲而然凡有所
爲而然者皆利也斯言也雖充類至義之盡也然
不探其本而悉去之則病根不除潛滋暗長其爲
害豈不亦大哉爾諸士積學有年義利之辯聞之
素矣矧今援諸千百人之中登名是錄以漸而進
由士而大夫而卿而公駸駸向用不可量者豈宜
舍所學以徇其欲乎必定其初心使不爲利動斯
可矣慎無或忽之曰是非所以規我之言也夫舜
大聖也禹猶戒以慢游傲虐矧未及舜者乎孟子
云舜與蹠之分利與善之間也然則欲法舜者尤
當以利爲戒爾諸士可不加之意哉

送都憲章公歸老詩序

士君子處世不能無毀譽於人將何以處之亦惟
求其爲之自我者無愧而已豈可以自外至者動
其心耶但務名不務實者聞毀則憂聞譽則喜戚
戚焉矯行欺世心勞日拙鮮不至於失已然不知

冰炭不言而冷煖自明薰蕕同器而臭味亦別蓋
由其有實耳使有實行雖不求名而名自著彼毀
也何損使無實行雖竊虛名而亦難久彼譽也何
加若阿大夫之譽即墨之毀在彼我何所與而心
爲之動哉蘇之常熟有鳴鳳章公者自少明敏有
雋才由家學取進士累官南京都察院左副都御
史當貽篆憲度振肅人方仰望其風采居無何有
言其巡撫滇南時嘗受夷人賂而與之官因召致
廷尉案驗之乃公未至前二載其夷人已爲官矣
竟白其事復其官而歸其鄉縉紳大夫士惜其行
相率出餞都門外酒半有舉觴而言者曰孔子毀
於武叔孟子毀於臧倉自古聖賢尚不能免公雖
被毀不失舊物且獲歸老舍危就安豈惟無以動
其心抑亦有以樂其志矣公再揖而謝曰某承先
人之訓歷仕中外幾四十載官至三品齒踰六旬
方萌倦勤之思輒遂歸老之志誠可樂矣自此享
吾樂以終吾餘年舉外物無一動心者矧毀譽之
足云乎於時錢者率以次稱賀人各一獻一酢而

又一醺禮意有加不容但已必期盡醉而別都憲
屬朝宗少司寇閔朝英三公又謂無言爲贈未足
盡情遂用致仕都憲謝仲仁留別詩韻各倡爲一
章由是群公善於詩者亦屬而和之粹成一卷推
予爲序予與公昔日同寮案牘相知又與公鄰郡
有交往之義故雖不能文亦不容辭因借書卷首

贈江侍讀考試南畿鄉闈序 朝序

公於己者公於人未有不公於己而能公於人也
公之道大矣哉天聰明公而已矣人君憲天聰明

金卷集卷之三 三十一

亦公而已矣然則爲人臣者輔君以理天其可
以不公乎語云公生明不公於己則蔽於物欲累
於私意而此心爲之昏昧矣惡乎明又云公則說
不公於人則好惡偏陂用舍顛倒而人心以之怨
懟矣惡乎說或者乃曰後世天下之事惟科目公
而無私此蓋以其有糊名易書等法故有是言殊
不知弊由人爲無所不至或徇情而濫舉或畏嫌
而故黜皆私也苟得人以司文衡則真才必在所
取而微者弗庸文體必歸於正而險者弗錄

若此者雖不糊名易書可也任人不參於任法
可乎迺弘治乙卯歲當天下鄉試之期翰林院

學士楊公侍讀江公奉

命來南畿爲考官而南畿人士識者相與語曰吾聞
楊與江也公且明也其校文必精取士必當聽者
喜焉及撤棘凡士之在選者率多平時州里嘗所
推重其不預者亦皆唯唯而退且自責曰學力未
至也將誰尤焉卒不聞有一人怨議者所謂公則
說之言至是益驗然此特考校一事而已自茲以

金卷集卷之三 三十二

往駸駸然則致大位當大任處大事決大疑佐
天子賞善罰惡進賢退不肖俾天下和平萬姓悅服
而無愁嘆之聲者亦舉此而措之耳非有所加也
宣假外求哉二公斯人也昔予提學兩浙楊已先
中鄉試第一江以年少在學予猶及見其文於多
士之識其爲人懼在第一斯時也固已知其有
今日由今日觀之又可知其有後日矣今當歸

朝復

命有期不敢後倉卒會別之頃無以抒情聊述此以

贈匪直爲今日賀且期爲後日賀尚其勉之予日望之

定庵集卷之三

定庵集卷之三 三十三

定庵集卷之三

行狀

故封監察御史毛公行狀

公諱信字彥實姓毛氏世家大名長垣邑大寨蒲即子路所治蒲邑之故地也其先有仕於前元者多與

國朝洪武中亦有焉至諱弘者隱德不仕公其第四子也蚤孤事母謝氏至孝處兄誠弟英克友恭後以族屬蕃衍分異母以英爲少子尤愛之獨居公奉養益至相距半里許朝夕定省往還弗少懈如是者十八載猶一日已而母歿哀毀踰禮雖期祥不替初喪時衛家嚴而有法宗族子弟事之肅然無敢犯禮者勤儉治產業雖贏餘弗苟費然好施予鄉鄰貧乏者輒周恤之無靳已有明斷才且坦夷正直遇事是是非非間巷有忿爭不平徐出片言折衷之即怙怙以故族人詞訟至有不乏官府而之公以求直者平居尤篤於教子遣從明師游恒舉古人正己可法與今人情行可耻者語之俾

誠存沒一致撫庶第璞自襁褓至于成立不少
蓋其孝友出於天性非矯揉而爾是則若處士者
其亦世之不易得者歟生於宣德丙午七月十日
辛丑至是方五十歲噫奚其壽之當耶是蓋命之
出于天者有限量也娶唐氏子八長即伊次即
傳次呂周畢召臯巖召後處士兩月亦卒女五長
適任惠次適韓楠餘皆在室孫男三尚幼卜以卒
之明年某月某日葬于某鄉之原銘曰
其存心也慤而有智其處事也勇而好義其富而

合卷集卷之四 四

多子也寔有光于先世其弗究乎期頤也殆將以
遺乎來裔

按察副使宋公墓誌銘

公諱黻字景章姓宋氏登州萊陽人自少凝重不
迫屹如泰山既長以才僑補邑校弟子員力學
工文辭恒執事自淬礪弗少懈景泰庚午以書經
領鄉薦天順庚辰中進士甲科遂觀政戶部時部
屬不備官公被

行齋金帛往養成遠將卒遼之鎮中貴以下以公

初入仕嘉其賢勞咸有所贈遺公一無所受其清
譽已隱然動於公卿間癸未擢貴州道監察御史
未幾以內艱去杜門不濡足城市毀瘠過禮雖親
舊招延之亦未嘗少隨俗與宴集服除改陝西道
憲臣丙戌奉

命巡居庸諸關脩城堡建斥堠防慮周悉疆場為之
無警因陳備邊便宜四事其條畫規措切中肯綮
戊子復奉

命巡按大同有妖僧扇惑居民共為弗靖主議者將

合卷集卷之四 五

以其平日相予者盡實諸法下令逮捕之公恐冤
及齊民且召他儒必欲但決首惡力爭之遂緩其
議賴以全活者千餘人民有為怨家誣以剽賊殺
人者鍛鍊成獄久之莫辨死者過半公平反之釋
其未死者復為良民用是政績益著庚寅受

勅進階文林郎尋陞浙江按察司副使夫浙為天下
要劇之處素號難治公嚴慎守法威德並施不為
因循姑息之政吏民畏服士論歸之未滿三載
卒以病發背卒于官舍實癸巳八月五日也享年

五十有六焉呼公爲人天性剛正風岸偉特儼然有不可犯之威接人則謙而有禮無毫髮矜傲意見于言面恒憫世之吏族貪鄙重以廉潔自治推以化人嘗曰官猶處子然一心貞白雖鬼神莫欺少有瑕疵則入入得以狎侮故其自信堅定夷險一節方將大展其所志豈意天雷其壽竟止於斯可哀也已公之曾祖諱居仁祖諱福全時隱德弗耀父積以公貴封文林郎陝西道監察御史年八十三尚無恙母王氏先卒贈孺人配趙氏封孺人子男一孟清性敏好學女一適里人楊概孫男一女二均幼孟清以是年九月十五日奉其柩還鄉以明年某月某日定于某里之原以予與公同葬窆又同年反也時伏注孟請銘義不容辭故叙而錄之銘曰

萊山之秀萃于其陽篤生令人爲國俊良儀表凝峻志操端方躬歷中外以肅紀綱壽雖不遐名亦孔彰積善有慶後胤愈昌反首故丘永安其魂銘以昭之千載垂芳

宣廷珩墓誌銘

予布衣友宣君瓊自蘇來松過予鄉之廬舍道舊數語外即泣而言曰吾兄弟素同居近歲伯兄玉任閩之白石巡檢有病久弗起吾弟珩聞之瞿然曰兄病卧瘴鄉安忍坐聽而弗之顧耶遂竭蹶趨白石侍湯藥已而病差無幾吾弟亦病作屢易醫弗效竟沒于官舍吾兄痛悼不已適秩滿即不復有仕進心因移病致事扶襯歸然閩道阻脩水陸相間凡五易舟三閱月始獲抵家今將葬非假文以圖不朽顧無以盡吾兄弟之情於是其姻親前公之姪尹陳某所述事狀拜乞墓銘予因而歎息久之於感世不逮古自常棣之教兄弟解不爭財其居至有視如仇敵不相往來者自楚屍之俗興雖父母殁于故鄉尚有斬所費而忍心聞毗者求其不遠數千里而視兄疾與夫弟浸遠方而以柩反葬者蓋什之一二爾其可謂不受變於俗者乎然則珩之所以獲正丘首者亦由其友悌而致然也事有若斯者可不舉之以厲人人乎予

雖不識琦銘其可辨乎按狀琦字廷珩號某爲蘇之長洲葑溪人大父子真父顯宗皆業儒母章氏有婦德琦賦性梗直不作脂韋態博涉書史善吟詠生於宣德甲寅十一月十五日卒於成化戊戌十月十七日春秋四十有五娶陸氏子男一曰雲文二皆幼卜以卒之明年某月某日葬于邑之陳公鄉秋塘之北原蓋先塋之次也銘曰

葑溪之濱有儒其家兄弟群居爲鄉之華於戲廷珩最少而惕克念天顧終始弗替遠賦兄疾寧憚

金華集卷之四

八

險艱跋涉瘁地閱歲間闕兄疾既瘳忽亦自遽卒以殞身命也美谷遐迢旅櫬歸葬故墟天祐其終丘首無虞嗟彼世人紛臂相屬銘以揚之庶厲厥俗

張氏考妣合葬墓誌銘

先考諱寬字宗浩號林居世爲松之華亭曹溪人谿境薄海民俗業魚鹽不樂學以勇力相高吾家本寒族但世以善相承曾祖考華甫以上皆守分不侮人祖考廣才喜讀書敦孝友之行有出妹姊

寡惟一女陸氏在襁褓無所依輒移歸養之與

吾祖妣楊氏事其姊甚恭謹撫甥女若己出陸氏

既長擇故元總管楊榮三世孫名莊者妻之洪武

間吾祖考坐事舉家謫貴州時先考生甫百日不

能掣之行託養於陸氏因冒姓楊氏始名曰紹永

樂初以吾祖妣歸自貴州遂歸宗養母復姓張氏

更名寬自少稠儻有謀略不畏強禦於人有恩者

必厚其報尤好客家無餘貲先妣姓陸氏其考原

鼎妣吳氏并世爲張谿望族亦坐事舉家謫陝西

金華集卷之四

九

以故先妣蚤歸先考性儉勤手居恒蔬素布衣率

家衆績每至夜分憂親戚隣里一以輯睦相先

考事慈孝教子嚴婦道母儀兩無所愧正統丁卯

先考年甫五上有八不幸遽疾于家志未及遂竟

以是歲六月初七日卒歷七日葬于所居東北沙

岡之原祖考妣墓之東南陬天順庚辰悅幸舉進

士擢刑部山東清吏司主事階承直郎甲申蒙

朝廷推

恩贈先考如悅官封先妣太安人進十有三年太安

人以疾卒于家寔成化丁酉十一月二十二日享年八十有七於乎先考生於洪武庚午六月十九日先妣生於辛未八月十五日蓋先考長一歲而先妣多二十九歲也子男三長雍次怡次即悅任按察使女一適孫靈慶男二悅慥孫男七藻純蕃岳牧葵禾女四曾孫男女各五怡慥著三人先卒吾兄雍卜以今年十一月十五日奉先妣之柩附于先考墓之東畔悅竊念自布衣入官歷刑部員外郎按察僉事副使以至今職皆吾祖宗積德與

定庵集卷之四

十一

先考妣教養之所致也昔先考之葬未克有銘今因先妣之祔乃泣血併誌其事而銘之銘曰

嗟我父兮耄耋而喪維時賤貧罔克厚塋嗟我母兮壽未期順繼喪而祔舊塋是依嗚呼後喪匪踰而喪惟循禮以永固其藏

竹谿處士張公墓誌銘

成化十六年春悅丁母太安人憂居倚廬將禫適伯兄竹谿公疾革召悅謂曰吾不可復生矣吾死願母請文人撰墓銘是蓋以實幣賈虛詞雖欲誇

人達著孰信吾每憶汝少賤時汝仲兄怡歿于戎嘗作哀挽詩云兄弟飄零各一方豈知兄在亂離亡魂靈不返歸何處骸骨無收落異鄉計入親闈惟母哭家傳手澤有書藏幾回極目邊戎道恨接愁雲萬里長是詩之作殆三十載餘矣吾嘗識之弗忘鄉人亦有能傳誦者蓋由道其實爾矧今汝已貴顯自爲我銘不尤可乎又曰吾自遘疾以來手足不能動履者十餘載飲食洩瀉之類皆不能自爲獨賴後娶妾陸氏朝夕左右爲之其勞無算

定庵集卷之四

十一

今已死矣惟有隨嫁子之孝者無所歸從吾姓以居吾嘗分授田廬酬其孝子孫或有悖焉志而攘奪者汝制之弗容則吾瞑目地下矣語訖更無片語及他事居無何遂卒時三月二十九日也嗚呼第可以銘兄乎考諸古人程伯子之行狀子狀之蘇子瞻之墓子由誌之矧既有命子可已乎公諱雍字永和姓張氏竹谿其別號也世爲松之華亭曹溪人曾大父華甫大父彥才皆隱德弗耀父宗浩

贈承直郎刑部山東清吏司主事母陸氏

封太安人生三子公其長也幼爽敏為父母所鍾愛

長克幹性嚴急接人處事不依阿軟媚以避怨

尤父沒時家甚落恒閉門自守未嘗貶志以誦求

于人垂老諸子克家迺不幸遭疾迫邇迄今而竟

止於斯距所生永樂壬辰正月十九日春秋六十

有九配何氏先十四年卒子男三藻莚蕃蚤卒

女一適人蚤寡孫男四表麟太廩女七子室卜

以是年十月二十五日合葬于何氏之墓公之所

居東北沙岡之原先塋之次也銘曰

生天地間幾七十年自不享其福將以永後

傳

曹廷美墓誌銘

成化庚子春三月二日嘉善愚樂曹公以疾卒于

家無幾其子良自狀其事行介予友鄉貢進士

弘濟偕來請葬銘予辭之趙曰良前四川按察

吾鄉錢公之婿又先生所嘗薦舉士也幸毋固

辭予因思在浙提學時今浙按察使乃公之

子

嘗言其家富而好義官府以例數勸輸粟賑荒舉

家無吝惜慈民年少務學亦出粟如數願無違

帶其終舉子業從其志蓋楊公廉正無私者也予

信其言雖有諸者豈能或改予於曹氏亦知之素

矣遂受其狀而諾之按狀曹公諱瓊字廷美思樂

其自號也浙之嘉興嘉善人其先裔出燕國五世

祖福源居鹽官元季避兵徙嘉善之思賢里柳溪

東原遂家焉高祖勝之曾祖仲華家日裕以奉公

濟貧為義貽厥子孫俾世守之祖顯號松南蒙

恩旌為義民父昇號友梅授冠帶至公授七品承事

郎散官皆以入粟之多寡大小為差是蓋家愈盛

義愈博而榮澤亦愈崇矣公自少雋爽異常兒成

童即能理家事既壯長區賦賦之趨公事無怠心

民有絲麥之征貧無出輸者皆代輸不責其償嘗

遇歲歉斗米百錢富室利厚直民無所稱貸遂傾

廉貸之且薄責其息道旁有飢餓滿伏者復命僕

授以糜粥活者不可勝計鄰邑民稱貸而道者亦

嘗破券捐之略無靳色里有嫁娶失時者必助

勸以成婚死不能嫁者其給與衣棺無間於
與不識凡族姻故舊有急並赴濟助雖屢不厭
之廟學傾圮獨請予有司盡心營構增其舊規橋
梁井巷有所墮毀亦時脩葺不惜工費之繁所爲
義率多類此爲人性剛毅有操執不爲利撓不爲
勢屈遇事是非非未嘗脂韋婢妾以取媚於人
久亦無所怨惡尤篤於孝好奉養母氏年幾八旬
漸廢寢食遂而忘其老實由愛敬兼盡樂其心不
遂其志而致然者遠矣病留顧謂其子良曰
吾命止於斯承家者幸賴有汝惟弗克繼之
不無遺憾焉語訖即嗚咽涕泣不自已且爲詩云
繞舍腴田粟滿倉空勞五十五年忙子孫貴賤皆
天定獨念慈親老在堂餘無所言竟不復起矣非
其孝心純篤之至其能臨死不變而念念必於是
乎距所生洪熙乙巳八月二日春秋五十有六配
陸氏先卒繼周氏子男一即良陸出也孫男一嵩
尚幼女二長擇同里朱氏子後爲婿次許歸前監
察御史同郡姚公綏仲子旦良卜以卒之明年其

月某日啓遷陸氏所封柩而今葬焉墓在柳溪之
陽距所居一水先塋之次也銘曰
誰國之宗遷自鹽官至止析溪益固以安施于恩
樂世澤孔厚述之作之光前裕後樂擬封君寔爲
素封好行其義品階以庸五
親之誠且實弗貳有子克肖雖沒若存一不爲少
矧亦有孫天祐善人厥澤未弭有來源源曾百世
禔
按察副使武公墓誌銘
成化辛丑六月二日子同察按察副使武公源繫
以疾卒于官其孤森甫踰十歲數以公遺命乞葬
銘將時刻幽堂石嗚呼公與予又嘗同官刑部頗
相知先是一月疾革子候之喘予曰經正吾後事
銘吾墓願有託焉予默識具言爲之悲事遂銘雖
不忍爲亦不容但已矧其孤趣之爲之故序而銘
之序曰公諱清姓武氏源繫其字也其先山西大
同人曾祖義卿弟仕祖秉興贈布政司右叅議公
逕自鄉貢進士擢禮科給事中陞浙江右叅議學

愛抗山水秀澄有卜居志再陞廣西右參政門八年乞骸骨還家杭城中尋卒葬城之西北崇化七都太婆山京原母劉封恭人先參政公十一年卒葬大同城南二十里但塋旁公自幼性聰敏嗜問學內承家訓之篤長從今南京太常少卿仁和鄭先生環受易領天順己卯山西鄉薦登甲申進士第授刑部主事陞員外郎郎中歷一紀特已簡廉用法明恕嘗奉

命慮因山水寬獄多所平反按事廣西還京偶為飛

命慮因山水寬獄多所平反按事廣西還京偶為飛

詔所中人多危之公處之自若事卒白名日益字千八無幾陞陞今官階中順大夫提憲湖廣一如在刑部時僅三載不幸遽疾遂弗起訖終清明雖馬箠日亦未嘗片語涉亂距所生宣德壬子六月二十七日享年五十配李封宜人故浙江左布政使山西渾源李公壽處子子男一即森女二長適李應麟致仕監察御史錢塘李公琮子也次景初至景應麟白抗來明森奉觀歸抗卜以卒之明年某月某日葬先塋之次為守天淵奉公之速耶蓋

命也已然為善獲報不於其身必於其後公幸有子則天所報者將不在茲乎銘曰其為人孔良其發身也孔敷其仕宦也於內無愧其繼述也於前有光其弗陟崇階而享遐壽也殆將以遺來胤而永世其昌乎

封兵部主事湯公墓誌銘

弘治壬子十一月二十五日吾松

封兵部車駕主事湯公卒于家明年正月十八日其子職方員外郎冕始聞訃將奔喪歸過予出事

狀泣血請葬銘公於予同鄉實不識面然觀其子

即逆知所自且方有締姻之好義不可辭時予貳銓曹職務填委未暇為已而進秩南臺因上疏得便道還家祭先塋適公未克葬乃為之以履吾信公諱信字執中俞溪翁其晚年號也曾祖禮祖文父新母沈氏世居華亭之松隱至公始徙居東郭之俞溪蚤失怙恃能自立從鄉先生陳古梅游立書劉允精名數之學景泰間巡撫侍郎周文襄公行部至松命有司訪民間聽知水利田賦本末

識者薦公遂得引接咨問委以計算之責多所裨益上下譽之平居自奉儉約鄉人貧乏不能存喪葬弗克舉者皆量力助之無少吝鄰里有闕者得一言剖折輒愧服解去嘗曰民以農為本吾生際太平不能效用於時惟當服田力穡以率先鄉人使皆棄末歸本衣食不乏吾心安矣以故於農事知之尤詳凡耕植溉灌之方具有成式鄉人遵效之往往用力少而見功多尤嚴於教子弟七八歲即遣從名師每夕食畢秉燭坐書室呼諸生列侍

卷之四

七

左右考其日之所習而勸督之雖祁寒暑雨不少懈所親或告之曰兒尚幼盍姑徐之公曰此非若所知也吾見鄉黨子弟幼不能教後至良心漸喪強聒之扞格不能入終於庸下而已吾欲使吾兒學必有成不得不豫為之所聞者是之職方君自幼岐嶷公尤愛之對客飲酣輒抱置膝上摩其頂云昌大吾家者必此兒也既長遣入邑庠克弟子貞成化丁酉中應天府鄉試公得報喜甚乃設席觴賓親曰吾兒報國有階吾志以遂矣此實吾祖

宗積德所致吾何以堪之辛丑中禮部會試擢第二甲進士授兵部車駕主事公以書戒曰汝居官當恪守典憲勤政潔已吾方督家衆力農治園足以自養慎勿以吾為念丁未歷官三載考最蒙賜勅封公如其官制詞有隱德丘園義方教子之褒是歲秋援例歸省未幾值

朝廷更化將還京公趣之曰汝及少壯時為

國家效力立身行道顯親揚名爾身雖遠吾心誠樂之若朝夕定省此庶人之孝也弘治辛亥陞職

卷之五

九

方員外郎公復以書誡曰吾聞是職軍旅所繫吾見異時清軍憲臣至吾松者惟欲取足軍數往往誣平民為軍有實軍者反計倖脫卒致人心不平閭閻嗟然迄今未已汝其以是為鑑毋貽吾憾壬子十一月十七日公尚康健無恙率僮奴葺門戶時有張千戶者以公事將赴京謁公欲乞一書公不可且諭之曰若有事兵部吾與若書恐撓吾兒若第往以所見告之足矣其精爽不亂慮事之周若此夫何不數日而一疾遽亡何哀也已距所生

永樂壬寅二月二十七日享年七十有一配吳封
安人子男五長冕次昇次瑁亦卒吳出次昂次昇
庶出女三長蚤卒次適郡庠生李希曾儒士許恩
孫男三女二俱幼卜以卒之明年十一月初一日
葬于某里之原嗚呼公明達侗黨雖不克出仕於
朝享有祿位而實有埋人之才鑑物之識矧有子
繼述以光前裕後其亦可謂生無愧死無憾者歟
銘曰

松隱之秀俞溪之清在于德人為時之英有當世

松隱之秀俞溪之清在于德人為時之英有當世

二十

施推以教子子克奮庸日躋職仕職分即署年還
古希曰貴曰壽其殆庶幾有餘之澤施及厥後以
嗣以續可大可久

墓表

故壽官計公墓表

弘治庚戌十一月初二日吾鄉壽官計公卒于家
明年某月某日葬某鄉某里之原又明年其子璠
字廷玉者寓書及其友陸汝學所述事狀求文表
墓廷玉昔與予同郡庠且同志後以鄉貢進士發

知河南判丘縣廉有不利歷六載免官歸囊無
餘貲鄉人益敬重之以及其父矧子尤知之深者
故於表墓不辭按狀公諱謙字元吉別號梅墅世
為松之上海人曾祖以上避兵亂居止不常祖漢
英始家蕭溪北二里許父士文徙居黃浦橋北母
魏氏公自幼知務學通大義及壯善治生業家日
益裕以所居地狹再徙夾溝東營構第宅有園林
之勝買田於其側日親勸課歲多稔平居自用甚
約奉祭祀燕賓客必加豐鄉鄰貧乏者周給之患

松隱之秀俞溪之清在于德人為時之英有當世

三十

難者振拔之間遇疾病死喪咸有所顧恤惟恐或
後姻黨忿爭求直者出片言以折衷之率唯唯
帖服且樂與名人君子交游擇師教子期底于成
既老邑大夫聞其賢歲舉鄉飲以禮延致賓席時
有

詔民年八十以上為鄉里所敬服者冠帶公承
恩荷被寵光錦衣白髮照映桑榆人皆榮之以為積
善所致居無何遘痺疾卧床褥者歲餘家事猶一
一裁決之如平昔已而疾革乃家眾囑曰吾衣衾

棺槨悉具死即葬之凡世俗浮靡無益之費一切不用則吾瞑目矣言訖而終距所生洪武壬午正月十三日享年八十有九配沈氏有婦德善內助先幾年卒啓其窆與公合窆子男一即孺女一贅朱澤孫男一勲女二金淵周錦其婿也曾孫男二遂遷遂習舉子業女三玄孫男俸尚幼嗚呼福善禍淫天之道也公有是善故有是福非幸也宜也然豈特于其身而已又必于其子孫爲子孫者世世相繼樂善不倦則福之來不愈遠而愈盛乎

定庵集卷之五 三

譬之瓜焉近本者常小至末而後大譬之水焉發源處甚微其流則甚廣而不可限量計氏之福殆未艾也予故表諸墓道蓋匪獨以示其後人亦欲使鄉人爲善者觀焉

中奉大夫江西左布政使葉公墓表

嗚呼此吾友大方伯葉公之墓葉氏先世居汴有諱蕃者仕宋爲淮安監稅提領徙高平南渡家于杭至公時徙居爲縣令公性仁厚好義

也地卜以葬居遂爲縣令公性仁厚好義

士大夫游又徙居城中豐樂橋東生昂然三子公其仲子也諱萱字廷茂號可菴晚爲道入自幼岐嶷稍長讀書穎敏過人師友咸器重之充郡庠生以春秋中景泰癸酉鄉試甲戌會試進士第二甲除兵部武選清吏司主事天順庚辰陞郎中癸未舉會試同考官三載考最進奉政大夫

定庵集卷之五 三

封其父如其官母宜人公盡心部事凡軍政必詳練選法必精究鉅職務填委具有端緒吏不能欺夏官卿及其貳稱之曰能成化壬辰奉

勅起調達軍安插邊境然達軍久處中國樂晏安憚徭役所至護擾公奏免老弱者不勒戶籍然人服其處置得宜尋陞河南布政司右叅議時土軍與編氓競暴橫爲民害公嚴捕之痛寘于法吏懼以利害白弗顧也丁酉丁內艱服闋改福建右叅議辛丑丁外艱甫釋禫仍授舊職提督銀場時礦脉寢微而貢額日加民有係累數年不可勝追者公上疏開釋之弘治己酉陞右叅政甲寅陞右布

政使公在福建歷年最多始終以愛民爲務寬刑薄賦撫弱治強久而不渝由是民被其澤日深率皆感慕愛戴無怨尤者乙卯陞江西左布政使舊有姦民攪糧據爲己資商販致累所在官被奪俸民爲代輸公下車禁治不少假借宿弊頓革是歲秋例當鄉試公提調得體丙辰以年老乞致仕歸鄉日與賢士故舊觴詠宴遊雅有樂趣踰三載一日偶遘疾誓不服藥自謂知命已盡惟當凝神定氣以俟瞑目及戒其子喪葬循禮勿徇俗用佛事

公定庵集卷之四

二十四

尚本言訖而逝己未八月三日也距所生宣德戊申十月十四日享年七十有二配莊元萬戶和卿之孫育子三人貴封安人繼贈宜人先三十四年卒葬南賢鄉次子男二長崗郡庠生次岐女二長適清渭次適王龍寔鄉里宦族德慶州守藩憲守王續子也孫男九龍稷伊臯周召畢崇宜女五崗等卜以卒之明年三月二十二日奉公柩合葬宜人之墓公爲人和厚謹不大聲色事父母孝敬養生送死各極其

至尤篤於友愛先世田廬讓其兄蘭爲業祿俸餘貲遺其弟憲行商而自構室城西居之再從姪新逋負鹽課空乏無所自出竭力代其陪償族人貧窶者恒贍以衣食死喪不能殯葬嫁娶不能及時者亦皆周恤之無吝凡所爲舉多類此風韻滿洒有好古遠俗之志嘗葺南賢書院鑿池築亭爲燕息之所又於城西所居後隙地結茆數椽扁曰當山蓋取韓子所謂惟恐入山不深入林不密之意所著有春秋義可菴稿若干卷藏于家嗟夫余

公定庵集卷之四

二十五

與公少同學壯同

朝及老而歸也宜乎同鄉優游壽考以享太平之樂奈何余甫抵家而公已就木矣可勝嘆哉於是崗以行狀偕岐來求表其墓余有病不能文然豈忍忘情老友哉遂按次序其畧表其墓道序觀者知之相傳不朽云

祭奠文

祭劉參政文

惟公簪纓之裔詩禮之家才敏而慧學博而通妙

齡秀發科第登庸多歷年數中外顯融染翰屬
翰墨是工昆政典午政聲最崇出守建寧載參
東德被民庶咸仰厥功居寵思危羈宦心慵持簪
歸老寄傲菊松山中明月林下清風相伴詩酒
僕追從歲遇龍蛇大限幸終薤露俄傳人皆傷
其等幸隨乃第察案相同聞訃驚悼情何有窮
芻一束物薄意隆寓詞千里聊寓哀衷

祭高汝賢父

東吳之高實為慶門徙家京邑繼子而孫子孫相

卷之三

三

仍惟德是樹樹德之徵自公而著公之性行忠厚
純良人懷惠愛天相吉康有子登庸封章兩受烏
帽錦衣輝映白首日聚故舊詩酒怡情睢陽之老
洛社之英偶就迎養始獲會晤固曰識荆傾蓋如
故未幾別去阻隔山川魚鳥往復音問是傳踰七
望八天胡弗弔訃南來孰不驚悼矧在我輩令
子同寅往吊無絲哀悼曷伸遣奠一觴寸心千里
緘辭寓哀繼以泣涕

祭劉憲使母

人生世間孰不欲富貴而且壽也然婦人得遂其
欲而兼全者尤世不多有也惟靈之為人柔順慈
良德可厚也勤儉莊敬行無咎也文園翁教子有
方彭安人性嚴有法藹然家室之慶閭里之光而
靈實為其賢婦也忠愍公克振前休直諒死節凜
然冰霜之瑩松栢之貞而靈實為其賢偶也父德
仗和克承先業伯仲競爽不弱一个粲然雙鳳之
翔于霄漢鳴于朝陽而靈又為其賢母也嗚呼靈
之所以為婦為偶為母而皆謂之賢者蓋以始事
舅姑中而相夫終而教子咸克盡道而一無所苟
也是以屢沐
錫封養有厚祿白首康強而享福於永久也嗚呼
終正寢顧無可憾凡鄉里之聞訃傷悼者亦莫不
奔走悲號而拊其柩也其等忝隨令子同服官寮
無由往哭千里遣奠而寓誠於酒也

祭何文璧公母

惟靈出自將門來嶺大族相夫理官德政維肅相
夫理京東豐蓄待隣里和處宗戚睦撫育子孫

維學是勗有子登庸無忝前躅青瑣銀臺勗暨炳
煜淳沐追封養有榮祿迎抵京師甘旨日續白首
康強天界之福踰七望八云胡不淑輶車其行旋
反鄉曲錢塘之陽鳳山之麓鶴吊牛眠曷稽於卜
爰聞計音送葬于子粗潔一尊酌以茅酒臨風撫
哀揮涕盈臚

祭尚文張都憲父

惟公篤實之學足以發身清萃之行足以勵俗宗
族稱其孝慈鄉鄰歸其信義士大夫重其名節武

卷五

五

人俗吏亦莫不信服其德而樂道其善宜其自壯
至老享有諸福不榮始而悴終耄前而豐後公之
筮仕由科第而典職庫紀善藩邸政教之聲燁
如炳如其視蘇湖之安定江都之仲舒奚愧哉教
子登庸有聲蘭臺平時棄職就封歸老閭里日與
故舊親族相伴詩酒其視香山之居士維易之耆
英奚憮哉然公之福不止於此子復進秩總司風
紀沐

恩加封寵及先世則所以光前而裕後者茲有隆而

無替也其與三槐之黃桐樹之韓又豈不異
同符哉古云仁者必有後而公不特一子若是而
其餘若子與孫亦將繼武而出又云仁者壽而公
白首康強勿藥無恙而優游於多祉之域則公之
所以為仁人也由此觀之信足徵矣烏乎

天道福善何獨不僭於公而昭昭若是哉誠以公之
於善一出於誠非若他人陽為之而陰或不爾故
也是豈天之私厚於公耶蓋理之必然而自有所
不容已焉者爾迄茲壽終計聞遐邇

卷五

五

朝廷不憖之悲錫葬祭之榮而况某等忝與令子
或為同年或嘗同朝或偕鄉邑以至仰慕休光者
亦孰不為之哀悼而與其吊祭之誠乎爰潔一觴
緘辭致奠一以頌公德一以寓吾私

祭陳都憲母

猗歟夫人出自德門壙于右族閨閭行悖為婦為
母桓韓可倫敦子有成寢登要津總司風紀茂建
殊勲養志推

恩祿寵駢臻光榮茂境白首青春粵茲杪年歲厄已

辰門閭莫倚平反固詢計音忽事哀恒曷信式陳
薄其敬酌一尊於戲亡矣弗亡哲存

祭宋憲副文

吾榜中得人最多如公者蓋亦無幾威儀嚴重足
以畏服乎吏民操履端潔足以振肅乎綱紀豈意
位不滿德遽一疾而至於此上不得以終養其親
下不得以永託其子雖無愧於生殆有憾於死所
謂仁者必壽今胡為乎乃爾凡在寮案靡不痛惜
矧吾又為同年痛傷莫比將何以寫吾心耶惟哭
泣流涕而已矣將何以竭吾誠耶惟有核酒醴而
已矣不識靈之於此其有知乎其無知乎徒使吾
之此情皇皇焉而不能自己也矣

會稽山祈雨文

江浙之地高下相半一旬之雨則病水一旬不雨
則病旱水旱之憂恒不能相無也乃者六月以來
亢陽為災三旬不雨高下之田皆以旱告歲之豐
凶決於朝夕民心皇皇慮無所望然天無自致之
災惟人所召推咎厥由豈吏于民昔賦役煩重而

財力或未節刑罰酷縱而冤抑或未申抑賢否
淆是非難揉而善政善教或未聞歟凡若此類皆
足以干天地之和氣致陰陽之愆伏者也斯民何
辜顧罹茲患某等祿食是邦不敢坐視惻隱在躬
乃以是月庚辰為始徧告群神祈而不獲莫知其
術於是采之道塗得於父老咸謂會稽山有禱必
應且是山雄鎮一方實為古楊州之巨鎮而其所
以為神者宜其有靈亦非他山川之可並故茲洗
心祗載奔走遠告懇祈于神而神亦享食茲豈
容安視而不懸救之乎伏惟盼嚮之際昭其威靈
監吏之致災者降以崇罰開陽從陰惠然雨我俾
稿苗勃興乃亦有秋而民卒無阻飢之患可也如
此則予之責賴神以塞而神亦永有以安享其祀
矣宜速效職無作神羞尚饗

禹廟祈雨文

維神受執中之傳膺總師之責平治水土拯民昏
墊三過其門而不入卒使地平天成六府二事允
治萬世永賴所以致爾者皆由神之愛民之深救

民之急而已且神之所以爲神者於昭于天譬之
日月照臨萬古如一日也宜其視後世之民即當
時之民豈有愛之不深救之不急者耶茲者彌月
不雨旱魃爲虐苗將不得爲生民將無以爲命某
等不忍坐視寢食靡寧編于群祀咸無所應故茲
不憚險阻跋涉山川有請于神庶幾閭閻之窮敝
吏之瀆予以溥其愛民之仁而救之不少延可也
於乎神之靈在於天下者雖曰如水之在地中無
往不在然神葬于縣土廟貌如在精誠不匱尤祈
民素所瞻仰而敬信者可不昭其靈貺以慰斯民
之所望哉况油雲沛然雨在神呼吸之間不難
致也尚其聽之無作神羞

謝禱雨文

天以斯民屬于神君以斯民屬于吏惟神與吏職
皆爲民苟民失所厥咎惟均然吏事農桑神事雨
暘非雨暘時若則農桑不成是吏之職尤有賴於
神也乃者六月亢旱不雨農功告窮民將無望某以
天子命巡撫是邦安敢坐視不遑他務惟神之求于時

躬率屬吏分走徧告雖久不應禱亦不輟惟神有
靈卒賜一雨焦者以沃稿者以蘇可謂失之東隅
收之桑榆也雖然旱旣甚矣一雨易消苟遂止之
恐亦未可故茲式陳菲薦再告于神一以答靈貺
一以祈鴻休願神推無倦之仁畢有年之賜俾民
皆粒食無憾咨庶幾某等得以副

天子之意而神亦無負於

三天之所托矣神其聰聰務克有終

祭楊廷潤文

惟君氣剛而直量大而宏出言必踐謀事必成富
而多子基業愈增光前浴後外彪中弼我之與君
寔爲同庚自幼相好兄弟之情今君早逝哀痛曷
勝我爲官繫選葬莫能臨棺預奠意重物輕靈爽
不昧來鑒厥誠

祭林學士文

惟靈性純而介學博而精德業茂著外彪中弼俾
哉重器靡微風成待時奮躍及第唱名有斐其文
有赫其聲官居翰苑秩躋清卿出內綸綍對越神

明多歷年所與生自增勞謙而光惠實平昔
見殊怒非盱衡君子所敬小人固憎允矣君子
若法程神遊遠古世網莫嬰解組歸老故舊
相得詩酒笑傲林垌昨陽壽偶維社耆英白首無
恙仁者之徵踰八望九溘夢兩楹鄉里悲慟士林
傷殄訃聞

當予贈錫交并生無遺憾沒有餘榮某等宜遵西蜀
賁吊莫能遐想德音哀悼曷勝一瓣心香千里寸
誠緘詞遣奠少抒中情

祭張夫人文代作

出自名門來娉族事舅姑孝處妯娌睦宗戚義
情關門行肅相夫理官政譽炳烜訓子有方無
前隨夫君有子於勤遠聞訃音莫能往哭爰遣
奠酌以茅蕘

祭李憲副文

維成化十四年歲次戊戌二月甲午朔越二十一
日甲寅 故中憲大夫四川按察司兵備副使

世望李公之喪歸自松潘道過成都同僚某等
以清酌之奠泣而言曰嗚呼生必有死入道之常
惟公之死其情可傷用未副才位未滿德靜安邊
戎而人罔識有子蚤世一孫尚倪聞然門戶孰與
維持下壽未臻遽厄辰已輶車東旋跋涉萬里軍
壘感泣士林咸咨矧我寮案曷勝痛悲錦

奠茲牲齊矢詞寓哀而情莫既哀哉尚饗

祖奠文成化十四年十一月十四日

嗚呼我母勤儉端貞輔佐我父獨立弗遂我三

子一女撫則以慈教則以嚴既婚既嫁成底成人
不幸中道我父先卒一子一女亦皆亡惟我二
子長雍幼悅並存膝下繼子而孫龜勉繼述有光
前緒是皆我母與父積德之所致也所恨者雍則
痼疾跬步莫前不能侍養悅雖居官不得常在膝
下日奉甘旨幸有眾孫藻等在側其正期
我母壽考康寧永膺祿養豈意一月遽疾
于家醫禱弗效乃於是月二十一日夜半而逝
家慟憾歛殯在堂俟悅歸葬嗚呼宦途萬里訃音

遙遙至今年四月一日悅在四川方得聞計奔喪
兼行六月二日抵家撫柩哭擗五內分崩棄喪其
未備一時不得營葬朝夕皇皇不離柩側迨今作
塋既成擇卜明日吉辰奉柩葬于我父墓之東畔
令爲一塚今日遷柩明旦發引式遵祖道痛念靈
柩在家止有今夕死生之別莫此爲甚嗚呼子母
之情固極之恩無由申報痛徹于中謹具猪羊之
奠率合族男女哭奠于前拜別靈柩擗踊攀號不
勝隕絕直詞以告言有盡而意無窮

祭楊菊軒

惟公人物卓犖天性聰明拔萃鄉里佼佼錚錚涉
獵群書匪由師授琴書醫工靡不博究生長恭養
備知民艱奢麗弗尚儉勤是閑碩人峻儒咸與友
善身雖布衣名聞軒冕當董邑賦兼志公嚴官喜
其幹民服其廉曾未二毛預知止足謝事養恬退
居田屋晚景生涯菽麥禾麻優游詩酒樂易歲華
踰七望八白首無恙天不勅遺一夕遽喪鄉里驚
悼善人歔歔矧在吾屬傷如何其於乎公之嫡母

出自吾族吾考幼孤實賴抱鞠既歷三世壽俊惟
公公亦已矣痛悼曷窮爰及葬期幽顯永訣何以寓哀匪
物莫錫封羊醢酒匍匐奠之靈爽不昧來鑒吾私

祭武源黎憲副

惟公德性淳靜志慮坦夷歷官中外百度優爲方
期大用益弘厥施遽爾遘疾天不勅遺善人聞訃
孰弗戚咨矧在僚屬豈勝傷悲條踰數月歸葬有
期幽顯之隔永訣于斯何以寓哀醢酒矢詞靈昧
不昧其來鑒之

祭郭用常僉憲

公生東吳纔四十有六年公沒南楚若三閭大夫
然人孰無死公死可憐孤兒寡婦咸失所天委骸
骨於何所葬衣冠於故阡凄風丹旌千里東還士
類嗟悼不已吾屬痛恨無邊爰以永訣觀英
靈其鑒焉

祭張永嘉僉憲

惟公發身甲科列職刑署繼僉臬臬用法嚴恕亡
幾致政蒞境康豫有命在天胡歿之遽路遠莫弔

薄致勢絮絨辭一莫哀悵攸寓

祭廖德徵金憲

公自轉寺擢遷湖泉震方啓行遽罹晚艱天胡弗
吊中道殞絕反葬莆陽孤首丘穴某等雖不識面
義在同列聞訃惻然傷悼莫輟山川阻脩何來奠
謂勢絮之誠匪豐伊絮

祭楊起莘

天昇汝命宴富而天僅有二息尚皆襁褓堂華
厦翼翼令人溢爾朝露總帳凝塵昔我聞訃愕然
傷愴繫官還途弗克送葬今我來吊顧茲几筵慨
想音容中心惻然爰設酒肴命子拜奠觀汝靈之
洋洋鑒吾情之眷眷

祭姜訥菴爲三法司作

惟公德性醇於吉慶生身二子進士一女夫人祿
養繩繩無替先後優游壽年得八望九奄及令終
瞑目蓋棺定期已卜舉輶撤柩吾輩守官令倩同
案何以抒情旅茲酒醴

祭李執中家宰

有大涵養者必有大抱負有大抱負者必有大設
施是蓋君子體用之周本末之備衆人所難公實
以之故以言乎涵養則德性宏博浩乎若滄溟之
無際不可限量推以言乎抱負則問學淵深沛乎
若原泉之有本不可淺近窺至於設施也以之進
身則躋賢科陟高第而志畧乎溫飽才邁乎等夷
以之蒞職則總臺綱掌邦治而任將帥之責膺台
鼎之司百官賴之以爲衡鑑

祭李執中家宰

國家倚之以爲著龜小入有所恐而以惡自戒君子
有所恃而以善自持譬之大川喬嶽雖不見其運
動而功利之及人者殆不可以數計而周知嗚呼
公之涵養若是抱負若是設施若是是以位冠百
寮享有諸福非命之偶乃分之宜于時四海之內
咸望輔世致治而俗臻熙皞民無阻飢豈意營營
青蠅適止樊棘而皎皎白駒不可繫維歸老之志
雖已適其所願憂世之心曷嘗忘其所思相伴乎
琴書杖屨之樂優游於康衢壽考之祺迨茲踰八
望九孰謂不由菴以究期頤柰何龍蛇之夢遽兆

樹稼之厄遂罹鄉邦爲之震悼天下爲之戚咨具
察興云亡之歎

當寧軫不愍之悲荷錫

恩典褒事有期某等私淑艾者素仰羽儀聞訃莫能
責哭哀情詎容已而於是致生窮之奠矢永訣之
辭一以將吾懇一以寫吾私

祭姪汝潔文

我長於汝五歲有餘幼曾同學長則異居汝克理
家生業優足繼子而孫樂爾教育鄉閭安佚五十

卷之四

四十

九年云胡一朝遘疾弗瘥去歲季秋汝已物故今
歲孟春我始聞訃心乎臨矣室是遠而千里哀情
何以抒之緘辭寓莫曷勝悲惻南望輿慟揮淚盈
臆

焚黃祝文

維弘治四年歲次辛亥某月甲子朔越某日甲子
孝孫子吏部左侍郎某敢昭告于

祖考妣 考妣 尊靈竊念自幼孱弱仰荷
先德敷佑循至是官通者一考滿後欽蒙

聖恩特賜

誥命贈我 祖考府君 考承直郎刑部主事府君

皆通議大夫吏部右侍郎 祖妣楊氏 妣太安

人陸氏皆淑人某榮捧

命書欣慰無量謹錄黃附回遣長男岳侑以祭享之

儀齊詣墓前恭伸燎告伏惟 尊靈服此

明恩永敷佑之有終無替尚饗

祭黃用章

中原之裔遠徵之英用夏變夷剛直著名彙武事

卷之四

四十一

文夙夜勉勵妙齡秀發蚤占科第數歷中外以官
爲家跋涉遐遠海角天涯迨至晚年茂膺特薦既
擢司徒又遷都憲甫踰七旬乞老有章

上賜俞允給驛還鄉曾未啓行忽焉遘疾爾長往

人皆驚惻矧在寮案豈勝傷悲何以抒情生芻夫

詞蒲伏奠告音容莫仰靈爽有知尚其來 饗

祭章鳴鳳

個儻之才雄邁之氣家學相傳繼登高第列職刑
曹聽決嚴明出守畿郡撫字寬平歷陞藩省奉布

頌政政以惠民以威有慶耀威都憲巡撫南臺
戎率仲驛場晏然近扶南臺方飭風紀未竟設
適罹蔓斐雖在縲紲公道克彰完璧以歸畫錦
鄉出危入安相佯詩酒身閒心逸宜享遐壽天胡
弗憖大限遽終故舊聞訃孰不傷恫山川遠隔莫
能從吊東蜀將誠緘辭致告

香帛奠告王宗吉祠

嗚呼公雖少長於我實爲先進直諒多聞友義克
盡公早致政林下清風六旬有七大限忽終告我

定齋集卷之四

四十一

守官北部聞訃驚惻踰遠莫吊哀情曷釋今我遷

秩南臺

奏回祭掃往復雖迫忍忘舊好道經公宅瞻望興
悲矢詞寓誠薄寫我私謹告

從弟祭女兄代孫作

惟靈之生最長且賢翁媿在室甫十二年夫何早
世永違所天停柩數月卜置新阡即今葬壙已成
葬日已消遷柩發引殆不少延我等遠來送葬哭
奠柩前惟靈有知庶其鑒焉

祭顧以正文

惟公明睿之性警悟之資文思汪洋足以發其學
問治才卓越足以擴其設施將謂祿位名壽不求
自至乃分之宜豈意進士之科獨晚京職之擢尤
遲官僅五品年未七旬而乃竟止於斯蓋謂有命
云爾抑不知造化者何爲嗚呼昔我與公交好自
布衣以至今日四十餘載實爲相知今我聞訃計
音欲往哭而不可得東望鄉關實切傷悲千里哀
情何以抒之一瓣心香半軸談辭附來奠告謹寫

定齋集卷之四

四十二

我私

祭王思軒

惟公清粹之才該博之學文章典雅志行審諤發
身上第臚傳有聲列官翰苑近侍顯榮迭仕兩京
褒然風采不思不求位至冢宰繼述有子俯仰無
憂衆望方切我心則休上疏乞老茂膺
寵賚進一品階畫錦玉帶何遽違疾天不憖遺鄉邦
驚惶士林感泣

當予聞訃痛失國士祭葬贈謚殆將皆至某等承乏

在部暨諸屬官追慕遺德情何可殫將款之私自
不容緩束芻緘辭少伸悃款伏惟尚 鑒

定庵集卷之四

定庵集卷之五

奏疏

在途患病陳情

臣原籍直隸松江府華亭縣人由進士歷任湖廣

按察使成化二十年七月十八日准吏部咨內開

欽陞臣都察院右僉都御史臣一聞

命除即於本司望

闕謝

恩外白揆德淺望輕弗克勝任恐懼兢惕罔知所

定庵集卷之五

臣惟以急趨

上命為敬不敢留滯隨即起程行至九江河下因風

水險惡從江西陸行多是山路草水深險秋氣然

蒸觸受暑毒釀成痢疾到於南康建昌縣屬日吟

劇就在彼處九江道內停住卧倒牀褥莫能興起

有本縣知縣鄭惟和等請集醫士熊道和等及江

西按察司啓蒙

堂府遣良醫正張昇前來診視脩合藥餌服飲

歷兩箇餘月方得病勢稍減奈緣身體羸弱故

無力必須重加調護方可保全否則病如小愈
害尤甚是不知身為家國之本者也豈臣子忠孝
之至情乎伏乞

聖慈憐憫容臣扶病回還原籍再服藥餌從緩調治俟
平復如舊然後赴京以圖補報臣又念犬馬之齒
將及六旬去致事之期亦不甚遠况才力綿薄上
不足以裨益

朝政下不足以振肅百僚兼且病體未必何時
復誠恐壅塞賢路孤負

聖恩竊不自安伏乞

聖明鑒察因臣之病

賜臣歸休田里調養以延餘生別選賢才以充其
任如此則臣得以免負乘之譏而

朝廷又得人以任事矣臣力疾強言舉一遺二

天威不勝戰懼陳汗之至成化二十年十月

乞休致養病

臣由進士歷任刑部按察司官二十餘年成化二

十年六月蒙

陛下聖恩擢臣令職行在途忽遭痢疾踰兩月弗起
幾死者數矣病間竊謂是職肅百僚貞百度持風
裁立綱紀所繫匪輕自非德學純正聞望優隆素
為人推重者不足以與此豈臣愚淺下才所能戡
勝故嘗力疾陳情休致未蒙

皇上俞允止容暫回原籍醫治至次年八月方獲平復
恐僭

上命不挈妻子即自赴京復蒙

聖恩命臣在院管事臣夙夜兢惕盡誠奉公惴惴焉惟
不能稱職是懼幸無大過第緣病後調養欠久病

根未除一遇勞煩輒便舉發舊歲秋間病卧不能
出門者十日旅館荒涼不無告歸之志特以在任

未及一年無補分寸尚有所待未敢遽言豈意延
至于今百病侵尋不時舉發雖欲勉強仍舊供職

自慮才少病多或遇

國家重事參陪末議一有關失累

陛下知人之哲貽天下負乘之譏臣雖伏斧鑕不足塞

責是用披肝瀝膽昧死上陳伏望

聖慈矜憫放臣端休田里以延殘喘則臣不勝感戴沒

齒無已議者或謂自古以來及

聖朝故事皆以七十致仕雖踰七十苟可以備

顧問委政事者亦不聽其去今甫踰六十遽乞致仕

是違古今之典失去就之宜臣稽近古宋臣歐陽

脩六十有五而致仕范鎮六十有三而致仕臣於

二臣之年已將及之而人品遜不可及況重之以

多病臣此言去亦其時也夫豈不直

陛下不以臣為未及致仕之年尚欲驅策臣敢

暫乞放回休息以安靜調攝氣體以禮義涵養性

情俾病根盡除不至復發精神益固雖老不衰一

二年間再受

陛下驅策更竭駑鈍以圖報稱萬一區區犬馬之懇

惟

聖明裁照幸莫大焉

上 成化二十三年二月

自劾

成化二十三年五月二十二日早

朝該本院奏差某處巡按御史臣跪奏已畢未曾承
旨先欲起身雖因

天威嚴重不覺迷亂失次實是臣性愚昧未能從容中

禮合當有罪臣不勝戰栗待罪之至

議重建子游書院

謹考言偃字子游孔門之高第弟子也孔子生於

堯舜禹湯文武周公之後不得行道於天下乃繼

往聖開來學以傳道後世當時從游者三千率多

北人惟子游生長南方荆蠻之地說孔子之道而

北學中國遂著名文學與顏閔並稱誠所謂家

傑之士也觀其言行見於論語者類皆崇本務實

簡易宏遠治邑以禮樂為教取人以正大為賢自

古迄今南方之學得其精華者實自子游始也列

位十哲祀享孔廟天下固已知所崇重矣但其生

長地方尤宜崇重况故有書院豈可廢而不脩今

吏部郎中周本奏有前祠合無准其所言行令彼

處有司相度事宜照舊脩建以奉神位仍訪其有

無後裔有則免其徭役俾主祠祭無則量餼門子

常川看守庶幾永終不墜以慰鄉邦後學景仰先哲之意

星變自陳上不及

欽惟

皇上臨御以來躬理萬機勵精圖治是宜

天眷用休禎祥協應用臻治化之際奈何邇者彗孛

見于天津其為災異蓋已甚矣仰賴

皇上遇災知懼見異思危由是責躬引咎既已齋沐

告

卷五

六

天省已脩德又命群臣整省脩職條陳時政雖夏

之謹天戒周王之畏天威殆不過是將謂不日可

使災變而為福異變而為祥然而災異尚存未盡

消伏者實由臣下不職所致臣等省之餘莫知其

要中心憂惕跼蹐不寧爰考諸古凡傳史所載皆

云彗者除舊布新之象晏子亦曰天之有彗以除

穢也臣本庸繆膺進士入官自知才德謏劣恐

不勝任故自入官以來惟務着實循理敬事不敢

有分毫徇私要譽之心但踐歷中外幾三十載官

已厲矣况從大臣之後參陪末議不能無謬

失政亦穢矣官舊政職在所當除苟於此知難而

不知避豈孔子所謂憂則違之之意乎是用披瀝

悃誠懇言辭免伏望

聖明俯賜矜察放臣歸休田里以終餘年別選賢能

任用以新政令庶為除舊布新之一端抑亦可以

答

天戒之萬一矣臣無任悚懼期允之至

病起欲陳上果

弘治四年九月初九日欽蒙

七

聖恩陞臣本部左侍郎臣感戴無量但緣彼時病重不

能謝

恩今幸痊可已於本年十月初三日朝

見訖該次日早謝

恩恭惟

聖躬保養天和連日暫免奏事若臣在於

午門外拜畢趨入不無少遲恐勞

聖躬有待臣心震懼不寧况臣病體初愈加以

速奔走恐亦未免有傷伏望

聖慈垂憫止令臣五拜三叩頭謝

恩免令面

謝庶為便益臣無任戰栗待罪之至

應制進言事

臣伏見去年一冬今年自春入夏天道亢旱土壤
枯瘠卒至夏麥無收秋穀難種下失兆民之望上
軫

萬乘之憂通者禮部奏

請祈禱雨澤伏蒙

聖情俞允即避

殿減膳省躬齋禱分命大臣祭告

天地

社稷

山川不數日乃雨人心慰悅豈意即止復故久旱之

土仍難播種

聖心尤以為憂茲者復降

勅諭期與群臣共加祈禱且令各屬軍民刻為時

闕失蓋有以見

陛下懼天災恤民隱惓惓之意雖成湯六事自責周
宣王側身脩行亦不過是臣以尸素無補惴惴焉
省咎不暇何能有言然

聖諭諄諄豈容嘿嘿臣嘗推考天道亢旱之故皆由人
事不和之所感召觀諸五行傳冬旱政舒緩所
書洪範咎徵曰僭恒暘若蓋政之舒緩事之僭
即所謂不和也政事不和則人情不和人情不和
則天地陰陽之氣亦為之不和是以亢陽為常

晴不雨也災異之來有由然矣臣伏願

陛下奮乾剛之斷廓日月之明勵精圖治無舒緩

差之失有振揚神武之威由是總率百官責其

事考其成功其間據忠效職者任之勿貳俾君子

得以安其位徇名喪實者去之勿疑俾小人不得

以售其姦上下相承體統不紊同寅協恭所

戾將見政和人和而天地之和應矣尚何災異之

有哉臣又觀禮部奏詞曰廢政之有弊者其所當

更小民之困苦者在所當恤亦念去奢以裕國

之本興利除害以盡弭災之實此四言者尤爲切
要臣不揆荒財謹以其言推詳其所以可行者條
陳于後膚淺之見不足以上塵

聖聽

陛下不棄芻蕘采而行之亦或可以少裨

聖政萬分之一謹開坐具題伏候

勅旨

計開

一曰庶政之有弊者在所當更竊詳今之庶

政凡有弊者皆後人變易舊法創設新例

中間多有不近人情不合治體者行之或

不便下人是故在所當更若我

朝

祖宗舊制則講畫精密品式備具雖行之萬世而無弊

者豈宜輕改以亂舊章稽諸往昔成湯猶

繼禹舊服武王尚由商舊政前乎堯舜之

時慎乃成憲後乎成康之世率由舊章至

漢曹參爲相一遵蕭何之法天下爲之

晏然自古以來率由此道也

今所行政事皆當遵守

祖宗成法

後人所創不便下人者並令六部等衙

門查奏

二曰小民之困苦者在所當恤書曰天矜于

民民有所欲天必從之民心之向背天命

之去留係焉此民所以爲可畏也豈可不

得其歡心欲得民心在乎恤民之困苦而

已商之北民允懷由成湯子惠困窮也

之萬民咸和由文王惠鮮鰥寡也况今天

下之民率多罷敝東南財賦所出之地尤

爲滋甚爲今之計莫若減其稅歛使有餘

財不至於財盡而怨輕其徭役使有餘力

不至於力盡而怨法可以寬恤者必行

之惟恐或後政涉於科擾者必斥止之惟

恐有傷以至所欲與聚所惡勿施而無一

事拂民之性如此則是愛民如子而民亦

愛之如父母矣

二曰崇儉去奢以爲裕國之本竊惟節儉之德自古所尚天也有節故能成四時聖人節以制度故能不傷財不害民奢侈之害甚於天災上侈靡而用度有闕則暴科橫歛必及於民此飢寒所由生盜賊所由作而天下所以不治者亦基於此漢文帝躬行節儉示朴爲先當時海內安寧家給人足雖今年賜民半租明年除民全稅而倉

定庵集卷五

十一

廩府庫充物未嘗告乏況今各處荒歉人民流移下之所供不能相繼上之所取豈可過求適此之時正當禁奢華裁冗濫節用度損燕樂杜無名之費賞罷不急之工役以至凡百所費皆有品節而又以大學所載生財大道見諸行事如此則民富國富而財用無不足矣

四曰興利除害以盡弭災之實古人有言興一利不若除一害况能除其害則利亦在

其中竊觀當世元官太多事煩民擾官司罰錢太濫貪墨成風此二者天下之通害苟不除之何以利民書曰官不必備惟其人故一官常兼數事今於額數既足之外更加添設所用俸祿皂隸之費供億不貲此實潛耗民財况亦無補於事要必查其冗員盡行裁革間有事干重務者量爲留易曰何以聚人曰財故不當與民爭利今之爲官者既已享民之奉奈何不恤民困假以公用等事挾勢罰取錢財此實強奪民利尤多取怨於人要必嚴其禁令毋使再犯敢有任情不檢者重加貶責如此則害除而利興人心悅而天意順由是和氣致祥陰陽調風雨時而災異無自而生矣

脩德圖治

近因天道亢旱伏蒙

皇上勅諭文武群臣脩奏軍民利病時政得失者此可

見

陛下求言圖治之誠即大舜好問好察樂取於人以為善之心也是以臣雖至愚亦當應

制進言觀有以少裨

聖治萬分之一然此特言其事而已抑末也未及其本也本者何德是也大學曰其本亂而末治者不立又曰君子先慎乎德惟脩此德以為之本則諸於有政雖一日二日萬幾亦舉此而措之耳所操者約所及者廣天下可不勞而治矣臣愚有見於此

豈容無復一言以裨

聖德萬分之一乎然與其挾已見以煩瀆

聖聰孰若據古語以仰干

天聽臣竊觀近古人臣善言治者莫如宋之司馬光

在仁宗時嘗言人君之大德有三曰仁曰明曰武

神宗時又言人君脩心之要有三亦曰仁曰明曰

武及進歷年圖於英宗復以此言載之後序至哲

宗訪治又首以此言為獻焉其所以詳諄為四君

言之不置者誠以治亂安危存亡之道盡繫於此

雖堯舜之聖亦此而已豈有他道哉蓋君德之仁莫大乎安民堯仁如天故能協和而致時雍之化

臣願

陛下法堯之仁以安民省刑罰惟恐戕民之命而手足無所措薄稅歛惟恐傷民之財而衣食有所闕養之以惠使之以義樂歲安於富教恤其飢寒救其疾苦凶年免於死亡如是則民懷于有仁而天下皆歸心矣君德之明莫先於知人堯智如神故能舉舜而錯共工之屬臣願

陛下法堯之明以知人進君子也雖疏必用使野無遺

佚之才退小人也雖親必棄使

朝無冗濫之職忠直以務公者勿忌其忤已而或黜

之容悅以徇私者勿樂其順意而苟容之如是則

官皆稱其任而天下無私議矣君德之武莫重於

賞罰君道主剛故其德不可不武者舜舉十六相

而不貳去四凶而不疑此舜之武也臣願

陛下法舜之武以行賞罰於人之果有功者信賞不吝

爵一人而天下莫不勸於人之果有罪者必罰無

赦刑一入而天下莫不懲賞不失於僭而姦邪
功者不敢僥倖以希進罰不失於縱而貴幸有罪
者不敢請求以苟免如是則威武之柄操縱在上
而天下無不畏服矣然欲全是三者之德無他
在乎從諫而已書曰木從繩則正后從諫則聖自古
人君未有不從諫而興者雖聖如堯亦稽于衆舍
己從人而嘉言罔攸伏雖聖如舜亦明四目達四
聰而聽禹慢游傲虐之戒此堯舜所以德盛治至
而亘古莫及良以此也使處崇高之位而不聞諫

卷之五 十六

諍之言則下情不通聰明日蔽凡民生之休戚人
才之邪正政事之利病以至姦宄之邪謀隱患
壅於上聞雖或聞之亦莫得其實其不為盛德之
累至治之害也幾希臣又願

陛下法堯舜從諫以除壅蔽以開言路其言有可用者
則采納之而或採其能不可用者亦優容之而不
錄其罪鯁直之說可以利行也雖逆耳而弗拒激
切之談可以救時也雖犯顏而弗嫌忠言讜論日
陳于前而諍臣無杜口之羞嘉謀嘉猷入告于內

而拂士有匪躬之節誠能從諫若此以之脩德一
德日以盛以之圖治而治日以至然而紀綱不
法度不立天變不消民困不息與夫教化不興
俗不厚中國不安四夷不服者未之有也由是

陛下今日之德即堯舜之德

陛下今日之治即堯舜之治而宋司馬光致君堯舜
言不盡用於當時而盡用於

今日矣實

宗社生民之福天下萬世之幸也臣不勝惓惓犬馬

之忠

乞 恩便道還家祭掃

原籍直隸松江府華亭縣人由進士入官成化二
十年陞都察院僉都御史後歷陞工禮吏三部侍
郎弘治三年考滿欽蒙給授

世命封贈祖母父母母緣臣原籍路遠焚黃之禮不
得身親舉行及弘治四年五年連遭大水衝損
母墳塋亦不得躬視脩理臣思孝之情日夕
切不已雖查有兩京文職

例然臣自謂吏部侍郎職貳遷選所係匪輕以此一向隱忍不敢言私幸蒙

聖恩陞除前職思得南京與臣原籍地方相去不遠即今赴任起程行至揚子江邊計算到臣家鄉多不過五日之程伏望

皇上推以孝治天下之心容臣便道還家俟祭掃了畢即行到任以圖報稱庶幾忠孝之誠得以兩盡而無虧矣臣無任感戴之至弘治六年八月

論地震之異

弘治七年九月十二日夜四更實十三日戌戌

時南京地震自西南往東北有聲如雷屋宇動搖人心惶駭大地坤體主陰宜安靜以順承乎天今乃震動得非陰氣舒發陰氣專縱而然其為變異也大矣且九月建戌之月其卦為剥五陰居一陽之下小人剥廬之時及與日時皆屬土土者地之質也戌在十干位居中央戌丑在十二支分列西北兩維地震適於此月日時乃中央與西北陰盛之象以南京方東北陽方地震自西南往東北又

陰干陽之象推之人事則臣者君之陰夷狄

國之陰所謂臣者非特庶官凡普天率土無一而非臣也所謂夷狄者非特外邦雖在中國凡用夷狄之道者皆是也意者變不虛出今若此者豈中國有未安歟豈西北貶虜有未靖歟豈下陵上小人害君子者有未已歟以時考之蓋不然也仰

惟

陛下仁孝如堯舜本乎天資勤儉若禹文得於聖學自踐祚以來脩德行仁用賢納諫安中國而撫四夷

弘治七年九月十二日夜四更實十三日戌戌

親君子而遠小人億兆歸心無間遐邇已七年于茲矣是宜歲召大和用臻祥瑞豈意邇者雨潦風雷飢饉疫癘之災相繼迭出甚至地道不寧致有大異前此八月二十日夜地震逾茲甫及兩旬又震比前有甚焉者且南京乃

祖宗創業根本重地豈宜動搖臣忝官茲土自愧不能輔理承化夙夜恐懼省不敢自安罔知所措已而思之古人有言天心仁愛人君欲止其亂先止災害以譴告之又出怪異以恐懼之是以楚莊

天無災遂戒懼疑其亡宗魯哀為天所棄雖禍大亦不降譴漢文時災異雖多躬脩德化而治效侍美由此觀之則今日災異之出實

上天之心仁愛

陛下欲

聖心思慮豫防而制治于未亂保邦于未危也臣愚於

此伏願

陛下總乾綱奮天斷操威福之柄而不下移守

祖宗之法而不輕改見賢則注之勿貳知邪則去之勿

《宋書集卷五 廿》

疑謀武備而兵不輕用廣德教而刑不濫施凡扶

陽抑陰之事一切為之使陽常有餘陰恒不足由

是和氣致祥轉災為福雖有此異而無其駭矣縱

使有驗則豫防之具足以勝之如剛健之陽禦柔

躁之陰自有以消伏之決去之將何以害吾之治

書曰惟事事乃其有備有備無患蓋如七雨再觀

三代之時商之高宗因惟難之異格心正事而殷

邦嘉靖周之宣王因旱魃之災側身脩行而周道

復興今日

陛下因此變異果於脩人事以應

天心則天監厥德申命用休始見治道日益隆盛增

光于前無裕于後直與三代有道之長匹休並稱

而漢文治效之美亦不足言矣臣區區犬馬之忠

敢以是言為獻惟

陛下篤信而力行之則

宗社幸甚生民幸甚天下萬世幸甚

年七十乞致仕

臣直隸松江府華亭縣人由進士歷官中外三十

《宋書集卷五 廿一》

餘年近以吏部左侍郎改陞前職臣自以職緣微

才弗克勝任常懷危懼之心又以南京

祖宗根本之地都察院

朝廷風紀之司留務雖簡隣擊匪輕亦不敢視為優

老處所少萌怠事之心故自到任以來夙夜兢惕

無異平時惟知秉公盡誠敬其事而後其食民自外

別無所觀親迄今一年有餘僅得庶事不至廢墮

幸無大過然此亦由寮屬協心輔理所致至若三

年有成則臣豈敢遽望必須俟賢者為之以圖其

終况臣犬馬之齒今年已及七十旬例應致仕若不
以時言去是則不知止足有妨賢路故敢循循

陳惟恐或後伏望

聖慈矜察照例致仕歸老故鄉以終天年

之以年得以優游

聖恩臣當效華封人之祝以補報

聖恩庶幾老人之歌以安享

聖化則臣永盡之年皆

陛下之賜也感戴之私沒身不敢易有言已臣原冒

天威無任戰汗屏營之至

弘治八年正月二十八日

北例打斷

竊見本院并南京刑部問擬罪囚相廝打斷者例

該監察御史主事及南京錦衣衛千戶或百戶會

同打斷緣本衛與打斷廝相去路遠不能每日取

早相會致使罪囚在外停待被人乘隙嚇詐杖錢

及至會齊打畢日已將晚不得就送各該衙門發

落仍復收緊甚是不便聞遇大風雨雪時候尤為

難當因思在京刑部都察院同擬應該打斷罪囚

止是御史主事兩員自會徑令皂隸或當地火甲

人等即時決罰每日未到午後皆已發落事不牽

纏因不淹滯誠為便益切詳南北二京俱為一體

凡百底務豈宜異同臣等有見於此不敢專執已

意質諸左右詢諸多莖亦莫不以為然蓋衆論

之所同歸群情之所共欲者也故敢不揆煩瀆昧

死上陳伏望

聖慈矜察再

勅三法司看詳合行今後南京兩法司打斷罪囚比

照在京見行事例施行

從公決罰發落施行如此則

官三員照舊施行如此則

矣弘治八年五月二十六日

陞南京吏部尚書謝

臣由天順四年進士歷官南京都察院右都御史

茲者准吏部咨為缺官事內開弘治八年五月初

八日

欽陞臣南京吏部尚書者臣功承

寵命感戴不勝已於本年六月初三日到任管外

臣竊自念才識淺陋學術空疎採守舊官尚覺踰分是以居常供職慄慄危懼屢有恬退之思略無躁進之意適者陳乞致仕未蒙

俞允方且勉圖報稱惴惴焉惟以德不稱位才不稱祿為耻豈意復有是

命榮幸有加戰兢無措粉身齏骨何足以上酬聖恩臣愚於此敢不益體

聖心益勵臣節竭誠盡瘁雖年邁向暮而弗倦于勤慎

《定庵集卷之五 中》

微防患雖留務從簡而固勉其易莊嚴官御吏無敢少偽而失其公恕之心辨賢邪考殿最不容少私而枉其是非之實凡若此者一以忠信不欺為本終始勿貳務期補報

聖恩萬分之一此臣之志也但愚力不足耳臣無任激

切感戴之至謹稽首頓首稱

謝上言
治八年六月二十五日

照得原任江西按察司今事歸江浙江紹興府山

陰將人由進士除南京貴州道監察御史陞前職

告病在家其為人志行高潔識見精明有古人

之風無世俗之習安於恬退不求人知昔年臣任

浙江按察司提學僉事之時本官嘗謂臣曰為政

設教不患人不信不服惟患吾不公不誠公且誠

矣又必始終如一為久大規模勿圖淺近之效寧

俟後人收其成功臣服膺其言行之數年頗無大

過迄今兩浙人士鮮有非議者是皆本官所言之

驗也臣竊想其勸人為之尚克效此使其自為其

《定庵集卷之五 中》

效豈止此耶今訪知本官居家無恙操存如舊

起而用之何所不可以之為政必能拯貪殘之吏

弊以之設教必能變澆薄之士風若斯人者豈可

聽其老於巖穴終於不用凡在重任有薦人之責

在不知則已知而不舉是蔽賢也罪莫大焉臣侍

罪留部恭願銓衡之列素乏知人之明懼弗勝任

苟有所知豈敢隱默是用披瀝血誠瀆冒

天聽伏望

聖明勅令所司再行論察如臣所言不誣起取本官量

材加授職事貢以成功未必無補將來之治萬一
不如所舉臣甘受連坐之罪死無悔言弘治九年五月十一日

改南京參贊機務兵部尚書謝恩

臣由天順四年進士歷官南京吏部尚書茲者准
吏部咨為缺官事內開弘治九年四月初七日

欽改臣南京兵部尚書參贊機務又欽奉

勅諭訓戒丁寧臣被此

寵恩感戴無量惟恐陪違就於本月二十七日前往

本部到任本年五月十一日奉贊魏國公徐備等

合定集卷五十六

守備機務俱已管事訖臣伏念南京兵部雖介於

諸部之間而其事頗繁參贊機務雖處於守備之

末而其責實重自非才力有餘聞望素著者不足

以當之顧臣何人乃敢當此且臣性質愚弱器識

庸虛軍旅之事未之學也詩書之義學而未精矧

當既老之年已有退休之志暫守舊官尚慮弗稱

豈謂復有是

命譬猶無鳥獲之力而加以鳥獲之任不惟恐有弗

勝之患抑亦恐有顛路之虞是世之所榮者臣之

所懼人以為寵者臣以為憂特以

成命難回覲願祇受不敢遽辭臣愚於此致不益自

策勵更竭駑駘之力勉勉焉永誠奉公循理守法

務求盡其職分之所當為庶期上酬

聖恩萬分之一至若老病侵尋力不勝任即當自陳憊

恤決於求退不敢尸位苟祿以妨賢路臣區區犬

馬之忠如斯而已自外別無所望願以弘便其身

圖臣無任感

恩圖報之至謹稽首頓

今定集卷五十六

謝上言

弘治九年五月十二日

辭免重任乞致仕

臣直隸松江府華亭縣人由進士歷官中外二十

有七年江西浙江四川湖廣等處按察司南北兩

京吏部等部都察院俱嘗踐歷宜於多體物情無

不諳練但臣資性愚昧終身由之而莫能盡知重

以年齒既老志慮漸衰雖處簡易之任尚慮弗稱

豈意適者伏蒙

聖恩改臣前職參贊機務臣始以

成命雖圖一時未敢遽辭然自負

命以來竊嘗思之南京兵部比之他部其事頗煩奏
替機務比之他部其責特重況以

祖宗根本重地所繫其要專在任人不可不謹臣一介
寒微粗知章句素於事務甲兵之事不會學習又

當沈疴之年病多力寡豈能勝此煩重之任雖欲
勉強枝梧終難致遠無補於時由是夙夜憂惕寢

食靡寧唯恐日復一日漸至誤事上有以貽

君行憂下無以慰兵民之望當此之際雖伏斧鉞

不敢言臣既有見於此若又貪戀祿位隱忍不
言則是懷利

思非臣子事

君勿欺之道罪戾萬重臣言之上

責

天聽伏望

聖明矜臣能自揣量容臣無所宜用照例致仕別

選才足以有為力可以久任者俾充其位謹請以
臣精力未衰人心未厭或請給賜尚司鑒策未容

大任則當乞一節節之司俾之待罪矣於一年

載之間更竭餘力少圖報稱若得仍守其任三
不寧處也且臣之此章非陽為辭讓實有餘

圖一己之謀蓋以知止足之心出真誠之言欲為
國家思慮豫防以圖久安長治之計焉爾臣區區大

禹之忠惟

聖情裁照幸甚
弘治九年八月初一日

老疾乞致仕

臣資稟素薄才力不勝任重道遠非所優為臣雖

至愚亦能自知疎自茲仕以至今日恒以弗克勝

任為慮夙夜勤勵秉公守義為之不暇頃刻急遽
適來年漸耄暮景迫桑榆尤慮老不堪事每有退

休之志是以前歲任南京都察院右都御史之時
已嘗援例告老伏蒙

聖恩不忍遽棄未賜

俞允尋蒙

欽陞南京吏部尚書去歲冬蒙

欽改今職恭贊機務臣亦嘗陳請告老辭免重任請

蒙

聖眷慰以

恩言仍未賜

俞允臣被此

寵光感戴無量雖欲再拜恐涉煩瀆惟時

勉竭餘力然中心危懼若履險路踰年之間

事少過誤人不怨尤是蓋暫時使持不可恃

常臣既有知豈敢欺罔若復藉此以延歲月以

凜祿於義何矣况臣今歲犬馬之齒已踰七旬

力疲倦疾病侵陵凡遇事冗迫用心煩勞輒頭

眼花氣促手顫當此之際不自言去則是不知止

足降於無耻顧在物論其將謂何是用不

再彈悃悃之私仰瀆

高明之聽伏望

聖慈俯垂矜憫察臣之言成臣之志故臣歸老故鄉以

養衰朽以終晚節若天幸餘齡未填海壖臣

居臥臥而心在

朝廷爰背采芹尚懷野人

享獻之責祈

天永

命教忘平日祝頌之誠此臣區區忠

心愛

國之本心不以進退存亡而有間者也曷容少已耶

臣瀆冒

天威無任意迫詞切祈

恩待罪之至弘治十年八月初八日

再乞致仕

臣中允僅四十年近於弘治六年

聖恩以吏部左侍郎陞南京都察院右都御史

京吏部尚書未幾又改前職參贊守備機務

聖恩賁俞重臣恐不堪事屢引年乞骸骨

聖情矜憫未賜允俞臣感激思奮非不欲效尺寸以

報稱但臣所可去者有三是以情迫於中不容

止禮曰七十曰老而傳又口大夫七十而致事今

臣犬馬之齒已過七十此年老可去一也加以疾

病侵尋氣血衰耗稍用心勤勞輒手足疼痛

神

拜跪俱覺艱難此有病可去二也既老且病雖
開散之地尚亦不堪況今職務繁重勉強支持自
料終無所補難免後難此不能勝任可去三也負
三可去而又貪冒位祿惟知榮身肥家不忍曠職
誤事若此者非臣之素志人雖不曾有言臣實不
能自恕故敢不避誅夷再陳懇懇伏乞

聖慈宥臣煩言屢瀆之罪矜臣識分知止之節與臣一
致位名目歸老于家俾臣得以優游吟臥之間歌
詠太平之樂則臣之受

聖恩惟願少瞻仰祝

聖壽至于億萬斯年與

天地同一悠久無疆云爾此臣區區蜂蟻之心與生俱

生終始不渝者也無任感戴頌禱之至

又乞致仕

竊惟大夫七十致事老若成之在得比古禮之常

制先聖之明訓也臣愿事

三朝尸位竊祿僅四十載至弘治八年年及七十自

度老至力衰不堪任事又慮時至貪得不知止足
是以連三年來累曾陳乞致仕至弘治十一年春
季以後加以疾病大作手足疼痛舉動艱辛臣又
以年老有疾不能勝任三可去之說具陳懇乞致
仕懇蒙

聖恩慰諭勉留不忍遽棄臣承

命之際惟知感泣靜而思之欲留則老病之軀難強
支持欲去則陳乞之辭未奉

俞旨由是進惶惑罔知所措雖然陳力就列不能

合是處集卷之五 三十三

若止此臣子之常分去就之大義也臣本以愚懦

素乏材能謬膺銓用恒恐弗稱故自入官以來凡

任一官即盡心竭力治此一官之事兢兢業業不

敢行私不敢作偽不敢出位妄為惟以效職圖報

為務其他皆不暇顧念迨邇以至今日實為僥倖

踰分雖沒身盡命不足以報奈何即今老病龍鍾

肌體消瘦况無方手痛顫寓字不得若使仍前

留非隄力所不能無補毫髮必妨公事

前功有玷晚節此臣所以知止而安分守

求去也是敢不揆煩瀆再瀝血誠仰

宸造伏乞

聖慈垂察念臣平日犬馬之勞閥臣今日匍匐之苦故

臣致仕婦翁以養衰體以延頤齡則臣雖死之日猶生之年下至臣之子孫記憶傳頌而感

恩之私世世相承永久不忘也臣無任祈

天俟

命激切怖懼之至弘治十一年十一月

又懇乞致仕

臣今年七十有四歲前此自七十歲以後四年之

間每年陳乞致仕辭免重任屢蒙

聖恩勉留未賜俞允去年冬百病交攻日就憔悴甚至

右手痛顫無字不得慮恐妨誤公事有負重託故

又不揆煩瀆重復陳乞所以然者實出於真誠非

矯偽也豈意

聖慈高憐舊物不忍廢棄特降

綸音卿引年求退屢有旨勉留宜盡心職務以副

重託毋再固辭臣聞

命驚慙感

思恩奮非不益欲盡心再圖補報何敢云辭且致仕

與見任不同見任在官俸祿僕從享用有餘致仕

還鄉子孫微弱供養不足臣非不知亦非厭有餘

而甘不足但處有餘而力不勝任必致曠職廢事

貽患於下獲罪於

上所損多矣况臣年老有病日復一日衰朽龍鍾比

前愈甚益不支待但未伏床枕爾當此之際縱盡

心所事亦徒勞無用雖欲不辭容可已乎此臣之

大於求去者蓋迫於不得已而然也是敢不避鈇

鉞再申舊請伏乞

聖慈特賜俞允與臣一致仕名目早歸田里俾得以老

死牖下無愧晚節足矣臣情隘詞感不知所裁

冒

天威無任戰兢隕越之至弘治十二年二月二十六日

又以老疾懇乞辭任歸田以全微命事

臣由天順四年進士歷官至南京吏部尚書弘治

九年四月欽蒙

聖恩改臣前職恭贊守備機務臣時年七十有餘兼且

常有疾病受任以來朝夕兢惕奉法脩職以供乃

事不敢怠違尤慮力不勝任屢嘗陳乞休致俱蒙

聖恩勉留未容辭免至今年正月內老病龍鍾不能出

辦公事又特備情懇乞休到復蒙

聖恩慰諭勉留仍前不允者臣竊自念一介草茅才識

閭劣幸遇

聖明誤知不忍播棄以至於此臣感

恩懷報則亦何思遂去於是力疾視事誓欲效死不

合憲集卷五 三六

辭勉支持已延數月緣臣係是老病非醫藥可

療日復一日有增無減與死相隣况兼手足疼痛

食押行走不便牙齒疼痛語言飲食不便其實身

不能勞心不能安難以存處若再因循不免職

誤事雖死不足以塞責失今不去將來之悔殆有

不可測者豈直為尸之羞抑且為

聖政之累也伏望

聖慈憫臣衰殘哀臣懇迫致仕還家老死牕下別

擇人以委任之如此則

陛下無南顧之憂而臣亦得以保將盡之年矣伏乞

節矣為此力疾具本順差辦事官趙臣齋捧請具

奏

閭伏候

勅旨弘治十二年七月十七日

謝賜勅諭加太子少保致仕

臣直隸松江府華亭縣人由進士歷陞前職弘治

十二年九月初五日准南京吏部咨該臣具本奏

奉

合憲集卷五 三十七

聖旨卿德望老成方隆委任乃累以疾懇辭特茲俞允

加太子少保賜勅給驛還鄉有司仍月給米二石

歲發人夫四名應用散衙門知道欽此欽遵緣臣

先於本年七月十八日因疾不能任事已經具奏

請乞休致今奉前因又蒙

欽降勅諭前來除已望

闕叩頭謝

恩外就於本年九月十五日給驛還鄉竊念臣資不

乙庸誤蒙委用年當衰病禮宜退休乃蒙

皇上

天地之恩俯

賜俞允既加官保之秩復有食米入夫之賜

聖壽儀崇實踰涯分臣幸存視息退伏林下苟餘餘

年敢忘

聖恩之所自哉臣不勝感戴之至緣係謝

恩事理為此具本順差辦事官仇竊馬齊捧謹具奏

聞弘治十二年十月

定養集卷之五

定養集卷之五

三十八

榮壽錄

皇帝勅諭太子少保南京兵部尚書張悅卿以清介之

資篤實之學明練之才歷事

累朝荐陟冢宰洎贊留都之務載遷司馬之官顧惟

德望之隆式副倚毗之重歷歲滋久厥績用彰頃

者卿引年乞休朕方圖任老成勉留再四而來章

不已陳請益堅茲乃俯從卿志特賜俞允加太子

少保給驛還鄉仍令有司月給米二石歲撥人夫

四名應用夫完名全節固士夫之所難而優老禮

賢實朝廷之所重卿其歸而勉進藥食以養天和

表率鄉閭以敦善化茂臻壽考以樂升平庶副朕

眷遇之意而卿亦永有譽哉故諭

勅命

弘治十二年八月十五日

之寶

吏部為老疾乞

恩辭任歸田以全微命事考功清吏司案呈奉本部送

吏科抄出南京兵部尚書張奏臣由天順四年

進士歷官至南京吏部尚書弘治九年四月欽蒙

聖恩改任前職崇禎守備機務臣時年七十有餘無且

常有疾病受任以來朝夕兢惕奉法脩職以供乃

事不敢怠違尤慮力不勝任屢蒙陳乞休致俱蒙

聖恩勉留未容辭免至今年正月內老病龍鍾不能出

辦公事又特備情懇乞休致復蒙

奉 諭 旨

聖恩慰諭勉留仍前不允者臣竊自念介草茅才識

闇劣幸遇

聖明誤知不忍播弄以至於此臣感

恩懷報則亦何忍遽去於是力疾視事誓欲效死不辭

勉強支持已延數月緣臣係是老病非醫藥可療

日復一日有增無減與死相隣况兼手足痠痛食

押行走不便牙齒疼痛語言飲食不便其實身不

能勞心不能安難以存處若再同循不免曠職誤

事雖死不足以塞責失今不去之悔殆有不

可測者豈肯為臣之羞抑且為

聖政之累也伏望

聖慈憫臣衰殘哀臣懇迫放臣致仕還家老死歸下別

擇人以委任之如此則

陛下無南顧之憂而臣亦得以保將盡之年全始終之

節矣等因具本該通政使司官奏奉

聖旨卿德望老成方隆委任乃累以疾懇辭特茲俞允

加太子少保賜勅給驛還鄉有司仍月給米二石

歲撥人夫四名應用該衙門知道欽此欽遵抄出

奉 諭 旨

送司案呈到部奉就通行為此除外移咨

貴職煩照

欽依內事理欽遵施行須至咨者

一差辦事官張璠肅捧

右 咨

太子少保南京兵部尚書張

弘治十二年八月初十日對同都吏翁源

老疾乞

恩解往歸田以全微命

啓

押

押

榮壽錄

四

欽差巡按直隸監察御史方 爲仰體

聖諭以隆達尊事切見

太子少保兼南京兵部尚書張 懋修實學夙著鴻

名宦蹟多方無一人而不仰官階累轉無一職之
非宜乃者七袞甫臨六章回

請完名全節來

聖諭之褒嘉峻秩崇階荷

特恩之獎勵盛德受知於

主上高年致重於家邦正詩所謂元老孟子所謂達尊

榮壽錄

五

者也况本院出自門牆素知心地使名不稱情難

恃已私而譽好事非合理敢持獨見以欺公切欲

大構坊門恭昭盛美或書完名全節四字以慰

九重之知或擇書元老達尊二言以肅一方之望事在

當爲情非矯枉又恐人心不異

公論略同爲此仰抄行府着落當該官吏照依案

驗內事理即便備呈

巡撫巡按衙門照詳施行仍將照詳通緣由上來

知會毋得違錯

太子少保南宮兵部尚書張公致仕序

宋時王莊定公以進士歷官中外凡十數任遷吏
兵二部尚書至左丞致仕曾文昭公謂其平居恂
恂不爲詭激之行至有所守確不可奪又謂自東
髮起家以至大耋歷事五世而所持一心屢更變
故而所守一道以今觀之若大司馬華亭張公
殆似之矣公起家進士內敷外歷亦十數任爲
京吏部尚書尋改兵部參贊機務其宦迹略與三
左丞同其平居恂恂行無詭激而確有定守亦與

榮壽錄

六

之同自起家以至于今歷事

累朝歷事五世無所謂變故者然事之危疑時亦
有之而公處之亦無不同者然王左丞之致
仕僅選正議大夫舊制當得東宮保傳以有指議
之者故殺其恩典公年七十即以禮請老

優詔不允三四年間凡五六疏其請益堅

朝廷屢勉留之卒不能奪迺

賜璽書加太子少保致仕乘傳以還同月繼廩粟
二石歲給與夫四人皆異數也其視王左丞當時

之恩典則不同矣夫以一時之議而思有隆殺固
不足爲左丞之輕重然亦可以表見公於今日始
終具美人莫有所指議而尤足以見我

皇上體貌重臣於其功成身退之際

隆恩異典有非前代所能及也予兄文懿公爲吏部
侍郎時重以

國史副總裁之命因連章乞解部事專職史館三原
王太宰問孰可代者即以公對既而奏上得

旨竟以公代之蓋文懿嘗誦公之言曰古之聖賢過

榮壽錄

七

人遠甚凡有爲皆公無私故其事業光明俊偉
今之人去古聖賢亦遠矣每事竭其公忠猶恐不
及况復濟之以私乎公之平生特守有道無愧於
古人者其卓有定見如此文懿知公之深故舉以
自代今公居崇慶要完名全節

恩禮榮歸故鄉惜文懿不及見也備官于茲尚

及從公之後於公之行不能言而銓曹諸君皆公
爲太宰時舊屬也又不能已於去思乃請予言饒
之遂不辭而爲之序

弘治十二年九月三日

賜進士及第通議大夫南京吏部右侍郎前翰林院

侍講學士

國史副總裁兼脩

玉牒 經筵官四明楊守陞書

程溫 蔡清 黎經 陳元

南京吏部司務湯理 郎中

李顯 陳鎬 汝泰 陸相

榮壽錄

八

贈大司馬張公崐休序

皇明君天下既周覽地宜北都順天而南畿根本之地

尤愜懷屬意軍國機務

勅委大司馬得參贊焉其

簡任其嚴其膺任甚重匪大臣忠誠練達聞望素著

者不與今華亭張公由南京吏部尚書被

寵命而膺茲重任凡四年軍民安息

聖天子方隆倚任公乃自虞衰老懇乞退休疏五六上

方

允勅加太子少保賜廩祿與夫駟驎以歸男之身歸
退而勲業之舊聲望之隆猶足繫

聖心而歷

思眷其榮盛何如耶崐有目寮屬縉紳俵俵焉慕繩
尺於既往懷仁愛之難忘相與屬震寫之顧不敏
何以爲辭惟公自名進士歷秋官主事員外郎陞
江西僉憲震時蒙昧尚未能知公也既改浙江提
學震有官過浙始聞鄉宦周可大語與浙之士論
而知公矣繼陞憲副提刑于蜀得諸蜀人之論公

榮壽錄

九

無異浙也未幾庶憲湖楚又得諸湖楚人之論公
無異蜀也及入而僉都北臺陞少司空轉少宗伯
再轉少宰則目擊而心賞者歷歷焉可以徵夙昔
之聞爲不誣厥後都憲南來心竊爲公少之及遷
南冢宰至大司馬然後喜公論之攸歸勲望之垂
成又不徒聞見一二而已蓋公靜而正簡而嚴觀
乎其外言寡而氣平未嘗聞一厲辭步履馴馴如
不欲前與人接禮貌雍容若恐驚及然臨事而探
其中則渾渾乎有容類轉作之襟量不可測也

井井乎有制類杜元明之善斷而可行也庶幾
分類楊伯起之四知也剛毅不回類李元紘之不
可搖也豈非所謂智圓而行方外柔而內剛也歟
是故宦道之忠誠被

簡任之寵恩來

聖心之眷注完終始之令名以致寮屬士夫之感念不
置固其宜也哉抑尤有足誇者古今名宦多矣自
壯至老居位日久能免乎上之踈與下之讒者幾
人乎故穆生之去醴酒意忌歐公求去描畫生撫

今公從仕四十年日愈久而

恩愈茲自部屬進爭卿相未嘗被描畫之辱此固公
之自致也亦分之所遭厚也然則歸卧烟霞醉呼
鷗鷺與山花共笑其真無愧憾也哉

弘治十二年歲次己未秋九月七日

賜進士及第朝列大夫南京國子監祭酒前春坊諭

德翰林侍講

經筵官同脩 國史安成劉震序

參贊機務太子少保南京兵部尚書倪岳

南京兵部右侍郎張敷華司珍毛超

徐貢

尹灝

王秩

周夔

姚璽

張嶺

郎中

負外郎

主事黎堯卿

同贈

王資良

焦韶

劉演

黃用

杜楷

丁珮

贈宮保大司馬張公致政還松序

士君子身任天下之重凡為出處進退一視禮義

以為之依歸進不以禮則冒退不於義則矯矯者

近名冒者忘義斯二者皆非士君子之所宜有也

然其間固有身繫天下之重而不可以一日去位

者亦有道與時違而所當引退者此蓋各有所謂

禮與義存焉耳固不能以一律齊也南京大司馬

華亭張公以年滿七十累疏乞休

上皆未之許蓋以

留都重地必用老成公志益堅

上乃俯從其請

賜勅加太子少保給傳以歸仍

命有司月給米二石歲撥人夫四名

朝廷之優理大臣於是為至而凡為臣下者罔不齊

慶以為在公允宜蓋公自天順庚辰釋褐進士初

試刑部主事歷負外郎江西僉事督學兩浙陞四

川憲副憲長改長湖泉

召入為都察院右僉都御史轉工部右侍郎改禮部

荐歷吏部左右侍郎進南京都察院右都御史南

京吏部尚書改兵部尚書參贊機務前後四十餘

年謹畏小心未嘗有一事不由禮義凡人才所願

以為作成外事所資以為統理內之百工以來神

人以和官材以辨綱紀攸司扁鑰攸繫無一不由

於此受知

三聖徧歷班資屹然中流始終一致鎮定簡靜口不言

功隱然古之名臣誠不可以一日去位者而時序

之感獨切於中辭至於六乃荷

俞允褒寵之典冠絕一時

聖諭所謂完名全節士夫所難優老禮賢朝廷所重於

公不兼有哉昔疏廣以知止不辱知足不殆為其

所以歸漢史著其事以垂後世夫不辱以有禮不

殆以有義在昔人已先得之韓昌黎送楊少尹獨

許其可繼二疏至謂以之為都少尹不絕其祿則

又以為不知二疏之歸亦有是事否今公之歸官

至如

宮保亞公孤則都少尹又不足言矣矧歲祿之供源

源不竭視二疏之必待散金而後可以供具不又

尤賢邪公之歸南都公卿士夫咸賦詩

宮保大司馬青龍倪先生既序之矣而選部內臺又

皆以為公當為之長各不能忘情於是少宰碧川

楊先生為序其在選部者而越所領則內臺者云

弘治十二年己未重陽前四日

賜進士及第通議大夫南京禮部右侍郎前太常寺

少卿兼翰林院侍講學士

經筵講讀官同脩

國史寧都董越序

南京都察院右都御史翟璜

左僉都御史陳璘

經歷華福

都事宋元

照磨陳佩

檢校沈綬

司務於宗

浙江等道監察御史

張璠

郝鑑 王倬 任漢

蕭淵

李嶽 包浦 董振

劉烈

呂鏗 陳崇德 楊遜

王璟

羅列 丘經 李祚

馬繼祖

俞諫 羅璋 陳熙

馬炳然

洪遠 王啓 杜啓

趙俊

蔣昇 趙繼爵 陳順

陸徵

同贈

贈政大司馬張先生還松江序

南京外贊機務兵部尚書雲間張先生累有乞休

之疏既得請

詔加太子少保歲給天月給廩復降

璠書褒異之俾馳傳以還皆

特典也瀕行南都士大夫相與餞送于江許充塞衢

巷而一時人豪若大司馬倪公少冢宰楊公少宗

伯董公各有文為先生祈李贈余時比上不及預

車兩馬足之後以聽道旁觀者嘆息每用耿耿至

今尚未釋也繡衣方信之輩於先生有門牆之舊

丐余一言以往補賀之眇余小子豈敢當此以辱

諸公之作竊念先生平生以清介自許所學務根

於篤實自主事負外郎按察司僉事副使憲長入

為僉都御史左右侍郎進南京右都御史吏部尚

書以至今日所書凡幾考自江西浙江四川湖廣

以至兩京部堂所歷凡幾年完名全節士夫所難

誠有如

聖明所諭者余於此有以仰窺

皇上所以優禮老臣之意矣豐之祿秩以贍其用予之

使令以佚其體

手勅口宣細及藥食將以勵天下忠蹇之行以作其

氣崇天下廉退之節以滌其行不獨為循故事按

虛文以伸大臣去就之私而已也雖其間大有輕重則禮有隆殺然具人賢不肖天下率以此岷之甚者一朝策免即為途人群論譁然縉紳動色凡若此者抑豈少哉然則大臣一身蓋有裨於風化之先而實係天下之重也先生歸昔文潞公請老再起為平章軍國重事復以太師致仕於家司馬溫公引年居洛未幾亦復有入相之命古今人相傳以為話柄今

聖明在上急於治理萬一軫念圖惟舊人吾恐束帛蒲

榮壽錄

十六

輪當日走乎吳淞江上先生之廬欲安枕而高卧

亦難矣且俟焉

弘治十三年歲次庚申春二月吉

賜進士南京翰林院侍讀學士奉訓大夫前

經筵講讀官兼脩 會典西序馬廷用序

門生

聞人珪 呂獻 華福 徐貴 蔡欽

陳熙 楊完 方誌 鄧滋 俞諫

呂天川 袁燦 高臺 沈編 汪金

伏以

任大責匪輕每懷憂於一己功成身乃退當效序於四時生雖不敢忘

明主之恩老亦不能免故園之想但朝患得而暮患失顧戀祿位者恒多陽求退而陰求進肯歸林泉者

絕少恭惟

太子少保南京兵部尚書叅贊機務時敏張先生執

事賦性溫純秉心直質氣剛如孟約守若曾早發

身於賢科遂起家於憲部官歷中外餘三四十

榮壽錄

十七

身任勤勞幹百千萬事實

三朝之舊德為一代之宿儒功業著於簡編聲名隆于

朝野既而職司喉舌燦北斗之橫天任託腹心守

南都之重地兵民有賴疆域無虞方期入黃閣以

調元遽乃望青山而思返弊章屢上伏蒙

命上之勉留解組輒行不似他人之虛請九峰三泖亦

與有光三公九卿靡不增羨况予小子與公同僚

欣歎載之協恭惜一朝之遠別祖帳斯設竊筵乃

張柳撫無詞用代柳贈

碩德宏才天生就人中英傑信節操金堅石固水
清玉潔留鑰數年膺

鳳勅封章幾度辭

龍關笄功成身退是便宜歸心熱 三洲上舟橫雪

九峯下五選月更尊絲香脆鱸魚味別白髮任教

今日滿丹心尤比當時切全始終一美似君稀人

皆說 右調滿江紅

弘治己未九月朔旦

奉

榮壽錄

十八

勅南京守備掌南京中軍都督府事魏國公鳳陽徐備

奉

勅協同守備兼管南京右軍都督府事武靖伯鳳陽趙

承慶同贈

送太子少保南京兵部尚書張公致仕榮歸詩序

弘治十二年八月 日南京兵部尚書雲間張

公時敘疏乞休致

皇上昔曰卿才望若成方隆委任而三載于茲屢以疾

告雖嘗勉留其請益切朕不忍違特賜卿優書俾

馳傳還其鄉仍加太子少保命有司給米月二石

與夫歲四人以應用卿歸其願養天和茂綏遐福

以副朕優賢之意欽哉於是凡百有位之臣孰不

躍然感發以為

聖天子篤始終之仁而公全進退之義有如此者於乎

休哉公歸有期南都諸公卿盛供帳出祖都城之

南車馬喧闐老樺寧觀復各賦詩歌頌以華其行

不鄙謂予宜以不腆之辭先之惟公以明經起家

榮壽錄

十九

登天順庚辰進士第為刑部主事文行焯著遂擢

江西僉事尋遷浙江督理學政公以身為教立謂

玉變凡經指授者往往取高科躋顯宦進四川副

使擢按察使再歷湖泉召拜右僉都御史入理臺

事歷工禮吏三部侍郎進南京右都御史轉吏部

尚書復改兵部恭讀機務公明於止足之戒恒以

盈滿為懼故自丙辰冬以來歲輒再疏求退雖以

詔諭諄切謂公德望老成屢旨勉留宜盡職務以副重

托而公志不少衰至是蓋七疏而後得請也非曠

達之識明決之才顧足以語此也昔予在禮部
與為僚公端謹靜默言動不苟朝夕相親實予畏
友及來南都復以蹇劣兩繼公後芝蘭之馥醇耐
之味沾被于予者多矣於公之別抑何以為情也
邪雖然公之歸耳目聰明精神未衰其於某山某
水釣遊之樂故人賓客鄉黨之會優游怡愉誠不
可以言喻至於化導鄉人及其子弟使之殖學厲
行出效時用以佐成

一代之治者此則公之素志而有必然者矣獨予於是

卷之二十一

二十

有感焉成化己亥之冬大家宰文通錢公年七十
有三致仕而歸

恩命隆重傾動一時予時歸省來南以門下士嘗有言
以為之贈文通早以文學職侍從晚登通要不得
盡諸設施今公齒德位望不亞文通而平日成
造材之效洗冤澤物之功敷歷兩京風采凝然
芳奇特始終一節豈復有出公之右乎何華亭一
邑之間而

兩朝君主之恩八座尊崇之典震耀古今赫莽先

此者於乎休哉予亦實之語愧不能文姑就
筆書此於群言之右以復

弘治十二年歲次乙未秋九月之吉

賜進士出身資政大夫

太子少保南京兵部尚書奉

勅兼贊機務前吏禮二部尚書翰林學士

經筵講官同脩國史錢塘倪岳序

詩

四十年餘事

卷之二十一

二十

聖明霜華無奈二毛生文陶泮水三千士武闕轅門十

萬兵榮錫

龍章締世龍開羣鷗鳥舊時盟年來我亦思歸切厭聽

秋空塞鴈鳴

崑山梁榮

封章屢上已得身閑荷

聖明四紀為官躋極品幾人歸老得完名雲間隱士千

山迥水落吳江一棹輕帆我亦思歸切厭聽

却共羣盟

樂安謝綬

東南保障重嘉猷授老仍承

寵眷優天闕夜星聯八座海門春水下中流橋西已

得裴公地湖上偏宜范蠡舟不盡桑榆年更對葵

鷺桐葉拂高秋

浮梁戴珊

忠藎臣

君四十年喜承

恩許許山尚書最績廉能著少保優尊德望全三

德黃花秋迢露一川疎柳晚含煙都門自是難為

川而後天忘惘然

泰和蕭楨

三朝恩許許山尚書最績廉能著少保優尊德望全三

恩許許山尚書最績廉能著少保優尊德望全三

恩典異完名金節士夫難離邊且對黃

同白鳥閑回首部臺將歷過百年風采極

伊洛程瑄

官至尚書駢年

恩加少保賜歸田欲為平地神仙客謝却留都將相權

韓圃黃花香晚節淇園綠竹詠新篇未誇畫錦堂

中事齒德還過衛武前

四明楊守陞

兩京寶樹並連塙何幸瞻依道德光寇老北門功

不小周郎醇酒味偏長經霜松柏元同操入室芝

蘭倍有香望重

三朝真不忝恩深一飯詎能忘封章疊見陳

當寧異數俄聞出建章七避冥鴻翔碧漢人驚鳴鳳在

榮壽錄

朝陽楊侯不絕還家祿洛社重開會老堂尊榮可

羨鱸正笑稻芒在腹蟹初嘗何人鐘漏還岐路自

古江湖即朝廊老我後塵當此日可勝清夢繞紫

桑

寧都董越

平生清介重珪璋請老承

恩返故鄉獨立到頭應自信同袍滿眼竟誰方前身疑

是楊文簡此日歸如司馬光自古純臣情一致江

湖廊廟總難忘

安城張敷華

歷事

皇朝四十年抗章懇乞 賜歸田拜官秩已躋三事去
國書惟載一船褒德特承

天子詔養恬仍給大農錢始終全節如公少青史應有

萬古傳

都門祖饯光輝我獨傷心不忍違同榜兩京無
幾在孤舟千里又言歸周公留洛嘉禾產張翰還

吳王鱸肥

清世也知無寸補白頭猶自著朝衣

義興沈暉

黼黻

三朝雨露均白頭應不愧簪紳文章彩筆驚牛斗龍

虎朱旗動鬼神

清廟共看今柱石漁磯曾識舊絲綸飄然老鳳秋江
去騰有清風散紫昊

安城彭禮

宦成名立在三台累疏宜休歸去來十萬甲兵今日

業三千禮樂舊時才清風榻古開邊目綠野堂深
靜裏開

昭代只今推大老元功贏得繼雲臺

祥符陳瑗

參贊南都

國本隆位司邦政氣如虹

褒封高擢三孤內名爵先登八座中

賜老金章來闕下壯行寶劍在江東先生明哲榮歸

去敢與留侯事業同

薊門毛倫

先生正氣冠英豪歷事

三朝耄耋勞疏上

宸衷丹詔允衛加官保爾書褒四時有序成功退片三

無瑕論價高帶得

恩波歸故里林泉笑傲樂陶陶

四明楊守隨

連章請老茲方遂

帝龍公歸禮段優紫氣度關周柱史赤松爲約漢留侯

堂開畫錦非行夜味美江鱸正及秋
晚節兀然砥柱見中流

嘉禾呂憲

歷官中外際時平德行文章總擅名
老特承恩詔許還家喜駕錦帆行
滿頭短髮如銀白一片公心似水清
祖帳都門爭送別兩疏今復見先生

泰和張達

文武機衡久自持更加

官保乞歸時始終全節古今少壯老真情天地知世

二十六

有溫公凍水論人多教了峴山思待看綠野期願
滿再上岡陵祝壽詩

長洲陳璠

周流八座更當權榮辱升沉一聽天國體具存無
德色臣工曲盡有仁賢乞歸懇疏不虛日優老
新恩得引年載道蒸蒸留不住閑心端在釣魚船

宛陵徐說

秋深落葉漸辭柯饒別江邊發棹歌白雪寧知侵
髮髮赤心尚在保山河外臺節操馳聲遠六座謨

猷建義多故國行居無限樂扁舟一釣任烟波

龍谿魏富

宦轍東西屢策功鳳臺白首仗英雄廉明有定心
常暇簡默無煩事自通老得全名今日獨歸猶分
祿幾人同閑庭夜數星辰處清夢遙應戀

帝聰

安城劉震

累釋兵權

帝未俞卻緣根本重留都路公自合勤機務疏傳其如

二十七

倦病軀翊戴老臣前輩少

賜歸恩與近來無秋風畫錦吳松上光照睢陽舊畫圖

新淦陳壽

累疏求歸始得容非常令典荷遭逢

三朝德望盈天下四紀功勳動

九重曉漏却酣高林夢秋風不鎖白鷗籠鱸鄉佚老

真成趣儘見兒孫從六龍

上海沈瑜

進退如公世所稀歷敷威德派華夷蕭蕭曾劾紫千

年在夷惠清和百世師春遇

九重榮莫比陶情三徑樂無涯平生忠義同金石
績昭昭勒鼎彝

長沙黃鉞

參領南都十萬兵軍中韓范久馳聲早還章綬

朝廷重晚逐漁樵山水盟舒卷有時閑眾望行藏無

媿得全名

聖恩猶不忘勲舊廩秩偏深去後情

西充馬廷用

崇壽錄

二十八

綱維邦正周司馬留守東都宋潞公身事

三朝官十轉名高四海德兼崇明農有志好章綬

俞詔酬功禮數隆歸去林泉老官保鯨魚尊萊約隣

翁

繁昌汪宗器

五色雲中允鳳綸南都清議動簪紳阿衡掌上主

商鼎太傳心頭尚漢臣黃菊有情陪晚節碧山無

夢到祥麟三江此榻誰堪下明月相招自主賓

尚黨李岱

兩浙青衿望平山身都將相早知還

盛世才賢裏誰過明公出處間暇日華亭看鶴舞此
心滄海與鷗閑門前客子從來去高節清風不可

攀

富順黃輔政

恩加官保許歸休

盛世於公進退優八座勲庸兼壽考

三朝德望著嘉猷黃金賜共賓朋醉綠野堂開景
又續韋賢稱晚節都門祖帳一攀留

永新劉稱

崇壽錄

二十九

詔許歸休

寵賚隆清時勇退幾人同進脩四勿工彌篤匡輔

三朝望實崇綠野堂中情最適香山社裏興方濃始終

全德真元老管取芳名汗簡中

建德郎滋

白髮

三朝老侍臣才華何止重南金內兵久典威名顯

宮保新承

寵渥深東海潮生鱸可膾故園霜滿菊堪簪從容進

止如公少一代高風仰士林

崢嶸山李贊

青髮登榮白首歸京塵更不上朝衣嚮亭山猶

思舊江晚冥鴻始退飛

恩命直沾三代貴宦情頗覺一時微秋風官棹

幸見蘆花舊釣磯

番陽彭咸

共誇

榮壽錄 三十

優詔許還鄉公論何人敢抑揚豈獨身心能打是說

令

國事亦擔當清名楊綰堪方駕學術諸儒匪望洋不

足拂衣猶未早乞閒請看幾封章

豫章楊庶

平生忠悃鑒青天釣軸投閑繼往賢駁歷兩京推

碩望持循一節謝餘年沾榮林壑

恩何極翹首星辰夢與章指日

璽書徵老九峰三泖可留連

溧陽史後

聖主謀猷重老臣封章無柰懇辭頻

恩光今復臨桑梓忘憫先會動

紫宸松許候門羅稚子鄰城祖餞擁蹄輪到家正值

秋光暮肥有鱸子美有尊

白曲趙欽

送太子少保尚書定庵張公序

南京兵部尚書定庵張公參贊機務之二年年踰

榮壽錄 三十一

七十遂上疏請老

上不許其明年固請

上又勉留之公不得已起視事又明年求去益切始移

病杜門不出疏累上其略曰臣故華亭儒生遭逢

聖代舉

英宗朝狀元謝一夔榜進士歷刑部主事員外郎浙江

等按察司僉事副使按察使入為都察院僉都御

史史禮王三都侍郎陞南京都察院右都御史南

京吏部尚書轉南京兵部參贊軍謀臣更事

三朝露祿四紀誠布衣之極今犬馬齒踰七袞又手疾
餘年雖圖報之心無窮而濛汜之光有限即一旦
奄然朝露莫遂首丘則臣進由禮退虧義矣惟
陛下哀憐全茲末路幸甚乃弘治己未八月
天子始降璽書若曰以卿

先朝壽考保釐江左何嫌何疾而累章云去頃者詞

切至度不可煩以政其加太子少保給驛旋歸有

司月給俸二石出入其以四人御

上之恩至矣哉於是公扶疾詣部堂望

榮壽錄 三十三

闕頓首謝一時舊都留守諸重臣及縉紳大夫咸慶

炎之為文賦詩以侈言公之高躅

上之寵待而吾三吳之士又相與誦曰公則我邦之傑

茲高風偉節顧可無言為頌遂以序屬意雖愚

不識文字竊難有

英皇光復大寶之四年其庚辰大科之試則我先公文

懿寔維主之當撤棘之晨文字一出莫不轉相玩

讀膾炙人口天下到今稱之豈惟稱之而于時有

識者固以為有是文斯為賢科有是科斯得賢士

將必有豐功盛績矣已而果然至如公者

非獨乎尤不可尚者哉故公提學兩浙人則比

之韓愈在吏部左侍人則比之山濤及茲贊務

都能決去就人又比之文彥博書曰若有一个

其心休休焉以能保我子孫黎民意則以此頌

先朝大科得人所以為今日

國有老成者蓋有由焉書又曰公其惟時成周

之基亦有無窮之聞憲則以此而頌公贊務

都知上足之戒為古風立基聞於無窮者視古人

榮壽錄 三十三

蓋無愧焉此非余言也天下之公言也若夫

多暇凡以彰

君賜會者朋訪釣遊勤吐納其榮其樂不能

然皆繫之公身非關天下之大憲故得而

年九月菊節

通議大夫南京太常寺卿嘉禾呂憲謹序

南京監察御史王倬

杜啓

洪述

戶部郎中邵崇

禮部司務顏綸

郎中錢灝

劉

刑部郎中王佩

張黼

白圻

員外郎韓鼎

主事嚴經

李希顏

工部員外郎時中

主事徐翊

徐珪

鴻臚寺序班朱軌

國子監監丞楊文

翰林院孔目徐瑞

又府治中邢鼎

廣東布政司參議管琪

太醫院院判孫泰

同贈

樂壽錄

三十四

奉贈

官保大司馬張老先生詩致贈繼續禱之意

門牆十載託清塵山斗依崑得古人萬里風雲收

健翹

三朝功業動高旻

聖恩絕勝黃金賜杖屨偏宜綠野春惆悵儀光今

漸遠只從南極望星辰

賜進士出身奉政大夫南京吏部稽勲清吏司郎

中陶生金陵陳錦頓首謹書

奉贈

官保大司馬張老先生致政東還詩

台斗聲華重乾坤事業光老成闕社稷終始協

明良德美如金玉材宏實棟梁儀刑端有在襟度浩

難量典選銓衡正叅戎國勢張調元方藉手投老

遽連章官保

恩光燁天書御墨香雖酬兩疏志寧厭萬天望風

淨秋江棹春回畫錦堂家聲遺清白子姓待翺

翔陶菊猶存舊羅蘭自吐芳丘園多暇日憂

樂壽錄

三十五

國意難忘

賜進士出身承德郎南京吏部司封主事門生姚江

陸相頓首謹書

奉別

太子少保大司馬張老先生致政詩

想著勛猷更保身如公今古幾何人輿情嘖嘖稱

賢傳

天錫源源眷老臣

時聖書錫公月俸

畫錦豈徒榮

梓里寸丹猶自繫

佩宸通家瞻仰儀刑舊別思無端日暮雲

先君長憲折肱為公

同寅縝希通家子弟列素沐青野別後之思其能已耶

賜進士出身奉政大夫南京禮部祠祭清吏司郎中

通家生安成劉縝拜書

恭承

太子少保大司馬張老先生素抱篤實之學操執之

行明果之才措之施為又皆公平仁恕之心正大

光明之業凡歷重任在在感通蓋操存體驗之功

積之深而發之盛也及決去就毫髮不差挺拔流

榮壽錄

三十六

俗噫真金在鎔始終不變其廟堂之獨步者與迺

敢賦此以景仰其盛於榮歸云耳

隆勲偉績樹

皇家四十年來德望嘉人品孤高三代仰

聖恩殊特九州誇還珠服乘留餘彩完璧連城絕點

瑕端到舊堂開綠野越山吳水盡光華

南京禮部司務姻生同邑顧綸頓首書

送

太子少保大司馬張老先生致政榮歸

寶蘊經綸素望深果然出處愜人心英聲懋實

朝野高節清風冠古今機務解來全趙璧

恩榮歸去重南金能令頑懦知恬退孤鳳雲間聳碧岑

先生位極人臣始終全節誠無忝於先哲可為

法於後世天下一人而已豈獨為吳松光哉

賜進士奉政大夫南京刑部郎中郎生張黼拜手

滿天輝月出留都碧海風輕羽翼孤平地登仙誰

辟敕

榮壽錄

三十七

清時解節肯思縶百年宇宙堪繫鼎一派湖山入畫

圖最是

帝心知舊德龍章諱慈向東吳

累牘剛贏

勅一章乾坤收拾上端囊

國恩三世雙花誥家計千年一草堂斗外風霜開老劍

海邊烟水快輕航五湖正與三江接見說鷗夷近

姓張

南京大司馬張公累章引退

上嘉乃德特賜慰留至再至三既又再請

上不得已允之賜勅加官褒獎諱切以公之峻節而有此

是可以徵

帝心之明朝議之公所以處之者有道矣僉謂公是行

也始終完名今古罕儼不可無紀文辱公知且藉
提誨頓忘粗淺僭成二章敬錄以代芹云

賜進士第從仕郎南京行人司左司副臨江秦文頓

首識

送太子少保南京兵部尚書張公致政還吳詩有引

公榮壽錄

三十八

公以大司馬參贊南京機務

朝廷眷注方隆而公請老章至六七上未已

上重違其意加太子少保賜勅乘傳以歸且命有日月

給廩粟二石歲後與夫四名誠異數也憶公僉憲

浙江提學時茂元為諸生幸在與進列距今忽忽

二十八九年迺今遷有公務於南京以衰老乞歸

當道俟報未得目覩公之功成身退人罕克媲而

聖天子所以體貌之者如此其至故不揣輒賦近體一

章以寓仰止之私云

中外官階十數更晚參機務參學榮泰山北斗人

皆仰璞玉渾金世莫名

鳳勅恩加官保重鱸江老看釣船輕鯉生舊冰菁我化

也欲歸田尚未成

賜進士出身湖廣長沙府同知門生四明楊茂元敬

書

紅日真看赤手扶又驚麾蓋出南都古今直節此

元老天地完名真丈夫霖雨車前收八極清風馬

首散三吳此心堪與伊周語浪使人間羨二疏

公榮壽錄

三十九

世路何人早息機急湍一棹眼中稀秋風正起蓼

蘼思畫錦爭看保傳歸仕歷

四朝饒素節名流九鼎剩餘輝庭階喜有龍門客一夕

春雷傍日飛

南京通政使司經歷幕下新淦裴霖頓首拜書

送大司馬張老大人先生致政詩

乞骸已疏動

龍顏老手撐天始放開八座

榮深似海兩京名節重於山衣冠祖道連雲擁簫

鼓樓船載月還喜見兒孫更勤力稻花香滿

間

寓留都門生謝天爵頓首

少保張蒼先生以

大司馬參領南畿機務通以休致固請

朝廷重其事特

賜勅書榮之中有完名全節之稱先生始終進退

論盡之矣生目擊盛事敢無一言以頌

鑰匙門寵任專王函懷請

歸田 天章煥爛

居恩重台輔尊榮晚節全 昭代二疏

明時諸老羨齊肩遙知展省松楸後綠野堂開白晝

眠

太學生泰和龍偉拜書

官保大司馬相公東歸贈獻以詩

懇辭留鑰得東還力瘁功成兩鬢斑心荷

國憂明傍日言當

廷議重移山歸華老非無慮去路司徒合就關

朝野有人

宗社福

九重垂拱亦歡顏

七疏歸心

聖主知禮文綢疊荷 殊私垂紳山斗歸時望正色

朝藩起後思機械不須當面折苞苴何用到門辭欲

知全節完名處四十年心百世師

門生江東劉雨頓首

昔人有云仕宦而至將相富貴而歸故鄉生竊

嘆富貴而歸非有道者言亦非可以語有道也

恭惟

大人先生文勲武業將相兼全

天子托之於根本重地百僚仰之如北斗泰山是誠所

謂有道者而乃累疏上

請真兩疏見幾解組誰逼豈富貴而歸者哉生襄游

鄉校深承不屑之教是亦雨化中一物爾茲者

忝官國學又幸 光範相依今

先生歸矣不識何日可復睹耶勉成五十六字

奉讀

清覽高山仰止或庶幾焉不罪萬萬

乞歸鄉疏達

宸旒秋下惟公第一流兩鬢清霜因

國政半窓紅日是身謀調羹手既歸基自補

袞絲綸上釣鉤自是

聖朝容老散扁舟不似五湖遊

南京國子學正門生分水徐球拜書

恭惟

官保大司馬相公以清才碩學師表一世歷任

今崇壽錄 四十二

中外垂四十年晚還大司馬俾其留功業之

建邺焉寡儔而公知止知足累疏乞骸

陛下勉留不可得

特賜重書命兼官保優禮之典纖悉畢具人皆為公

歆艷泰久蒙憐念展效無由敬賦鄙言申意仰

冀鈞慈曲垂電矚

盛世無雙譽清才第一流憲臺昭茂績銓部闡嘉

猷管簫機宜重

絲綸付託優馭戎持上策經國借前籌瀛洛開閣學

蕭曹丙魏謀四郊消獍貜萬竄肅絕餘孽

綬高車引八驕慣完山甫衮不耻晏嬰袞赫赫真

儒業班班信史收

廟謨裨紫極兵筭溢清油待士公孫閣怡情庾亮樓

德宜師後進功足繼前脩短刺通群彥長筵却五

侯卷舒隨若壯否泰屬行休雅量元無際高標信

寡儔引年頌有疏捧日素無尤穹秩登三少英聲

洽九州眾皆慶不去公獨挽難留鷗鷺堅新約

鸞威舊綺園雖去漢旦與豈忘周調鼎功名遂

懸車志願酬未容今士比宜向古人求市有賢哉

嘆

朝興作者憂仙帆飛綵鷁壽杖擁靈鳩猿鶴供閑況

松筠豁醉眸鱸肥三泖候菊滿九峰秋洛社嬰懷

久香山信足按細評公出處端不負軻丘

南京牧馬千戶所百戶東吳俞泰頓首謹書

一經釋褐起東吳白首清風動

兩都論道登看登八座保躬復

命進三孤疏公老去辭京洛賀監歸來賜鏡湖時上

時行吾道在秋江豈獨為尊鱸

辭開功成便掛冠萬民安後一身安靜觀

春意開對霜松共歲寒着舊過門重結社兒孫統

膝笑承歡日高丈五猶高目翻覺無官勝有官

年生沈暉拜呈

大司馬年兄大人

伏讀

太子少保大司馬張公致仕

勅諭吏部咨一遵拜頌如左

吾松自昔產賢蒙前歲清風被我書十有三遷

序進了來一

勅是奇遭有言不盡平生好無策能如來着高浩謫

聖恩多有密偏於此地見公褒

賜進士及第翰林國史脩撰邑晚學生錢福頓首

再拜

骨鯁賢名海內知連章何事懷求辭新文後進偏

憐我正氣吾儒更有誰臺閣之期司馬相江湖還

繫仲淹思不才叨步東曹後仰止高風倍怵

侍生韓文稿呈

眼中纔見達尊人名稱斯情動

紫宸

恩自

聖心無隙議譽從公道絕囂囂信鍾山嶽英靈氣無

朝廷柱石臣一節始終男子事後生誰不願尊親

門生湯全頓首

郊迎綵旗對聯

元老歸來 荷九重特加三少

兩疏去後 越千載又見一人

少保崇階 感洪恩之特進

上卿極品 承優詔之寵歸

牌坊颺紅對聯

少保榮辭 褒典錫完名全節

華坊傑構 流芳並三泖九峯

錦袂纏梁 千里共雲霞闢彩

玉音題扁 百年與日月爭光

右聯俱松江府迎賀作

榮壽錄 四十六

附錄

贈大司憲張公之任南京序

吏部左侍郎雲間張公定庵以資望

簡擢南京都察院右都御史朝士上下無間識不識

僉曰公名德宜留羽儀班行不得令遠去或謂南

畿

高皇垂創舊典章風化之所自出留臺之任豈其小

哉鄉人士若尚寶丞倪君汝辯諸君子重公此行

交質諸簡以二言爲何如簡何足以知公惟公初

起天順庚辰進士列屬刑曹實於先叔子和之秋

官同事之誼爲甚厚間得聆緒言究觀素履庶或

得其槩耳蓋公明果之才足以有斷而養之以慈

祥寬裕之德足以有容而居之以莊敬介特不阿

之操不可少有干而復從容和易不爲毅然絕物

之象焉譬若金玉然百鍊之操連城之珍用之斯

無不可不用則韜光蓄奇形色闇然耳噫若人者

豈時之小夫謗生得一善效一勞即佔然務鼓

虛聲要倖直而外示深原以罔一世者可令

一哉故方其任職議之者即謂其達之稱及以學
行見於世者浙江學政儀範之卓越程試之公明士
心厭服者謂藩憲及憲長於四川湖廣兩省之間
德宗景皇帝起由是

徵拜都察院僉都御史未幾陞工部侍郎轉禮部再
遷吏部檢飭周慎益恂恂弗勝時冢宰王公臨事
嚴肅衆未易有所騷獨公委曲開導裨益良多然
讓而不居人莫知也然則公之才能德操何施不
可爲國者當爲官擇公而公何擇耶况比聞南都

庶事雖稍稍異舊習而公言直氣凜然足以繫天
下之重者一脈猶存也茲得如公者往而網維作
新於其上風聲所樹十里應之在彼猶在此也豈
曰遠哉且昔宋司馬溫公文正當熙寧之間求判西
京留臺退居於洛者十五年維時海內傾心思被
其澤如弗及此無他養之深故望之重也是又宰
物者所以成就大賢君子之幾非可得而易言者
也簡喜公之南行事適類此臨別之言竊因鄉人
瞻望之私而併以是卜焉

私治癸丑秋八月上丁日

賜進士及第中順大夫詹事府少詹事兼翰林院侍

講學士充脩

國史 王牒葵

經筵講讀官平原陸簡書

宣城伯衛穎

儀賓周鉞

大理寺卿朱奎

山東參議張駿

錦衣衛千戶包鑑

刑部郎中談詔

太醫院判潘澤

中書舍人韓德

榮壽錄

四十九

大理寺司務顧倫

庶吉士顧清

工部員外郎朱思

主事周珣

禮部司務戴儼

進士錢啓宏

光祿寺署正張慶

大官署監事蔣汝霖

順天府通判刑吳

通政使司經歷王臣

定國公家訓導鄭山

太學生

張淵

董恬

富奎

劉鳳章

董忱

鄭鶴

周來鳳

送右都御史張公之南京序

君子之學必中有所主不為物遷凡榮辱恩怨利害生死之變喧擾震撼雜出乎前者舉不足以撓吾之一則吾之志可遂而行業可成苟無所主則雖今日出一奇明日犯一難若可以貫金石蹈水火卒然而失之則破釜或至於失聲簞食不免於見色脩之數十竿而壞之一旦其沈溺委靡其心而不悔者固弗論也世恒謂觀小可以識大舉舉可以見終然亦有不盡然者予是以不能無感於

榮華錄

五十

今君子也右都御史華亭張公舉進士為刑部主事予筮仕時辱後同

朝及出為浙江提學僉事四川湖廣副使繼接察使入為僉都御史蒞事內臺又遷侍御歷工禮吏三部而吏部最久比尚書關諸大臣合薦於

朝不果

命又薦為南臺之長蓋三十餘年於茲矣公之提學身教而令行始以糊名考士尋去之曰我且自疑人誰信我請託覲覲此然不為動觀其意固已置

恩怨利害于度外而士子帖服亦無敢干以私者

其所獎掖或出新進往往取魁甲為顯官若龜鏡

水鑑衆神其明而莫測其所為用凡稱提學之政

莫加焉在內外臺特用奉職為諸司重為卿佐亦

加之而鑒別臧否出於身言資格之外其中所自

立固如此至於官資宦轍未嘗意屬而循次就級

用卒為輿論所推雖高官重任如今日者人猶以

為遠而未盡其用也世乃有重外輕內不惟患行

而又患失之者亦安能保其終不失哉然則寧為

榮華錄

五十一

彼而不為此者亦獨何哉且內臺之職所以肅群

僚振百度兩京所置事體實均此舉命所謂身兼

外而心在王室者吾見其重而不見遠也公乎行

哉其仰副

國家眷注之恩以終天下之望也浙之講大夫士出

公門者感其教望之尤深集而送之河之許論德

王德輝侍讀江文瀾以辭請予故序之而獨詳於

提學之事者則舉其重云

弘治六年八月十二日

賜進士出身中順大夫太常寺少卿兼本院侍講學

士

經筵講官兼脩 國史長沙李東陽序

翰林院侍講黃珣 脩撰李旻 庶吉士周玉

左軍都督府經歷駱龍

刑科左給事中呂獻 女科給事中周旋

監察御史俞傑 謝元 丁養浩

禮部員外郎程愈 主事王綸 徐九齡

翁健之

平二

兵部郎中張韶 員外郎王宥 常麟

主事楊守隅 張時澤

刑部郎中錢鏞 員外郎張鈴 丁哲

陳雍

主事邵莊 童琬 宗佑 陳珂 項亨明

楊茂仁

工部郎中趙年 太常寺博士王恩

光祿寺典簿呂洪

定菴集五卷

兩淮鹽政
探進本

明張悅撰悅字時敏華亭人天順庚辰進士官至
南京兵部尚書謚莊簡事迹具明史本傳是集凡
詩一卷文四卷大抵流易有餘而頗乏雋永之味

巽川祁先生文集十六卷附

錄二卷

〔明〕祁順撰

東北師範大學圖書館藏清康熙二年

在茲堂刻本

附《四庫全書總目·巽川集十

六卷附錄二卷》提要

合刻先集引言

予臆言之也曰有治才必有性慧有性慧必有學術有學術必有理傳儒修臣業培於不能已發於不自知累於不容息予晤

祁老父臺信之信之以其家乘垂勒也癸冬客諸廬入其疆井井登其堂雍雍曰善哉一期可再期成非才餘于廬能乎然而爲刻覈爲武健廬卽治謂淳理何謂雅化何出其在茲堂時莼與出門艸諸詠而知其性慧最上也其性遂其治詳其性和其治諡自不

巽川集

引言

在茲堂

禁歌鼓而舞瑟之廼復出其

老年伯所授先集諸編又知其浸潤于理學非一二世矣夫老年伯秉哲淵潛懷資雄富未竟濟世之長而紹前廸後惟諸編是寄首崇 吳川公公起家進士爲父臺七世大父使海外有皇華集其內歷郎署獻郊祀頌修陳禮樂其外領江閩二省及職守牧宣德布惠繕白鹿洞講敬齋白沙之學立志于警非寡過蓋儒臣之宗乎著有文集十六卷公之弟思正與其子惟舉及惟勤者爲三孝廉而子惟學惟允則俱

進士各有撰作附于集後逮美仲公者出爲父臺四世大叔父又著有匡夷錄綠水園集棲心羅浮訪道于考亭濂溪足跡遍天下又一儒臣也在年伯不必親視事于署而惟寓以儒臣之意卽在父臺亦不必躬請命于庭而聽斷敷施要以儒臣爲令式則其慶于而國光于而家不確信哉是以儒修臣業培于不能已發于不自知累于不容息不惟父臺成進士而比肩同鄉薦復有耀子年翁繼是子姓雲仍流澤方殷無惑乎父臺之穎異恢奇克荷年伯壯志而性慧

集月集

引言

二

在茲堂

最上治才有最優也然則諸編者襲之家則藏書展之世則政譜作之前則典獲播之後則風猷而老年伯越海邦而郵之老父臺罄清俸而壽之光著述于烈祖美慈孝于一家并以彰彝教于江淮之涘異日側身

清廟明堂搜海宇名籍用備一代偉觀予知拜手上之

則亦惟曰有諸編在

康熙二載次在癸卯嘉平之吉南譙年家後學吳

國縉拜叙于冶峰客舍

吳川祁先生文集序

文章與時高下昔人有是言也而君子之論不與焉曰典謨訓誥國風雅頌而已蓋垂世立教渾渾噩噩天地同流何高下可言後世政靡風靡習尚日流於是體裁音律清濁高下之論紛然百出文之變極矣其於垂世立教何如故曰聖人之文化工文人之文畫工非不宛然肖之而求其生意不可得則文之所

吳川集

元序

在茲堂

竭淡而腴約而博意味所至皆出諸其胸中根于理道不事作爲雕刻然者豈其追蹤渾噩備得淳風所致歟先生之文出於自然固如此至論其世則大廷之對名動縉紳朝鮮之使風行海外同校禮闈迭更卽署江閩二省邵伯甘棠石阡一郡文翁教化此其勲名履歷之槩也郊祀慶成之頌白鹿書院之賦廬中丞出處之書自警之贊知非之箴紀事贈言之記序此其制作應酬之大端也至於博文稽古就事立言海內名流更唱迭和先生之文曲暢旁通又如此

蓋中和之積敦大易良溫淳方正爲之本則其資深傳遠復何隱弗彰乎哉余生也晚不及見先生知其世見其文慰矣獨惜文之前後叙跋之未聞也輒不揣因先生之孫儻之請謬廁一言誠凡陋不足以彰盛美後之君子其尚有以訂正哉

嘉靖丁巳冬十一月朔旦眷後學鍾雲瑞謹叙

吳川集

序

二

在茲堂

傳

江西布政使吳川祁公傳 後學徐兆魁謨

公諱順字致和生有異質年十七以春秋領庚午鄉薦登天順庚辰進士廷對策擬首第以姓名俱近御諱於傳臚弗便移置二甲第二授兵部主事管山海關嚴關禁一介不以私代歸轉戶部充會試同考遷員外郎郎中成化乙未建儲奉詔賜一品服使朝鮮關人沿故事集土兵千餘土物萬計從而貿易公悉屏斥惟車騎往詔至其王郊迎不拜公禮諭即拜自

吳川集

傳

在茲堂

就館至返旆凡輿馬金繒聲伎之奉一切麾却三韓君臣相顧駭異爲築却金亭刻使東萊二冊以獻天子嘉焉未幾陞江西左叅政三載進右布政命未下以織造註誤左遷貴州石阡知府石阡僻陋安於夷俗公思以禮教易之乃設館教集儒生暇則親爲講授不啻如文翁之化蜀未數載郡擢科第數人而謹斥墾開屯田廣儲蓄招流移大爲郡人所利賴居五載當道咸以爲淹公恬然若初至於是咸服公卓品以治行薦者屢會憂歸士民號攀弗獲竟解公衣帶

以志去思語具石阡名宦傳弘治癸丑陞山西右叅政乙卯陞福建右布政使尋陞江西左布政使先是白鹿書院久廢公叅藩日捐俸修葺延致四方豪雋有志行者讀書其中復尊布衣胡公居仁爲師以課廸及爲左轄愈加意白鹿詳具敬齋白沙二先生書刻撫按謂公宜大柄用交章薦達三原王公在吏部特疏引之內閣丘公濬劉公健皆重公品并欲引薦公未嘗動念辭以書甚力已兩推都御史未下年六十四卒於任中外傷之公再任江西修實政持大體

與川集

傳

二

在茲堂

庭無私謁潔已惠民之澤甚博公帑不輕動一錢臨終贏可私之金數千侍吏諷其家人謂可持爲歸計公聞睜目戒曰若私此金吾目必不瞑矣卽歸餓死可也公幼學壯行生平期不愧衾影宦跡所至地方一切利病慨然以身任之不能以私徇人人亦不敢干以私學甚博長於著述讀史每有得則筆而記之其闡幽崇正見之評駁皆千古不磨大議祖田百畝外至宦成不加尺寸布衣蔬食終其身泊如也生平行實詳具皇明通紀廣東人物傳江西名宦傳及內

閣費公宏學士張公元禎所撰公墓誌表公家教甚肅與弟舉人頤極友愛生六子二進士二鄉科曾孫復登鄉科論者咸以爲福善之報所著有巽川集皇華集使東萊冷菴翠渠倡和及寶安雜咏按公敏穎寡倫真誠獨任勿負成人之志言笑不輕長懷尚友之風交游必慎才大優經濟學更富縑緇懇懇於報國匡時在在沛甘棠之澤挺挺若孤崖秀幹人人欽表樹之貞以素位居左遷五年若安其故卽宦成無餘橐半畝不加於前當其興白鹿化石阡理學文風

與川集

傳

三

在茲堂

之永賴於今傳頌卽其却夷金遺帑羨皎日寒水之潔操至死分明行履直追古人吟咏悉關世教象賢見羣嗣不殊萬石休風賦志在遺編可作千秋大業縉紳耆舊時勤問詢於年年鄉里衣冠咸式儀型於世世佇彰潛德仰侯采風

應謚錄贊

三山王命璿 廣東巡按

少壯文行著筮仕督邊關天子遴持節奉使朝鮮間
單騎就館舍麾却金縉還築亭旌直氣忠義格胡蠻
窮約心愈壯砥波振人寰石阡遺篇在鴻冥杳難攀
再勘通學公結

天生英傑胸富丘墳垂髫卽領鄉書麟經獨步大對
擬居鼎甲御諱移名初仕權腹關錐刀弗染轉曹分
會棘衡鑑必精適值建儲簡承遠使雅望動東海之
王郊迎下拜清節懾三韓之氣亭築却金君命不辱

吳川集

贊結

一

任茲堂

使藁致嘉屬註江藩左遷貴守開屯廣蓄石阡成富
庶之區設館集儒夷俗被詩書之化一官茹蘖五載
披星忽以號親遙歸讀禮民解衣帶以志思士述循
良而作傳旣而管轄閩中晉司江右念鹿洞精廬乃
道學相承之地而象山講會賴後人遞闡之勤於是
捐瘠俸而葺書堂延胡公而敦師席以故江介多儒
共明義利之辨洪都興學實開倡導之公爲治識大
體品素重於朝廷潔已無私干薦交騰於臺閣何天
不憖遺遽卒于位時囊無長物庫有贏錢侍吏憐貧

語僕持歸之計臨終回視猶遺勿取之言跡其幼學

壯行求無愧於衾影居官做道惟自盡其猷爲以素
位聞仕途屢遷不渝所志宦成無餘積半畝不加于
前崇爰留陰水清徹底理學文章之純粹玉質金相
事功節義之兼全河流岳峙朝笏滿床經訓顯垂
子賢坊表閩忠貞久著鄉邦載披通紀諸書備存芳
躅倘按國家公典堪易嘉名嘗慨老成彫謝未蒙一
字之褒幸今採訪幽潛敢晦九原之素先賢待責後
學同情中間不敢浪言所結是實

吳川集

結

二

任茲堂

通學結

公性行淑均才猷敏練文穿月脇學貫春霓彩筆擢
炎南之桂蚤掇巍科弱冠標上苑之春尋登甲榜因
名諱有干御諱致擬元不列殿元甫典兵曹禁清山
海還司文鑑識剖璋珉使往東韓服隆一品片語褫
四彝之氣星華千里仗威千金嚴一介之辭亭表萬
年旌德榮遷屏翰左授石阡造士士典聳聲昂霄者
咸超蜀俗長民民戴攀轅卧轍者交號神君爰敦岳
牧之司游掌旬宣之職位愈高而心愈下崇賢恢白

鹿之舊基簣雖易而志不踰凜節却青趺于遺義
德政則垂六七郡煦乎過化存神稽著作乃抉千萬
言燦乎天球蒼簡坊標嶺表鄉邦今昔美流風
俎豆宮牆郡邑春秋同廟食此蓋先朝之宗碩而名
世之式型也品已定于生前謚猶遺于身後爰綜士
論仰俟提衡

興川集

結

三

在茲堂

廷對策

皇帝制曰朕惟治天下亦多術矣舉而行之必有其
要傳謂禮樂刑政四達而不悖則王道備然而
其要固不出此四者而行之亦有先後緩急之
序歟唐虞三代所以措天下於雍熙泰和之盛
者率用此道可歷指其實而詳言之歟後之有
天下者莫若漢唐宋其間英君誼辟亦有用此
道者然而治效不能比隆於唐虞三代其故何
歟朕嗣承

興川集

廷策

在茲堂

祖宗鴻業孜孜圖治夙夜不遑禮樂刑政亦既脩舉而
並行之矣而治效猶未極于盛何歟茲欲究禮
樂之原求刑政之本行之以序而達之不悖用
臻唐虞三代之盛其道何由于大夫潛心經史
有年矣其詳著于篇朕將採而用焉
天順四年三月十五日

臣祁順

臣對臣聞欲盡為治之要者固當循其序欲求
為治之序者尤當探其本蓋禮樂刑政治之序

也先明諸心治之本也大哉心乎其禮樂刑政
所由推乎至哉禮樂刑政乎其治天下所當務
者乎本諸心以制禮則禮得其序本諸心以作
樂則樂得其和至於明刑脩政六者舉此而措
之耳唐虞三代之治所以極其盛者以其能盡
乎此也漢唐宋之治所以不古若者以其未盡
乎此也我

朝

列聖相承治隆化洽庸非此道之克盡乎欽惟

吳川集

廷策

二

在茲堂

皇帝陛下稟聰明睿知之資脩剛健中正之德才足
以闢乎鴻猷道足以躋乎皇極曩者嗣位十有
餘年心運乎方寸之間化達於遐荒之外茲焉
復登寶位允愜天人揭日月於重明闢乾坤於
再造萬幾獨斷庶績咸熙然猶體道謙冲求善
如渴乃進臣等於

廷策以禮樂刑政之次序詢以禮樂刑政之本原

臣有以知

陛下之心卽帝堯詢于舜堯大舜好問好察之心也

臣雖愚陋敢不精白一心以奉揚

聖天子之休命臣惟帝王之治天下莫不有其術亦
莫不有其要論其術固非一端舉其要則在於
禮樂刑政四者而已傳謂禮樂刑政四達而不
悖則王道脩信哉言也聖人因天地自然之序
而制禮於是有三千三百之條因天地自然之
和而作樂於是有五音十二律之節蓋禮所以
節民之心而樂所以和民之聲也禮樂作矣而
民之倦怠者則政以正之使紀綱法度之昭明

吳川集

廷策

三

在茲堂

政行矣而民之恣肆者則刑以懲之俾典刑居
禁之有則蓋政所以率民之急而刑所以防民
之奸也然四者摠而言之固不可偏廢分而言
之則又有其序焉由禮樂而施刑政則政善而
刑中外禮樂而行刑政則刑乖而政謬此禮樂
當先而刑政當後也禮樂所以淑人過乎禮樂
是過於養人刑政所以治人過乎刑政是過於
害人此禮樂當急而刑政當緩也誠能循其序
而施之舉其道而達之則王道脩而治效臻矣

稽之於古唐虞之時伯夷典禮直哉惟清后夔
典樂神人以和五禮三禮之脩明大章大韶之
繼作此堯舜本諸心而作禮樂也由是施之於
刑政則庶績咸熙九功惟叙而政善矣明于五
刑惟明克允而刑清矣當時黎民於變而萬邦
協和四方風動而從欲以治非其效之所必臻
歟夏商周之時忠貞文異尚于丑寅迭建六禮
五禮之有掌大夏大武之有制此禹湯文武原
諸心而作禮樂也由是推之於刑政則典則之

吳川集

廷策

四

在茲堂

貽風愆之戒司馬之掌而政舉矣獄成之告湯
刑之作司寇之掌而刑明矣當時文命誕敷而
兆民允殖四海永清而垂拱以治非其效之所
必致歟自是而後稱善治者必以漢唐宋爲言
漢之七制雖曰賢君然爲治不明諸心者衆矣
故論其禮樂雖有綿蕞草具儀昭容德容之舞
不過禮樂之文耳夫禮樂旣不足道則所謂綜
核名實三章九章者何足以爲刑政乎是以漢
之治雖有黎民醇厚幾致刑措之風終不可與

唐虞三代而並論也唐之三宗雖曰賢主然爲
治不本諸心者多矣故言其禮樂雖有貞觀開
元之禮二部九宮之奏不過禮樂之末耳夫禮
樂旣不足尚則所謂府兵之法舊格新格者何
足謂之刑政乎是以唐之治雖有斗米三錢外
戶不閉之盛終不可與唐虞三代而齊驅也迨
夫有宋之興四聖繼作禮有三禮之圖有開寶
通禮而禮書義纂無非禮之所寓樂有和峴所
定有李照所定而名數鍾律莫非樂之所存然

吳川集

廷策

五

在茲堂

皆不本諸心而制之也故其刑政雖有七條三
等之制刑統編勅之書亦皆苟焉而已也其治
效不能比隆於唐虞三代亦豈無故哉三代而
上以是心而致治則禮樂舉而刑政由以脩此
其所以極于盛也三代而下外是心而求治則
禮樂乖而刑政失其道此其所以不古若也有
能追其盛而振其衰者惟我

朝乎洪惟

太祖高皇帝創業垂統

太宗文皇帝繼體守文而禮樂刑政既倡明於先

仁宗昭皇帝繼承至治

宣宗章皇帝丕闡洪猷而禮樂刑政復洋溢於後是以

治教休明民物康阜殆百年于茲肆惟

皇上纘

列聖之鴻圖守

列聖之心法孜孜圖治夙夜不遑制作成功有加於昔

節民以禮和民以樂而禮樂之教並興道民以

政齊民以刑而政刑之典兼著人心以之而化

吳川集

廷策

六 在茲堂

治效以之而彰然

聖心猶以爲未極于盛必欲躋于唐虞三代而後已

焉臣又有以知

陛下之心卽堯舜兢兢業業成湯檢身若不及文王

望道如未見之心也夫以天下之大兆民之衆

一夫不歸于正不害爲禮樂之化未乎一民不

叶于中不害爲刑政之效未洽然欲極其效之

盛者亦惟求其本原而已本者何心是也以心

而施之禮樂由禮樂而達之刑政由刑政而達

之天下非行之以序而達之不悖者乎孔子曰

人而不仁如禮何人而不仁如樂何是人心爲

禮樂之本也又曰禮樂不興則刑罰不中是刑

罰爲禮樂之推也得其本而循其序又何治效

之不可至哉臣願

陛下效唐虞三代之君以是心而制禮則禮教旁達

莫非天理自然之節卽禮運所謂與天地同節

也臣願

陛下效唐虞三代之君以是心而作樂則樂音敷暢

吳川集

廷策

七 在茲堂

莫非天理自然之和卽樂運所謂大樂與天地

同和也推此心之和序而立政則一號一令皆

得其當而所謂虐政者無有焉是

陛下之政無異於唐虞三代之政而與書之所謂德

惟善政詩之所謂敷政優優者同一揆矣推此

心之和序而明刑則一刑一罰皆當于理而所

謂慘刑者無有焉是

陛下之刑無異於唐虞三代之刑而與易之所謂明

慎用刑書之所謂刑期無刑者同一致矣禮序

樂和則爲治之本立政善刑中則爲治之用行
將見林生摠聚者莫不順

帝之則而爲禮樂之是遵含齒戴髮者莫不歸

帝之極而惟政刑之是式道德一而風俗同天地位
而萬物育是

今日禮樂之化卽唐虞三代禮樂之化而視漢唐

宋於下風矣又何未極于盛之足憂乎

今日刑政之效卽唐虞三代刑政之效而下漢唐

宋於數等矣又何未極于盛之足慮乎其效驗

樂川集

廷策

八 在茲堂

之大所必致者如此然究其由則皆人君一心
之所發耳吁心之體至微而不可測心之用至
大而無以加故善爲治者未有不本于禮樂刑
政善用禮樂刑政者未有不本於一心也雖然
君心固爲禮樂刑政之本而用賢又爲禮樂刑
政之助使典禮者皆如伯夷周公則禮教奚有
不舉使典樂者皆如后夔師曠則樂教奚有不
興脩政得如舜之五人武之十人則政足以養
民矣明刑得如舜之皋陶周之蘇公則政足以

弼教矣故曰爲政在人又曰賢才輔則天下治
此之謂也臣學不足以通經史才不足以躋時
用然膺賓興而來幸得立

主階方寸地孰不欲陳一得之愚以爲海嶽涓埃
之助乎

陛下不棄芻蕘之見於臣所言者試採而用之倘萬
一而有效焉亦臣區區犬馬之忠也天下幸甚
生民幸甚臣干冒

天威不勝戰慄之至惟

樂川集

廷策

九

在茲堂

陛下憫其愚而留意焉臣謹對

吳川祁先生文集卷之一

七世孫文友重刻

頌

郊祀瑞應頌

天眷皇明開億萬載太平之業自太祖高皇帝垂統以來聖聖相承懋昭丕績我皇上嗣膺寶曆益光前休妙運一心亭毒庶類敬天勤民兢惕靡寧於是中外攸同嘉禎駢集凡有舉動天必應之乃成化六年春正月大祀天地於南郊先期集百司告以戒誓遂御齋宮端笈惟謹戊子駕適天壇風恬日熙物象舒暢至夜半瑤空無雲星斗明徹皇上袞冕執圭對越於天公卿百執事罔敢弗飭庶物豐潔精誠感孚上下人神踴躍懽慶是夕有甘露降於壇中松栢枝柯凝沍一色湛湛瀼瀼瑩白甘美衆觀而異之咸謂天心昭報神速如此臣聞先王修禮以達義體信以達順故天不愛其道而膏露降焉孝經授神契曰德極于天斗極明日月光甘露降鵬冠子曰聖人之德上及太清下及太寧中及萬靈則甘露降而晉書亦以

吳川集 元 卷一

在茲堂

吳川集 元 卷一

二

在茲堂

徵休缺謹拜手稽首以爲頌曰

於穆聖皇輯和萬邦登三邁五超軼漢唐仁洽幽明德格天地曷將其衷有嚴祀事維歲庚寅維時孟春涇于南郊大舉禮文龍駕甫臨乾坤增耀兵衛分羅臣工奔趨我皇將事登降有儀凡預祿將惟敬是持雅樂鳴空燎光飛電牢醴具陳玉帛交薦芳馨騰達夜景昭融百神在天有感必通日君月妃嶽祗川后煥赫萃麗如屈左右神之格只獻嘏毓祥甘露夜零天乳垂光密綴紛霏溥松沍銀珠玉液瑩然一色

甘流潤滴積素凝脂濃麗鮮華不隨日晞臣民聚觀
且嘗且挹天酒如飴神漿如蜜適期而至匪後匪先
布瑞天壇夫豈偶然其瑞伊何郊祀之應何以召之
皇心之敬金莖玉掌寶甕丹丘以彼方茲霄壤不侔
大禮告成中外忻豫皇天申命永錫帝祚申命無疆
配命弗忘聖壽萬年地久天長申命無已受命不替
聖子神孫永奠四海四海治平禎祥疊生廣化如天
咸仰大明

賦

吳川集 元 卷一

三 在茲堂

別知己賦

余同年進士惟焯薛君擢南京戶部主事適
余居守東關弗克餞別因效韓昌黎賦別知
已意作此寄之

余生嶺海之南今嗟僻遠而寡隣勉孜孜於取友今
期進修以成仁戒三損而遠之今求三益而與親驅
余車以抵中州今就天下之名士紛總總其好修今
咸騁能而誇智余濩落之無類今欲投分其焉齒曩
叨進於賢科今挹多士之下風雖所友莫非勝已今

吳川集 元 卷一

四

在茲堂

惟知心之難逢尋視政於地曹今得夫君曰其同偶
志乎與情合今非柔佞而苟從則共出入金門今日
往來乎公署檣書林以翱翔今遊藝苑而容與以忠
信爲柄鑿今仁義爲之規矩會衆辨俾同歸今何參
差之異序謂此歡可恃今愛此情之不可忘俟席分
而臂解今嘆離合之靡常余方承命以東駐今君又
拜官而南行昔相去猶咫尺今各處乎一方念此
別會何時今能不熱乎中腸惟士之抱材今將以用
世也侍重瞳以獻納今羌衆人之志也胡同趨而異
路今或求璞而釋美也置騏驎於外閑今匪伯樂疇
知己也噫或遠或近今天與命爲之司吾儕之安命
今乃順天而樂之矧道在已今無施弗宜盡吾道皆
所以事君今豈以彼此而異爲想行裝歷吉今指鍾
山而計程踰淮泗以渡江今官舍在於金陵覽舊都
之形勝今又得結乎良朋審余處此踈僻今將誰與
今合并極雙眸於千里今心耿耿如懸旌草連天其
杳杳今雲擁樹其真寔托飛鴻以片言今羌不盡乎
平生諱曰幼學壯行夙所勉今近不吾加遠不損今

內懷瑤象佩瓊琚今滋蘭樹蕙畦揭車兮芳澤雜糅
存昭質兮白首相期始終如一兮

謁箕子廟賦 使朝鮮作

有商之哀兮大道沉淪女戎煽處兮積粟成塵荒亡
敗度兮虐焰肆氛藐天威之不戒兮遠忠言而罔聞
嗟哉夫子兮遭時孔疚義爲大臣兮親則諸父視祖
烈其至重兮敢怆然而安處方象箸之始造兮憂未
流之莫支進藥石於俞綏兮與沈痼之可醫羗狡童
其弗悟兮嗜葷薶而如飴耿余衷之激切兮獨遑遑
吳川集 元 卷一 五 在茲堂
乎何之顧微子之已去兮余安忍復背其君也嘆比
干之旣死兮余安可徒隕其身也甘隱忍以晦迹兮
乃佯狂而爲奴傷宗社之覆墜兮抱鳴琴而嘆吁夷
羊滿野兮麥秀故都非夫子之不力兮良天運之已
徂維朝鮮僻在東土兮實夫子之封國祠宇久而彌
新兮儼清風之如昨服八條之教令兮安蚕織而耕
鑿信德盛以流光兮足廉頑而敦薄吾生數千載下
今偶奉使而過茲想儀刑以起敬兮懷不盡之遐思
書有九疇兮易有明夷仲尼有贊兮宗元有碑斯夫

子之道大兮又奚用贅乎一辭

白鹿洞書院賦用晦菴先生韻

粵南康之有郡兮據吳楚之封疆由名賢之過化兮
民俗不變而淳良村落僻其近郭兮紛隱映乎林塘
繁白鹿之幽勝兮在東北之重岡昔山人托迹于斯
今後復剪其榛荒臺榭屹乎輝映兮花木鬱其芬芳
暨南唐置學兮曰廬山之國庠降五老之突兀兮吞
彭蠡之汪洋尋大振其聲教兮際宋朝之休運山若
增而巍巍兮泉若濬而混混禽鳥樂以和鳴兮豺虎
避而深遯九經於焉頒賜兮群士於斯乎講問逮紫
陽之興建兮慨然懷乎先進書有積而田有給兮樂
教養其無倦寄衷情于賦詠兮粲幼婦兮外孫顧斯
文其在茲兮豈吾徒之私論慨斯人不常存兮道猶
寓乎遺書矧教條之昭晰兮誠萬世之楷模何喪亂
之屢經兮莫圖舊而重詎聖澤爲之下壅兮學徒廢
其樞趨幸治教之休明兮屬一統之皇圖郡侯憲史
相繼而修復兮展夙心之勤劬進諸生以道德兮外
聲利而屏除彼垂涎於公相兮陋韓公之訓符子登

吳川集 元 卷一

六 在茲堂

臨而假寐今夢先哲之羣集儼杏壇之講授今紛堂
升而室入回庶乎其履空今雍無事乎口給點鳴瑟
以詠歸今參省身而傳習踵夫子之步趨今嘆文王
之熙緝呼予前乎丁寧以告戒今忻仰瞻而却立授
予以明誠之要訣今日擇善而固執忽驚寤如有失
今幸遺言之可拾仰高山予起敬今見千仞之蒼絜
攀桂枝以延佇今羌偃蹇其相樛世有異而心不殊
今聊想慕以優游夫豈耽山水之爲樂今徒漱石而
枕流願辭榮於宦海今假林壑以消憂從吾心之所
吳川集 元 卷一 七 在茲堂

好今更於世乎何求

光風霽月賦

寶賢主人出類超群金枝玉葉瑞鳳祥麟登仙源之
類譜爲藩國之儲君身荷九重之寵德乎三晉之民
樂道而忘勢博學而好文軼東平之往轍襲河澗之
遺芬力振儒風躬希往哲片言相契華扁斯揭厥扁
伊何光風霽月於以接乎目而得乎心不徒誦紙上
之陳說一日召吳川生於堂而喻之曰有美斯堂風
月洋洋吾愛之不忘予能爲我一發揚乎吳川生承

命驚悸且拜且辭辭而弗獲勉強賦之維風之光與
月之霽不在乎他在吾心耳人之一心包羅天地其
虛足以具衆理其靈足以應萬事蓋感而遂通之用
原於寂然不動之體體雖藏於方寸實廣大而無虧
用雖發於方寸實流通而不已欲論吾心惟天可比
天之本清積氣皆澄萬里無雲一塵不生光風悠然
而動物霽月皎然而流形挹其氣者心悅而神怡瞻
其輝者耳聰而目明心之本清私欲不作天君泰然
靈臺湛若藹藹乎光風之披拂朗朗乎霽月之昭焯
吳川集 元 卷一 八 在茲堂

述之者愈久而愈新親之者可愛而可樂此光風霽
月之大凡也寶賢主人曰吾儒風月厥有自來求之
往古幾何人哉吳川生曰昔在孔門從游三千上繼
往聖下開群賢播杏壇之芳馥濬洙泗之淵源風雲
詠歸則曾點之狂可與簞瓢自樂惟顏氏之子爲然
斯皆契乎一理之妙而自得乎胸中之天故以孔顏
言之道德氣象無非光霽不可得而名焉秦漢而下
聖賢道否天理不明人欲以熾正學不傳異端蠶起
人各挾其私智以馳騁於一世歷唐及宋千有餘禩

聖遠言湮曷勝其弊爰有周子生於春陵應五星之瑞爲一代之英性天誠已博學力行雍容純粹玉色金聲陋於希世而尚友大千古惠於求志而短於取名溪澗之濱可以濯纓林壑之下可以適情所養內克泰然自得不俟師傳匪由知索窮萬物之本原探造化之至蹟建圖著書幽秘開發推太極陰陽之奧明仁義中正之極天人性命之微脩己治人之要莫不具載於方冊使循守者不淪於固滯高遠者不墮於荒忽詭經僻說無所肆其誣私意小智無所容其

吳川集元

卷一

九

在茲堂

惑異端虛無之教以之而晦五伯功利之習由之而息其有功於斯道豈俗學所能識哉愛庭草之交翠嗜溪流之紺寒窮顏淵之所樂體夫子之無言接洙泗千載之統啓河洛百世之傳故其人品甚高胸次洒落私吝不留表裏融燐光風霽月洞然開廓此山谷之所稱於濂溪爲無忤蓋善形容有道者之氣象匪阿私而臆度也自是二程得吟風弄月之趣堯夫有風花雪月之詩百世之下聞其風者猶將咨嗟興起之不暇而况親炙于當時者乎寶賢主人曰古人

遠矣風月如昔吾心慕之何脩而得吳川生曰世有不同而同者此道道有不同而同者此心以一心而相契曠萬世而可誅誠能廓虛靈知覺之地循克念克敬之箴使方寸常明不爲物欲之蔽天理常在絕乎私吝之侵將見光風霽月之氣象不在古而在今於是寶賢主人喜而歌曰風月無邊今一堂之間吾友茂叔兮吾師孔顏精神相感兮夢寐往還吳川生拜而和曰萬里昭融今片心坦夷古今一致兮聖賢同歸此風此月今何幸復見於斯

吳川集元

卷一

十

在茲堂

寵章純孝賦

人之百行以孝爲先天經地義萬古攸傳原於上天之降衷出於性分之自然非由外而鑠我無智愚之或偏奈爲氣稟所拘物欲蔽牽衆人蚩蚩鮮克全其天全之者誰惟聖惟賢是故虞舜獲獲齋栗於瞽瞍之側文王問安視膳於王季之前周公成文武之德而追王前代漢文遭薄后之疾而嘗藥三年若夫生盡力而死盡思則仲由與負米之感子欲養而親不逮則臯魚抱風木之憐斯姑舉其一二餘未得而詳

言也。惟我朝以孝爲治，列聖相承，惓惓注意，明孝之誥既頒，旌孝之典尤備。孝順事實，善歷載乎古人五倫一書，孝實爲之根抵。聖制昭明，明道攸繫，天下家傳而人誦，海內化行而俗美。爰有王儲挺出，宗藩枝分，玉葉派衍，仙源國控，河山之固，位當王爵之尊。然而馳騫詩書之府，優游道德之門，探聖賢之蘊，與究吾道之本根，爲善最樂，大雅不群，至孝本乎天性，愛敬篤於二親，法大舜克諧之道，效文王視膳之勤，繼述之名，視周公而無愧，嘗藥之禮，比漢文而益敦。

吳川集

元

卷一

十二

在茲堂

蓋皆形於實德，匪徒事乎虛文，俄而慈範長違，淑靈遠隔，痛厚地之已傾，叩蒼天而何益。皇皇焉如有望而弗至，瞿瞿焉如有求而弗得，荼蓼增其悲苦，風木助其淒惻，大事既襄，中情罔極，思結廬於墓傍，盡平生之哀戚，事聞于朝，天子嘆吁，謂茲孝行，世俗所無，然家國至重而不可離，禮貴得中而不可踰，雖孝心之無窮，寧禮制之是拘，於是璽書裁答，嘉獎無已，雲霞燦爛，奎壁盈紙，勉以從中之言，彰其至孝之美，九重之寵，霽雨露以無窮一字之褒，非華袞之可比，王

儲承命，感徹心髓，念茲在茲，有永無替，此寵章純孝之所以名士夫，贊述之所由萃也。維茲孝道，闡係彝倫，本之於心，行之於身，推之可以事君，措之可以治民，小則化強暴而格物類，大則動天地而感鬼神，上自天子，下至庶人，位雖有尊卑之異，孝則無貴賤之分，惟衆人之難能，而王儲之克踐，求之於古，固已寥寥，徵之於今，實爲罕見，是宜德洽三晉之區，風行四方之遠，人心以之感動，風俗由之丕變，豈非躬行妙於感應之機，孝道本於同然之善也。耶，藩省愚臣躬聞至行，庸述厥由，形諸賦詠，于以發王儲孝思之情，于以侈天子褒嘉之命。

吳川集

元

卷一

十二

在茲堂

辭

陳烈婦哀辭

李母陳氏在宋季年，囑其子佳事，切主于厓山，臨別與訣曰：勿以我故而懷二心，遂趨廣赴水而死。子觀古之賢母，能成其子者，不但孟與陶而已。有若王陵事漢其母以死，送使考，陵卒成大功，不亦賢乎。然陵母爲項籍

所留死以勉陵宜也今觀李母無他迫繫而
送其子以必死疑亦過焉雖然宋末綱常不
振學士大夫皆以死節爲難婦人成其子以
忠義而不恤其身其心必有所安矣是宜辭
以彰之

有子今勤王有母今不逞以將子別母今涕泗彷徨
母囑子兮慷慨以行指扶胥兮重太息望崖山兮思
何極海波兮滔天白日兮將夕丈夫致身兮擇所歸
忠孝兩難兮寧忠之爲母沉於波兮以死送之死生
永隔兮時能不悲波靈泣兮愁苦風伯號兮淒楚終
天地兮悠悠母之名兮千古

吊邵廷琄將軍辭

南漢禹餘宮東面招討使內侍監上柱國邵
廷琄劉銀愛將也宋太祖受禪廷琄言於銀
曰漢承唐亂居此五十年幸中國有故干戈
不及而漢蓋驕於無事然兵不識旗鼓而人
主不知存亡夫天下亂久矣亂久必治今真
主已出其勢非一天下不已宜脩兵爲備不

吳川集

元

卷一

十一

在茲堂

然悉耶寶奉中國遣使通好銀情然不以爲
慮及宋師南伐銀所遣將戰死始思廷琄言
命廷琄以舟師出洗口有諳之者銀遣使賜
死士卒排軍門訴無反狀不能救爲立祠洗
口廷琄東莞人邵村卽其族也

吳川集

元

卷一

十四

在茲堂

世有竭忠以致怨今吾不知其何因非夫子之不幸
今蓋遭時之不辰嗚呼危哉大宋勃興今天命歸矣
南漢昏冥今霸圖衰矣小不可以敵大今人不可以
逆天匪脩備則通好今乃人事之當然陳片辭之懇
款今由忠誠之內宜彼倭倭其弗寤今羌獨以爲狂
言怒斥參苓今諱藏痼病焚棄五穀今烹羞董穉宮
庭之不處今置身檻穽以醜毒爲良味今謂坦途爲
險徑曾數宮茵今獸觸門墻井石千于今悉以爲祥
於物理猶弗察今又何辨於奸良緊庸愚之壅蔽今
固賢哲之所怪寧盡心於所事今忍坐視其顛敗握
舟兵于要境今脩邊備而弗懈人方恃以爲安今忽
罹譴而遭害謫何親而可愛今忠何辜而見仇豈天
運之使然亦人事之所羞身雖歿而名存今在夫子

夫何尤覽芳祠之舊趾兮山水助其清幽系曰浮雲
冥濛吁瞻露兮霜露淒慘霰雪侵兮麟鳳就烹梟狼
橫兮梁摧棟落大厦其傾兮比干之剖周克商兮吳
殺子胥國以亡兮自古有之吾又何傷兮

吊熊飛將軍辭

將軍東莞人有武畧善騎射宋末勤王以兵
會制置使趙潛復韶廣後同新會宰周逢龍
往南雄捍禦潛又遣偏校劉自立守韶州元
將呂師夔張榮實度梅關逢龍戰死飛退保

吳川集

元

卷一

五 在茲堂

韶州呂張至飛守城力戰適自立潛以城降
飛巷戰而死

有宋之顛兮大勢斯徂天地震驚兮江河倒枯邦家
離析兮宗社丘墟間關嶺海兮喘息須臾傷人心之
渙散兮英雄淪死如將軍之勤王兮世其有幾嗚呼
將軍兮忠義之儔氣吞六合兮志橫九州悼時之危
兮分國之憂排蒿華之坵塍兮遏滄海之奔流舉義
師其桓桓兮咸以一而當百斬降臣之叛逆兮復韶
廣之疆域幸天命之未絕兮回日月於傾仄忽凌江

戰跡兮遂退保於韶陽思整兵以禦敵兮蓋薪卧而
膽嘗何小人異心兮私夜縱而潛降據孤城而無援
兮兵氣爲之不揚欲偷生以改事兮非將軍之所志
決一死於巷戰兮寧舍生而取義人莫不有死兮惟
得所之爲安心既識所從兮死有重於泰山付成敗
於天命兮夸忠節之爲難吾固知將軍之旨兮垂信
史而弗刊

東莞志書熊飛勤王隸文丞相麾下元將黃世雄
欲脅之降飛聞益王卽位乃以兵應制置使趙潛

吳川集

元

卷一

六 在茲堂

今考飛先爲黃世雄守潮惠聞潛至始應之是爲
景炎元年時文丞相師次汀州益王遷潮州飛戰
死於韶亦是年也夫旣爲世雄守潮惠則何嘗隸
文之麾下耶所謂脅之降者又何據耶豈以初守
潮惠爲非而爲之遷就耶吾意飛志於勤王久矣
以無援故不得已而寄迹於潮惠之間潛至卽應
之俟時而動耳戰死之名昭昭史冊潮惠之守豈
爲累耶

沈御史肆哀辭

文林郎監察御史青壁居士沈君既卒且葬其兄廣州太守公禮以諸名公所撰青壁遺風一編徵予言予閱之乃知居士之才行有大過人者自幼聰穎異常兒稍長力學不倦人以遠大期之既而發解秋闈馳聲六館及試禮部對大廷復居上第非才之超異弗克臻此釋褐官內臺卓有風裁同寅莫不推敬尋丁內外艱歸而廬墓者四年蔬食飲水未嘗少進滋味其行之卓絕又豈易能哉惜乎年不滿德君子哀之然而孝行於家忠達於朝名譽播之天下雖死猶不死也雖然以斯人之賢而所成就乃止於此耶辭曰

栗川集元

卷一

十七

在茲堂

昂昂龍駒千里疾驅胡踣其足于坦途也矯矯冥鴻排雲遡風胡傷其翮于太空也繁君之生拔群冠英瑰奇豪邁自天成也早遊泮庠聲譽聿彰書林藝苑恣翱翔也擢科棘闈進對丹墀恩榮薦加咸曰宜也義義牙冠挺立朝端風裁稜厲能其官也按部于畿有宏厥施吏敬而威民則懷也大故倏聞痛不顧身

歸廬墓旁逾四春也才行兩全既白且堅視古無讓今所鮮也宜壽而昌載譽載揚天不憖遺去何忙也生無百齡而死則寧維忠維孝垂令名也我思若人景仰惟勤寓哀以辭亦義之敦也

張壽夫哀辭

翰林庶吉士張君壽夫之卒也大司徒關西楊公爲表其墓司徒門下士多爲詩以挽之余讀而嗟焉以爲壽夫之才之美使得行其志以底于成當有大過人者奈何名方重於

栗川集元

卷一

十八

在茲堂

一科年未克乎二紀藏器以歿天實奪之是誠可哀也已然脩短雖懸於天而不朽則存乎人昔王逢原邢敦夫皆有才而壽不永逢原之墓王臨川誌之敦夫之墓黃豫章誌之二子之名所以傳至于今者由其生有足稱而死獲所託也壽夫之文章著於科弟其學行信於朋友而又遇夫大手筆以表見其平生是固足垂永久矣年之多寡奚庸計哉因序此以慰壽夫於地下且爲之辭曰

吁嗟壽夫天胡厚子之才而奪子之速質秀異今性
仁淑富文章今占科目班玉筍之清流播詞林之芬
馥孰知斯人今不享遐福世之有餘今子之不足慨
浮生今登舟嘆虛名今焦鹿嗚呼哀哉車發軔今孰
推其輪壁離璞今孰掩其珍志之大今鬱而弗伸業
之勤兮徒苦厥身曰善人必壽今而子不永年也曰
仁者有後今而子獨不然也豈天道之弗察今抑造
化之或愆也緊道德華身今學又有成雖失彼而得
此今孰重而孰輕司徒恤爾今墓石有銘垂百世以

粟川集

元

卷一

在茲堂

不泯兮諒於斯而足徵

禮部郎中陳公誄辭

忠義人臣之大節也世有殫力官守殲身王
事者君子必以烈丈夫稱之若禮部主客司
郎中陳公是已公廣之增城石灘人洪武中
以賢良薦授前職已而左遷雲南曲靖府幕
官尋署劍川州事時劍川倭寇竊發來攻州
城公不欲爲偷生計親率壯士禦之力戰而
死噫若此者謂之烈丈夫非耶公歿迫今七

十餘年琴軒陳先生已銘其墓然誄未有辭
無以較實揚微實爲闕典是用追實其行而
私爲之誄焉誄曰

有美陳宗世稱閎閎文物衣冠望於南越維公挺生
邦之豪傑早膺薦剡達乎金闕初拜春官恭勤弗輟
左遷遐方白壁無缺署事劍川時多寇孽聚衆攻城
雖其不替公曰奮哉吾斯必絕挺身力戰死全臣節
天照丹心地藏碧血煙雲模糊山水幽咽嗚呼哀哉
人皆有生碌碌無別公生而賢早登朝列人皆有死
吳川集

元

卷一

二

在茲堂

名與身滅公歿而忠光爭日月如金之堅如雪之潔
如松之貞如霜之烈宰木已拱碑文高揭載陳誄辭
永照先哲

漢江詞二首

朝舞作

江水兮悠悠車馬雜還今江之頭駕樓船兮橫波蹇
吾渡兮安流命豐隆兮追隨令飛廉兮先驅山紛紛
兮在旁雲飄飄兮迂予放懷兮浩歌舉盃兮延滯人
影兮波心鳥飛兮天際擊幽蘭兮東臯采芳芷兮南
浦望美人兮不來結佩纓兮容與

古渡今熊津春波碧今天光粼粼有客今來遊紛旌
旆兮如雲呼魚龍兮後先麾蛟鼉兮左右波神駭兮
迅奔川后揖兮迎候酌雲液兮嚼瓊珠擘麟脯兮膾
文魚天風兮吹衣恍吾登兮仙都望天涯兮渺渺聊
詠歌兮一笑日將夕兮不可久留思停舟兮就道白
鷗兮雙飛安得與爾兮忘機

吳川祁先生文集卷之一終

吳川集

卷一

二十

在茲堂

吳川祁先生文集卷之二

七世孫文友重刻

四言詩

東江隄

在東莞縣東七十里自京山至司馬頭延袤
萬餘丈護田九千八百餘畝宋元祐中邑宰
李岩始勸其後姚孝資趙善週二宰脩之元
大德至正間鄧榮楊大舉二令前後修治俱
有成績皇明正統五年邑丞周式重新築至
今完固民賴焉

吳川集

卷二

一

在茲堂

維城寶安東七十里平田畇畇俯瀕于水水數爲災
汜濫無已播藝苦艱田業交廢在宋元祐有疑李侯
拜命來官厥政允脩憫茲良產百不一收聚材鳩工
營創是謀取石于崗取土于隍環田爲堤餘萬丈長
築之登登望之堂堂蟠螭橫鋪蛟龍互翔厥功告成
足歷永久膺膺膏腴歲獲大有暨姚暨趙克紹于後
補其潰缺俾復其舊歷元之世又百餘年人不常存
堤不常堅大防一失巨浸滔天田廬陸沉黎庶顛運

前有鄧侯後獲楊尹不忘前功深悼民隱偷安匪難
心所不忍興役雖勞職所當盡爰相爰度爰復舊規
民力不傷民心愉怡安生樂業俗恬以熙施于子孫
曷有已而迨入我朝堤尚如故數十年來不怠脩補
至我周丕完治尤固捍民之灾俾獲其所民獲其所
頌聲以形恒產不虧室家攸寧德在人心功在朝廷
載于金石垂千萬齡猶願後人念茲重役克繼克承
罔墜勞績嘉惠吾民有永無斁我歌我詩用播鄉國

送司寇金公詩

渠川集

元

卷二

二

在茲堂

自古有水旱之灾必資仁人君子拯救之力
其功澤被於生民聲實光于簡冊至今人能
道之遇者江右旱澇相仍民遭饑饉我司寇
金公奉天子命巡視于茲凡儲蓄之方賑恤
之策舉行殆盡貧民得濟者一百四萬餘人
可謂宏且博矣公將還朝復以水利倉儲二
事奏立成法爲將來經久之利至哉仁人君
子之用心也夫昔之善救荒者若趙抃之於
越陳堯佐之於壽州所濟或一時所活或數

十萬人而止然皆足以名當時昭後世使人
敬仰不暇以今較昔其利澤深淺豈無能辨
之者耶願不佞敢推江右之人之心所以感
戴愛慕於公者作爲歌以傳永久去思之頌
或於是乎有徵詩曰

聖皇御極治邁堯湯水旱流行伊數之常維茲江右
民物阜康近厄于水復罹旱荒蒸人嗷嗷益賊滋蔓
奏章上聞當宁嗟嘆曰吾赤子曷遭此患援溺救焚
義不可緩爰命大臣授以璽書有傑秋卿來自南都
福星照臨甘雨隨車一方民命後公以蘇公既至止
人心大慰端發公儲以周貧匱宣德達情興利除弊
憂國忘家視民猶己公帑幾何饑餒孔多載經載營
以撫以摩如培糞壤沃彼稿禾如施藥石療彼沉痾
蠲除租課寬免徭役嚴司分利關稅移積省禮緩刑
舍禁弛力立賞勸分具有典則剪盜鋤強邵農助耕
招徠逋亡周恤孤寡鑑空衡平物無遁情禁止令行
民無卒爭期月之間事將就緒孰意亢陽重霄茲土
饑饉薦臻民愈愁苦室如懸磬病愈危痼旌節載留

渠川集

元

卷二

三

在茲堂

多方計籌備膏勤勞恒抱隱憂章奏剴切動于宸旒
言聽計從荒政益脩歛散惟時通融是畫商旅旁招
鄰邦肆羅倉廩克盈疵癘消釋俾歉爲豐由公之力
維天有缺石可補之維民有艱丹可壽之庖刀恢恢
鄒谷熙熙德叶人心功在口碑口碑伊何歌頌載道
百萬生靈蒙此大造昔困飢寒今則煖飽昔憂剽掠
今則無撓公拜帝命竣事還京魚龍先驅鸞鳳紛迎
帆經鄱湖舟指金陵山川出色草木知名公不忘民
行且有疏水利倉儲二事兼舉任專其人法以無蠹

與川集

元

卷二

四

在茲堂

匪圖目前經久爲慮維帝明哲用賢不疑維公忠誠
功烈有輝章江瀾漫廬阜崔嵬邦人之思曷有已而

五言古詩

甲申中秋與蕭文明登東樓待月和東坡江

月詩五章

一更月出海河漢淨無瀾今夜景偏勝此時猶好看
星躔避光采山氣漾清寒舉酒便邀賞莫教清漏殘
二更月滿樓團圓是今夜遙看東海頭玉盤盪高下
朱簾掛銀鈎欄檻一憑籍喜有攀桂人來談客中話

三更月當天坐久攬衣起回思鄉國間清光只如此
香傳桂子風露滴藕花水對景不盤桓後夜徒爲耳
四更月傾晷耽耽待平明談笑不知久起看參已橫
姮娥速歸轍西顧重行行光輝如有念偏照玉關城
五更月西下雲暝四山幽棹檣表郎渚盃停更亮樓
良宵不易得一隔動經秋詩成倍惆悵誰爲商聲謳

送陳繼先南還一百二韻

我本南海人家住南海隅早年事脩飭好讀人間書
學成思用世不善藏名譽戰文預鄉選挾策遊皇都

與川集

元

卷二

五

在茲堂

彤墀奉大對玉陛聽傳臚地曹試初政夏署膺新除
金爐袖烟滿玉佩朝班趨一朝荷寵命山海來星車
雄關張節旆公館分兵符路當往來地人秉中外樞
安邊慕韓范制畧談孫吳聖朝治隆盛疆境絕憂虞
微才祇自效裨補知有無客思易岑寂遠懷多鬱紆
舉頭望家鄉迢遞萬里餘老母在北堂五旬將白顙
長年曠定省何由助歡娛一弟入庠序亦作章句儒
因循成壯大白屋尚窮居宗族紛長幼平安近何如
親朋久契闊尊酒共誰俱中腸徒眷戀音問總荒疎

異鄉知遇少仕路人情殊誰能一相顧使我懷抱舒
惟君敦道義義重膽氣龕戎裝自南行不憚來程迂
匹馬經庾嶺扁舟渡鄱湖徘徊泗路歷涉齊魯墟
金臺暫信宿東薊還馳驅竭來到關城正值西風初
逢迎相慰問貌喜心怡愉適留歲過半談論日無虛
宵吟或至旦午會恒達晡對床聽夜雨添炭擁寒爐
疏食炊廩米淡羹擷園蔬汲泉自烹茗覓酒時投壺
提携類手足愛戴比蛭驢吾志慕清白囊中無貯儲
君謂吾當然勿爲塵利汚吾心喜公勤未嘗怠斯須

葵川集

元卷二

六 在茲堂

君言勤王事斯乃賢大夫氣味夙有合恩情久愈孚
金蘭差可擬膠漆豈能踰觀海驚浩渺遊山躡崎嶇
緘書遙托鴈彈鋏不因魚吾方固留君君亦忍別吾
奈茲念高堂惆悵尋歸途春光闌明媚生意總紛敷
綠抽原上草青結水面蒲和風動祖帳好日明衣裾
歸歟偏自適去意那能拘鄉關過五嶺山色連番禺
有濠號黃木有渡名扶胥君家瞰江滸夏屋應渠渠
平田渺烟水喬木蔭粉榆眷言到何日其在早秋乎
入門拜二親戲舞萊子烏下堂叙親識嬉笑談蕉漁

整持畢卓蟹螯切張翰鱸果園新可賞膠甕正堪醺
吾家相密邇過訪只須臾便思謁吾母鄙意勞吹噓
不寄田子金未導崔珍輿三春育寸草曷以酬恩劬
願膺綿延福永保康寧軀離別世常有功名乃良圖
承顏諒有日莫費頻倚閭更煩語吾弟先業須力扶
奉母供子職愛兄存友于讀書未成業能不惜居諸
譬如舊耕野慎勿令荒蕪又如驛驢足焉可混蟾蜍
青雲望踪跡未許淹泥塗吾宗本詩禮光祿舊規模
傳家積書籍負郭遺膏腴書堪資講讀田足供耕鋤

葵川集

元卷二

七

在茲堂

治生貴勤儉賦稅宜早輸爲言各自重無習驕與諛
親友樂嘉遯不肯干時需鄧林富桐梓荆璞藏瑾瑜
昔時共鄉邑此別如秦胡寸心耿千里一日三秋徂
煩君相見頃咸爲道區區吾生本迂鈍材質猶散樗
遭逢唐虞世濫預南郭竿明堂蓄梁棟搜取及樽櫨
廊廟用圭璋亦不遺珣玕茲焉宜使事坐守東城株
來春覲丹闕雨露當沾濡敢忘千載遇恩聲一得恩
平生慕剛直羞彼言囁嚅由來守貞介肯忍行趁趨
方寸素自定始終期不渝丁寧爲君語知君能亮予

古道折楊柳僕夫駕驪駒分襟異南北握手成欷歔
遷鶯戀上苑棲鳳依高梧心馳越天遠目極飛雲孤
新吟東秋卷舊劍沒湛盧送行愧無贐村酒聊爲沽
更歌白雪詞比贈明月珠後會堅晚節臨風勿踟躕
試院中讀黃魯直和晁仲考進士之作依韻賦之

國家構明堂匠士貯群木而況求賢才所重在科目
南宮集多士文字數千束儒臣明藻鑑奉詔司校讀
十人共昨夕接座聯燈燭淘沙揀精金剖石搜美玉
其川集元 卷二 八 在茲堂
心思無怠遑目力費重複滿場耀兵甲戰勝如剖竹
盈箱積縑練輕素窘邊幅我本甲科人弱矢掛正鵠
身逢明盛時大雅歌棫樸一官愧無補徒食太倉粟
茲來獲同事有幸蒙齒錄初心期不負古道豈難復
勉哉持寸公庶以竭庸碌

寶書閣

堂堂邑城東闢地遷鄉學流水環西偏好山達南郭
青衿來遊歌濟濟見頭角所求在詩書所習惟禮樂
許侯善作典士類忻有託詠歌付菁莪踐履由矩矱

儒官舊湫隘脩飾重開拓堂前多

後地寬綽

便思藏古書脩爾創高閣造化爲主尹鬼神助咨度
衆材紛積聚群匠事礪斲名區軼飛塵危構撐碧落
簷楹絢青紫壁檻明丹堊風樞接朱戶月牖連翠箔
千金購圖籍萬卷充棟牖六經最嚴整百氏紛交錯
標題別牙籤啓閉時鎖鑰奎光映虹霓文字麗金縷
芸香賸熏漬縑素互聯絡能吞石渠富足助張華博
胡何經世變兵燹肆炎惡蕩然成灰塵况又遭攘掠
間非靈光存書似秦坑虐玉毀驚橫亡珠逃爲川涸

其川集元

卷二

九

在茲堂

誰能復興脩政刺史羸弱風流校書郎風抱經世界
忻然興義舉不吝發私橐規模出胥次功効歸咄諾
勤勞僅踰時輪奐忽如昨衆難君獨易遠邇爲驚愕
文溪前有記梅外能繼作豈徒夸目前實以視綿邈
邇來復中否繁盛淪寂寞名餘鐵爐步事嘆令威鶴
塵埃冷蠹魚風雨留蝸蝓葢基荒草色新碑古苔痕剝
巍巍絃誦區依舊等硿塤悠悠乾坤內斯道還自若
世人急功利亦或重名爵寧知一編中至味堪咀嚼
嘗聞上古時渾沌凝太朴後來書契興文籍漸昭焯

圖書最幽賸墳典終灝噩斯時豈無書未易窺渾璞
天生魯仲尼元氣屬斟酌道傳曾氏唯才竭顏生卓
六經集大成中或勞筆削一從垂憲來千古傳木鐸
經秦已煨燼出漢還穿鑿遺編在天下誰爲訂純駁
隋唐迄五代光燭存一燭莫能探淵微徒爾讀糟粕
五星聚奎躔二水泝濂洛真儒相繼出緒統懸掌握
片言萬里具一髮千鈞著文風資闡揚聖道賴宣廊
時人好藏書彼此如有約建陽與吳郡兩記爭融煥
吾邦故文獻此舉殊學卓聲華動鄉國名教等山岳

東川集

卷二

十

在茲堂

我生已後時偶被詩書縛未能萬卷破從事一鞭著
結網因羨魚不耕敢求獲植根思深培舉步慮前却
詞章乃餘事富貴非可樂書中有至寶豈但殊圭珎
常親一燈青不管雙鬢皤匪圖身有餘亦使心無忤
泮中昔遊觀陳迹嗟落莫池芹尚清香壇杏轉盤礴
絲竹遺聲音鳶魚自飛躍廢典自相尋氣運有回薄
瞻茲風化本可忍成蕭索憑誰紹前功且以開後覺
我願記其成新碑爲磨琢

亞聖廟次左時翊韻

六經明綱常皎如日當午自非聖賢出誰任斯道主
堯咨允執中孔欲不踰矩正傳屬亞聖鄒魯鄰區宇
魯聞歷聘時車從紛如雨巽言感齊梁高論折秦楚
人亡道不泯耿耿貫今古

晨過三遷坊延佇忽亭午緬懷孟軻氏生不遇明主
立言垂訓戒天下知襲矩斯文耀日星浩氣塞寰宇
鄉邦存德澤沾溉若時雨高祠肖儀刑冠佩猶楚楚
卓哉文宣王配享共千古

發廣寧都憲諸公餞于城東是日宿高平

東川集

卷二

十一

在茲堂

路出城東門朝暾吐晴暎霜華白於雪山色青似染
群公設祖筵治具良不儉金盤列玕羞玉液浮漱灑
含情強分手戀德猶未厭盤山遠經過周道平如簞
郊原杳無盡斥堠青數點邊牆近深溝非有山谿險
戰守在得人何須比天塹夕陽返餘光金背寒鴉閃
停裝宿高平夜靜重門掩挑燈倚胡床默默自防檢
宵藏萬卷書袖有三尺劍茲行重王事使命期不忝
聖賢有明訓好惡求自慊平生冰玉姿肯受塵埃玷
却笑楊子雲空能事鉛槧

一日復一日效韓吏部

一日復一日一旬復一旬身事總如舊獨驚華髮新
宵抱經濟畧無由獻楓宸篋藏五綠衣未獲娛吾親
朝吟或至暮夜起恒達晨平生忠孝念鬱結何由伸
茫茫宇宙間萬類紛前陳一物或失所天地乖其仁
人心異於物叅贊妙經綸有懷諒必達肯俾終沉淪
朝鮮途中雜詠

亭亭扶桑樹蟠結滄海東兩幹連根株散作金碧叢
羲和蘊靈巧分得造化功尋常出異齒狀與甕盎同

翠川集

元

卷二

十二

在茲堂

彌羅暨靈池一見皆下風誰能拔其尤置向文房中
製成五色錦上獻蓬萊宮東藩好樓臺壯觀臨海嶠
朱簾捲風月有景供詩料使君事幽尋到處一登眺
心閑眼界寬忘却在邊徼仲宣聊消憂阮籍幾長嘯
醉來亦狂吟不作相思調遙遙望京師歸興先飛鳥
正月十三日自清平至楊老堡午酌觀音堂東

翠渠

曉發清平西春早多陰雨轅門具壺觴車馬紛出祖
孟停速分袂意不盡賓主邊城息烽煙道路忘脩阻

吟哦聲鳴嗚太瘦爲詩苦山塘近清溪駐節暫容與
一餉卽驅馳天寒日過午

二月十五日別貴州貢士汪漢陳幾輩餞于駐
節亭

春初來貴陽春半卽回首群英集亭館勸我尊中酒
斯文意味深談笑不知久僕夫催出門風動河橋柳
過清平喜晴

清平路崎嶇開鑿資神斧西來接滇蜀南下通吳楚
峯巒渺雲漢林木蔽煙霧怪石驚龍蛇崩崖闔熊虎

翠川集

元

卷二

十三

在茲堂

我昨經過時春寒值風雨朱檐隔油幔咫尺不可親
旋裝赴陽和萬景紛呈露天空山獻奇春好花欲語
悠然騁遐矚條爾成短句陰晴固無定所遇良有數
逢人重咨詢一笑青天暮

遊黃凱翠渠循溪行余歷郊村卽景因次其韻
風光蕩郊原流水繞城郭日晴雲半收春老花欲落
前村三兩家煙火東西各柳深鶯亂啼春興殊不薄
過溪翠渠陸行余上舟卽景而作

前日初來遊雪後春尚早茲辰逢上巳春景十分好

溪灣隨地轉山巧由天造柳暗煙未消花明日偏早
舟中三遊人與上一詩老雲開貞女峽石露神仙島
魚淵易飽獺鳥道難乘駢土窑高積瓦野屋低苦草
空翠濕欲飛落紅紛不掃循流泝淵源呼酒豁懷抱
盤桓未厭倦談笑任傾倒詩成屬高和強弩穿魯縞
舟人以竹取火與翠渠同詠

山遊興未闌命僕陳脯食開尊酒尚寒舉網魚初得
舟中偶無火村遠何處覓禁烟方及期亂石不可擊
篙人得秘訣剖竹分兩隻刻削知陰陽交加任橫直

東川集

卷二

十四

在茲堂

物含動靜機人借推移力霏微鋸屑下炳燠靈暉積
芻薪張氣焰釜竈賴燔炙旁人驚乍見相對咸噴噴
我生老江湖此事應慣識五行自相生一理妙莫測
作詩侑杯盤談笑暮天碧

貴陽雅頌二十四首同翠渠作

清平擒賊

清平山險阻群賊恣吞噬偷生同釜魚爲害亦非細
誰能生擒之都府兵有制不須白墮孟奚用市偷計
萑苻靡遺悔寬猛實相濟

清都撫苗

舞階舜七旬脩德文再駕旣聞有苗格又見崇城下
清都古蠻壤群醜逞兇詐都臺布恩信遠近爭感化
洗兵挽天河征戰自茲罷

雞背平盜

深深雞背山遠在安莊南昔時黑白丸復見偷兒探
都臺務除惡機畧誠飽諸戮鯨更驅鱷無使仍淹涵
渤人賣刀劍安得專美談

貴竹斥賀

東川集

卷二

五

在茲堂

文本位中書責重有憂色敘中除僕射門閹情無客
貴陽得中丞迎賀紛如織公心不爲樂一見盡麾斥
古道幸斯存非徒耐官職

雅關却馬

鬼方有良馬產自龍阮隩驕驕最神駿駉駉尤雄驚
公心淡如水此物非所好土酋欲輸忱却之有其道
寧輕千里足無累平生操

北泥却金

宜尼重三戒楊震畏四知卓哉古賢聖廉介恒自持

土酋效誠款欲以明多儀寧知君子心毫髮無自欺
清名天下貴安用兼金爲

作興學校

道民在教化學校爲之基人心具理義無間夏與夷
聖朝廣文治都憲司綱維作興得良法士類忻逢時
古來庶富教孔氏有成規

勸課農桑

邊壤固饒沃居人頗荒涼畝多曠土絲繭不克裳
明公下條令所重先農桑男女效耕織夙夜無怠遑

案川集元卷二

十六

在茲堂

從今衣食足永以樂時康

獎勵人材

人材貴獎勵公道與情服先生文武兼好善如不足
齒牙崇世教章疏激薄俗門牆桃李榮藥籠參芝蓄
行當踐卿相收拾材館錄

禁約食墨

人心本真靜所欲乃異情貪夫日割剝溪經何時盈
有齒象焚身吞餌魚就烹都臺重國法禁戒嚴且明
化貪使爲廉四道歸澄清

繕城禦侮

易辭重設險孟氏論地利時哉大道隱城郭非末事
矧茲西南鎮四境防醜類垣墉日脩繕外侮那敢至
韜鈴屬大才無患由有備

給榜革弊

古道日陵夷人心多巧變弊由涼貪作世似蠶觸戰
我公端本源有榜下臺院威嚴凜斧鉞迅速驚雷電
弊除利乃興盛治當復見

禱雨弭災

耕農事方急旱暵俄相侵明公抱憂惻祈禱輸寸忱
天道忽昭格沛然施甘露秋成慰衆望不負憂勤心
還方歌美事直以繼桑林

積穀備荒

周宮重委積存在在粟皆陳常平與義倉後世亦有聞
國朝廣儲蓄任治先任人中丞善經理歲歉民無貧
願均天下施一視同其人

減省衛從

都臺深且嚴衛從有恒職減裁自今茲惟以節財力

案川集元卷二

十七

在茲堂

源潔流必清表正影斯直百僚自師師不動聲與色
雖云事一端亦足觀盛德

裁抑冗費

節用而愛人魯論有明訓後來多冗費民病財亦盡
孔公崇儉德裁抑非固吝豐源約其流亦以紓民困
爲言達朝廷化遠當自近

興舉廢墜

公事苦難了世俗相因仍千瘡與百孔廢墜疇能興
貴陽辛遭際都憲多才前規畢脩復功業何恢弘

藥川集元卷二

十九 在茲堂

誰能紀成績刻向高陵嶂

賑恤孤老

成湯惠困窮厥命民所服文王急施仁鰥寡與孤獨
我公恤窮民衣食無不足奉揚天子意大布生靈福
光明照一方豈但述亡屋

寬役蘇困

洵米忌多汲割葵怕傷根役民失之重困苦難具言
君子平厥政無令力役煩能寬一分賜自有無窮恩
口碑盈道路傳誦永弗諼

鋤強扶弱

懲惡欲勸善扶弱先鋤強根莠既芟薶嘉穀斯豐穰
任崇思拔薶卜式善牧羊弱強兩得所坐見民俗康
貴陽仁義政可以式四方

遵詔養老

養老垂古典聖朝更加隆期願與耄耋咸在優禮中
綸音下霄漢感泣多老癯門庭貢束帛倉廩分塵紅
誰能宜德意有美中丞公

請給軍餉

藥川集元卷二

十九 在茲堂

站堡苦奔馳役卒難自養因仍十數年各籍半凋喪
仁人爲動心上疏請糧餉聖情賜俞允大慰斯人望
銘恩肺腑中勝勤磨崖上

平越伸冤

虞典欽恤具周書敬慎存明刑此爲準所貴多平反
平越有死獄公爲伸其冤燈前求生意筆底回春溫
千門日高大陰德遺子孫

都臺疊瑞

和氣能致祥人心妙通物中丞脩厥德瑞產重疊出

神瓜與落酥一蒂二三實枯松再發榮嘉穀白堅栗
邊城有頌歌併入詩人筆

宿新添衛

朝從龍里來夜向新添宿靜思平生事歲月徒碌碌
把酒澆素懷題詩刻紅燭行藏信自然無待詹尹卜

吳川先生文集卷之二終

吳川集元 卷二

二十

在茲堂

吳川祁先生文集卷之三

七言古詩

七世孫文友重刻

卷卅花

山城地僻嘉卉怪居人值花多卷卅何年分種入官
舍占斷地位殊寬闊薔薇一架伴幽獨亦有中黃數
株菊只茲便可結三友奚但清松與梅竹春風桃李
初闌珊此花吐艷當晴軒芳心寂寞凝丹粉錦片分
明酒墨痕一年一度逞顏色秋去條枯了無迹根藏
吳川集元 卷三 一 在茲堂

喜雨呈原都憲

齊魯之壤寬且饒數月不雨成枯焦老龍情職晴烏
驕天氣赫赫蒸炎燄河流將涸林欲凋隴麥未長禾
未苗邦人駭惧心欲燒共慮凶歉生無聊明公巡視
初停輅懷念民隱增煩惻竭誠致禱朝復朝期彼甘
澤來飄瀟精神一念格九霄孰謂天道廓以遼雷車

鞭動電幟搖豐隆屏翳相招邀馬上點滴傾天瓢一
洒二日仍通宵郊疇沾渥千里遙宜耕宜播宜耘穠
大地湧水平溪橋草木秀發爭妖嬈間間歡及耄與
髫公庭慶忭多賓僚謂公爲政政有條謂公視民民
不佻德盛致祥早虐消此感彼應何昭昭願公自此
更遷喬大展謀謨匡帝朝上追稷契禹臯陶致君如
舜如神堯變理經綸功獨超風和雨順玉燭調當見
四海同歌謠

送方彥卿南歸用蘇東坡送李方叔韻

東川集元卷三

二 在茲堂

春闈榜揭長安日二百人中無舊識君久矣美君
賢求美豈知遺國色人生出處固有命舉措未明疇
塞責我慚無地君見容不但妻公稱盛德相逢劇飲
如吸川榮辱且付金樽前華陽咫尺終須到肯向河
東號斥仙

憶昔鄉閭讀書日矜佩群中早相識君情於我最深
厚二十年來無德色所求朋友在先施宣父當時猶
自責蹇予粗陋生且晚受教將何能報德君才浩瀚
瀉百川驚濤巨怪紛滿前四明狂客不相遇誰愛風

流李謫仙

平生養親知愛日片心純孝誰能識別來三載又言
旋思向高堂奉顏色古言親在不遠遊侍養有違人
子責我懷聖善未許歸寸草難報三春德送行迢遞
指粵川白雲飛度青山前憑君遠寄殷勤意爲謝萱
闈鶴髮仙

元日早朝

金雞初號天地春舊歲已盡新年新九重宮闕生祥
雲衣冠環珮來繽紛晷旒當座簾開曉仙樂飄飄御
東川集元卷三

三 在茲堂

煙裊殿前拜舞近天威歡呼萬口聲如雷小臣瀝膽
當春酒上獻君王千萬壽年年不願賜銀幡只願白
獸常開尊

山水圖爲楊地官宗嗣題二首

美人家傍青山住脩竹森森繞庭戶蒼雪晴飄隔樹
風寒嵐晝滴層崖雨前村野色遙相連長橋直抵疎
籬邊半肩行李隨詩叟一棹煙波度酒船邇來却却
清幽境仕路難忘舊遊興棲鳳枝頭夜月孤釣魚亭
下秋風冷何日功成便賦歸登山臨水重題詩此君

相見應無恙晚節貞心如舊時

層巒盡空寒玉立老樹含春翠雲濕幾處人家院落
閑孤丹野渡溪流急東風遊賞知何人寒驢龍鍾酒
半蘸葛巾潤透林梢露詩擔斜衝石逕雲豪吟不盡
閑中趣笑指前山更容與初疑踏雪孟浩然又似尋
芳杜工部半幅新圖一段幽水光山色共悠悠粉闌
公暇日披拂遙認故園天際頭

金水畫梅爲趙希成春官題

天孫細剪銀河水散入千點寒梅英洒然標格出塵
與川集元卷三 四 在茲堂

俗世上更無花與清離騷恥作蘭荃侶爲壓靈均抱
幽苦陰何知已復林逋多少風流托佳句我家占斷
羅浮春愛梅得與梅花親月寒霜淡暗香動人在野
橋清淺濱此時相對誇奇絕放歌欲補離騷關更呼
梁宋老詩仙共把衷情較優劣邇來悵別增遐思開
圖一見還相知縱道黃金換顏色歲寒心事終如昔

萬卷堂 禮部侍郎陳公璉所居

琴軒夫子文章老自少藏書事探討遠窮洙泗問淵
源近叩關閩尋閩奧五十餘年履宦途四方遊徧復

名都頭盈白髮還耽學篋有黃金只買書胃監容臺
皆妙選密邇蓬萊接東觀王氏青箱舊事存陸家車

乘圖書半連篇累牘歸故鄉文彩照映南海傍牙籤
萬軸排細帙喬水千章蔭草堂平生辛苦自讐校腹
笥便便五經飽奎星徹夜貫虹光筆陣常時奪天巧
畫簾罕地清無塵芸香不斷庭草春黃衣或見燃藜
叟綠酒頻來問字人一代風流重山斗身後英名當
不朽可憐萬卷漸成空只有高堂尚如舊我生雖晚
猶識公觀書曾到此堂中數車欲載今何及空美王
與川集元卷三 五 在茲堂

生遇蔡邕

野塘秋景爲陳義官用誠題

西風昨夜吹芳草蕭索芙蓉覺秋早碧練光寒翡翠
孤紅衣香落鴛鴦老翡翠鴛鴦各有情映波毛羽最
分明玉樓金殿何須問且了閑塘一段清

雙義吟挽陳司訓父母

妖蠻竊弄荒山裏廉城西畔風塵起提兵將校豈無
人一夕弗嚴成債事犬羊突入縱搶攘男婦奔走何
倉皇城頭迎刃勢破竹驅逐執掠紛成行陳公夫婦

頭雙白老袖龍鍾遭險厄贖金不至命須臾義氣橫
膺無惧色伉儷相看但淚垂寧死不願生分離飛魂
暗結千里恨惟有青天白日知鶴塘之坡揭華表雙
義名高死非天同時罹患半鄉人死者何多聞者少
君不見古來壽域高倚天金湯不用土木相民無兵
死恒晏然安得此域如當年

送劉景瑞還延平郎中劉廷信之兄

霜風蕭颯催寒早籬菊開殘渚蓮老京華有客歸故
鄉弟兄愴別長安道天倫氣義最相親官舍優游過
粟川集元卷三六在茲堂
十春只耽風雨連床好其奈湖山入夢頻囊中拂拭
雙龍劍耿耿晴虹吐光焰當年俱自延津來臨別殷
勤看不厭大阿精采如龍泉暫時分去無深憐由來
神物易變化會合還思到九天

官林風木圖爲閩中葉氏賦

官林山中佳氣萃宰木森森拂雲翠長風晝夜天際
來蕭颯寒聲滿人耳孝子關心不忍聞聞之感泣獨
銷魂有身莫報劬勞德無路能酬罔極恩樹欲靜兮
風不息子欲養親難再得風不息兮樹轉悲二親一

去何由追吁嗟乎樹之有風猶可止人子思親曷窮
已

平壤懷古

朝鮮有國營州外箕子封來經幾代就中平壤是雄
都昔時形勝今猶在同魯迂鬱山野平樓臺雉堞空
中橫秦初遠近遼東徵漢末新傳王儉城何年併入
扶餘喬復見九都遷此地沃沮滅貊紛來歸渺渺東
西六十里隋兵三舉空擾攘可堪秘記符唐皇全山
得捷薛仁貴沮水成功蘇定方振衰繼絕不旋踵五

粟川集元卷三七在茲堂

代之餘遭有宋玄菟樂浪息紛爭使介聯翩奉朝貢
松岳遷都久已成長安舊治名西京魯陽城古人悲
昔馬邑峯高地有靈胡元不道圖吞併分疆直抵慈
悲嶺西京內屬知幾時徒有腥風汗邊境聖朝德化
覃八區樂天字小古所無鴨江東畔平安道還入朝
鮮舊版圖居民熙熙耕且樂女事蚕桑士知學中華
氣習漸染深文物衣冠宛相若朝臣奉詔天上來登
高覽勝襟懷開不須吊古重惆悵寫景新詩聊爾裁

金鑾草制圖爲韓總兵作

長庚之星光燭天精氣下降生英賢肝腸錦綉五色
鮮斗酒時露詩百篇四明狂客識謫仙長安相見喜
欲顛吹噓直上紅日邊君臣際會非偶然七寶爲床
玉作筵金鑾殿上朝傳宣翰林供奉寵命專御手賜
食春風前酒酣草詔思如泉淋漓醉墨生雲煙麾斥
力士令周旋凍來呵筆羅嬋娟當時榮幸疇與肩豈
美官燭分金蓮所嗟才行不兩全夜郎遠謫還堪憐
回看紫禁歸無緣清詞冷落金花箋誰將圖畫人間
傳使我悵憶開元年

吳川集

卷二

八 在茲堂

畫竹爲吏部陳郎中作

世間草木紛無數惟有此君名最著虚心勁節珊瑚
枝四序青青任寒暑渭川之上淇水隈千枝萬葉連
雲開南邦又說瀟湘盛知是何年分種來都城片地
千金直竹石園林應罕得吁嗟一日不可無誰解風
流寫真迹太常健筆追文郎遠吞淇渭凌三湘興來
掃就參差玉自有天然風露香石根元氣淋漓濕定
妃鼓瑟英娥泣珮環墮地疑雨聲旌蓋排空作人立
新圖捲翠入天曹寒標直與秋爭高蒼龍變化露頭

角丹鳳雛雛見羽毛陰雲不開蒼雪積老勢崢嶸欲
千尺虛堂風生白晝靜恍惚晴空飛霹靂主人相對
偏相知一生與爾同襟期豪吟每和伶倫調進德長
歌衛武詩我亦從來慕君子幸挹高風結知己願言
共保堅貞姿挺立歲寒霜雪裏

吏部考功郎中陳君朝用以所藏夏太常墨
竹示余請題其上夫竹君子也賢者於斯比
德焉朝用清脩勁直無愧此君是以知而愛
之且欲爲之發揚也余素嗜此故得其趣也

吳川集

卷二

九 在茲堂

深展圖玩之不覺清風洒然生於筆端矣

篁墩

墩初名篁後遭巢兵改曰黃今侍講程克勤始
復其舊

新安勝地鍾靈秀四面溪山明錦繡就中篁墩何所
有綠玉森森環左右晉代分符得賢守民庶爭留如
父母當時賜第傳來久奕葉相承簪組胄雲摩將軍
剪強寇勇畧絕倫功最懋郡人報德新祠構忠壯之
名垂宇宙循吏忠臣耀先後一鄉草木增華茂中遭

築兵防躡跡易名免禍耶遷就七百餘年襲差謬本
真弗辨當誰咎忠良流芳天所佑豈同僭亂終遺臭
玉堂仙客文章史鼻祖有靈陰假手遙遙譜系勞根
究光復美名滌汙垢華扁高懸麗星斗迪後彰前應
匪偶詞林贊述詩千首盛事稱揚滿人口安石半山
知在否臨安那復裴家酒惟有此墩只依舊清趣還
如渭千畝百世家聲同不朽

丁酉歲五月二十四日除江西叅政八月到任
少年讀書不出戶壯歲登庸踐郎署幸膺寵擢出薇

案川集

元

卷三

十

在茲堂

垣玉殿前頭拜天語秋初買船經潯水秋半遙臨豫
章路解纜湖邊信便風驅車境內逢甘雨比邦從來
稱巨鎮雄跨西山壓南浦諸州民物最繁盛况有詩
書比鄒魯微才贊政遭太平太倉飽食知何補惟宜
德澤安吾民永保忠貞荅明主

冷菴爲陳僉憲梓之作

穎川先生富才行生平不識親權幸義氣遙橫天地
間壯懷直與江湖迥屏除醜麗甘恬淡咀嚼道腴知
雋永心田瑩徹水不波眼界分明冰作鏡早年拜官

居執法鐵面凝霜志何勁刻邵澄清使者車一身襟
肅天君令烏臺地位高且寒結巷占斷深巖境松爲
棟宇栢爲梁梅竹森森二三徑臺前霜氣侵人骨四
時常似隆冬景不須赤脚踏層冰祇用銀床臨露井
公餘退食心洒然半捲湘簾坐深省寶鏡瑤琴光陸
離玉壺秋月相輝映時磨古硯題冰繭旋汲飛泉瀹
山茗夜興空懷剌曲船凍尖呵徹中山頴詞高白雪
和者稀星動寒芒色尤正坐客無氈杜老吟吳江楓
落崖郎詠聞昔夏商衰替年虐焰驅民政苛猛帝遣
良川集

元

卷三

十一

在茲堂

伊周作霖雨大早來蘇咸引領又聞春秋戰國時功
利權謀恣炎橫天生孔孟正人心多少昏冥爲呼醒
聖賢已遠斯道在一縷悠悠懸九鼎迴瀾解倒非異
人只賴吾儒執其柄方今治化雖全盛民力士風猶
不競勢利熏迷未易銷閭閻焚溺誰當拯先生抱道
將有爲自是胸中常耿耿願言推此方寸冊散向斯
人濟疲病黔黎莫枕古風回天下忻然同一冷

題江一原宰上饒詩卷

君昔鳴琴向上饒我乘西江使者輅曾聞善政冠隣

邑道路往往傳歌謠我今句宣西江路君已遷騰官
粉署河陽花發春滿城還是潘郎舊栽樹丈夫用世
思有爲立身行道無崇卑君不見漢廷賢令多通顯
千古不磨循吏傳

山水圖爲陳琴窓題

羅浮之山高插天龍灘之水天與連山明水秀涵萬
象風月不盡春無邊華堂隱映龍灘上喬木陰森老
無恙翠挹雲屏四百峰澄拖江練三千丈主人抱道
不求名樂山樂水怡吾情半簾爽氣朝拄頰一曲滄

英川集元

卷三

十三

在茲堂

浪時濯纓賓戚過從日談笑潛搜萬彙供詩料三尺
焦桐膝上橫寫盡我洋山水調平生於我最心投對
酒開窓幾度留相思更擬携琴去綠竹坡前攬小舟

白髮

憶昔行年初弱冠滿頭鬢髮如雲爛春光在眼能幾
何陡覺容華鏡中換三句有二秋興發忽作潘郎二
毛嘆因循四十未有聞兩鬢霜毫漸凌亂只今蹉跎
方及艾已比前時白過半晨梳燈下星隱映晚握窓
前雪璀璨平生歷履多苦辛况是功名早羈絆百年

強半瞬息間向後幾何堪把玩丈夫生世貴有立萬
事由天又奚憚試觀上古賢達人衰老相仍孰能追
馬肝之石不須求甘露爲美亦誇謾有錢沽酒醉卽
歌任作龍鍾白頭漢

薄被吟

霜風獵獵吹凍雨山色淒迷路脩阻皇華使君重按
部屬吏奔趨疇敢侮土俗民風本貧窶行臺供張甚
莽鹵繩床練帳竹撐柱布被生稜寒莫禦太守聞知
不遑處急呼里正加捶楚里正低頭呼且語此邦朴

英川集元

卷三

十三

在茲堂

陋傳自古今秋又集征苗旅盡弃農功事刀弩倉無
積粟衣無楮村寨蕭然但環堵那得奢華奉官府聽
罷斯言吾大沮嗟嗟夷民闕庠撫五十衰憊慚守土
太倉竊食將何補使君寬洪請莫怒禹稷憂民更艱
苦

羊腸河吊古

正統己巳天軍至此爲苗寇所敗
死者數萬人

羊腸之河羊腸坡山迴路轉高嵯峨河中之水有遺
恨觸石銜厓生白波聞昔蠢苗犯邊鄙封豕長蛇恣
吞噬三軍食盡胥淪亡斗大孤城竟何恃元戎率衆

西南來威如羆虎聲如雷倒懸欲解一方急大剪醜
類穢渠魁柰何將驕師不律到此倉遑遭覆沒當時
積血膏野草至今白石堆殘骨山自青青水自流英
雄此恨何時休古來兵事貴持重方叔成功有壯猶
自號亭月雪至余吾

小寒今日初交節同雲一色濃陰結誰剪銀河不露
痕滿天飛下瓊瑤屑雙旌疋馬停且行僕夫推挽肩
輿輕四圍瑩白無塵滓似我靈臺一點明平生踏雪
行應慣王事勤勞又何怨蹇驢破帽自多情金帳羊
裘川集元卷三十四在茲堂
羔奚足羨逢人不說行路難却念小民飢與寒更有
關頭戍邊卒鐵甲繞身寒透骨

長短句

壯歌行

拔劍拂衣舞虹光凌斗牛天高滄海濶四望心悠悠
昨朝丹鳳雲中出口噉天書光五色聖朝宵旰急求
賢特起前年金榜客天書之來自何時春風三月離
京畿路途迢迢距南北秋後纔經粵海湄我本粵海
人早年事書史十三習得舉業成十七驅馳預偕計

竭來携策入楓宸三千禮樂曾敷陳鵠行袖拂爐香
細鴈塔名題御墨新瓊林宴罷看花去路入潯州知
幾許駿馬雕鞍耀日明絲袍烏帽迎風舉五雲深處
降綸音遠賜歸寧恩更深喜將政水供慈壽不許塵
埃點素襟風流耻在他人後經籍微言更推究萬里
遙持捧日心兩年閑却擎天手登庸有路無夷猶家
鄉雖好難遲留蛟龍豈是池中物鵬鶚須橫天上秋
古來豪傑人多向科名著前稱韓子與宣公後數王
歐及蘇呂國朝圖治重賢才開科勝築黃金臺廟堂
多少英雄者往往俱從科第來我生幸逢堯舜理黼
黻皇猷本能事握瑜懷瑾豈其宜附翼攀鱗乃初志
只今便作京華行足下袞袞青雲生臨風磊落醉春
酒手把琅玕無限情此行拜官知有日身沐恩榮履
華秩躋世雍熙在有爲致君堯舜非無術百年踪跡
寄金門誓心不負君王恩虞周卿相堪期待唐宋諸
人奚足論

題撫孤松而盤桓送人致仕

亭亭山中松昔日手自栽主人別云久拂袖歸去來

歸來獨愛山中好三逕荒蕪今始掃手撫孤松話舊
盟松尚青青人未老翠雲深處日徜徉榮辱浮沉摠
兩忘吟哦不慕崔斯立休晦正如張子房盤桓無限
閑中趣晚節貞心重相許古來此樂君獨知爲君更
賦歸來辭

羅浮行送鍾文毓歸博羅

亭亭羅浮山屹立南海東根盤五百里翠結千萬重
美人家在羅浮下淑氣鍾來獨清灑胸中今古無端
倪筆底江河任傾瀉十年兩度遊帝京獻賦未遂平

與川集

卷三

六

在茲堂

生情飄然束書便歸去重入青山尋舊盟吾家與君
相咫尺話別都門思何極寄書直抵梅花村細向山
靈問消息山川爲國生賢才肯容久住山之隈雲霄
有路須早來期爾同步黃金臺當見羅浮山色增崔
嵬

梧桐山 在縣歸城里

梧桐山高倚天冬來積霜雪雨後多雲煙山中奇植
人爭寶龍葱之竹龍鬚草更有梧桐棲鳳凰紫雲枝
葉年年好我欲剪梧桐製琴獻穆清坐彈南薰歌太

平又欲招鳳凰來儀天子廷效靈堪與龜龍并鳳兮
不來梧欲老目極空山無限情

新建三賢祠

舊祠竹隱梅外二公久廢天順間邑宰吳中
復以琴軒陳公列爲三賢

古人貴脩德德立名不朽其次功與言亦足垂永久
吾鄉才士相後先就中磊落推三賢生平德行已無
玷功業文章皆可傳曾論一編日星煥竹隱名高出
宸翰流風不泯在人心肇建新祠近巖泮梅外先生
與川集

卷三

七

在茲堂

能繼之窮達弗貳心無私片言利澤被鄉邑崇德報
功仍有祠邇來復愛琴軒老善政雄辭摠稱好儀刑
併入此堂中先後三人同一道鄉邑遺芳儼若存能
敦風化勵斯文山川淑氣鍾才傑接武還當不乏人

張節婦詩

節婦諱坤慶邑人何志大女也適潛貢進士
張一龍生一子秉陽甫晬而夫卒至元庚辰
有黃同知者至邑利何氏資挾勢欲娶之何
氏衰服行哭于市截髮聲而誓死不辱鬻其

資求免黃意遂止秉陽尋殤育猶子寶大爲

嗣家用弗墜人稱其節云

孤鴻不再偶仁獸不亂群破鏡難再圓枯木無回春
妾爲名家女長作儒家婦夫死身未亡含哀守貞素
身單兒幼門戶衰兒吾教育家吾持金鈿繡帶委塵
匣斷枕空帷生網絲豪家相凌弗相察粹面悲號仍
截髮罄資求免心始安忍使汗塵點冰雪有淚哭夫
夫不聞有恩育兒兒不存妾心皎皎天邊月妾命悠
悠風外雲命不可憑心可久少壯從教成白首良人
冥川集元卷三
十八 在茲堂

地下會同歸應信平生不相負

何氏孝節詩

鄉進士李昌期之妻何氏邑貢士漢臣女也
幼孤十歲喪母適李門事舅姑惟謹舅姑有
疾刲股煉糜以進疾尋愈鄉邑嘉異之夫逝
復能守節宋咸淳十年邑宰爲立孝行坊景
炎二年旌表門閭仍贈束帛元初重建孝節
坊永嘉梅時舉記其事郡人遽覺陳大震跋
之

亭亭華表莞溪上孝節名高照閭巷閨門至行動九

重致有洪恩自天降人誰無舅姑反唇勃谿將何如
人誰無夫婦失節移天紛莫數卓哉賢婦心不與常
人同舅姑吾所主良人吾所從於此尚無情天地何
處容高堂嬰疾吾悽惻刲股爲糜克藥食股肉猶可
生舅姑難再得此身豈忍爲親惜一朝疾平百憂釋
良人早逝身無依悲號不是傷春啼寒燈伴機杼夜
雨愁空閨寧死勿作他人妻山石可轉心不移吁嗟
孝節有如此扶植綱常厚倫理矧當末世風俗潰婦
冥川集元卷三
十九 在茲堂

中却有真男子小人紛紛當愧死

梧州有作

扁舟來梧城水急舟行緩經旬念高堂却怪程途遠
梧城往返千里餘寸心鬱結猶不舒星軺指日上京
國萬里離別當何如功名不似家鄉好歲月奔馳人
易老何當乞身歸及時日日祿衣承母慈

思親卷爲張諮賦

雙親蚤淪迹歲月成侵尋悠悠孝子思不盡平生心
幽明路隔音容杳一身抱恨何時了淚洒西風宿草

寒夢回殘月啼鳥曉天地無窮悲復悲不因霜露也
凄其古今孝行應難得爲爾重歌不置詩

望香爐山

在清平南數十里

香爐之山高插天蒼屏翠壁相鈎連根盤勢轉幾千
仞雄秀合在匡廬先深林隱白石幽谷通清泉奇花
異草不可數懸崖絕磴難攀緣向來風塵動苗獠興
戈鋌虔劉我黎庶簸蕩山與川犬羊數萬居層巔疏
泉積粟仍種田天兵臨之久不悛欲戰無路攻愈堅
臺臣親握將帥權博采籌策圖十全破車飛霹靂衝
吳川集元 卷三 二十 在茲堂

擊何碩碩摧枯與拉朽聲震西南偏諸苗悔禍方乞
憐面縛銜壁羅馬前三軍動地歌凱旋功績盡向山
頭鐫今經數千載邊境猶帖然我來值春陰遠望生
雲煙題詩問山靈感慨聊成篇願教此地長無警鞞
固皇圖億萬年

建水紀行

入閩疆界居南陬峰巒萃嶺江悠悠淵源發自高山
頭一瀉千里無停休建寧劍浦控上游旁通邵武連
汀州誰遣亂石欺中流巉岩突兀妨行舟縱橫列筍

漢鋒銳排戈矛形勢萬狀難窮搜雷霆怒吼風雨愁
張灘菡萏險之尤瞿塘三峽相與侔篙師一失手便
有沉溺憂終古似與行人讐我欲役河伯呼陽侯力
移此石歸山丘要使江水平如溝舟行無患千萬秋

吳川祁先生文集卷之三終

吳川集元

卷三

王

在茲堂

王文鼎書

吳川祁先生文集卷之四

七世孫文友重刻

五言律詩

元旦和林以善韻

五鼓催更盡千門徹曉開歲從今日始春是去年來
璀璨梅花雪清香栢葉盃親闡思拜慶遙望粵王臺

卜節婦

早歲守空帷貞心誓不移母儀姻族式孝行舅姑知
節比冰霜凜各同日月垂聖朝旌詔下千古厚民彝

吳川集元卷四

在茲堂

贈吳參將

節鉞遠經過邊城勝槩多雲開山聳翠風靜海無波
錦轡開騷衷龍文耀太阿清時洗兵甲期爲挽天河

其二

昔仰韓忠獻今逢郭令公將星懸碧漢豪氣貫長虹
千里幟幟下三軍節制中功成上麟閣不愧古英雄

送劉仁甫省親還蜀

知己難爲別思親不可留京華涼月夜鄉國白雲秋
道重浮名薄官貧素節優平生慕忠孝此外復何求

奉使辭朝賜酒飯

階辭天咫尺賜食勵忠勤翠釜仙庖具黃封玉液分
深恩同湛露高宴叶需雲使事慚迂拙何由答聖君
遼陽

城郭半煙霞樓臺映萬家地寒猶有樹塞遠不揚沙
華表歸仙鶴遼宮噪暮鴉今逢全盛日山水總光華

唐張喬遼東吟絕塞寒無樹平沙勢盖天

九江值雨

經喜三冬雪翻愁一日霖岸平江水溢路斷嶺雲深

吳川集元卷四

在茲堂

哭弟願

白點憂時髮丹存報國心寒窓燈火夜欹枕不成吟
風雨隔羊城無由更合并百年兄弟誼兩地死生情
夜夢迷春草秋霜悴紫荆私恩慚莫報空有淚縱橫

其二

我拜旬宣秩勞君到豫章叙談殊未洽歸去一何忙
後會成虛語追思枉斷腸西江流不竭應與恨俱長

其三

南浦前年別鄉心逐去帆誰憐親骨肉遽爾隔仙凡

望斷重來約愁看舊寄緘茫茫身外事何處問巫咸
其四

早被功名絆閑居約暮年那知中道棄孤負一生緣
往事恰如夢此心空自憐連床消息絕風雨暗南天
其五

半世爲兄弟共驚離別多于今成永訣親愛復誰何
舊業空文史幽居冷薜蘿北堂西日薄微宦敢蹉跎
登臨江清風樓

晚涼公事暇乘興一登樓雲氣千山雨松聲萬壑秋
粟川集元卷四三在茲堂

堤平芳草合天遠大江浮日暮行人少空橫野渡舟
已亥臘月朔自匡廬之九江

彭蠡通南北開蓬見萬艘雪消山翠重水落石痕高
吳楚風煙濶江湖歲月勞往來吟思苦贏得鬢刀騷
東湖舟中記亡弟思正墓日

去歲君捐館淒涼隔一期鄉園埋玉處客路斷腸時
虧禮慚兄道全恩仗母慈孤舟湖上淚不盡孔懷思
出京述懷

客路三秋盡京華兩月淹青雲空舊識白髮刺新添

西北風塵擾東南水旱兼憂時難効力厚祿愧徒霑
其二

來往長安道蹉跎鬢易霜安心徒有藥却老愧無方
解纜風生旆開蓬月滿床濯纓歌一曲清興達滄浪
坦齋爲馮厚長史題

應事惟循理寬閑養太和寸心常自得萬慮總消磨
大道平於砥澄淵靜不波俗人縈勢利戚戚欲如何
自衡陽至寶慶

湖南千里道縱目楚天寬村僻人煙少山深草木寒
粟川集元卷四四在茲堂

鉤輈連日聽霖霖幾時乾隨寓安吾分不嗟行路難
石阡冬詠

抱拙度殘年觀書友聖賢食甘餘鼎飯衣煖借黃綿
被篋寧須顧灰心豈復然窮通皆定分無用叩蒼天
答方彥卿寓黃家關見寄韻

宦遊過半百歸興戀菟裘粵嶠看雲香湘江見月愁
功難裨盛世夢懶到皇州早美陶弘景掛冠思與伴
其二

外物非良貴中心有廣居老當知止足貧不羨贏餘

萬事付蕉鹿一生同蠹魚窮愁何用遣還著未完書

荅陳粹之用舊韻

荒僻阡南路勞君幾度行雲霓因早望草木向春生
憲度馳聲遠詩懷到骨清海山聆妙曲安得不移情

又和

微官淹歲月幼學未能行健以窮愁博吟應太瘦生
風霆隨劍吼山水與琴清歸計何時遂謾馳丘壑情

過鎮遠小田溪見路西一洞甚奇

曉過小田溪崆峒傍路西巧從天地設幽稱鬼神棲

集川集元卷四

五在茲堂

雨足蒼苔潤雲深白日迷窮探吾未暇對景謾留題

和周翠渠宿黃絲堡夢母之作

同作天涯客萱堂白髮新賢勞空自念流落爲誰嘆
計別始知遠夢歸猶未真平生學忠孝相對各沾巾

憇龍里衛步月

來時曾此憇歸日復登臨兩度月皆半一年春又深
城闌通遠道樓閣對遙岑散步銀蟾下懷人勞寸心

過黃凱溪

山色翠玲瓏長厓掛半空雲迷十萬國路隔九千宮

風景輞川曲人家漢水東憑誰揮妙筆置我畫圖中

偶成

倦遊歸舊隱歲月易侵尋世事不掛口故人常在心
病思囊少藥貧笑壁無琴杜老愁花鳥詩篇只謾吟

次張叔亨黃塘道中韻

凌江灘下水一派與天長楊柳驚秋雨芙蓉醉曉霜
越山雲黯淡京國路微茫有客頻翹首丹心戀緒黃

過舊井陘

昔時爭戰地今日際雍熙邑治非前日水聲如舊時

集川集元卷四

六在茲堂

左車徒有策韓信亦堪危成敗非人力祇應天地知

至汾州

旌節下汾州天空豁遠眸邊山當北聳河水傍東流
市道橫高閣城闌架小樓旬宣乏良策民病幾時瘳

出汾州望介休

介休何處是南望意遲遲咫尺未能到平生不盡思
風流郭有道高特介之推祠墓千年在憑誰酹一卮

南關驛古松八九株可愛

小驛南關口開窓面面峰宿雲封畫棟飛雪洒青松

險道愁行客豐年慰老農有懷不成夢斜月五更鐘

王僉憲足夢中詩見示依韻答之

仕路相親炙頑心頓琢磨喜君名獨盛笑我髮先皤
貫日忠誠在明霜義分多憂民何所賴歲稔與時和

賀晉府二殿下出閣用陳方伯韻

帝系源流正天門寵渥類才華隨日進甲第與年新
勝境連三島芳筵具八珍茲詩申燕賀詞拙意偏真

喜熊憲長陞都憲和韻

山西重鎮也晉府儲貳殿下好善敬賢樂於

吳川集

元

卷四

七

在茲堂

推致以故藩臬郡臣多被超擢之榮今年秋

方伯李德馨既陞都憲督儲南邦不數月憲

長熊騰霄復陞都憲巡撫東魯殿下餞騰霄

之際作詩一律以志喜而命臣和之

辭臣承睿眷嘯拂到金臺身際風雲會恩隨雨露來

大才宜世用嘉運自天開昨夜東南望文星映上台

其二

多士稱王國雄風陋楚臺人從仙境集春人綺筵來

歲月詩篇富河山卷畫開京華天咫尺瑞氣擁三台

七言律詩

奉使山海

勤勞王事愧稱賢持節東來路半千諭俗不勞司馬
檄贈行惟有繞朝鞭斷橋流水村邊驛疎木平原郭
外天翹首關城知不遠海雲山色總清妍

登山海城樓懷京師諸友

關上層樓百尺梯公餘乘興獨攀躋白雲鋪地海濤
闊斜玉連山城郭低煙火幾家人遠近輪蹄千里路
東西蓬萊舊侶分携久極目都門思欲迷

吳川集

元

卷四

八

在茲堂

秋興

草木蕭條近著霜四山如劍露鋒鋩邊城寒入知秋
早公館吟多覺夜長潘岳二毛新感嘆淵明三徑漸
荒涼故鄉曾向京華望今望京華似故鄉

遊石門寨見長城遺址

疋馬衝風曉氣寒邊營東北近雄關行經一舍崎嶇
路看盡千重紫翠山茅屋煙迷紅樹遠石城雲鎖戍
樓閑秦人遺築俱零落滿眼興亡感慨間

中秋賞月寄京中諸友

別却清光已隔年又逢秋半賞嬋娟滄溟水濶來偏
緩邊徽樓高得最先萬里總誇今夕好一輪應比昨
宵圓京華此景知何限欲駕飛鸞會衆仙
飄飄微雨洒輕塵淡淡涼風掃暮雲天上月輪看處
滿人間秋色坐來分金暮落影高低見丹桂飄香遠
近聞玉宇瓊樓懸望切此心元自不忘君

留詠亭

翼翼虎亭近水傍主人終日爲詩忙珍奇搜盡江山
瘦翰墨留多几席香半榻烟霞分雅淡四時風月助

寒川集

卷四

九

在茲堂

清涼連篇累牘憑收拾不但奚童一錦囊

和余君瑄見寄兼柬龍灘舊友

龍灘講席近圓洲曾記追陪兩度秋閑覓知音調絲
絢每呼從事到青州雲山別久空迢遞風月吟多憶
唱酬何日賦歸同訪舊雪舟重爲故人留

挽許道中先生

侍從才華四十年東齊人物老儒仙太常舊建迎鑾
策學士原兼內相權直道不容甘去國閑身無累早
歸田老成凋謝文章在留得芳聲世上傳

呈楊司徒

時以公事忤之因有是作

人曹從事受知深自嘆疎庸力不任大錯由來非鑄
鐵片言誰信易銷金容身已荷婁公德寡過終懷伯
玉心燮下焦桐如未棄願依良匠製瑤琴

試院作

三年一度選儒生願拔真才佐太平滿座圖書消白
晝半窓燈火伴殘更雲霄有路吹噓近銜鑑無私去
取精閑把唱酬追往事不妨重比五星明

熙庵爲張汝用作

寒川集

卷四

十

在茲堂

清世投閑粵海東滿軒和氣透簾櫳優游霽月光風
表笑傲春臺玉燭中萬物有天皆暢達寸心無地不
昭融多情更愛門前水長似虛靈一鑑空

次韻寄方彥卿

浮世紅塵日日忙一樽誰共洗愁腸隴梅欲寄春無
便池草初生夢有香撫罷焦桐憐古調對殘霜鏡憶
年光天南莫怪頻回首人在山中紫翠房

謁告將歸適奉使香河未果

西風涼冷送秋砧萬里鄉園杳信音奉使慣持天上

節憶歸猶負客邊心平生宦業工齊瑟到處羈愁付
越吟獨倚危樓凝望久羅浮山色暮雲深

送都察院經歷蔣士亨致仕

二疏恬退更誰倫珍重先生繼後塵綠水青山尋舊
隱葛巾藜杖樂閒身天邊鳳侶難爲別江上鷗盟想
見親多少宦遊淹歲月豈無頭白未歸人

寫懷

客路淹留少故知家鄉回首動遐思一宵渾似三秋
別兩月難成半句詩酒力中人春去後江聲欺夢月

吳川集

元卷四

十一

在茲堂

斜時秋來更有關心處事業蹉跎鬢欲絲

過荻港尋亡女細三墓

花埋塵土玉沉淵往事傷心已十年別去難忘親骨
肉重來愁見舊山川雲烟宿草孤墳外野樹悲風古
驛前吾母白頭猶念汝天南相隔路三千

題陶翁憲平寇卷

嶺海頻年困繹騷大夫平寇獨賢勞潛驚陰谷回春
氣喜見洪爐燎羽毛心戰遠勝兵戰好雲臺終與柏
臺高人間老帥知多少空向轅門檢六韜

侍宴奉天殿

蓬島深中別有天金爲宮闕玉爲筵珠簾半捲南山
近仙仗平開北極連坐久恍疑丹換骨醉歸猶覺日
如年微雲歌吹親曾聽不比鈞天夢裏傳

送曾亞卿致仕

天上功名四十春投簪非爲故鄉尊半頭白髮添公
道滿眼青山候主人塵事已無前日擾歸裝酒是舊
時貧扁舟明過江湖畔鷗鳥相逢想見親

過楊村柬徐秋官

吳川集

元卷四

十二

在茲堂

使節追隨出禁城參差煙樹短長亭水拖晴練風前
皺山列華簪雨後青喜有皇華同入詠不因盃酒也
忘形畫船風月清秋夜人在天南識二星

詠懷

萬事真成筭海沙雙輪誰解駐天車浮生寓世身如
葉薄宦勞心鬢易華紅蓼夕陽吟處景白雲秋色望
中家市朝不似溪山好何日南歸理釣槎

過彭城懷舍弟思正

漂泊彭城說二蘇我心應與昔人符弟兄感別添新

恨風雨連床是舊圖萬里有懷秋共杳一宵無寐月
同孤鵠原歡會知何日竊祿清朝愧濫竿

遊金山寺

江心浮玉鬱嵯峨上下樓臺浸碧波萬古乾坤勞砥
柱四圍冰雪湧青螺人登絕頂天應近僧住幽厓地
不多古鑑堂前獨吟眺數聲啼鳥隔烟蘿

舍弟思正未第南還縉紳相知者咸以佳作見

贈余雖拙不容無言迺步諸公韻爲三十首俾

思正持歸時一展玩千里猶覲面也今錄三首

吳川集元卷四

十三

在茲堂

長安殘漏促鷄鳴一騎都門問去程離別不緣貧賤
苦綢繆難盡弟兄情河橋酒幔牽風起水國扁舟載
月行後夜夢回池草綠幾多詩句爲君成

幾年奔走戀微官萬里親闕問安原憲貧來渾似
病孟郊吟苦不知寒鄉書少便經年絕客被無情入
夜單滿目雲山歸興切此身何處借飛翰

天上培風滯羽翰強寬懷抱過春殘達人不爲窮途
泣遊子肯辭歸路難細雨寒燈思對榻夕陽飛鳥獨
凭闌隨君屢有還家夢一路烟波繞翠巒

挽淮安致政胡揮使

列職轅門蚤著聲投簪偏遂暮年情九天恩命榮三
世八袞年華老一生菊逕已窮元亮趣柳營猶記亞
夫名朝紳聞訃多傷悼應爲人間惜老成

蕭尚書哀挽

郎司棘寺久馳聲又總臺綱進列卿南國幾年分重
寄西江千里動歸情長才未究生前用卹典空需殁
後榮惆悵九原今不作高風何處覓耆英

同年會次鄭瑤夫內翰韻

吳川集元卷四

十四

在茲堂

同時科第百餘人占斷瓊林爛熳春期集以來今有
幾勸酬須醉肯辭頻身逢盛世恩波潤道合斯文氣
味真從此莫忘脩舊好帝城風景四時新

光山下營

以下使朝鮮作

渺渺平原面面山亞夫堅卧柳營閑春雲散作龍蛇
陣夜柝嚴於虎豹關金吹一聲天地外劍光千尺斗
牛間行當借此三軍便剪却殘

奏凱還

登百祥樓

樓高地勝最相宜四面看山一樣奇風景豈殊摩詰

畫才情偏助拾遺詩平川日煖冰消易遠塞天空鳥
度遲心在帝廷身在客五雲回首不勝思

登鳳山環翠樓次張中書世璉韻

山前古洞白雲封樓上嵐光雪後濃老去詩名慚趙
嘏醉來豪氣逼元龍一人有慶乾坤大千里宜恩雨
露重欲向朝陽聽鳴鳳碧梧脩竹隔晴峰

謁孔廟

朝鮮詩禮獨稱雄孔廟規模上國同數仞門牆無路
入千年絲竹有神通斯文自與天長久吾道常如日

吳川集

元

卷四

五

在茲堂

正中四海車書今一統典章何處不尊崇

坐中獲觀諸生所作文賦因贈以詩

青袍濟濟列生徒千里驂騑汗血駒論秀遠規周俊
士慕華同事魯真儒功名自古非難事道德由來是
坦途莫學隋唐昧根本只將詞賦費工夫

將遊漢江風雨未止

海國東來感異鄉醉中懷抱爲詩狂煙花轉覺清明
近風雨都隨寒食忙慣事謾誇王介甫出遊誰似段
文昌漢江佳致傳聞久願借春晴泛畫航

王介甫久雨詩云老人慣事少所恠段文昌
帥荆南久雨出遊必晴

漢江舟中和張廷玉一律

江頭春意滿樓船花柳爭妍二月天帆影逐將飛鳥
去笛聲驚起老龍眠山連兩岸雲林合石激中流雪
浪濺莫謂東來好遊賞尋常詩酒慣相牽

朝鮮途中寄國王十律今錄二律

外域梯航萬國通朝鮮近在海雲東君臣治道光前
烈人物衣冠有古風八教條章終不改三京形勝久

吳川集

元

卷四

六

在茲堂

稱雄農桑樂業邊塵靜正圖吾皇德化中

淺薄無由贊盛時只憑忠赤荅恩私吟多耻售鷄林
價客久常懸鳳闕思山似留人多北聳水因歸海盡
東馳臨岐莫訝辭行驢楊震從來畏四知

和徐議政三月三日途中之作是日寒食

三月風光似禁烟踏青時節艷陽天倦行驛路魂堪
斷遠望鄉園夢亦牽洛水有觴曾泛羽楚山無樹不
啼鶯詩來忽動傷春思一度微吟一黯然

奉都憲彭公二首

星軺經處重咨詢都憲聲華邁等倫一飯豈能忘北
闕寸心惟欲庇東人壺水清映無瑕玉谷黍潛生有
脚春挽得天河洗兵甲邊方從此絕風塵

經濟才高動聖明東陲草木也知名筆端敷奏三千
續冒次韜藏十萬兵天下達尊推大老人間重鎮倚
長城鄉閭後學傾心切欲賦凌雲愧長卿

和朝鮮陪臣徐居正贈別

閱歷風霜一縕袍半年踪跡別東曹邊城春望海雲
遠候館夜吟山月高不用綺筵張玳瑁肯將行李載

栗川集

元卷四

十七

在茲堂

蒲萄臨分惆悵難爲贈笑指秦鞭與孟勞

吳川祁先生文集卷之五

七世孫文友重刻

七言律詩

叅政西江

四十年來一束書致身何幸際唐虞平生志慕奇男
子此日官爲中大夫北闕羽儀新寵渥西江山水舊
行途慈闈咫尺思迎養久愧林頭返哺烏

自南康往九江過廬山遇雨

嵐氣空濛路莫分上方鐘磬隔林聞一溪流水新添

栗川集

元卷五

一

在茲堂

雨千仞好山全是雲舉酒未能招五老題詩誰爲寄
匡君重來好趁晴明日緩步追遊到夕曛

自九江別王憲僉至湖口有寄

潯陽停旆過深冬王事辛勤幾日同病思只緣詩有
癖愁懷多恨酒無功山前雨久雲迷路江上風寒浪
拍空咫尺別來增悵憶不堪回首倚孤篷

用韻答陳粹之見贈

交情翻覆笑群兒古道非公尚屬誰叔向不遺驥茂
善夷吾偏荷鮑君知育中膽氣惟憂國天下珍奇半

在詩笑向霜臺指松栢歲寒清節重相期

僕居京時與少司寇泰和曾公爲隣嘗作詩送其歸老茲僕出叅江右而公和原韻見示因酬一律以紀舊情而申今好云

天上歸來別有春淵明松菊季鷹尊孔門華胃三千列聖代名卿第一人誼行遠增鄉國重清風寧慮子孫貧卜鄰記我當年事話舊何時笑語親

周駙馬德章作詩送別因追思其先兄德明方伯余讀之悵然遂和以見意

東川集元

卷五

二

在茲堂

番水合悲遠接淮安陽北望恨難排眼中此老今何在世上無人不動懷列郡甘棠空蔽芾千金寶劍已沉埋懸知同氣思尤切影落殘荆月滿階

董尚矩內翰席上留別同酌者林亨大王世賞

二內翰也

偶向京華兩月留故人重會總心投麻姑酒盡春生頰石鼎詩成月到樓山斗孤高常在望樹雲迢遞漸牽愁玉堂天上能相念莫惜音書寄便郵

舟次高郵因記林亨大內翰贈別詩有後夜神

珠光動之句用和一章

正城舟楫暫停留湖上明珠不暗投千里有懷難命駕一樽無伴懶登樓滄波浩蕩鷗盟冷黃菊闌珊蝶夢愁滿眼詩情吟未遍短章聊付致書郵

書劍南歸先寄陳白沙

醉夢支離苦未真天南回首自知津流年有閨黃楊退甘露無美白髮新安分不須驚寵辱非才何以荅君親白沙煙水羅浮月便合相從早結鄰

紀湖借居次陳粹之韻

東川集元

卷五

三

在茲堂

紀湖山水稱僑居山可登臨水可漁故舊追隨頻有夢相門干謁獨無書買花錢費三春後刻燭詩成四韻餘身世澹然隨所樂直將方寸比堪輿

鳳臺南閣二詩社請會不赴

涼入詩壇秋氣深群英載酒樂登臨高情不減香山會治世重聞大雅音一脉斯文千古意萬金交誼百年心無因得伴黃花醉病倚西風只自吟

詩社見和拙作復用韻酬之

雲山隱映草堂深試著丹青不易臨真率筵開無俗

客我洋曲妙有知音池邊春草頻牽夢林下禽魚總
會心指日投閑添著我追歡同作短長吟

過樂昌 癸卯歲正月

駐節經官便促裝天南翹首思微茫浮雲落日迷京
國遠樹殘霞接楚疆世路多岐憐我拙青山無語笑
人忙遠遊亦是男兒事弧矢由來志四方

樂昌灘

韶郴疆界隔西東萬壑千林一罅通峭壁嵯峨山擁
峽險瀧碎泝水奔洪謫遷尚記唐賢詠疏鑿咸誇漢

樂川集 元 卷五

四 在茲堂

守功薄宦經遊看不厭淡煙疎雨倚孤蓬

唐

韓經此有詩漢桂陽周太治瀧有廟

登合江亭 在衡州

千仞磯頭一小亭湘蒸流水合雙清人居兩岸東西
近波映孤城上下明回鴈峰前鄉信杳飛虹橋下釣
舟橫望中咫尺長沙路懶把文章弔屈平

自寶慶之沅州

邵陽西與桂陽通路破烟霞幾萬重石路濕如泥路
滑遠山青北近山濃浮雲出洞奔蒼狗枯樹橫溪臥

老龍風雨經旬春未煖弊貂羸馬笑龍鍾

過沅州寄友

樽酒相逢又別離心旌無處不追隨雞前風雨頻回
夢馬首雲山半是詩萬里優容明主賜平生濩落故
人知澧蘭沅芷春來盛欲采餘芳寄所思

石阡述懷

男兒弧矢平生志歷徧中華到石阡椎髻卉裳荒陋
境劒牛刀積太平年雨餘山翠開圖画夜靜泉聲落
管絃俗客不來公事簡倚窓頻和白雲篇

樂川集 元 卷五

五 在茲堂

夏意

殘鶯無語燕差池眼底江山處處宜倚樹乘風忘舉
扇讀書消日勝團茶吟搜景物牽情遠夢遶家鄉睡
醒遲五十年來閑是福此身羞作楚臣悲

端午後一日

蒲觴宿醉尚厭厭午枕薰風散黑甜楚畹孤芳仍舊
好堯庭開莢有新添攻鑿謾蓄三年艾用世渾如六
日蟄百鍊青銅閑拂拭匣中塵垢不相沾

和周時雍見寄

過鴈新傳錦繡章
筆端光燄照窮荒
高樓對酒月千里
落日看雲天一方
薄宦本來身似葉
苦吟贏得鬢成霜
相思慣有相尋夢
不啻湖山去路長

寫懷

世故人情不易猜
潛鱗何日起風雷
東西塗抹心猶壯
日月居諸老漸來
直道未應終忤世
清朝誰信有遺才
秋光併入黃花圃
晚節寒香取次開

遣興

僻郡蕭條鄉信疎
自甘寥落守寒株
數莖蓬髮經霜白
一點葵心向日孤
農圃相鄰成噲伍
詩書有志慕

藥川集元

卷五

六

在茲堂

改一點葵心向日孤
農圃相鄰成噲伍
詩書有志慕顏徒
悅來榮辱渾閑事
懶對溪山詠入思

春夢難憑世患多
窮荒知己復誰何
生涯好是安蛇足
門巷真堪設雀羅
天上幾時均雨露
人間無處不風波
未斬心猶切試把
龍泉爲一磨

和蕭文明見寄

浮雲白日隔長安
遠客多愁強自歡
草色鶯聲于越景
菊英蘭露楚人餐
心丹不逐風霜改
眼界應隨宇宙寬
長對一樽歌復嘯
欲將豪邁洗儒酸

五十生朝

少小奔馳今五十
銖心如舊鬢將銀
知非正爾同蘧瑗
望富由來陋買臣
淺薄幾時能報國
別離何處不思親
西風一盞重陽酒
且對黃花作主人

寄江藩舊僚友

方岳衣冠憶舊游
遠情難托致書郵
雲迷南浦幾千里
月滿西江第一樓
作郡也能兼吏隱
著書應不爲窮愁
歸閑尚有經過約
共拉麻姑瀉玉舟

聞彭方伯鳳儀薦侍郎都憲皆未遂詩以寄意

藥川集元

卷五

七

在茲堂

廊廟深期第一官
鋒車何事尚盤桓
才優屏翰今爲最
道合明良古亦難
一代正人關世運
百年公論滿朝端
扶搖指日培風便
極目青霄送羽翰

次彭方伯述懷

浪拍長江雨未休
何人不望濟川舟
風流豈但謝安石
博洽寧論殷馭猷
常許丹心堅似鉄
生憎黃舌巧如流
沙堤幾度催行色
却念邊氓爲少留
四海清寧兵甲休
君臣同德兩交脩
如公正合歸台輔
令望從來邁等流
斬佞尚聞存故檻
濟寒爭願蓋

長裘參芝朮桂堪防疾藥籠還當取次收

謝江西舊同寅寄書

千里洪都一念懸尋盟消息尚茫然孤燈細雨難成
夢芳草王孫易隔年花鳥闌珊詩興外溪山岑寂酒
尊前高情遠逐雲緘到不說窮荒道路偏

寄蕭文明

東望銅江五日程相思何處可尋盟白雲滿地不堪
贈芳草連天無限情緘就素書難托鴈歌殘伐木忍
聞鶯朝天想趁西風早欲辦新詩爲送行

渠川集元卷五

八

在茲堂

病起

天涯淪落獨關情病起驚看白髮明留詠只將山當
畫攻愁常借酒爲兵春遊野澗憐幽草夜讀殘書愛
短檠三徑荒蕪歸未得癡兒公事強支撐

賀彭方伯陞都憲

四靈克初未爲祥共喜真才入廟堂盛代明良忻有
遇全閩山水倍增光雲霓不負蒼生望汗簡當流百
世芳正氣微茫今復振爲公填就鐵心腸

送蕭文明

鎮寧別乘黃門彥早有賢聲在廟堂五色詞章雲錦
爛萬言忠疏日星光鄉園展墓馳心極京闕朝正去
路長料得九天雷雨動臥龍追逐起江湘

次丘時雍登廬山

曾步匡廬最上頭紫陽書院也淹留幽尋未徧神仙
窟遠謫還來山水州天上羲和奔日馭人間蠻觸戰
蝸牛回思五老長如舊顧我蕭條鬢易秋

聞陳方伯文曜作古用韻弔之

哀計遙從江右來西風蕭颯動寒埃百年交誼忽中
渠川集元卷五

九

在茲堂

斷一日愁腸空九回勝閣鳴鑾閑落月延津寶劍化
驚雷古今勲位皆前定祇繫遭逢不繫才

年過五十苦思歸明哲由來識事機江海多愁華髮
早廟堂無路壯心違甘棠楚甸遺思遠歸旆閩天帶
恨飛前日得書今日計傷心疑是又疑非

郡齋書壁

不獨桃源深復深此中幽僻更難尋山泉恬澹有清
意庭草低回無怨心曉迤白雲隨蠟屐夜窓明月伴
瑤琴衰遲幸與閑相稱且作先生號醉吟

和沈仲律見寄韻

幾年朝市厭喧譁此日山巔與水涯自適也同林下
鷗寡聞真似井中蛙三秋涼意輕紈素五夜寒光見
莫邪閉戶閑吟消日月豈堪流播大方家

和林秋官待用見寄

仕路聞名夙有年忽勞佳句到窮邊斯文骨肉我何
幸薄俗炎涼君不然唐介召還終報國晏容知分合
歸田無由相送偏相憶目極江湖萬里天

次陳憲副粹之見寄

柴川集

元卷五

十

在茲堂

山石崎嶇路屈盤使君行部不辭難車乘鷺羽辛勤
到匣有龍泉水細看甘雨滿天春共照清冰出壑夏
猶寒豺狼遠遁風塵息見說邊人處處安

粹之詩多佳處因以爲謝

遠山奔放近山盤郡縣民稀客到難不覺愁多憑酒
還且乘公暇借書看百年身世乾坤大一點心丹鐵
石寒鵬鷗高卑咸有適天涯寧厭一枝安

又和粹之見寄

短髮蕭蕭對鏡盤壯年功業老來難政因太拙殷勤

補書爲多忘反覆看學道不嗟原憲病苦吟真覺孟
郊寒鄉園倘遂投閑願容膝衡茅亦易安

聞賤名被薦未允

聞道山公啓玉除河東有賦借吹噓微生自分鳩巢
拙盛世誰云鳳網疎過眼羲娥雙轉轂閱人天地一
蓬廬功名遲速無勞問且趑清閑更讀書

粹之過訪

蕭條門巷爲君開急喚蒼頭掃綠苔拙自憐知己
少謙光重見使旌來便斟泉水烹山茗更摘菰心伴
茶臺情重不嫌風味薄笑談終日共遲徊

柴川集

元卷五

十一

在茲堂

粹之山行和宋人劉改之韻言備嘗辛苦而美
二疎勇退因借韻慰之吾非薄二疎者也

使君卓特人中驥步上雲霄未計程落落襟懷孤月
皎紛紛勢利一塵輕蘇公敬獄堪垂法杜老憂時欲
洗兵莫爲勤勞思勇退清時誰不事功名

次吳大叅時中韻

細聽微音耳欲傾詩來先慰別離情從知郢下難爲
和却愧邯鄲強學行問俗幾番勞駐節看山何處不

題名後談未許重親炙茅塞春溪剪又生

次粹之見寄韻

耕讀生涯有舊丘可能憔悴滯荒州常懷元亮籬邊菊不羨王戎手上籌青鬃忽隨蓬梗老朱門爭似草亭幽裁書便約漁樵侶歲晚相尋夙願酬

左官荒微稱閑行懶把詞章作楚聲五斗折腰慚靖節一言知己慕醒明画蛇豈在能安足待免那堪久輟耕亦欲乘風問真宰宦途巖險幾時平

和毛教授破屋之作

東川集元

卷五

十三

在茲堂

同寓邊城景若何人烟蕭索草茅多却慚太守才無補不使先生居有那願寫德馨銘陋室還將道義障頽波萬間廣庇何由得懷古傷今涕欲沱

答粹之清平獻捷

獻賦聲騰汴水邊將壇儒老握兵權刻期三日果如此一笑眾軍皆粲然天遣雲霓蘇大旱人看圖画上凌烟嗟余莫效戈矛力空詠藍關馬不前

和粹之見寄

宦海茫茫懶問程且憑盃酒叙心盟靜看天地都如

寄吟對江山獨有情世上画圖空索駿古來深樹價啼鶯結亭擬作三秋計肯待鍾鳴恣夜行

自述用蕭文明韻

才藝空疎德最涼全生恩重荷吾皇貴陽謫地殊儋耳庾嶺飛雲近太行不爲鼎珍題雜興懶將江水比愁腸養慵頗覺山中靜翻笑從前吏事忙

和韻送蕭文明

大才宜作濟川舟豈謂因循滯一州直諫朱雲曾折檻思歸王粲慣登樓宵中學業兼精博筆底文章掃

東川集元

卷五

十三

在茲堂

繆悠親炙無能還遠別海天雲樹總生愁

和粹之病起曠書

百年心力爲書迷多病非緣數不齊楊子賦成驚鳳吐杜陵詩苦值鵲啼帶圍漸復愁圍減藥價雖騰酒價低行部重來應慰我小窓談笑更分題

喜唐必聰中舉

試罷秋闈得意回西風傳送好音來瑞分芝草非由種香入梅花獨占魁天上有梯還進步人間何地不生才自慚作郡無裨補爲爾成名一笑開

黃槐催動馬蹄忙，千百人中選俊良。文采舊曾評月旦，科名新喜破天荒。寒窓燈火真無負，僻郡山川倍有光。從此諸生知奮勵，白袍爭作綠衣郎。

贈陳冷庵歸田

締交元不爲黃金，燮下焦桐遇賞音。宇宙綱常今古事，江山風物短長吟。知時鮑叔深憐我，識面臞明早見心。南北分携從此遠，舊盟何日許追尋。

又次陳冷庵見寄韻送其東歸

遠道逢人只寄梅，相思心切恐成灰。歌餘白雪高難

梨川集

卷五

五

在茲堂

和望斷浮雲暗不開，千古是非何日定。一生榮辱自天來，忘愁且醉春江酒。吏墨糟丘百仞臺。

次冷庵歸田韻

投簪慷慨問歸程，直向山中隱姓名。刪後有詩追大雅，醉來無夢到承明。舟移別渚收殘釣，春及西疇報曉耕。回首宦途人擾擾，白頭奔走負生平。

送何大參進表之京

藩省賢參舊水曹，趨朝祝聖不辭勞。一人有慶天同大，萬壽無疆日正高。願進忠臣金鑑錄，祇須仙母玉

盤桃窮途亦有相，隨夢五色雲中認赭袍。

寄林太參允吉

地署同官早見知，十年重會楚天涯。升沉宦迹憐今日，爾汝交情似昔時。問訊恍疑身是夢，相看都覺鬢如絲。無端又動停雲思，謾拂焦桐候子期。

次周畏齋韻贈放氣完貳尹

事君論道不論官，瀝血書辭見肺肝。自昔朝陽爭識鳳，如今枳棘暫棲鸞。江湖遠念懸雙闕，霄漢聲動百蠻公。論到頭應有定莫，將榮辱眼前看。

梨川集

卷五

五

在茲堂

柱石由來異楚樵，棟梁應向豫章尋。片言悟主難爲力，萬里投荒不易心。雨露幾時均沛澤，雲山滿地結層陰。懷賢叵奈通津隔，尊酒無由得共斟。

身雖去國義偏榮，懶寫離騷弔屈平。匹馬不嫌滇服遠，雙眸頓向楚山明。吟哦未必妨分事，賦諷還須藉墨卿。一點忠誠天所界，綱常爲重利名輕。

讀書非但富文章，浩氣真成隘八荒。閭闔排雲餘諫草，江山搜景滿詩囊。才名不負三場選，忠愛焉能一飯忘。却笑江州淪落者，琵琶聲裏淚沾裳。

學宮避暑

壺觴環坐綠陰中數仞門牆一畝宮池水浸空光歛
灩野山如画碧玲瓏黑雲急送催時雨白日涼生解
愠風願得時平民物遂不妨行樂與人同

和林大參見酬

山齋疎散少人知信步尋幽遍水涯沉李浮瓜殘暑
日清風明月早秋時功名底事爭蝸角保障無心問
繭絲却憶薇垣少方伯一尊誰與話襟期

次高克明韻

吳川集元

卷五

十六

在茲堂

郡城瀟洒近巖扃樂對琴書適性靈原憲貧身非謂
病次公狂態本來醒朝山拄笏千層碧夜闌然藜一
點青疎鈍無能裨治理發硯新刀愧庖丁
郡僻人稀日日閑柴門雖設不須關石邊流水自清
淺林際白雲時往還聖主恩波深似海逐臣踪跡飽
看山龍泉紫氣衝牛斗惟得光芒五色寒

寄何大參

流落他鄉少故人粵臺名宦獨逢君忘年笑誼由來
重當面音書不厭勤深夜有懷時見月荒山無伴只

怡雲西風吹送朝天旆南北迢遙惜袂分

吳川祁先生文集卷之五終

吳川集元

卷五

十七

在茲堂

吳川祁先生文集卷之六

七世孫文友重刻

七言律詩

送李僉憲之京次原寄石阡得士韻

聖主尊親詔八荒
憲臣朝賀自炎方
三邊政肅群豺遁
萬里秋高一鷁翔
表獻御筵天咫尺
身依仙禁日輝光
爐煙兩袖携來滿
散作人間雨露香

送林大叅上京賀太后尊號

徽省風清秋正深
朝天匹馬去駸駸
九重天大舉尊親

吳川集 卷六

在茲堂

典四海同傾祝聖心
周雅思齊傳自昔
虞廷至養亦如今
鷄班拜舞承恩重
洗耳歸途聽好音

聖母尊崇萬國欽
賀章馳獻見忠忱
青霄紅日瞻依近
湛露需雲寵渥深
暫別忍裁知已賦
遙歸期慰小民心
使旌重過湖湘路
舊憇甘棠綠滿林

秋夜言懷次高克明韻

草木蕭蕭萬籟號
遶山無際楚天高
繞枝庭鵲時三匝
警露胎禽徹九臯
塵世炎涼驚俗態
詩家風月屬吾曹
如何宋玉悲搖落
也把才情學屈騷

吏隱從容際盛時
東華車馬任奔馳
天生性分窮何損
雪作襟懷涅不緇
客邸秋光閑裏度
故園山色望中疑
黃花舊有柴桑約
歲晚相尋莫遣遲

用韻答蔡克智暨王節推

小洞煙霞深復深
流光過眼日駸駸
生平不善謀身計
縱老猶存許國心
南郭濫竿應似昔
西山拄笏最宜今
勞君佳句開岑寂
恍惚重聞大雅音

和陳粹之憲副見寄

百年身事一扁舟
風便須行止卽休
自許壯懷包宇

吳川集 卷六

在茲堂

內不教愁態上眉頭
聖涯萬頃優游泳
藝苑群芳積漸收
後世子雲應有合
夜光寧肯暗中投

別來惆悵欲沾衣
望入遙天碧四垂
醉夢支離鶯喚後
遠書珍重鴈回時
耽吟杜老真成癖
斷飲吳公未是癡
想到浙西尋舊隱
湖山無處不清奇

大行皇帝挽詞用周憲僉韻

天崩杞國日西頽
一夢華胥竟不回
秦使謾勞東海藥
周詩徒詠北山萊
五絃音斷薰風奏
萬姓情同薤露哀
至德難名功更大
編摩誰是馬班才

華封三祝愛長年豈料飛龍返九天神禹儉勤今有
繼聖堯巍蕩古無前星收虹渚雲空暗劍墮橋山迹
已仙老淚盡隨江漢水西風吹作碧漪漣

鳳莊八詠

晴原眺處

宿雨初收日麗空興來移步鳳崗東四圍景物登臨
下百詠詩情指顧中老眼直窮天地遠開心應與水
雲同素翁此處真堪樂不羨身乘破浪風

舞雩風處

鳳莊集 卷六

在茲堂

古木壇中藹綠陰葛巾藜杖慣追尋隨行童冠從容
到列坐壺觴次第斟春日恍聞曾點瑟雄風如透楚
王襟素翁此處真堪樂何用蘭亭慨古今

翠微深處

隱隱山莊一徑微舊栽松竹盡成圍春苔帶雨香粘
屐曉洞飛嵐翠濕衣幾處亭臺分野趣數聲鷄犬隔
林霏素翁此處真堪樂布韞青鞋願不違

泉石佳處

聞說莊南景最佳天然泉石巧安排寒流曲折通滄

海碧玉峻嶒削斷崖點染丹青非畫筆半籠風月是
詩懷素翁此處真堪樂更欲誅茅結小齋

竹窓靜處

瀟洒琅玕數百科虛窓習靜養天和濃陰當座午方
匝清意入簾秋更多風雨自鳴蒼玉佩塵埃不到懶
雲窩素翁此處真堪樂淇澳詩章任醉哦

水亭涼處

漱澗方池着小亭亭中風致十分清雲連樹色高低
合天映波光上下明當暑不知紅日熾投閒惟與白

鳳莊集 卷六

四

在茲堂

鷗盟素翁此處真堪樂坦腹長吟老一生

花圃香處

手植名花次第新每從花底會賓親園林數畝渾如
繡景物四時都是春香撲酒尊風作黨影侵臺榭月
傳神素翁此處真堪樂多少穠華屬主人

禾川熟處

家有蘇君二頃田西風禾稼滿莊前纔看碧浪浮平
地忽覺黃雲接遠天場圃積餘香燦爛饗飮炊出玉
鮮妍素翁此處真堪樂擊壤長歌大有年

寫懷

恩詔頻頻下九天，賜環消息尚茫然。生涯在我常隨分，當道何人解薦賢。鬢雪積來非往日，梅花開盡又新年。臨風一醉愁如掃，萬里乾坤入望邊。

榮壽堂爲錢憲長作

堂外湖山畫不如，堂中人物勝蓬壺。九重褒顯絲綸渙，八十康寧伉儷俱。家慶尚傳榮武肅，天公偏厚蔡君謨。貴陽此日瞻雲切，併寫恩光入壽圖。

石阡春望有懷

紫川集序

卷六

五

在茲堂

春徧窮荒萬物榮，臨高一望眼雙明。新陽散盡浮雲色，幽澗頻添過雨聲。花鳥不殊華夏景，江山猶是異鄉情。美人別久牽惆悵，尊酒何時許合并。

苗民公館和壁間韻

柳拂晴堤草映川，春光如畫滿東阡。人家半在荒煙裏，山色遙連落日邊。蠻獫只今安治化，雲林自古隔羣屢。循行正欲詢民瘼，一念清勤不愧天。

苗民道中

半束琴書一布袍，穿嵐度簣不知勞。群兒錯訝并州

郭大姓全非，深郁高林木蔽空。雲擁蓋邊山極望，海翻濤應蹟五馬成。何用歲月虛馳祿，謾叨

送鄧少叅上京賀聖節

通表金門祝御筵，勤勞誰似大夫賢。龍飛喜際亨嘉運，虎拜同瞻咫尺天。華渚光中開壽域，簫韶聲裏和薰絃。蓬萊宴罷承恩重，帶得甘霖下日邊。

學宮栽栢

阡學文廟之左有栢樹焉，鬱然森茂，高越五尋。前人植之六十餘年矣。郡博毛先生謂斯

紫川集序

卷六

六

在茲堂

樹孤挺宜有與之並秀者，乃於戊申三月廿四日別移一本植其西，以配之。余惟二栢之植，雖有先後而將來成材當不異也。然非善於封殖，其能俾勿壞乎？育材之道亦猶是爾，因爲之詠以示後人。

庭東老栢拂雲孤，庭右初栽第二株。學校人材新氣運，廟堂梁棟大規模。歲寒貞操冰霜共，天上殊恩雨露俱。欲賦角弓知不忘殷勤，封植在師儒。

贈王弘文

識面證明已見心新篇來往得規箴百年浩氣克天地一縷斯文自古今南微青山憐遠別中天明月照孤吟論交願保堅貞擇雪後松筠翠更深

林憲副大用偕周梁石遊鐵溪有聯句見示因次其韻

停舟指點水雲東四野無塵眼界空醉比杜陵忘酒債窮非梅老見詩工千山草木三秋雨兩岸人家一笛風策我同心不同賞病懷蕭索異飛蓬

題沅州陂角樓次韻

栗川集

卷六

七

在茲堂

邊徽南來第一樓遠吞荆楚接神州元規談詠饒高興德裕經營著令猷閩外山河千里鎮座中風月四時收登臨不盡憂君念怪得騷人鬢易秋

次林大用見寄韻同翠渠作

相逢那忍別旌旄心易生蓬髮易蒿千里樹雲愁外杳百年山斗望中高公權筆正心先正太白詩豪酒亦豪不但外臺綱紀重清風仍舊清西曹

荅興隆周方伯次韻

惜別愁腸日九回青山迢遞有詩來數緘環重披雲

錦五色光芒燦斗魁郢下陽春真妙曲濂溪風月屬多才疎愚獨幸承清教山逕蓬茅次第開

次韻送蕭文明

鑪錘風水事非難老我羞彈貢禹冠對酒獨忘身外事論詩同慰客中歡宦情未必羈張翰人望先當起謝安重到玄都應有感碧桃零落不堪看

題黔楊寶山書院

唐忠臣張杆宋賢令饒敏學有祠在內敏學舊創書院已毀今大尹陳鋼復之

栗川集

卷六

八

在茲堂

唐賢節義動荆蠻宋令儒經政所關百世聲華青簡上一區祠宇翠微間鳶飛魚躍天高下月白風清鶴往還想象儀刑增敬仰瓣香何日許躋攀

赤寶山前一草堂煙霞如錦石如羊江流總是英雄恨化雨猶涵草木香賢尹作興文未喪儒先題詠筆生光蠻邦聲教今淪浹佩服詩書重五常

白鹿遺風挽易回黔中書院爲重開綱常大義無終極道學真源有自來天上斗牛橫劍氣人間山水壯琴臺仰高久切吟邊思撥盡陰何幾許灰

鎮遠教場和周翠渠韻

平昌坡前煙霧開光風送暖入亭臺當筵賓主三人
共映座江山四面來曲遇周郎頻著眼酒因何遜更
傳盃遨遊不是耽行樂自有陽春被草萊

纂修出餞遇雨因東翠渠

話別從容溪水涓東風料峭雨垂絲盃傾竹葉微成
醉手折梅花便有詩道路倭遲山不斷陽春流動物
先知同行喜得聆清論天與斯文一段奇

途中東翠渠

渠川集序卷六

九 在茲堂

作郡無能忽六葦公家移檄費驅馳江山助我詩何
補日月催人老不知青眼難忘東道德時移家寓
鎮遠故云白
雲常動北堂思舊時松菊荒蕪久相約投簪莫更遲

雙流大尹贈都御史孔公遺愛

霄漢飛騰見羽毛花封撫字不辭勞生前德政與人
誦身後賢名聖主褒流水汪洋遺愛遠青山峯嶺故
祠高堂堂肖像今殊昨換得中丞獬豸袍

雙流遺愛代王方伯作

製錦遺芳直至今雙流祠宇倚雲林一生貞操萊公

栢千古清風子賤琴贈典重加都憲秩哀思難盡小
民心舊時惠愛知何限山共崔嵬水共深

寄題聖泉

泉在貴州城南五里許消長不時莫窺其妙
前人置石鼓以驗之余與翠渠欲遊不果因
寄一律

一脈靈泉妙莫尋條然清淺條然深痕從石鼓知消
長源出青山自古今十載塵襟思浣濯幾朝風雨阻
登臨貴陽八景茲尤勝莫惜新題寄賞心

渠川集序卷六

十 在茲堂

登貴州城鼓樓次孔都憲先生韻

遐方踪跡謾登樓老大功名愧繆悠丹在寸心常戀
闕雪從雙鬢漸盈頭雲山入画分明見景物供吟次
第收不學仲宣閑感慨人生隨處可銷憂

過甕城河

兩岸人煙草木多東風匹馬甕城河橋橫百尺平如
砥山倒千峯翠似螺古迹已隨城剝落奔流長與石
銜磨塵纓未濯年光老空愧滄浪孺子歌

清平道中遇京使問訊

兩騎馳驅自帝畿途中相問故遲遲舊年人去今年返正月音來二月知執政尚留文彥博除書未有介之推湖川歲歉民飢甚大旱雲霓今屬誰

自倡

俯仰無慚樂有餘茫茫天地卽吾廬囊琴趙老常携鶴彈鋏馮驩非爲魚爰把塵纓臨水濯醉携椽筆傍崖書鎮陽洵美猶吾土滿眼江山畫不如

歸舟次翠渠韻

松花滿酌金盃灑酒下扁舟還汎汎石竅窪中水半

吳川集

卷六

十一

在茲堂

侵山頭缺處雲來占居夷自愛忠信好問俗不嫌風土儉無情山水解相留布韞青鞋遊未厭

至黃凱

小舟搖漾沂山疊仰視青天線一痕溪水奔流遙到海人家寥落僅成村煙霞半塢乾坤老雨露三春草木蕃安得飄然謝俗網結茅來此避塵喧

過十萬圍山頂可容十萬人故名

踏青遙入亂山中喜琴尊平日同笑弄清泉臨白石更看飛瀑掛長空早來欲禱桑林雨春老頻占花

信風落魄天涯吟正穩此生元不爲詩窮

縹緲雲邊玉峽開兩崖相對碧崔嵬樹從黃凱村前繞水自白羊塘上來酒至不辭先酩酊詩成還欲細敲推眼前勝景看難盡落日灘聲一棹回

題何氏西溪書屋

插架牙籤比鄴侯結茅遙占郡西頭林塘百畝宛如畫風月四時都是秋積善儘推家有慶世官宜與國同休書香一脉如溪水今古滔滔不盡流

自重安至清平

吳川集

卷六

十二

在茲堂

重安江上水平橋西入清平一舍遙城堡高低勞戍卒溪山遠近雜諸苗隨車細雨沾衣濕撲面寒風速酒消一段詩情何處寫粉窓紅燭伴清宵

至鎮遠

一麾猶未脫蠻荒造物無情日月忙貴竹此時旋使節鎮陽依舊寄行裝心同漆室憂宗國人憶并州是故鄉兒女牽衣頻借問爲誰添却滿頭霜

出巡思南

佳景逢春又喜晴風光粧點四山明天連直北渾疑

近路向思南漸覺平芳草池塘蛙習吹綠楊村郭鳥
催耕豐年有兆吾民樂處處蘆笙助笑聲

戊申六月禱雨有感

亢陽驕虐近秋初喜得甘霖數日餘衆念精誠宜有
感天心仁愛豈爲虛名亭擬續坡翁記志瑞無慚魯
史書六載專城頗望歲西風禾稼滿苗畲

挽丘母太安人其子霽先守蘇州

德壽雙全慶澤深孟陶家教足規箴封章炳耀清朝
寵色養怡愉孝子心忍聽慈烏啼月夜驚看弔鶴下

梨川集 卷六

十三

在茲堂

雲林升堂一別難重見悵望番山淚不禁

病思

勘破乾坤造化機倦來偏與懶相宜心能知足身何
辱少不如人老可知千古難磨惟直道一生無補是
明時便營舊隱安餘分閑續堯天擊壤詩

羅都憲哀挽

黃門獻納早蜚聲栢府喬遷晚更榮邊寨甲兵驚小
范故園松菊老淵明山川一夜還英氣宇宙千年掛
大名最是雲中遺德遠萬家城守賴安生

梅溪爲庾資寬作

大庾關頭萬樹春何年移植庾溪瀕半灣素練橫霜
幹一色瓊葩沁碧淪醉倚孤篷閑索笑坐招明月爲
傳神知君賡得林逋趣香影新聯最逼真

送何源清僉憲之京

一葉行舟數束書圓沙尊酒暫踟躕川流直與長天
接山色全經曉雨餘濟世才華應大用晚年名節貴
如初江湖亦有相隨念極目紅雲是帝居

東楊都閫

梨川集 卷六

十四

在茲堂

長才生與聖明遭新陟崇階荷寵褒閫外山河歸節
制胷中兵甲識英豪邊城有備知無患王事推賢信
獨勞願竭忠誠建勲業羽毛當見拂雲高

賜閑爲韓方伯大經乃尊題

詔許歸田寵最優此身於世復何求清風明月雙吟
鬢秋水蘆花一釣舟勇決不教靈澈笑逍遙眞伴赤
松遊回看世上貪榮者多少龍鍾雪滿頭

鄱湖阻風次嚴貢士行簡夜雨感懷韻

邂逅何因話夙心隔船風雨碧江潯波飄萍梗渾無

定寒入梅花半不禁寶劍夜隨流電掣洞簫時和老
龍吟欲尋白鹿先賢迹五老山高翠作林

天津拱北樓次韻

經營王事不寧居拱北樓成景有餘城分舟中饒貢
賦海濱黎庶樂耕漁簾櫳得月秋偏勝窓戶封
未除公暇登臨頻望闕薊門煙樹正扶疎

送馬秋官調廬州府判

家學相傳見鳳毛早從科第擢西曹連城白壁何曾
玷厄閨黃楊信所遭去國有懷金闕遠思親回首玉

東川集

序

卷六

五

在茲堂

堂高籠紗相業應期待莫遣閑情寄楚騷

用韻寫懷

不厭清涼不附炎平生疎懶近來添塵埃滿匣常封
硯日影侵庭未捲簾京國雲山如我瘦家鄉笋蕨爲
誰甜壯年作郡今宜免老大那能共典籤

東丘閣老先生

嶺海鍾靈自昔聞乾坤間氣此氤氲九千里外生賢
相五百年來遇聖君人望伊周隆至治天教濂洛振
斯文牙籤滿架勞分借抄誦無能嘆白紵

和張邦兆秋興三首

林木蕭瑟萬竅號帝城秋色與天高一輪明月思千
里雨鬢西風驚二毛道路幾時能稅駕江山隨處可
揮毫邀朋共作新晴賞惟得詩豪酒更豪

短笛寒砧近報秋興來頻倚夕陽樓霜林落葉雨聲
急石洞出雲山氣幽懷土仲宣多感慨思尊張翰最
風流儂家亦有耕漁樂紫螯肥時酒正籌

故人一別類參商氣序推遷暑又涼庭院雨餘梧楸
翠園林霜後橘生香悲秋杜老空懷古乞巧宗元欲

東川集

序

卷六

六

在茲堂

鑒方昨夜鄉關頻入夢白雲東望海天長

壽薛司徒

位應三台壽八旬帝鄉風月一開身秀鍾光岳英靈
氣功是朝廷社稷臣老圖寒花榮晚節蟠桃春酒慶
生辰古來全福如公少不但賢名繼甫申

八月十三日辭朝之山西

扶桑日上曉鷄號玉殿紅雲拜赭袍長樂鍾聲聞去
遠太行山色望來高宜尼憤樂寧知老召虎旬宣豈
憚勞九萬扶搖心尚在肯隨群雀戀蓬蒿

楊青舟中

兩岸垂楊映酒旗扁舟如在畫中移心懸北闕多清
夢路入西藩有故知雷雨豈能忘歲早芙蓉應不怨
秋遲行裝漸比前時減三尺龍泉數卷詩

廣宗四十里至鉅鹿

廣宗鉅鹿近相望舖舍門臨古道傍垂柳陰中籠夕
照黃花香裡遇重陽栢臺駐節啼烏急薇省催程去
騎忙無酒無糕度今日懶將詩句笑劉郎

自隆平至栢鄉懷鍾文毓通府在真定

栗川集

卷六

十七

在茲堂

行經百里不知勞詩興逢秋轉覺豪好友難逢空對
酒重陽雖過尚題糕孤城道路通京國賓館霜風透
布袍二十四年重過此君謨安得不刀騷

至獲鹿

翩翩車馬動塵沙望入乾坤眼界賒楊柳遠迷行客
路桑麻深鎖野人家龍頭山上秋光老鹿邑城西白
日斜獨對一樽拚酩酊西風籬落有黃花

別張侍御出平潭一舍許遇方太僕自榆林回

烏臺留我識張綱太僕逢君有大方兩使論心於我

厚片時分手爲誰忙水聲帶恨過平定山色供吟到
壽陽何事懷人情繾綣滿前雲樹藹蒼蒼

太安喜雪

太安來自壽陽東薇省清高入望中十月玄冥先送
雪萬山水玉直連空休祥遠勝隨車雨快意真乘破
浪風四海有年應可卜此心憂樂與民同

寄劉孔廉

青瑣才名早見知憂民衰髮易成絲阡南昔日同淪
落冀北今朝感別離鷄黍不忘元伯信鱸專先動季
鷹思瑤琴三弄親曾聽流水高山似舊時

栗川集

卷六

十八

在茲堂

送熊都憲巡撫山東

南宮開榜識英賢二十年來看著鞭廉訪才高誇獨
步都臺恩重喜喬遷憂民兩鬢秋霜點報國孤忠白
日懸自有烝民誦山甫非才慚作贈行篇

晉府世殿下寶賢堂

華堂奕奕壯宗藩義路仁居禮是門珍席獨知儒可
貴長民偏愛德爲尊英雄俊傑真奇遇金玉珠犀不
足論樂道賢王忘勢分一生清譽滿乾坤

寵章純孝爲晉府世殿下作

金母仙遊不可尋山前風水百年心九重天子嘉純
行五色奎文降德音華袞豈如褒典重滄溟難比孝
情深舜文已遠曾參逝古道微茫直到今

遊晉祠和壁上韻

佳景傳聞未易尋遠來登覽愜初心群山鍾秀此爲
異一水有靈安在深唐叔祠宮新勝舊晉陽疆土古
猶今碑題滿眼耽看久老樹庭前轉午陰

癸丑除夕次教靜之韻

與川集

卷六

十九

在茲堂

雪飄殘臘玉鋪塵暖入條風節報春六十年來垂老
境九千里外未歸人宦程自笑先居後歲月從教故
又新朋舊別離相憶切愁腸終日轉車輪

中秋之夕陳方伯廉夫招飲

畫堂紅燭照深更對景相看感至情秋色正當今夕
半月輪應似故鄉明一樽醕酏忘賓主四海交游卽
弟兄却恐宦途容易別思君何處可尋盟

生朝自述

寓世初經兩甲寅重陽前日是生辰衰顏半似黃花

瘦老眼全驚白髮新兩字功名真笑我一生才行不
如人將來歲月知多少正好投閑樂此身

和晉府世殿下韻

蓬島風光信異常四時花木總春陽連雲山色千層
秀遶郭河流一派長堯殿堦開新日月周家桐剪舊
封疆金枝玉葉相傳遠世篤忠貞荅聖皇

贈張大叅文璧還真定

名邦太守古諸侯籍甚聲華邁等流超擢喜膺明主
命去思還爲小民留恒山莽翠凝歸思晉水汪洋帶

與川集

卷六

二十

在茲堂

別愁明日相思人兩地不堪惆悵倚高樓

又代陳方伯作

昔年同作水曹郎尊酒重逢在晉陽治郡久聞馳政
譽叅藩新喜拜恩光兩岐瑞應張堪麥千里陰連召
伯棠父老攀留知不久漢廷卿相屬循良

次教靜之贈行韻

胃吞雲夢氣橫秋三峽詞源日倒流正喜同官薰晉
鄙可堪臨別贈吳鈞翰林風月長庚老杜曲煙花子
美愁欲問相思意何限汴河汾水兩悠悠

次陳粹之見贈韻

路入姑蘇指八閩相逢都覺雪盈簪一生蹤跡渾如
夢廿載交游已見心駕馬厭馳官道遠老龍閑臥海
波深多情贈我詩三百一度相思一度吟

丙辰三月陞江西左布政使

春風恩命出金鑾忝拜薇垣第一官膝間衣冠登覽
舊閩邦黎庶別離難千灘雪浪隨舟遠一路雲山當
画看願効忠勤報明主髮毛雖白寸心丹

大橫舟中

吳川集

序

卷六

王

在茲堂

一葉扁舟自在行閩山閩水照人清閑園見竹誰爲
主野路看花不記名風雨慣回鄉國夢壺觴難盡故
交情衰殘繆總旬宜寄北望金門感愧并

送司馬憲副伯通致仕

京國交遊直到今老來分手欲沾襟百年豪傑符公
論千古裴洋有賞音山色直隨歸旆遠海波難比別
情深重論尊酒知何日雲樹蒼茫兩地心

送金僉憲進表分得冀北朝天

牙史聲華動百僚驚車總到又趨朝閩南山色催行

早與北風光入望遙萬歲聲中瞻黼辰五雲深處聽
簫韶懸知竣事歸來日帶得甘霖下九霄

吳川祁先生文集卷之六終

吳川集

序

卷六

王

在茲堂

吳川祁先生文集卷之七

七世孫文友重刻

五言絕句

詠燕

毛羽照青春
嘶泥不厭頻
畫梁高處好
誰是捲簾人

扇面梅花二首

一段孤山景
移來掌握中
平生冰玉操
不與百花同

細剪銀河水
并刀不露痕
南枝春意早
別是一乾坤

奉使香河

吳川集

卷七

在茲堂

奉使恩非薄
香河路不遙
如何離別後
情緒便蕭條

香河舟中

溪上孤舟月
詩懷分外多
幾年塵土夢
今夜總消磨

梅花閣

在布政分司

閣因梅僻靜
梅爲閣精神
影落羅浮月
香分庾嶺春

薊城東石橋

白鶴歸華表
蒼苔沒古碑
橋前鳴咽水
猶恨祿山兒

螺山寺

古寺螺山上
登臨恨未能
臨風閑駐馬
看破白雲層

連山關

雲連關上山
草暗山前路
擾擾防邊人
何時罷征戍

過播州

宗元敦友義
願以柳易播
古來勢利交
徒爲青史沈

出介休

雲漢星初落
扶桑日未紅
介山青滿眼
相迂出城東

見新月

天宇淨無雲
一鈞初月新
清光偏有意
先照遠遊人

題董少叅砥柱圖

吳川集

卷七

二

在茲堂

世道日悠悠
頽波不可收
何人挺孤柱
千古屹中流

東巖四詠同次前中書丁玉夫韻

南畝春耕

一犁煙雨昏
四野春雲濕
村前布谷聲
牛背寒鴉立

藍江晚渡

斷崖暗芳草
滑石多莓苔
夕陽爭渡客
何不早歸來

古石堆雲

浮雲本無根
觸石成迢逗
題詩掃石鐫
無用拂紅袖

北潭釣雪

渾水靜如練野雲低不飛釣船風雪滿薄暮得魚歸

過長沙懷賈傳

漢文方有道痛哭豈狂迷世事宜先慮無令後噬臍

其二

賢才遭廢斥天意竟如何萬里長沙外邇來人更多

灘上

失纜危難上停橈淺水濱紛紛向前者都是後來人

湘口

湘口逢重五淒然弔汨羅忠魂無處問風雨撼江波

藥川集

序

卷七

三

在茲堂

過全州懷先舅樵山盧先生先生宣德間司教

是郡師道有立至今郡人思之

全郡人才盛先生實有功十年遺化雨千里變儒風

其二

逢人詢往事四紀未能忘一掬傷心淚無由到渭陽

七言絕句

周冬官子建如京師至山海值雨同詠

北風吹雪滿關城寒氣侵人夜不勝無限客愁消未

得坐揮吟筆對孤燈

憶亡弟宏

夢裏分明一見君恩情猶在死生分惠連春草池塘句無限傷心不忍聞

彥卿得子以詩來示依韻酬之

華絨千里寄歡聲親愛深關父子情願得明年重有報便題詩句贈徐卿

哭從兄偉

百年書劍上長安萬里江山共往還我幸成名君已報報恩空有淚痕斑

藥川集

序

卷七

四

在茲堂

送舉人何潯南還

長才應擬早登科遲速由天可奈何莫向歸途重惆悵人間秋後月明多

白雲飛度太行山遊子思親萬里還到手功名誰不

羨綠袍爭似綵衣斑

風梅

飛雪無聲點畫闌樹頭春意已含酸天公爲促調羹早故遣狂風昨夜寒

煙梅

姑射山前舊往還群仙綽約玉爲顏如今相見渾相識只隔香雲縹渺間

雪梅

滿樹瓊瑤眩太空六花凌亂散香風
灞橋詩思知何限併入西湖百詠中

月梅

籬邊疎影弄新晴月與寒花一樣清
記得羅浮耽玩久數枝臨水更分明

庚寅歲八月見白髭

栗川集

亨

卷七

五

在茲堂

少不如人老可驚百千功業幾能成
含愁謾掩窓前鏡新見吟髭白一莖

荅友人

仕路驅馳十載餘一官名秩尚如初
銓曹留得唐資格不但開元有聖書

己丑歲二月二十五日往天壽山陪祀三首

兩載淹淹不出城謁陵今日喜郊行
紅塵車馬繁華地得似雲山意味清

天壽山高地位寬先皇陵寢萬年安
回龍殿外頻翹

首王氣成紋五色寒

謁陵盛典重明時將事賢王肅禮儀
懸想九重當此日松楸雨露不勝思

于陵臺

事去臺空世屢更桐江山水尚含情
絲綸本是無心物釣得人間萬古名

與舍弟輩別于戢船澳二首

未別先愁別轉悲南船開速北船遲
五羊城外無情水不管愁人兩路思

栗川集

亨

卷七

六

在茲堂

瞬息分携粵水于轉頭相憶已漫漫
欲將送別徘徊意寫出新圖久遠看

涓陽道中遇雨

一滴能添一種情五更推枕夢難成
草堂風雨尋常聽不似蓬窓此夜聲

贈金相士

妙相通神自古難按圖求駿總誇漫
孫陽解識千金骨不向驪黃色上看

身外榮枯儘是虛懶將前定問何如
似饒卿相生來

貴未信初年不讀書

柳上山鳧

野塘春水綠生漪，雲淡風輕白晝遲。
山鳥也憐幽絕景，數聲啼上綠楊枝。

竹枝啼鳥

解谷風來玉韻清，一雙幽鳥日和鳴。
不須別借伶仃手，自有天然律呂聲。

雲林圖爲楊地官題

草堂蕭洒對遙岑，松竹陰陰翠作林。
行客不知歸路遠，川流只在故園心。

吳川集

卷七

七

在茲堂

晚杖藜衝破白雲深

送陳僉憲夢祥考績還江西絕句二首

兩袖爐煙出禁庭，半囊行李耀青萍。
西江民物知何限，引領京華望福星。

同鄉情誼夙相親，尊酒臨歧語更真。
懶把詞章誇德政，使君非是爲名人。

夜泊濟寧

煙水滄涼夜氣清，砧聲斷續出高城。
客邊觴詠憑誰共，太白樓頭空月明。

和林克全韻三首

江上涼風日透衣，窓前孤月夜流輝。
京華故舊應相念，過却重陽人未歸。

南國佳人夜搗衣，殘砧聲裏減容輝。
客懷聽此堪惆悵，家在都城頻夢歸。

霜風催急篋無衣，戀闕頻瞻日月輝。
同是別離君更切，登山臨水送將歸。

李漢章由邊功升俸贈以口號

郎官新受大夫封，又喜榮加俸級崇。
邊塞勤勞總兩載，絕勝民部十年功。

吳川集

卷七

八

在茲堂

聞原籍新居落成寄舍弟思正十首 今存二首

蕭洒園林屋數間，小橋流水玉彎環。
百年生計經營就，應助而兄早養閑。

草堂臨水不生塵，花木成林總是春。
遙想潘輿周覽處，舉頭常念未歸人。

湖中卽景二首

江水微茫浸小姑，廬山重疊壓鄱湖。
風帆遠近天高濶，共作人間一畫圖。

陰雲送雨日漫漫雲錦屏風不易看今日乍晴看最好萬般奇態藹林巒

安慶得風

數日候風風不來今朝江上蒲帆開推蓬一笑楚天碧五老相見高崔嵬

廉泉亭

山下流泉自古清百年華構幾經營時人謾把廉名道此水由來不爲名

麥將軍墓

與川集

卷七

九

在茲堂

事去人亡塚獨存雍琴空泣孟嘗君舊時弓劍知何在惟有松枝掛暮雲

尉遲將軍墓

寂寂青山對古塋鄉人知姓不知名道傍種得垂楊樹猶似周君細柳營

夏侯將軍墓

富貴功名一夢中孤墳還記舊英雄楚歌不盡淒涼意散作白楊山下風

題梅宗韓小畫

仙家樓閣亂雲間古洞疎林映遠山恍惚武陵溪上景桃花流水釣舟閒

夜酌吳祠宅同陳琴窓對梅花有作

自別羅浮歲幾更暗香疎影每關情如今同醉東風下人比梅花分外清

次陳琴窓見寄三首

鴨江持節踏春冰千里驅馳兩鬢星留得一時清白操頗勝陶穀唱郵亭

愛君襟度坐如冰別久頻瞻處士星何日問奇仍載

與川集

卷七

十

在茲堂

酒春風沉醉子雲亭

世事多虞念履冰舊交零落半晨星何當早遂投簪願來共山中結草亭

翡翠

風動蓮房水不驚珍禽翔集羽毛輕玉樓謾說爲巢好得似閑塘意味清

豐潤城西還鄉河

思親曾擬上封章却駕星輶到遠方今日渡河增感慨水聲猶似勸還鄉

孤竹城 在永平西八里許

寥落荒城數畝低白雲山下北平西桓公老馬今何在草樹霏微路欲迷

立春

暖入新年淑氣回律端消息起浮灰東人却訝皇華使帶得春從天上來

溫泉 在寧遠東三里

浴罷溫池百體輕天風兩腋助清冷痊痾去垢渾閑事須念湯盤九字銘

栗川集 卷七

十一

在茲堂

寄題箕子墓四首

被髮佯狂不爲身忍看家國遽沉淪平生方寸誰能會孔氏三仁語最真

宗祊顛覆力難支獨抱瑤琴只自悲一曲清歌欲流涕故都回首黍離離

力諫無能悟獨夫明夷心事更誰如九疇不向周王授後世何由識洛書

東藩制度舊封君千載遺風尚禮文欲吊英靈何處是夕陽荒草鎖孤墳

鴨江之西二里許有九城基趾相近相傳曰九

連城

此地何年罷戰爭春風猶鎖九連城遼東老鶴歸來晚四野無人草自生

宿董家峪 連山關西十里許

古洞深中別是春煙霞爲侶石爲鄰桃花流水溪橋路恐有秦時避世人

余奉使朝鮮與其國相徐剛中唱酬頗熟別後不能不往來于懷也適張司譯自朝鮮來京徐

栗川集 卷七

十二

在茲堂

君贈以絕句三章藹然寓見念之意披閱有感

依韻賦焉

使旌曾度海雲邊弱水蓬山路杳然景物瑰奇看不厭滿懷情緒爲詩牽

親捧綸音出玉墀皇華咨度動經時歸途笑把行囊看祇有東人白雪詞

渺渺箕封天際頭別來東望每添愁不知中聖風流客還憶花前共醉不

山梅

榛莽叢中一樹春玉容嬌媚不生塵山深地僻憑誰
管自有東風作主人

懷張靖州宗美

半月山行苦未休一尊誰與破春愁綏寧道上頻翹
首爲有鄉人在靖州

郡齊卽景

燕舞鳩啼日欲斜郡庭渾似野人家殘書半掩開簾
坐風捲蓬花似柳花

石阡小詠二首

東川集

亭

卷七

十三

在茲堂

日日看山退食遲滿庭芳草客來稀宦游久有思鄉
念只戀清閑尚未歸

四面溪山一望平煙雲縹渺樹青青黃堂不用良工
筆自有新圖入戶庭

陳粹之將至先寄二絕

憲府才名天下知歲寒冰雪共襟期邊城有喜江山
動正是廉車欲到時

一自洪都別故知重逢今是四年期蹉跎兩鬢將成
雪只有此心如舊時

野寺山邊斜有徑 小畫

小小亭臺占遠山斜斜徑路透禪關白雲鎖斷人行
處惟與老僧相伴閑

漁家竹裏半開門

一簇人煙水竹隈黃昏沽酒得魚回柴門欲閉還留
却少待清風明月來

和蔡太守見寄

雲山咫尺望中思五馬南來定幾時倘念窮途離索
久抱琴乘興願先施

東川集

亭

卷七

十四

在茲堂

蔡太守復和示遂荅之

詩來兩度慰深思一日沉吟十二時白雪調高真寡
和效輦應合笑東施

丙午中秋

邊城四度賞中秋節序驚心似水流明月滿窓人自
醉不須携酒到南樓

竹枝歌 寶安水鄉卽景

朝出采菱日暮歸掘頭艇子蕩斜暉無端驚起雙鸂
鶒直傍南塘深處飛

斷岸平沙水繞洲小溪都入大溪流漁翁販得魚蝦
賣日日鳴榔船步頭

雪梅爲陳憲副題

姑射仙人小白兄冰肌玉骨自生成向來曾觀春風
面月滿孤山雪未晴

朝端卿佐近日一番新矣粹之書來謂我輩如
深澗老松冷看桃李常換春風也因卽其言作

一絕

春風桃李費栽培一度飄零一度開惟有澗松偏耐

集 卷七

十五

在茲

冷天公留作棟梁材

黃州道中小酌

溪含雲影樹含煙海遶青山路遶田瀟洒草亭閑坐

久不知紅日已中天

二十日至偏橋

城郭巍巍鎮大荒一溪環抱衆山降太平人物今全

盛不信偏橋是外邦

紅梅爲鍾大參題

姑射真人玉雪姿偶陪西母宴瑤池醉來換却春風

面只有清香似舊時

偏橋夜雨

身事蹉跎愧此生六年踪跡滯邊城驚回半枕思鄉
夢酒醒更聞聞雨聲

十二月十三日夜周翠渠請飲有爲南戲者

畫堂紅燭醉逡巡深夜歸來月轉輪自是斯文情繼
絕不因歌舞易留人

有自西州來鎮遠者使獺捕魚甚巧周翠渠同

何貳守觀之欲賦未就間以語予遂爲四句

集 卷七

十六

在茲

水獺從來解捕鮮何人移巧自西川不知所得能多
少慎勿驅魚過別淵

路嶺坡

千仞山頭屈曲通萬株喬木翳虛空鷓鴣似識行人

意啼向煙霞杳靄中

木根坡

山插青天徑路長木根凌亂樹蒼涼白雲滿地閑如
許應笑往來人自忙

道逢商者

薄宦相縻去又回敝車衝雨度崔嵬誰言險地逢人少也有行商爲利來

山行寫懷

路上峻嶒半是雲斷崖荒澗總愁人勤勞本爲公家事非是王尊不愛身

山行懷周翠渠

綠暗紅稀風雨寒間關啼鳥怨春殘西南山色多相類只欠周郎並轡看

溪口寨

栗川集

卷七

十七

在茲堂

水遶孤村山作鄰煙雲無迹石無塵桃源不爲漁郎到誰識秦時避世人

次陳公甫先生見寄韻二首

不喜功名喜讀書翠深庭草懶芟除清風散落人間去百世猶能立懦夫

鄉國詩來當遠書十年離思幾時除南歸會有重論約已辨驪駒戒僕夫

荅吳獻臣大尹

大旆臨敝邑卽蒙佳章示教何愛念之厚也

某素拙於詩邇來荒落尤甚然荷教不容無

言遂遵韻強爲絕句八首前四首以頌盛德

後四首乃自述云

今存四首

王事賢勞不暇居風流才調更誰如公餘賴有斯文念分得陽春到草廬

學與孔顏爲後進官疑卓魯是前身共知今日循良宰定作他年社稷臣

讀禮三年守故廬形容衰槁髮毛疎聰明不及前時

遠虛負牙籤架上書

右荅三年讀書之句

栗川集

卷七

十八

在茲堂

雲霄未竟忠勤志江海空憐獲落身便欲乘風問真宰賜環何日起孤臣

右荅移孝爲忠之句

增城鄭叔清司訓顧道克上舍吳時彥貢士來訪卽告歸途值大風雨思之不置

溪邊分手日猶高忽忽狂風肆怒號雲水渺茫天地濶夜深何處避驚濤

別琴窓

弘治庚戌夏六月十有一日石灘琴窓陳先生訪于吳川又明日同酌舟中送至川外而

則志復來之喜云

今存一首

薄宦歸來雪滿頭欲將簪組換漁舟懷人不奈蕭條意昨夜梧桐又報秋

月梅爲石灘陳誌子銘題二首

水橫疎影月傳神詩到林逋最逼真還憶羅浮風雪夜翠禽啼破夢中春

瀟瀟風情玉雪姿一梢寒月浸山池調羹信息傳來近看取青青結子時

從弟重器詩來索紙走筆次韻以紙二十幅與

之

樓高五鳳欲凌雲妙手脩來不露痕十樣鸞牋願相助老兄頭白眼略昏

荅方彥卿

中秋之夕承示佳作既而辱臨蓬舍賞翫甚懽何其慰也高韻難於奉和而情自不能已因成四絕以達所懷

今存二首

君是詩仙我酒豪百年情分幸相遭故園風月今同賞回首功名等一毛

少小憐渠志氣豪讀書偏喜盛時遭雲霄萬里非容易惟願天風快羽毛

來詩有雲霄振鳳毛之句小兒不敢當也敬謝

壬子仲冬上京族中弟姪送過石門而別

相送情深過石門醉中分袂暗銷魂舉頭一望入何處遠樹蒼茫無數村

南北舟中兩渺茫相思情與海天長隔篷侵曉聞人語猶訝諸君在耳傍

遇鄉人

江海波濤驛路塵往來都是利名人相逢不必論相識總聽鄉談便覺親

挽李漢章郎中五首

數椽別業寶山傍詩酒相忘舊醉鄉風景不留人去遠落花啼鳥送斜陽

西徼糧芻積漸豐榆林山下路新通三軍得雋風塵靜猶記當年餽餉功

賑饑遙爲主分憂百萬生靈病已瘳一派濠梁亭下水載君遺愛日東流

蕤川集

卷七

王

在茲堂

憂國忘家一片心使星何事遽銷沉遺詩子姓傳清白不羨囊中陸賈金

久欲題詩弔謫仙傷心還記十年前何時斗酒親携去酌向綿山宿草煙

六月二十七日邀叔厚伯誠可大文哲四內翰時雍司廳元善道鳴德章三地官小酌適陰雨

客有難意遂成口號速之

買得長安酒一盃客邊誰共好懷開故人有意憐衰病舊雨不如今雨來

過天津懷劉世美舊同寅二首

天津才子美風儀山郡漂零老一麾却憶東曹同事後半生無復共襟期

萬戶千門接水雲思君何處再逢君西風一笛山陽路滿耳淒涼不忍聞

汚河

發源於井陘之北三十餘里娘子關下流繞

井陘縣治而東滔滔不竭其聲如雷冬亦不

凍

蕤川集

卷七

王

在茲堂

娘子關頭露一泓滔滔東下勢如傾英雄爭戰多遺恨千古奔流洗未平

芹泉驛一飯

省叅元是嶺南仙慣食香芹更飲泉今日驛厨供此味故園清思浩無邊

十一月初五日出巡至太原縣

太原風物頗蕭條官劣民疲土俗澆獨有傍城山色好四時蒼翠逼雲霄

清源縣分司後庭雙栢

亭亭兩栢省堂西烏鳥來啼鳳鳥棲原借化工培養
力百年高節與雲齊

侍御出巡

吏民奔走候星輶山嶽無情也動搖不爲蒼生求利
病更將何事荅清朝

示政教二子

詩禮相傳在鯉庭儒家元不美金籛人言幼小須勤
學况爾如今漸長成

南關五十里至權店

吳川集

亭

卷七

三

在茲堂

平生結得看山緣足迹東南路幾千此日西來山更
好翠屏千疊錦連乾

禡亭驛庭盤松一株有蛟龍攫拏狀

頭角崢嶸不記年寒枝如鐵葉如煙驛亭風雪三更
後却恐老龍飛上天

自長子過長平驛

驛甚宏壯國初以賈魯丞相
宅材爲之

長平高館一番新賈相門庭迹已陳萬事廢興元有
數後人空自笑前人

交城分司與孫廷用酌別口號

薄暮交城共駐驂翠壺紅燭動春酣明朝又向青山
別君指河東我冀南

陳方伯雨中請飲荅以口號二首

夏中甘雨不爲遲方伯開筵正及時明日盡催須徹
夜殷勤先報主人知

禱雨無嫌得雨遲田苗猶是發生時分明聽得與人
頌方伯憂民天地知

又和孫廷用韻

看日炎炎遇傅霖斯民憂樂最關心逢人試問田間
吳川集

亭

卷七

三

在茲堂

水昨夜添來幾許深

重陽後一日過黃花嶺

與北霜風透布袍重陽隨處可登高馬蹄又過黃花
嶺那得黃花薦濁醪

晉府世殿下請宴和詩二絕

十二月五日

際遇賢王真可喜臣僚如坐春風裏寶賢樂善重詩
書昔日河間未堪比

晉藩宮闕倚雲天有幸頻來醉錦筵四海昇平同一
樂不因光景重流連

十二月十六日同張文璧朝世殿下和詩一絕

制作清高識睿才筆花常向夢中開天然寫出陽春調下里巴人不敢裁

和世殿下送子出閣

茅土分封自帝家王孫仁厚十分嘉成周德化今尤盛麟趾振振未足誇

世殿下設宴相待作絕句一章敬和

二月十二日

詩如金石韻相宜七步寧饒子建先欲識寶賢清意味光風霽月浩無邊

吳川集

亭卷七

五

在茲堂

世殿下餞行作詩一絕因和之

二十九日

綺筵勞餞遠行人禮度雍容意更真臨別不堪情繾綣綰晉陽宮外柳條新

附世殿下原倡一絕

來日陽關別故人今辰把酒話情真此行保障南閩地佇看重沾雨露新

過錢塘

舟過錢塘東復東半江斜日一帆風胡床兀坐看山久却惟篙人爲掩蓬

過釣臺

百尺高臺傍水潯東來先擬一登臨行舟已過空回首不盡平生仰止心

世殿下飲于厥弟襄陰殿下府中有詩爲謝屬余和之乃作一絕

棣萼相輝玳瑁筵西風沉醉菊花天友于不盡殷勤意更把高吟付錦牋

寄蔣方伯陳太參二首

扁舟同載出江濱轉瞬翻成兩路分惆悵曉來頻縱目滿城風雨萬山雲

吳川集

亭卷七

五

在茲堂

綠樹晴波映碧沙白雲芳草傍人家去年到此今年別添得詩翁兩鬢華

四月五日遊武夷九曲午抵崇安五首

問水尋山到武夷小船衝浪費推移浮雲散盡日光露三十六峯都獻奇

水遶丹山晝夜流此中風景足優游我來欲盡登臨興直泝清冷最上頭

巖巖陰深草樹青考亭書院倚寒屏聖賢道體非難

見千古川流不暫停

仙家樓閣望中迷
千仞峯巒九曲溪
自有棹歌遺響在
不須遊客謾留題

借得天公半日晴
好山看盡眼偏明
肩輿午入崇安路
荷葉池塘聞雨聲

憶閩省

危樓千仞逼蒼穹
旣粵乾坤眼界中
勝覽未窮人易別
一尊還許幾時同

將至洪都寄同寅洪方伯洪大參兼柬潘少參

吳川集

卷七

毛

在茲堂

一別江藩十五年
重來雙鬢已皤然
清風明月滕王閣
還與湖山話舊緣

竹石芙蓉爲吳懷德憲副題

秋江何處採芙蓉
老石坡前竹數叢
雲杏露桃蕭索後
獨將穠艷占西風

溪邊待渡

旋解衣巾坐綠苔
看山臨水意徘徊
隔溪人過遙相問
山下小船來未來

臘月二十六日鎮遠府送春花土牛作詩以謝

斗柄初東淑氣回
鎮陽絃管送春來
呼童試看寒梅

樹報道瓊花徹曉開

暖日融融醉物華
閑斟春酒對春花
眼前生意無窮盡
散入天南百萬家

周翠渠和予拙作因再次韻

昔年通籍住京華
幾度迎春賜綵花
此日天涯春也到
寸心還戀帝王家

吳川祁先生文集卷之七終

吳川集

卷七

天

在茲堂

吳川祁先生文集卷之八

七世孫文友重刻

五言排律

金寺丞德清張中書士璉同使高麗往還經山海因贈二十韻

曆數開千古華夷圖一天覃恩在永遠持節近推賢
君乃人中傑官爲闕下員九重承詔令千里下朝鮮
壯志終軍上英風陸賈前中朝得良使外國仰儒仙
劍氣橫霄漢文光射斗躔二星相隱映四馬共聯翩

吳川集

卷八

在茲堂

傳吏奔趨急陪臣祗候虔日搖臨境旆風送渡江船
春逐天威布情因譯語傳皇仁資道達荒服賴陶甄
炳煥儀文備光華寵命專江山增勝麗草木倍清妍
佳譽三韓重嚴裝幾月旋囊無私餽物詩有紀行篇
邂逅曾傾蓋殷勤記贈鞭一官真不忝五善喜兼全
去隔雲山外歸趨日月邊聖情加慰勞從此沐恩偏

賀閭宗源陞都憲

昭代興文治群才集廟堂乾坤鍾間氣家國得賢良
夫子關中彥聲華天下彰器同山嶺危量與海汪洋

早奮三年翼曾穿百步楊瓊林先得雋粉署暫爲郎

李白胸藏錦毛君穎脫囊朋儕推政譽後學仰詞章

拜命辭雙闕司儲總一方軍需勞計量俗弊喜更張

惠愛春無迹公平水有防歡語騰道路重望徹巖巖

聖主垂清眷天門賜寵光秩遷烏府使班進鳳池行

責任兼文武施爲領紀綱坐分新節鉞榮鎮舊封疆

手握兵符重身承詔旨香三軍歸號令兩事在安攘

德意勤宣布流波善激揚長空橫驚鳥當道絕豺狼

坐對堅貞栢行尋蔽芾棠門前森画戟帳下擁牙璋

吳川集

卷八

二

在茲堂

地控幽燕遠山連朔漠長海門通碣石京路接漁陽
按部馳聰馬防秋定犬羊指麾擎白羽談笑把干將
恩謫三冬日威凝九夏霜福星消疾稜卿月照迹亡
拱壁無瑕垢長材是棟梁勲名從此進事業固難量
自顧兼葭質嘗陪珠玉傍殷勤双望眼展轉九回腸
風采驚超異雲途隔渺茫裁詩將賀意憑寄鴈高翔

贈工部侍郎博羅靜菴李公哀挽二十八韻

卓犖生清世脩藏結靜菴才猷深抱負經籍恣窮探
楓陛除書早芹宮丈席函巖荒初振鐸巴蜀更留驂

道在名逾重官貧分亦甘群材備榱桷高棟屬榱桷
胄監新膺選師模舊所堪英賢歸樂育冠珮列朝參
學海淵源迥心田慶澤覃功名傳令子家國美奇男
紫拾真如芥青成本自藍邠林丹桂一王氏綠槐三
封典榮增秩投閑便解簪幾年京闕北萬里粵江南
風月清何限林泉樂且堪遊山雙木屐采圃一筠籃
老去渾無累吟多不謂貪病容丹索寞衰髮雪鬢髯
一夢遊仙島孤墳傍碧嵐囊琴餘古調匣劍隱寒鐔
嘗舊清風在寧馨好爵僭誥文天語重宰木龍光合
家世多餘慶鄉邦擅美談發潛嗟我拙揮翰不勝慚

大祀慶成賜宴

闔闔開晴日爐煙散暖風慶成臣禮具錫宴上恩隆
冠珮隨班入蓬萊有路通樓臺千仞表音樂五雲中
御酒浮杯醲官花插帽紅龍顏瞻咫尺駕序映西東
有幸逢嘉會無能補聖聰太平思獻頌歡樂萬方同

尚書胡公哀挽

造化鍾英秀邦家得俊良才猷超賈董治具際虞唐
馳騫詩書府嬉遊翰墨場策名留鴈塔通籍列鵷行

獻納禪時政褒遷沐寵光貳卿推陸佃考士仰歐陽
位與名俱進身由道益彰襟懷春可挹器度海難量
拜命持雙節巡行徧四方民風歸采察山水任徜徉
足跡幾千里年華十七霜歸朝承眷顧拾級上巖巖
調護親儲副師資重國庠秩宗兼版使霄漢應文昌
政務勞參訂謀謨賴贊襄星辰隨步履雨露散天香
錦詠榮三代奎星聚一堂麟袍紆玉帶烏篆刻銀章
特進三孤秩還持八座囊九重偏倚注七紀尚康強
任重商伊尹知休漢子房優容誰得似錫賚更非常
不見移梁粟惟聞權漢酤間憂宿負公府慮邊儲
倏忽過齊境逍遙適魯墟任城猶積淖交郡覓通衢
泰嶽高如許靈光近有無望中情脉脉吟就口鳴嗚
朋舊音書隔親闈定省疎片心逐流水今日至南徐
彭城和左時翊二十六韻

我來自京師駕言出城郭双輪旣以膏十騎殊不弱
時維冬氣深霜重草木落燕谷律未溫盧溝凍如涸
王事甘苦辛客程念悠邈歲荒無廩蓄民困有離瘼
深州隱孤城衡水橫一壑逢人問來由問訊得里略

爐峯騰瑞藹康谷瀉飛泉淑氣鍾靈異高名冠幅員
歐蘇題未泯李謝迹皆仙無限懷賢思安排付錦牋

自京走車至彭城

京國過冬半歸裝涉遠途腰橫三尺劍身載兩輪車
風露催行旆塵埃透敝襦計程看斥堠近郭指浮屠
睡借燒鍋炕行尋賣酒壚更闌終晚食日午未朝餽
身垢經旬浴頭蓬隔日梳頓搖何局促端坐只跏趺
夜發寒侵骨晨呵凍滿鬚石橋霜片滑野店月輪孤
涿鹿通清苑安平屬信都低田傷水潦高野半荒蕪

案川集序

卷八

五

在茲堂

泉石雙吟屐煙波一畫航老年黃髮老仙夢白雲鄉
天上騎箕尾人間失棟梁哀榮昭異數恩澤及諸郎
生死應無憾勲名總不忘碑文斯最迹竹帛永流芳
願識嗟何及追思倍盡傷毗陵江上路雲水共蒼茫
遊廬山開先寺和陳憲長韻

平生愛廬阜此日得攀緣縱目乾坤外游心混沌先
九江仍舊派五老未華顛雲歛金輪現崖空石鏡懸
上方閑歲月深洞半雲煙物外通三島壺中別一天
坐來消俗念吟就聳詩肩佛禮金仙象僧參玉版禪

案川集序

卷八

六

在茲堂

齊邾接楚望邾邑聞魯柝嶧桐丹鳳老秦篆青苔剝
有懷情惘惘默坐思恬漠釋勞問臯蘇供饌雜藜藿
眼空長短亭身類屈伸蠖勝陽路崎嶇泗下水聯絡
登舟艤仍發對酒罷復酌客來共歡娛醉後交喁喁
沿流弄清淺縱意窮恢廓掃雪烹月團揮毫飲銅雀
故人惠詩章才美信超卓因觀絕妙詞足覘淵源學
嘉禾去稂莠周道非榮確思齊切我心醫拙憑誰藥
自從挹光霽漸欲銷鄙薄惟茲舊交稔絕勝新知樂
蒼蠅喜追逐頑石賴磨琢願君誘其成大道正閎博
次陳憲副五十六韻述其歷履并近日朝京往
返之槩而期勉於篇末云

正氣今寥落斯人喜在前詩書儼夙志科第占青年
家世陳文範才情李謫仙好賢常折節重義不論錢
棘寺初登仕芳名衆所傳蕙蘭香入佩翰墨慣開筵
平法司刑典脩辭陋太玄書林時踐蹂文苑日聯翩
道守宜尼轍詩齊杜甫肩八荒歸眼界一德在心田
進秩僉臺憲乘軺向楚天先聲隨處滿品物待春妍
歲月勞行旆湖山映画船人誇真一手功造上乘禪

北觀恩重疊西來路幾千親庭頻夢積帝闕只心懸
鼓瑟經湘浦調琴和舜絃行携清獻鶴食有漢江鱸
險徑雲邊度佳吟石上鐫三苗雖異域一視本同然
不說居夷陋還知務學先夜窓橫蠹簡午篆裊龍涎
秉筆能扛鼎持身若涉淵廉勤諸衆論威愛洽民廛
俗易由風動官閑覺地偏陽和真有脚月露信連篇
百度咸脩飭何人敢矯虔清揚食可激善舉惡堪捐
爲國常思報憂民不暇眠福星當道燦卿月照人圓
烏府惟栽栢濂溪也愛蓮圖屏饒草色絕微息烽煙

吳川集

卷八

七

在茲堂

匡濟心何極幽尋性亦便乾坤寧有礙風月儘無邊
白雪聊賡詠浮雲任變遷坐留松下寺渴飲澗中泉
寶鏡光難掩蒼筠老更堅物情推練達至理盡覃研
忠孝懷雙美公私得兩全如京天咫尺去路月嬋娟
漢殿奔趨早堯階拜賀專光華爭快覩喜舞欲成顛
宴錫宮壺灑朝回曉騎連簫韶聞鳳鳥冠佩近貂蟬
家慶雙親老裏情寸草牽王程甘跋涉子職暫躔綿
歲晏歸期迫途長望眼穿馬前占喜鵲車後載鳴鳶
覽勝添新句榮鄉是舊緣貴陽重按部王政誕昭宣

世治民應樂時和序靡愆一方殊輯睦寸慮尚勤拳
未許三邊滯行看萬里騫位兼名赫奕身與道周旋
剛直終無餒公平自不偏勲庸從此大千載耀山川
七言排律

次蕭文明見寄韻

時蕭自鎮寧赴衢州別駕

戊戌仲冬都下會相將已是十年來別離不奈關河
隔老大都緣節序催山海往還忻有便百千留滯笑
多灾達人向窮途哭公道今逢泰運開四海正懸
安石望三衢先借孔恂才疏從北闕陳無逸詩向南
吳川集

卷八

八

在茲堂

其二

使君特被徵書起匹馬遙從貴竹來山鬼椰榆誰見
笑銀青消息自相催由來得喪皆天命設道青黃是
木灾傲雪蒼松饒晚翠倚雲紅杏任先開從今妙手
宜醫國自古明君不負才却笑生成同雨露未應踪
跡尚蒿萊行當考績朝京闕便擬乘風問粵臺白髮
慈親歡菽水此情應不換三台

聯句

定興道中同左時翊大參聯句

戊戌歲十一月

驅車同出帝王州左冬晚霜風襲敝裘左紫陌塵埃

隨馬到左白溝河水帶米流左孤村酒幔夕陽外左

野草郊原天際頭左敢憚旬宜歸路遠左江南人候

木蘭舟左

夜酌同周僉憲聯句

酒興無窮量有限更籌雖短意何長周筆端未盡敲

推勢燈下時聞笑語香周明日山川憐判袂今宵風

吳川集亨卷八

九

在茲堂

雨欲連床周登高轉覺重陽近更把黃花共一觴周

秋夜重會聯句 八月三十日

良會不可數其如繾綣情周昨方愁近別今再叙平

生周道義大綱重文章小技輕周氣橫天地塞心與

聖賢并周偉矣三才秀隱然千里城周交游濟志合

身世際時亨周遣興詩難就開懷酒迭傾周玉壺宜

太白石鼎佛彌明入夜景方寂送涼風最清周一庭

孤獨影滿院秋蛩聲周林籟起蕭瑟泉琴滴淙琤周

村村鷄犬靜處處舍箱盈赤子方含哺蟲苗乃弄兵

周天王赫斯怒大將親于征周霜月悲笳鼓蠻煙捲

旆旌周君仁自無敵師直則有名周虞舜當盛世周

宣復中興周雍雍于羽舞赫赫江漢平周義斷似秋

殺仁涵如春行周飛書獻未捷勒石觀厥成周慨此

雕椎阻盡將冠冕更周鏡歌正雜還大雅尤鏗鉤周

寧使愚蒙訛要令奸先驚周文脩武事偃主聖臣僚

貞周豈知邂逅會傳作昇平鳴周憲府居要地先生

早蜚英三邊入談笑庶事歸經營倚玉兼葭質傾陽

葵藿誠牧民愧黃霸抗疏懷匡衡周白日脂心誓青

吳川集亨卷八

十

在茲堂

天夢手擎更期盡忠盡豈謂貪寵榮草草賡佳句勿

勿計去程周惟膠可投漆匪石堪報瓊明日即分袂

幾時重訂盟周憐予才襍線美子器梁楹肯棄膏肓

疾幸書佩服銘周篇章疊長短學術兼博精培塿尊

華岳潢汗讓蓬瀛周功名草頭露富貴耳底鶯周墜

緒紛遠紹狂瀾砥孤撐周薄俗迷蘊玉古人易結纓

酒酣興已盡一笑寒江橫周

山中卽景同翠渠聯句

大山獨立如玉琢小山闔立如人搏周泉衝洞竅竊

以通石綴雲崖危不落周野芳隱映東風浮樹林遠
近春雲薄周縹渺煙霞百鳥鳴清冷水石群魚躍周
行行三里與五里處處淺酌復深酌周箴將壺蓋當
輕杯薄采溪毛克大嚼周從者執盃未至翠渠命取
壺蓋傾酒飲之旋摘水中芹周初命携
蒿爲周偶遺野雉割家鷄巧啖芝麻施笋簪周以往從
者忘之烹鷄代焉食有芝周訪奇直欲窮幽深處世何
麻健之裂簪取而啖之周須大束縛周詩才稍緩嫌催促酒思終耽戲謔周
天高地下此心閒誰道夷方不爲樂周

二月三十日遊長潭聯句

英川集亨卷八 十一 在茲堂

春風江上木蘭桡周路出城東五里遙洞口白雲封
石柱周溪之口有山頭流水隔仙橋周仙人峯
山如柱周襄中造
化誰陶鑄詩裏工夫費画描周風景可人公事簡何
妨携酒口相邀周

翠渠席上指假山聯句

溪洞斫山骨周齊居宜翠屏周斧痕丹玉潤水氣蒼
苔腥周玲瓏蚺蜥窩錯落蚪蚪形周猛獐虎豹蹲偃
蹇蛟龍爭周藤蘿互聯絡珠貝紛晶瑩周舉頭見崔
嵬側耳聞清冷周玄霧欲隱豹幽谷疑聞鶯周樽俎

露微黛簾幙搖空青周三山聳華岳夕水分滄溟周
鎮重鬱林環孤高碣石橫周尺地同萬里片雲倚千
層周長江吞金焦巨海失蓬瀛白日迷滄洲周清風
來赤城淺深各異態濃淡俱有情周風雷戰六甲乾
坤開五丁周雄秀不可狀造化難爲名周尋幽着屐
難周入画揮毫精周佳趣滿眉睫周不出門與庭周

十一月進曆王府與世殿下聯句

鳳曆早頒天闕曉王門今亦進新書周九重霄漢春
應近三晉山河慶有餘周律轉黃鍾新氣候周梅開

英川集亨卷八 十二 在茲堂

白雪舊庭除周太平有象君臣樂周殿漢代河間恐不
如周

其二

佳氣氤氲擁禁闈周扶桑日色曉熹微周春隨白雪
來詩筆喜逐紅雲上袞衣周藹藹漏聲催曉箭周重
重恩寵出天扉藩臣有幸承恩遇玳瑁筵前盡醉歸

二月十九日請張學士蘇堤學洪方伯同飲席
中聯句送謝長史諫歸省

雨餘南浦綠波生張 纔總難爲送別情郭 賈誼素聞
蔣國重蘇 仲舒終是宦途輕 慈闈碧水丹山近張
心事青天白日明郭 忠孝憐君能兩盡洪 乾坤休更
問誰名蘇

集古

同年會集句次鄭瑤夫內翰韻二首

與君俱是異鄉人常莊 逐隊隨行二十春羅隱

鈴閣肆筵熊掌脆張煥 鳳樓回首落花頻李郢

朝廷有道青春好薛能 霄漢無雲日月真王述

莫川集亨 卷八 十三 在茲堂

謬接鸞鵠陪賞樂曹唐 年年依舊物華新耿緯

蓬萊縹渺五雲東董昇 暖簇桃花片片紅孟浩然

一代交游非不貴陸龜蒙 幾年辛苦與君同溫庭筠

相如渴後狂還減許渾 宋玉愁多賦未工虞集

願得賢人均出處程顥 麒麟圖畫首庸公呂忠穆

成化丁酉仲春晦朔之交地署郝君世瞻庫

部楊君宗嗣相繼設席會同年之在京師者

二十有八人禮意冲融主賓歡洽內翰鄭瑤

夫作詩二章以紀其事宗嗣拉諸在席者和

焉順 問同年宴集自唐宋以來侈爲盛事前
人賦詠可考也吾庚辰俱捷之士百五十人
距今將廿載而同會者僅五之一耳死生榮
悴固有不齊其或存而仕于外者亦弗獲恒
預觴詠之列則諸君子於此能不有所感動
而益致相親相勉之意歟順 拙於詩然情有
不能已者謹以韻湊爲四章其二章則集古
人句也昔范至能謂同年之叙足以重名義
而補雅道余於今亦云

莫川集亨 卷八 十四 在茲堂

詞

滿江紅

漢水風光清絕處海邦希有端的是天生雄勝地分

秀金馬郡城傳自昔新羅人物皆非舊記唐家都

府亦留名熊津口鷗鷺狎魚龍吼山入画江如酒使

遊人到此貪歡忘久佳會合超滕閣上幽情不在蘭

亭後想明朝一別隔層雲頻回首宋以百

菩薩蠻 秋興圖文

靜窓閑掃秋風冷冷風秋掃閑窓靜疎影落高梧梧

高落影疎 興孤憐酒病病酒憐孤興枯雪點眉鬚
鬚眉點雪枯

亂山青映孤村遠遠村孤映青山亂樓上懶觀遊遊
觀懶上樓 卷書尋侶伴伴侶尋書卷秋過謾多愁
愁多謾過秋

歸朝懽 自朝鮮北還

昨捧綸音過鴨綠五色麒麟明繡服蕃王稽首覲天
威歡聲盡效封人祝宣恩兼問俗陽春到處生寒谷
愛三韓海山清勝收拾歸遐曠 不學張騫携苜蓿

翼川集 亨 卷八

五 在茲堂

只有詩囊珠萬斛北山勞事底須嗟皇華篇什行當
續旋裝何太速江湖望望縈心曲向長安九重宮闕
思獻千秋錄

歸朝懽 代巡鎮送彭都憲

閩越江山鍾秀傑義氣橫空心似鐵賢科得雋職秋
臺兩藩陞自西川臬平生冰玉潔文章德政都奇絕
荷皇恩推居都憲白簡光朝列 撫理南畿勞憲節
濟世才高任施設台光漸近紫薇垣邊人無計留車
轍同官心獨切贈行忍把垂楊折願高情始終相勉

何用嗟離別

滿庭芳 代藩臬送彭都憲

都憲崇階邦畿重鎮朝廷慎擇英賢廉能方伯公論
合超遷歷仕年過兩紀政聲著才行兼全膺高擢龍
章五色來自九重天 東南宜德意懽騰民物慶重
山川想仙瓢一瀉萬蒙爭妍惆悵河橋話別沅湘外
路隔三千相期望勳名遠大忠義日星懸

滿江紅 自送彭都憲

光嶽生賢非但是秀鍾閩嶠誰不羨超群器識濟時

翼川集 亨 卷八

十六 在茲堂

才調奏疏忠誠禪聖主維藩德澤覃邊徼喜九天嘉
會際風雲登樞要恩命下黃麻詔網紀重烏臺表使
蒼生恆望斯文增耀持節暫分南國寄趣裝行應金
鑾召問平生正氣竟如何秋天杳

水龍吟 慶老母七十二

白頭慈母康強而今七十纔加二平生種德懋延家
慶克光先世訓我成名忝膺微祿報恩無計况潘輿
遠別萊衣久曠抱多少瞻雲思 舊臘拜書稱壽道
今年乞身歸侍宦途易絆鄉期難定依然兩地華誕

忻逢賀詞重獻祝教千歲料天從善願承歡可待此情先寄

滿庭芳 慶老母七十三

冬氣排嚴月規將滿雪香已遍梅坡北堂初度春酒薦金荷七十三年未老一身健雙鬢方皤人都道蒼天福善家慶近尤多微官妨子職山川緬邈烏兔如梭顧功名何補苦自奔波寸草春暉莫報瞻思切其奈情何從今製壽詞千首一歲一高歌

沁園春 壽老母七十四

吳川集 卷八

十七 在茲堂

自別家來歲月如流忽過三春念高堂慈母年今衰老天涯遊子官尚沉淪色養多違歸期暗擬豈謂因循未乞身東南望見飛雲縹渺嶺海之瀕冬來又遇生辰依舊是稱觴少一人記臨行着意衣裳密線平居善教俎豆芳鄰有酒難携無金可寄一曲新詞意最真殷勤祝祝壽齡綿遠福慶駢臻

歸朝懽 壽老母七十五

我遇邊城寒又暑幾欲乞身猶未許慈闈昔別正希年如今七十還加五憶家情縷縷膝前久曠斑斕舞

念冬來日臨初度思把霞觴舉碧藕冰桃麟作脯一曲長生不須譜萱花榮茂婺星明鬱葱佳氣生門戶早歸吾望汝臨行記得丁寧語幸皇恩賜環有便當見團樂處

臨江仙 和林大用四調

極目滇南迷使節病懷空對清霄開樽無計更相招別離何太速追憶復迢遙蕭颯山城風雨至窓前滴徹芭蕉此時惆悵思偏饒燈花全落盡燕子未停敲

吳川集 卷八

十八 在茲堂

其二

官職自未隨分樂底須大纛高牙郡庭幽僻卽山家秋田俱辦酒疎圃半栽花一夜西風吹雨至紛紛鄉思如麻吳江蓴菜漢江槎人生知止足適意好還家

賣花聲

庾嶺插天雄滿眼籠從天涯歸思與誰同昔日別來方壯大忽作衰翁煙水看孤蓬樂在其中居間有道不爲窮萱草堂前朝夕養肯換三公

其二

過鴈動離情細雨殘更一壺春酒不同傾落盡簷花
天未曉醉夢頻驚白首戀詩盟甘露無羨誦關佳
句轉叨嚶欲和陽春難着筆愧見先生

吳川祁先生文集卷之八終

吳川集

卷八

十九

在茲

吳川祁先生文集卷之九

七世孫文友重刻

箴

知非箴

天地生人性同一初吾獨胡爲窒昧昏愚少焉游學
壯也從仕仕不及人學未成已因循五十始悟前非
四十九年歷歷可知言出諸口自以爲當靜而思之
匪躁則妄行形於事自謂宜然反而求之匪戾則偏
往者難追來者有幾過而弗改悔將曷已而今而後
是懼是脩無遠君子而甘下流

吳川集

卷九

一

在茲

贊

黃孝子贊

予觀歐陽公一行傳言五代之孝弟可錄者
僅一人焉竊惟當時之人於倫紀何甚薄也
及讀東莞志載黃舒事親至孝慕曾參爲人
然後知五代之時又有孝如黃生者矣夫世
衰俗漓人道幾喪黃生於斯時能效曾參之
行以事其親致使人目其居爲參里此豈無

實而妄得是名也哉。原舒之心以求其行使
得及於孔門必居曾氏之列矣。惜乎僻在海
隅徒能名諸一鄉不及達之天下因爲之贊
亦以補歐公闕云。

昔在孔門孝稱曾參養志不違天下所欽後人事親
孰克心其心而況五代之亂道義湮沉於茲論孝瓦
礫精金廼有黃生僻居海澗克共子職而竭孝忱以
曾氏爲楷模以養志爲規箴誠孚于家名重士林洙
泗以來空谷足音人美其鄉目爲參里足耀古今參
案川集 卷九 二 在茲堂

里之山倚天欽岑參里之水清餘百尋黃生之名山
高水深

劉母安人甘節贊

易曰甘節吉往有尚節之九五然也夫節之
道廣矣而在人臣爲忠節在女婦爲貞節貞
節之甘吾於劉母翁氏見焉母生南平故家
爲贈承德郎戶部主事劉公之配承德公早
世母年未三十而能矢心不食他姓撫遺孤
綜家務貞白之操愈老不虧有司廉其實欲

聞于朝旌異之母曰吾道當然耳力辭乃止
於戲此非所謂甘於節而無艱苦者耶世之
士大夫委靡隨風罕能以名節自檢或一行
之高則汲汲焉表暴於外希名伺報惟恐不
及焉聞劉母之風其亦少愧矣母旣令終以
次子璋官尚書郎得膺安人之贈其清標懿
行鄉邦式之縉紳稱之往之有尚蔑以加焉
贊曰

無非無儀婦道之常其以節稱處變之良當世俗衰
梁川集 卷九 三 在茲堂

微而栢舟有作聖人蓋深取乎共姜猗嗟劉母克勵
其德夫亡守志靡他靡慝人謂孀苦母則甘之人或
移天母則慚之教育遺孤祇嚴宗祀夙夜勤勞而家
益理始終一節玉潔松貞四十有九年無忝厥生有
司賢之謂宜旌錄將白于朝以飭衰俗母曰於戲吾
道當然豈名之求繼行之全乃力辭其事而心始安
行旣全矣名亦弗朽清風凜然罩于身後綱常是尊
風教是欽式著贊辭爲天下之箴

適適軒贊

國子司業丹徒費先生嘗官翰林脩國史卓
有時譽先生頽其燕息之軒曰適適縉紳大
夫多爲詩文張之予卽先生之志爲之贊曰

萬物賦形得氣之偏飛潛動植各適其天人靈於物
天分以全性之所適匪勉而然有昏其徒物欲蔽牽
騁私競利汨沒窮年銜僞喪真棄方效圓吾之所惡
彼以爲賢卓矣君子詞林之仙道遙物初與道周旋
豈無詩文吾意是宜如樊宗師不襲陳言亦有舊琴
古音斯傳如陶淵明趣在無絃俗雖弗諧惟性所便
適吾之適物何累焉維是君子天資粹完秉志堅定
不爲物遷力懸千鈞手障百川我言匪誇請揭斯軒

一 自贊

才不如人貌不如人宜辭尊而居卑辭富而居貧然
非離世以絕俗亦不和光而同塵庶幾弗辱其身者
邪

何尚綱先生像贊

可重者顧人之雅操可親者君子之容儀可法者名
家之規範可傳者結社之聲詩若夫積陰德於悠久

存方寸之坦夷則不可得而窺也噫子孫多賢壽考
維祺如先生者世其幾希

文

焚黃祭先考祝文

維成化十二年丙申月日孝男戶部郎中 順 謹昭告
于加贈奉直大夫戶部員外郎先考府君之墓曰惟
我先考積善累仁身不享年慶延于後 順 奉承遺訓
幸列清朝筮仕兵曹嘗荷推恩之典進官民部重頒
加贈之章光被幽明敢忘所自祿不逮養悲咽奚堪
粟川集 卷九 五 在茲

茲以官守所縻弗獲躬展焚黃之禮謹錄副本俾弟

願焚告墓下伏惟尊靈永服寵嘉

焚黃祭亡妻鍾氏祝文

維年月日夫戶部郎中某告于加贈宜人亡妻鍾氏
曰爾歸于我隨宦勤勞受封安人於今十載我擢正
郎宜膺誥命爾胡不待一疾云亡幸蒙天子之恩加
以宜人之贈賢德有報其在于茲茲錄副本寓歸焚
于墓前用彰休寵爾其不昧尚克承之

饒州祈雨祝文

脩政安民職有攸司禦災捍患神所能爲顧惟西江
近罹荒饑天子命予巡視茲土興利除害民瘼是憂
勸農助耕用糴有秋今過饒邦時當盛夏雨澤愆期
慮傷禾稼民實無罪神宜恤之不德在予神當罰之
謹率官屬拜祈靈貺願沛甘霖慰我民望

謝雨祝文

旱魃爲虐民罹困苦祈禱連旬獲茲一雨潤我田疇
長我不黍邇厥攸自繫神是主嘉澤雖遲人心亦豫
適瞻靈旗爰載清醑以報以祈神其延佇終惠我民

葉川集

卷九

六

在玄堂

益施甘澍

脩城隍廟落成祝文

明神效靈天下敬承理當然也茲邦有祠久敝弗治
吏之愆也爰役吾民撤舊爲新宏且堅也穀旦落成
蠲醴潔牲心則虔也尚饗

墓亡弟宏祭文

維爾之生氣和神清賢而秀也自幼英英志道慕名
承世胄也我來帝京爾隨以行求講授也我鎮關城
復相合并不殊舊也早暮競競綢繆丁寧情深厚也

學思其精行思其成能自慙也謂茲妙齡驥足鵷翎
宜騫遙也胡天不矜俾爾就傾才弗壽也路隔幽明
情分弟兄淚盈袖也擇地爲塋背壬面丁山城後也
風氣攸寧時日吉亨安爾柩也有美于登有酒于觥
醺于豆也感通維誠不昧維靈所歆嗅也嗚呼哀哉

祭從父五處士文

嗚呼吾有負於公多矣幼始知學公誘其成長舉于
鄉公壯其行及登進士上于銓省公遣子宏與吾偕
往拜官兵部按節關東宏病以卒恩不酬功迫我還

葉川集

卷九

七

在玄堂

朝思公不置德銘於心言猶在耳今因奉使便道寧
親願一拜公少效殷勤胡爲蒼天不相假借公亡在
冬吾歸在夏半年之內人自難期死生之隔寧復可
追前此十年與公離別豈料斯時已爲永訣有恩莫
報有辭莫通痛心洒淚何益於公安厝適期薄陳祭
禮侑哀以辭用寫誠意

祭姚天官文

維東浙之山川兮秀鍾賢良維我公之毓秀兮實生
其鄉梧竹之標挺乎其脩特江河之量浩乎其汪洋

矧天分之素高而學力之富強領鄉薦而上春官兮
南魁文場擢進士而官給舍今才譽聿彰歷二曹之
卿佐惟忠謹之是將迨超宗伯清直載揚蜚聲華於
廊廟受知遇於聖皇榮遷冢宰今百辟之望職司人
物今位應文昌匪惟銓鏡之明妙於品藻而嘉謨讜
論尤善讚襄人皆願公益壽而康齊芳名於皐契弼
盛治於虞唐胡何山頽梁摧遽告弗祥訃音上聞今
當宁軫傷謚贈載加兮煥乎天章豈一時之榮耀雖
百世而弗亡此在公固已無憾而縉紳所以嗟悼者
惜哲人之早逝而用之未究其所長某等忝官朝著
獲挹餘光痛九原之不作仰山斗而難忘寫哀以辭
薄奠一觴靈其不昧來格來享

祭亡妻鍾宜人文

嗚呼君之未歸吾舉鄉試君之既歸吾登進士同室
以來廿年有四隨宦于京歲過一紀君性柔淑君德
純懿爲婦爲妻道皆無愧孝奉舅姑和待妯娌舅亡
姑在承順如意善處宗姻能理中饋不矜貴榮恒戒
奢靡我勤於公弗遑內治君持家務纖悉周至教育

寒川集

卷九

八

在茲歲

子女慈不失義撫馭童婢恩而有制相我以勤實我
以禮身不辭勞口不言利賢哉若人女中君子辛卯
之春同歸閭里長女及笄畢其婦事壬辰之夏復還
京邸骨肉遠違懷念無已我再轉官君亦同喜曰茲
職守宜存敬畏我使常州君速行李曰茲王命勿憚
勞勤秋別無何病已霑體冬還相見心則少慰巫藥
罔效自度不起徂冬及春從容以死方寸之靈弗眩
弗悻遺言之善壹壹可記孰謂婦人而達斯理人有
夫妻共享蕃祉君獨何辜乃止於此初期百年今僅
半世天胡不仁俾相背棄雖膺封誥光耀能幾雖有
生育徒以自累高堂何望勿穉安恃一夢無憑萬事
休矣我弟來京南還在邇爲携君柩歸葬吉地訣別
于斯庸具牲醴痛恨悠悠曷其有既

山海祭從弟宏墓

維成化十二年歲次丙申正月丙午朔越四日巳酉
兄戶部郎中順以牲醴之儀遣家童添進祭于故從
弟四郎宏之墓曰昔我鎮關爾來相從年總弱冠一
疾而終北山之傍擇地安厝幽明之路永隔千古我

寒川集

卷九

九

在茲歲

自還朝十載於今每念關城爲爾傷心茲使東藩道
經舊鎮詢爾佳城宿草凝恨嗚呼哀哉昔日東來誰
其我親一妻一子并爾三人自爾云亡淚猶未止爾
嫂爾姪近亦殂矣命之不淑天實爲之一杯告爾知
乎不知

使旋祭長男志伊文

維成化十二年丙申月日父以清酌美飯之奠祭于
我長男志伊之靈泣曰嗚呼吾年三十而生汝四十
三而哭汝來也何遲去也何速果汝之命止於此乎

藥川集

卷九

十

在墓

抑吾之德薄不足以庇汝乎汝之風神娟秀性質聰
敏非天相也溫柔誠篤敦尚孝愛非天行也從師講
讀漸知其趣學爲詩律日有可觀人謂必亢吾宗汝
亦自期遠大胡蒼天不仁遽奪之乎曩在曹司汝嘗
來侍好我詩文誦說如流嗚呼今不復見矣歲時家
會汝輒在傍稱觴勸飲拜跪如禮嗚呼今不復得矣
甲午孟冬吾以王事還自常州于時汝母感病汝亦
患疽吾甚恨調治之弗早也乙未春初汝母奄逝貽
汝之憂舊疾延綿虛羸日甚吾固戚然於心汝亦深

以爲慮然猶勉強支持飲食自愛豈料徂秋歷冬竟
以是弗起耶未沒之前吾有奉使朝鮮之命汝愁遠
別悵悵不安吾謂早歸庶幾慰汝孰知行李將發而
遂永訣耶汝之疾也吾不知醫雖徧求針藥而罔見
其效汝之歿也吾不遑處雖具棺哭歛而莫盡其情
逮今使旋追念何及懷恨抱痛曷時可忘况吾日糾
在公家務所託惟妻與子妻之云亡猶曰長子將成
立也而今俱失望矣悲乎天乎何使我至此極乎吾
母家居念汝別來常思再見今其爲戚何如也吾弟
來京愛汝南還欲携弗果今其爲悔何如也觀汝遺
墨檢汝舊書想汝形容憶汝言語肝腸割裂哀不自
勝雖然生死有期脩短有數亦付之無可奈何也已
薄陳一奠發我中情嗚呼哀哉嗚呼痛哉尚享

祭方伯周公文

嗚呼天道難諶造化莫窮榮枯禍福萬有不同或宜
暢而闕或宜吉而凶或衆好之而天見奪或衆期之
而天不從此吾儕於公之歿所以失聲而嗟嘆搢淚
而悲恫公家古相詩禮名宗累仁積善碩大而豐替

藥川集

卷九

十一

在墓

組蟬聯科名輝映父子兄弟爭奮達而顯融公之才
華足以用世公之籌畧足以折衝器宇挺乎其秀拔
度量淵乎其有容早領鄉薦游歌辟雍榮登甲第通
籍九重官秋臺而擅明刑之譽守劇郡而著循良之
功薦章交騰寵擢在躬參湖藩之大政復移旆於山
東逮遷憲長勲譽益崇威嚴肅乎貪暴沛澤及於疲
瘵曾未幾時進陞方伯下車江右閱歷兩冬德布陽
春令如清風利興弊除人和政通庶務輟輟而胸次
朗乎其豁達門閥尊顯而言貌恪乎其謙冲謂茲偉
人藩屏之雄聲華重於時論姓字達於宸聰行當膺
廟堂之重寄建經濟之勲庸夫何聖善違榮而解官
奔計奉襄甫畢而一疾告終譬猶棟厦之材方見用
而條壞于堂宇圖南之翮既高舉而偶折於太空雖
年逾五旬不謂之天官躋二品不謂之賤然壽之不
滿其德用之未罄其丹衷縉紳士庶安得不有疑於
造化而致詰乎蒼穹矧在吾儕受知最隆同寅之契
交承之分不異乎兄弟之友恭仰德難忘耿焉在中
何幽明之遽隔悵無因而再逢計音遠來哽咽填胸

祭羅狀元文

職守所縻弔臨莫及一盃寄奠徒北望而忉忉緘辭
寓哀非直爲故舊之惜蓋亦以鳴乎天下之公
維吉之郡山水清淑毓秀鍾材先後接躅維君之生
永豐茂族立志不凡信道尤篤預江右之計偕魁南
宮之薦錄陳禮樂於丹墀呈琅玕而披腹九重褒嘉
多士推服各登狀頭天下拭目拜玉堂之仙秩掌文
字之鈞軸身雖處乎清暇心不忘於啓沃指斥大臣
鋪張奏牘援古證今辭嚴義肅惟思正萬世之綱常
奚暇顧一身之榮辱輿情踴躍當道漸而間關入闕
耳受譴逐聖恩優容公道遙復轉官南都士望攸屬
曾日月之幾何遽抗章而辭祿抱疾以歸雲山之麓
被明月而冠白雲紉幽蘭而采秋菊創別院於金牛
倣晦翁之白鹿有田足耕有書可讀咀嚼英華薰蒸
醲郁考索之精沉潛反覆著述之勤千鬼以禿或歌
詠於風雪或盤桓於澗谷沂伊落之淵源襲杏壇之
芬馥懸寸縷以千鈞藏萬端於一粟蓋其心惟從事
乎聖賢而不知年歲之不足衆咸願其早瘳將兼善

而非獨脫立言以垂範亦有功於世俗豈知天不慙
留奪之太速過隙夢駒承塵賦鵬道方追而失南陽
之張書未成而喪平原之陸嗚呼哀哉君之賢名如
金如玉君之道義如帛如縠窮理之學足以紹前哲
而迪鄉邦忠懇之疏足以補風化而昭汗竹信今傳
後誠不待卜然宜達而窮宜壽而促吾道之蝕斯文
之酷自今而後士氣孰爲之振正脉孰爲之續世教
孰爲之扶蒼生孰爲之福某等承乏西江忝司岳牧
仰德既久知名最熟聞訃傷心逾於慟哭式陳薄奠
吳川集亭卷九十在茲堂

寫此衷曲

祭崇仁羅元亮憲副文

士之用世今德行爲先謹厚正直今衆謂之賢榮枯
脩短今一聽於天苟生順而死安今又奚憾焉君生
卓犖今風抱奇志佩服詩書今力行仁義不趨權貴
今不急功利守貞固以終身今視古人其無愧昔登
科第今列職烏臺試埋輪之巨手今展攬轡之雄才
激揚有道今執法不阿以直言而取尤今亦分之乖
擢僉憲於廣右今克脩其職振紀綱以肅列郡今人

畏威而懷德厲冰蘖之風操今中心不或勤一官於
九載今茂著勞績趣裝北觀今方便道而歸榮拜天
書之南下今膺憲副之喬陞謂素志之少償分道由
以行忽嬰病而長往今弗究其成彼貪回與狼悖今
或貴顯而多壽何哲人之速逝今誠造物之弗偶惟
生平有可重今自內省而不疚雖失彼而得此今亦
足垂於永久念吾儕之投分今羗道合而心知目除
書而忻慰今耳訃音而驚疑傷九泉不可作今重感
慕而嗟咨潔生芻以致奠今聊搵淚而陳詞

吳川集亭

卷九

五

在茲堂

吳川祁先生文集卷之十

七世孫文友重刻

序

送經府倫君之任序

廣東潮州府經歷闕員銓曹奉聖天子擇人之意選太學生之賢能者補之於是倫貴良之實任斯職良之南海人通經涉古早有聲于鄉校中既而膺貢入太學六館之士尤見推許及拜官于潮潮之人咸以得賢能爲賀謂其將有聲於潮廣間也古者仕不出

吳川集

序

卷十

在茲堂

鄉三代之時民自選舉賢能以治其鄉里爲之舉者悉能善於其治後世鄉舉里選之法不行而仕者常在數千里外舉或非其賢選或非其能求如古之治得乎潮陽距南海數百里許地相接也民相邇也俗相同也倫君以鄉之賢能而仕不出其鄉則所以爲政固有其道矣或曰郡之土地人民專于牧守以善治責之幕職可乎是不然劇郡元僚厥繁非細民之忻戚吾得而憂樂之政之美惡吾得而可否之從容贊畫以善其治而福其民固幕中之所得爲亦倫君

之所能爲者君其勉焉他日政成名重非直信于一鄉雖措之天下無施而弗可矣君將行其友劉君復之輩徵言爲贈辭不獲書此畀之

送大尹張君之任南安序

大學生張君文振謁選于天官拜命之日得福建泉州府南安縣令文振惠之博羅彥也愿而文諒而通和厚而不肆同邑先達冬官亞卿李公嘗重其爲人及見除書公喜且賀曰是固宜於民牧也因其行速言爲贈予與文振素厚惡得而默耶夫爲令非難而

吳川集

序

二

在茲堂

以得民心爲難民心之所以得者何也不專於威嚴不尚於智巧和易以道之子諒以渥之忠厚以感之而又加之以不欺吾知從化者之恐後矣詩曰愷悌君子民之父母傳曰平易近民民必親之其以是歟今夫天下羽毛之屬驚者悍者猛者狡者非不紛然多也然麟之儀儀鳳之師師而飛者走者莫不爲之先後又何驚悍猛狡之足言哉文振和厚而質諒政詩之所謂父母傳之所謂近民者也挾是以宰南安人望之如望歲焉將見善政宜民治道以興事功立

焉名譽生焉沛惠澤于一時遺愛思於永久斯無愧古之循良而李公期待之意不虛矣文振勉乎哉

送教諭葉先生之任序

聖人之道有體焉有用焉有文焉歷萬世而不可變者其體也應萬事而不可窮者其用也垂天下而不可掩者其文也三代盛時斯道大明士無他習隋唐以後專尚聲律之科於是靡曼剽奪之伎興而體用莫之講矣我國家建學育才設科取士雖未嘗不業計舉之文而必以經學爲首蓋聖人之道畢載于經

葉川集序

卷十

三

在茲堂

體於是而全用於是而具文於是而著者也然世之士溺乎卑近者以記誦爲能以詞章爲工趨其末而遺其本往往有之噫此非科舉之文有病於道人自病之耳誠欲使學者皆明夫體用以爲政教之本得無賴於師儒啓迪之功乎吾於安吉教諭葉君瑛蓋將有望矣昔安定胡公講學于湖能以聖人體用爲教士之出其門者一時獨盛至于今以爲美談安吉湖之屬邑也胡公之教行於是邦最久其餘波騰馥沾溉于安吉之人心豈無尚存者耶葉君以科目之

彥司序序之職儒而通經學足成物而又官于名賢設教之邦必將明聖人之道爲學者依歸無徒以記誦詞章爲習本之乎仁義道德之體侈之乎詩書六藝之文舉而措之天下當有潤澤生民歸於皇極者矣此吾儒之所謂體用也此胡公之所以爲教也葉君其勉之他日道德賢材之詩棟梁榱桷之詠將復有爲葉君贈者昔人豈專美哉

送東莞馬判簿之任序

葉川集序

卷十

四

在茲堂

廣之屬邑稱吾東莞爲壯地大物殷政務煩劇邇年爲令丞簿者悉難之朝廷欲得人以惠吾民乃去其不職者而代之以賢者天順五年擢樂平吳侯爲之今六年用華亭王君爲之丞今年春復黜舊簿適桂林馬君善由泉之庾使考最得陞遂以授焉予邑人也因馬君之行往告之曰天下親民者莫如爲邑邑有令有丞有簿簿之設在協丞以佐令凡署當先可否而簿書符檄獄訟之類得兼治焉司其任者貴乎自立而已昔晦庵朱子官于同安名其燕坐之軒曰高士而爲之記其意以爲主縣之簿者無以自立將

僕僕於塵埃之中有以自立則超然出乎萬物之表
非有待於外然後爲高也嗟夫晦庵之意其天下後
世之標準歟君之志足以有爲而才足以適用泄官
會計試效有年茲行必知所以自立矣協丞佐令以
副親民之責以求高士之躅以不負朝廷之任使者
必有道矣矧今寅寮一新治化當與俱新惠澤之流
民生之遂聲實之著於斯焉在豈復如向者之難哉
監其舊而新是圖吾深有望於官吾邑者也到官之
暇以斯言質諸令丞二君子其必曰然

栗川集

卷十

五

在茲堂

送友人方彥卿歸東莞詩序

予友方君彥卿今年春試於禮部時予入貢院爲同
考官揭曉之日得士若干人彥卿不與焉予方抱遺
才之嘆悵悵弗樂彥卿以詩來示有云十年科第負
心期此日尤非少壯時予讀之愧甚旣而詩來又云
敢向文衡怨知己夜窓勤苦不如人蓋自咎以寬予
愧也嗟乎予失彥卿過矣復何言哉記少年游鄉校
時與彥卿結文字契甚厚其後相繼領鄉薦同上春
官又同歸卒業過相規疑相質講論相切磋每一握

手吐露平生殆盡如是者久之天順庚辰予忝登第

入仕爲尚書郎彥卿尚因循至於今不偶於是距其
鄉薦十有七年試禮部之期且五六矣一官未成萬
事如失囊輜駘削華髮漸新此所以不能無科第負
心之嘆然而遲速有時屈伸有命在彥卿固怡然安
之大丈夫之所成就將未有涯也彥卿候天曹之選
未及期過予言曰吾將歸省二親且益利吾器以圖
後捷子可無一言以寵別乎惟昔蘇子瞻與李方叔
爲友蘇知貢舉而李不第嘗贈詩以道愧焉予固不
敢比諸蘇公而失彥卿之愧視蘇公之於方叔蓋有
過焉無不及者迺卽蘇之舊韻作詩六章復集古人
詩爲二十絕句酌彥卿所示之什交游和而作者又
十餘人序而錄之併以爲贈彥卿行矣山林之樂幸
無人留霄漢同飛尚當刻期以俟

送貳守曹君之任序

廣東潮州府同知會稽曹君廷選將之官潮之仕寓
于京師者徵言爲行贈廷選自切抱偉才負奇志日
以通經學古爲事年十八卽領鄉薦明年試禮部得

栗川集

卷十

六

在茲堂

校官辭弗就其後累試皆如之迄今二十年學益進矣而終不獲一第廷遜笑曰吾固弗利於是科也吾尚可堅待乎哉適由國子生謁選于天官考居優列於是有潮郡之任夫以廷遜之賢於進士科宜可芥取而有志莫就豈非命耶然筮仕而得名郡一命而躋大夫是亦得以行其志展其才不終負其所學矣國家用人類非一途而必以業經術者爲貴誠以經載聖人之道窮經致用則天下之事皆由此而措之廷遜優于經術者也以其所蘊達諸政事將無施弗

吳川集

卷十

七

在茲堂

可矧一郡之佐邪吾知潮陽之行朝下車而譽久至矣正已率人推經緣史宣朝廷德化於嶺海之陬躋千里生民於仁義之域固廷遜之佐理所優爲也昔昌黎韓子通經爲儒措於事業天下至于今稱之潮亦昌黎澈政之邦詩書文行之教猶有存者廷遜尚考其迹而師法焉俾吾儒通經之效無專美於昔人斯可矣由茲而流聲實臻顯融遠大之業可馴而致其一郡所能私哉予慕廷遜且久茲雖惜其不偶於科第而又喜佐郡之得人也因效贈言之意以是語

之廷遜勉旃予尚拭目觀其成於他日

送潮州衛指揮李侯榮任序

凡周之士不顯亦世詩有是言也我國家崇重武臣錄其子孫俾之世其祿秩與皇家匹休卽詩人歌頌之意崇德報功之典何其至歟廣東潮州衛指揮同知李侯烝承先世之勲膺藩屏之寄于今數年矣援例如京師試其武伎有能聲進士林蘊中輩潮人也因侯之復任相率餞別而徵予言贈之予聞侯之先臨淮人高祖懋洪武間累官至鎮國將軍都指揮同

吳川集

卷十

八

在茲堂

知歷四川山東二都司屢著勞績其子若孫世傳珪組克篤忠貞至侯年妙志銳足以有爲淹事于潮必能捍土宇而安生靈匪惟麾下之裨校戎卒有所依庇一郡士民且將蒙休矣尚奚俟乎予言雖然昔之武臣以賢稱者匪專事乎威武也其道德事功之名當時而聲百世者蓋有在焉夫賞功錫爵恩出於朝廷欲求所以報稱曰忠焉耳矣承輝襲寵功由於先世欲求所以顯揚曰孝焉耳矣斯道也守之足以誠身行之足以治人克之足以通神明而格天地苟於

斯而致力焉庶無忝前人績累之勞無負國家崇重之典由茲而譽望日隆休光日臻則所以榮其家世延其爵賞以匹休於無窮者當何如哉臣子大節惟忠與孝予因舉以爲侯贈而進之古名將之道焉侯其勉諸無謂予言迂也

西橋先生挽詩序

西橋陳先生卒且葬其門人旣爲勒銘於墓以昭潛德縉紳君子凡知先生者復爲詩以挽之積而成帙若干首先生之弟善成司教吳江以書來徵予序予

東川集

卷十

九

在茲堂

嘗受知先生素辱期待之厚感慕愛戴于心弗忘今也想先生儀刑不可見矣讀諸君子之詩宛然悽愴之情弗能自已欲不序得乎嗚呼死生人道之常然生貴乎有可稱者歿貴乎有可述者不然則與草木同腐而已夫君子之可稱可述豈專在於功名祿位哉其有優游乎道德沉潛乎文藝脩之於身行之於家而推以淑諸人生而人重之歿而人惜之且思之不置焉是雖功名之不彰祿位之不充而所可恃者猶在也先生自幼業儒不求進取行誼之純問學之

博詞翰之美皆爲時所推許開門授徒從游者肩摩踵接先生隨其才器啓迪之至老弗倦海瀕詩書禮義之習所以大振於聖明之世者先生與有力焉素爲邑大夫禮重而藩憲大臣亦皆慕其爲人盖有能以道自重而德行文學足以儀表後進故也惜乎未逮稀年一疾而逝在先生固已無憾而人之愛惜懷思庸有已乎此挽詩之所由作而先生之可稱述者亦於斯焉見矣嗟夫鄉邑老成日就衰落後進之士達而用世者固不乏人至若以儒家居卓卓乎爲後

東川集

卷十

十

在茲堂

學師表者今無幾也安得起先生於九原俾吾鄉學者咸有矜式也哉先生名用原字志道別號西橋學者稱之曰西橋先生

送大尹陳君之安溪序

予嘗讀循吏傳而慕陳仲弓之爲人仲弓之長太丘也民不欺而遠近稱之予意其所履行必駭異卓絕非人可及者夷考傳之所載曰仁善篤誠而已及觀袁紹有問而元方荅之則曰强者綏之以德弱者撫之以仁無他辭也噫仁與德天下所同有何古之人

以是著稱而今人不多見耶古人之得民心若此何
今之司民牧者不少而以循良稱者百無一二耶吾
邑陳君重器由國子生擢泉之安溪縣令鄉人仕寓
京師者見除書走相賀謂予宜有言贈之予曰重器
太丘裔也請以太丘之事告焉國家圖治任賢慎選
民牧所以重乎民也守令承流宣化急於安民所以
答乎君也安民之道豈待求諸驚駭卓絕之行哉曰
德曰仁焉爾安溪治簡民淳易於爲政君之往其務
所以撫而綏之政善則民安民安而治效臻矣不歎
吳川集 卷十 十一 在茲堂

送范先生之任永豐序

東莞范先生彥勤由鄉貢進士司教永豐縣學將行
同邑宦游之士相與祖送于郡城之南酒半有執爵
爲先生壽者曰君子之學成已爲先推而及物善莫
大焉杏壇振鐸揖讓三千樂育英才軻氏之賢吾子
潛心問學于茲有年職列師儒文教用宣吾將喜弟

子之得師慶先生之有傳胸中之樂孰得而窺其天
也耶言旣又有起而稱者曰位無崇卑視道之施屈
伸何常晦顯有時千層之臺肇于尺寸之基合抱之
木始于勾芒之微吾子發朝文庠年少有爲由茲振
奮顯庸可期行當拔安定於蘇湖起楊震於關西豈
終賦盤中之首宿擁座上之臯比也耶時予在席聞
之嘆曰美哉言也然而頌也匪規也朋友有忠告之
義予請效古人視規可乎夫師儒之任從古所重聖
朝建學立師尤慎其選誠以學校人才之所自出人
才成否繫師道之立何如是其秩雖若卑而道尊責
重視他職殆有過焉者矣然則爲師者其亦知所以
自重耶博學洽聞以充於已循循善誘以及於人正
以率之誠以孚之道德以模範之相勉於高明遠大
之歸而不安於卑污苟且之習此教道所以成人才
所以盛也若徒記誦貢舉之文以爲出身免過之階
者乃師弟子之末事豈予所專望於彥勤哉彥勤拜
曰敢不受教遂書以贈其行

送謝二尹之揭陽序

丞邑之貳也上有令下有簿丞位其間如州上佐然凡百里之政是非可否令不自制往往資於丞丞不署令不能以行其所能行者皆完署而共決者也是則丞於令秩雖稍下而所關係不亦重乎世之以才進者恒薄是官謂爲非所樂就嗟夫丞豈真薄哉官無卑顧才不足塞職古有是言矣善爲丞者政勤乎六職念周乎百里於令也助其能補其不及於民也聚其欲去其所惡由是政成俗化實在而名隨之彼泯泯然無聞於人者皆不究心於丞故也非丞實使

吳川集 卷十

十三 在茲堂

送龍溪判簿鄭君之任序

同邑鄭君士榮由大學生拜漳之龍溪判簿鄉之人

士寓京師者咸曰士榮由學校奮身夙有抱負方期宏其所用而乃於勾稽之職恩焉斷楹以爲槩假庖刀而割一籌若有不愜然者子將何以釋之予曰嘻必若是言是汲汲於外而忘其內也古之君子出而用世惟脩其在已而已任之崇卑祿之厚薄有弗計焉後世喜權貪得人不古心於是強心與知不擇其才之稱否而冒進者多矣抑孰知德不稱祿猶鑿墉之址以益其高力不勝任猶頓輟之輕持以至於墜也悲夫君子不患已之有餘而惟患其不足不慮位之不充而恒慮其不稱今夫物之適於用者若舟焉若車焉若器皿焉其力有餘而輕載者不害乎遠涉也載而過其力則傾矣其量有餘而少容者不害乎自安也容之過其量則溢矣惟人亦然焦僈不可以戴泰山至以烏獲之力而舉一羽亦未爲失由是言之士榮之職勾稽又何或焉龍溪于閩爲壯邑一邑之政簿得總而理之士榮無以爲易弗加之意也茲行尚思協丞佐令以脩其能事以專於斯民將見政績之彰名譽之光固不以其秩之卑而有所損苟不

吳川集 卷十

十四 在茲堂

惟已之思而徒以在外者爲輕重豈予所知哉衆曰
斯言匪惟寬士榮之心且足壯其行而王其成也於
是錢別都門書之爲贈

族譜後序

右祁氏族譜一編首爲之圖序宗派也次爲之疏紀
事實也又其次曰家乘則取奕世之行狀銘表與夫
詩文關於譜牒者備祿之其或奉朝廷策問誥勅必
書于家乘之首又以爲譜之光也先君子兵部府君
存日恒汲汲於斯後不果爲而付諸小子今從父有

契川集

卷十

五

在茲堂

道公復以爲屬於是因舊圖而脩廣之庶幾成先志
焉於戲我祁氏自始祖銀青大夫以前世遠已無可
攷銀青傳五世而分十有三人其十三人之中惟吾
高祖子賢府君之後迄今蕃衍而高祖從兄弟仲可
之派亦弗墜乎厥先其餘十一人者或一傳或再傳
皆失之矣可慨也夫今吾之譜以銀青以下官稱名
字配嗣卒塋無攷則已幸有得卽書之然自吾之高
祖至吾之父則詳於他派者譜者吾作謹吾之所自
出也夫旣詳所自出而吾祖之兄弟吾父之從兄弟

又皆列書者其初本一人之身不忍遺也後世派愈
蕃而譜有續則各本其所生而詳其後是吾譜爲之
張本也世言士大夫家不可無諸譜之作豈惟使人
知一本之義而生孝弟之心亦以見祖宗積累艱難
思所以繼承於不墜耳我祁氏子孫觀斯譜聞斯言
而不惻然興起者尙爲有良心哉願旣自警且書以
告族人又以警夫來者

送國學邵先生省墓詩序

契川集

卷十

六

在茲堂

省墓古禮也出於人心之不能自己也我國家以仁
孝治天下凡久仕于京謁告歸省者詔允之所以勸
孝而求忠者至矣國子監學正東莞邵先生仲晦於
是循例乞歸得如所請其陛辭也皇上有寶楮之賜
其瀕行也縉紳有詩辭之贈予於先生同邑不可無
言乃爲之序曰世之居者於墓與祀恒獲親之惟加
之敬焉斯足矣至於行者遠違丘壟欲加之敬而不
可得於心孰能安乎昔子路去魯而顏淵贈之曰吾
聞之也去國則哭于墓而後行反其國展墓而入是
知行者不忍丘壟之無主必有反國之期也然則今

之展墓謂非禮之古可乎謂非人心不能自已可乎
先生由科目發身歷梧州興安二庠司訓秩滿轉今
官出入中外二十餘載顧家鄉之迢遙念先祠之久
曠春雨秋霜不能無怵惕悽愴之感此所以極情陳
懇必欲展莫墓下然後快於心也茲焉祇奉榮恩躬
行祭事松楸增賁桑梓有光亦足慰久違之願矣雖
然臣子之道惟忠與孝先生既盡情於丘壟其可久
爲家鄉滯耶北望翠華亟當旋旆勉脩厥職上荅皇
恩是卽忠之著而孝之推也明年秋深當舉觴遲先
生于都門之外先書此爲禡本云

吳川集

卷十

十七

在茲堂

使南勝覽詩序

使南勝覽詩一帙縉紳君子爲尚書戶部主事楊君
宗嗣作也宗嗣世家雲南之太和舉天順庚辰進士
官戶部有賢聲成化乙酉聖天子念征苗將士多著
勞績遣廷臣往賚焉宗嗣拜詔以行自金臺抵滇池
從事萬餘里外善繪者卽其皇華原隰之景分爲十
二而圖以張之此勝覽所以名而詩所由作也夫報
功行賞朝廷之盛恩宣德達情使臣之當務宗嗣斯

吳川集

卷十

十八

在茲堂

行豈但搜奇覽勝爲一時佳話而已哉余有以知其
心矣發潞渚度淮河旣將命而夙夜不寧過金陵經
楚水漸遠君而馳念益切探洞庭湘江之跡得無范
老在江湖之憂歷貴陽三峽之地得無杜公依南斗
之望岷峨之聳翠金碧之凝輝雖遊玩之供而王事
靡盬不遑恤也蒼洱之春遊桑榆之晝錦雖家鄉之
娛而公家程期不敢後也噫宗嗣賢乎哉抑先王之
遣勞使臣也述其心則以每懷靡及諏謀度詢爲言
探其情則以不遑將父不遑將母爲念然則宗嗣勤
於王事固有靡及之懷而便道寧親又全天性之樂
可謂公義私情之兩得矣諸君子美其道路之勤嘉
其忠孝之志發而爲詩情義交盡其亦四牡皇華之
意歟宗嗣以余同年且同官屬一言置諸簡首辭弗
克書此遺之於是距奉使已七年而宗嗣進階員外
郎三年矣

送大尹罕君仲默之楊林序

聖人之治天下一視而同仁篤近而舉遠我朝統一
區宇威德遐洽四夷八蠻靡不向風雲南雖在萬里

然自入職方漸摩聲教加以洩之得人撫之有道故其民革獷戾而樂安馴厥卑陋而慕光華者駸駸中州禮讓之俗噫盛矣哉春秋之法

進於中國則

中國之漢唐以來仕于選壤有聲者皆能用夏變

者也文翁興學而蜀非前日之戎常袞重文而閬非

昔時之越他如諸葛之南中宗无之柳州韓愈之陽

山流風善政皆足振于當時昭于後世矧國家深仁

厚澤涵泳中外者有年百官庶職所以奉揚宣布無

遠弗届宜滇南邊徼亦進而等中州也歟予同邑友

葉川集

亨

卷十

五

在茲堂

鄉貢進士宰君仲默由國子生擢知楊林縣事楊林雲南屬邑也其民含夷習而趨治化者也仲默斯行將何以慰之夫體朝廷一視之仁盡民牧撫綏之責子諒豈弟以孚其心明禮悖信以善其俗簡日疏節以遂其生此柔遠之方變至夏之道克其所至雖翁袞諸人奚以尚哉楊林於安寧州爲鄰壤州守王君廷紳亦同邑也仲默過之尚以子言告之

送經憲何君致仕序

廣西按察司經歷何君叔璣三年考績至京師浩然

興賦歸之思其相知者謂曰初而學壯而行老而休

子年方五十有三前後仕未盈九載聖天子圖治任

賢惟恐不及正宜有所建明以展平昔所學奚去之

速耶君笑曰人各有志淵明解綬弘景掛冠曷嘗待

年也顧聖明在上百官庶職布列中外者未嘗乏賢

其輕重豈繫吾一人哉奔走道途孰與田里之安勞

形案牘孰與投閑之樂吾往決矣卽毅然上章以疾

爲請天官察其壯且才也止之而君稱疾益堅欲留

不果噫君子之所趨尚其賢於人遠哉世之役心富

葉川集

亨

卷十

三

在茲堂

貴迎合遷就若孔子所謂患得患失韓子所謂趨趨聶者貪而不去者也言輕軒冕心急進取若趙嘏粗酬身事之句靈澈林下一人之譏者去而不決者也麾之不顧去之不疑古今數人而已何君斯舉不謂之賢可乎君由科目發身擢知廣西融縣而遷今職練達足以有爲剛毅足以自立使究其所施當有大可觀者孰意遽辭榮而引遠哉然君子之仕以全晚節爲高以歸故鄉爲樂宜何君之早計也故園溪山清勝如昨一竿風月三徑菊松忻然遲主人矣予

與君生同鄉舉同科仕同時重君之恬退而不能忘情乎別也於是餞之東門之外而申之以辭

慶指揮龐侯新陞序

將士之征西者以提聞聖天子命所司廉其實論其次而行報功之典於是總戎而下爵賞有差蘇州衛鎮撫龐侯進階宣武將軍指揮僉事仍世其職相知者榮之因光祿少卿秦公徵言爲贈侯名濟字世用其先世以武功得官撫軍于薊數傳矣其尊君專事儒業由進士歷戶部郎中今爲陝西右叅政世用初

案前集序

卷十

主

在茲堂

服庭訓長承祖祚謫然有聲戎衛中茲焉效勞建功光膺寵擢誠所謂世濟其美者也夫武戡禍亂文致太平者國家脩政之具忠以事君孝以顯親者臣子立身之法龐氏父子或以儒業進或由戰功顯其資文武者歟服勤王家克篤先烈其慕忠孝者歟昔韓忠憲范文正之父子皆以勲業聞曹武惠高武烈之父子均以武功著流風餘韻迨今人稱道之龐之奕世象賢其文武忠孝視古無愧而勲德在人猶未可量也天寵之來其孰禦焉書曰德懋懋官功懋懋賞

先王崇德報功之意復見於今日矣詩曰凡周之士不顯亦世然則朝廷恩澤廣及臣士俾之世脩其德與皇家匹休者豈有窮哉

送太守阮君和父之柳州序

置小舫於秦盛於漢由漢而後稱循良者代有之國朝用賢圖治急於安民郡守之任視前代尤重非其人不能授焉予同年友阮君和父由戶部主事擢守柳州縉紳君子咸以得人爲賀而和父亦奮然感激喜其將有爲也夫君子之仕孰不欲潤澤生民然勢

吳川集序

卷十

主

在茲堂

或有所拘分或有所限而力或有所不逮惟郡守得以親民千里之政總乎一已其責專其職重其志可行故其惠澤及人誠易易耳然非本於中者有素亦豈能善其政而安民也哉和父以經術舉進士毗贊郎練達有爲民情治體嘗之備矣茲得一郡而理之譬猶運膏輟張風帆何留室之有柳於廣右爲名郡爾年山寇釋豎民困幾甚其思得賢守以安養休息固未始不惓惓然和父當上體朝廷擢任之專下念斯民翹企之切強者緩之弱者懷之通亡困匱者

招揀而撫摩之他日政乎惠流一邦輯睦循良之譽
當俛古人由茲以陟崇階可拾級而得也同寅之舊
咸以是望於和父而屬筆於予於是乎序以贈別

送僉憲馬君之河南序

官莫重於風憲亦莫難於風憲夫百司庶職之列于
外事各有所專勢各有所限而力皆不能以相及也
惟風憲綱紀百司有激揚舉刺之責其任不既重乎
任之重則望之深所治者廣則群議者衆無惑乎其
難也已今之按察司卽古之巡察觀察之任理疑獄

吳川集

序

三

在茲堂

振風紀考吏治明教化凡軍民利病皆所得言亦所
得爲故其職視他司爲最而朝廷任官尤慎茲選非
練習政務明達憲體者不輕授焉河南按察司僉事
有關員天官擇其人以聞於是監察御史馬君世用
超拜前秩世用由科目發身官內臺夙著風裁嘗巡
歷陝右暨淮楊諸郡俱有賢聲所謂練政務而達憲
體者也憲司固重任而河南尤爲大藩宜世用之膺
斯擢也雖然世之司風憲者以發奸擿伏爲明以彈
刺擊搏爲嚴以特立不群爲方以言事不阿爲直然

明或流之察嚴或流之苛方而或割直而或訐求其
全大體畧細故正已率物洗冤澤民者豈多得耶世
用於斯數者其必知所擇矣舉其所難而不負其所
重將於是乎有望矣聖天子宵旰圖治求賢若渴而
執政大臣訪求旌別明且公也矧河南密邇京師政
譽之來朝發夕至然則世用之蜚英騰茂以臻乎遠
大者詎可量哉

仁壽劉氏族譜序

吳川集

序

三

在茲堂

尚書戶部員外郎劉君仁甫脩其族譜旣成自叙之
矣仁甫以余舉同年官同省斯文意味且相厚也間
持譜見示因徵言余閱而嘆曰善哉夫譜未易脩也
脩之而弗克明明之而弗足傳猶弗脩也爰自宗法
廢而人僞滋世之迷其先薄其親以罔其後者遑遑
有之矣是故疎東沈尤緣字而訛韓何辛莘以聲而
誤他如田車籍席之更張淮魚鄭之冒均之紊其所
自也杜求城南爲名而通李尊義甫以勢而附至于
稱子騫之後拜汾陽之墓均之混其所親也其或本
原辨矣親疎別矣而汲汲於富貴利達以誇耀于人

傳示于子孫視仁義道德畧不加意是豈貽謀之道哉劉氏之譜庶幾無此失矣祁與姬皆劉所自出歷三代以及漢唐其間顯微斷續賜冒紛如也而斯譜能歷叙之有條分縷析之明譜始於五世祖友壽公迨今已八傳五世而上不可攷則闕焉無旁附遠引之謬至其所以丁寧告戒乎後之人者惟諄諄焉以立德立功立言爲不朽而他固有所不恤也噫脩之而克明明之而足傳者其謂是耶仁甫傳學能文蓋足顯其先振其後而自圖于不朽也斯譜之傳豈不愈遠而愈光耶序而歸之當有知余言之匪妄者於是乎書

吳川集

序

卷十

五

在茲堂

吳川祁先生文集卷之十終

吳川祁先生文集卷之十一

七世孫文友重刻

序

盱江三谷志序

吏部郎中左先生時翊世爲盱江人其先居郡之麻源三谷最號奇勝元季徙郡城去舊居半舍許更數世弗忘于初先生乃取麻源所著名者三十餘景合古今詩文及已之所作凡百篇題曰盱江三谷志間以示余俾序之夫天下佳山水非人不彰非文字不足以示余俾序之

吳川集

序

卷十一

一

在茲堂

傳昔王維居輞川爲景無慮十數所謂欽湖柳浪南坵北坵華子岡茱萸泝之類至今人猶道之者因其文而知其人也然維之別業不過一時之娛其所賦詠僅與裴迪相酬耳麻源自晉宋以來名公偉人屢經品題而於今尤盛長篇短章先後相輝一邦形勝發揚殆盡是豈居輞川者可同日語哉况是編之作不但適情於景物而已思故廬而興堂構之心念先塋而增霜露之感此先生之所以範其家也人物鍾山川之秀而生山川因人物之盛而顯此先生所以

表其鄉也使是編有傳天下後世觀感而興起者多矣然則一志雖小其所繫者不已大乎是爲序

送通判徐廷堅之温州序

温州古永嘉郡其地控山帶海爲東南巨都會其俗尚禮讓而少爭訟其人賢哲相踵稱爲道德之鄉昔之官是邦而著賢名者彬彬乎前後輝映若王義之謝靈運顏延之皆賢守也高世則鄭剛中皆賢倅也數君子流風善政蓋與斯郡相悠久焉逮入國朝生聚日蕃財賦日殷風俗益厚賢才益衆而郡之名益

東川集

卷十一

二

在茲堂

大是雖聖明德化旁敷所致亦豈非作郡得人有以維持之歟南閩徐君廷堅由國子生謁選天官拜命爲溫之理儲通判余同寅鄭公克和惇鄉戚之雅微言贈行夫郡有守有佐所以協脩職事共成治功然古之論循良者守恒居多而佐若無預者是不然誠使爲佐者皆能自立而爲其所當爲政乎惠流一邦輯睦亦未始不以循良稱也觀世則剛中之儔與王謝諸守並著名於溫者其以是歟廷堅倅于是邦繼諸賢之後必不厭感發而興起矣脩政立事以惠斯

民以收循良之譽者夫豈異人任哉浙江諸郡財賦最殷而溫居其一司是任者當察其利病而弛張之持之以廉行之以公感之以誠而又催科之以時區畫之有方如是而政不成民不和聲譽不立者吾未之信也廷堅其勉諸溫守項君秉泓余同年之達於政者往而資之其必相濟以有成也夫

送陳先生之任漳州序

吾邑陳先生維翰由儒士領廣東壬午鄉薦迨試春官以乙科司訓瓊州府臨高縣學滿考上銓曹較其

東川集

卷十一

三

在茲堂

文居首選天官卿加愛重焉然拘於例弗獲遷乃復拜命爲福建漳州府學司訓將行同鄉仕寓京師者屬余言贈之余慨士君子之所以脩己治人惟盡其在我而已其在人者或得或不得固非所能必也至要其終則亦未嘗不遇焉維翰之教臨高循循善誘講畫有方文學行義爲一邦師範稱首部使者廉其賢禮遇有加然臨高人士素怠於學自維翰至始振而興之是以九載之間學者漸有成就而未及一登薦書維翰亦坐是弗克伸其志也噫此非所謂盡其

在我而在人者所難必乎茲雖踐其原秩往教于漳而漳於閩爲雄郡士由學校登科目以躋顯榮者項背相望蓋非臨高可例論矣維翰得推所學以淑諸人以陶範乎後進將見文學科名有加於昔宅日以成功受明賞得無棟樑懷桶復形於歌詠者乎吾固知維翰之有遇也且漳郡爲考亭朱夫子過化之鄉流風餘韻百世不泯國朝洪武初金華王公子克以名儒遊宦於斯其所著詩有曰昔賢遺化在千載紫陽翁又曰道學宋先儒蓋企仰興起之不能忘者如此維翰履其地師其所學所教當有異於尋常者矣詩曰高山仰止景行行止維翰念乎哉

送張大尹之蒼梧序

余友張君廷輝由國子生擢知廣西梧州府蒼梧縣事將行過余言曰士非無位之患而惟立乎其位之患茲承天子明命得百里之寄于蒼梧然邑壯而劇才俱弗勝夙夜祇慮俛俛乎未知所立願一言以示規焉余曰善哉因子之言求子之心蓋優於爲令者也世有在妄妄誕者高談古今輕忽世務視剽繁治

東川集

卷十一

四

在茲堂

劇如運諸掌夷考其行則迎事拱手茫無所措孰與子之畏慎而思終克有立耶傳曰先王之明德猶無不難也無不惧也誠以天下之事難視之則慮周而易成易視之則慮淺而難濟譬諸行師然臨事而惧者無怠忽之愆好謀而成者有十全之策其或輕敵而弗備僥倖以圖捷幾何不至於挫衄哉蒼梧居二廣之衝今總鎮大臣開府之地臨之以權貴加之以邊脩供億頻煩期會急迫趨承應接日無暇時而又强者待綏弱者待扶瘡痍者待瘳孰不以爲難於令也然知其難而思所以濟之則有道存焉昔子路宰蒲謂爲難治孔子曰恭而敬可以攝勇寬而正可以懷強愛而恕可以容困溫而斷可以抑奸以此加之政不難矣夫聖人之言天下萬世之楷範也子能體之於身措之於用將見事上使下無往不立所以令壯劇之邑而上蒼朝廷擢任之命夫何難哉廷輝曰不敢不勉遂書以贈其行

謁孔廟詩序 使朝鮮作

余仕中朝聞外國之有文獻者以朝鮮爲稱首其人

業儒通經尊崇孔聖之道匪直守箕子遺教而已茲
余奉天子命脩行人司副張君廷玉來使其國恩詔
旣宜卽謁孔廟於成均之館館在國城東北隅地最
高爽其廟五間扁曰大成殿祀典與中華同殿後有
明倫堂堂後有藏書閣諸生肄業者三百餘員索其
所習詞賦策論觀之亦中華體製也宴坐明倫堂中
值雨良久廷玉賦謁廟詩一絕余亦作七言二律其
一則爲諸生勉焉藩臣在席者凡八人咸依韻賦之
且願一言序作之之意竊惟孔子之道徧於四方行
吳川集利 卷十一 六 在茲堂
於萬世而朝鮮能宗斯道以雄于東亦爲知所重也
已宋史稱其俗喜讀書賤之家各於衢路置局堂
以相講習而國人金行成崔罕王彬相繼就學於國
子監擢進士第而歸則詩書熏陶已非一日我皇明
文教誕敷東漸尤近朝鮮人士歲觀京國耳聞目覩
所得尤深宜其文物典章不異中華而遠超他邦也
今諸生學聖賢之學尚思蘊爲道德發爲功業以求
高明遠大之歸而不安於苟且卑陋之習斯爲善學
者矣若徒屑屑於詞章末技而弗究其本焉則非中

國所聞也余之相勉以詩者意蓋如此諸生擇乎哉
北征藁序
詩之道大矣古今異世而詩無間也中處異域而詩
無別也蓋道之著者爲文文之成音者爲詩人有不
同而同此心心有不同而同此道道同則形之言者
無往而不同矣苟不於此求之而屑屑焉古今中外
之較豈知言哉此余於朝鮮徐剛中之詩所以有取
焉耳朝鮮以文獻雄東方詩派相傳風有攸自逮際
皇明氣化不墜聲教淪浹能言之士尤彬彬乎視昔
東川集利 卷十一 七 在茲堂
有加剛中博古通經擢巍科躋顯仕文學優贍國人
咸推重之天順庚辰奉其主命入覲于朝往還幾八
千里上觀乎都城之宏壯宮闕之崇麗車書文物之
會同禮樂典章之明脩下則觀乎山川之高深道途
之脩迥民風土俗之熙皞鳥獸草木之咸若凡其接
於目觸於心者悉於詩發焉長篇短章風飄乎其美
盛也淵淵乎其有本也浩浩乎其不可窮也推其所
至與中國之能聲詩者殊不相遠等而上之雖古人
亦豈難及哉是固所謂心同道同而形之言者無不

同也昔陳良北學於中國北方學者未能或之先是
以孟氏稱為豪傑而其名至于今不泯然則剛中其
東韓之豪傑歟余承天子命來朝鮮適剛中為遠迎
使既又陪于館中送于鴨江之上相與凡四浹旬山
川風物倡酬殆遍用是益信其能也剛中以余有斯
文之雅出其北征藁請言序之余忝使職正思采東
人之詠以觀所志而獻之于上則於斯集豈能忘情
耶庸為序其篇端俾人知詩道之所同然抑有以見
聖朝文明之化所及者遠而所感者深也剛中名居
栗川集 卷十一 八 在茲堂

正仕其國今為議政府左叅贊云

石門吳氏義學詩序

三代之學家塾黨庠遂序在在有之義學之名未立
也後世郡邑多建學而民間置塾乃或缺焉其有捐
已之費立塾延師以訓族之子弟而及其鄉之人者
此義學所以名也此劉允迪行於玉山而晦菴朱夫
子謂其賢遠於人也我朝學校徧郡邑至於閭里復
有社學之名視三代無大相遠然社學或倡於有司
或成於鄉人之力求其一門仗義而樂為者豈多得

哉江西南康府學司訓吳君旦瓊山石門人也家饒
於資風敦詩禮曩未仕時常慮子弟無所於學乃與
諸兄弟共圖之擇地以營講習之所割田以給師生
之費宗族之人之尚義者從而欣助焉盛事告成藹
然有一鄉三代遺意既而且上京師拜官南來嘗求
記於大司成丘公而縉紳君子亦多為之賦詠於是
吳氏義學大有聞於時矣噫若此者豈非所謂賢遠
於人者耶且以鄉曲之雅徵予言為義學詩序予曰
子之設學有常所矣給田有常費矣經紀其事者有
常主矣然師之所以教弟子之所以學者何如子官
南康實朱夫子過化之地白鹿之遺迹猶存而書院
之教條千百世如一日也請以斯條揭諸石門之塾
俾為師為弟子者知所從事不愈善乎且曰善哉遂
為之序

使東藁序

成化乙未冬順蒙聖天子簡克正使賚建儲詔往諭
朝鮮受命即行至其國僅留七日而返于時中朝士
夫間有詩文贈別朝鮮陪臣亦效而為之然皆匆遽

不多得也順於道途卽景與其陪臣請求倡和亦頗有作而道里土風山川人物則詳志之未幾朝鮮以順所留詩文及其國和章刊爲皇華集傳至京師然贈別之什紀行之志與他作不留藁者皆未登載順竊念幸生天下混一之時得奉明詔至外邦宣德達情觀風問俗亦奇遇也鄙作雖不足論而使事之重與縉紳之贈言遠方之文物庸可泯乎於是首錄朝廷詔旨次以中外諸作定爲十卷名曰使東藁藏于家昔周詩三百篇止于中國而已外邦之作無聞焉

東川集

卷十一

十

在茲堂

今朝鮮僻在東土有文獻之風而其國人歌詠多可采錄如此噫國家聲教遠成周遠矣哉

寶安詩錄序

詩有源流有支派周三百篇其源也自漢魏而唐而宋以至于今作者無慮數千家而詩或盛或衰屢出屢變則源遠派分其來久矣吾寶安詩人爲嶺南稱首蓋嶺南詩派也唐以前志逸莫稽自宋及元諸家相繼皆不失乎源流之正迨入國朝氣化丕隆人才益衆其出而用世者咸能鋪張太平詠歌帝載而閭

居巷處之士謳吟風化陶遣性情者在在見之百十年來聲詩洋溢復有結鳳臺南園二社以大肆其鳴者於是嶺南之派益大而遠噫盛哉鄉先達琴軒陳公嘗取邑中詩人自宋元暨國初之作編爲一帙名曰寶安詩錄欲梓行之未果公歿已三十年後輩吟詠皆弗及見而公爲邑名賢遺藁亦未登錄其將有所待邪順不敏竊慕前輩所爲思有以表見之乃取琴軒舊編稍加增損爲前集自琴軒及今有數十人次第編入爲後集外郡士夫有爲寶安作者亦因公之舊增而附焉嗚呼人物不同制作亦異故詩有大家者有名家者有一題一詠之善者譬之江湖河海溪澗川澤巨細非一而同謂之水也卽其派以溯其源由宋唐漢魏以求三百篇之旨夫豈終遠哉顧予見聞淺狹采拾未詳因是而正之續之尚有望于後之君子

送從弟重器南歸詩序

吾從弟文珩字重器以春秋應廣東鄉舉連歲未捷退脩其業志愈堅功愈勤不爲困窮戚戚態今年春

東川集

卷十一

十一

在茲堂

至吾石阡官舍取前所讀書益溫習之作爲文章氣
昌詞達或觸景興懷形諸賦詠清新可觀阡郡士子
多從之游隨淺深高下各有所進吾亦喜諸生之得
師也杪秋屆期書劍言歸貴陽大參吳公憲副陳公
有詩贈別踵而作者又十人吾同寅節推張君謂兄
弟有相勉之道懇言序之吾家雖讀書而舊以農爲
業請以此喻可乎農夫之耕也沾體塗足暴其髮膚
苗焉播焉耘焉耔焉固汲汲乎秋成是望然或水旱
之災螟螣蠹賊之害獲不償勞者亦多矣雖然農夫
豈以凶年而廢耕哉士之力學或不利於時猶農之
失歲也而善進脩者身遭挫抑百倍其功猶農之不
罪歲而盡力於田畝也傳曰是穠是藁雖有饑饉必
有豐年由是言之安有力學而終窮者哉經訓畱畬
也吾弟耕且耘矣雖累歲未獲而功不爲之損吾固
知豐稔之有待也明年大比之秋聞廣東有聯誼者
或吾弟乎行矣勉旃其無負吾之望

心交倡和詩後序

右詩一帙貴陽憲副冷菴陳公與順所往還贈荅者

梨川集

卷十一

三

在茲堂

也公任江西僉憲時順承乏江藩叅政識荆之後道
同義合如夙契然歲壬寅順得罪于朝謫守貴之石
阡公爲詩贈別眷存獨厚自是不通音問者久之迨
公遷今秩來貴州貽書及詩藹然故舊之念逾年始
按節阡郡獲叙平生惟升沉榮辱兩不介意旣而或
別或會會卽隨事唱酬篇章交錯別亦馳緘往復如
元白之爲朞月間又得詩共二百餘首皆心交道義
形於聲律中將來有作未之計也順恐久而散逸乃
命筆吏編錄成帙遂請於公以心交倡和名之昔楊
子云朋而不心面朋也友而不心面友也文中子亦
云以勢交者勢傾則絕以利交者利窮則散於戲世
之面朋面友絕於勢而散於利者豈少邪君子之交
以心故能全乎始終雖死生不易其舊况所謂升沉
得失者耶斯帙以公詩爲主而鄙句附之凡江西舊
作不書惟順謫官以來倡和皆載者窮途見交態也
公方嚮用于時躋華踐要才譽獵獵以起而順衰慵
無補將爲松菊主人他日南北相思時展斯帙非徒
千里面靚而已平生道義之心不爲勢利變者雖老

梨川集

卷十一

三

在茲堂

猶足徵焉且欲傳之子孫俾世講之古道當不失降
獨詩云乎哉

送致政曾經府序

成化癸卯春余知石阡郡事時衡之常寧曾仲貴字
天爵由太學生爲郡經歷已六年矣郡居貴陽荒僻
之區山水幽勝民稀事簡官于是者省奔趨供億之
勞多閑雅優游之適余心甚安之而天爵亦非慕華
厭淡者也丙午春二月天爵秩盈三考當獻成績于
朝一旦先期稱疾以休致爲請余止之弗克達于當

東川集利

卷十一

十四

在茲堂

道察其情懇遂允焉其相知者咸曰方今聖明圖治
急于用才天爵年未甚老歷官已有成揆是而膺陞
明之典計日可俟胡乃去之速耶天爵笑曰吾抱疾
宜退奚恤其他故山菊松荒蕪已久今之歸吾願足
矣余聞其言嘉嘆久之夫士之用世以全晚節爲貴
以知止足爲達以歸故鄉爲榮幼而學壯而行老而
休猶四時迭運成功者退也彼溺於名利貪冒苟進
鍾鳴漏盡夜行不止者獨何心哉螻蛄不羨大椿而
忻然自得斥鷃不貴天池而榮望以足故適其意安

其分甘於恬退而無外慕者斯可重也已天爵其有
聞於斯道者歟常寧山水佳勝有田圃池亭花木禽
魚之樂茲焉指舊丘釣遊之地而佚老乎其間其從
容自得何如其視世之貪冒苟進賢不肖又何如也
同寅節推張君因天爵之行屬言爲贈郡博毛先生
輩復從吏之余泰握郡章且與天爵同寓三載於其
歸固宜張之不使落莫於是乎言

天涯文會詩序

順初仕京師卽聞廬陵周先生時可以文行稱於江

東川集利

卷十一

十五

在茲堂

右成化己丑時可登進士未幾擢南京吏部主事而
順官戶曹屢使于外弗獲相與往還及順承乏江藩
叅政時可受福建提學僉憲會于章江卽分袂亦未
遑尊酒論文爲樂歲壬寅順謫貴之石阡又明年時
可以內艱服闋改貴州臬司於是有往還之什旣而
數會旰臺談接甚惟公暇或對景聯詩或因事贈答
平生衷曲各形於言斯文氣誼茂有過之矣夫君子
之生世先後遠近不能一致有聞名而不識面者焉
有識面而不知心者焉有心知而踪跡各異徒曠世

相感者焉以吾二人生同時仕同朝既幸聞名識面而又素知心矣然二十年間莫能親炙乃今得會合於天涯數千里外以締文字之交是豈偶然者乎昔曾子固謂歐陽公之賢同遊賓客未知公之難遇也後百千年有慕公之爲人而覽公之迹思欲見之有不可及之嘆然後知公之難遇也於乎君子之難遇獨一歐陽哉時可謂斯倡和宜編集以識天涯一時之好順乃次爲一帙題曰天涯文會而序其所由如此嘆踪跡之靡常恐後會之難屢各藏其一用識不

東川集

利

卷十一

七

在茲堂

忘云爾

覺非文集序

論文章者常論平生歐陽永叔謂魯公書借使不工世必珍之以其人可重也噫論文獨不然乎余讀鄉先達安素羅公所著覺非集未嘗不歛衽起敬世有知其人則必珍其文矣集中古詩歌行律絕共二百六十餘首序記銘贊雜文共一百九十篇公平生著述雖多恒不留藁其孫珙收拾於散逸之餘僅得斯耳於乎公之手澤於斯存焉精神心術於斯寓焉學

問道德於斯有考焉是集其可少哉公生東莞士族毓奇挺秀才器異常登永樂甲申進士釋褐爲給事中坐累謫交南復被薦爲監察御史陞僉都御史參贊甘肅戎務復遷副都御史巡撫大同宣府引年致政壽八十有一而終平生善政最多而鎮邊尤著勞績所至實儲蓄恤軍士修城堡嚴武備邊境帖然正統已巳北虜犯大同遠近疑懼公居宣府卒無他虞其忠義勲望朝廷知之士大夫壯之邊人思之可謂名世之英傑者也文章固其餘事然世之能是者幾何

東川集

利

卷十一

七

在茲堂

人哉而稱其文當不在顏公書法下是宜珙之裝潢珍襲以傳後人也昔魏徵爲唐名臣其簪笏至裔孫暮僅有存者文宗猶以甘棠比之矧文章載道之器視簪笏孰輕而孰重耶雖無老成人尚有典刑三復斯言敬爲之序

東溪詩序

東溪詩一帙縉紳君子爲余從兄以信先生作也先生居寶安城外東北二里許有溪水環于村郭通于大川以達于海其沚湜湜其流不息援藍鋪練與天

一色朝而潮晚而汐日出而波紅煙收而空碧飛潛
動植各適其適溪之風致不可得而具述也先生結
屋溪東因以東溪爲號居於斯會宗族賓客於斯橋
梁以通往來舟楫以供出入四時之景萬物之情克
理趣而助笑談先生雖業農圃手一編未嘗釋暇卽
臨溪坐石誦聲琅琅然爲詩操筆立就不費思索時
起而曳歌張志和西塞山詞及杜荀鶴蓬底獨樹之
句或自爲詞以歌曰溪水兮悠悠濯我纓兮溪之流
或理吾釣兮或棹吾舟忘吾機兮狎鷺鷗身之外兮
又何求又曰朝日出兮融融居仁宅兮挹光風萬彙
發育兮至仁流通吾心默會兮斯道無窮閱世俗之
類弊兮吾欲障百川而之東蓋綽綽然有自得之意
於是年且六十安貧樂道一切聲利視之若無聞焉
余嘗從先生溪上擊鮮酌酒爲樂酒酣出諸君子所
作東溪詩相與讀之余因請曰諸作類能言東溪之
趣抑先生自得之樂有詩所不能盡者也先生笑曰
吾之樂吾自得之吾亦不能言耳余曰噫妙哉東溪
之樂也已不能言况他人乎况知其一不知其二知

其淺不得其深者乎遂書爲東溪詩序

送總戎吳公致政序

鎮守貴州總戎吳公以年老陳懇于朝乞致其事章
數上然後得請遂解兵柄指武昌而歸焉順聞之喜
而言曰公之賢於人也遠矣大丈夫遭際聖明致位
樞近方其用也建旄受鉞專制閫外靖邊徼以綏生
靈旣倦而衰投簪高邁有知止不殆之明無鳥盡弓
藏之嘆此豈非進退兩榮識時之傑者哉公之先尊
都督公嘗握兵湖廣聲烈赫然而公生長將門智謀
穎出從父征進獲奇功由所鎮撫歷任指揮征滇洞
東苗諸處得雋無筭進都指揮守備清浪尋擢參戎
仍鎮其地陞右軍都督府都督僉事拜命爲總兵鎮
于貴州蓋居兩鎮凡二十餘年號令嚴明恩信孚洽
以故裨校用命士卒鳧藻蠻夷率俾安攘之績遠近
稱焉今以功成名遂脫屣而歸譬之風雨雷霆鼓動
萬物神功收歛漠然無迹而威澤所被者多以昔之
武臣全身勇退代不數人雖羊叔子名高晉室而角
巾東路之言終不能踐其餘貪榮冒寵取譏招辱者

可勝計耶以是益知公之賢於人也遠矣都督彭公自昔與公同事既相代爲守備爲參軍而今又代爲總戎數十年間契誼甚篤於是念交承之分重離別之情走書屬文以爲行贈 順既喜公進退合宜又嘉彭公克敦友道遂勉爲之序而不辭

贈經府劉君孔廉序

自古諫諍之臣多遭斥逐而忠良正直者世終不能屈於我聖天子嗣統之初圖治用人首下綸音收錄諫臣之左官者蓋慮忠良正直或有遺也余友劉君

吳川集

利

卷十一

干

在茲堂

孔廉曩自刑科給事中謫貴州石阡府經歷至是循例陞山西代州節判判由此而進用焉孔廉山東益都之傑其先公舉進士歷冬官正郎遷彰德郡守家學純正衍于後人孔廉端重老成信道甚篤領鄉薦十有六年始登進士又二年擢居刑科既履任八年而有石阡之命其立朝也議論持正封駁惟允非其人不少妄與游公卿之門雖同鄉曲亦未嘗有所干謁其左官也甘窮困安交淡不聞有嗟嘆之聲余守石阡五年而孔廉始至與之交處溫乎其和厚恂乎其

誠篤敬乎其光明藹乎其忠愛之念不能自已於乎斯殆所謂忠良正直者歟士大夫知孔廉者往往寓書於余爲之延譽卽余之所見信人言匪虛矣今之升代州未足爲孔廉喜而將來可喜者不於是乎張本哉回春之木易至千尋養翮之鵬終翔九萬況有道如孔廉而又遭際聖治維新群賢彙進之日吾知其大伸有在非一州所能淹也雖然居位貴乎有立守道難於克終孔廉所以自立者有道矣推而行之當無往不獲矣若夫秉志不渝始終一致又在孔廉勉之以余辱交頗厚宜效贈言之益故於其別也不徒稱道願望而必相規戒云

重脩石阡府志序

山川人物存在有之而其顯也待乎時其久而不泯者存乎書是故天下平則文物盛圖志具則紀載明從古然也石阡隸貴州在京師西南七千里外山谿險阻蠻獠雜居秦漢而後悉羈縻之宋元或置官屬終不能同於內地自國初率土歸附統以宣慰使司永樂間始設郡治百十年來仁化旁洽於是學校興

吳川集

利

卷十一

王

在茲堂

人才出風俗爲之丕變山水爲之光華典章文物駸駸乎與中州等矣向使時不遇乎聖明治不際乎隆盛則強酋爭據之區而已夷獠耕牧之地而已煙雲水石之崖荆榛灌莽之叢而已人物何所聞風教何所徵耶郡昔有志矢之太畧成化庚子前守余君重修一帙比舊爲詳然篇章錯雜文字細碎亦有可書不書不當錄而錄者夫記載不明曷以傳遠順爲是慮乃因余君舊志再加脩纂芟繁撮要正謬補遺庚子而後有可采者次第增入於是一邦事實粲然脩具可以聞於四方可以信於後世無復昔時之湮晦矣嗟乎文物關乎世運志載繫乎風教尚願同志君子相繼脩輯俾之愈傳愈遠而愈不窮是亦爲政之當務也語曰莫爲之先雖美而弗彰莫爲之後雖盛而弗傳用書以爲將來者告

一齋集序

士貴乎養正養之久則其積也深積之深則其發也大而遠古之君子學蘊諸身而文章事業施之當時傳之後世者曷嘗不自所養中來耶台之仙居王君

東川集

卷十一

三

在茲堂

某字弘文別號一齋自幼志於古學而以知言養氣爲主游邑庠二十餘載肆力經傳子史而旁及於諸家爲詩慕李杜爲文喜司馬相如楊雄劉向至于韓柳歐蘇靡不師法而得之韓歐者尤深謂其粹然一出於正也屢困場屋氣不少挫應貢入南雍獲交天下名士切磨涵浸者久之成化丁酉捷于京闈辛丑登進士第尋拜冬官主事文譽獵獵起公卿間而其光明正大之學必欲見諸行事不徒泥紙上空言而已南都大司馬三原王公負天下重望一旦引年乞歸得遂其請弘文嘆曰此今社稷臣也惡可聽其去而不爲國家計耶卽上疏乞留王公反覆數百言誠至剴切時朝命堅不可回遂出弘文爲思南推官弘文慷慨就任無幾微愠色而賦詩攻文日恬然於蕭條淪落之鄉於乎此非養之有素而能然乎昔韓歐二公皆善陳諫屢挫復起世莫能屈其言韓公論孔戣在所當留歐公論杜富韓范不宜罷去先後如合符節蓋正人君子忠愛激於中而形於言往往類此以弘文觀之又奚愧焉今天子聰明膺聖踐祚之初

東川集

卷十一

三

在茲堂

首起王公爲大冢宰中外忻然於是弘文忠愛之誠正大之論足信於朝廷而白之天下矣行將躋華蹊要以大展其所蘊鏗旬乎事功炳耀乎典冊推其所至豈在韓歐下哉弘文間至石阡以平昔所著名一齋集者示余且徵序余目其詩文之工而知其所養者正所積者深將來所到未可量也不揣荒陋敬題其篇首而歸之

贈張大叅詩序

弘治癸丑秋余自京師之任晉藩道過真定之境時

栗川集 卷十一

在茲堂

張公文壁實守茲土道路之人相與歌曰有偉張公民之父母襦袴吾人膏雨吾土植善鋤強平獄均賦四民熙熙各安其所又歌曰學校興之田疇耕之招復流移恤窮賑飢恒山雀鬼河水渺瀰我公之惠曷其已而余聞之因以詢其父老及其士夫咸謂真定路當要衝地大民衆素稱難治公自下車以來廉於律已勤於涖事仁於愛民練達而有爲通融而無滯朗乎月之照也溫乎春之煦也快乎風帆之張膏轂之運也恢恢乎庖丁解千牛而刀刃若新發剛也用

是政績有成吾民愛戴惟恐失去歌謠之作職此由也余識其言嘉嘆者久之然猶未獲與公一接爲歉今年冬公以興人乞留當道交薦拜命陞山西布政司右叅政仍理真定府事西來一見歡踰平生因得稔其治郡之詳始信民謠不虛而公之超擢爲有自矣昔黃霸自潁川爲京兆尹百姓安之復還潁川冠恂自河內拜執金吾百姓借之復還河內蓋皆善政得民民不忍舍漢史書之至于今以爲美談若公者其霸恂之儔歟公既踐藩司卽旋旆以慰真定之民

栗川集 卷十一

在茲堂

山西士庶欲留之而未可得吾恐二邦之人將爭於境上也雖然公之才猷無施弗可廟堂重寄翹足可俟夫豈真定一郡所能淹哉又豈山西一藩所得私哉方伯陳先生不忍公別命工繪圖題曰晉陽別意而率同寅各賦詩贈之余不揣荒陋敬爲之序

栗川祁先生文集卷之十

吳川祁先生文集卷之十二

七世孫文友重刻

記

雙節堂記

增城廖君新顏所居堂曰雙節蓋爲其祖母吳氏母陳氏而作也吳與陳皆增邑名家於廖爲稱吳氏適新之祖諱秉謙生二子而孀居時年二十有八陳氏適新之尊人諱英生一子而孀居時年二十有五二孀人雖失所天皆能矢心守節教育遺孤以承宗事廖氏之不絕如綫繫吳陳是賴吳之卒得年八十陳之卒得年五十貞潔之操始終一致堅于金石完于圭璧內外咸稱之爰自姆教旣衰人不興行婦人女子因夫亡而食他姓者習以爲常求其以節義稱者千百中無一二也矧有萃於一門如廖之婦姑者乎昔者吾夫子刪詩脩史具錄共姜伯姬之行以垂後世其他史牒所載於節義獨加意焉誠以厚人論禪風化之具有在於此我國家崇孝節以治天下匹夫匹婦一行足稱卽表其門閭而登於史牒奈何二孀

吳川集利 卷十二

在茲堂

人之節不達之有司而聞之朝廷以故旌異之典弗下而史闕書焉使其表暴豈下於古人哉新爲廖氏賢子孫俱二母之行淪於湮沒而思以表見之可謂篤於孝也已且聞其叔父昇早世叔母王亦守志不二各行與二母相埒是果節義之風薰陶漸漬而然耶抑故家德澤蘊積流滋而間發閨門之秀也因爲之記而併書焉亦庶乎飭勵風俗之一助云耳

山海關題名記

自古官府有題名唐以來或記諸壁或刻于石皆非徒作也卽歲月而稍遷代因姓名以知賢否勸懲之義於斯在焉山海關密邇京師爲東北重鎮所以限華夷察來往防奸暴而固疆域也關設於洪武十四年厥初擇武臣子弟同山海衛官軍守之宣德甲寅有上言是關要衝宜選文職老成廉幹者守鎮以杜邊弊上可其奏乃命兵部官來蒞事每三歲一代焉其後十年復設都指揮守備于此蓋益重其事矣夫承天子命以鎮是關惟廉且勤可稱任使廉則公公則生明勤則敏敏則有功政令之孚惠澤之流胥

吳川集利 卷十二

在茲堂

此焉出彼昏墨蠹政者乃吾儒之罪人而竊祿苟全莫之建明者亦非所取也自宣德迄今更代凡十餘人而題名之舉未立予恐其久將湮晦遂命工礱石取前任人名氏歲月歷書之且虛其左以俟來者於戲司馬公記諫院題名謂凡曲直忠詐後人將歷指而議之爲可惧也然則後之觀是刻者得無亦指其廉污勤惰而議其賢否歟

永思堂記

兵部觀政進士番禺江一原以永思名堂過予言曰

東川集

卷十二

三

在茲堂

原不天不獲事親吾父之存嘗力于學矣業成嬰疾弗逮用也生不肖而教育之惟底于成是望吾母之於不肖亦如之茲吾頗有成立而二親歿且八年矣顧惟生育教誨之恩猶昊天之間極雖欲報曷從而報之用是痛戚于心弗敢有忘永思之名吾堂所以志也予曰善哉一原之能孝也夫孝子之於親生則致其養歿則致其思焉爾親在而或有違固不能無思思而見焉其心愜矣惟親歿不可復見則人子之思庸有窮乎故皇皇弗得望望弗及雨露之怵惕霜

露之悽愴而思存焉手澤之於書口澤之於杯圈而思寓焉或見于美或見于牆思之切焉致愛則存致慈則著思之深也至若思其居處思其笑語思其志意思其嗜樂又豈特祭祀之時爲然哉蓋將無時不思無處不思終其身而思之此孝誠之動于中弗能自己者也彼棄如遺漫不加省非孝甚矣其或思焉暫焉久而忘焉謂之永思可乎吾以是而知一原之能孝也雖然未也於傳有之立身行道揚名於後世以顯父母孝之終也一原方嚮用於時進未可量尚

東川集

卷十二

四

在茲堂

思脩身植行以其親顯此尤永思之大者也豈但昧昧焉茫茫焉同衆人之思而已哉一原曰不敢不勉遂書以貽之

脩省軒記

吏部司封郎中馮君宗轍與余同領廣東庚午鄉薦又同登庚辰進士其績學有文非余可及迨官于朝相親又十餘載而宗轍勤於職業卓乎有以自立余未嘗不推遜之及諗馮氏之秀由薦書出者自庚午後科不乏人且能檢身脩職如吏部君所以自立者

至於家居樂道醇謹好脩復多其人余竊意其一門
文物之盛雖詩書積習使然亦必得於賢父兄之教
不可誣也一日吏部君以其脩省軒徵余爲記問所
以則曰吾馮氏世居南海珠峯之下先大夫以舊居
湫隘嘗撤而新之爲軒若干楹顏曰脩省蓋思所以
自勵且示矩矱于我後人今先大夫不可作而軒名
猶在不敢忘也余因嘆曰馮氏之多賢厥有由哉詩
訓一經之遺孝弟友慈忠信篤行之告戒皆所以貽
其子孫者也舍是而功名富貴之是圖其不畔於聖
賢者幾希矣故昌黎韓子示見曹以無忘厥初之句
君子取焉然夸榮炫貴亦不能免識者之謂矧下於
韓者乎馮氏名軒不干其他而以脩身省己爲傳家
矩矱其貽謀也善矣宜其子姪族屬皆能脩飭以聞
于時也視世俗汲汲於功名富貴而昧聖賢大道者
何如耶而况吏部君又能繩其先以振其後耶是皆
有足書者因爲記焉若夫脩省之義著於易卦間見
於論孟庸學之書讀者當自得之茲無庸贅

守約軒記

東莞有隱德君子曰謝先生叔仁嘗以約名軒其子
濟領貢來京師因徵余言爲守約軒記余曰善哉先
生之名軒也語不云乎以約失之者鮮矣是故蜉蝣
之奢刺於詩不如蟋蟀之戒苦節之悔著於易異乎
不節之嗟斯約也用之於身而身脩行之於家而家
齊傳之於後可以納子孫於無過之地約之義其大
矣哉世有侈然自放者驕肆而流蕩般樂而荒汰踰
分瀆禮罹愆致咎君子無取焉君子存之心者確乎
其不放行之身者介乎其不苟至于一事一物莫不
道義之是循禮法之是遵故居處取其蔽風雨而不
慕乎高堂廣廈也飲食取其克飢渴而不尚乎食前
方丈也衣服取其適寒暑而不願乎輕裘文繡也一
帛雖小容身之外吾何求百畝匪多恒產之外吾何
憂寂澹而優游謹飭而清脩其外由由其中休休行
寡悔而言寡尤視彼踰分瀆禮者奚啻韶濮之與董
猶先生循理安分躬儉勤而蹈規矩蓋無忝於約之
義矣所以脩其身齊其家以貽其後又焉往乎不獲

哉余以是而知名軒之善也雖然未也昔者樂武子之德在民而其子厲以汰侈繼之易世遂不能免矧下於武子者乎是知自守非難而能世其家範爲難請爲先生記之俾揭于軒匪徒昭示于今抑後之人將有所觀感而相守於無窮也於是乎書

游漢江記

朝鮮國城南十里許有水曰漢江源出五臺金剛二山合流入海其景以幽勝聞而臨江有樓可以登眺故前輩自中朝至者咸往遊焉成化丙申春二月余

與行人司副張廷玉奉使于斯甫竣事有以游漢江

利

卷十二

七

在茲堂

請者諾之是月二十有六日偕館伴盧贊成思慎徐參贊居正自崇禮門出歷山蹊村逕以達江泝國王預遣都承旨柳輕副承旨任士洪設宴樓上而尹議政子雲金議政守溫任中樞元濬成中樞任李判書承召皆在焉時宿雨新霽山川明媚天光與水色相連二難與四美兼得於是登樓縱觀舉酒相酌徐參贊賦詩二律余卽和之旣而相拉登舟沿流而下居人來觀者奔走爭先而沙禽野禽飛舞漁舟煙水間

亦若樂觀光華徘徊不忍去也宴設舟中烹鱗炙鹿暢飲無筭酒酣余復作辭二章詩一律廷玉有作又和之數里至楊花渡乃各道餽餉所聚之處倉廩層出與山勢相高又數里登龍頭山山瞰水涯視群峯特出隔岸之人家遠近海島之風帆出沒畢入望中時日迫暮而山上先已供張開筵意不容拒乃復酌數巡賦詩一律而返及抵城中更漏作矣嗟夫朝鮮去中國數千里非王事不得至焉則漢江之遊非偶然耳然斯遊豈特探奇覽勝留連詩酒而已哉江之

集

卷十二

八

在茲堂

遊白鹿洞記

昔唐李渤隱廬山白鹿洞後刺史江州卽洞創臺榭植花木而名勝遂聞於時南唐昇元中始建學命李善道主其教宋初以九經印本賜之皇祐間郎中孫琛置館給田學者雲集其後淪於墮廢至晦庵文公復大興焉國朝正統初南康太守翟侯溥福脩其廢墜

後三十年江西提學僉憲李公齡再增飭之先賢之
聲教昭如也予慕此最久而未獲造觀成化己亥秋
七月旬宣南康適僉憲莊君恭繼至八月甲申朔同
下郡學謁先聖廟畢莊君將取便以之潯陽而潯陽
道經白鹿不遠予遂偕往遊焉郡邑文學林材方文
昌庠生朱暉輩相率以從出郭之北歷田野涉蹊徑
望五老峯而前白雲罩峰巔隱隱不可辨書院正當
其下岡巒環抱澗水自西來繞而東之由貫道橋入
櫺星大成二門旁經兩廡上謁聖殿殿西有明倫堂
翼川集刊 卷十二 九 在茲堂

兩齋東有先賢祠望李賓客周濂溪朱晦翁像祠後
爲希賢室其東爲號房爲延賓館皆正統以來所脩
復者舊有橋曰濯纓樓曰聖旨曰風泉雲壑閣曰聖
經曰雲章及風雩枕流白潔三亭成德攝儀友善文
會四堂皆弗存惟枕流橋無恙若流盃池小三峽勘
書百花二臺遺址與風雩觀德漱石枕流聖澤釣臺
風泉雲壑諸石刻咸宛然如故又有刻文行忠信四
字勅賜白鹿書院六字各爲一石者登覽徘徊不覺
爲之興懷莊君別去予就延賓館小憩欲爲書院賦

未克成急雨遙止出望四山濕翠炫日如金碧芙蓉
隱映萬狀從院西適棲賢寺故址不數里而近越岡
阜田澗穿松山森鬱中細雨飄洒居人掃門伺憩不
入道聞水聲砰湃至則兩山折裂泉瀉石間盤折峭
絕石橋橫其上甚堅整昔人以其深險取三峽名之
橋東有陸羽泉西有飛來亭亭側一碑置石壁刻宋
郡守錢聞詩所題其北有玉淵潭於是寺廢百餘年
舊址盡爲禾黍之墟矣因念斯地與白鹿洞幽勝其
經名人賞愛亦不相上下然寺廢久莫之復而書院
翼川集刊 卷十二 十 在茲堂

或廢或興得如今日之美盛者聖賢道化與天地相
悠久其講授之處山川英靈固默相而陰護也循澗
以還經村落十數蔬畦草徑稻雲松風宛有佳趣周
顧五老之巔雲散日明若開顏相送眷戀不舍近郭
數里見西岩白虹掛天而下者開先瀑布也曩予嘗
至焉景蹟循歷歷在心目間抵分司未暮乃記遊觀
大槩以示同行諸生賦成并書于石

貴州布政司增修公堂記

國朝置布政司十有三皆以藩屏一方宣政化而安

兆民也政不可闕化不可壅民不可病天下皆然而華夷氣習不同治之恒有難易惟得人以脩其所當爲則闕者完壅者通病者安夷變而之華矣貴州本西南夷自國初全附版圖視猶內地永樂癸巳始設布政司以工部侍郎蔣公廷瓚來任左布政使時衙宇尚闕假城外驛館爲治政之所後皆因之景泰丙子巡撫都憲蔣公琳以外館非便奏徙城中肇建前後廳堂暨門垣幕庫屏舍諸所莫不如制惟抱廳未立厥址存焉是後蕭公儼陳公雲鵬洪公弼相繼爲使亦皆積有廳材而因循未就猶爲闕事成化壬寅冬莆田彭公自廣東左布政使遷任于茲宜理有方邇人寧輯乃以至之明年冬十月命工藏事卽前堂空址爲抱廳若干楹費出於公材因於舊浹六旬而落其成於是藩司規制完且美矣少叅永郡吳公謂斯舉宜張以辭寓書屬順爲記夫堂宇之設所以示等威昭政令一方於是乎觀瞻群下於是乎承式闕而脩之義所當爲也方伯任重責專政無不統斯堂直一事耳然一事之闕猶汲汲圖之若此則夫承宜

卷十二

十一

在茲堂

之政有大於此者其肯俾少闕耶而况民之闕食而飢闕衣而寒與下吏之瘵官而闕職者其忍置之度外耶吾知一堂之上同寅協恭凡所當爲克殫心力聖化雖已漸被而益敷導之以澤于遐僻之陬生民雖已久安而益煦育之以躋于仁壽之域聲華文物日盛月新是貴藩治效視中州有過焉無不及者非得人爲政曷以臻茲公學行名節見重于時將入輔天子大展才猷山甫之袞女媧之天咸俾罔闕其勲業自當不朽也斯堂記不記惡足爲公重輕雖然載歲月以示將來亦不可闕於是乎書

案刑集

卷十二

十一

在茲堂

宦適軒記

成化壬寅予自江右藩司來知石阡府事石阡屬貴州在京師西南七千里外古夜郎牂牁之域朝廷使有罪者居之蓋欲其嘗險阻履憂危而省躬思咎也幸今天下太平四夷百蠻罔不從化而貴州自入職方百有餘年民樂耕稼士知問學頑獷之俗變爲衣冠禮義久矣石阡爲郡阻而僻其民朴而少爭貢賦易完賓客罕至吏于是者無迎送之勞無催徵之迫

無獄訟之擾而山水登臨之樂乃兼有焉是故仰而觀山則適乎目俯而聽泉則適乎耳優游於詩書文藝觴詠之間則適乎心出入起居動作食息蓋無往而不適也夫務繁華者必于都會之邦志幽靜者必于窮僻之境吾從仕中外二十餘年都邑之雄富人物之盛麗固嘗覽之矣然或朝謁之拘或宣理之勤所職有甲兵焉有錢穀焉有訟獄焉凡耳目之所接心思之所及者皆是事也簿書期會之餘則賓客往來之交也當其冗劇之際雖欲放情物外求一日之適何可得耶茲獲脫彼之勞安此之佚自適其適而忘其有罪之憂上之爲賜也大矣昔之人有居清華之秩而以煩劇妨其賞適爲恨者夫彼此不能兩兼而賞適尤吾性之癖耳失乎彼得乎此夫豈謂之不遇耶雖然吾不敢以已之適而忘悔艾之心亦不敢不思已之所以適而圖報上恩於萬一也於是名其退食之軒曰宦適且爲之記以自觀省焉

遊鐵溪記

鎮遠山水甚多而鐵溪爲勝士大夫南遷經此者必

葉川集 卷十二

三

在茲堂

欲一遊有弗得則悵然而去弘治戊申冬余自石阡出寓鎮遠時周君梁石實守茲郡已酉春正月偕至貴陽纂脩而還頗有餘暇貳守何君健之以遊山約諾之是月二十有五日相拉步出河澣登小舟順流一里許見道左兩山爲疊水從中出者卽鐵溪也遂舍舟跨馬沿溪而上梁石指路東一巖曰是吾舊酌之所與健之各命從者置酒設於此伺焉去巖二里許道右三峰鼎立如画余駐馬吟玩久之梁石與健之先行余馬邁然獨後遇幽勝處輒徘徊不忍舍去

葉川集 卷十二

十四

在茲堂

命采溪芹野蒿爲薦旣而過溪西一巖下馬掃石而坐盃散皆至遂叅酌焉初語厨人烹雉呼至乃家鷄爲之一笑食有芝麻難於用箸健之折簪取啖之又皆大笑梁石卽途間景與余聯排律一章上馬循舊路至前所指東巖下小憩殺核具陳簫鼓交作酒半健之出韻索詩余連作十數律梁石沉思不欲速就健之舉酒而趣焉從者擷蒿以芼剝生蟹調以醯辛皆可口將罷復酌陶然不知日之夕也健之命拏舟逆巖下余三人共載出溪口仍上馬抵郡中則昏黑矣於乎鐵溪之在鎮遠自開闢來卽有之然晦於昔而顯於今昔莫之遊而今見於賞適題詠者如此山水之遭逢吾儕之會合殆亦有數乎哉是爲記

遊長潭記

旣遊鐵溪之五日余邀周君梁石同何健之小酌酒再行健之起曰春景晴明公私多暇盍携此以出遊乎梁石詢其所之曰長潭在郡東三里許泛舟而漁甚可樂也先是西川人有育群獺捕魚者健之易以百金獺分名號隨所呼使取魚取適益兩兼之是日

命家人載獺而往健之之弟驥其親朋郝千兵慶及浙人周警之皆與遊焉乘小舟順流過鐵溪不入夜雨新歇江水微長岸北群峰疊出有巨石橫梁兩巔狀如蟬竦俗呼仙人橋南山對峙腹多窪洞其下小徑臨水可通往來水有孤石灘古牛厓其前一峰左挺而出雲氣隱隱望之如玉笋之挿青天也過此至長潭潭水深碧兩山壁立南岸多巨石乃泊舟登岸據石而坐坐定出酒殺相勸不以賓主爲拘風從山巔透石罅冷然侵人時起避之獺捕魚于潭且浮且沒疾於奔電間得魚卽納舟中往復無已健之命取魚作鱠添酒供殮人各醉飽梁石賦觀獺古詩韻險語惟余強和之其他寫景之作或賡或聯體亦不一夕陽旣西山色漸暝歸舟乘醉留連四顧灘急舟緩余數人皆登岸以行良久乃載健之復前行數百步枕石茵草偃然自適舟至而後登焉過鐵溪凝望不置前日經遊風致猶在心目中旣歸恐其易忘乃呼燭書其次弟如右

遊平昌西溪記

既遊長潭之三日是爲三月上巳梁石周君覽何健之昆仲各携酒微邀余爲脩禊故事遂命駕出西郭周與何循溪並行余獨由教場穿田徑而往彼此相失既乃偕至平昌平昌地土饒衍可容數十萬家後山擁翠前溪拖綠溪外諸山環抱如開圖時欲徙郡治于此僉以爲宜蓋鎮陽一勝境也溪口暫憩解衣坐石健之呼小舟至乃過溪溪西數里許有地曰黃凱丹崖翠壁居人六七家望之可愛梁石肩輿先往余偕健之昆仲仍舟行遇溪水深處卽放獺捕魚

梁川集

卷十一

十七

在茲堂

張網截之連得數魚皆盈尺健之以其二付從者令趨至黃凱作膾相候舟逆流頗緩移時始至梁石曰憇此良久君輩舟中得無勞頓且飢渴乎余笑曰先至無聊不若溪行之甚適也於是張席對飲殺核維旅許揮使良臣以單騎至亦同酌從者出所作膾啖之宛然江南風味健之謂黃凱西北數里有水自白羊塘出山頂瀉爲瀑布甚可觀衆遂登舟泝峽中比至瀑所則久旱絕流所見惟舊痕而已瀑之南岸長厓壁立其上平坦可居十數萬人者諺所云十萬圍

也園之西潯山多洞竅雲霧隱隱如仙人宮室者諺所謂九千宮也泊舟其間登岸散坐西日返照山光爛然健之復命驅獺捕魚取以供酌舟中無火篙人剖竹二片爲雄雌鋸之屑下有烟束緼燼之火勃勃而起遂得烹飪成歡而返出峽回顧新月一縷與長庚相輝方舟下灘浪洶洶上灘不覺衣濕近城人家燈火星綴候卒持長炬迂于沙際波爲之明夜深抵郡舍發袖中所作詩凡十六首順自念謫石阡已六年山水之遊歲無一二乃今獲與諸君探奇覽勝句

梁川集

卷十二

十八

在茲堂

不一決而三遊焉非樂事與抑是遊也邊方寧謐有太平之慶良朋簪盍有文字之娛登高望遠有憂國懷親之感匪直啣盃玩物流連光景而已古人遊集必有記順不敏亦效顰而書之

石阡府題名記

孔子欲居九夷不以爲陋後之君子行乎夷狄者於是而取法焉文翁之於蜀韓愈之於潮宗元之於柳皆其人也夫天下無不可化之人亦無不可居之地而况太平之世一視同仁無間遐邇者哉石阡屬貴

州在古薺服之外三代以前鄙而不治漢唐而後大抵羈縻之耳皇明德威聲教無遠弗屆貴州自洪武初已歸版圖而石阡猶置長官司爲思南宣慰所統永樂癸巳始郡其地設官以撫治之列聖繼統仁漸義摩易椎卉以衣冠變刀劍爲牛犢民安其生士奮于學宛然中州之俗矣是固本於聖神綏來動和之妙而作郡者奉揚宜導其功亦豈少哉郡初置守佐凡四員宜德間裁減同知景泰中復裁去通判以民稀事簡也然自開府至今七十餘年題名之典未立前任人已有不能盡知者矣予治郡之暇恒有意於斯適同寅節推張君世華始至忻然贊成其事乃命工礱石刻今昔官僚名氏與凡歷履之繁其所不知者則闕焉於戲石阡僻在邊徼自昔無聞所幸遭際清朝進於中國而官斯郡者又多偉人君子有用夏變夷之功信乎蠻貊之可行九夷之非陋也予因是記之一以見皇明統御之大德化之隆超漢唐而軼三代一以見爲政在人不以居夷而損如文翁輩自足垂於不泯矣若夫因姓名以考其人之賢否則勸

懲之道亦或有小補云

石阡府脩倉記

成化癸卯春余至石阡甫視篆首以倉儲爲問經歷曾仲貴進而言曰黃堂後數十步有倉者二其一歲受民糧二百石有奇爲官吏師生俸給其一貯稻穀六百餘石以備民間荒歉之需二倉皆竹椽茅茨僅蔽風雨而已余曰嘻陋哉明日躬視之果如所言仲貴復曰茲倉逼臨後山每秋冬野燒延蔓風蕩灰燼亂墮茅茨中可駭可憚若易以瓦則無慮矣余識其言欲經營而力未逮甲辰之秋視公帑微有所積遂以請于當道既得允卽市材募工撤其舊而一新之爲預備倉二聯凡七間爲秋糧倉四聯凡八間皆壯其楹厚其礎陶瓦上覆密板四周宏敞堅固可歷永久明年稻穀積至二千五百餘石又廣其倉二間蓋民糧歲入如常預備之數二三年來增其舊數倍矣於乎食者民之天斯郡雖小而儲蓄亦不可後吾荷朝廷恩命守于斯廩于斯萬一倉儲空乏官吏小民無所仰給夫豈異人咎哉此倉所由作也或曰子嘗

官于戶曹山佐方岳養民之政儲蓄之道講之有素而阡郡不足施也方今天下雖富足然水旱在在有之而三邊所費尤大子盍推平昔所知畫籌建策行之天下以爲經久利耶余笑曰君子思不出其位吾知理吾郡而已他非所能亦非所敢知也於是記斯倉而併及焉

石阡九日登山記

環石阡郡治千餘里莫匪高山而近於郡者爲勝郡之後群山磅礴障蔽一方而鎮山尤爲雄特蓋巍然

葉川集

卷十二

王

茲

居中勢挺霄漢龍山峙其左侯山屹其右江水橫其下排衙掛榜三台飛馬諸山繞其前而郡庭上距鎮山半里許一方形勝盡鍾于斯余守石阡以來出入起居視聽思慮恒與山水相接歲遇重九輒欲登高以舒懷抱然非值風雨則爲人事所妨斯念弗遂已三年矣丙午季秋九日簿書稍暇賓客不至涼風淡日與山氣交清余笑曰三年夙念今其償乎遂命隸從舉藍輿歷崎嶇嶺巖之徑以抵龍山由龍山右麓達于鎮山之下微雨倏至停蓋少待仰視山形前如

覆釜峻不可登乃從其後躡坡坳芟草莽凌絕頂而止山脊一石長不越尋高尺有咫槎牙特如蛟龍攫拏爪甲飛動余步其上徘徊者久之仰之天空雲浮俯之人煙一簇江山如帶前所謂龍侯二山以及排衙諸峰旁侍近拱低徊萬狀其外則窮西南極東北萬山綿亘直與天際蓋所望者遠而知所處者高也嗟夫天下名山隨在而有匪直石阡爲然獨余生於嶺海筮仕于京師當是時安知石阡爲何地而今乃獲遊於斯殆有數焉非偶也矧茲山密邇郡庭舉足可至然登覽一事猶必四重陽而始遂則夫事之遠者大者又可偶然致哉前人登此者不知幾何而文字弗傳無所於考余因是記之後來君子追余踐履必有感斯文而繼作者矣

石阡科舉題名記

成化丙午歲當大比之秋石阡府學諸生唐必聰以詩經舉雲南鄉試第二十名石阡之有科目自唐生始仰惟國家建學育才設科取士百二十年于茲矣中州文獻之地人才衆歟計偕接踵至于遐方僻壤

葉川集

卷十二

王

在

有數十年始占一第者焉或曰山川使然或曰氣運所關也於乎山川清淑之氣何處無之聖朝右文致治德教丕隆重熙累洽之運何所弗屆而學校成才不能皆同者譬之膏田沃野百穀易生春夏之間陽氣克動土脉滋腴物無不茂者矣然豈有不耕而穫不植而實者哉故士之弗舉由弗學也非山水氣運實然也石阡自建學以來七十年間士循舊習補廩應貢者惟以日月爲階梯而已噐之弗利如塵戰何至唐生能用其力於詩書六藝之文以爲掇科之具余固躬程其業目觀其成者也昔荊州號天荒而劉蜨及第袁州稱驚肋而盧肇奪標瓊山限隔滄海而姜唐佐不負二蘇期待噫若此者果山川歟氣運歟抑人事歟余觀阡郡多名山勝水士生其間鍾靈孕秀猶中州也遭逢大平涵濡聖澤亦猶中州也顧科第獨無如蜨如肇如唐佐者乎今唐生既有以倡之後之力學進脩取捷秋闈者當未易數計由茲而登進士以躋顯融建勲立業爲國家報稱鄉邦增重者亦將彬彬乎與中州人才等矣於是立石題名列唐

生於首而虛左方以俟然則觀斯名讀斯記者尚亦興起乎哉

重脩拱辰橋記

橋梁脩建多出於有司間見於浮屠氏一以濟人爲職而債吏責一以憫物爲心而徵福田故也其或不繫乎此而汲汲於濟人憫物者豈非禮義之心不能自己者乎吾邑何公尚綱重脩拱辰橋以利行者蓋非有所繫而爲之也橋在邑城之北水關之內城中諸水合流於斯出而通海與潮消長自洪武辛酉創

立南海衛城池卽有斯橋然初架以木隨弊隨易非經久計近年木朽滋甚時無王周義波輩罔爲動心何公家北城與橋密邇聞行者之有墜溺也惻然而驚慨然而嘆奮然而思改圖謀諸鄉耆趙君某李君某等咸樂愆憑揮使蔣侯繹首捐白金五兩爲之倡衛邑官民好義者隨輕重出資以助遂鳩工市石易舊爲新公與胤子鄉進士時中更互督視朝夕無倦堅珉疊甃飛電橫跨密比鱗次洞如規敞壯實平固足歷永年於是往來之人安若堂閭無不稱便肇工

於弘治壬子正月十七日而以是年六月初三日落
之致政都憲彭公偕縉紳君子胥會燕飲莫不譽何
公禮義足以華鄉利澤得以及人也橋故有名弗稱
乃更之曰拱辰於乎市橋春漲景非舊矣雉堞之遙
連樓櫓之高低井屋之綿聯煙肆烟火之隱映四顧
不窮殊可壯也其比祥雲縹緲與九重宮殿相高子
牟魏闕之思油然而動於江湖之上凡我士夫豈無同
情者哉社師謝先生璋長泰司教致仕蔡先生軾輩
謂斯役宜有記遂以屬余因述其事而係之詩

東川集

卷十二

五

在茲堂

東莞壯邑奠于一隅建衛繕城爰自國初北有水門
衆流之會近通潮汐遠赴滄海東西衢路兩岸而分
爰作橋梁便厥行人架木竿堅隨易隨朽不有德人
孰圖永久允毅何公見義必爲協衆經營以安易危
撤其腐材甃以堅石蛟蟠深清虹跨空碧往來紛如
或徒或輿載道謹呼今有昔無匪微福田匪償吏責
心乎禮義成此功德願公壽考與橋久長有子登科
顯于朝堂維德弗諼維善斯報伐石刻詞維後之告
吳川祁先生文集卷之十二終

吳川祁先生文集卷之十三

書

七世孫文友重刻

荅母舅盧都憲書

成化丁亥

蒙示台翰兼以文章類選賜及俾願有所觀考以廣
見聞感佩無已所論欲求退休亦誠美事官至都憲
不爲不顯平生聲譽事功炳人耳目不爲不多一旦
釋邊事之勞遂家居之樂使奔競之徒有所愧悚恬
退之士有所瞻依鄉邦懷慕者得以快觀馨風流天
冀州集

卷十三

一

在茲堂

下盛事昭汗青是亦未爲失也但欲待明年議事方
來未免遲緩誠恐邊塵少動憲節復留於斯時而欲
陳懇則難矣昔人謂使營菟裘吾將老焉論者有猶
豫留時之謂惟尊意一裁決之

荅左時翊司勳書

成化癸巳

辱示麻源三谷紀勝一編披閱間如親歷南城而得
其景趣於心目之表足下所作凡十首視前人之什
無不及者是宜併刻諸梓以示將來然僕觀編首所
列形勝凡三十餘前後見於題詠者三之一耳其他

有名目而無聲詩亦闕典也足下清才善作曷不一
一題之使皆有聞乎矧南城之可紀述者不但麻源
三谷之形勝而已其名宦人物以文章經術忠孝節
義著者皇多有之宜皆編次發揚然後一邦事實可
並傳而無遺憾若曰麻源之境吾世家於斯遊覽於
斯故紀勝聊止於斯美則美矣然而未廣也僕不敏
亦嘗編敝邑雜詠於凡山川人物古跡之屬悉以類
分而人事中有關風教者尤致意焉脫藁得二百餘
首若增入前人之作則加倍矣淺拙不足爲道因來
冀川集

卷十三

在茲堂

教有所興起故及之蒙不鄙夷當呈諸左右求交潤
也先此拜復余俟面陳

與朝鮮國王書

成化丙申

欽差正使戶部郎中祁順端肅奉書朝鮮國王僕不
敏辱承聖天子明命以抵於斯自入境迄今餘一月
矣始也聞王之德譽而傾慕焉中也觀王之矩範而
起敬焉終也感王之禮意而眷戀焉王之天資英邁
學力純至行已接人悉有儀度其於尊事朝廷以及
行人之禮蓋無不至者至於僕所以自處則恐王未

克盡知也聞之左右皆謂僕之斯行凡餽儀禮禮一
一力辭於盛意似有所不愜噫君子之交際豈專在
乎物哉贈行有贈王之禮也不貪爲寶僕之心也主
賓各盡其道而無愧焉斯足矣不恭之愆固所難避
賴高明亮察之因叅贊徐居正送別將還專此奉達
居正有文學乃王所信任者而遣以相陪周旋日久
則王所以厚斯文之意豈淺淺哉臨楮未罄所懷惟
希珍愛

又與國王書

冀川集

卷十三

三

在茲堂

奉別以來瞻戀弗置沿途蒙遣官問候款待有加僕
從而下無不霑惠茲抵鴨江而叅判李克墩承旨柳
瞻已先至此所以迎勞宴餞有恪無懈者皆王之盛
心也不意行間承旨復以來命出貂裘見遺則似乎
不甚見知者豈謂前日區區之弗受餽贐爲虛僞耶
不然何寓館之辭已畢而千里之贈復來也昔晏嬰
一狐裘三十年君子不以爲陋僕雖至愚未嘗不賢
哲是效茲焉衣一敝裘猶未及三十年之久其肯舍
舊貪新以易吾心耶况物有盡而情無窮則所以感

王之深者又在情不在物也用是再辭行忙草率不宣

荅彭方伯

曩以小詩瀆聽不蒙指其瑕類而乃褒飾之感愧愈甚所示高作五章宛然剛大之氣見於辭表信有德之有言也順去年奉集句十首其中多思歸之情今觀來句云軒冕忘情任去留又云在官未敢輕言去斯言誠合君子之道乃覺順之言歸者過矣然閣下秋高望重無所累心順卑微多病老母在堂其情固異川集利卷十三四在茲堂不同也幸亮之

荅陳憲副粹之

蒙示平夷事蹟展誦三四過知威令之嚴明籌策之周密而致出師之有功也便欲抖擻枯腸發揚美事然思後日之捷尚有大有於此者姑停筆而俟焉聞憲節欲暫回司百凡料理雖已素定然賊寇包藏禍心吞噬無厭今僅小却能保其不來哉勝而知懼安不忘危在尊慮必悉之無俟乎生之喋喋貴體愆和乃勞心所致千萬珍調以副下懷

寄陳少參漢崇

久別情何可喻日昨得來書始悉吾兄服闋未曾上京之意蓋識時且自重也然賢聲夙著公論有歸恐不待趣裝而除書下矣聞貴體比舊清癯想因宅憂時哀毀攸致衰年氣體易歉難克惟與倍加調燮以底平復爲幸聞長令郎已得子二郎讀書有進又將畢姻皆足爲先生喜順碌碌如昨老母居原籍幸平安只擬今歲應朝便道歸省偶地方有事弗果行處此惟簡靜是安更無外慕來論謂元城先生謫居于異川集利卷十三五在茲堂

荅陳粹之

廣不聞嘆聲顧順何足語此然樂天知命亦自無悶願亮之良晤未龜遡風東望不勝馳念
敝府生員唐必聰幸中鄉試承爲生致喜走簡示報非眷念斯文之厚奚以及茲記今春諸生聽考臺下時辱許唐生文字可以有進思南諸生周邦亦在見許之列順皆讀其文而信之今二生果占科矣藻鑑之明豈易得哉周詩可作石阡得士詩見寄生亦自爲二律蓋阡祁自前之科目而唐生初破天荒故喜

而形之言也倘蒙和示尤荷雅懷

與何大參中美

蒙行部石阡正喜親炙以聆教言而匆匆又別不能無淒涼之思莊子云逝虛空者聞人足音跼然而喜況同鄉知己者乎義之云中年與親友別輒作惡懷況今皆衰暮者乎以生之情觀之知閣下亦懸念於生也所索荔莊記已勉強爲之聞時可憲僉先爲作序恐黃鍾在前瓦缶難爲聲矣不具

與陳粹之

栗川集利 卷十三

六 在茲堂

前日有報朝覲消息言閣下亦在密網中生聞之且疑且嘆以爲決無是理蓋閣下存心仁厚而蒞政勤能律已廉正而用法平恕人心愛戴聲望赫然此在公論宜膺不次之擢世豈有求玉而棄惡黎結綠者耶及日昨有自興隆至者云親覲京報的有是事生茫然不知所謂嗟乎此非平時以介直取怒於權要而致是乎正人君子見義必爲無所顧忌而異心者以爲忤已吹毛求疵何其不公之甚也雖然亦天也命也前輩詩云餘子但知才可忌先生當以去爲榮

又嘗讀閣下佳句有云吉凶榮辱皆由命莫學書空咄咄嗟閣下之處此固泰然矣未由面請臨楮不勝馳情

傳

安素羅公傳

安素公姓羅名亨信字用實廣之東莞人也少穎敏異凡見由邑庠弟子員以詩經中永樂元年廣東鄉試明年登進士第釋褐爲工科給事中轉吏科尋遷右給事中奏對封駁克舉其職無何以事累謫交趾

栗川集利 卷十三

七 在茲堂

久之用太子洗馬張瑛薦拜行在山西道監察御史巡歷所至能興利除弊旌賢黜貪卓有風裁三年考最受勅褒崇封父祖昌如其官母及其配皆膺孺人之命時京師鈔法不行公能疏其壅滯朝廷任之既而丁繼母何夫人憂給驛奔喪起復仍司鈔法秩滿特陞都察院右僉都御史督理陝西平涼諸衛軍務備邊擒敵屢獻成功歲戊午加俸一級頒給誥命階中憲大夫且加贈父母而及其配先是聞父憂朝命奪情視事邊陲稍靖懇求終喪仍許馳驛歸葬服闋

抵京命巡撫大同宣府所至實儲蓄脩武備上下安焉轉右副都御史進階通議大夫誥命再頒榮于三代尋陞左副都御史正統十四年己巳也時北虜入寇首犯大同沿邊營堡州邑潰散不守公居宣府防禦究心將帥而下或疑懼無固志公語之曰吾受國厚恩惟以死報他所不知衆聞之乃定宣城完居繫公是賴明年以老疾辭歸又七年終于家壽八十有一公自入仕五十餘年前役章奏無慮數十所言汰冗官省虛費積儲禁私役脩城堡郵邊軍類皆見

東川集

利

卷十三

八

在茲堂

者矣自公歸老邊人思之弗忘迄今二十餘年而威德在人猶赫赫如目前事吾在京師聞之戴侍御縉縉嘗至雲中得之父老云

論曰嶺南山川清淑篤生名賢其出而用世者或功業或文章或節操皆足重當時風後代表表乎天地間唐有張公九齡宋有余公靖崔公與之其人也國朝文治聿興賢臣輩出吾寶安則有禮部侍郎陳公副都御史羅公以文學政事聞于天下後學咸景仰之唐宋三君子之後二公實有光於

東川集

利

卷十三

九

在茲堂

嶺南者矣羅公歷官可稱述而有功邊備尤多雖其事嘗登國史而恐未詳也謹爲傳之俾將來有考焉

冷菴先生傳

先生名琦字粹之姓陳氏世爲姑蘇人父以能醫應辟始居于京師粹之自幼羸弱五歲方能行稍長亦習醫年十七肄舉子業從地官主事黃君景隆學葩經性敏以勤文藻口進雖有肺疾手未嘗釋卷疾愈遂領京闈鄉薦登成化丙戌進士釋褐爲南京大理

寺評事遷寺正凡所駁議一於至公獄有冤抑必平
反而後已歲壬辰擢江西按察司僉事居九年所屬
十三郡之境巡歷殆遍洗冤澤民力勦繁劇遇大辟
尤所究心顧之瑞金豪民謝學素謀奪鍾惟海田產
而殺之反誣惟海弟惟鑑自殺其兄縣令章受賂酷
治惟鑑遂誣伏冷菴集里隣親鞠之乃白其冤而學
素并章皆付之法顧民李永春因貸劉旻輝王仲興
錢債累息不已永春迫於徵索偕其親謝仲富袁志
敏十餘輩邀旻輝仲興殺之其弟旻浩等四人繼至
栗川集利 卷十三 十 在茲堂

永春陽醉以酒仍陰集仲富等併殺四人旣而王劉
之妻郭氏輩訴于官誣及里正袁貴斌賴彥貴與仲
富永春皆繫獄數年永春已故累政不能決郭氏輩
尋爲仲富志敏所餌主文黃演文輩實和釋之冷菴
多方采察得其狀而以無尸爲疑乃齋戒告神遂得
永春之子吐其情實則被殺者皆焚尸矣於是捕志
敏卽伏辜郭氏輩咸以受餌訴遂置仲富志敏于重
典主和并受餌者皆治以罪而貴斌彥貴得免焉臨
之清江徐仲器者毆其隣人王政致死徐旣竄去其

弟成器被誣置獄不能自明冷菴取原牘閱無成器
名遂釋之而繫仲器子以併仲器袁之分宜有僧圓
釗因兄圓銘竊其師法器追之圓銘急走墜巖傷右
肋并髮際而死里正謂圓釗殺兄執于官不勝拷掠
遂誣服云以木椿擲圓銘次加之刃同弟圓鏃昇尸
弃于河獄旣具冷菴疑之下府官詣其處驗無狀且
尸非刃傷里正遂吐情釗得不死廬陵縣學生員王
誥與內弟鄰忠有積仇誥嘗私里人胡定節妻忠操
其情於誥之僕而知其夜將適胡也伏人於路殺之
栗川集利 卷十三 十一 在茲堂

昇尸置於胡門而竄誥父理訟于官指爲定節所殺
繫獄已三年冷菴至召理誥曰殺人而自置尸於門
有是理耶急訊之得誥之僕吐其實情遂趣捕忠而
釋定節信豐人楊銘以御史罷歸暴橫鄉里因軍人
奚麟淫其妾捕殺之遂自殺其家僕誣以互相毆死
縣受賕申憲司初覆勘檢官亦受賕符同尸狀冷菴
親鞠之得實楊偕受賕者各伏其辜撫之宜黃巨豪
劉浩淵夜爲他賊所刼而誣指仇家及其外族之居
寧都不相識者共十有七人縣嚴訊之各誣服冷菴

廉知其冤召劉告之曰汝與賊素不善奈何火光中識寧都人且悉其姓名乎劉不能對其誣遂白瑞人有劫奉新民家者囚于獄而誣新昌民鄒禮魁與之偕行禮魁知其爲仇已者所使具名以訴冷菴閱案初無禮魁名久乃增之牒尾卽釋禮魁而罪仇家寧邑何淵等數十人晝行剽掠武寧靖安諸邑爲之騷然冷菴遣應捕人追勦立以賞格賊黨奔竄尋得其窩主鄒澄釋其械衣食之遂踪跡何淵等所在分兵掩捕悉獲其衆仍立保伍連坐之法守望相助人賴

夷川集

卷十三

三

在茲堂

以寧番陽有汪乾十五者實爲強賊其弟金隆甫髫年逮繫于獄冷菴嘆曰是幼稚安能爾乎卽釋之一無不稱快瑞之高安豪右陳正源謀取隣人殷鶴明田莫能得乃誣鶴明兄弟劫其家獄久不決冷菴至而正源已竄鞠之無劫狀乃捕正源釋鶴明兄弟御史有清戎者以清理數多爲遷秩之階里老俱其拷訊凡軍戶竄絕輒牽綴平民補之而實籍戎者或受賕沉匿冷菴究其弊擒首惡肅邦繪輩援例從戎誣枉得白者十之七八御史病其異已形諸色詞冷

菴不爲所動西江士夫多頌以詩名曰風頌遺音南昌民間水利爲豪貴所侵冷菴繩以法而歸其利於民豪貴恨之切齒弗恤也已亥歲飢朝命南都少司寇金公巡視茲土凡區畫賑恤之策冷菴多所贊益時吉之永豐公私罄竭計所用猶須白金一千兩乃濟適清江富室楊瑛武有犯于官冷菴免其罪令出白金三百兩螺川遞運所官舟五十餘艘一艘十夫俱富室編役冷菴議免七艘夫役一年徵白金七百兩通濟永豐所須之數南畿糧當漕者一百四十萬

夷川集

卷十三

三

在茲堂

石民無所出冷菴議輸銀准京官俸而金公猶拘成法力請乃行之知者以爲得通變之道歷新昌番陽諸邑遇亢旱卽齋沐禱神或准古法作土龍以祀甘澍隨應及洪都大旱獨入西山風雨池卽唐張九齡禱雨之所制土龍祈之又徒步禱于山椒憂勞致疾然勤民之心終無所改平居喜論綱常大道間過廬陵忠節祠及永新譚節婦血漬入磚之所咨嗟感嘆發于聲詩且慮譚婦之節歲久或湮乃合古今詠歌刻石于祠狀元羅公倫記之以爲知當務之急成化

癸卯升貴州按察司副使夷邦訟牒頗簡而持身澹
事一如江西時都勻蠶苗猖獗冷菴分巡其地練兵
挽粟多方圖回竟戮其酋長阿槽獲其輜重而潰其
黨都府嘉之勞以銀牌牛酒有發縱指示計出萬全
之褒新添衛學軍生彭玉爲妻兄潘源誣以強劫瘦
死于獄彭嘗許潘殺人真迹官以爲虛冷菴廉知之
乃辨彭之冤而擬潘重罪人人嘆服普安衛站軍盛
名與過客陸梯爭店直而鬪陸於貴陽當道有親好
遂誣盛誘他賊竊其銀若干前分巡者迎當道意置
於拷訊盛因伏竊盜辜且妄指仇隣張海爲從追銀
如數冷菴白其誣銀得還主平夷千戶所軍糧例於
普安衛倉支給相去雖百餘里然往回守候動經浹
旬且爲吏胥徵索所得糧十去三四樂民千戶所倉
歲有儲積距平夷僅四十里冷菴旣罪前之徵索者
乃令平夷軍士於樂民倉就近支焉三載績著法當
遷秩適典銓者有宿恨遂爲所黜携家歸姑蘇貧無
田宅處之泰然卿大夫知冷菴者咸惜其去貴陽人
不能扳留相與嗟嘆至有垂涕泣者其士君子爭欲

白于朝吳還冷菴度勢不能乃止冷菴芝宇清峻美
鬚髯雙目炯炯如巖下電平生不啖膏醲惟蔬茗之
嗜不親權要惟恬淡之安因號冷菴性好學雖在官
繁冗未嘗釋卷遇古詩名畫蓄之滿家尤善吟詠凡
天時人事山川景物形諸篇什甚富或朋游倡和一
韻數十首愈出而愈不窮行部所至以興學獎士爲
急林下有文行者無論簪纓布素恒折節下之處朋
友一於道義不爲升沉利害所間其師黃君守吉安
冷菴雖官監司猶執弟子禮黃後遭患能竭力以金
其家爲政不務淺功近利惟經久是圖在江西時常
以民間典鬻田土往往產去稅存奸僞百出乃案屬
縣凡過割稅糧一遵大明令逐年著籍解府仍於醫
券尾蓋印以杜奸僞又謂江民健訟輒以人命強劫
相誣自今有殺人及被劫者四隣訴邑申府李報上
司或漏詐卽坐隣里二法行而刁訟少醫矣貴州路
接滇南迎送無虛日站堡遞運之叅錯者其所轄丁
數多寡不一而差役必三分之冷菴始令照丁分派
及覈其數置簿列名日紀所差于下有不均或賄免

者則根究而罪焉站堡軍無月糧而奔走道途甚苦
冷菴爲之區畫置田分給之其除弊興利多類此江
西方伯耻菴陳公文曜舊與冷菴同官臬司嘗爲之
贊有操堅冰檠才負經綸等語僉以爲信順與冷菴
相知尤深其著作之多晚節之全耻菴所不及見者
願得之尤詳也於是述其梗槩爲作斯傳用以信於
將來 贊曰

有學有守而明出處去就之義者君子之全德也
世道不古士以功名相高迎合遷就茫不知止一
寒川集利 卷十三 六 在茲堂

矢志則戚然以悲若無所歸者噫亦陋矣冷菴明
於道義確乎有守歷官執法二十餘年爲所當爲
未嘗奪於勢利及休致而歸樂道安貧吟風弄月
泰然無所累於其中於乎茲非大丈夫之儔歟

都憲盧公傳

公諱祥字仲和姓盧氏別號行素世爲寶安張村人
曾祖禮卿祖源敏父某號翠林母李氏兄弟四人公
其次也自幼聰穎多能年三十始習舉子業從其兄
伯栗先生司訓全州儒學得所造就正統戊午領廣

西鄉薦明年試禮部弗終場時翰林編脩安成吳先
生與儉以春秋之學名天下公從之受業功與日新
壬戌會試中第十六名廷試賜第二甲進士觀政都
察院擢南京禮科給事中六年考最授勅命封父如
其官母爲孺人丁外艱服闋補吏科給事中未幾以
言事謫山西蒲州判官慷慨就任略不以榮辱介意
踰年通前任滿九載恭遇英宗皇帝復登寶位圖任
舊人擢公禮科都給事中戊寅陞南京太僕寺少卿
剗弊興利馬用蕃息尋以內艱歸甲申起復補順天

寒川集利 卷十三

十七

在茲堂

府丞其冬陞都察院右僉都御史巡撫延綏至則嚴
武備肅綱紀明賞罰屢克虜寇以安邊人朝廷嘉之
有表裏白金之賜旣而授誥命階中憲大夫又加贈
其父母丁亥冬致政而歸明年夏五月二十九日以
疾終壽六十有六公長鬚偉儀音吐洪亮博學富才
識尤以氣節自高平生挺直寡合惟八閩林公季聰
濟南尹公同仁姑蘇韓公永熙昌黎張公允中皆以
一時之傑同所趨向而林公尤相親厚凡所獻納必
協力成之官吏科時言事最多而論北虜也仙僭號

之害劾大臣王文項文曜等奸惡尤爲人所敬憚及掌禮科日見親信章疏剴切視前有加佐蒲州人懷其惠居太僕廉能益著其在延綏平寇有功議當進秩而掌邦政者有宿憾因沮焉於是林公位大司寇尹公登大冢宰韓公歷右都御史張公進大宗伯品秩咸優於公而各稱節槩固相頡頏也公之經學匪直傳於家庭四方名士及門或私淑者前後成就無慮百十餘人視吳先生之傳益光遠矣所作詩文若干卷奏疏若干首饒歌鼓吹曲若干篇皆主於理而

吳川集

卷十三

十九

在茲堂

充以氣摠名之曰行素集藏于家公有子六人第三子士廉由科目官文學猶子逢堯鵬嗣俊亦相繼以春秋舉于鄉逢堯官郡博俊爲縣令諸孫傳儒業者益彬彬然願忝諸甥末荷公明誨得以僥倖賢科歷官中外德雖莫報而心未嘗有忘竊念公一代偉人其所樹立當自不朽然歲月漸遠恐將來者莫知其詳謹述此爲傳且書以貽外家兄弟俾其子若孫咸訓習之各圖不辱云論曰

孟軻氏有言我善養吾浩然之氣蓋氣本剛大而

人自餒之惟直養無害則塞乎天地間矣行素鍾天地山川之氣出爲當代名臣久居言路遇事輒諫雖斥謫無所屈撓其後復躋顯融趾媚權貴遂全晚節而終究其平生志業卓犖英偉而剛大之氣凜然常存非所謂直養無害者歟

吳川祁先生文集卷之十三終

吳川集

卷十三

十九

在茲堂

吳川祁先生文集卷之十四

七世孫文友重刻

行狀

贈承直郎兵部職方清吏司主事先考府君狀
先公諱秉剛姓祁氏上世有自南雄遷東莞者因家焉始祖宋銀青光祿大夫曾祖子賢祖以泰考振宗俱以隱德稱妣李氏宋儒竹隱先生四世孫有賢行兄弟四人長早世次秉常次秉柔先公其季也自幼警悟知學比長從鄉先生萍鄉訓導張公溥游見聞

吳川集

卷十四

在茲堂

寢廣讀書務講明不專記誦學楷書詩詞俱有法度可觀介勁寡合耻求於人遁迹田里間且耕且讀以養親爲事年三十有五時大父棄背獨營喪塋能竭其力後十年李孺人歿亦如之遇諱辰時節輒思慕涕泣不能下食秉常公先卒遺孤猶在襁褓中先公撫育如已子迨其有成分以田宅無難色秉柔公卒無後喪塋之儀歲時之祭皆稱情爲之治家勤儉教子女嚴肅居嘗語順輩曰吾先世多名宦近代不順顯意積而復發也強學樹名以迓前休者非異人任

汝曹勉之乃遣順暨弟致中從師受學而過庭之訓尤諄諄焉順既領鄉薦未第于春官先公嘆曰農力穡然後有秋將練兵乃能勝敵學未至而家成名何可得也致中試于鄉未得志教之亦然處宗族和厚待鄉黨平易有恩族人賢之推爲戶長凡理家庭之事官府之政輒然當於人心鄉人以忿爭危急來告者隨曲直緩急應之無不意愜而去性少飲酒遇知已勸酬不失其歡士大夫過從談論相契壺壺忘倦苟非其人片言而已平生奮拔自樹有光于前正統

吳川集

卷十四

二

在茲堂

已巳海寇擾攘先公揭家避於山中由山中復依城邑經營百計家賴以全平定而歸故廬蕩爲灰燼於是力營基構堂宇一新家用稍有贏餘卽脩置產業爲裕後計間治一圃植蔬果花卉其中日優游以自娛樂視世味泊如也生永樂辛卯十一月二十七日年四十有七以天順丁丑十二月十六日卒于正寢將卒語順輩曰吾病在肺腑度不起矣喪塋宜依禮無作佛事又曰汝曹學須成業勿以吾故而懷怠心後教子孫亦惟讀書他不足道言至易簣不亂次年

正月十一日塋高臺山祖塋之右辰向先公既卒
年順由進士列官于朝明年蒙聖天子推恩頒賜
命贈先公承直郎兵部職方清吏司主事母盧氏
太安人平昔之教然也男二人長順次順即致中
三人長適陳統次適尹恒次許適陳滔孫男二孫
二順仰荷先公教育有成祿不逮養抱無涯之痛顧
惟不肖曷足顯揚先德所幸遭際聖明祇承褒贈是
宜勒諸貞石以示將來於是謹述先公平生言行大
槩用求銘於當世立言君子倘矜而賜之豈惟順之

栗川集

卷十四

三

在茲堂

感後世子孫思仰先公之德者亦於斯有考焉

先祖處士祖母李孺人行實

祁氏先世南雄人自宋銀青光祿大夫始遷東莞七
傳至吾祖處士諱振宗曰士貴者曾大父也子賢者
大父也父以泰國朝洪武間以耆宿朝京賜官不就
受勅褒諭而還素爲鄉邑禮重先祖受過庭之訓聞
見多有所得爲人性淳而和氣平而清風度洒然而
無表襮平居恂恂不與物忤待人無小大衆寡悉皆
得其惟心或以陵奪相加者聽其自悟弗校也周急

解紛勇於爲義見利則推避若將浼然母林氏早世
事繼母梁以孝謹稱後二親相繼壽終居喪無違禮
兄弟四人長勝宗由國子監生任安南長安州守先
祖撫其子女於家無間已子及諸兄弟淪亡獨綜家
政井然有條凡歲時祀先之禮親朋慶弔之儀公門
賦役之供舉無失當置家塾延明師以訓諸孫鄉閭
子弟悉俾就學感其德者甚衆性酷愛竹居前嘗植
數百科以爲庭實器用暇則逍遙蒼雪間酹顏鶴髮
宛然神仙中人也非會親不過里閭非公事不至城

栗川集

卷十四

四

在茲堂

邑人高其風暮年齒德俱尊猶以謹厚自將勤儉自
處蓋天性如此生大明洪武九年丁巳十一月二十
四日終正統十年乙丑五月十三日壽六十有九是
年十二月二十二日塋高臺山祖塋之次乙辰之向
配孺人李氏有淑德善女紅嘗講列女傳曹大家遺
書及故事詩詞皆能記憶談論至老弗忘至其爲婦
爲母之道又無愧古人而足法於姻族景泰六年乙
亥四月二十四日終距始生洪武十年戊午十月二
十日壽七十有八以終之年十二月十九日合塋于

先祖之墓子三人長秉常次秉柔皆早逝季曰秉剛
振拔有爲克光先世歿贈兵部主事階承直郎女一
適溫塘袁忠孫男三穎順順孫女四曾孫男順惟先
祖處士之存恒以教子孫爲事今順輩頗有成而祖
不可見矣痛哉先考承直府君存日常念處士孺人
之墓未有刻辭欲爲狀求銘而因循未果順輩承祖
澤之深厚感父命之猶存敢不追成先志而昭揚祖
德乎因以處士孺人之行得於所聞見者述之立言
君子願矜而賜之銘幸甚

吳川集

卷十四

五

在茲堂

亞中大夫廣西布政司左叅政桂公行狀

公諱山字本寧唐銀青光祿大夫上柱國司空貞之
後司空嘗鎮江西家于廣信貴溪龍虎山以卒邦人
立祠祀之後世遂爲貴溪人曾祖德高元兩淮都轉
運使祖伯華以隱德稱父文禮以公貴贈承德郎戶
部主事母蔣氏贈太安人伯華府君元末避兵于蜀
既卒戶部府君因籍成都生公兄弟三人以貴溪地
名各之曰廣曰龍曰山示不忘所自之意公自幼穎
異知學既長以書經領正統甲子鄉薦登景泰辛未

進士釋褐爲戶部河南清吏司主事三年考績大司
徒年公以立心正大處事精敏稱之於是欽受勅命
褒崇且受推恩之典兩考歷陞本部廣東清吏司郎
中庶務糾劾決無少凝滯政有益於國輒力爲之
雖拂於人不暇顧卹其或宜於已而不愜於衆者弗
爲也成化丙戌太子少保大司徒馬公薦陞廣西布
政司左叅政時廣藩蠻寇繹騷用兵無虛日公於征
勦之謀轉輸之策多贊畫焉分巡左江不避艱險一
日抵南寧適寇將入境居人震驚守土者計無所出

吳川集

卷十四

六

在茲堂

公曰是可得而坐視耶卽下令選士兵暨民壯數百
分守要地夜則明火示之寇知其有備也遂遁去凡
所經行事多措置民賴以安然竟以勞瘁致疾戊子
之歲力疾朝京師竣事還任次湖南之巴河而卒時
已丑年二月十一日距所生永樂己亥六月二十八
日享年五十有一娶王氏封安人先卒繼娶氏丈
夫子一曰蕃之克世其家女一曰馨蘭適鄉貢進士
陳俊公神氣清朗髭髯秀整仁義存於心而達之於
事者確乎其不苟也孝友行於家而施之於政者秩

乎其不整也初爲主事有聲遷郎中益有聲及陟叅政有聲如郎中時使天假以年其所成就當有大可觀者而竟止於此惜哉公之姪戶部郎中茂之奉使于蜀經于湖南將携公之喪歸合塋于王安人之墓先期具公行實請予辭而陳之欲求銘大手筆以圖不朽予淺陋不文惡得狀公之德然於郎中君爲同寅義不可辭迺書其梗槩如右以俟立言君子采焉

墓銘

分水縣令李公墓銘

契川集利

卷十四

七

在茲堂

浙之嚴州府分水縣尹李公諱觀字觀光以天順丁丑三月二十二日卒于家其子綱歷書公之族出行治歷官壽年達于東莞儒學司訓彭先生叙以銘爲請先生曰是於我有德我宜圖之遂以屬順順不克辭爲之序曰李氏系出唐宗室之後天寶間有諱處蒙者由太常卿出爲嶺南節度使後以祿山難作因留南雄今爲南雄人公生於洪武戊寅二月初一日自幼秀爽異常見其父彥祥謂其必顯李氏稍長自知刻厲以好學能文舉充郡庠弟子有雋聲後以詩

經領貢居太學十年爲祭酒陳公敬宗所重正統辛酉遷歷政於天官明年拜分水之命分水地偏民少素名易治公嘆曰是可謂其易而不究吾心耶下車卽勸農桑興學校持以廉介施以平恕扶善而抑惡舉利而除弊民甚德之縣有譙樓勢傾學宮僉謂其不利於士子故久無預薦書者公驗語實卽於文廟之旁命構一樓與之對峙自是人才輩出士心慚焉文淵閣學士商公輅各其退居堂曰種德而并遺之記監察御史黃公英與諸方伯連帥亦皆賢其爲人

契川集利

卷十四

八

在茲堂

所謂古剛正之君子非歟配孺人劉氏子二人長綱次維女三人長在室餘適宦族孫男幾孫女幾享年六十墓在某山之原既序其事且系以銘銘曰
氣銳而剛才優以長君子人也拜官爲郎施守有方廉且仁也遺愛洋洋在人弗忘吏之循也我銘其藏昭此耿光垂不泯也

伯祖奉訓大夫墓誌銘

嗚呼我伯祖奉訓府君之卒墓有刻辭畧而不備順不敏無能爲之稱道然嘗聞諸先君子而知府君之

梁川集利

卷十四

九

在茲堂

德多有可書者其敢忘耶我祁氏自銀青大夫以來世有宦業而諸廢莫知其詳其近而可知者惟府君耳失今不書後之人又曷從而考之府君諱勝宗字孝思生而豁達有志吾曾大父行家學之流急於教子遣府君爲邑庠生語人曰光吾門者必是子也永樂七年以詩經貢禮部既而由國子生選授交趾建平府長安州知州階奉訓大夫時交州新附中國治教未孚府君至卽宣揚德化撫綏一郡去煩苛薄征賦簡節疎目民宜之無何居父喪于家繼妣梁孺人

尋亦棄世奉襄哀毀服闋而終焉實永樂十三年八月二十一日距所生洪武己酉八月二十六日享年四十有七曾祖士貴祖子賢父以泰母林氏府君儀狀魁偉讀書明大義不屑屑于記誦文字之間然練事通變卓犖有爲非庸瑣齷齪者比其爲政也仁恕足以和民廉謹足以持身歿之後囊無儲資遺子孫以故業而已順幼時閱家笥中得府君遺墨有云吾

梁川集利

卷十四

十

在茲堂

讓哉惜乎天奪之速弗竟厥施殆祁氏之不幸者歟娶宜人陳氏生洪武癸丑三月十一日年七十一終於正統癸亥十一月初八日與府君合葬高臺山之原丈夫子五秉彝秉倫秉攸秉叙秉端女五人何秉陳昌蔡義余習文列某其婿也側室麥氏生一子卽秉叙也女一卽適列某者孫男二十四人府君歿二十年而順始生越十年而宜人卒又二十有六年乃克叙而銘之銘曰

謂無憾耶貴不克其賢壽不克其仁謂不幸耶德

立於平生慶延於後人人孰無死如公者幾是蓋一時之不足而百世之有聞

從弟宏墓誌

宏祁氏子世爲東莞人曾祖諱以泰生四子長勝宗任長安知州吾伯祖也知州五子其季曰秉端娶葉氏生宏兄弟五人宏居第四自幼秀穎惇序如老成人天順壬午秋吾以進士應召上天官擇群從願學者與偕諸父咸曰宜莫如宏其父慷慨使行其長兄實忻然從臾之於是束書同載踰嶺度江歷淮泗齊

粟川集

卷十四

十一

在茲堂

魯之境備嘗險阻以抵京師癸未冬吾拜兵部主事明年春正月出鎮山海宏亦與俱居兩月宏病咳嗽未幾咽喉得瘡疾累藥弗瘳遂嘔血而卒時六月二十九日距所生乙丑歲二月 日年僅二十吾痛泣寓書告其父母暨得命則以乙酉年八月 日安葬于山海北山之下丁向又二年吾得代還京恒念宏之墓未有辭每欲爲之則哽塞以悲然自卒至今七年矣近而不書久將無所於考其忍使宏之善湮泯而弗白耶始宏之家居也恂然質厚先生長者咸

加敬愛其居京也理家待人不戾矩度士大夫見即

譽之及其寓山海也泊然自居不干俗務吾與之偕

凡二年未嘗見其過雖履寒淡攻勞苦其心安焉讀

書克敏以勤作爲詩章日有新意吾謂其妙齡秀發

當爲群從出色豈意遽止此耶宏將卒言曰弟遠來

期効勞左右不幸罹此劇病徒勞兄心吾聞之悲不

能止卽其言而觀其心其所以厚於兄弟之倫雖瀕

死猶不能忘也吾謫劣無似力不足以庇其身恩不

足以酬其勞惟痛惜而已宏賢而早世未娶而無後

粟川集

卷十四

十二

在茲堂

病不得與其父母訣別死又葬于邊城無由附先塋以祭掃其可痛惜豈但吾私哉山海去京師一百餘里不能刻石寘墓追而爲文聊寓不忘耳嗚呼哀哉成化庚寅夏四月望拔淚書

敘諭楊先生墓誌銘

東莞儒學敘諭敬齋楊先生卒于官莞庠學者奔走號哭皆以失明師爲恨邑之士夫耆民暨仕于茲者咸咨嗟往弔退而言曰敬齋仁厚君子也 有其遠止於斯乎先生諱撫字敘謙別號敬齋江西泰和人

曾祖某 祖于尚父彥威母郭氏兄弟三人長挺都察

院檢校次拱先生其季也自少聰穎知學甫七歲喪父哀慟如成人衆異之暨長偕檢校君宦游京師從其叔祖叙州太守德敷受禮經駿駁有得無何檢校君卽世扶柩歸塋克致其情事母夫人孝謹處次兄友恭彌篤平居力學不倦推其所得誨子姪于家塾咸使有聞禮部侍郎同邑蕭公璵延爲塾賓經講畫者尤多啓益嘗試于鄉不偶正統間以明經薦于朝擢通州儒學訓導通州密邇關廷仕之賢否朝行而

吳川集

卷十四

十三

在茲堂

次僑次儻女一尚幼孫男五孫女三先生端爽淳直

不事矯強與人交傾盡底裏或以非禮加之弗容也平生有志功業而官止文學弗大厥施然弟子承先生教指出爲世用者先後有人而先生之姪儻掌教番禺倣教授邵陽王府皆嘗受教家塾者也其功澤被於內外豈淺淺哉僑奉先生柩歸泰和卜以年

月 日塋邑之 山先期具行實來徵銘嗚呼楊

吳川集

卷十四

十四

在茲堂

乎盛一門文學之懿科名宦業之顯未或過之顧不腆之文曷足爲先生重而亦奚忍銘知已哉雖然僑之請不可虛辱乃銘曰

西昌名宗世綿邈文貞道德尤昭焯先生窮經紹家學器質瑰奇才磊落榮膺薦剏司教鐸化雨文風屬先覺四邦賢士尊矩矱薦書登名總超卓教育功成擬高擢云胡一疾丹移柩歸藏故丘吁不作勒銘有石新礱琢百世垂光宛猶昨

江西布政使司右叅政魏公墓誌銘

江西布政使司右叅政魏君卒于官寅家悲之屬吏哀之縉紳士庶常往來者咸哭弔之退則相與嗟悼以爲善人亡矣君之子將扶柩歸墓廼具行實來徵銘余同寅也義不可辭君諱元字景善先世自浙之仁和徙山東濮州朝城縣因家焉曾祖夔祖成俱以積善聞考諱仁以君貴贈徵仕郎禮科給事中母趙氏封太孺人君自幼警敏知學由邑庠弟子員以書經領山東丁卯鄉薦天順丁丑舉進士辛巳擢禮科給事中三載職稱賜勅命褒崇且推恩父母而及其

栗川集

卷十四

五

在茲堂

配成化乙酉陞本科右給事中丁亥轉左給事中逾年遷都給事中職居近侍十年奏對詳明封駁惟允凡遇國家大事輒言之聲譽赫然動人歲庚寅擢福建布政使司右叅政階從三品奉璽書巡視海道而軍務糧儲得兼理焉無何丁母憂服闋調江西布政使司振綱紀恤民隱典利除弊抑強扶弱政用以和三載考稱還任既而銓曹列其名上請將進方伯之秩而君遽不幸矣生永樂癸卯十二月十九日以成化戊戌二月十七日中風卒年五十有六配趙氏封

孺人丈夫子二曰漢曰淇女一適某君生有至性事母孝謹母之歿廬墓三載事聞朝廷旌異之居官剛介直諒與人言罄盡底裏司諫職叅藩政俱能其官至其所以自處則簡靜清約先後一致人無間言寃其平生克孝輸忠服仁履義誠不在今人下使天假以年所建功業尤有大有可觀者而竟止於此抑非命耶然年幾下壽官歷清顯而二子又足以承家可無憾矣是宜銘銘曰

顯允魏宗奕世多賢仕版流光照耀後先鄭公相

栗川集

卷十四

六

在茲堂

唐章奏劉切亦有知古遺愛遺直君生其後志則紹之凡所建明實克肖之氣銳而剛行完以峻敷歷亨衢綽有休聞抗章給舍治道攸禪佐政南藩惠澤遠施人方期之陟明有擢天不遺之失良方岳直道弗磨惠愛弗忘墓石有銘百世其藏

贈宜人鍾氏墓誌銘

亡妻宜人東莞故家子諱潔姓鍾氏大父定安自邑之良平徙橫塘有山水田園之樂父諱穎別號雲松鄉稱醇德君子母溫塘袁氏宜人生質秀朗克遵姆

訓年十七以景泰壬申歸祁氏爲冢婦事先祖妣孺人先尊大夫與太夫人孝謹備至處宗族姻戚咸有禮度吾時應進士選連不得志天順庚辰始登第而歸又二年偕宜人上京師癸未冬吾受兵部職方主事守鎮山海關三載調戶部又督儲臨清一載尋以公便得歸省太夫人還京授員外郎郎中宜人皆與俱平居不干外事言笑不聞于隣足跡不妄至于外戶布衣疏食日以爲常雖受封典而衣冠弗備未嘗介意問之則曰幼聞尊人謂男子居官債事者多由

吳川集

卷十四

七

在茲堂

婦人厭貧所至吾力記此言未嘗忘也治家以勤教子女以義馭童婢嚴不廢恩其他所爲徃徃近道理自婚于我二十有四載而勤勞恭儉如一日然成化甲午秋宜人乳二子旣而病喘逆醫莫能已自度不起則呼子女家人輩日訓飭之尤戚戚然以無能事姑相夫爲咎歲乙未正月十有二日備屬後事而卒不亂一言距始生正統丙辰閏六月二十三日享年四十先封安人卒之歲加贈宜人是歲吾弟鄉貢進士願自京以其柩歸十二月二十七日塋高臺山祖

塋之左子男三長志伊服宜人之喪哀戚成疾而殤次敷次敝女三長適黎臯次適張瑤俱庠生季尚幼初宜人之家居也奉太夫人得其懽心其後歸省自京益敦孝敬太夫人賢而重之稱諸六親不置口比其卒也慟于尊懷尤切家之長幼及宗黨遠近之親莫不加痛惜焉太夫人謂賢婦之德不宜泯沒命順爲誌嗚呼吾處家理官多宜人之助而今無復得矣誌敢忘乎乃序而銘曰

吳川集

卷十四

十八

在茲堂

天性聰慧不學而賢內行純懿婦道以全室家相成子女知教豈其仁淑弗臻壽考壽雖不永德則有光前膺封典後錫贈章姑思孝婦夫惜良匹高臺勒石永賁玄室

孝童祁志伊墓誌銘

志伊生天順癸未正月初二日時吾舉進士待選京師初得子因呼爲京長是冬吾授兵部職方主事守鎮山海關三載調戶部督儲臨清逾年代還志伊俱在膝下淳厚穎秀教以詩辭輒能記憶客至出侍動如成人遣從國子學錄閩人鄭循初游敏而不惰同

邑方彥卿大尹長女年與相若遂聘焉歲辛卯吾携志伊過家省太夫人明年還京又從今戶部主事閩人任文遂習舉子業吾早暮在公志伊間至部署中輒取架上詩文琅琅然讀之有所感發則援筆成篇不類童子語甲午冬初患疽累藥弗效乙未冬十二月十有七日卒于寓舍歲十有三方其疽之發也其母鍾宜人嬰疾且劇志伊日以爲憂旣而宜人棄世志伊哭泣拜跪不離喪次客矜其疾或止之弗聽其後憂鬱纏綿羸弱大甚竟以是終焉歲丁酉夏五月

藥川集

卷十四

十九

在茲堂

以其柩歸東莞九月 日薨佛子岡之原某向志伊自幼喜學雖久病未嘗廢所業憂悶無聊之思間形於詩卒之前二日猶閱輟耕錄中手足眉目四詞過目成誦孰知其竟死也嗚呼志伊命之不淑有如是耶忘其疾以哀其母而至於不保其身亦童子中之能孝者耶銘曰

抱疾哭母幼心良苦卒于京師歸葬鄉土嗚呼是維孝童志伊之墓

故弟鄉貢進士思正墓誌銘

吾弟願字思正號貞菴初名頊又名致中生正統庚申八月二十八日六七歲卽喜讀書十五遍舉子業十七以儒士應舉不偶遭父喪服闋補邑庠弟子員數舉皆不偶成化甲午始以春秋中廣東鄉試二十五名上春官卒業冒監援例南歸歲戊戌十一月二十五日卒于家年三十有九明年十二月初九日葬高臺山祖塋之右思正倜儻有氣節謂天下事可反掌爲功名可戾挈致與人言嚶嚶自許雖屢困場屋而志不少衰養母理家暇卽肆力于學經傳子史蒐羅浸灌者久之及偕計如京中乙科例校校官時吾爲戶部郎中微諷之俾就職對曰弟寧依親而圖後舉冷職可恩乎旣歸益肆所學推其餘力新屋廬治產業井然有條尤汲汲以脩先塋爲念歲戊戌將復會試親老不果行未幾吾迎母夫人江西就養思正送至南安歸半年遂永訣矣悲夫思正性峭直待人假辭色於家庭間亦然至察其心則甚厚也見義勇爲排難周急無怠意與人交初若難合久而益親達官名士或親舊相過輒餽鮮斟醴談笑戲劇盡醉

藥川集

卷十四

二十

在茲堂

而後已善理繁冗爲詩文亦多可觀所遺有貞菴藁
曾祖以泰祖振宗俱以淳德稱鄉里父秉剛累贈奉
直大夫戶部員外郎母盧氏累封太宜人配同里黎
氏一子早逝以吾子爲後女三俱在室嗚呼甚哉天
道之難必也如思正者使假之年將必顯其才而成
其志孰意其遽止於斯乎縉紳士夫凡知思正者莫
不惜其天而爲之悲矧吾同氣之情當何如也銘曰
璞玉可器易琢而毀乎驥足千里易馳而止乎已
乎已乎造化之無情有如是乎

栗川集

利

卷十四

王

在茲堂

封文林郎江西弋陽縣知縣吳公墓誌銘

增城石灘存耕吳公之子澮登天順丁丑進士知江
西廣信府弋陽縣事有廉名成化丙戌朝廷下褒旌
之興封其父如前職母郭氏爲孺人寵光遠臨鄉邑
咸歆豔嗟嘆不置口蓋入國朝以來增邑人第進士
者由澮始其官于外得褒及所生者亦惟澮爲然越
二年戊子六月初一日存耕公壽七十有一終于家
辛卯某月 日塋螺峰下單竹坑之原又十年辛丑
十月二十一日郭孺人卒壽八十有二壬寅某月

日奉樞輿公合塋其子沅等以忻城知縣致仕同邑
廖侯奎所述行狀來徵銘吳之先南雄保昌人宋有
諱彥澤者始居增城迨公已八世曾大父昆正大父
德可俱以行義聞父彝台州府知事配羅氏生公於
洪武丁丑九月二十七日公諱勤字宗昂自幼岐嶷
有立志讀書務講明不專記誦詞章之習事親孝謹
處弟友愛待宗族鄉黨和厚有恩宣德間邑令蔣謙
薦公茂才以母老辭乃止平居惇禮尚義雖富不矜
周急解紛雖煩數不厭風儀秀偉襟度豁達人望之

栗川集

利

卷十四

王

在茲堂

莫不起敬而親之者必加愛焉賓友過從卽治具延
款談笑盡懽族黨凡賞會非公至不樂蓋一鄉推爲
長者而兒童氓佃亦知公爲德人也常慕古人方寸
留耕之句因號曰存耕縉紳君子多爲詩文以張之
天順甲申循例輸粟授散官承事郎階七品未久而
封章下矣孺人邑犀瀝濬郭公某次女生洪武庚辰
三月初八日歸吳氏克相其夫以事舅姑舅歿奉始
尤謹處家以禮教子女慈不失義貞淑之行著于閭
門丈夫子四長卽沅次澧早逝次漢爲叔宗勉後季

卽滄陞饒州府同知卒于官女三長適鄭溥次適陳
馳次適溫厚孫男六孫女幾惟吳氏世有厚德至公
益振其烈孺人又相成之教子成名榮膺天寵壽齡
福祉夫婦所兼非力善奚以臻此順嘗受公知愛且
舊與漕相善而交沅漢至于今不衰卽其家慶之隆
而公與孺人所以裕後者可知也已銘其曷有愧辭
銘曰

螺峰之陽雙壁斯藏勒石煌煌煥乎天章羅浮蒼
翠鰲溪瀾瀾鍾和萃祉尚永昌乎來裔

吳川集

卷十四

三

在茲堂

明攸鎮國將軍廣東都司都指揮同知安公墓
碑銘

廣東都司都指揮同知安公旣歿十有三年其子南
海衛指揮使玘奉東莞縣學司訓金先生禎所狀行
實詣予請曰先君子由千夫長歷閫寄以終平生所
樹立表表在人耳目有不密掩者惟是墓且久而玘
自蔭官以來歲歸于外未遑刻石墓門闡揚先德不
肖孤之罪其何敢辭茲幸託交執事願假一言以昭
不泯存歿均感矣予生長嶺南聞公名最稔用信玘

言不妄而嘉其用心之孝乃按狀而論次之公諱福
字景祐鳳陽宿州靈璧人曾大父某大父成國初隸
尺籍歿于王事父祥多材力從太宗文皇帝靖內難
有功累陞金吾右衛中所正千戶誥贈父祖如其官
金吾卒時公方九歲賴母趙安人撫育之援例優給
南都及冠北旋襲父職尋肄業武庠克自奮勵儒書
兵法靡不究心正統辛酉雲南賊首思仁發作孽朝
延命將興師往正其罪公以善騎射與選提兵勦賊
功最多陞指揮僉事戊辰從大將平福建賊陞指揮
吳川集

卷十四

四

在茲堂

同知俄丁內艱喪塋悉循禮既而命總五軍右掖景
泰乙亥征貴州苗賊有功陞指揮使天順己卯用知
者薦陞廣東都司署都指揮僉事時兩廣賊寇騷擾
公往來撫捕民恃以寧辛巳瓊州賊邵宣僞稱王據
城以叛會府謂公籌勇過人檄以圖之公曰此易爲
耳卽下令戒飭軍士誓殄賊安民無得少肆貪暴衆
皆凜然聽命舟師渡海一麾而捷誅其首惡俘其黨
類歸其被掠者數千人秋毫無所私壬午以討長樂
賊羅劉寧功實授前職成化丙戌選掌兵政時總督

兩廣軍務都憲韓公性嚴重負才識閫之長貳鮮克
當其意者獨以公爲廉勤練達俾司閫篆且論薦于
朝丁亥陞都指揮同知階鎮國將軍戊子奉璽書總
督海道事公益盡心效職夙夜靡遑一方寧謐惟德
威是賴庚寅冬十二月七日卒于官距所生永樂乙
未五月十三日享年五十有五薨東莞縣竹尾坑之
原配夫人王氏千戶王某女克相其家子男二長卽
玘有文武才畧次瑛廣州郡庠生女二長適肇慶衛
指揮僉事李宣次適廣州右衛指揮使王璜孫男五
吳川集利卷十四 五 在茲堂

聰忠德某某孫女二公歷仕五朝未嘗有過舉其自
奉清約其與人和厚其馭士卒撫卹誠至而紀律嚴
明所過無擾臨敵則智勇兼濟用成厥功雖在軍旅
手不釋卷客至則雅歌投壺歡飲而不致醉有古良
將風惜乎天奪之速弗克大究其成然德藹諸已仁
及於物功業彰於時慶澤裕于後其弗亡者固有在
矣嗚呼今之司閫寄者求如公豈多得哉是宜銘銘
曰

英特弱齡卽蔭金吾職武庠講藝親有德將畧儒
書咸究極提兵西南戰必克天寵褒功頻見陟五
羊分閫聲輝赫刻暴招懷費籌畫瓊山版寇肆兇
逆公往掃蕩疇敢敵釋脅殲渠獻俘賦民廷城復
敬休績一物不載尤清白再平長樂惡風息奏捷
承恩增感激閫垣視策動朝夕當道却聘愈力
錄勞進秩階鎮國海道茫洋司重責一方邊備嚴
脩飭戮鯨鯨了無迹風波帖帖平如席方期柄
用殫忠赤星隕山頽衆傷盡清勤智勇世罕得宜
吳川集利卷十四 五 在茲堂

壽凌煙登史冊竹坑馬鬣高奕奕焯德有銘鐫墓
石勲譽不磨來者式

梁川祁先生文集卷之十五

七世孫文友重刻

墓表

曾祖耆士府君墓表

祁氏系出晉大夫奚之後歲遠散于四方其自南椎遷東莞者以銀青大夫爲始由大夫六傳至我曾大父府君而祁氏益大以繁府君抱深淳之德敦正直之行脩之於身儀之於家達之於鄉邑者迄今六十餘年流風餘韻藹然未泯我大父處士暨祖妣李孺

梁川集

卷十五

在茲堂

人嘗稱道之我諸父尊姻暨鄉之先執皆能言之我先考兵部公又嘗舉以教曰汝其識之噫聞而不書非小子之責耶府君質而不俚直而不肆仁厚而不激其心坦然其容溫然其言論灑灑然見者知爲淳古君子也遭元季擾攘避兵無寧日國朝平定海宇始還故居脩拓產業家以饒裕嘗曰吾幸際太平且耕且學老於林下足矣有司廉其賢舉爲鄉老時年未五十而德望足以愜人才識足以應事抗公秉直舉無失當解紛息爭退無後言邑大夫而下莫不禮

重洪武二十三年援例如京師朝廷器其才將官之

時同行劉君初名已職郡幕府君獨辭不就受勅褒諭而歸優游夷愉聲利畧不介意出則備諮詢于公門入則脩規範于家庭其訓子孫也隆延師饋友之禮其仁嫻黨也有周貧恤匱之風衛邑官屬屢造其門往往宴留竟日歡洽而去親朋相過者亦如之邑令盧公秉安卓有賢名遇府君尤加愛重就其家諮以政務尋禮爲鄉飲正賓尊齒德也永樂癸巳二月初八日終于正寢生元巳卯四月五日享年七十有

梁川集

卷十五

二

在茲堂

五娶林氏先卒繼娶梁氏後府君十日而終墓在高臺山先塋之次公之諱曰以恭曾祖諱應辰祖諱士貴父諱子賢丈夫子四長勝宗任知州次守宗振宗受宗孫男十一曾孫男二十七順惟府君鄉之耆耄世之善人急於教子而長嗣臻州牧之榮勤於奉公而邑宰致尊榮之禮仁惠之洽也故德于人者無間焉方寸之留也故被于後者無替焉我小子從學有知叨祿于朝者皆府君之慶覃及也而敢昧所自耶是用琢石刻詞表于墓道以昭先德以告于後之人

處士夏侯公墓表

廬陵有隱君子曰夏侯公諱智字維哲生洪武辛亥四月二十五日終正統丙辰六月二十四日春秋六十有六越今數十年而遺休懿範宛然尚存其子若孫蕃碩且賢詩書之澤愈隆弗替卽是而觀可以知其入矣處士胤孫正由鄉進士司訓莞庠慮祖德久將湮微微言表其墓昔之葬處士也大理亞卿李公茂爲銘其悉今之表復何加焉雖然納諸壙者難知揭于隧者易見乃摘其行實而書之按夏侯氏之先

梁川集

卷十五

三

在茲堂

有諱詔者唐開元太常卿諱坡者後唐天祐常侍宋治平間八世祖諱自吉水廬江徙廬陵赤溪元大德中諱仕可者再徙官隴是爲處士之曾祖祖復禮父明德母李氏處士天性警敏能自樹立躬仁義履忠信不爲世俗矯僞之態脩於身者然也明德公因里役謫浦口死于非辜處士抱恨終身每言及輒悲泣不已復禮公墓在大山歲久叢木侵逼處士懼傷先人體魄卽遷葬祖塋吉兆而心始安事母孺人克共子職二兄惟善惟信早世獨綜家政綽有餘裕拓產

業建堂居歲時祀事惟謹行於家者然也平生好儒

尤急義方之訓遺其子汝震從中牟大尹吉水廖文顯受詩經復置家塾延房山司訓永豐戴啓鑰以教子姓由是學得其傳多所成就其廼後者如此嘗捐資開浚官塘溉田若干畝懷其德者甚衆里人李應辰妻無子以卒處士施棺葬之甥女鍾氏過時未配處士備裝嫁之以介直公平選爲耆老一鄉之人咸取直焉勸善化惡恒若不及故有忤母而因其開戒卒爲孝子如蕭汝信者有爲盜而感其寬諭遂爲善

梁川集

卷十五

四

在茲堂

人如尹以信者其孚於鄉又如此使處士進而效用弘厥所施功利在人尚有大可觀者而乃藏器弗售惜哉然德充于身儀于家而達之鄉邑亦足爲不朽矣配趙氏先若干年卒壽若干與處士合塋瀟溪朱家山之原子六人汝欽汝舟汝南汝楫汝霖汝翼女四人俱適名族孫男九人長卽司訓次本固本洪本隆本靜本輝本儉本豐本厚曾孫男八人儼鄉貢進士鳴呼處士善足以成已誠足以動物詩書禮義上克承其先衣冠文物下能振其後顧茲德可無述耶

是用揭其徽潛勒諸貞石夫墓之有表所以昭德而示信也賢如處士其不有以信於後而傳於遠也哉

中憲大夫山東按察司副使致仕鄭公墓表

古之君子出而用世也本之以廉正之行充之以剛直之氣時有爲則脩其職志不行則全其節世降俗下公道弗明柔佞奔競習以成風而狷介剛方者恒不得直遂其志至要其終則有公論存焉山東憲副鄭公所謂廉正剛直而全其節者也公諱敬字德聚厥先家閩之福清曾祖誠祖賢俱有隱德父諱美字

案川集

卷十五

五

在茲堂

案川集

卷十五

六

在茲堂

坐誣罔黜降公蒞後湖免焉三年考最頒給勅命封其父以已官母與妻爲孺人六載政績著聞陞江西按察司僉事無何以外艱去起復改河南按察司時論推爲老成有疑獄橫吏必屬公罔不得其情而當其罪巡撫大臣言於朝特賜旌異之典辛巳丁內艱服闋補雲南僉事吏部遣憑就其家起之至官暮年通前九載盈秩將之京土官循故習以兼金異貨爲賄公叱去一無所受考績居最賜誥褒崇贈其父奉政大夫按察司僉事母與妻皆進宜人尋擢山東按察司副使清慎剛果不渝昔時嘗清戎屬郡按部臨清所至伸冤理滯鋤強黜貪爲輿論稱許然當道惡其率易忤已亦多唧之成化庚寅朝廷下考察之令有以年耄議公者公忻然請老南歸是年十二月十二日以疾終於家春秋五十有八先配郝氏封孺人卒贈宜人繼胡氏封宜人子男三長廷英邑庠生次廷贊廷庸女三長適庠生蔡僖先卒次適鄉進士袁宜次適南海衛鎮撫范英孫男 孫女 公爲人不事矯飾脩眉古貌恂如也與人交落落難合所

作詩文質直古淡如其性然暮年益事書史前言往事之有警策者記憶談論灑灑可聽平生以氣節自高耻媚權貴以故出侍御僉憲逾九年始遷憲副又三年卽致其事公論惜焉雖然使公媿姻脂韋蠅趨狗附亦必驟躋華要以快一時之欲抑孰與清風勁氣久而常存者乎公塋邑城東佛子嶺之原遼府長史黃先生狀其行永州太守袁公銘其幽予素知公者不可無言庸述平生節槩表諸墓道匪直告其後人且以爲士俗之勸百世之下尚有聞風興起者哉

東川集

卷十五

七

在茲堂

奉訓大夫戶部員外郎李君邦治墓表

賢才之於世也生之難成之尤難幼而學之有不及壯行者矣壯而行之亦有不能究其所學者矣豈天之於才固靳歟抑才之所值有幸不幸歟尚書戶部員外郎李君邦治年四十有三以疾卒于官蓋才之弗壽行之弗究其所學者也君諱臨安字邦治號寅庵世家蜀之內江曾祖諱某祖諱觀儒學教諭以子藩貴贈兵科給事中父諱蔚舉賢良方正擢元氏縣尹母某氏邦治自幼穎敏知學甫成童卽善屬文從

教諭公宦游蘄水究心舉業十有餘載復從秋官王節用大司成吳與儉二先生受春秋得其旨歸領景泰丙子鄉薦登天順庚辰進士丁外艱服闋拜戶部福建清吏司主事善於毗贊嘗陳時政數事上多采用焉三載考稱受勅褒崇贈其父承德郎戶部主事封母太安人妻爲安人邦治感激圖報益脩厥職成化壬辰遷本部河南清吏司員外郎階奉訓大夫是年秋上以漕運稽程遣吏部左侍郎尹公旻往督之公薦邦治偕行籌畫相資事克有濟旣而公拜冢宰

東川集

卷十五

八

在茲堂

急於進賢而邦治以疏達廉敏見知有素方圖所以超擢之未果而邦治卒矣時成化癸巳四月二十七日也自冢宰司徒暨同朝士大夫咸有喪賢之嘆哭弔祭賻者倍於常情於此可以考其爲人矣娶教諭王養直之女丈夫子三元嗣亮嗣孝嗣鳴呼甚矣賢才之難成而天道之不可必也如邦治者學足以明理才足以適用儕輩中何可多得使假之年其所成就當不在今人下而乃止於斯耶邦治之歸塋也同年謝先生論德旣銘其幽元嗣復以李先生侍講所

狀行實徵予表之子知邦治爲深故其歿也悼之尤切是用撮其平生大槩俾刻于墓顧不腆之辭惡足以圖不泯然邦治所以不泯者豈俟予言哉

宋朝議大夫麥公墓表

公諱有成字名立姓麥氏東莞靖康人墓在增城縣獅子山已丙向之原歲遠且圯莫遑脩理諸孫歲時祭掃未嘗不動水木本源之思而懷怵惕悽愴之念於是七世孫頤等倡族人捐資以脩公墓八世孫或暨紹祖等奉里儒蔡鎧所述公行狀來徵言勒諸石

墓川集

卷十五

九

在茲堂

俾世世子孫知所自焉夫彰先祖之德以示後人孝之道也知先祖之善而傳之仁智之事也吾可以文之不腆辭乎麥之先南雄人宋南渡始徙居香山黃旗角有諱必榮者授朝議大夫公之父也公生倜儻有大志自幼聰敏嗜學嶄然儕輩中逮長克自奮拔不爲局促委靡之態仕宋爲朝議大夫階正六品雖其官稱治行不詳而當時貴顯可知矣由黃旗角徙靖康創屋廬置產業遂爲東莞望族平生襟度豁達寬厚仁恕家雖饒裕恒推有餘以周貧匱有解衣推

食之風暮年耽翫山水一日偕其子嘉孫適羅浮道過增城白藤嶺獅子山登眺徘徊不忍舍去顧謂嘉孫曰昔漢趙岐唐司空圖嘗預建壽藏人未有非之者吾觀茲山秀爽風氣攸聚欲擇壽藏於此可乎嘉孫領其言遂成其志比其終也於是而安厝焉子一人卽嘉孫仕爲招討副尉孫二人長貴華元靖康場大使次日岐曾孫三人曰澤曰善教曰玄可玄孫仲栗仲昂方進仲昂仕元季爲梅州判官迨入國朝諸孫曰景申者任仙居教諭曰佛安者羅陽巡檢曰冬茂者貴州新化府知事餘皆敦尚詩禮不墜先業蓋距公已九傳食指將二千計仁者必有後以公觀之其信矣乎公之生卒配偶皆不可考而其平生大槩猶可書也庸爲表于墓道俾後來者有所觀感亦以慰其諸孫追慕之意云

伯妣陳氏孺人墓表

國家重綱常之典女婦能守節者必旌其門以植風化然郡邑吏祇承有恭有悞故其人有遇不遇焉至于遐方僻壤吏民者渺知厚倫敦化之道而里胥貪

墓川集

卷十五

十

在茲堂

墨廢公比比皆然則節婦之被旌典益難矣若伯妣陳孺人自少孀居堅其節至於老且死而鄉耆莫上其事有司莫廉其行朝廷無自而褒旌焉此順所以長太息也雖然守節自盡道耳旌不旌奚庸計哉孺人東莞篁村故家子年及笄歸吾祁氏爲先伯秉常府君之配生一女將四周一子甫晬而府君歿孺人年纔二十有五自誓守志以存其孤時先祖竹塢居士祖母李夫人笑獨是矜加意撫持先奉直大夫體尊人之愛悖同氣之戚視二姪如已子然教育必均

梨川集

卷十五

十一

在茲堂

無纖毫厚薄態耕鑿所入周于一家不爲私蓄孺人之心益安焉平居不出戶庭不干外事而治酒漿躬紡織歲以爲常稍有贏餘卽儲積爲二孤計先祖旣逝奉李夫人又十餘載中遭海寇之擾兩徙其居憂勞淡泊蓋所備嘗其後女有歸男有立家道日充而孺人勤儉一無所改生質清癯素苦痰疾成化庚寅二月二十九日竟以是終距生時永樂己丑十月初五日年僅六十有二宗黨高其節而不足其壽云女適緱山余某男曰頴娶袁氏孫男一孫女二曾孫男

二順生弗逮事先伯而獲侍孺人頗久幼時與兄頴同學共處常被撫愛之恩後登科第而歸孺人每加獎待歲辛卯自郎署奉使過家已不及候顏色矣痛夫孺人塋溫塘長嶺之原其平生貞節不宜泯滅是用表諸墓石而補旌典之闕嗚呼貞魄所藏凜猶不死山川草木寧不爲之改觀耶

方伯吳公墓表

貴州左布政使吳公弘治戊申致政歸番陽與同時休致者方伯周公子建太守丘公時雍輩四五人相

梨川集

卷十五

十二

在茲堂

與結爲詩酒之會人以洛中耆英擬之越五年癸丑吳公終于正寢享年七十有五其子珏旣奉襄事乃以監察御史彭程所述行狀徵予表其墓夫士君子抱有爲之才得時行道以建勲業使惠澤及于人名聲昭于時生則人愛之歿則人思之斯可以爲不朽矣若公殆其人乎吳氏系出漢長沙王芮之後先世有諱寬者宦游弋陽卜居地之十二山至宋翰林脩撰諱浩者先掌教樂平因占籍焉公之高祖善三曾祖國賓祖世才皆有隱德父允升舉永樂辛丑進士

擢富陽令歷知和州廉聲惠政播之輿論公承家教之懿刻苦嗜學景泰甲戌登進士釋褐知閩之清流無何以外艱歸服闋補廣之東莞東莞邑大政繁且經寇盜剽掠之餘更數十年無賢令強暴梗化姦蠹滋蔓百事廢墜公盡心力爲之興利而除害扶弱而抑強崇學校勸農桑均賦役平獄訟事無巨細籌畫靡遺六載間政通人和上下稱戴巡撫都憲崑山葉公屢加旌獎成化丙戌陞守惠州時廣右賊寇肆爲猖獗朝命都憲姑蘇韓公總督兩廣軍務以勦平之

雲川集

卷十五

七

在茲堂

而薨之行者稱便計年勞方當柄用而公上疏陳懇乃得休致人猶望公復起豈意遽長逝乎母王氏有賢行配樊氏先卒贈恭人今與公合葬繼室施氏封恭人丈夫子一卽珪援例拜饒州守禦千戶所正千戶女五劉瓚黎昭葉珪董祚胡楷丘汝忠其婿也孫男二曰遠曰達孫女二公賦性明敏操行嚴謹閨門雍肅人無間言居官一循法度吏不敢欺由邑而郡由郡而藩所建事功不可枚舉豈非一代之才傑自足以致于不朽者歟余生東莞知公爲令之政蹟爲詳自公後未有能繼之者其推之廣極貴省肯此道也是用摘其大者表于墓石以昭百世其他細行則畧而不書

雲川集

卷十五

七

在茲堂

碑

石阡府學歲貢題名碑

科目之外每歲貢士我國家常事也易爲而志之在中國不志可也在夷邦不容以不志也志之何也見聖朝文運之隆超於古而人才之出不限於地也石阡屬貴州卽古三苗鬼方之域漢唐而下爲牂牁夜

郎之表舜舞于羽七旬有苗格高宗伐鬼方三年克之當時人才固未聞也周有賓興之典漢有勸駕計偕之令隋唐宋元取士之制不一斯時斯土曾貢士於上國乎抑有之而無志可考乎皇明六合混同威德遐布貴陽入國初卽附版圖馭以戎閫永樂癸巳始建藩建郡而學校興焉於是文教漸漬日盛月深科貢取人無異中國以故石阡士子刮磨奮勵樂應時需自永樂甲辰遂貢至成化戊子得四十一人自成化己丑考貢至今又得二十人皆游于太學上于

蒙集

頁

卷十五

五

在茲堂

重修石阡府城隍廟碑

城隍之祠未詳所從始唐李陽冰謂祀典無之宋陸務觀言自唐有祭至宋尤謹然考之元魏間梁人攻郢編箠篴絕上水流以阻舟道郢守慕容儼卽廟祈之須臾風浪大作箠篴斷絕梁人遂却則唐以前嘗有廟矣宋之時城隍或稱某神如鎮江府祀漢將軍紀侯之類而他郡不皆然者大抵高城深隍自有神以主宰之不必其爲誰也我朝著今天下郡邑咸祀城隍每歲兩配山川之享三主厲壇之祭與凡禱祈報賽必於是焉神之尊崇尤非前代可比石阡自永樂癸巳設郡卽建廟於郡南百步許其初制度苟簡正統己巳復燬于兵是後結茅數間隨葺隨壞風雨侵陵幾不可支成化丙午秋貴陽握兵者將有事于苗郡集民兵數百爲之助臬司僉憲廬陵周公行部適至觀斯廟之敝慨然欲圖之以民兵未行乃招而諭之曰城隍莫茲一邦爾民陰受其庇而廟貌若茲非所以事神也矧用師征苗尚資神祐盍因爾衆之暇爲之脩理乎衆感激咸願效力遂委推官張君榮

蒙集

頁

卷十五

六

在茲堂

督理其事伐木于山陶瓦于冶材用不足者官爲經畫不煩于民脩正殿及大門儀門各三間建後堂及左右司房凡九間堅朴宏敞煥然一新繚以周垣植以嘉木神安人悅向仰益虔蓋興工於是年秋九月落成於是冬十一月以數十年廢陋之餘而完美於旦夕之頃善哉僉憲公之使民有道也夫崇明祀以福生靈者朝廷之典明禮度以淑人心者有司之責石阡僻陋在夷凡宮室祭祀之禮皆未甚備其民喜巫信鬼而於所當祀者或忽焉雖習俗使然亦禮教奉行有未至爾余守茲土以來惟加意於祀典所載之神而未嘗一跡他祠下是故孔子之宮社稷山川諸壇咸以次脩舉至城隍一祠又幸公倡率成之國制之明民俗之正或由于此夫豈直爲觀美哉郡人士咸謂斯役不可忘願一言紀其成以垂諸後乃序而詩之詩曰

繫維城隍靈應夙彰祀事尊嚴遍于遐荒茲郡有祠久敝弗治忽正睭邪俗尚則夷遠邪必斥崇正宜力協衆經營廟貌乃飭正直惟神感通惟人弭患降祥

百福用臻祠事載藏國家常典制度脩明俗由以興神賜孔多民居則那勒詞詔後永世不磨

渠川祁先生文集卷之十五終

吳川祁先生文集卷之十六

七世孫文友重刻

雜著

李賀言不相副

黑雲壓城欲摧甲光向日金鱗開李賀鴈門大守詩也王安石譏其言不相副謂黑雲如此安得向日之甲光耶余嘗登山海東樓值天氣陰晦城上黯淡與雲相接半里間不辨人形俄然日光西見閃爍射人而東城陰晦自若也意賀之所書亦偶一時之見

吳川集

卷十六

在茲堂

西門豹

西門豹爲鄴令鄴三老廷掾歲飲百姓錢爲河伯娶婦巫行視小家女好者聘取裝飾之令浮河中以沒俗言不爲娶婦水即沒溺人民豹至期往會令投巫姬三老河中使白事至於弟子則凡三投之自是吏民大驚不敢復言爲河伯娶婦史稱其事如此予謂

豹之所爲以暴易暴非化民善政也夫不教而殺謂之虐民俗之化由上所以倡之使豹於其時集官屬豪長父老而告之曰大河之神是爲河伯遇水患福生靈乃其職也今爲之娶婦以死于河傷人害政豈神本心乎宜罷斯舉以安百姓設令河伯爲禍某獨當之於是爲文以告河伯撤絳幘釋新婦召三老廷掾巫姬于庭數其罪而責焉擇其倡謀者而誅焉吾意斯人悔過無違令者矣何至投巫姬弟子于河至三至四而後已哉夷考豹之治鄴民不敢欺大率威嚴之過舉此一端而其殘忍失序類可知矣聖賢之道固不如此史起有言漳水在旁豹不知用是不智也知而不與是不仁也嗚呼豹之不仁不智豈惟是哉

論文文宗弑逆

春秋書趙盾許止弑其君誅心法也愚謂元史所載文宗卽位事亦當以斯法律之方泰定帝崩明宗遠在漠北文宗以母弟先至自江陵捫位之時詔言諄切謂必俟大兄以遂其罔讓之心旣而明宗卽位和

吳川集

卷十六

二

在茲堂

寧之北文宗未嘗退避而於政務猶預行之是固不能忘情於帝位矣及謁于行幄明宗暴崩天下卽爲文宗所有原情定罪謂非文宗弑逆可乎惜乎當時無能舉正其罪俾得竊位於數年之間身歿之後雖撤其主而放其子亦晚矣嗚呼安得春秋之筆誅其心以垂戒於天下後世也耶

讀劉孝子傳

吾鄉琴軒陳先生嘗作劉玉孝子傳謂其生長介冑中能事母以孝母患病積諸藥不能治玉乃焚香願

藥州集

卷十六

三

在茲堂

天割肝煉糜以進及歸卧次昏眩而卒衛所上其事永樂七年有旨旌其門云嗟夫必若是則與韓愈鄔人之對異矣愈之論謂父母有疾烹藥餌以爲是未聞毀傷支體以爲養不幸因而致死其爲不孝得無甚乎吾觀今之人割股療親者皆志於孝而不自知其過也然或不損其身而能愈其親猶之可也至于割肝則又甚焉夫割肝者必死之理孝子之道不惟欲全其身尤必欲安其親已身之不全親心之不安未見其孝也雖然其視世之私其身而坐視其親之

危急者霄壤不侔矣然則玉之事忘其身以急其親者也心之是而迹之非也若必旌其門而目之孝其亦過矣夫

觀扁

臨清之俗多淫女婦以淫爲業旦夕奔誘者家相聞也道相屬也士大夫經其地聞其風必以爲笑且謂其習俗皆然然里巷間往往有旌表門閭者視其扁則節婦也究其人則守志不二者也於戲彼方紛紛紜紜樂於淫奔而此獨能誓不再偶偶猶不再况肯

藥州集

卷十六

四

在茲堂

私衆人爲禽獸行哉是知人各有志志于善者俗固不能遷也穢里之有君子其以是夫世之評人物者拘其地則疎矣

種賈

甲與乙鬻種太平街甲坐肆不出戶貨不飾價不貳有來市種者以定價語之價不足則使去市者弗察皆率而之它故終日不鬻一種而甲之肆寂如也乙所爲種事整飭染之而良薰之而馨拂拭之而鮮明日負數十走河壩遇往來人輒出相示人問之價宜

百錢必曰五百復之以其半則佯怒怒輒復來巧挑
疊出少增其直卽鬻去顧而他適得利亦如之乙見
甲語其故勉使效焉甲笑而不荅夫二家居同地藝
同等人與物不相上下而所得大相遠如此豈不以
飾詐求售者易存誠待價者難耶

倉鴿

鴿不知所從來止于廣積之倉亦不知幾年歲矣卵
生蕃滋結陣不能散脂其肉澤其羽日飛鳴倉廩之
上厥貯粟麥者悉爲窓以通氣鴿從而入焉誰呼共

寒川集

卷十六

五

在茲堂

啄飽而後出暮則群集廢廩中依棟爲巢甚高且棟
朽就傾人莫之近以故無能取者有善爲羅者晨而
來潛而窺鋪粟于地張羅于旁藏身以伺焉俄而鴿
覩地間粟以爲倉之餘也招其群下啄之盤桓跳縱
如平時羅一舉掩之殆盡有脫而出者亦驚皇遠去
莫敢回顧嘻彼之竊食而恣焉久矣其遭是也宜哉

讀素書

始吾疑黃石公所授張良素書必幽深奇僻驚世駭
俗非尋常語也茲得而讀之大要皆仁義禮智綱常

日用之道坦然明白易知易行與孔孟之言相去無
幾嗟夫漢初六籍已火于秦聖賢之道不著功利紛
紜莫能相尚良得是編用之其報秦興漢誠易易耳
然良之後是書無聞焉而傳者謂晉亂時盜發良塚
得其書自後遂行於世夫漢初距晉亂五百餘年良
之塚存否不可知塚雖存書未必如故而况盜之所
發利其器物耳見是書必不爲貴惡得而遂傳之是
固不能無疑也書凡六篇一千三百六言脩身齊家
治國平天下之道畧具而於用人失士賞功拾過則
屢言之遵道章謂所任不可疑所疑不可任者獨文
理不貫意其有脫誤者嗚呼是書果圯橋之所親授
者耶抑後人因而爲之也庸記之俟知者質焉

五嶺峨眉

杜甫寄李白古詩有五嶺炎蒸地三危放逐臣之句
時白流夜郎故及此解者謂五嶺三危與夜郎接壤
按大庾始安臨賀桂陽揭陽爲五嶺在楚粵以南而
夜郎乃今播州之域與古三苗相近而去五嶺則遙
矣不知甫何以云云豈亦一時借用耶又如白樂天

寒川集

卷十六

六

在茲堂

長恨歌峨眉山下少人行峨眉在嘉州與幸蜀路全無交涉此皆詩之難信者也

陶潛貧士詠

詠貧士一章陶潛作也首云榮叟老帶索欣然方彈琴原生納決履清歌暢高音按莊子云曾子居衛三日不舉火十年不製衣捉衿而肘見納履而踵決曳履而歌商頌聲滿天地出若金石由是觀之則決履清歌乃曾生事原憲居蓬蒿中併日而食無所謂納履清歌者豈潛別有據耶

寒川集 卷十六

七

在茲堂

平泉山居詩

歐陽永叔跋平泉山居詩謂李文饒夢寐不忘於平泉而終不得少償其志者人事固多如此而文饒詩亦云自是功高臨盡處禍來名滅不由人者誠哉是言也噫歐言失矣使文饒知幾勇退不爲富貴所縻則平泉之樂無與爭者禍患亦安能及之惟其溺乎權利冥不知止斯所以敗也豈可謂人事固多如此而禍亦何常不由人哉

詩傳可疑

幽風伐柯篇云我遘之子籩豆有踐九罋章云我遘之子衮衣繡裳傳以前所遘者爲東人自指其妻後所遘者爲指周公竊意此詩皆東人所作且一時之言未必語相同而義如此分別願俟知者質焉

孔子之荆

昔孔子失魯司寇將之荆先之以子夏申之以冉有此有若之言而檀弓載之也註云將適楚而先使二子繼往者蓋欲觀楚之可仕與否而謀其可處之位歟噫必若是言乃小丈夫之汲汲於仕而取必於智謀功利者也非吾夫子之道也夫子用舍行藏安於所寓而無意必固我之累安有預觀其可否而謀其可處之位耶蓋使以先其音問則有之矣註者以私心窺聖人故論之

諸彥回

諸彥回爲宋吏部郎山陰公主淫恣窺見彥回悅之白前廢帝召彥回西上閤宿主夜就之不爲移志主曰公鬚髯如戟何無丈夫意彥回曰回雖不敏何敢首爲亂階以此觀之亦美談也然彥回與袁粲俱受

寒川集 卷十六

八

在茲堂

宋明帝顧命後彥回歸心齊高帝粲則死於石頭語
日寧爲哀粲死不作彥回生於乎同一彥回也何明
於彼而闇於此耶豈非義禮之學無聞故僅能守小
節而終虧大道耶

雜志

予自壬寅歲謫石阡在任忽過五年矣因記歐陽子
自勉詩云官居處處如郵傳誰得三年作主人則吾
之久此亦足爲樂也

余嘗譏世之學仙者以爲虛誕惑衆之甚蓋一生一

真

卷十六

九

在茲宣

死入理之常安有長生不死而謂之仙也况仙不可
見與死亦何異哉及讀歐陽子感事詩云等爲不在
世與鬼亦何殊得仙猶若此何況不得乎乃知昔人
嘗論之矣

石阡多名山環郡治左右前後無非山也郡治之外
東西南北無非山也余處茲山中頗久凡所吟詠必
及於山因念昔人言有云許渾一身水杜甫一生愁
皆以詩言也余之詩渾是山矣至讀歐陽子題青州
南樓二絕有云須知我是愛山者無一詩中不說山

是又先得我心所同者然歐陽子寓青州只一載耳
其所得於山者孰與予之久哉

韓退之聽穎師彈琴詩末云推手遽止之濕衣淚滂
滂穎乎爾誠能無以水炭置我腸歐陽永叔彈琴詩
亦云方彼夢中樂心知口難傳既覺失其人起坐涕
洟瀾二公之詩皆有所感也退之所感者琴中之操
永叔所感者琴中之人其意深且遠矣彼樂天聞商
婦琵琶而淚濕青衫者乃遷謫不平之感惡足與韓
歐例論耶

真

卷十六

十

在茲宣

知音難知言尤難歐陽公一代英偉然以退之聽穎
師琴詩爲聽琵琶此知音之難也又以易繫辭非孔
子之言周禮非周公所作此知言之難也噫歐尚如
此况不逮歐者乎

吾寶安何文季先生號蘭齋在宋末以詩名鄉先生
謝世已久詩亦散落人罕知之余近編寶安詩錄嘗
載其所作數首內一律云衣冠不忍墜家聲風雨瀟
瀟鷄自鳴身似孤蓬隨地轉家無長物帶書行淒涼
松竹鄉心在淡薄薑鹽世味輕幸有田疇堪料理何

如買犢且歸耕此其寫懷作也弘治戊申二月二十
日余至思南府分司觀壁間書此一律罔知其所由
來徐思之乃貴州憲副陳君粹之往年嘗觀吾所編
詩錄必其記憶此律遇按節思南之暇而書之也噫
寶安距思南五六千里先生之詩在鄉人已不及知
而斯律乃傳於邊夷遼邈之境其偶然耶其有數耶
抑天地鬼神不没人善晦於一時者必使彰於久遠
耶

成化辛丑余以江藩叅政考績之京尚書兵部武選
掣川集貞卷十六 十一 在茲堂

員外郎湖口梅君愈字宗韓以山水書求題予走筆
偶書一絕其末句云恍惚武陵溪上景桃花流水釣
舟閑明年余謫守石阡又明年宗韓出守常德乃武
陵桃源之地與詩相協余聞之欲更作詩寄宗韓未
果而宗韓解官去弘治己酉夏四月余守制南還舟
過常德觀其溪山正猶向日所題畫中景追問宗韓
已爲泉下人矣感今思舊爲之泫然

哀溺解

柳子作哀溺文謂零陵之民善游其一腰千錢重是

以後其侶呼使去之搥手不應遂至溺死因以哀大
貨之溺大氓也夫溺者死貨天下有之不但零陵爲
然抑其所以致死者在於腰錢之初不在於搥手之
際當其身在水中盡力而不能尋常則雖欲去其腰
間之物或危殆而力無所施膠結而貫不可解矣世
之貪人聚貨專利惟日不足一旦惡盈禍至雖百計
求去其利以免於難豈可得乎故君子惟慎其始以
善其終小人則貪利忘身呼號莫救皆腰錢而溺死
者也余過零陵偶憶斯事乃爲之解以警世人

掣川集貞卷十六

十一 在茲堂

題跋

改正家譜題辭

順初作家譜圖以銀青光祿大夫爲始祖以元廣兄
弟爲二世蓋宗支傳寫如此成化辛卯以公事之便
歸自京師十二月二十二日拜銀青墓于牛眠石天
紫岡至則銀青之左復有一墓題曰宋機宜祁公佳
城其字大二寸許旁刻四子乃元廣兄弟也問之族
伯義忠甫云吾年七十有五自劬拜墓觀碑碣而知
之機宜銀青之子宗支傳寫以銀青光祿大夫三六

機宜爲一人是以誤噫使順不加詳考而徃於傳聞則忽畧先世誣罔後人罪孰大焉用是悔悚不寧謹爲更正如右始祖之墓舊題曰宋銀青光祿大夫祁公佳城旁有山人勵布衣數字前十年猶及見之今則無一點畫矣機宜墓刻明白可觀然年月以剝落不能盡識後數十年所存又豈得如今日耶因併書以告來者

題奉使中山詩卷後

奉使中山詩一帙縉紳君子爲韓君貫道作也貫道

案川集

卷十六

十三

在茲堂

登天順丁丑進士擢行人司行人成化辛卯春朝廷遣使冊封中山王貫道時在選列廼自京師持節而南歷江淮吳越以抵八閩又自閩航海涉澎湖之島經龜鼉高華之嶼以達琉球宣布聖明威德於萬餘里外大禮告成全節而歸君子謂其得奉使之體雖陸賈傳介子不能過也然余於貫道斯行猶有所歎慕者焉嘗聞周繇觀海詩有願作乘槎客翻然去隔年之句而蘇子瞻南遷度海亦以奇絕冠平生爲言異其景也又聞司馬子長浮淮沂江望雲夢洞庭彭

蠡之區莫不忻焉有會故其爲文奔放浩漫而停瀄淵深得其助也琉球國于海東波濤際天變怪萬出望之若蓬萊三山未易而至茲得奉揚聖天子威命往遊於斯縱大觀豁心目而舒平生豪邁之氣其爲奇絕何如其所感發何如余固不得而窺矣噫丈夫奇遇有如此哉貫道九載行人盈秩今遷尚書戶部員外郎於予有同官之雅間出此詩見示因題其後而歸之

題宋奉議郎丘公櫛所受勅

案川集

卷十六

十四

在茲堂

姑蘇太守丘君時雍世爲番禺人始祖諱櫛字敬之登宋嘉定壬戌榜歷官至桂陽太守階朝請在嘉定中爲奉議郎將作監丞嘗受勅褒崇有疏明淹博之稱而其父母亦蒙推恩之典世代變更斯勅淪落已爲他人所有至時雍詢而得之遂購而復焉公勅一通頒於嘉定十五年十二月十四日母黃氏安人勅一通頒於嘉定十七年十一月七日其父所受勅則無存矣嗚呼自嘉定至今二百餘年二勅失而復得豈造物者默爲呵護俾奉議之流風餘韻得以彰於

後耶抑時雍尊祖敬宗之心足以感神明而光復舊物耶夫孝子慈孫不忘其先者片紙隻字輒寶藏之如拱璧然矧斯勅爲丘氏故物而祖宗之名實寓焉尤可重也時雍裝潢成軸以侈前人而垂後世其用心可知矣

題貞菴詩藁

吾弟願字思正號貞菴以春秋領成化甲午廣東鄉薦試禮部辭校官卒業胄監歲戊戌冬十一月卒于家年三十有九初思正舉鄉薦至京師時余爲戶部

冀川集 貞 卷十六

五

在茲堂

郎中同寓逾兩月思正出途間所爲詩求正未有以復之及其還也士大夫與余交者贈詩至三十餘首余亦依韻作焉思正到家之暇和余前所作及以他詩數章併寄余藩司余方荅以書而思正已卒矣痛哉思正平昔吟咏頗多余所得者僅有此耳恐其久而散失於是錄爲一帙藏之書笥每一展讀如吾思正在焉嗚呼同氣之親急難之義今其已矣誦蘇子風雨傷神之詩味米庠弟兄歸隱之句豈但惻然悽愴也哉

題志伊詩藁

父子之道天性也生而愛之歿而悲之情之不能自己者也祁氏子志伊年十三以卒所遺七言律絕詩及舉業破題凡數帙余每見之悲不自勝藏之數年啓而讀之悲猶前日也嗟夫余之所以悲志伊者庸有窮乎志伊自幼喜讀書侍余官京師習詩與舉子業頗達理趣雅愛劉伯溫先生覆瓿集中歌詞手抄口誦無慮百十篇其他文集所載及一時士大夫之作相傳誦者志伊得於見聞輒能記憶間造余官署

冀川集 貞 卷十六

六

在茲堂

卽取架上書熟讀詳味有所感發則掇拾成章筆而藏之月以爲常余弟思正領甲午鄉薦至京于時志伊病疽且喪其母甚戚然侍側求教無倦容旣而思正南還志伊久病憂鬱嘗竊爲詩以洩其思多嗟嘆不平之態蓋將卒而自哀其不幸者也夫志伊年弗及長業弗克進片言隻字奚足以聞於人然余悲其有志於學而莫之遂是雖命之不幸而其志庸可泯乎乃擇其詩頗近於理者得七言絕句若干首七言律若干首全章失而僅存者若干句併錄成編以圖

永久其舉業諸作不預焉昔人有詩曰眼看白壁埋黃壤何況人間父子情誠哉言也然則余之所以悲志伊者庸有窮乎

跋蕭文明草書刻本

前兵科給事中蕭君文明博學之餘游心草聖其書古勁冲融奇變疊出而忠直剛毅之氣蔚然於筆端見之君在京師時士大夫求書者無虛日比以言事出爲鎮寧別駕而心畫妙迹又流布於西南萬里外矣甲辰之夏君攝銅仁郡事銅仁司長李椿永年得與川集

貞
卷十六

十七

在茲堂

其所書千文及赤壁賦卽鏤梓以廣其傳夫書因人而著也漢晉以來工草書者何可勝數而唐之顏柳宋之蘇黃獨爲天下後世所樂稱者豈非以其大節之足重哉蕭君平生忠義不下昔賢其書當傳遠無疑也永年官土著而尚儒雅觀斯舉亦可知其爲人

梅花十詠跋

貴州憲副冷菴陳先生近作梅花十詠蓋次嘉興太守徐侯用濟韻也援事精切遣詞清新韻皆渾成如自已出前兵科給事中山海蕭君文明獲觀是詩擊

節而嘆賞焉文明素知言且善草書謂斯作不宜秘也忻然爲書一通將梓行之間寓書屬爲之跋先是

余得是詩讀之愛其韻格高絕出乎梅花之上每欲舍其英嚼其馨味其清華華然不忍舍也孰知文明之愛亦與余同乎使人人皆得而觀之其所愛當不異於吾二人者矣或曰陳晞顏和梅詩八百餘篇猶自以爲未足茲僅十詠而欲必傳乎噫是不然自陰鏗何遜以來數百年間詠梅者何限而宋林逋疎影暗香之句獨至于今不泯詩豈在多耶然則冷菴十

集

貞
卷十六

十八

在茲堂

詠殆有餘矣

題藍溪雜韻卷

昔杜少陵居浣花草堂王摩詰居輞川別業咸以賦詠爲樂所謂雪峰錦里萬里橋百花潭之類浣溪景也歆湖柳浪華子岡竹里館茱萸泥辛夷塢之類輞川景也茲去二公七百餘年然所居勝迹在人耳目宛若前日事是何哉以二公之詩有足重焉爾不然自唐以來豪家貴族居處遊賞之地繁華美麗熏赫于時者何止千百數而今皆蕭然落莫無與前之草

堂別業並稱者詩道之垂世焉可誣哉吾友琴窓陳
先生世居增城石灘近得別業于邑之藍溪其山川
景物最清勝也先生嬉遊其間寓情詩酒於塵事一
不掛意凡天時人事與夫泉石煙雲花木禽魚之屬
形諸賦詠日盛月新識者謂藍溪之景不減浣花輞
川先生之詩不失少陵摩詰矩度其足以彰今而傳
後也無疑矣先生不遠數千里以其所作藍溪雜詠
百餘篇寄于石阡郡齋遍誦之餘識此以復若其平
生所作其他集者茲不書

吳川集

卷十六

十九

在茲堂

吳川祁先生文集附錄卷上

七世孫文友重刻

誌表

明通奉大夫江西左布政使祁公墓誌

南昌張元禎撰

明通奉大夫江西左布政使祁公卒于位南京翰林
院侍講學士南昌張元禎其同年而契厚者原公崇
古之志遵朱子墓禮爲誌諸墓公諱順字致和號達
菴又號吳川居士其先宋銀青光祿大夫某由南雄

吳川集

附錄卷上

一

在茲堂

徙今東莞之黎涌曾祖以泰祖振宗考秉剛以公貴
贈戶部員外郎母盧氏贈都御史映賓之女以公貴
封太宜人公生宣德甲寅九月初八日年十七領鄉
薦天順庚辰第進士在首甲以姓名皆近上諱移置
二甲第二癸未拜兵部主事東守山海關代歸轉戶
部預考會試累遷員外郎郎中成化乙未建儲奉詔
使朝鮮未幾陞江西左叅政甫三載進右布政命未
下坐事註誤左遷貴州石阡知府壬子丁母憂服闋
陞山西右叅政乙卯進福建右布政使尋轉江西左

布政使守山海廉聲聿著使朝鮮詔至其王故郊迎
不拜公諭以禮卽拜中官偕行者貿易素以萬計悉
屏之而女樂之奉金帛之餽皆麾却不受天子嘉焉
在石阡盡心職務變夷習以禮教自國初來始有擢
科登進士者當道數以治行薦憂聞士民不得留則
競解公帶以識去思再任江西政持大體庭無私謁
惠澤之漸甚博公帑不濫動一錢卒之日羸可私之
金數千而妻子至不足於食廷論舉都御史者再由
無內援皆不果公問學該博而要歸於身心平居未
嘗妄笑語去冠幘役黠者憚不敢逞居官不辭勞瘁
恐恐於吾君吾民之有負其著作有吳川集使東蒙
冷菴翠渠倡和及寶安襍詠卒弘治丁巳十一月六
日葬本邑牛眠石金釵嶺之原娶鍾封宜人繼廖側
室梁子九人志伊敷敏鍾出皆殤政敕敦廖出敏敦
孜梁出敏登壬子鄉舉女四人黎臯張瑤衛邦制婿
也一尚幼云

明故江西左布政使祁公墓表

鉛山費宏撰

襄別集

貞附錄卷上

二

在茲堂

公以弘治丁巳十一月六日卒于位享年六十有四
卒之又明年己未正月十有六日葬于東莞牛眠石
金釵嶺之原蓋十有三年于茲矣其子戶部郎中敏
以公墓上之石未有所述也自狀公行來卽予圖之
公有惠政在吾鄉予奚容以辭讓爲事公諱順字致
和姓祁氏別號吳川其先有仕至銀青光祿大夫者
自南雄徙東莞曾大父以泰大父振宗考秉剛贈奉
直大夫戶部員外郎妣盧氏封太宜人公生十有七
年以春秋領廣東庚午鄉薦天順庚辰始登進士第
拜兵部主事鎮山海關代歸改戶部督餉臨清累陞
本部郎中尋陞江西左叅政坐累左遷石阡府知府
以太宜人憂去服闋陞山西右叅政歷福建右布政
使江西左布政使以終大廷之對傳者謂公宜舉首
以其姓與各皆近英廟御諱於傳臚弗便也乃抑置
第二甲第二人成化己丑嘗同考禮部試藻鑑精甚
乙未以建儲奉詔諭朝鮮賜一品服前此往者從關
人數百陰有所挾以規厚利公不許止土兵三十人
從其王迎詔不拜謂故事則然公以禮諭之乃拜館

襄別集

貞附錄卷上

三

在茲堂

其國恪守使規諸所餽遺悉拒弗顧及遣陪臣入謝并刻其所爲詩文以獻焉由是聲稱益重朝著石阡自開郡來無貢舉公親爲講授居六載彬彬多秀異之士又爲闢屯田除虎害民賴以安撫按之使交章論薦三原王端毅公在吏部亦疏引之然公雅尚恬退雖中遭挫抑而志操益勵官保丘文莊公與公同鄉少師晦菴劉公公同年友也知公才可大用而屈於下位當是時皆欲薦公公未嘗念動辭以書甚力歷官四十年家業視初仕無所增在茲堂

案川集 附錄卷上

在茲堂

三千金病且革或謂公之子盍因修纂誌書取而用之母徒爲來者所得語聞公戒其妻子曰吾平生慎脩欲無少玷吾卽死汝輩若惑於人言而侵用此金吾目必不瞑矣寧歸而餓死可也將易簣猶諄諄及此蓋公以清約自守雖隱微之間死生之際亦不少變是可以爲難矣配鍾氏贈宜人繼室廖氏子男五人長卽敏次孜次政次敦次敦敦皆鄉貢進士女若干人其婿某某孫男若干人女若干人公最孝友弟願領鄉薦早世撫其二女視已女有加焉族蕃以

大奉先故無祠乃捐貲創建又買田以供伏臘祭之日少長畢會恩誼藹然性好學自少至老未嘗一日去書不觀所著有與川藁使東藁倡和錄寶安禠詠等集藏于家嗚呼人之能各有所偏故長於著述者試之以煩劇常病於迂善於刺裁者試之以藻績常病於陋卽使二者兼長而操存踐履或有所虧則亦浮華鄙穢之流耳若公者博雅疏通名譽藹蔚廉介之節確守不渝豈不賢遠於人哉位雖未滿其德才雖未盡其用然卽其已立者而觀之固足以垂諸不朽而無媿况戶部君克承厥志學與行皆世其家公之所已施而未食其報者當於此乎酬之公宜無憾矣賜進士及第資政大夫禮部尚書兼經筵日講官

案川集 附錄卷上

在茲堂

鉛山費宏撰

詩

贈歸省詩

金谿吳英

吏部主事

曾超金殿聽臚傳共對君顏咫尺天科第不居韓愈後狀元應是宋祁先扁舟暫理南歸棹匹馬行催北上鞭欲贊皇猷須及早莫因茲重留連

奉使朝鮮贈行詩

瓊山丘濬翰林侍講李士

鸞鵲天書五色裁中原使者下天來白山綠水玄菟境玉珮瓊琚綉虎才絕域喜沾新雨露遠人驚見古鏡懸知不是乘槎客肯帶蒲萄苜蓿回

又

新喻傅瀚翰林脩撰

九重吉日建皇儲四牡清晨起使車邦國太平千載運絲綸細札十行書星移闕下華夷見路入天東故舊疎爲報九都人總喜只今四海盡無虞

又

長沙李東陽翰林侍講

吳川集貞附錄卷上六 在茲堂

聖代提封盡海隅朝鮮東面一藩如冠裳舊入周王制文字全通漢詔書千里威儀瞻使節萬年臣妾賀宗儲茲行大抵關風教四牡歌成意有餘

又

晉陵陸簡翰林脩

天上陽春動玉珂郎官文采麗山河前星正叶今呈彩東海應占久不波徼外龍光騰遠譯人間麟趾溢新歌歸來獨許華勛在鶴禁千秋蹈舞多

又

東蒙李炯然戶部郎中

聖主封儲賚遠人仙郎持節下楓宸邦家有本華夷

賀天地無私雨露均詩到鷄林應長價馬過鴨綠漸回春歸囊不受千金贈留得清風滿海濱

又

前星一點照春闈仙使傳宣外國時四牡敢辭原隰遠三韓初識鳳麟奇朝廷自是因人重雨露何曾擇地施浪說郵亭花似錦鐵心寧賦斷腸詞

又

山海蕭顓兵科給事中

聖代全宏宇夷王守遠方萬邦同禮樂重譯問梯航睽北朝鮮國原封箕子疆率先歸展覲久矣效忠良吳川集貞附錄卷上七 在茲堂

北向乾坤大東藩歲月長恩歡如父子貢錫接玄黃天子明明詔王臣蹇蹇將島烟清宿瘴嶠月湧寒光佩劍初明鵬征裘已被鸛形廷持節使粉署校文郎少海新添潤前星迥耀芒建儲尊國體傳制振皇綱風雅詩懷壯傳宣禮數詳歸裝無意效千載姓名揚又 南康鄧存德刑部主事帝座前星光燭天肅將明詔諭朝鮮恩沾禹貢山河外節度句驪海嶠邊擁馬塵清人似玉紀行詩好思如泉歸來願獻尊華錄國本不隆億萬年

題使東臺詩

僊遊陳遷參議

誰視千金等一毫男兒到此是英豪
遠人未識文章重惟重先生節義高

儀容濟濟氣巖巖花月無緣奉笑談
堪嘆昔年陶學士至今遺曲在江南

考績還江西贈行詩

安成彭華詹事府詹事

嶺南才傑來西江薇垣三載稱循良
能不茹柔不吐剛考績書最獻明光
帝曰汝仍莅是邦撫摩黎庶恒如傷
公拜稽首敬對揚夙興夜寐寧敢忘江
頭明日

樂川集

附錄卷上

八 在茲堂

促歸航秋風吹鴈正南翔故人執別上
河梁躊躇更爲盡一觴寒暑代謝無留
停可徒陽切人生離合良不常
百年樹立須壯強廬山屹立庠穹蒼鄱
湖萬頃流湯湯名與爭高澤與長行看
詔起居廟廊經綸却補舜衣裳旬宣豈
啻滯一方

又

莆田陳音翰林侍講

曉日鳴珂滿御堤送君還佐大江西
論交共許情如海酌別何妨醉似泥
北關衣冠沾雨露南邦父老望雲霓
休言後會知何日聞道公台久已僊

又

餘姚謝遷翰林脩撰

蕭蕭馬鳴鞭淅淅風吹柳藩參駕言旋
東軒一樽酒相知何所贈歸路莫遲久
頻聞大江西於君仰山斗赴石阡任贈
行詩

三山陳煒江西布政

一命由天下孤舟冒暑行升沉應有數
得失見平生物望從來重蠻煙此去清
倚閭人望久便道且娛情

又

徽省關心處章江送客行炎風天際起
晴雪浪頭生志氣乾坤大襟懷水月清
斯人顛倒用聖主有微情

樂川集

附錄卷上

九 在茲堂

又

姑蘇陳琦江西僉事

進不爲欣退不憂果然豪傑在儒流
東坡嶺表詩九妙韓子潮陽化更優
阡郡兒童迎去馬楚天魂夢落孤舟
皇恩浩蕩寬如海此去寧教久滯留

賀石阡得士詩

廬陵周孟中貴州僉事

石阡科第破天荒造就君侯信有方
白日海門龍變化青霄丹穴鳳翱翔
文翁治蜀真堪比常袞廉聞與有光
豈特一時誇盛事流傳千載汗清香

寄詩

白沙陳獻章翰林

辱示遊白鹿洞佳作閣下文日進矣鄉里有
人矣廬山五老不可謂秦無人小詩一首聊
以代簡不足爲斯文重也

文章後出衆稱工鄉里斯人豈易逢聊將白鹿千言
賦直壓廬山五老峯胡兒豈盡能騎馬赤手如何敢
抽龍醪酹一壺春酒後半籠衫袖笑龍鍾

又

莆田彭韶 貴州布政

累承教墨兼以佳什期許之意至深至重非
韶所可當也故弗敢荅雖然盛意不可虛辱

葉川集

附錄卷上

十

在茲堂

謹以近時鄙作錄呈庶見方寸萬一云

人過中年百事休聲名進退上灘舟古廉罷繫無忠
諫貞一成章少壯猷何處爲山真壁立幾時鑿井及
泉流昔賢盛美應難繼軒冕忘情任去留

又

人過中年百事休自知涯分更何求紅塵紫陌無新
夢秋鶴春猿有別愁雲洞遠鐘山舍靜玉湖疎雨草
堂幽在官未敢輕言去且寄閑情與白鷗

又

楊一清 提李僉事

誰將羈思落愁邊自古陰晴造化權使節清風曾仰
止省郎才望尚依然雲中古樹迷山雨花外晴樓入
野烟不得相逢話裏曲浩歌空對月明前

和詩

鑑湖司馬聖 福建按察副使

嶺南人物見于今湖海深情玉雪襟古栢斷厓無俗
氣朱絃清廟有遺音我當衰病天容逸君戴洪恩日
轉深出處人生偶然耳歲寒當共百年心

又

廬陵周孟中

五袴歌聲一郡祥薰風白日坐黃堂容身豈是乾坤

葉川集

附錄卷上

十一

在茲堂

窄際世還依日月光江右鳶魚猶鼓舞石門草木盡
芬芳愚溪謾說閑今古却嘆江流曲似腸

又

番陽丘霽 蘇州府知府

雄才高節播東瀛都在皇華四杜行行李何曾携長
物郵籤不遣報前程一函宸翰宜王化四座賓筵屏
鄭聲淡泊此心何所似玉壺寒露烟雙清

又

山海蕭顥

憂樂吾心本自真前途不道是迷津莫嗟往日謀身
拙且看浮雲變態新異域人情難盡合故鄉泉石可

相親相知賴有祁參相燁燁餘光足照鄰

又

南海何文滄戶部員外郎

西人翹首望旌旗報道民風可坐移十載旬宣今再仰一生忠藎我全知習飛鷹隼徒稱捷挺出孤松每較遲元氣又看還領海不妨重詠曲江詩

挽詩

姑蘇陳琦

計聞將信又將疑未滿仁人百歲期左轄有才天不限中丞無位數何奇文章豈止東夷刻勲業還應大史知我獨平生感恩義薤歌題罷淚交頤

東川集貞附錄卷上

十三 在茲堂

又

廬陵王臣春坊庶子

嶺表西風旅櫬回士林憔悴可勝哀天何遠奪楊公壽世復誰如子產才舊好未忘頻入夢佳篇雖在幘重開休光非特生前仰猶有殘膏及後來

又

安成羅善進士

英華早發冠群倫仕路飛騰四十春楊子清聲傳外庸召公遺愛被吾民忍聞鵬鳥成長賦重惜龍光躍去津史爲大書昭墓碣勲名不愧回麒麟

題名臣錄詩

順德黎暹府同知

先生生賢安秀氣鍾羅浮卅角稱穎悟端居事藏脩

五經總探討而尤邃春秋一目十行下一掃千軍愁

秋闈千人上春榜二甲頭英英地官郎會計操牙籌

數目佩胸臆不假簿籍求禮闈司文衡人比蘇與歐

使節一朝行夷王十日留才高鳳凰賦節厲貂鼠裘

復命北闕下布政西江陬仰探鹿洞高俯瞰蛟潭幽

一鶴未東歸五馬還西遊賜環終復用黠玉何足羞

明堂缺梁棟大木摧山丘平生制作處翰墨徧九州

公死猶不死寶桂芳且稠何處覓山碑觀者當淚流

東川集貞附錄卷上

十三 在茲堂

文

歸省贈行序

讀書而第進士榮矣登第而歸故鄉亦榮矣兼茲二榮何榮如之寶安祁順致和初開悟負奇志從其舅氏少卿廬公受春秋學未冠卽領鄉薦明年試禮部得校官曰非吾志也辭又三年再試亦如之曰非吾志也辭又六年是爲天順庚辰凡三試始得雋褒然超出三千人中而預百五十人之列廷試賜進士第二甲第二通榜而計之蓋第五人云自開科至今

嶺南人在甲第四五者無幾人而再見於致和寶安人登名進士者中絕幾二十年而復續於致和是又遭逢聖明得歸故鄉詔旨丁寧恩渥優異近歲所未有也前此數科鄉人得第歲多或十數而是科僅三人而致和特在三人之前而其年又爲最少其爲榮也同衆人而於衆人中尤榮者焉矧又慈親在堂康強無恙今茲之歸錦衣紗帽娛侍左右山川爲之改觀閭巷爲之增光而其爲樂也豈直常情而已哉雖然固榮矣亦樂矣是乃世俗之常態淺乎爲丈夫之

與川集

附錄卷上

十四

在茲堂

仰無愧焉斯可矣君子之所謂榮且樂者蓋在此而不在彼也致和有志者也異夫淺之爲丈夫者也予故以古君子之道期焉致和行而過滁陽見乃舅焉其尚以予語質之賜進士出身文林郎翰林院編脩瓊山丘濬序

奉使朝鮮贈行詩序

朝鮮古箕子封國秦漢以來爲中華邊郡後高氏王其地隋唐盛時皆連歲東征以殘其城郭人民故其國守死與抗雖力不贖而服竟非其心我太祖高皇

與川集

附錄卷上

十五

在茲堂

帝奄有寰區兵力倍徙於隋唐乃偃武脩文首降大命以正其君之位號而撫其臣民與宇內藩疆視爲一體列聖咸率舊章有隆無替凡國有大事必遣使往詔於其使臣之來加以殊遇恩禮覃洽踰百年于茲故其國君臣黎庶仰戴天日稽顙臣伏以奉我正朔方物輿馬之貢絡繹于水陸且推誠夾輔以幹不庭自啓運至于今罔有貳志樂天畏天之胥遇誠曠古所希有而可爲千萬世之美談也乃者聖天子冊立儲宮遣使詔天下諸藩戶部郎中東莞祁君致和

寔有朝鮮之命使節出都門京國諸薦紳祖餞者皆賦詩與別予乃作而言曰昔周文王之世虞芮質成服從四十餘國論者謂雖由聖德之盛亦由奔走之臣以喻德宣化而致然也今皇明之治臣妾萬方雖聖德配天罔不覆幬亦豈不由使臣能宣布恩旨以少賚其萬一哉致和質而文吳而介平昔所蹈履者皆寅恭罔忽矧銜綸綍之重以使于外藩國體遠情一繫其舉措其肯苟處哉朝鮮崇孔孟氏教右文秉禮凡天使臨其界迓將敬奉惟恐有所不逮則於使

東川集

貞 附錄卷上

六

在茲堂

臣之賢者又獨不疎敬而儀文之益加乎致和是往而復也凡其國寅賓之悃與夫山川形勝國俗異同皆當具識于心以上需當寧之問而下及公卿大夫士言之賜進士第文林郎翰林院編脩莆田陳音序

紀朝鮮使事

成化十一年冬我聖天子建立儲君詔示天下而朝鮮介在東服奉職竊謹於是首遣戶部郎中祁公致和爲正使行人司副張君瑾爲之副詔往諭焉公以清介之操博雅之學見重朝著故有是命及竣事而

還朝鮮君臣以公途次往返之作刊印成集馳獻于上而傳播于其國旣而遣陪臣謝恩致賀復疏公使事爲國朝第一由是公之賢名簡在上心而在朝士夫無不羨仰者然朝鮮雖重公之學稱公之操而其所以行事與夫東人受惠之實集與疏皆莫能載霽生長遼陽熟知厥事不有紀述非缺典邪我國家凡有詔冊下朝鮮例遣文臣近時間有遣中貴者中貴固不限以禮制文臣往者至遼陽輒留月餘集城中富家百餘人名爲伴送大集中國貨物出境求利遼

吳川集

貞 附錄卷上

七

在茲堂

陽東去七程至朝鮮境約千餘里無衛所城堡接遞率遼陽軍卒力送至彼貨多者役人動幾萬數力弱者各出貲募東山土民代之七程之地與賊境連接坐調各邊騎卒數千護送沿途糧料預運以給抵鴨綠江東館于儀鳳驛其役送之人咸有犒勞廩餼而歸貨物皆彼國人領至漢城尚有四十餘驛勞費供頓亦如之此皆習于故弊不以爲非間有貪鄙者私以物遺其國王異獲倍利此則見誚于彼而君命斯辱矣公受命而往惟一函詔一篋衣遼陽守臣如故

事具供張集夫力以俟其富家奔走集貨資緣求往
者紛然公悉拒絕留信宿卽行護送百十騎而已朝
鮮接待陪臣供張宴物如前皆不納唯食常廩至國
中雖禮餽物一無所受遼人謂公是行也以常例論
之公私所費何啻十數萬鎰而皆免矣况朝鮮滅費
之惠豈不同邪公之清介匪獨不辱君命而實惠及
多方霽非太史氏之筆姑紀其實以俟採擇并以告
未能詳知公者幸恕其龕鄙無文也成化十二年龍
集丙申秋七月朔日賜進士中順大夫直隸蘇州府

葉川集

貞

附錄卷上

十八

在茲堂

知府草堂歸客丘霽識

考績還江西贈行詩序

孔子之論士曰行已有耻使於四方不辱君命而所
謂孝弟信果者皆次焉夫人豈不具一行之爲美哉
謂其內外兼本末備者之爲尚也然必能無愧乎其
身而後能不辱於國故孟子曰人有不爲也而後可
以有爲以此考士其有失焉者寡矣廣東祁君致和
爲戶部郎中時奉使朝鮮將出境戒飭部從盡褫其
私橐不令與外國交利凡其國有所餽餼例所常得

者皆屏弗用朝鮮君臣竦慕風采至梓其詩賦以傳
一時清聞籍籍起郎署歸無何擢江西左叅政居江
西三年按諸道理庶政其號令條目予未悉知至於
律身奉職不替于舊則予知之矣比者以考績上吏
部考其清慎舉職請于上而還之議者皆嘉君之績
而信考覈之得其道也夫考課之典所以黜幽陟明
故必先行檢而後才力又於其全與偏者而等之及
其弊也屑屑乎簿書文字之粗甚者則貌稽言聽而
不求其實於是而毀譽之黜陟之小則差大則倍有
不可勝言者矣君之才行無愧乎所謂士而遷官最

葉川集

貞

附錄卷上

十九

在茲堂

績皆有所徵而爲之者豈特簿書文字之間哉若是
者謂得其道乎否也夫士之行恒難乎終而考績者
必要其久則君之自處豈徒不至愧身辱君亦將不
負於士論也夫同朝大夫士賦詩以贈君還而君舊
僚邵君文敬屬予序予嘗在省試與君並命知君之
賢不待於奉使時也於是乎書成化辛丑九月旣望
賜進士翰林院待講經筵官兼脩國史長沙李東陽

序

祭文

南昌張元禎

嗚呼吳川可蒸爲層雲以上天萬物澤焉可漚爲浴
日之虞淵萬物距焉夫何流方奔駛而遽湮于斷岸
氣方滿盈而遽蕩爲飛烟嗚呼吳川

又

林同

左布政 林泮 右叅政

林璧

右布政 宋端儀 僉事

嗚呼士之處世溫厚有餘者剛毅或不足初節顯著
者末路或無光公自尚書郎使漲海萬里外其清譽
既已有聞及擢叅江右大藩循良之政方流行于州

渠川集

貞

附錄卷上

三

在茲堂

邑值中途之險巖遂謫守於邊徼惟公持行益堅不
改其舊用能再入藩司旬宣西北俄而連長江閩所
至大著各績識者謂公剛柔兼濟終始一節且將荐
歷卿相以經綸於朝寧以福澤於四方而天不憖遺
竟抱長材以沒世此同等所以痛悼而涕洟非直閩
海之私情實乃天下之公議也遠日且至謹遣承差
往致瓣香之誠尚饗

又

陸珩 按察使

吳瓊 李澄 張璉 副使

郭秉昭 茹欽 沈銳

沈清 蘇葵 黃珙 僉事

於平公允卓舉嶺海之英入仕三紀亦國老成始居
戶曹明明廩帑群僚推先一人懋賞時則內事既治
將命外夷忠敬不弛清白曷疵外夷之人敬而憚之
咸曰天使在古幾希及還受擢出叅大藩民服民懷
信有經綸道不常亨時睽身屯遠守石阡惠政彰聞
乃復舊官乃陟方伯由閩入洪心愈精白顧茲屏翰
未究公德僉擬台鼎期贊皇極祁奚不逢援乏知己

渠川集

貞

附錄卷上

三

在茲堂

枉尺直尋又公之耻持方入圓不遇而止匪德之齋
乃數之否雖然方伯之位不爲小矣公之文行亦掄
揚矣公之事業亦建明矣公之忠赤亦殫摠矣公之
節操亦完美矣箕裘有子公不死矣爵不上卿不必
計矣嗚呼宦途萍迹久辱公知雖達人知命而死生
之不足悲奈何喪車就道雲咽風淒回思故情曷能
已而况友道之合敦誰夷行之甘施謹陳薄奠有淚
漣漣公其不昧少鑒于茲

朝鮮詩文

使還贈行詩

河東鄭麟趾領議政府事

皇明受命撫萬國聖聖相承開壽域箕封邇處東海
側沐浴天恩世述職帝念震索有龍德廼建青宮貽
燕翼使介東臨從北極君臣出郊迎詔勅宸章一札
煥奎壁彩白爛吐雲霞色聖澤汪洋沾動植萬姓歡
呼如有得天威違顏去咫尺况復周旋動合則鼓瑟
吹簧樂無斁承筐展禮儀抑抑冰壺貯月出萬壑世
上斯人今始識尊德樂義忘寢食欣覩斯文如日月
躬禮先聖探孔壁咳唾珠璣盈萬斛鰕生鄙吝填胃
粟川集貞附錄卷上 主 在茲堂

臆舉首皇華謾加額

又

蓬原鄭昌孫領議政府事

日照中天少海清鳳卿丹詔下瑤京窮源豈是張騫
節專對無論季子行雪映高標梅竹瘦風生彩筆鬼
神驚歸朝若問東韓事民物謳歌屬太平

又

西河任士洪承旨

天衢一夜燦前星太史占祥億萬齡雙鳳遠飛傳聖
詔三韓共喜近皇靈標高玉立風前樹詩驛轟奔筆
下霆從此東人望陶冶好收功業上丹青

又

達城徐居正議政府參贊

青青官柳綠如苔三疊陽關一酒盃馬自蒲雲天上
去鳳曾御詔日邊來浮雲聚散傷心事流水光陰瞥
眼催一望燕山四千里相思莫上最高臺

朝鮮國刻皇華集序

王道興雅頌作而致治之跡有可得而考矣在昔成
周之盛如大明皇矣棧櫟旱麓之詩皆足以鋪張盛
美以新一代之制作然置官採詩雖以槍曹之微亦
得列於國風之末詩之不可廢也如是况詩者本乎
興川集貞附錄卷上 主 在茲堂

性情之真發於咨嗟詠嘆之餘間有上勞下下頌上
關於世教合乎風雅之正者則大雅君子尤有所取
之皇明馭宇薄海內外罔不臣妾我朝鮮世被聲教
詩書禮樂有古文獻之風聖天子誕膺天命光登寶
位茲者冊立皇儲示天下端本乃遣戶部郎中祁公
順行人司左司副張公瑾來使我邦兩先生皆以溫
柔敦厚之資雄偉豪傑之才周旋使事從容其度其
暇日則陟降原隰周覽景物凡山川地理民風國俗
觸於目諷於口牢籠殆盡鏗乎墳簞之迭奏憂乎金

石之相宜雄篇傑作愈出愈多其所以觀風察俗之意蔚然於其間居正奉王命爲遠接使迎送于鴨江陪侍杖履蓋浹四旬其於酬唱亦獲聞緒餘吁幸矣哉先生之還我殿下欲壽詩不朽命書局刊印以後其行居正竊念詩三百篇古也四牡皇華皆遣使臣而作其詩曰王事靡盬不遑啓處又曰載馳載驅周爰咨諏夫受天子之命駕四牡馳原隰常若不及則凡所以宜上德而達下情詢咨諏度者宜無所不盡其心此皇華大夫之所以爲賢而周雅之所以爲盛

東川集

附錄卷上

五

在茲堂

也先生之才之美卽周雅之大夫其詩卽四牡皇華之遺響是豈可不列於皇明制作之班乎先生之還其以是篇獻諸天子播之絃誦以續夫周雅之正則我國雖小有古箕子存神之妙其所採錄亦必不後於檜曹者矣抑因此聖天子不鄙夷遠人之大度我殿下畏天事大之至誠先生得使臣之體吾東韓風化漸漬之深者亦皆掄揚金石鏗鏘振耀於無窮矣何幸得見大雅之復於今日乎成化十二年龍集丙申仲春下浣崇政大夫行議政府左叅贊兼藝文館

大提覺知成均館春秋館事達城徐居正剛中謹啟
使還贈行序

天無私覆故衆曜照焉地無私載故庶物蕃焉王者無私政故萬邦莫焉蓋聖人以中國爲一人以四海爲一家則其以天地之無私覆無私載而譬聖人無外之治者豈爲過哉欽惟皇帝陛下誕膺景命嗣大曆服七緯順軌九圍泰和越紀元之十有一年冬旣建太子正位東宮詔天下咸與同慶于時戶部祁公特預廷選奉使于我我殿下感天威之咫尺喜公之

東川集

附錄卷上

五

在茲堂

禮意敦至益敬益懼以行迓待之禮以仰承其明命逮使事旣完公又急於返命欲以治駕殿下請留再三公固不可於是東朝儒冠之士咸執簡抒其情素形諸韻語以寓敬慕於公之意屬予爲序以弁其首余惟吾東方在於荒服之外山川道里之遼邈舟車人物之不通然自殷大師受封以來洛書之學九疇之治千載之下遺風蔚然遂爲海外鄒魯之邦自我皇明帝天下幅員之廣亘古無比際天極地悉爲臣妾皇帝陛下臨下之簡字小之仁卓冠百王嘉我殿

下益謹侯度罔敢或愆事大之誠愈久不替優加寵
賚眷遇彌至以四方萬國之多而首先來錫休命其
同仁之化罔有內外是則天無私覆而萬物無不仰
地無私載而萬物無不育王者無私政而萬邦無不
治者也抑聞天道不言而品物亨歲功成者四時之
佐五行之吏宣其氣矣王者無爲而萬邦寧兆民叙
者三公論道六卿分職張其教矣今公之奉使也氣
粹而容和言溫而行度又侈之以詩書六藝之文凡
有目其貌接其人莫不愛慕尊親之無已我國之士
果川集 附錄卷上 在茲堂

益有以見中國之風采而興起焉夫以天子深居九
重之上其崇嚴遠穆不啻如天地之高深其彌淪政
教則不過曰三公六卿而已矣其布宣德意以發揚
帝德之輝則不過曰行人使命而已矣然則皇帝陛下
卽天地覆載之無私而公之奉使未始不爲四時
五行之吏而有以達天地無私之德也或曰子爲送
公而終始以天地爲言何也余曰孟子不曰樂天者
大之所以事小畏天者小之所以事大者乎公而不
以余言爲贅而誌之則庶不負皇上命使之旨亦不

失我殿下敷奏之勤也是歲春下漸輔國崇祿大夫
領中樞府事金守溫謹序 按本省通誌及郡邑誌公
皆列于名宦府邑儒孝祀公于鄉賢祠南昌
通誌公皆列于名宦府邑儒孝祀公于鄉賢祠南昌
石阡二郡儒孝皆祀公于名宦祠謹附誌于此

吳川祁先生文集附錄卷上終

集 附錄卷上

在茲堂

吳川祁先生文集附錄卷下

七世孫文友重刻

附貞庵詩

貞庵諱順字思正吳川公之弟領成化甲午鄉薦

成化乙未予試南宮弗偶得請而歸朝之縉紳

贈詩三十章大兄郎中公卽韻賡和兄弟之情

見於言表佩服之餘因搜枯腸勉強輟和不敢

言詩用志不忘之意耳 今錄五首

南北迢迢音信稀束書遙自帝城歸心防蹊徑有通

塞道在鳶魚同躍飛孤館此時甘落莫九重何日得

吳川集

貞附錄卷下

一 在茲堂

瞻依平生素有忠君志願罄絲毫補舜衣

未將環珮玉階鳴回首鄉關計舊程寶劒尚存光烟

氣酒盃難盡別離情數莖白髮驚吟苦一路青春作

伴行最是月明清夜永相思愁重夢難成

封章敷奏謝儒官榮壽堂前擬問安素念恐虧人子

職此身非厭廣文寒雲山入望鄉懷切風雨生凉客

袂單兩地茫茫天萬里思兄何處托飛翰

都城春老柳風寒握手河橋去住難越微煙波愁裏

望燕臺山色醉中看昌黎勤苦終登第東野蹉跎晚

得官惟有別離心獨苦海雲山月共漫漫

少年學力肯乖違孟氏辛勤爲斷機道德在人非外

物聖賢於我可同歸傳家麟史應無恙出匣龍泉尚

有輝待得搏風雙翮健九重天上擬齊飛

附惟學詩友

惟學諱敏吳川公之子登弘治壬戌進士仕至戶部郎中行實詳載省部等誌

壽金臺段翁八十

段翁八十鬢猶綠遠到期願可豫卜青山不老海籌

添蟠桃花開春酒熟我聞五福壽爲先貴雖萬乘尊

高年古來黃耆號積瑞不必蓬萊斯卽仙神仙尚不

吳川集

貞附錄卷下

二 在茲堂

如翁樂賢子雲霄看鳳躍達膝斑斕真足歡滿堂金

玉亦奚若人生貴在逢良辰多壽皆由氣化醇非遇

盛時焉得此問翁何以荅堯仁

碧溪爲袁廷玉作

二頃不須求負郭腰纏徒慕上昇鶴溪山堪愛遠市

朝軒冕何嘗似閑樂碧溪聞說絕塵喧隱君賢與誰

人肩蘆花兩岸一煙艇風月滿懷詩百篇潮生輞川

綠滄漾雲捲蓬瀛景千狀煙波釣徒絕瀟洒江湖散

人最高尚溪流不盡樂無窮長笑長歌春復冬俗慮

我慙無處滌可能容訪濯清風

丙辰會試下第

年年辛苦理蠶桑月老無憑尚洞房不識鄰家新嫁女拜翁還着甚衣裳

送譚生文佐

講席勞君半載留西風又促廣寒遊斯文情重殊難別滿臆蕭條不爲秋

爲念高堂遠去程一江明月照離情久淹吾館功何有曠汝三春愛日誠

吳川集

附錄卷下

三

在茲堂

停棹傾懷話到真何時燈火復相親天衢認得雲頭是去去逢人再問津

賦侍御劉克溫慶壽卷

壽筵正奏鶴南飛戲綵人從帝側歸此樂莫云容易得北山非不憶庭闈

贈傅平令守城有功

救得生靈百里安當城誓死見忠肝殊勲不用層崖刻千古吾詩作史看

贈同年鍾大韶宰崇安

一琴一鶴赴崇安政暇鳴琴鶴振翰勿謂大才非百里廟堂多是舊郎官

饋杏

杏熟人家相送新借西鄰饋饋東鄰燕山粵海八千里佳果無由遠寄親

送羅應宿任懷安掌教

他年鳳池客暫爾乙科拘才器從君用行藏與道俱古來崇教化今日重師儒莫道官居冷清閑好著書

送李副郎士達終養

吳川集

附錄卷下

四

在茲堂

一疏爲高堂非緣松菊荒白雲窮望眼秋色照歸裝暫束新袍笏仍娛舊綵裳金門非忍別事主日猶長

新春試筆和蘇亞夫韻

陽和初暖雪猶深詩在溪山策杖尋歲月任添潘老髮春情都寄伯牙音肯因蕉鹿生閑夢長惜鶯花伴笑吟進亦不求歸亦好行藏天定豈容心

送段惟勤擢福建憲僉

宦途邂逅十年來莫惜離情但酒盃誰謂乾坤能雨止須添我輩乃三才愧無白雪相持贈欲借春霞細

剪裁此到閩南詩景好東風開遍嶺頭梅

冬至述懷和邵二泉都憲韻

年年佳節客中過非不思鄉奈遠何陽道亦知今日
復宦情不似少年多湖山有約名猶繫歲月無情髮
易皤安得歸閑無一事日將詩酒養天和

新春郊行和韻

臘去餘寒猶不堪東風羸馬踏晴嵐雪開遠漢峯千
百春漏疎林花兩三眼底物華頻觸興隔年詩債尚
留懸浮名歲歲長安道何日歸期馬首南

吳川集 貞 附錄卷下

五 在茲堂

送鍾大韶歸省

十年郎署美清才此日寧親特暫回封誥輝增仙老
髮綵衣光照画堂杯從來子不於臣異粵古忠惟自
孝推恨我未能同棹去明朝獨上望鄉臺

辛未除夕和成地官汝從韻

北風除夕倍思鄉幾點寒梅趂雪粧殘夜客懷將盡
瘦新春慈髮又添長昔途如夢今方寤少日偷閑老
始忙毛橄萊斑誰竟好歲徂未解解銅章

壬申元旦和林地官廷元韻

東風初動雪將殘過眼年華指一彈臘去尚留詩債
在春來莫放酒盃乾老侵潘鬢慵看鏡悵愧湯銘欲
刻盤千里羅浮成久別梅花十載對長安

客中春望用林廷元韻

燕臺南望欲沾巾萬里青霄一客身滿眼飛雲何處
嶺數枝新柳異鄉春才名自愧居人後歲月那堪到
鬢頻情繞家山歸未得年年杯酒負花辰

春郊送客次韻

人自忙忙日自頻浮生幾箇是開身青山別眼曾經
吳川集 貞 附錄卷下

六 在茲堂

歲小雨侵晴又浹辰近關誰家先得日無梅旅邸不
知春今朝送友溪橋外野色風吹上客巾

東曹夜直

壬申歲四月時山東寇正猖獗

漏靜雲河斗半斜卧看槐影上窓紗身耽吏責無安
夢玉比行藏慎小瑕良夜無詩空負月老年有恨不
因花戎塵未靖魚書阻最是關情國與家

題竹坡別號

萬竿翠色自淇分滿徑清陰淨不塵見竹便知非俗
士過門不用問何人虚心只管閑風月有斐思齊古

縉紳我亦素憐高節好百金寧惜買爲鄰

遊鳳臺和閩人何元量韻

層臺千仞壓南城此日遊觀天氣明真境自來殊俗
境秋晴元不減春晴浮雲出沒渾無迹飛鶴循環似
有情借問仙翁何處去願求丹藥活蒼生

送談州判之任濮州

異鄉萍水喜相逢榮拜除書馬又東吾道正遭乾運
泰秋光爭似宦情濃百鈞肩擔民兼物兩字官箴愛
與忠最喜濮城天咫尺賢聲容易達宸聰

渠川集

貞

附錄卷下

七

在茲堂

寫懷

纔過殘冬又早春一時要路草成茵無窮學業深慙
我有限年光不待人兩字功名妨綠戲半生詩酒污
天真粵江千里飛雲遠日夜思歸不爲尊

新秋

新秋草木未曾知先覺蕭條到客帷杜老多愁惟對
酒沈郎自瘦不緣詩彌縫袞黼非無志歸戲斑斕未
有期百事因循空抱愧秋霜未許上吟髭

不遇賞花有感

自愧行藏半俗埃遇吟逢笑亦難哉幾當睡去月終
好恰正忙時花却開種種惱皆隨事至頻頻客不爲
詩來一觴一詠羅浮下何日天教遂此懷

病起作

浮名鬱鬱向誰論去去年光不可援踈懶未能詩債
了病貧惟有藥囊存人當老景難逢笑花對他鄉易
斷覓無奈俗塵何處滌清風涼月憶淇園

懷鄉已諸老

非緣松菊憶鄉關念念親朋半髮斑千里夢魂勞月
夜十年音問隔湖山乾坤莫放諸翁老世道今當拙
子還花下唱酬將有日春風先爲掃詩壇

渠川集

貞

附錄卷下

八

在茲堂

早朝

太平春曉九重歡萬戶弘開宇宙寬金燭光騰青瑣
外玉簫聲徹紫雲端動搖旗羽看龍影拜列衣冠觀
鳳輪雙袖朝歸猶馥馥天風分得御爐檀

竹翁別號爲殷舉人乃尊題

此老冰襟似此君共持寒操傲乾坤飛塵不到王猷
楊煙色時封蔣詡門一徑清風醒俗夢千竿涼月洗

詩蒐鳳雛又喜青雲遠白髮無妨日對樽

感秋

兩字功名未解休西風添得鬢邊愁白雲紅葉他山
景落日寒笳何處樓菊老未能携友賞燕歸擬欲作
詩留小齋簾捲青山雨誰伴清吟過此秋

再用前韻

木落寒蟬鳴不休風聲吹送客窓愁有懷邀月誰將
酒無處看山欲借樓年矢不堪催我老名關却解使
人留簿書清署忙終日花未曾看過了秋

吳川集

附錄卷下

九

在茲堂

和邵侍郎祝慈壽韻

百福天歸作善家年年甘雨潤萱花鳳卿封誥來雲
表仙進蟠桃自漢涯萬里班衣恒愛日千秋金女伴
棲霞未須問倚思烏哺川濟今方仗巨槎

和林正郎廷元壽母詩

白雲遠思寫新春爲念萱堂又壽辰軻母教惟先致
主毛生仕不爲榮身近天尚擬恩沾潤愛日因驚歲
去頻我亦與君同此念非輕萊綵重朝巾

春日寫懷用韻

笑飲百歲幾良辰十載長安馬足頻自畏恒如天
我無慚惟有影知身客中風雨空消鬢何處滄浪可
濯巾空貯詩筒忙又懶鶯花誰領上林春

海溪詩序

天下花之可人者莫梅若也梅之所宜者莫溪若也
梅清矣梅而溪焉則清之至也先儒謂梅爲花之儒
者非清修之士孰能處梅於溪處我於溪梅間哉吾
東莞黎君孔顥性酷愛梅嘗事舉子業不第遂隱于
邑東之溪濱結茅數椽植梅百株日遊詠其間乃自
吳川集

附錄卷下

十

在茲堂

號曰梅溪夫溪之著者莫若柳之愚元之浩然不遇
平梅也梅之盛者莫若大庾之崖羅浮之村然不遇
平溪也溪梅之兼惟孤山水濱爾惟處士和靖得梅
水之趣今又於孔顥見焉予忝與孔顥親嘗往訪之
見其溪林間森然洒然幽且靜焉水流花開風和日
熙無飛塵到有幽鳥啼其趣無邊其樂亦無窮孔顥
其何有得於此乎蓋其胸次洒落深契乎梅之幽獨
閑靜之趣歲寒清白之操故能優游乎歲月而浩浩
乎天地間也是孔顥者可謂清修之士矣予官戶部

一日會同部林君廷元輩共談居官之勞與想林泉之樂予因道孔顒梅溪中之趣諸君慨然曰嶺之南其有此勝景乎和靜後其乃有若人乎遂因予而各爲孔顒賦一律然孔顒惟甘晦衡茅初非欲見知於諸縉紳亦猶梅惟甘於寂寞之鄉初不意見知於和靜見識於孔顒也豈非以梅之風致之佳孔顒隱行之高其有不容於自泯者邪予次諸律成一帙寄孔顒因僭序于其端諸律恐亦或有未盡梅溪之旨者吾邑士君子凡知孔顒者其於是帙必尚有以續其

東川集

貞附錄卷下

十一

在茲堂

響而廣其意也

澹軒詩序

予邑羅宗敬號澹軒隱居于黎村喬木脩竹連陰數里田沼園圃甲于一鄉實豪富之族也士君子知宗敬者咸爲賦澹軒詩予從兄蘭窓與之友善因屬予爲序以贈之予謂澹也者豈易言哉非所存之恬靜所守之清白處物之忘機者不足以堪之也抑不問宗敬之於世也何如蘭窓復予曰宗敬爲人名不求利不趨惟好讀古人書暇則披林聽鳥臨池觀魚此

其心之如水而與子之所謂恬靜者不殊也家雖饒裕而沈石漱流夏一葛冬一裘不尚文繡不貴珍羞此其行已之敦素而與子之所謂清白者相侔也若親朋至則摘花泛酒對酌東籬或論文或詠詩一醉而莫知賓主誰此又其接物之坦率非卽子之所謂忘機者邪予起敬曰信如兄言則宗敬不可小也予嘗聞之鄭衛之聲淫而大雅則澹珍異之味奇而大美則淡流俗之習侈而清修之士則澹蓋清修之士重乎內而輕乎外故能超於俗物之表而逍遙於天

吳川集

貞附錄卷下

十一

在茲堂

地之間也宗敬之存心行已接物如此誠無愧於澹矣不謂清修之士其可乎雖然澹不徒澹而澹之中自有深長之味存焉猶衣錦尚絺之襲於外者雖澹而錦之美在中者則不可掩也故曰君子之道澹而不厭宗敬由此而克之則進而爲君子也孰禦哉是用序之使凡讀者有以知宗敬之非苟然者也

附惟勤詩

惟勤諱孜號東濱吳川公之子領正德庚午鄉薦

揚子江舟中同湛甘泉先生對酌

兩岸垂筇菰中流一葉舟無邊光景好渾似粵江秋

附惟舉詩

惟舉諱政吳川公之子領正德丙子鄉薦

春日懷宗韶哲卿

感陽和之布德兮忽溥宇而皆春今日何日兮幸亦
遇此芳辰芳辰可樂兮不可言庭草交翠兮風景無
邊恐流光之易失兮嘆歲月之不我延聊興言以登
眺今于以攬衆芳之鮮妍爰有鳥兮鵲鵲載飛載鳴
兮嚶嚶出幽遷喬兮求其曹嗟予悵獨處此兮誰與
遊遨懷親朋而不見兮延望於四郭東郊東郊西
郭今有美其人珩璜眉宇兮嘉懷孔珙願言思之兮
梁川集貞附錄卷下又三在茲堂

將寄幽思於停雲

春草圖爲陸希旦題

淑氣蕩寰宇衆芳咸悅懌芃芃草數莖潑潑生意適
堦前弄陽和中虛含太極惟彼達觀人覽之良有得
默契玄化機妙感時兩力新知日以長舊累脫然釋
歲序有更遷此心元不易載言圖其真永永保終吉
送河源古朝顯諸友東還

河源諸俊艾邂逅曾與遊斯文情分淡豈但膠漆段

羊城分手後倏矣歲五周懷人不可見使我增離憂
今晨復何晨得遇李郭舟濟濟二三士繫纜北城隈
歡然共傾蓋夙願良已酬呼童剪春韭聊永信宿謀
云何棄我去能不爲少留後會當何時還此問津不
中流一長眺目斷海天鷗

題尹演溪榮壽卷

城西有遺老宛在水之濱水濱清且淺春波碧粼粼
借問茲何溪云是講武津國家嚴武備車馬時來陳
謹聲動天地干戟驅風塵先生閉門居寂若耳不聞
梁川集貞附錄卷下古在茲堂

窮年事探討唯以樂吾真翛然北窓下自覺有餘春
閑心逐流水浩氣摩秋旻親朋日相遇斗酒共論文
酣歌發高興一醉忘主賓詩成載揮翰錯落生煙雲
胸中有兵甲推轂是何人馮唐今老矣呂尚何時伸
雙眉覆方瞳鬚髮爛如銀達尊世所重天道良福仁
康強八十餘笑領一命新烏紗耀閭里歡會洽比鄰
子孫羅當前彩服舞繽紛嗟予有遠行未能慶芳辰
京畿試佇目當見駕蒲輪

送譚友文佐鄉試

君不見南山有玄豹澤彼山中霧毛質日以變文章
日以露又不見九臯有胎禽戛然鳴于陰青天何寥
廓清聲能上聞高明譚友真磊落南山豹今九臯鶴
文章爛爛聲琅琅吳川暫此藏頭角朝廷網羅英物
今有期豹今鶴今應見羈青氈共坐未及暖堪嘆江
頭又別離別亦不足惜離亦不足愁佇看文彩驚人
目更播高聲遍九州

嶺南春色爲林司訓之子題

嶺南春色無涯涘紅紅紫紫紛紛是崇蘭丹桂總芬
芳

張川集 貞 附錄卷下

主 在茲堂

芳穠李天桃競妍美風景融和萬物新江山佳麗不
生塵羅浮正與東甌接咫尺天南是劔津青春公子
儒林秀負笈來遊自閩右彩衣戲罷覽芳華挹得天
香盈兩袖客邸相逢能幾時悠悠又動故園思與君
莫惜臨河別上苑看花更有期

題衛松崖號

寶安山水最清勝旗嶺蓮峰相掩映茶山正在東南
境中天突兀画屏開喬林偃蹇成徂徠誰遣造化巧
安排晴嵐淨挹巖前碧春雨浮空翠欲滴何人爲鼓

湘靈瑟江湖散人衛孔交誅茅小築山之坳幽栖真
欲希由巢久要貞操期終始崇朝嘯傲丹青裡欣然
自謂松崖子憶予少年西度太行山危巔矗入白雲
間蒼松倒掛掛虬龍蟠又嘗東泛武夷水松風沿澗奏
清吹懸崖壁立萬仞平如砥登臨已是廿載前至今
魂夢長相牽何時更駕雙鳬到彼再盤旋松崖松崖
在何處我欲乘風從此去適我生平煙水趣

袁子裕請題秋江送別卷贈翟典幕之子往山陰

張川集 貞 附錄卷下

主 在茲堂

秋風滿江芙蓉芳秋高一鴈天邊翔江頭留別注離
觴金罍漱瀉瀉瓊漿新橙擘綠菊呈黃樽前醉舞樂
未央回船移動晚生涼中流擊楫遡澄光舉頭一望
江天長豪來清興起予狂狂歌激烈發清商明朝又
各天一方人生聚散信無常相思豈憚限河梁雪夜
還乘訪戴航

題增邑賴雪窓號

北風爭擣海白浪怒淘空萬里陰雲合玄冥匝地封
紛紛皓雪垂簷下玉宇瓊樓宛如画書齋靜透一窓

明此小肅然塵不惹箇中高卧義皇人滿床經史足
怡神誰云入夜寒侵骨常有胸中萬卷春

賦都門別意送經戶侯汝立襲職回

迢迢都門道菲菲御堤草長亭更短亭都是別離情
將門華胄經汝立妙年才調真難得青衿初拂泮芹
香行裝又作京華客京華旅邸幾月留形庭錫命承
天休箕裘克紹前人業思親又理南征舟清風颯颯
迎歸袂顧我情深挽無計揮毫強作贈行篇用寫都
門別離思

吳川集

附錄卷下

十七

在茲堂

題衛司直雙崗號

茶山有雙崗雙崗真卓犖老石高嗟呀遙岑互磅礴
兩峰相對青一塵不能着鶯花滿眼春禽鳥四時樂
我昔來遊茲和風扇林薄東西一登眺萬彙紛交錯
載歌盤谷章使我心緬邈人生貴適志肥遯殊不惡
吁嗟今雙崗之中今可以怡吾情雙崗之水今可以
濯吾纓吾將徜徉於雙崗今又何事乎浮名

玉溪爲重珪叔父題

迢迢玉溪水遶屋自縈紆中有玉溪翁結屋溪邊居

溪邊風致無邊好年年頓覺韶華早一帶玻璃潤衆
芳景物四時長不老江梅遞春信琪葩壓闌干荔子
夏成丹瓊漿濃齒寒秋風敲翠竹清韻響琅玕玄冬
催橘柚累累瑤玖堆林端溪翁對此樂未已時把長
竿釣遊鯉夜拘清流弄月明玉輪倒浸瓊波裏清晨
課兒讀書攻文章滿篇珠玉聲琅琅良時呼朋載酒
臨溪酌玉山頽處群仙樂舊聞藍田白壁多方之此
處當如何此翁懷玉還自重三獻應慙楚卞和

題蘭窓堂兄號

吳川集

附錄卷下

十八

在茲堂

鶴髮一仙翁荷蘭植數叢庭前氣芬郁窓外色龍葱
遶砌孫芽長盈軒生意融靈根天所畀絕品世無雙
九畹從來盛孤標獨擅雄衆芳萎白露一萼占西風
影瘦黃花並香清丹桂同時來明月照長有彩雲封
秋老枝愈勁霜濃味更豐自能堅晚節端不羨春穠
桃李今何在芙蓉空自紅當年委空谷今日近簾櫳
迢迢雕闌護霏微雨露重栽培真得地綽約易爲容
宜父無勞嘆騷人正喜逢高情共瀟酒馨德此陶鎔
永結同心契還思入室功凭闌謾三嗅清典託孤桐

南軒爲黎倉宰題

宦海驅馳老大回一軒今日向陽開
烏紗曾領虞庭奏猶愛薰風拂座來

暮春和栢軒叔韻

年光冉冉醉中過無計留春可奈何
暖日欲同沂水樂薰風將動舜庭歌
落花萬點墜紅雨流水一灣縈綠羅
欲過前溪遍遊覽問津何處覓漁蓑

題月峯兄號

層巒疊巘絕纖瑕喜見清光景倍嘉
天目山頭飄桂粟川集貞附錄卷下九在茲堂

子影娥池畔有蓮花東坡赤壁應同趣
陶令匡廬未足誇對此令人長仰止
好天良夜興無涯

九日登旗峯用杜牧之韻

西風動地黃雲飛征鴻幾點天際微
清秋共着高高步勝景留我遲遲歸
殘霞暗逐孤鷺急落日遙映層巒暉
翩然轉踏來時路沿澗黃花香襲衣

冬日遊大洞口

冬來隨處訪真源舟泊洞邊若箇村
入口謀生都捆席十家庭院九封門
音翻偈語聽難識酒市粘膠飲

易醺撫景不知歸路晚一鉤新月掛黃昏

又遊雙崗

乘閑又到雙崗遊步上雙崗崗上頭
海角直從天際杳虎頭常鎮水中流
漁人舉網翻銀鱸雅子藏機釣白鷗
目極煙波無限興恍如身世在瀛州

壽栢軒叔六句有一

南軒老栢常年茂東海蟠桃今日丹
滿眼兒孫供彩戲一堂賓客盡衣冠
酒傾玄露杯頻勸春滿華筵興未闌
屈指期頤應可待壽星高照五雲端

栗川集貞附錄卷下

二十

在茲堂

赴京會試清遠道中作

別却親闈萬里遊白雲飛處重回頭
幾朝歸思關心切五夜灘聲入夢流
一介也曾叨國寵寸心端欲答天休
來春共領看花會見說長安佳氣浮

登南安東山寺用前韻

南安放步一閑遊笑傲東山天際頭
雲影暗隨峰影合松聲細逐澗聲流
僧歸古刹常求定我咏風光肯暫休
遙望群仙在何所洞門深處翠烟浮

附惟允詩文

惟允諱敷別號崇野吳川公之子登正德丁丑進士仕至饒州府知府謫

葵川縣典 行實詳載省邑等誌所
著有家野餘閑藁十卷

恭和御製賜輔臣詩

維皇撫萬國立教惟君親爰當孟春日鳳駕出嚴宸
精禋格九廟顯相趨群臣禮樂既明備孝情一朝伸
載念翊贊功華袞褒忠純主遇實千載臣謨非一身
雲龍開景運川岳效祥珍太平有作述雅頌追生民
昭君

手抱琵琶出玉關邊城從此戰車閑將軍十萬橫磨
劍不及佳人一破顏

葵川集

貞 附錄卷下

壬

在茲堂

莫以恩私殺近臣留簪畫筆侍楓宸漢廷早貌商巖
叟不遣蛾眉屬虜塵

壬申遊蓮峰四詠

我愛山中好山泉徹底清懸崖筴斷續照影鑑空明
蠟屐尋源去風瓢帶月傾十年塵土夢一酌頓能醒

其二

我愛山中好山峰掃碧天躋攀情不厭俯仰興無違
目極輿圖外心遊物象先乘風欲高舉萬里看孤鶩

其三

我愛山中好山雲碧四垂往來閑弄影濃淡各含姿
出岫心何有爲霖衆所期遊人亦瀟洒相對兩忘機

其四

我愛山中好山翁不世情相逢無雜語一笑便忘形
細論田園樂開尋水石盟巖耕思結偶回首萬緣輕
送朱邑簿致政歸南安

政成方擬陟崇班遽掛朝冠指故山千計不如歸計
好百年須放晚年閑離筵醉爲賓僚集去舫遲因父
老攀丞相祠前霜月曉清風兩腋振衣還

葵川集

貞 附錄卷下

壬

在茲堂

同年方思源寓羊城以詩見寄依韻荅之

看花曾醉玉橋西紅日青霄路不迷下邑牛刀成小
試上林烏樹待全棲江樓賦罷蘋風起石鼎詩成桂
月低霖雨定孚吾黨望已看豪氣吐雲霓

感事

五畝溪園鎖綠陰紅塵何事恰相侵人生安得盡如
意世事但求無愧心却喜他山真有石休言同舍誤
持金重裘着罷春寒退靜掩書齋抱膝吟

都城八詠今錄四詠

奉天常朝

巖鼓疏鐘次第催翠華遙自九霄來鳳凰樓觀春雲
燦龍虎旌旗曙色回八采共瞻天表近萬幾親聽玉
音裁日高綺陌鳴珂散唱和誰真白雪才

南郊迎駕

聖主南郊禮百神上穹垂祐答精禋沙平萬騎回丹
仗日出千官候紫宸北極待頒成慶詔東風徐布禁
城春退朝聽得都人語白首重看禮樂新

皇陵陪祀

東川集 貞 附錄下

三

在茲堂

春風緩轡出郊坰縹緲晴巒入望青七聖宸遊隔人
世千秋陵寢衛祇靈中天雲霧疑仙仗午夜玄纁薦
德馨殘角疏燈歸路永龍蟠回首氣晶瑩

掖垣候牘

文書房閣倚晴空堦砌迢遙秘殿通書牘立移宮漏
永天章傳出禁雲濃重瞳明徹衡程表萬姓恩沾尺
牘中獻納獨慚無寸策昌期千載誤遭逢

濂溪延平二先生贊

孔孟而後語道學者以程朱爲稱首程子之

師曰濂溪周先生朱子之師曰延平李先生

愚誦其文考其行以揆其心之所存竊謂二

先生之學蓋有不約而合者焉濂溪以無欲

爲學聖之要家無餘財不求人知延平不爲

事物所勝不干仕進不治產業常時善形容

其氣象者一則曰晌次洒落如光風霽月一

則曰如水壺秋月嗚呼此非所謂先後若合

符節者與聖學之傳至二先生而有紹宜其

光啓程朱之業而澤流於無窮也敢叙而贊

東川集 貞 附錄卷下

酉

在茲堂

之日月高明海岳崇深豈繪畫所能摹倣

區區願學之心必形諸歌詠庶朝夕覽誦有

以自勵云爾贊曰

天啓文運光動奎纏元精下降篤生大賢濂溪延平

相望百年比迹揆衷無間後先外物可欲中局不遷

世務紛紜吾心靜專時仕而仕不辭冗員時止而止

荒山野田囊無餘資惠及顛連衡門雖庫廣居八埏

光風霽月昭融性天秋月水壺襟懷瑩然付授得人

益大厥傳六經重脩人文載宣我作贊詞扁于齋軒

明教在茲奉以周旋

贈經汝立序

國朝以詩書禮樂造士學校之設遍天下雖職闡衛
務韜畧者厥子若弟罔不游庠序服古訓迨效用于
時咸著厥績文教之用大矣哉吾邑經君汝立自其
先祖世爲南海衛鎮撫君未冠卽入邑庠游歌樞趨
溫然退遜無驕貴習謂非有得於學校之教不可也
正德十二年經氏職之弗繼若干年矣君以監學使
者蘭谿章公之命來京師夏官以聞遂拜鎮撫之職
吳川集 貞 附錄卷下 五 在茲堂

以歸論者莫不嘉君之善繼而喜其將以學於庠序
者施于時也昔趙衰舉卻縠爲中軍將其稱之有曰
穀說禮樂而敦詩書義之府也禮樂德之則也
夫戡亂奏功固惟弓劍是習趨勇是尚而必詩書禮
樂云者豈不以事上御戎非德義莫爲之本乎君旣
俊穎而且知學其於德義必當有聞茲效一職其肯
自同凡人而不思有以副國家作養之恩任使之意
哉今天子法祖立政文武並用實興武升之秀而策
試之四方來集者蓋彬彬焉吾鄉號海濱鄒魯衣纓

之曾薰蒸乎詩書禮樂之教無媿他郡獨未有褒然
應舉者夫事必積久而後盛後生可畏安知不在君
乎吾於是其有望焉耳矣君來告別序以勗之

耿庵記

鄉先生周君尚文名其讀書之室曰耿庵間造予言
曰以世好之不易吾願有請於子昔者吾先人扁厥
居曰翠庭子之先君實記其事蓋推原濂溪先生之
學所以該物理而達諸天命紹聖傳而惠及來學者
甚悉吾先人誦且繹焉周氏之不墜厥宗則微言是
吳川集 貞 附錄卷下 五 在茲堂

賴也茲吾以耿名庵未有闢其義以警吾衷者敢於
子也請予竊念周君於鄉邦爲前輩其進脩趣嚮宜
得鉅儒長者相與訂論顧以諉諸末學且周氏先學
之懿載在家乘先大夫實秉筆焉小子乃僭書于後
皆非分之所當得者於是辭謝再三而君之請弗置
也乃爲言曰聖賢之道大矣其所由入之途異古之
名齋者李氏以果蔡氏以節循其名踐其實於道皆
有得焉君之耿厥庵也豈徒然哉雖然耿之爲言介
也舉其要則一言足矣必欲引物連類旁援曲證雖

累千百言而未知所極也君安從聽之而安從踐之
無已則亦質諸濂溪先生之訓乎人稟陰陽之氣以
生氣有偏勝而剛柔分焉剛柔有純駁而善惡分焉
濂溪所謂剛善其目有五曰義曰直曰斷曰嚴毅曰
幹固皆耿之類也所謂剛惡其目有三曰猛曰隘曰
強梁皆耿之過也君尚慎擇乎哉剛柔雖皆未協于
中而剛於入道爲近譬之負百鈞之重涉萬里之遠
非嚴勁何以堪之故孔子論仁以剛爲首然擇之不
精而僅得彷彿則其爲惡有必然者可不慎與君尚
渠川集 附錄卷下 壬 在茲堂

善務脩而惡務去也哉予聞君生平寡合官漳南不
數稔以忤當道意致其事所謂耿者君實契之所謂
爲義爲直爲斷爲嚴毅爲幹固君性實近之誠因其
名踐其實求其所未至造於善也孰禦焉夫李氏之
果蔡氏之節亦爲之而已矣君曰善子爲我書之予
曰未也孟子謂柳下惠不以三公易其介則古今之
耿宜未有如惠者然夷考其行冲然坦夷渾乎無圭
角蓋其介有不可得而名之矣嗟乎此所以爲百世
之師與是又濂溪所謂自至其中者也天下之達道

者也君而進此耿且不必事而奚有於言君曰善吾
所不及

雜說

思之又思久當自明行之又行久當自熟存之又存
久當自定克之又克久當自無

士君子期不失此心而已進退榮辱有命存焉非我
所能計者且誠能不失此心則爲君子雖一命不沾
寧不樂邪倘失其心則爲鄙夫雖一歲九遷其能樂
邪然則進退榮辱非惟不能計亦不足計矣

渠川集 附錄卷下

壬 在茲堂

易處之事不可忽難處之事不可厭無事之時不可
肆

聖賢不必無過能改過而已矣聖賢不必久生能無
傷生而已矣

人之所以應乎物者進退疾徐自有一定之理而不
可參以私亦曰精求之而已矣人之所以得於天者
多寡厚薄自有一定之分而不容奪以私亦曰順受
之而已矣

義理有見則王公非貴布衣非賤萬鍾非富飲水非

貧胸中無所得一資半級便如天淵矣常須以此自
驗

離日用更無道離道更無學

富貴不足言功名餘事耳但得本心存此生無憾矣
風雲詠歌是堯舜氣象陋巷傳習乃禹稷事功彼以
勲業希古人者陋矣

身心無愧布衣亦貴子孫能勤數畝不貧
人每於得意時失了本心處順境者宜深念也

財不求餘官惟安命掃除邪欲全我真性

吳川集

附錄卷下

五

在茲堂

管寧揮金鄭氏埋錢後之人以身徇之哀哉

吳川祁先生文集後序

余昔紆體衡門耽志墳素漱翰藻之芳潤響龍虎之
麗則思以酌品前烈而竊跡餘微也間有示余者曰
夫文豈易言哉弇州寫韵非假絲竹之節翔鸞振綵
豈藉藻火之煥雖儀羽視心聲異軌嚶鳴與綢訓殊
致然其精機妙吐此豈人力哉情感而機宜神會而
天應道德流於肺本性靈效於體裁術業章于經緯
通心源之潛液而神理之自然也結繩代降典籍繼
軌雖技條分掇而大畧蓋可觀焉六經道義宗垂各
吳川集 後序 一 在茲堂

教語孟性命藪衛道術懿乎遐哉邈追矣嗣是以後
則周末尚變謫故類物疇列兢輟輟以好時好漢興
崇古雅故綿絡神思祖謨訓以經治體雖元本道德
要皆罕覲於聖途然棹鞅文林馳聲藝圃者則西京
惟著豈不以性靈渙發而術業輝流者哉夫斧藻之
麗必奪於素雕鏤之飾必害於璞英莖之紛必歎於
實故混堅白平山淵舌若鴟夷張翕呬之鋒其文綺
靡而不典乖理要而不可訓者倚夫之謬辨也騁耳
食構條騷藉口道德嗟然踏優孟之誦其文汗漫而

無統浮飾而不雅者俗士之華說也以性靈爲本以術業爲基儼然總道義涵菁華之秘於內偶然藝文理成要眇之論于外可以經物訓遠者賢哲之上業也因斯以談則文豈易言哉余嘗志其言而未有能也適丁巳而祁君僦以吳川先生集序請余覽之迺洒然曰嗟夫嗟夫不由向者之論而欲續餘爲文焉非完作也夫六朝起而文軌蕪因循至于明興海內更始皇風焱煽錫極之主標理道以示準耦時之士感熙化而復古龍蒸虎蔚蓋彬彬然可觀已先生以

吳川集

貞

後序

二

在茲堂

氣步驟視先生若一途轍然祁氏抵今有賢後卒能光大先志以流示罔極陳喬固豪雅而今遺佚有待鍾呂含聲則其肯然也悲夫偶儻奇偉之士其瓊敷玉藻欲以馳聲當世者非遇後有人焉烏能致遠哉余生晚又不能文然欣觀先生集而重嘉其後也庸書以俟正焉

嘉靖丁巳冬十一月既望後學袁炳頓首謹序

吳川集

貞

後序

三

在茲堂

2087388

3121.5
16a



ZW 21181800574584

異川集十六卷附錄二卷

浙江孫仰曾家藏本

明祁順撰順字致和興川其號也東莞人天順庚辰進士官至江西左布政使其集前載有韻之文次爲詩詞次爲散體末附張元正所作墓志賈宏所作墓表各爲一卷